

Acholi: Bible for 1 Jo korinti, 1 Jo tecalonika, 1 Lakana, 1 Petero, 1 Temeceo, 2 Jo korinti, 2 Jo tecalonika, 2 Lakana, 2 Petero, 2 Temeceo, 3 Lakana, Jo epeco, Jo galatia, Jo ibru, Jo kolocai, Jo pilipi, Jo roma, Juda, Lakana, Luka, Marako, Matayo, Niyabo, Pilemon, Tic pa lukwena, Tito, Yakobo

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.


Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matayo

1

¹Magi aye gubedo kwaro Yecu Kricito, Lakwar Daudi, lakwar Abraim. ²Abraim onywalo Icaka, Icaka onywalo Yakobo, Yakobo onywalo Juda ki omegine. ³ka don Juda ki Tamar gunywalo Perej ki Jera, ci Perej onywalo Kejeron, Kejeron onywalo Aram; ⁴Ci Aram onywalo Aminadab, Aminadab onywalo Nakucon, ka Nakucon onywalo Calmon; ⁵Calmon ki Rakab gunywalo Boaj, ci Boaj ki Ruth gunywalo Obed, ki Obed onywalo Yece; ⁶ka yece onywalo kabaka Daudi. Daudi ki dako pa Uria gunywalo Solomon. Daudi ki dako pa Uria gunywalo Solomon. ⁷Ci Solomon onywalo Rekoboam, Rekoboam onywalo Abija, Abija onywalo Aca; ⁸Aca onywalo Yekocapat, Yekocapat onywalo Joram, Joram onywalo Ujia. ⁹Ujia onywalo yocam, Yocam onywalo Akaj, Akaj onywalo Kejekia; ¹⁰Kejekia onywalo Manace, Manace onywalo Amoc, Amoc onywalo Yocia; ¹¹Yocia onywalo Yekonia ki omegine, i kare ma giterogi woko kwede i Babilon. ¹²Lacen ma onono don giterogi woko i Babilon, Yekonia onywalo Cealtiel, ci Cealtiel onywalo Jerubabel; ¹³Jerubabel onywalo Abiud, ka Abiud onywalo Eliakim, Eliakim onywalo Ajor; ¹⁴Ajor onywalo Jadok, Jadok onywalo Akim, Akim onywalo Eliud. ¹⁵Eluid onywalo Eleajar, Eleajar onywalo Matan, Matan onywalo Yakobo; ¹⁶Yakobo onywalo Yucepu cwar Maliam mubedo min Yecu ma gilwono Kricito-ni. ¹⁷Kit meno kwaro ducu ma yam ginywalogi cakke ki i kom Abraim o kwede i kom Daudi, ducu onono welgi romo apar wiye anwen, dok cakke ki i kom Daudi o wa i kare ma yam giterogi kwede i Babilon, onono romo kwaro apar wiye anwen, dok cakke i kare ma giterogi kwede i Babilon o kwede wa i kom Kricito romo kwaro apar wiye anwen. ¹⁸Man aye obedo kit ma yam ginywalo kwede Yecu Kricito. I kare ma minne Maliam Yucepu don ocunu oye, ma peya kingi orwatte, ginono ni Maliam tye ki ic pa Cwiny Malen. ¹⁹Cware Yucepu yam onono obedo dano ma kite atir, pe omite ni eket lewic i wi Maliam; ento onono mita ni eryem woko linlin i mun. ²⁰Ento i kare ma onono Yucepu pud tye ka lwodo lok meno ki i cwinye, cutcut lamalaika pa Rwot onen bote i wan lek, kun wacce ni, "Yucepu, lakwar Daudi, pe ilwor kwanyo Maliam me bedo dakoni, pien ic ma en tye kwede-ni obedo ic pa Cwiny Malen. ²¹En binywalo latin awobi, ibicako nyine Yecu, Pien bilaro dano ki i balgi." ²²Lok man ducu otimme wek lok pa Rwot ocobbe kakare kit macalo yam oloko i dog lunebi ni. ²³"Nen, nyako mo ma peya onoyo laco biyac, binywalo latin ma laco, gibicako nyine Emmanuel"--te lokke ni, Lubanja tye kwedwa". ²⁴I kare ma Yucepu oco ki i wan nino, otimo kit macalo lamalaika pa Rwot ocike kwede; okwanyo dakone otero bote, ²⁵ento pe obedo kwede, nio wan ma ginywalo latin, ci ocako nyine Yecu.

2 ¹Ka donj ginywalo Yecu i Beterekem ma i Judaya i kare me loc pa kabaka Kerode, nen, luryeko mogo ma gua yo tunj wokcej gubino i Jerucalem, kun gipenyi ni, ²“En latin ma ginywalo me bedo kabaka pa Lujudaya-ni tye kwene? Pien onono waneno lakalatwene yo tunj wokcej, ci man wabino ka wore.” ³I kare ma kabaka Kerode owinyo lok man, cwinye opoto matek, kadi wa jo Jerucalem bene ducu cwinyi opoto matek. ⁴Pi meno omiyo kabaka Kerode ocoko ajwagi madito ki lupwony-cik me rokgi ducu, ci openyogi ni, “Kricito mono gibinywalo kwene?” ⁵Jo-nu gudokke iye ni, “I Beterekem ma i Judaya, pien lanebi yam ocoyo ni, ⁶In Beterekem i lobo me Juda, in pe itidi twatwal ki i kin luloc me Juda; pien laloc bia ki i in, en aye ma biloyo jona jo Irael.” ⁷Ci Kerode olwono luryeko i munj, guniane kun gititte kare ma lakalatwe onen iye. ⁸Ka donj ocwalogi me cito i Jerucalem kun waco botgi ni, “Wuciti wupeny lok kom latin man maber kikore, ce ka wunoje ci wudwokka lok, wek an bene acit awore.” ⁹I kare ma donj guwinyo lok pa kabaka, gucito ki yogi ci guneno lakalatwe ma yam konj guneno yo tunj wokcej ca otelo nyimgi, obino ocun ki malo wa i kabedo ka ma onono latin-nu tye iye. ¹⁰Ka guneno lakalatwe meno, cwinyi obedo yom adada. ¹¹Ka gudonyo i ot, ci guneno latin kacel ki minne Maliam cutcut guryebbe piny guwore. Gugonyo yecgi ma onono tye iye lonyo madwonj, ci gumiye mot, jabu ki odok luban ki murra. ¹²Lacen Lubana ocikogi ni pe gudok cen ki negi bot Kerode, ci gudok tugi donj kun gilubo yo mukene. ¹³I kare ma luryeko gucito woko, ci lamalaika pa Rwot onen bot Yucepu i wanj lek kun wacci, “A malo, kwany latin ki minne, rinj ilar kwedgi Ejipt, ci wubed kunnu nio wanj ma awaco lok botwu, pien Kerode donj cok yenyi latin man wek enek woko.” ¹⁴Ci Yucepu oa malo okwanyo latin ki minne ki dyewor, ocito kwedgi i Ejipt; ¹⁵gubedo kunnu nio ka Kerode oto. Lok man otimme wek lok ma yam Rwot oloko ocobbe kakare, ma yam olok ki i dog lanebi ni, “Yam alwono Woda nia ki i Ejipt.” ¹⁶I kare ma Kerode donj onianj ni luryeko gutimo ryeko i kome, akemo omake matek twatwal, ci ocwalo dano guneko litino co woko ducu ki i Beterekem kacel ki i kabedo ducu murumo kenyo, cakke ki i kom litino me mwaka aryo dok kwede piny, kun poro ki kare ma yam luryeko guniane pire ca. ¹⁷Man omiyo lok ma yam lanebi Jeremia oloko ocobbe kakare ni, ¹⁸“Koko owinnye ki i Rama, kumo ki koko lyel; Lakeri onono kok pi litinone. Okwero woko ni pe myero gikwe cwinye, pien litinone donj gipe.” ¹⁹I kare ma donj onono Kerode oto woko, lamalaika pa Rwot onen bot Yucepu i wanj lek ki i Ejipt, kun wacce ni, ²⁰“A malo, kwany latin ki minne, ci idok kwedgi cen i lobo Irael, pien jo ma onono nene gimito neko latin-ni donj guto woko.” ²¹Ci Yucepu oa okwanyo latin ki minne odok kwedgi cen i lobo Irael. ²²Ento ka Yucepu owinyo ni Arkelao aye donj tye ka loc i Judaya ma ka wonne Kerode, omiyo lworu omake me dok kunnu; ento Lubana ocike i wanj lek omiyo owoto ocito i Galilaya. ²³En ocito obedo i ganj ma nyine Najaret, wek gin ma yam lunebi guloko ocobbe kakare ni, “Gibilwone ni Lanajaret.”

3¹ I kare meno Jon Labatija obino kun tito lok i tim me Judaya, ²kun wacci, “Wunuti, pien ker me polo don onyiko cok.” ³Pien man aye dano ma yam lanebi Icaya otito pire ni, “Dwan dano mo ma danje i tim ni, Wuger yo pa Rwot, wutir yone ocun atir.” ⁴Jon yam onono ruko bono yer kinaga, kun tweyo pyere ki del, onono camo bonyo ki moo kic ma i tim. ⁵Onono pol dano gia ki i Jerucalem, ki lobo Judaya ducu, ki lobo ducu ma tye cok ki Jordan, gimol gibino bote. ⁶Gituco balgi, ci en batijagi i kulu Jordan. ⁷Ento i kare ma en oneno Luparicayo ki Lucadukayo gibino kun gimito ni en ebatijagi, owaco botgi ni, “Wun litino twol ororo, ana ma owaco botwu ni myero wurin woko ki i akemo pa Lubana ma mito bino-ni? ⁸Don wuti gin ma nyuto ni wunut i kom balwu, ⁹pe dok wucak tamoni, ‘Watye ki kwarowa Abraim.’ Kon wunen awaco botwu ni, Lubana tye ki twero me miyo gwen magi olokke odok likwayo Abraim. ¹⁰Kombeddi don giketo laton woko i lwit yadi, yat acel acel ma pe nyak nyige mabeco, gitono gireto woko piny, ci gibolo woko i mac. ¹¹“An abitijawu ki pii pi nyuto ni don wunut woko i kom balwu, ento nat ma bino luba-ni tek kata woko; pe amyero me mako war tyene. En bibatijawu ki Cwiny Malen, dok ki mac bene. ¹²Oderone me pyeto bel tye i cine, en biyubo larone woko maber, ci koko kalle dilo i dero, ento cuje en biwano woko ki mac ma pe to.” ¹³Yecu oa ki i Galilaya obino bot Jon i dog kulu Jordan, wek Jon obatija en. ¹⁴Jon onono mito kwero woko, owaco bot Yecu ni, “Amito in aye ibatija an, ento in dok ibino bota ni an aye abatija in?” ¹⁵Ento Yecu odokke iye ni, “Wek kon don obed kumeno kombeddi, pien porre botwa me cobo gin ducu ma tye atir.” ci Jon oye lokke. ¹⁶I kare ma don gityeko batija Yecu, ci en okatti woko ki i pii oyotoyot; cutcut polo oyabbe, ci oneno Cwiny Malen pa Lubana ma bino kun lyanne piny macalo akuri, ci opye i kome. ¹⁷Ci dwan ocako winnye ma a ki i polo ma wacci, “Man aye Woda ma amare, ma cwinya yom i kome.”

¹Cutcut Cwiny Malen otero Yecu wa i tim wek Catan obite. ²Ci Yecu ori kec nino pyeranwen dyecen ki dyewor, ka lacen kec ocako neke. ³Labit dano obino ci owacce ni, “Ka in i Wod pa Lubana, wac ki godi magi gulokke gudok kwon.” ⁴Ento Yecu odok iye ni, “Yam gicoyo ni, ‘Dano pe bibedo kwo ki kwon keken, ento bedo kwo ki lok ducu ma a ki i dog Lubana.’” ⁵Catan dok otere i gan malen, ci ocibe ocun i wi labila ot pa Lubana, ⁶ci owacce ni, “Ka in i Wod pa Lubana. kon ia ki malo kun ipoto piny pien yam bene gicoyo ni, ‘En biciko lumalaikane piri,’ dok bene ni, ‘Gibijoli ki cingi, wek pe iyok tyeni i kom got.’” ⁷Yecu dok ogamo doge owacci, “Yam bene gicoyo ni, ‘Pe iom i Rwot Lubanani.’” ⁸Catan dok otere malo i wi got mabor adada, ci onyutte ker ducu ma i wi lobo ki deyogi ducu. ⁹Ci Catan owacce ni, “Magi ducu abimiyo boti, ka iryebbe iwora.” ¹⁰Ci Yecu owacce ni, “Nyik icit cen, Catan, pien yam gicoyo ni, Wor Rwot Lubanani, dok bene iti pire keken.” ¹¹Cutcut Catan oweke, ci lumalaika gubino gukonye. ¹²Cutcut ka Yecu owinyo ni gimako Jon gitweyo woko i mabuc, oa obino i Galilaya; ¹³oweko Najaret, ci ocito obedo i Kapernaum ma tye i dog nam, i lobo Jabulon ki Naputali. ¹⁴Wek lok ma yam lanebi Icaya oloko ocobbe kakare ni, ¹⁵“Lobo Jabulon ki lobo Naputali, yo tun i nam, loka Jordan, Galilaya pa Lurok. ¹⁶Jo ma yam gibedo i piny macol don guneno dero cen madit, jo ma yam gibedo i lobo ki i tipo me to, cen don otuc woko omenyogi.” ¹⁷Cakke i kare men Yecu ocako tito lok kun wacci, “Wunuti, pien ker me polo don onyiko cok.” ¹⁸I kare ma Yecu obedo ka wot kun rabo dog nam Galilaya, ci oneno omego aryo, Cimon ma gilwonjo Petero ki ominne Anderiya, ka gitye ka bolo obwo recgi i nam; pien ononjo gin lumak-rec. ¹⁹Ci olwonogi ni, “Wubin wulub kora, ci an abimiyo wudoko lumak dano.” ²⁰Ci cutcut gutugi weko obwogi, gulubo kore. ²¹Ka dok owoto anyim manok, ci oneno omego mukene aryo, Yakobo ki ominne Jon, gin awobe pa Jebedayo, ma ononjo gitye i yeya kacel ki wongi Jebedayo ka kubo obwo recgi, ci olwonogi. ²²Cutcut gutugi weko yeya ki wongi Jebedayo, ci gulubo kore. ²³Yecu owoto orumo lobo Galilaya ducu, kun pwonyo i kacokkegi, dok bene ononjo tito lok me kwena maber me ker pa Lubana, ocanjo bene kit two ducu ki kit goro ducu ki i kin dano. ²⁴Mumiyo nyije oywek i lobo Ciria ducu, ci dano gukelo jo ducu ma komgi lit bote, jo ma gitwo kit two mapatpat ki jo ma arem obwoyogi, jo ma tye ki cen maraco, jo ma twoyo two alili, ki jo ma twoyo two akweya, ci en ocanogi. ²⁵Lwak dano mapol ata ma gua ki i Galilaya, Dekapoli, Jerucalem, Judaya ki loka Jordan ducu gulube.

¹Yecu ka oneno lwak, ci oito woko malo i wi got, ka don obedo piny, ci lupwonnyene gucito bote. ²Ocako pwonyogi kun wacci, ³“Gitye ki gum jo ma ginjejo ni gin lucan i lok me cwiny, pien ker me polo meg. ⁴“Gitye ki gum jo ma kumo, pien gibikweyo cwinygi. ⁵“Gitye ki gum jo ma mwol, pien gibileyo lobo doko meg. ⁶“Gitye ki gum jo ma kec ki orwo pii nekogi pi bedo jo ma kitgi atir, pien gibimiyo giyen. ⁷“Gitye ki gum lukica, pien gin bene gubitimo kica botgi. ⁸“Gitye ki gum jo ma cwinygi len, pien gin aye gibineno Lubaŋa. ⁹“Gitye ki gum jo ma kelo kuc, pien gin aye gibilwonogi ni litino pa Lubaŋa. ¹⁰“Gitye ki gum jo ma giketo ayelayela i komgi pi bedo jo ma kitgi atir, pien ker me polo meg. ¹¹“Wutye ki gum ka dano ŋalowu, kun giyelowu ma giwaco kit lok ducu maraco gobagoba i komwu pira. ¹²Wupwo, cwinywu obed yom atika, pien bakacic ma gibimiyowu me pwoc dit, tye i polo, pien lunebi ma yam gukwono nyimwu dano guketo ayelayela i komgi kit meno.” ¹³“Wun wukado me lobo; ento kado ka don odoko bot, ci gubitimo niŋniŋ wek dok odok mit? Konnye don noŋo pe, myero giony woko dano onyon. ¹⁴“Wun wucen me lobo. Gaŋ ma gigeri i wi got pe twero kanne. ¹⁵Dok pe gicwinyo tara me auma ki aduku, ento gicibo i wi okar, ci lyel caro piny bot jo ducu ma tye i ot. ¹⁶Wun bene wubed jo ma menyo piny calo tara bot dano, wek gunen tic mabeco ma wutiyo ci gumi deyo bot Wonwu ma tye i polo. ¹⁷“Pe wutam ni an abino ka geŋo dano ni guwek lubo cik ki lok pa lunebi woko; pe abino ka geŋo dano lubogi, ento me cobogi acoba. ¹⁸Ada awaco botwu ni, nio waŋ ma polo ki lobo bitum woko, latin ton mo acel, kadi ki nukuta mo acel me cik pe birwenyo, nio ka lok ducu ocobbe kakare. ¹⁹Pi meno, dano mo ma bimiyo cik mo acel ki i kom cik magi doko yogoyogo, kun pwonyo ki dano kit meno, gibilwonogi ni en dano matidi i ker me polo; ento ŋat ma gwoko cik magi, kun pwonyo ki dano, gibilwonogi ni en dano madit i ker me polo. ²⁰Pien awacciwu ni, ka pe kitwu obedo atir makato kit lupwonycik ki pa Lupaŋicayo, ci pe wubidonyo i ker me polo. ²¹“Don wuwinyo lok ma yam giwaco bot jo macon ni, ‘Pe ineki; ŋat ma oneko dano gibilolo kop i kome.’ ²²Ento an awaco botwu ni ŋat mo ka kiniga omako i kom ominne gibilolo kop i kome; dano ma yeto ominne gibitero i Lukiko, ki ŋat ma biwaco ni, ‘In lamiŋ’ gibilolo woko i mac me Geena. ²³Pi meno, ka ikelo motti bot Lubaŋa, ma itye ka tyerone i kom keno tyer, ka ce ipo ni omeru onoŋo tye ki lok mo i komi, ²⁴ci myero iwek motti kunnu i nyim keno tyer, ci idok cen; mukwono koŋ wumer wuribbe ki omeru, ka lacer don idwogi ityer motti. ²⁵Mak larem woko oyotoyot ki ŋat mudoti, i kare ma pud wutye ka wot kwede i yo wucito i lukiko, wek dano mudoti-ni pe oteri i nyim laŋolkop, ci laŋolkop bimiyo bot lakur-piny, ci teri tweyi woko i mabuc. ²⁶Ada awacci ni, pe ibikatti woko ki kunnu, nio ka iculo ducu, ma wi cente mo pe orem. ²⁷“Don wuwinyo ka yam giwaco ni, ‘Pe itim abor.’ ²⁸Ento an awaco botwu ni, dano mo ma neno dako ce paro ni ebed kwede, meno noŋo don otimo abor woko kwede ki i cwinye. ²⁹Ka ce waŋi tun lacuc aye ma miyo ipoto i bal, kol ci ibol woko ka mabor; pien bedo ber ka dul komi mo acel orwenyo, kato ma kono gibolo komi woko kulu i Geena. ³⁰Ka ce ciŋi ma lacuc aye miyo ipoto i bal, toŋ inun ibol woko; pien bedo ber ka dul komi mo acel orwenyo, kato ma kono gibolo komi woko kulu i Geena. ³¹“Yam giwaco ni, ‘Dano mo ma ryemo dakone, myero omiye waraga me keto nyom.’ ³²Ento an awaco botwu ni, dano mo ma ryemo dakone, kono pi lok me tim me tarwaŋ keken, noŋo don omiyo dako-nu odoko latin abor; dok dano ma onyomo dako ma cware oryemo noŋo otimo abor. ³³“Dok bene yam wuwinyo lok ma onoŋo giwaco bot jo macon ni, Pe ikwoŋ kwon goba, ento cob kwonŋi ducu bot Rwot. ³⁴Ento an awaco botwu ni, Pe myero wukwoŋ kwon mo kadi ki acel, kadi ki nyin polo, pien meno komker pa Lubaŋa, ³⁵nyo ki nyin lobo, pien meno kom me teno tyene, nyo kadi ki nyin Jerucalem, pien meno gaŋ pa Kabaka madit. ³⁶Dok bene pe ikwoŋ kwon ki wii, pien in pe itwero loko yer wii mo acel doko matar nyo macol. ³⁷Ento wuwek lokwu obed ni ‘Iyo’ nyo ‘Pe’; gin mukene makato lok man noŋo oa ki bot Larac. ³⁸“Don wuwinyo yam ka giwaco ni, ‘Waŋ giculo ki waŋ, lak giculo ki lak.’ ³⁹Ento an awaco botwu ni, Pe icul kwor i kom dano mo ma otimo gin marac i komi. Ka ce ŋat mo odoŋo lemi tun lacuc, lok bote lemi tun lacam wek odoŋ bene. ⁴⁰Dok ka ce ŋat mo mito pido kwedi ni wek eter kotini, ci miye kanyini bene. ⁴¹Ka ce dano mo odiyit tektek ni itin yecce icit kwede i wot me mairo acel, wot kwede wot me mairo aryo. ⁴²Ka dano mo olegi gin mo ci myero imiye, dok bene pe myero ikwer pi den bot ŋat ma mito deno jami ki boti. ⁴³“Dok wuwinyo bene ka yam giwaco ni, ‘Mar lawoti ento ikwer lakworri.’ ⁴⁴Ento an awaco botwu ni, Wumar lukworwu, dok bene wuleg Lubaŋa pi jo ma keto ayelayela i komwu, ⁴⁵wek wudok litino pa Wonwu ma tye i polo. Pien en miyo cenŋe tuc bot jo maraco ki jo mabeco bene, dok miyo kot cwer bot dano ma kitgi atir, ki bot jo ma pe kitgi atir bene. ⁴⁶Pien ka wumaro jo ma marowu keken, ci wubinonogi iye kit pwoc aŋo? Lujog-mucoro kono pe gitimo kit meno? ⁴⁷Ka ce imoto utmegini keken, ci noŋo itimo gin aŋo maber makato jo mukene? Lurok ma pe ginjejo Lubaŋa-ni bene pe gitimo kit meno? ⁴⁸Wubed jo ma bal mo pe i komwu, kit macalo Wonwu ma tye i polo bal mo pe i kome-ni.

¹“Wugwokke, pe wunyut kitwu ma atir i nyim dano ni wek gunenwu. Ka wutimo kumeno ci pe wubinonjo bakacic mo ki bot Womwu ma tye i polo. ²“Tye kuman, ka ikonyo lucan pe ikut tum, macalo lugoba mogo gitimo i kacokke ki i yo-gu, ni wek dano opakgi. Ada awaco botwu ni, donj gutyeko gamo bakacic woko. ³Ento in ka imiyo kony bot lucan, pe iwekcinji ma lacam oje gin ma cinji ma lacuc timo, ⁴wek imi kony bot lucan i munj; ento Woru ma neni i munj bimiya bakacic. ⁵“Dok ka wutye ka lego Lubanja, pe wubed calo jo ma lugoba, pien gimaro lego Lubanja kun gicun acuna i kacokke ki i anaka naka yo-gu ducu, ni wek dano onengi. Ada awaco botwu ni, gin donj gutyeko gamo bakacicgi woko. ⁶Ento ka ilego, cit idony i kicikani ci ilor doggola woko, ka ileg Woru ma tye i munj; ci Woru ma neni i munj-ni bimiya bakacic. ⁷“Ka wutye ka lega pe wudur lwak lok mapol kit macalo Lurok ma pe ginjejo Lubanja gitimo-ni; pien gitamo ni Lubanja winyo legagi pi lwak lok mapol ma giduro-ni. ⁸Pe wubed calo gin, pien Wonwu njejo gin ma wumito ma nonjo peya wupenye. ⁹Donj wuleg kit man ni, ‘Wonwa ma tye i polo, giwor nyinji malen. ¹⁰Ker meri obin; giti gin ma imito i lobo kit ma gitiyo i polo. ¹¹tin camwa me tin. ¹²Iwek balwa, macalo wan waweko bal pa dano ma gibalo botwa. ¹³Pe iterwa i abita, ento ilarwa bot Larac. Pien ker ki tek ki deyo obedo meri matwal. Amen’. ¹⁴Ka wutimo kica bot dano pi balgi, ci Wonwu ma tye i polo bene bitimowu kica; ¹⁵ento ka pe wutimo kica bot dano pi balgi, ci Wonwu ma tye i polo bene pe bitimowu kica pi balwu. ¹⁶“Ka wuri kec pe wubed macalo lugoba ma wanji nonjo olwal woko, pien gibalo wanji kit meno ni wek dano onen ni gitye ka ri kec. Ada awaco botwu ni, donj gutyeko gamo bakacicgi woko. ¹⁷Ento ka wuri kec, wuwir wiwu woko ki moo, ci wulwok wanwu woko bene, ¹⁸wek dano pe gunen ni wutye ka ri kec, ento Wonwu ma tye i munj aye onen; en Wonwu ma nenowu i munj bimiyowu bakacic. ¹⁹“Pe wukan lonyo piwu kenwu i lobo, ka ma nyenye ki nyal gibalo woko, dok ka ma lukwo gibino gituro ot ci gikwalo woko. ²⁰Ento wukan lonyo piwu kenwu i polo, ka ma nyenye ki nyal pe gibalo, dok ka ma lukwo pe bino gituro ot ci gikwalo. ²¹Ka ma lonyowu tye iye cwinywu bene bedo iye. ²²“Tara me kom aye wan. Ka ce wanji bal mo pe iye, ci komi kulu bibedo lenj. ²³Ento ka ce wanji tye ki bal mo i kome, ci komi kulu bibedo i colpiny. Donj ka lenjo ma i ii-ni odoko col, ci colle donj bedo rom mene! ²⁴“Pe tye dano mo ma twero tic ki rwodi aryo; pien bikwero nat acel ci maro mukene-ni, nyo bimoko i kom nat acel, ci cayo nat mukene-ni. Pe wutwero tic pi Lubanja ka dok wutiyo pi lim bene. ²⁵“Pi meno awaco botwu ni, pe wubed ki tam mapol pi kwowu, ni wubicamo anjo, nyo ni wubimato anjo, nyo pi komwu, ni wubiruko anjo. Kwo pe pire tek kato cam? Ki kom kono pe pire tek kato ginaruka? ²⁶Konj wunen winyo me polo; pe gicoyo kodi dok bene pe gikayo, pe bene gidilo cam i dero, ento Wonwu ma tye i polo pud pitogi. Wun pe piwu tek kato pigi woko? ²⁷Donj anja i kinwu ma twero medo mwaka acel i kom kwone pi bedo ki tam mapol? ²⁸Piwo wubedo ki par mapol pi ginaruka? Konj wutam pi lenja me tim, kit ma gidono kwede. Pe giwiyo uci, dok bene pe gicweyo bonjo; ²⁹ento pud amedde ki waco botwu ni, kadi bed Solomon orukke ki deyone ducu, ento pe orukke macalo mo acel i kingi. ³⁰Ka ce Lubanja ruko lum ma i tim kit meno, ma bedo tye pi nino ma tin keken, ento diki inono gibolo woko i keno, ci en pe birukowu makato, wun jo ma niyewu nok? ³¹Pi meno pe wubed ki par mapol kun wuwacci, ‘Wabicamo anjo?’ nyo ni, ‘Wabimato anjo?’ nyo ni, ‘Wabiruko anjo?’ ³²Pien Lurok gitye ka yenyo jami magi ducu; Wonwu ma tye i polo njejo bene ni wumito jami magi ducu. ³³Ento konj wukwonj keto cwinywu i kom kerre, ki nonjo kit ma atir ma en tye kwede, ci jami magi ducu gibimedo botwu. ³⁴Pe wubed ki par mapol pi nino ma diki, pien nino ma diki biparo pire kene. Wuwek can me nino acel acel otum ki ninone.

¹“Pe wuṇol kop i kom jo mukene, wek wun bene pe giṇol kop i komwu. ²Pien kop ma wuṇolo-ni bene gibiṇolo i komwu, dok gin ma wupimo kwede jami, en aye doki gibipimo kwede jami botwu. ³Piṇo ineno cuṇ kal ma tye i waṇ omeru, ento dul yat ma tye i waṇi in kikomi pe ineno? ⁴Nyo itwero waco bot omeru niṇniṇ ni, ‘Wek akwany cuṇ kal ma tye i waṇi-ni woko’ kun in bene dul yat tye i waṇi? ⁵In lagoba, koṇ ikwoṇ kwanyo dul yat ma tye i waṇi-ni woko, ci miyo doṇ ineno piny maber me kwanyo cuṇ kal ma tye i waṇ omeru ca. ⁶“Pe myero wunywak jami malenṇ ki jo ma pe guye Lubana. Pien gibilokke gilwenyo i komwu. Man noṇo rom macalo bolo kidi mo me wel i nyim opego, ma gibinyono megi anyona ki tyengi woko-ni. ⁷“Wulegi, ci gibimiyo botwu; wuyeny, ci wubinonṇ; wudwoṇ doggola ci gibiyabo botwu. ⁸Pien dano ma lego gimiye, ki ṇat ma yenyo bene noṇo, ki ṇat ma dwoṇo doggola bene gibiyabo doggola bote. ⁹Aṇa i kinwu ma won latin, ma ka latinne olege ni omiye kwon, ci bimiye gwen? ¹⁰Nyo ka olege ni omiye rec, ci bimiye twol? ¹¹Doṇ ka ce wun jo maraco wuṇeyo miyo mot mabeco bot litinowu, ci Wonwu ma tye i polo pe bimiyo jami mabeco makato ducu bot jo ma lege! ¹²Kit gin ducu ma wumito ni dano gutim botwu, wun bene wutim botgi kit meno; pien man aye tyen lok me cik pa Moses ki me pwony pa lunebi. ¹³“Wudony ki i doggola maṇ, pien doggola ma tero dano i to lac, dok yone gipiro maber, dok jo ma donyo ki iye pol. ¹⁴Pien doggola ma tero dano i kwo diṇ, ki yone bene rac, dok jo ma noṇo yo meno ginok. ¹⁵“Wugwokke i kom lunebi ma lugoba, ma gibino botwu ma gurukke woko calo romi, ento ki i cwinygi noṇo gitye calo orudi muwor. ¹⁶Wubiṇeyogi i kom kitgi. Gitwero pwono olok ki i kom yat okuto, nyo nyig oduro ki i kom yat tworo? ¹⁷Kit meno, yat maber nyako nyige mabeco, ento yat marac nyako nyige maraco. ¹⁸Yat maber pe twero nyako nyige maraco, ki yat marac bene pe twero nyako nyige mabeco. ¹⁹Kit yat ducu ma pe nyako nyige mabeco gitoṇo ci gibolo woko i mac. ²⁰Kit meno wun bene wubiṇeyogi i kom kitgi. ²¹“Pe dano ducu ma gilwoṇa ni, ‘Rwot, Rwot’ aye gibidonyo i ker me polo, ento ṇat ma tiyo gin ma Wora ma i polo mito. ²²I nino meno jo mapol biwaco bota ni, ‘Rwot, Rwot, yam pe watito lok pa Lubana i nyiṇi, dok pe waryemo cen maraco-gu woko ducu i nyiṇi? Yam pe watiyo tic mogo matek madito i nyiṇi?’ ²³Ci abituco botgi ka malenṇ ni, ‘Onoṇo pe aṇeyowu; wua woko ki bota, wun lutim gin maraco.’ ²⁴“Dano acel acel ma winyo lokka ce tiyo, bibedo calo dano maryek, ma ogero ode i kom pata got. ²⁵Kot ocwer, lalele omol matek, ci yamo okodo matek i kom ot meno oyeṇo, ento ot pe opoto, pien te gutine gikwinyo i kom pata. ²⁶Ento dano acel acel ma winyo lokka ce pe tiyo bibedo calo dano ma lamiṇ ma ogero ode i kom kweyo. ²⁷Kot ocwer, lalele omol matek, yamo okodo matek i kom ot oyeṇo, ci ot opoto woko; potone owinnye matek adada.” ²⁸I kare ma Yecu doṇ otyeko loko lok magi ducu, lwak guuro kit pwonnye matek, ²⁹pien opwonyogi calo ṇat ma tye ki twero, pe macalo lupwony-cik.

¹I kare ma Yecu donj oa ki i wi got olor piny, lwak dano mapol gulube. ²Ci cutcut ladobo obino bote, orumo conje piny i nyime kun wacce ni, "Ladit, ka imito, itwero lonya." ³Yecu oryeyo bade ogude, kun wacce ni, "Amito; lonnye." Cutcut dobone otugi canj woko. ⁴Yecu ocike ni, "Nen ni pe iwaco lok man bot nat mo; ento icinyutte bot ajwaka pa Lubanja ci ityer mot ma yam Moses ociko pire-ni, wek dano gunen ni ada in kara donj icanj." ⁵I kare ma Yecu odonyo i Kapernaum, ladit mo ma loyo asakari obino bote, ma lege kun wacci, ⁶"Ladit, laticca tye twoyo two akweya, obuto piny i ganja, ma nonjo arem donj oketo kome woko." ⁷Ci Yecu odokke iye ni, "Aebino ka canje." ⁸Ento ladit ma loyo askari ogamo lokke ni, "Ladit, an pe amyero me wek ibin idony i oda; ento wac lok awaca keken, ci laticca bicanj. ⁹An bene dano ma giloya aloya i dog tic, atye ki askari bene ma an aloyogi. Ka awaco bot askari mo acel ni, 'Citi', ci cito, dok ka awaco bot nat mukene ni, 'Bin', ci bino, ka awaco bene bot opiina ni, 'Tim man', ci timo." ¹⁰Yecu owinyo lok man ma dano-nu oloko, ci ouro twatwal. Owaco bot lwak ma gulube-ni ni, "Ada awaco botwu ni, peya anono niye ma rom ki man, kadi i Irael." ¹¹Atittiwu ni jo mapol bia ki tunj wokcej ki tunj potocenj gibibedo i dog cam kacel ki Abraim, Icaika ki Yakobo i ker me polo, ¹²ento litino me ker gibibologi woko i colpiny, ka ma dano bikok kun gikayo lakgi iye." ¹³Lacen Yecu owaco bot ladit ma loyo askari ni, "Citi, myero otimme boti kit macalo donj iye kwede-ni." Ci laticce ocanj woko cut i cawa meno. ¹⁴Lacen i kare ma Yecu odonyo i ot pa Petero, ci oneno maro Petero obuto piny onono tye ki two lyeto. ¹⁵Yecu ogudo cije, ci two lyeto ocanj woko ki i kome, oa malo ocaiko gwoko Yecu. ¹⁶Otyeno me nino meno dano gukelo bote jo mapol ma onono cen maraco tye i komgi; ci oryemo cen woko ki lok keken, dok bene ocanjo jo ducu ma onono komgi lit. ¹⁷Man otimme wek lok ma yam lanebi Icaya oloko ocobbe kakare ni, "En otinjo gorowa, dok otinjo twowa ducu i kome." ¹⁸Ka Yecu oneno lwak dano orume woko dyere, ci owaco ni myero gukat loka nam tunjel. ¹⁹Lapwony-cik mo oa obino bote owacce ni, "Lapwony, abilubi ka ma icito iye ducu." ²⁰Ento Yecu odokke iye ni, "Too tye ki boro, winyo me polo bene tye ki odigi, ento Wod pa dano pe tye ki ka ma myero epyel iye wiye." ²¹Dok dano mo acel i kin lupwonnyene owacce ni, "Ladit, konj iwek aciyik wora." ²²Ento Yecu odokke iye ni, "Luba, wek jo muto guyik jo muto wadigi." ²³Ka Yecu odonyo i yeya, ci lupwonnyene gulube. ²⁴Cutcut pii me nam ocaiko twagge matek, ma yeya onono donj cok lwiny woko i te pii; ento Yecu onono onino woko. ²⁵Ci gucito gucoye, kun giwacce ni, "Larwa Rwot, nen wato woko do." ²⁶En owaco botgi ni, "Piyo wubedo ki lworu, wun jo ma niyewu nok?" Ci oa woko ojuko yamo ki nam, nam ocaiko linj mot. ²⁷Mumiyo dano guuro matek, kun giwacci, "Man dok kit dano anjo ma yamo ki nam giwinye-ni?" ²⁸Ka Yecu donj oo loka nam tunjel, i lobo pa Lugadara, cutcut jo aryo ma cen maraco tye i komgi gurwatte kwede; onono gua ki i kin lyel. Onono giger adada ma nat mo pe twero kato ki i yo kenyo. ²⁹Ci gudanje matek ni, "Ilaro anjo kwedwa, in Wod pa Lubanja? In mono ibino kany ka unowa ma kare peya oromo?" ³⁰Lwak opego mapol onono gitye ka cam ka ma onono gitye ka lok iye. ³¹Ci cen maraco gubako doggi bote kun giwaco ni, "Kace imito ryemowa woko, cwalwa i opego-gu." ³²Ci Yecu owaco botgi ni, "Wuciti." Gua woko ki i kom jo-nu ci gudonyo i i opego; cutcut lwak opego gutwarre ki njwec gularo piny i lunj ci gupoto woko i nam, gumwony guto woko i pii. ³³Lukwat guriyo woko, gucito wa i ganj ci gutito lok i kom gin ducu mutimme, wa lok mutimme i kom jo aryo ma cen tye i komgi. ³⁴Mumiyo lwak dano ducu ma i ganj meno gubino ka rwatte ki Yecu; ka gunene, ci gubako doggi bote ni en myero oa woko ki i lobogi.

¹Yecu odonyo i yeya onjolo nam okato loka tunjel, ci obino i lobo tugi kikome. ²Ci gikelo bote dano mo ma twoyo two akweya kom kun obuto i wi kitandane. Ka Yecu oneno niyegi, ci owaco bot latwo ni, “Di cwinyi, latinna, balli don giweko woko.”³Mumiyo lupwony-cik mogo gucako loko lok kekengi ni, “Dano man tye ka yeto Lubanja.”⁴Ento Yecu onjeyo tamgi woko, ci openyogi ni, “Piño wutamo tam marac i cwinywu?”⁵Mene mayot makato, me waco ni, ‘Balli don giweko’, nyo ni, ‘A, iwoti?’⁶Ento man me miyo wek wuñe ni, Wod pa dano tye ki twero i lobo man me weko bal”, ci owaco bot latwo ni, “A, kwany kabutoni idok paco.”⁷Ci oa odok paco. ⁸Ka lwak guneno gin mutimme, lwo ro omakogi, ci gumiyo deyo bot Lubanja, ma omiyo kit twero macalo meno bot dano. ⁹I kare ma Yecu tye ka kato ki kunnu, ci oneno laco mo ma nyiñe Matayo obedo ka ma gijogo iye mucoro owacce ni, “Lub kora.” Ci oa malo olubo kore.¹⁰I kare ma Yecu obedo i ot i dog cam, lujog-mucoro mapol ki lubalo gubino gubedo kacel ki Yecu ki lupwonnyene. ¹¹Ka Luparicayo guneno man, guwaco bot lupwonnyene ni, “Piño lapwonywu camo kacel ki lujogmucoro ki lubalo?”¹²I kare ma en owinyo ogamo ni, “Jo ma komgi yot pe gimito daktar, ento kono jo ma komgi lit aye. ¹³Wuciti wupwonye tyen lok man ni, ‘Amito kica, pe lee me gitum.’ Pien pe abino ka lwoño jo ma kitgi atir, ento lubalo.”¹⁴I kare meno lupwonye pa Jon gubino bot Yecu, gupenyi ni, “Piño wan kacel ki Luparicayo wari kec, ento lupwonnyeni pe giri kec?”¹⁵Ci Yecu odok iye botgi ni, “Lurem lanyom twero kumo ma noño lanyom pud tye kacel kwedgi? Kare bibino ma gibikwanyo lanyom woko ki botgi, ka don gibiri kec i kare meno.”¹⁶Pe tye ñatti mo ma dabo boño manyen i kom ginaruka muti. Pien kiraka biyec woko ki i kom ginaruka, ci wan boño yec medde nen marac.¹⁷Dok bene pe tye ñatti mo ma piko koño vino manyen i kicaa macon; ka opiko, ci koño vino biyeco kicaa woko, koño vino bio woko ki kicaa bene biballe. Ento koño vino manyen myero gipik i kicaa koño vino manyen, wek gin aryo ducu gigwokgi maber.”¹⁸I kare ma Yecu tye ka lok botgi, cutcut laloc mo obino odonyo i ot orumo cone, i nyime kun wacce ni, “Nyara oto pud kombeddi, ento alegi ibin iket cinji i kome, ci bibedo kwo.”¹⁹Yecu oa olubo kore kacel ki lupwonnyene.²⁰Ci dako mo ma onono yam otwoyo two agobi pi mwaka apar wiye aryo obino ki tun i ñe Yecu ogudo dog boñone, ²¹pien onono otamo ki i cwinye kekene ni, “Ka ce agudo boñone keken, ci abican.”²²Yecu olokke, ka onene owacce ni, “Di cwinyi nyara; nyeni ocanji.”²³Ka Yecu obino i ot pa laloc, oneno lukut nyamulere, kun lwak tye ka koko, ²⁴ci owacci, “Wua woko; nyakoni pe oto ento onino anina.” Ci gin gunyere anyera.²⁵Ento i kare ma don oryemo lwak gukato woko, ci en odonyo i ot omako latin nyako-nu ki cine, nyako-nu oa malo.²⁶Lok meno oywek owinnye oromo lobo meno ducu.²⁷I kare ma Yecu don oa ki kunnu omedde ki wotte, ci lutowan aryo gulube, ma gudane matek ni, “Kica omaki i komwa do, Lakwar Daudi.”²⁸Ka don Yecu odonyo i ot, lutowan aryo magi gubino bote; ci en openyogi ni, “Wuye ni atwero timo man?” Gudokke iye ni, “Itwero, Ladit.”²⁹Yecu ogudo wangi kun wacci, “Myero otimme botwu kit macalo niyewu tye kwede.”³⁰Cutcut wangi otugi yabbe woko.Yecu ocikogi matek twatwal ni, “Wunen ni dano mo pe onjeyo lok man.”³¹Ento gin gucito guketo lok man omiyo nyiñe oywek oromo i lobo meno ducu.³²I kare ma gia me cito woko, dano gukelo bote dano mo ma doge oto, ma onono tye ki cen marac.³³Ka don Yecu oryemo cen woko, cutcut ladogeoto-nu ocalo lok, mumiyo lwak ma onono gitte kenyo guuro matek, kun giwacci, “Cakke yam con kit gin macalo man peya onono onen i Irael.”³⁴ento Luparicayo guwacci, “En ryemo cen pi twero pa ladit pa cen.”³⁵Yecu owoto orumo ganji mapatpat ki ganji matino ma i caro-gu ducu, kun pwonyo i kacokkegi, dok tito kwede lok me kwena maber me ker pa Lubanja ki cano kit two ducu kadi wa kit goro ducu.³⁶Ka oneno lwak ci kica omake i komgi mada, pien onono gitte ka unogi matek, don gudoko goro, calo romi ma lakwatgi pe.³⁷Lacen owaco ki lupwonnyene ni, “Kac dwon, ento lutic nok.”³⁸Pi meno, wuleg Won poto wek ocwal lutic ka kayo kacce.”

¹Yecu olwoŋo lupwonnyene apar wiye aryo bote, ci omiyogi twero me ryemo cen maraco, ki me caŋo kit two ducu kadi wa goro-gu. ²Nyiŋ lukwena magi apar wiye aryo gin ene: mukwoŋo Cimon, ma gilwoŋo ni Petero, ki Anderiya ominne; Yakobo wod pa Jebedayo, ki Jon ominne: ³Pilipo ki Bartolomayo; Tomaci ki Matayo lajog-mucoro; Yakobo wod pa Alipayo, ki Tadayo; ⁴Cimon ma yam obedo i kin jo ma gimito locken, ki Juda me Keriot, ma odobe. ⁵Dano magi apar wiye aryo Yecu oorogi, kun cikogi ni, “Pe wucit i kin Lulork, pe bene wudony i gaŋ pa Lucamaria mo, ⁶ento wucit bot jo Icaael, ma gitye calo romi murwenyo. ⁷I kare ma wutye ka wot wutit lok, kun wuwaco ni, ‘Ker me polo doŋ onyiko cok.’ ⁸Wucaŋ lutwo, wucer jo muto, wucaŋ ludobo wek gulonnye, wuryem cen maraco. Wun wugamo nono laboŋo cul mo, wumi bene nono laboŋo cul. ⁹Pe wuwot ki jabu, kadi ryal, kadi lim mo i del pyerwu, ¹⁰pe wuter kadi kicaa mo me wotwu, kadi ki bamo kanyi aryo, kadi war tyen, kadi ki odoo; pien latic myero gimiye cam ocam. ¹¹Gaŋ madit nyo paco mo ma wudonyo iye, koŋ wuniaŋ aŋa ma myero ma bedo iye, ci wubed bote nio waŋ ma wua ki kenyo. ¹²Ka wuedonyo i ot koŋ wumot dano ma i ot meno. ¹³Ci ka ot meno myero, wumi kuc i kom jo me ot meno; ento ka ce pe myero, ci wuwek kucwu odwog cen botwu. ¹⁴Ka ce ŋat mo pe bijolowu nyo pe biwinyo lokwu, ci wutenj apwa woko ki i tyenwu i kare ma noŋo wua wuweko ot nyo gaŋ meno. ¹⁵Ada, atittiwu ni, i nino me ŋolo kop can pa Codom ki Gomora bibedo tworatwora, ento can ma gibikelo i kom gaŋ meno doŋ bikato. ¹⁶“Nen, doŋ acwalowu me cito woko macalo romi i kin orudi; pi meno wubed ryek calo twol dok wubed laboŋo bal mo i komwu calo akuri. ¹⁷Dok wugwokke i kom dano; pien gibiterowu i lukiko, dok gibigoyowu i kacokkegi, ¹⁸gibiywayowu giterowu i nyim luloc ki luker-gu pira, wubitito lok ma bedo caden botgi ki bot Lurok bene. ¹⁹Ka giterowu i lukiko, pe wubed ka tamo kit ma myero wulok kwede, nyo kit lok aŋo ma wubilokone; pien lok ma myero wuloki gibimiyowu i cawa meno, ²⁰pien pe wun aye wubilok, ento Cwiny Malen pa Wonwu aye bilok ki i iwu. ²¹Omego bimiyo ominne ni ginek woko, ki wego bene bimiyo latinne ni ginek woko, ki litino gibitugge i kom lunyodogi, gimiyo lunyodogi ni ginekgi woko; ²²dok dano ducu bikwerowu pira. Ento ŋat ma ciro kun diyo cwinye nio i agikki bilarre. ²³Ka inen guketo ayela i komwu i gaŋ acel, ci wuriŋ woko i gaŋ ma cok kwede; pien ada awacciwu ni, pe wubiwoto i gaŋi me Icaael wurumo woko ducu, ma noŋo peya Wod pa dano obino. ²⁴“Dano ma pud gipwonyo apwonya pe bedo dit makato ŋat ma pwonye, kadi latic bene pe bedo dit makato laditte; ²⁵ento romo ka dano ma gipwonyo-ni odoko calo ŋat ma pwonye, ki latic bene ka odoko calo laditte. Ka onoŋo gulwoŋo won ot ni Beeljebul, ci doŋ jo ma i pacone gibilwoŋogi ki nyiŋ marac ma rom mene? ²⁶“Pi meno, pe wulworgi; pien pe tye gin ma giumo ma pe gibiyabo ka malen, kadi ki gin ma gikano ma pe biŋene. ²⁷Gin ma awaco botwu i colpiny, myero wutit i lenpiny; ki gin ma gikwilo akwila i itwu lawewe, wutuc lokke wa i wi labila ot. ²⁸Pe wulwor jo ma neko kom, ento pe gitwero neko tipo; ento myero wulwor ŋat ma twero neko tipo ki kom ducu i Geena. ²⁹Ojwinyojwiny aryo pe gicato pi cente apar? Ento mo acel pe poto piny i ŋom ma Wonwu pe ŋeyo. ³⁰Kadi bed wa yer wiwu doŋ gikwanogi woko liwen. ³¹Pi meno, pe wulwor; pien piwu tek twatwal makato pi ojwinyojwiny mapol. ³²Pi meno dano ducu ma bituco nyiŋa i nyim dano, an bene abituco nyiŋe i nyim Wora ma tye i polo, ³³ento ŋat ma bikwera i nyim dano, an bene abikwere woko i nyim Wora ma tye i polo. ³⁴“Pe wutam ni abino me kelo kuc i lobo; an pe abino me kelo kuc, ento pala lucwan. ³⁵Pien abino me poko kin dano woko ki wonne, nyako bipokke woko ki minne, ki ci-wod bene bipokke woko ki dane. ³⁶Lukwor pa dano bibedo jo ma i pacone. ³⁷ŋat ma maro wonne nyo minne makato an pe myero me bedo danona; ki ŋat ma maro wode nyo nyare makato an pe myero me bedo danona. ³⁸Dok bene dano ma pe tiŋo yatariyane kun lubo kwede kora pe myero me bedo danona. ³⁹Dano ma noŋo kwone, birwenyo kwone woko arwenya; ento ma rwenyo kwone pira binonjo. ⁴⁰“Dano ma jolowu noŋo ojolo an, ki ma jola noŋo ojolo ŋat ma oora. ⁴¹ŋat ma jolo lanebi ni pien obedo lanebi, bilimo bakacic pa lanebi; ki ŋat ma bijolo dano ma kite atir ni pien dano ma kite atir, bilimo bakacic ma rom ki pa dano ma kite atir-ri. ⁴²Dok bene dano ma bimiyo pii maŋic me amata bot ŋat acel i kom jo magi matino ni pien en obedo, lapwonnyena, ada awacciwu ni, pe bikenj bakacicce.”

¹I kare ma Yecu donj otyeko ciko lupwonnyene apar wiye aryo-ni, oa ki kunnu ocito ka pwony ki ka tito lok i ganji ma cok ki kunnu. ²I kare ma Jon owinyo pi tic pa Yecu ki i mabuc, ci ooro lupwonnyene bot Yecu ³wek gupenye ni, “In aye nat ma myero obin-ni, nyo dok wakur nat mukene?”⁴Ci Yecu odok iye botgi ni, “Wucitit bot Jon gin ma wuwinyo ki ma wuneno; ⁵lutowanj wangi oyabbe guneno piny, lunolo guwoto, ludobo gilonyogi, ki ludinjit guwinyo lok, ki jo muto gicerogi woko, ki lucan bene gitito botgi lok me kwena maber. ⁶Dano ma pe tamme oballe i koma tye ki gum.”⁷I kare ma donj gitye ka dok woko, Yecu ocalo lok ki lwak lok i kom Jon, ni, Ononjo wucito i tim ka neno gin anjo? Ononjo wucito ka neno lagada ma yamo obedo ka yenjone? ⁸Wucito kunnu kono pinjo? Wucito ka neno dano ma oruko bonji mabeco? Nen, jo ma ruko bonji mabeco nonjo gibedo i odi pa luker. ⁹Wucito kunnu pinjo? Wucito ka neno lanebi mo? Iyo, awacciwu ni ka neno nat ma kato lanebi. ¹⁰Man aye nat ma yam gicoyo lok i kome ni, “Nen, acwalo lakwenana otelo nyimi, ma bigero yoni ma peya nonjo in ibino.”¹¹Ada, awaco botwu ni, pe tye dano mo ki i kin jo ma mon onywalogi ma kato Jon Labatija ki dit; ento nat matidi twatwal i ker me polo aye dit kate. ¹²Cakke i kare pa Jon Labatija o kwede wa onyoo ker me polo gilaro ki tek, jo ma gin lutim bwami aye gimayo woko ki tek. ¹³Pien cik ki lunebi gibedo ka titone nio wa i kare pa Jon; ¹⁴ka ce wumito ye lokke en aye Elia ma myero obin-ni. ¹⁵nat ma ite tye me winyo lok man myero owiny. ¹⁶Abiporo yalwak me kare man ki gin anjo? Girom ki litino ma bedo i cuk ma gilwonjo litino wadigi kun giwacci, ¹⁷“Yam wakuto nyamulere botwu, ento wun pe wumyelo; wawero wer lyel, ento wun pe wukok.”¹⁸Pien Jon yam obino ma pe camo cam, dok bene ononjo pe mato gin mo, mumiyo guwacci, “Dano-nu tye ki cen marac.” ¹⁹Wod pa dano dok obino kun camo cam kadi wa mato mat bene, meno bene guwacci, “Nen, dano ma laworo dok lamero bene, larem lujogmucoro ki lubalo! Ento ryeko pa Lubanja oloyo kop pi ticce ma en otiyo.”²⁰Lacen Yecu ocalo loko lok ki kiniga i kom ganji mogo ka ma ononjo en otiyo iye ticce matego madito, pien jo ma tye iye gukwero nat woko. ²¹“Ibikoko anjee, in Korajin! Ibikoko anjee, in Betecaída! Kono yam tic madito ma gitiyo i ii gitiyo i Turo ki Cidon, kono ononjo jone gunjut wa con, kun giruko bonjo cola, ma gibedo i buru bene. ²²Ento atitti ni, can pa Turo ki Cidon bibedo tworawora i nino me njolo kop, makato can ma bipoto i komi. ²³Ki in Kapernaum gibitiñi woko malo i polo? Pe kumeno, gibidwoko malo i polo? Pe kumeno, gibidwoki woko piny i lyel. ²⁴Kono yam tic matek madito ma gitiyo i ii-ni gitiyo i Codom, kono obedo tye nio wa onyoo. Ento atitti ni, can pa Codom bibedo tworawora i nino me njolo kop, makato can ma bipoto i komi.”²⁵I kare meno Yecu otuco ni, “Apwoyi Wora, in Rwot me polo ki me lobo, pien ikano lok magi woko ki bot luryeko ki luj-piny, ci inyutogi bot litino lukere. ²⁶Iyo, Wora, pien ononjo kit meno ineno ber i wangi, ipwoyo kit yo macalo meno. ²⁷Jami ducu donj Wora otyeko miyogi woko bota; nat mo pe ma njeyo Wod, kono Won keken, dok bene nat mo pe ma njeyo Won kono Wod keken ki nat ma Wod oyero me nyuto Won bote. ²⁸Wubin bota, jo ducu muol ki ma yec onurowu, ci abimiyo wuywe. ²⁹Wutin yatta, ci wupwony kita, pien an awor, dok amwol bene i cwinya, mumiyo wun bene wubilimo yweyo i cwinywu. ³⁰Pien yatta yot, ki yecca bene pe pek.”

¹I kare meno Yecu owoto kun njolo ki i poto bel i ceŋ cabit. Ononjo kec neko lupwonnyene, ci gucako rito wit bel gumwodo. ²Ento ka Luparicayo guneno, ci guwaco bot Yecu ni, “Nen, lupwonnyeni gitiyo gin ma cik ogeŋo ni pe giti i ceŋ cabit.” ³Yecu odok iye botgi ni, “Wun pe wukwano gin ma Daudi otiyo, i kare ma ononjo kec oneke, en kacel ki jo ma ononjo gitye kwede?” ⁴Kit ma en odonyo kwede i ot pa Lubanja, ci ocamo mugati ma giketo i nyim Lubanja, ma yam cik ogeŋo ni en pe ocam, kadi ki jo ma ononjo gitye kacel kwede, ento kono ajwagi pa Lubanja keken? ⁵Dok bene pe wukwano i cik ni i ceŋ cabit ajwagi ma i ot pa Lubanja gipyedo ceŋ cabit, ento gipe ki bal? ⁶Atittiwu ni gin madit makato ot pa Lubanja tye kany. ⁷Ka ce ononjo wuneyo tyen lok man ni, ‘Amito kica, pe lee me gitum’, ononjo myero pe wunol kop olo jo ma pe ki bal. ⁸Pien Wod pa dano aye Rwot me cabit. ⁹Yecu oa ki kunnu ocito odonyo i kacokke. ¹⁰Nen, ononjo yam tye kunnu dano mo ma bade otal. Ci gupenye ni, “Cik ye ni gicar dano i ceŋ cabit?” Gupenye kit meno pien ononjo gimito ni gidote. ¹¹Yecu openyogi ni, “Aŋa i kinwu ma ka tye ki romo acel ce romo meno opoto i bur i ceŋ cabit, en pe bimako ywayo kelo woko ka malen?” ¹²Dano pe pire tek twatwal kato pi romo? Pi meno cik ye ni myero gitim gin maber i ceŋ cabit. ¹³Ci owaco bot dano-nu ni, “Rye badi.” Dano-nu oryeyo bade, ci bade ocaŋ woko maber odoko calo mukene-ni. ¹⁴Ento Luparicayo gukato woko ci guporo lok i kom Yecu, kit macalo myero gineke kwede. ¹⁵Ka Yecu oneyo lok man, oa woko ki kunnu. Jo mapol gulube, ci en bene ocaŋogi woko ducu, ¹⁶ocikogi ni pe myero gumi pire onene. ¹⁷Man otimme wek lok ma yam lanebi Icaya oloko ocobbe kakare, ni, ¹⁸“Nen, laticca ma ahero ma amaro, ma cwinya yom I kome. Abiketo Cwiny Malen i kome, en bituco njolo kop atir bot Lurok. ¹⁹Pe bida, pe bene bidaŋe matek, ŋat mo pe biwinyo dwane I waŋayo; ²⁰pe bituro lagada ma okak, dok pe bineko mac tara ma lyel nio waŋ ma en omiyo njolo kop atir oloyo loc; ²¹ento Lurok bigeno gin maber pi nyiŋe.” ²²Ci gikelo bote latowaŋ mo ma tye ki cen marac, ma pe loko, ci Yecu ocaŋe. Cutcut ladogeoto otugi lok dok oneno piny bene. ²³Jo ducu ma ononjo gitye kenyo guuro matek kun giwaco ni, “Man twero bedo Lakwar Daudi?” ²⁴Ento Luparicayo guwinyo ci guwacci, “Dano-ni ryemo cen pi twero pa beeljebul, ma en aye ladit pa cen.” ²⁵Ka Yecu oneyo tamgi, ci owaco botgi ni. “Ka ker iye opokke aryo, ker meno lobone balle woko, ki gaŋ bene nyo ot ka opokke iye aryo pe twero cuŋ. ²⁶Ka ce Catan ryemo Catan, nonjo opokke i dul aryo i kome kekene; ci kerre doŋ bicuŋ niŋniŋ? ²⁷Ka an aryemo cen pi twero pa Beeljebul, ci litinowu kono giriemo cen pi twero pa aŋa? Pi meno gin aye gibibedo lunolkopwu. ²⁸Ento ka ce an aryemo cen pi twero pa Cwiny pa Lubanja, ci doŋ nen ni ker pa Lubanja doŋ obino woko botwu. ²⁹Dano mo twero donyo i ot pa ŋat ma kome tek niŋniŋ, ci cako yako jamine ducu, nio ka en otweyo laco meno ma kome tek-ki woko? Ka lacen doŋ cako yako ode. ³⁰ŋat ma pe tuŋ bota, meno nonjo en lakworra, dok ŋat ma pe nywako coco kweda, keto mere aketa. ³¹Pi meno awacciwu ni, bal ducu ma dano timo, ki lok ducu ma giyeto kwede Lubanja, gibiwekone woko, ento bal me yet ma giyeto ki Cwiny Malen pe gibiwekone matwal. ³²Dok dano ma loko lok marac i kom Wod pa dano gibiweko balle; ento ŋat ma loko lok marac i kom Cwiny Malen pe gibiweko balle, kadi i kare man nyo i kare ma bino anyim. ³³“Myero wuŋe ni yat maber nyak nyige mabeco, ki yat marac nyak nyige maraco; pien yat giŋeyo i kom nyige. ³⁴Wun litino ororo, wutwero loko lok maber niŋniŋ, ma kun wun jo maraco? Pien lok ma ogurre i cwiny dano, en aye dog bene loko. ³⁵Dano maber kwanyo gin maber ki i kin jamine mabeco ma en okano, dano marac kwanyo gin marac ki i gin maraco ma en okano. ³⁶Atittiwu ni, lok ducu me carocar ma dano giwaco ma pe gigwokke iye-ni, gibipidogi pire i nino me njolo kop; ³⁷pien lok pa iloko aye bimiyo iloyo kop, ki dok bene lok ma iloko aye bimiyo giŋolo kop loyi.” ³⁸Jo mogo i kin lupwony-cik ki Luparicayo guwaco bot Yecu ni, “Lapwony, wamito neno lanyut mo ma a ki boti.” ³⁹Ento Yecu odok iye owaco botgi ni, “Yalwak pa jo maraco ki lutim abor giyenyo lanyut, ento pe gibimiyo botgi lanyut mo kono lanyut pa lanebi Yona keken. ⁴⁰Pien kit macalo Yona yam otyeko nino adek, dyecen ki dyewor, i i rec, kit meno Wod pa dano bene bityeko nino adek, dyecen ki dyewor i cwiny lobo. ⁴¹Jo Nineve bicuŋ kacel ki yalwak me kare man, i kare me njolo kop, ci miyo kop loyogi; pien gin yam guŋut pi lok ma Yona ononjo otito ento nen, gin madit makato Yona tye kany. ⁴²Kabaka ma dako ma tye yo tuŋ acuc bicuŋ kacel ki yalwak me kare man, i kare me njolo kop, ci miyo kop loyogi; pien en oa ki i agikki lobo obino ka winyo ryeko pa Solomon, ento nen, gin madit makato Solomon tye kany. ⁴³“Ka cen marac doŋ oa woko ki i kom dano mo, ci cito wirre i kabedo ka ma pii pe iye kun yenyo ka ma ebiywe iye; ento pe nonjo kabedo mo kadi ki acel. ⁴⁴Ci cako wacci, ‘Abidok gira i oda ka ma yam aa ki iye-ni.’ Ka obino, ci nonjo ode tye nono, giyweyo woko, dok giyubo woko maber. ⁴⁵Ka doŋ cito kelo cen mukene abiro ma giraco gikate woko, ci gidonyo gibedo i ode-ni; lacen dano-nu bibedo marac makato kit ma ononjo yam obedo kwede con. Bibedo kit meno bene bot yalwak pa jo maraco me kare man.” ⁴⁶I kare ma Yecu pud tye ka lok bot lwak, nen, minne kacel ki omegine ononjo gucuŋ woko, kun giwaco ni gimito lok ki Yecu. ⁴⁷Ci dano mo acel owacce ni, “Nen, meni ki omegini gitye gucuŋ woko gimito lok kwedi.” ⁴⁸Ento Yecu odok iye ki dano-nu ni, “Maa aŋa? Ki omegina kono aŋagi?” ⁴⁹Ka oryeyo bade yo tuŋ bot lupwonnyene, ci owaco botgi ni, “Wunen, maa ki omegina aye jo ma tye kany! ⁵⁰Pien dano ma tiyo gin ma Wora ma tye i polo mito, meno aye omera ki lamera, ki maa bene”

¹I nino meno acel-li Yecu oa woko ki i ot, ci ocito obedo i dog nam. ²Lwak madwon twatwal gucokke bote, omiyo en odonyo i yeya ci obedo iye, lwak ducu gucun i wi tura. ³Obedo ka loko botgi lok mapol i carolok, kun wacci, “Lacoc ocito ka coyo kodi. ⁴Ka kun coyo, kodi mogo okir i net yo, winyo gubino gucamo woko. ⁵Kodi mukene okir i kom pata ka ma nom tye iye manok. Cutcut gutwi, pien nom pe tut. ⁶Ento ka ceŋ oryeny, owanogi gutwo woko, pien onono lwitgi pe. ⁷Kodi mukene okir i kin okuto, okuto olot odiyogi woko. ⁸Kodi mukene okir i nom maber, ci gunyako nyiggi, mogo miya acel, mukene pyerabice, ki mogo pyerade. ⁹ŋat ma tye ki it me winyone owiny.”¹⁰Lacen lupwonnye gubino bot Yecu gupenye ni, “Piŋo iloko kwedgi i carolok?” ¹¹En odok iye botgi ni, “Wun gimio botwu mot me neyo muŋ me ker me polo, ento jo maca pe gimio botgi. ¹²Pien ŋat ma tye ki gin ma gibimio doki makato, ci en bibedo ki jami mabup; ento ŋat ma pe ki gin mo, kadi gin ma en tye kwede gibikwano woko ki bote.”¹³Man aye gin mumiyo aloko kwedgi i carolok, pien kadi neno piny pe gineno, kadi winyo lok bene pe giwinyo, dok bene pe ginian. ¹⁴Ento lok pa Lubana ma yam lanebi Icaya otito ocobbe kakare i komgi ni, “Winyone mere wubiwinio, ento pe wubinian te lokke; nenone wubineno, ento pe wubineno gin ma tye.”¹⁵Pien jo me rok man cwinygi doŋ odoko nwan, ki itgi bene doŋ odiŋ woko ka winyo lok, dok gumio wanŋi woko, wek pe ginen ki wanŋi, pe bene giwinyo ki itgi, pe bene ginian iye ki cwinygi, pe gilokke gidwog bota acanŋi.”¹⁶“Ento wun wanwu tye ki gum, pien gineno piny, itwu bene tye ki gum, pien giwinyo lok. ¹⁷Ada, awaco botwu ni, lunebi mapol ki jo ma kitgi atir yam guparo pi neno gin ma wun wuneno-ni, ento pe guneno, ki me winyo gin ma wuwinyo, ento pe guwinyo.”¹⁸“Koŋ doŋ wuwinyo carolok i kom lacoc. ¹⁹Ka dano mo owinyo lok me ker pa Lubana ce pe onian iye, Larac bino ci mayo kodi ma gicoyo i cwinye-ni woko; man aye kodi ma onono gicoyo okir i net yo.”²⁰Doŋ kodi ma gicoyo i kom pata tye kit man, man aye dano ma winyo lok ci oyotoyot mako lok meno ki yomcwiny; ²¹ento pe onono tye ki lwite i iye, ri pi kare manok. Ka can obino, nyo yelo dano pi lok man, cutcut dano-nu tugi poto woko.”²²Doŋ kodi ma gicoyo okir i kin okuto, man aye dano ma winyo lok, ento paro lok me lobo man, ki maro lonyo, diyo lok woko, ci miyo pe nyak. ²³Ento kodi ma gicoyo okir i nom maber-ri, aye dano ma winyo lok dok nian iye; en ada cako nyako nyig dok cek, mukene miya acel, ki mukene pyerabice, ki mukene pyerade.”²⁴Dok obolo botgi carolok mukene kun wacci, “Ker me polo rom ki dano mo ma ocoyo kodi mabeco i potone. ²⁵Ento i kare ma dano doŋ gubuto woko, lakworre obino ci ocoyo doo i kin kal, ka ocito gire woko. ²⁶I kare ma ginapita-nu otwi odoŋo, kal onok, ci doo bene ocako nen.”²⁷Lutic pa won ot gucito bot won ot gupenye ni, ‘Ladit, yam onono pe icoyo kodi mabeco i potoni? Piŋo dok waneno doo tye iye?’ ²⁸Won ot odok iye owaccigi ni, ‘Lakwor aye ma otimo man.’ Ci lutic gupenye ni, ‘Imito ni wacit wacok doo magi woko?’²⁹Ento won ot odok iye owacci, ‘Pe, ka wudoyo doo magi woko, miyo wuputo kal woko bene kacel ki doo. ³⁰Koŋ wuwek doo ki kal ducu gudon kacel nio wa i kare me kac; i kare me kac abiciko lutic ni, Koŋ wucok doo woko mukwonjo ci wutwegi woko i dul i dul me awanjo, ento kal aye wukaa wuket i derona.”³¹Dok obolo botgi carolok mukene, kun wacci, “Ker me polo rom ki kodi dek karadali, ma dano okwano ci ocoyo i potone. ³²Kodi dek karadali-ni dok tidi twatwal ki i kin kodi ducu, ento ka odoŋo doko yat madit makato dek ducu. Doko yat mo madit ma winyo me polo gibino giger oodigi i jaje.”³³Obolo botgi dok carolok mukene ni, “Ker me polo rom ki tobi ma dako mo okwano orubo ki moko mugati ma romo adita adek, nio ka moko ducu oyenyo, okwot.”³⁴Lok magi ducu Yecu oloko bot lwak i carolok. I adane en pe obedo ka lok kwedgi lok mo labono bolo carolok, ³⁵wek omi lok ma yam lanebi oloko ocobbe kakare ni, “Abiwaco botwu lok i carolok, abitito botwu lok ma yam okanne woko cakke wa i acakki piny.”³⁶Ka oweko lwak ci ocito odonyo i ot, lupwonnyene gubino bote guwacce ni, “Koŋ itit botwa carolok i kom doo ma i poto.”³⁷Yecu odok iye ni, “ŋat ma ocoyo kodi mabeco-ni aye Wod pa dano; ³⁸poto aye lobo man, dok kodi mabeco te lokke ni litino me ker pa Lubana, doo aye litino pa Larac. ³⁹Lakwor ma ocoyogi aye Catan; kac, meno agikki piny, lukac aye lumalaika. ⁴⁰Kit macalo gicoko kwede doo giwanjo woko i mac, bibedo bene kit meno i agikki piny. ⁴¹Wod pa dano boro lumalaikane, gibicoko ki i te kerre gin ducu ma miyo dano gipoto i bal, kacel ki jo ducu ma gin lutim maraco, ⁴²ci bologi woko i ruk mac, ka ma dano bibedo iye ka koko kun gikayo lakgi. ⁴³I kare meno jo ma kitgi atir biryeny calo ceŋ i ker pa Wongi. ŋat ma ite tye myero owiny.”⁴⁴“Ker me polo rom ki lonyo ma gikano i poto, ma dano onono ci dok oyiko woko. Doŋ pi yomcwinye omiyo en ocito ocato jami ducu ma onono en tye kwede, ci owilo poto meno woko. ⁴⁵“Dok ker me polo rom ki lacat-wil ma onono yam obedo ka yenyo tiko mabeco me wel. ⁴⁶I kare ma doŋ onono tiko mo acel me wel, ocito ocato jami ducu ma onono en tye kwede, ci owilo tiko meno woko.”⁴⁷“Dok ker me polo rom ki obwo ma giciko i nam ci omako kit kwa rec-gu ducu. ⁴⁸I kare ma doŋ gupono woko ki rec, dano guywayo gukelo woko i wi tura, gucako bedo piny guyo mabecone guketo i aduku, ki maracone gubolo woko. ⁴⁹Bibedo kit meno i agikki piny. Lumalaika gibino ci gipoko jo maraco woko ki i kom jo ma kitgi atir, ⁵⁰gibibologi woko i ruk mac, ka ma dano gibikok kun gikayo lakgi.”⁵¹Cutcut Yecu openyogi ni, “Doŋ wunian i lok man ducu?” Gudokke iye ni, “Iyo.” ⁵²Yecu dok owaco botgi ni, “Pi meno lapwony-cik mo ma gipwonyo pi ker me polo rom ki dano mo ma won ot, ma kwano gin manyen ki macon ki i kom lonyone.” ⁵³I kare

ma Yecu donj otyeko loko carolok magi, oa woko ki kunnu.⁵⁴ Ci odwogo i lobo tugi. Opwonyogi i kacokkegi, omiyo guuro matek kun giwacci, “Dano-ni ononjo ryeko man ki kwene? Dok tic matego macalo magi ma en tiyo-gu oa ki kwene?”⁵⁵ Minne pe Maliam? Ki omegine pe Yakobo ki Yucepu ki Cimon ka Juda? ⁵⁶Lumegine ducu pe gitye kacel kwedwa kany? Ci dano-ni ononjo kit man ducu ki kwene?”⁵⁷ Cutcut cwinygi oculo a woko i kome. Ento Yecu owaco botgi ni, “Lanebi giketo deyo i kome, ento pe giketo deyo i kome i lobo tugi ki i ode.” ⁵⁸Pe otiyo tic matego mapol kunnu, pien ononjo niyegi pe.

¹I kare meno Kerode ma laloc madit owinyo pi yweka pa Yecu; ²mumiyo owaco bot luticce ni, “Man aye Jon Labatija. Lubaŋa ocere woko ki i kin jo muto, en aye mumiyo lakit teko macalo meno tye ka tic i kome-ni.”³Pien onono yam Kerode omako Jon, otweyo ci oketo woko i mabuc pi Kerodia, ci-ominne, dako pa Pilipo; ⁴pien Jon onono owaco bote ni, “Cik pe oye ni ibed ki ci-omeru.” ⁵Kadi bed omito neke woko, ento olworo lwak, pien lwak onono giworo Jon ni en lanebi. ⁶Ento ka kare me po pi nywalo Kerode oromo, ci nya pa Kerodia omyelo i nyim welo ci oyomo cwiny Kerode mada. ⁷Mumiyo Kerode ocikke kun kwonŋe akwoŋa bot nyakonuni ebimiye gin ducu ma en bipenyu pire. ⁸Minne otitte lok roro, omiyo nyako-nu ocito olego kabaka ni, “Amito imiya wi Jon Labatija i weer kombbeddi.” ⁹Ci kabaka Kerode okumo matek; ento pi kwonŋ ma en okwoŋo ki welone omiyo ociko ni myero gimie. ¹⁰Ci ooro dano ocito omiyo ginjolo ntut Jon woko ki i mabuc, ¹¹ci giketo wiye i weer gikelo gimieyo bot nyako-nu, ka nyako-nu otero bot minne. ¹²Lacen lupwonnye pa Jon gubino gutiŋo kome guyiko woko i lyel; ka gucito gutito pire bot Yecu bene. ¹³Ka Yecu owinyo lok man, ci oa woko ki kunnu, owoto ki yeya ocito i kabedo ka ma dano pe iye kaikene. Ento ka lwak guwinyo pire, ci gulube kun giwoto ki tyengi ma gia ki i gaŋi mapatpat. ¹⁴Ka Yecu okato i wi tura, onono lwak madwoŋ; kica omake i komgi, ci ocaŋo lutwo ma gukelo bote. ¹⁵Ka oo otyeno, lupwonnyene gubino bote, guwacce ni, “Man kabedo ka ma dano pe iye, cawa bene doŋ okato woko; cwal lwak gucit i kin paco macokcok, guwil cam pigi kengi.” ¹⁶Yecu odok iye ni, “Pe myero gucit woko; ento wun wumi botgi cam gucam.” ¹⁷Guwacce ni, “Watye kany ki mugati abic ki rec aryo.” ¹⁸Yecu owaco ni, “Wukel mugati ki rec aryo-ni bota kany.” ¹⁹Ka ociko lwak ni gubed piny i kom lum alita. Ka okwanyo mugati abic ki rec aryo, ci onono malo i polo, olego gum, obaro i mugati omiyo ki lupwonnyene, ci lupwonnyene gumieyo bot lwak. ²⁰Gin ducu gucamo guyeŋ. Gicoko nide cam mudon, opono duku apar wiye aryo. ²¹Jo ma gucamo cam meno onono giromo co alip abic, ma nono pe gikwano iye mon ki litino. ²²Cutcut Yecu ociko lupwonnyene ni gudony i yeya, gukwonŋ nyime me cito loka ca, kun nono en pud eciko lwak. ²³Lacen ma doŋ ociko lwak, ci ocito i wi got ka lega kaikene. I kare ma piny doŋ oyuto, onono en tye kunnu kene. ²⁴Yeya onono doŋ okato woko mairo madwoŋ nia ki i wi tura, kun pii tye ka twago yeya; pien onono yamo kodo bino ki i nyimgi. ²⁵I kine okogweno, Yecu oa obino botgi kun woto i wi nam ki tyene. ²⁶Ento ka lupwonnyene gunene kun woto i wi nam ki tyene, tipo komgi oto woko lirut, kun giwacci, “Man tipo!” Ci gudaŋŋe matek pi lworo. ²⁷Ento oyotoyot Yecu oloko kwedgi kun waco ni, “Wudi cwinywu, an enni; gwok wulwor.” ²⁸Ci Petero ogamo doge owacce ni, “Rwot, ka meno aye in, ci wek abin boti kunnu kun awoto ki i wi pii.” ²⁹Yecu odokke iye ni, “Bin.” Ci Petero oa woko ki i yeya, owoto ki i wi pii obino bot Yecu. ³⁰Ento ka onono yamo tye ka kodo, ocako doko lwor, onono bene doŋ cako lwiny woko i pii, ci odaŋŋe matek ni, “Rwot, lara do.” ³¹Oyotoyot Yecu ocwalo ciŋe ci omake, kun wacce ni, “In dano ma niyeni nok, piŋo onono ibedo ka kalo akala?” ³²Ka doŋ gudonyo i yeya, ci yamo ocako pye mot. ³³Jo ducu ma onono gitye i yeya gucako woro Yecu kun giwaco ni, “Ada, in giri i Wod pa Lubaŋa.” ³⁴Ka doŋ gukato loka ca, ci gukato i wi tura i lobo Genecaret. ³⁵Ka jo ma i kabedo meno doŋ guŋeye, ci gucwalo lok i kabedo ducu macokcok ki kunnu, ci dano gukelo bote jo ducu ma yam onono komgi lit. ³⁶Gubako doggi bote ni myero oye gugud dog boŋone keken; jo ducu ma gugudo dog boŋone gucaŋ woko ducu maber.

¹Luparicayo ki lupwony-cik gua ki i Jerucalem gubino bot Yecu, ci gupenye ni, ²“Piŋo lupwonnyeni pe gilubo kit kwer pa ludonjo? Pien gicamo cam ma pe gulwoko cingi.” ³Yecu odok iye botgi ni, “Piŋo wun kono pe wulubo cik pa Lubanja pi lubo kit kwerwu?” ⁴Pien Lubanja yam ociko ni, ‘Wor woru ki meni’, ka dok ni, ‘ŋat ma loko lok marac i kom wonne nyo i kom minne myero ginek woko aneka.’ ⁵Ento wun wuwaco ni, ‘Ka dano mo owaco bot wonne nyo bot minne ni, Gin ma kono akonyi kwede don amiyo woko bot Lubanja, en pe myero owor wonne.’ ⁶Kit meno pi kit kwerwu, wumiyo lok pa Lubanja don odoko goro. ⁷Wun lugoba! Lanebi Icaya yam oloko i komwu kakare i kare ma en owacci, ⁸“Rok man kara giwora ki doggi nono, ento cwinygi pe i koma wacel; ⁹giwora nono, pwony ma gipwonyo obedo pwony ma mako kit pa dano.” ¹⁰Yecu olwonjo lwak bote, ci owaco botgi ni, “Wuwiny lokka, ci wunian iye. ¹¹Pe gin ma donyo i dog dano aye balo dano, ento kono gin ma a ki i dog aye balo dano.” ¹²Ci lupwonnyene gubino guwacce ni, “Injejo ni Luparicayo cwinygi ocwer twatwal i kare ma guwinyo lok ma in iwaco?” ¹³Yecu odok iye ni, “Kit ginapita ducu ma Wora ma tye i polo pe opito gibiputo woko ki lwite. ¹⁴Wek gubedi; meno gin lutowan ma gipeyo lutowan wadigi. Ka ce latowan peyo latowan lawote, ci gin aryo ducu gibipoto woko i bur.” ¹⁵Ento Petero owacce ni, “Gony te lok me carolok man botwa.” ¹⁶Ci Yecu openyogi ni, “Wun kara peya wunian bene? ¹⁷Pe wuneno ni gin ma donyo i dog dano kato cito i ic, kit meno a ki kunnu kato woko?” ¹⁸Ento gin ma katti ki i dog a ki i cwiny dano, man aye balo dano. ¹⁹Pien gin ma a ki i cwiny dano aye tam maraco, nek, abor, cot, kwalu kwo, bedo caden me goba, yet. ²⁰Magi aye gin ma balo dano; ento camo cam ma pe gilwoko cinj pe balo dano mo.” ²¹Ci Yecu oa ki kunnu, ocito wa i lobo ma tye cok ki Turo ki Cidon. ²²Ci nen, dako mo ma en Lakanaan ma oa ki i lobo meno obino kun danje adanja ni, “Ai Rwot, Lakwar Daudi tima kica do; nyara tye ki cen, tye ka une marac twatwal.” ²³Ento Yecu pe ogamo dog dako-nu kadi ki acel. Mumiyo lupwonnyene gubino gubako doggi bote ni, “Ryem dako ni ocit woko cen, pien tye ka danje yo tunj i njewa.” ²⁴Yecu odok iye ni, “Yam giora bot jo Icrael keken, pien gitye calo romi murwenyo.” ²⁵Ento dako-nu obino ogunjo i nyime, kun wacci, “Rwot, konya.” ²⁶Ci Yecu odok iye ni, “Pe ber me kwanyo cam pa litino me bolone woko bot gwogi.” ²⁷Dako-nu odok iye ni, “Rwoda, meno iwaco kakare. Kadi bed kumeno gwogi bene gicamo njide cam ma poto ki i wi meja pa ladit do.” ²⁸Ka dok Yecu owaco bot dako-nu ni, “In dako-ni niyeni dit. Myero obed boti kit macalo imito.” Ci nyare otugi canj woko cut i cawa meno. ²⁹Yecu oa ki kunnu, omedde ki wotte, onjolo ki i dog nam Galilaya. Ocito oito i wi godi matitino ci obedo kunnu. ³⁰Ci lwak dano gukelo bote luput ki lunjolo, jo ma te lebgi oto, ki lutowan, ki lutwo mukene mapol, gupyelogi piny ka tyen Yecu, ci en ocanjogi. ³¹Mumiyo lwak guuro twatwal ka guneno lutelebgi oto guloko, jo ma cingi okwe gucanj, jo ma tyengi onjol guwoto, kadi wa lutowan bene guneno piny; gupako Lubanja pa jo Icrael matek. ³²Yecu olwonjo lupwonnyene bote ci owaco botgi ni, “Kica maka i kom lwak man, pien donj gubedo kweda kany pi nino adek, ma kun pe gitye ki cam mo. Pe amito ni acwalgi woko ki kec, miyo kec bwoyogi woko i yo.” ³³Ci lupwonnyene gudokke iye ni, “Kara man wabinonjo mugati kwene ma twero romo lwak macalo man i tim kany?” ³⁴Yecu openyogi ni, “Wutye ki mugati adi?” Gugamo ni, “Abiro, ki rec mogo matitino manok.” ³⁵Ociko lwak ni gubed piny i njom. ³⁶ci omako mugati abiro-nu ki rec bene, ka donj opwoyo, obaro igi, ci omiyogi bot lupwonnyene, ka lupwonnyene gumiyo bot lwak. ³⁷Gin ducu gucamo guyen; gucoko njide cam ma oloyogi, oromo adita abiro muponj. ³⁸Jo ma gucamo cam meno ononjo giromo co alip anjwen, ma pe gikwano iye mon ki litino. ³⁹Lacenne ka donj ociko lwak, odonyo i yeya, ci ocito i lobo Magadan.

¹Luparicayo ki Lucadukayo gubino, gubito Yecu ni onyut botgi lanyut ma oa i polo. ²Yecu ogamo doggi ni, “Ka piny oyuto, wuwacci, ‘Piny bibedo maber; pien polo nen makwar.’³Dok i odiko wuwacci, ‘Tin kot bicwer madit, pien polo nen makwar, dok ocido woko licuc.’ Wuneyo poko kin gin ma nen i pol, ento pe wutwero poko lanyut me kare. ⁴Yalwak pa jo maraco ki lutim abor yenyo lanyut, ento pe gibimiyo botgi lanyut mo kono lanyut pa Yona keken.” Ci oa woko ki botgi ocito ka mukene.⁵I kare ma lupwonnye guo loka tunjel, onono wigi owil woko me tero mugati mo. ⁶Ci Yecu owaco botgi ni, “Wugwokke i kom tobi pa Luparicayo ki pa Lucadukayo.” ⁷Gubedo ka laro lok i kingi kekengi kun giwaco ni, “Pe wakelo mugati.” ⁸Ka Yecu oneyo, ci openyogi ni, “Piño wupennye kekenwu ni mugati pe, wun jo ma niyewu nok?”⁹Peya wunian ce, nyo pe wupo pi mugati abic pi jo alip abic-ci? Yam wucoko nide opono aduku adi? ¹⁰Nyo mugati abiro pi jo alip anwen, yam wucoko nide opono adita adi?¹¹Piño pe wunian ni an pe aloko botwu lok i kom mugati kikome? Wugwokke i kom tobi pa Luparicayo ki pa Lucadukayo.” ¹²Lacen gunian maber ni, Yecu onono pe oloko botgi me gwokke i kom tobi me mugati, ento i kom pwony pa Luparicayo ki pa Lucadukayo.¹³Ka Yecu don oo i lobo ma cok ki Cecaria Pilipi, ci openyo lupwonnyene ni, “Dano mono giwacci Wod pa dano en anja?” ¹⁴Guwacce ni, “Jo mogo giwacci Jon Labatija, jo mukene giwacci Elia, ki jo mogo giwacci Jeremia nyo nat mo acel i kin lunebi.” ¹⁵Ka dok openyogi ni, “Wun kono wuwacci an anja?” ¹⁶Cimon Petero ogamo ni, “In i Kricito ma Lubana oyero, Wod pa Lubana makwo.”¹⁷Ci Yecu odakke iye ni, “Itye ki gum, Cimon wod pa Yona! Pien gin mo ma tye i kom ki remo pe onyutti lok man, ento Wora ma tye i polo aye. ¹⁸Don awacci ni in i Petero, ma te lokke Pata, ci abimiyo lwak jo muye an gicun i kom pata man, teko me to pe bitwero loyone.”¹⁹Abimii layab me ker me polo, don gin ducu ma in itweyo i wi lobo man gibitweyo bene wa i polo, dok gin ducu ma igonyo i wi lobo man gibigonyo bene wa i polo.” ²⁰Ci ocikogi matek twatwal ni pe gutit bot nat mo ni en e Kricito ma Lubana oyero.”²¹Cakke i kare meno Yecu ocako nyuto bot lupwonnyene ni myero ecit i Jerucalem, dok myero ecir can madwon ki bot ludono ki ajwagi madito pa Lubana ki lupwony-cik; gibineke, ento i nino me adekke gibicere woko. ²²Ci Petero otere cen, ocako juke, kun wacci, “Lubana myero pe oye ni gitimi kit meno, Rwot! Gin macalo man pe bitimme i komi wacel.” ²³Ento Yecu olokke owaco bot Petero ni, “Dok cen i neya, in Catan! Idoko ariya woko bota, pien tammi pe lubo pa Lubana, ento pa dano.”²⁴Yecu otito bot lupwonnyene ni, “Ka ce dano mo mito lubo kora, myero okwon kwerre kekene, ka ocak tiño yatariyane, olub kwede kora. ²⁵Pien dano ma mito laro kwone birwenyone arwenya, ento dano mo ma rwenyo kwone pira aye binonone. ²⁶Konyo dano ma olimo lobo ducu ki gin anjo mono, ka ce kwone gikwanyo woko? Dano dok bimiyo kit gin anjo ma ka kwone?”²⁷Pien Wod pa dano bidwogo ki deyo pa Wonne kacel ki lumalaikane, ci biculo dano acel acel kun lubo kit tic ma yam dano-ni otiyo. ²⁸Adada, awacciwu ni, tye jo mogo ma gucun kany ma pe gibibilo to wacel, ma peya guneno Wod pa dano ka bino i kerre.”

¹Ka nino okato abicel, ci Yecu otero Petero ki Yakobo ki Jon ominne, oito kwedgi i wi got mabor i mun gin kengi. ²Kome ocako lokke woko i nyimgi, waje oryeny calo cen, ginarukane odoko tar ma wil calo dero cen. ³Ci Moses ki Elia gucako nen botgi, gubedo ka lok ki Yecu. ⁴Petero owaco bot Yecu ni, “Rwot, ber mada me bedo kany. Ka ce imito, abigero aduc adek kany, acel meri, acel pa Moses, ki acel pa Elia.” ⁵I kare ma pud tye ka lok, nen, tipo pol ma ryeny oumogi woko lipuk, ci dwan owinnye ki i pol ma wacci “Man aye Woda ma amaro; wuwinye.” ⁶Ka lupwonnye guwinyo man, guryebbe piny, lworu omakogi matek. ⁷Yecu obino botgi ogudogi, kun waco botgi ni, “Wua malo; pe wubed ki lworu.” ⁸I kare ma gutijo wangi malo, pe guneno nat mo ento kono Yecu keken. ⁹I kare ma don gitye ka lor piny ki i wi got, Yecu ocikogi ni, “Pe wutit bot dano mo gin ma wuneno, nio wan ma Wod pa dano ocer ki i kin jo muto.” ¹⁰Ci lupwonnyene gupenye ni, “Pino lupwony-cik giwacci, Elia aye kon kwojo bino?” ¹¹Yecu odok iye ni, “Elia aye myero okwon bino, ka wek ocak dwoko jami ducu kakare.” ¹²Ento atito botwu ni Elia don otyeko bino wa con, ento gin pe gujeye, gutimo gin ma gimito i kome. Wod pa dano bene bilimo can madwon ki i cinji kit meno.” ¹³Lacen lupwonnye gunian ni Yecu oloko botgi lok i kom Jon Labatija. ¹⁴Ka don guo bot lwak, ci dano mo oa obino bote ogono i nyime kun wacci, ¹⁵“Rwot, kica omaki i kom woda, pien two alili omake marac twatwal miyo tyen mapol bolle woko i mac, dok tyen mapol bolle woko bene i pii. ¹⁶Nakanen akele bot lupwonnyeni, ento canone oloyogi.” ¹⁷Ci Yecu ogamo ni, “Wun yalwak me kare man niyewu pe, kitwu bene don oballe woko, abibedo kwedwu nio wa awene? Wukel en bota kany.” ¹⁸Ci Yecu ogerre i wi cen, cen oa woko ki i kome, cutcut awobi-ni ocan woko i cawa meno. ¹⁹Lacen lupwonnye gubino bot Yecu i mun gupenye ni, “Gin anjo mugenowa ryemone?” ²⁰Yecu odok iye botgi ni, “Pien niyewu nok. Pien ada, awacciwu ni, ka ce niyewu obedo calo nyig kodi karadali, ci wubiwaco ki got man ni, ‘Dirre i kabedo ma tye loka ca’, kit meno bidirre; ci gin mo pe biloyowu.” ²¹“Kit gin macalo man pe twero katti woko, kono ki lega ki ri kec keken.” ²²I kare ma gucokke kacel i Galilaya, Yecu owaco bogti ni, “Wod pa dano gibimiye woko i cin dano, ²³gibineke woko, ento bicer woko i nino me adekke.” Ci gin ducu gukumo matek twatwal. ²⁴Ka guo i Kapernaum, jo ma jogo mucoro me ot pa Lubana gucito bot Petero ci guwacce ni, “Lapwonywu pe culo mucoro me ot pa Lubana?” ²⁵Petero ogamo ni, “Culo.” I kare ma odwogo paco, Yecu oloko kwede mukwojo, kun penye ni, “Itamo gin anjo, Cimon? Luker me lobo man gijogo mucoro nyo luwalo ki bot anja? Gijogo ki bot litinogi nyo ki bot jo mukene?” ²⁶I kare ma ogamo ni, “Ki bot jo mukene”, Yecu owacce ni, “Ka kit meno ci litinogi ducu tye ki kuc. ²⁷Kadi bed kumeno, pe wabal tamgi, cit i dog nam, bol goli i pii, yut rec mukwojo moko; ka iyabo doge ci ibinono iye cekel. Kwany cekel meno imi botgi pira ki piri bene.”

¹I kare meno lupwonnye gubino bot Yecu, gupenye ni, “Aja ma loyo ki dit i ker me polo?” ²Ci Yecu olwoŋo latin mo bote, ocibo ocuŋ i kingi, ³ka owaco botgi ni, “Ada awaco botwu ni, ka pe wulokke wudoko macalo litino, pe wubidonyo i ker me polo wacel.” ⁴Dano ma mwolle woko kekene calo latin man, en aye ma loyo ki dit i ker me polo. ⁵Dano ma jolo latin mo acel macalo man i nyiŋa, noŋo ojolo an. ⁶“Ento dano ma miyo ŋat acel ma i kin jo magi matino ma guye an-ni poto i bal, onoŋo bedo ber makato ducu ka gitweyo kidi rego madit i ŋute ci gibole kwede woko wa i nam matut.” ⁷“Lobo bineno can pi gin ma miyo dano gipoto i bal. Pien gin ma miyo dano poto i bal myero obin, ento dano ma kelo gin ma miyo dano poto i bal bineno can!” ⁸Ka ce ciŋi nyo tyeni aye miyo ipoto i bal, ci toŋ iŋun ibol woko; twara ma idonyo i kwo ma ciŋi lakucel peke nyo laput, ber makato ma ibedo ki ciŋi aryo nyo tyeni ducu giboli kwede woko i mac ma pe to. ⁹Ka ce waŋi aye miyo ipoto i bal, ci kol woko; twara ma idonyo i kwo ma waŋi lakucel, kato ma kono giboli ki waŋi aryo ducu i mac Geena. ¹⁰“Myero wunen ni pe wucayo ŋat mo acel ki i kin jo magi matino-ni; pien awacciwu ni, i polo kuca lumalaikagi neno waŋ Wora ma tye i polo kare ducu. ¹¹Pien Wod pa dano obino ka laro jo murwenyo.” ¹²Wutamo gin aŋo? Ka ce dano mo tye ki romine miya acel, ka acel i kingi ocito orwenyo woko, pe biweko romi pyeraboŋwen wiye aboŋwen-ni i wi cere-gu, ci cito ka yenyo en murwenyo-ni? ¹³Ka onoŋe, ada awaco botwu ni, cwinye bibedo yom pire makato pi romi pyeraboŋwen wiye aboŋwen ma pe onoŋo gurwenyo-ni. ¹⁴Kit meno Wora ma tye i polo bene pe mito ni ŋat mo acel i kin jo magi matino myero oto. ¹⁵“Ka ce omeru obalo bal mo boti, cit bote inyutte balle, i kin in ki en keken. Ka owinyo lokki, ci doŋ inoŋo omeru. ¹⁶Ento ka pe owinyo lokki, kwany dano acel nyo aryo mukene wucit kwedgi, wek lok ma caden aryo nyo adek giloko omok lok ducu. ¹⁷Ka ce okwero winyo lokgi, tit pire bot lwak jo muye an; ka ce okwero winyo wa lok pa jo muye an, wek obed boti calo Larok ki lajog-mucoro.” ¹⁸Ada awaco botwu ni, gin mo ducu ma wutweyo i wi lobo man gibitweyo kadi wa i polo, gin mo ducu ma wubigonyo i wi lobo man gibigonyo bene wa i polo. ¹⁹Dok bene awaco botwu ni, ka jo aryo i kinwu biye kacel lok i kom gin ma gilego, ci Wora ma tye i polo bitimo pigi. ²⁰Pien ka ma jo aryo nyo adek gucokke kacel i nyiŋa, an bene noŋo atye kunnu i kingi.” ²¹Petero oa obino bot Yecu ci openye ni, “Rwot omera mono bibalo bal bota tyen adi, ka dok atim kica bote. Pud dok abitimo bote kica ka obalo tyen abiro?” ²²Yecu owacce ni, “Pe awacci ni ma romo tyen abiro, ento ma romo tyen pyerabiro tyen abiro. ²³“Pi meno ker me polo gitwero poro ki kabaka mo ma onoŋo yam omito yubo lok me banya ki luticce. ²⁴I kare ma doŋ ocako kwano wel, ci gikelo ŋat mo acel ma onoŋo tye ki banyane ma romo milion mapol ata. ²⁵Kit macalo onoŋo doŋ pe twero culo banya-nu, ci ladicte ociko ni myero gicate woko i opii, en kacel ki dakone ki litino, ki kit jami ducu ma onoŋo en tye kwede, wek gicul ki banya meno. ²⁶Cutcut latic-cu orumo coŋe piny i nyime, kun bako doge bote ni, ‘Ladit, koŋ idi cwinyi i koma do, ci abiculli gin ducu.’ ²⁷Ci kica omako ladit i kom laticce-nu, ogonye woko dok oweko banyane bene. ²⁸Ento latic-cu i kare ma okato woko, orwatte ki latic mo i kom lutic wadigi ma onoŋo tye ki banyane ma romo cilij miya abic, ci omake ki ŋute kun peye ma wacci, ‘Cul banyana!’ ²⁹Ento latic lawote-ni oryebbe piny kun bako doge bote ni, ‘Koŋ idi cwinyi i koma, abiculo banyani.’ ³⁰En okwero woko, ocito otweye i mabuc nio ka biculo banyane. ³¹Ka lutic wadigi guneno gin ma otimme-ni, ci cwinygi ocwer matek twatwal, gucito gutito gin ducu ma otimme bot laditgi. ³²Cutcut ladit olwoŋe ci owacce ni, ‘In latic marac! Aweki banya ca woko ducu pien onoŋo ilega kun ibako dogi bota; ³³onoŋo in bene pe kica twero maki i kom latic lawoti-nu, kit macalo onoŋo kica omaka i komi-ni?’ ³⁴Kiniga omako ladit twatwal oweko omiye bot askari lugwok mabuc, nio ka oculo banyane ducu. ³⁵Wora ma tye i polo bene bitimowu kit meno, ka ce pe wutimo kica bot dano ki i cwinywu, dano acel acel ki ominne.”

¹I kare ma Yecu donj otyeko loko lok magi, oa woko ki i Galilaya, ci obino i dul lobo me Judaya ma tye loka Jordan. ²Lwak madwonj gulube, ci ocanogi ki kunnu. ³Luparicayo mogo gubino bote, ci gucako omo cwinye kun gipenye ni, “Cik miyo twero ni dano oryem dakone pi tyen lok mo keken?” ⁴Yecu odok iye ni, “Pud pe wukwano lok ma wacci, cakke i acakki piny Lacwec ocweyogi co ki mon?” ⁵Dok owaco ni, “Pi tyen lok man dano biweko wonne ki minne ci moko i kom dakone, gin aryo-nu gicako doko kom acel?” ⁶Kit meno pe donj gibedo kom aryo ento kom acel. Pi meno gin ma Lubanja oribo kacel, dano pe opok kingi.” ⁷Dok gupenye ni, “Ka kumeno, piŋo Moses yam ociko ni gimi waraga me keto nyom, ki ryemo dako woko?” ⁸En owaco botgi ni, “Pi nwanj cwinywu oweko Moses oye ni wuryem monwu, ento cakke i acakki piny ononjo yam pe tye kit meno. ⁹Ento awaco botwu ni, dano mo ma oryemo dakone, ma pe pi tim me tarwanj, ce onyomo dako mukene, nonjo otimo abor.” ¹⁰Lupwonnye guwacce ni, “Ka ce lok i kom laco ki dakone tye kit meno, ci donj pe myero dano gunyomme do.” ¹¹Ento Yecu owaco botgi ni, “Dano ducu pe twero mako pwony macalo man, ento kono jo ma gimio botgi keken aye. ¹²Pien tye jo mogo ma gikolo cakke wa i i megigi, ma ginywalogi kit meno; tye mukene ma gidoko jo ma gikolo pien nonjo dano mukologi; tye jo mukene ma gikolle kengi pi ker me polo. Dano ma twero ye lok man, wek oye.” ¹³Lacen gikelo litino bot Yecu ni oket cine i komgi kun lego Lubanja. Lupwonnye gujuko dano woko. ¹⁴Ento Yecu owaco botgi ni, “Wuwek litino gubin bota, pe wugengi, pien ker me polo tye pi jo macalo gin.” ¹⁵Ci oketo cine i komgi, ka donj oa woko ki kunnu. ¹⁶Nen, dano mo obino bot Yecu kun penye ni, “Lapwony, atim gin anjo maber wek alim kwo ma pe tum?” ¹⁷Yecu openye ni, “Piŋo ipenya pi gin maber? Nat maber tye acel keken. Ka imito donyo i kwo, ci igwok cik.” ¹⁸Openyo Yecu ni, “Cik mene?” Yecu owacce ni, “Pe ineki, Pe itim abor, Pe ikwal, Pe ibed caden me goba, ¹⁹Wor woru ki meni, ki dok ni, Mar lawoti macalo imarre keni.” ²⁰Awobinu odokke iye ni, “Magi ducu donj atyeko makogi; gin anjo ma pud odonj?” ²¹Yecu ogamo doge ni, “Ka ce imito bedo maber labonjo roc mo i komi, cit icat jami ducu ma itye kwede, ci imi limme ki lucan, ci ibibedo ki lwak lonyo ma gikano piri i polo; ka donj ibin ilub kora.” ²²Awobi-nu ka owinyo lok man, ocalo cito woko kun cwinye cwer twatwal; pien ononjo yam tye ki lim madwonj. ²³Ci Yecu owaco bot lupwonnye ni, “Ada awaco botwu ni, bibedo tek mada bot dano ma lalonyo me donyo i ker me polo. ²⁴An dok awaco botwu aye ni, kinaga twero donyo i wanj libira oyot, makato lalonyo me donyo i ker pa Lubanja.” ²⁵Ka lupwonnye guwinyo lok man, ci guuro twatwal kun gipenye ni, “Anja ma dok twero larre?” ²⁶Ento Yecu onenogi ci owaco botgi ni, “Ki bot dano man pe twerre, ento ki bot Lubanja jami ducu twerre.” ²⁷Petero ogamo kun wacci, “Nen, wan waweko jamiwa ducu ci walubi. Wabinonjo iye gin anjo?” ²⁸Yecu owaco botgi ni, “Ada awaco botwu ni, i kare ma Lubanja oketo lobo manyen, ka Wod pa dano bibedo i wi komkerre me deyo, wun jo ma donj wulubo kora bene wubibedo i wi komker apar wiye aryo, kun wunolo kop i kom kaka apar wiye aryo me Irael.” ²⁹Donj dano acel acel ma yam oweko odi, nyo omege nyo nyimege, nyo wonne, nyo minne, nyo litino, nyo pottine, pi nyinja, binonjo jami makato magi tyen miya, ci en binonjo kwo ma pe tum. ³⁰Jo mapol ma gubedo jo mukwonjo yo gibidonj cen, ki jo ma gudonj cen gibibedo jo mukwonjo.

¹“Ker me polo rom ki dano ma en won ot ma opuk woko odiko con ocito ka wako lutic i poto olokke. ²Oyubo lok kwedgi ni ebiculogi i wel lim ma mitte pi nino acel acel macalo kite tye, ci ocwalogi i poto olokke. ³I cawa adek en ocito woko, ci oneno jo mukene ma gucuŋo acuŋa i cuk laboŋo gin ma gitiyo. ⁴Won ot owaco botgi ni, Wun bene wucit i poto olokka, dok abimiyowu gin ma atir. Ci gucito. ⁵I kare ma dok en okato ocito woko i cawa abicel ki cawa aboŋwen, otimo ma rom ki me wiati. ⁶I kin cawa apar wiye acel en dok ocito onoŋo jo mukene gucuŋo acuŋa kunnu; ci openyogi ni, ‘Piŋo wucuŋ kany dyecen jwi laboŋo tiyo gin mo?’ ⁷Gudokke iye ni, ‘Pien dano mo pe owakowa.’ Ci won ot owaco botgi ni, ‘Wun bene wuciti i poto olokka.’ ⁸Ka oo otyeno, won poto olok owaco bot lakan jamine ni, ‘Lwoŋ lutic, ci icul mucaragi. Cak ki i kom jo ma gucako tic lacen, nio kwede wa i kom jo ma gukwoŋo bino.’ ⁹Ka jo ma gucako tic i cawa apar wiye acel-li gubino, ci dano acel acel i kingi ogamo mucara me nino acel kulu. ¹⁰Ka jo ma onoŋo gukwoŋo cako tic-ci gubino, gutamo ni gwok nyo gibinoŋo mabup makato; ento ŋat acel acel i kingi gimiye mucara me nino acel. ¹¹Ka doŋ gugamo, gucako ŋur bot won ot, ¹²kun giwacci, ‘Jo magi ma gubino lacen-ni gutiyo tic pi cawa acel keken, ento in imiyo gubedo rom kwedwa kun wacanne i tic i cen malyet dyecen jwi.’ ¹³Ento won poto odok iye ki dano acel i kingi ni, ‘Larema, pe atye ka timi marac. Yam pe icikke kweda ni ibigamo wel mucara meno? ¹⁴Gam meri en, citi. An amito me miyo bot dano man ma lacen kit ma amiyo boti-ni. ¹⁵Pe myero ati ki jamina kit macalo iya mito? Gwok nyo cwinyi oballe woko pi gin maber ma atiyo-ni ba?’ ¹⁶Kit meno jo ma gudon cen gibibedo jo me ati, ki jo me ati gibidoko jo ma lacen.” ¹⁷I kare ma Yecu tye ka ito cere me cito i Jerucalem, otero lupwonnyene i mun. Ka gitye i yo owaco botgi ni, ¹⁸“Wunen, doŋ watye ka ito cere wacito i Jerucalem. Wod pa dano doŋ gibimiye i cin ajwagi madito pa Lubana ki lupwony-cik, gibinolle kop me to, ¹⁹ci gibimiye i cin Lurok wek guŋale, gupwode ki del; gibigure woko i kom yatariya, ento bicer woko i ŋe nino adek.” ²⁰Lacen megilino pa Jebedayo obino bot Yecu kacel ki litino awobene, ci oguŋo piny i nyime, ci olege pi gin mo. ²¹Yecu openye ni, “Imito aŋo?” Odok iye ni, “Cik pi litinona aryo-ni ni, ŋat acel obed i kom badi tun lacuc, ki acel bene obed i kom badi tun lacam, i ker meri.” ²²Ento Yecu odokke iye ni, “Wun pe wuŋeyo gin ma wulego. Wun wutwero mato ki kikopo ma abimato kwede-ni?” Gudokke iye ni, “Watwero.” ²³Yecu dok owaco botgi ni, “Kikopo ma an abimato kwede-ni wun bene wubimato kwede, ento lok me bedo i kom bada ma lacuc nyo ma lacam pe an aye apoko. Meno bibedo pa jo ma yam Wora oyubo pigi wa con.” ²⁴Ka jo mukene apar guwinyo lokke, ci cwinyi ocwer mada i kom omego aryo-nu. ²⁵Ento Yecu olwoŋogi bote, ci owacci, “Wun wuŋeyo ni, jo ma gilwoŋogi ni gin lulo Lurok giloyo dano ki tek, dok luditogi bene gibedo ki twero i komgi. ²⁶Pe bibedo kit meno i kinwu; ento ŋat ma mito bedo ladit i kinwu aye myero obed laticwu, ²⁷ki ŋat ma mito bedo mukwoŋo i kinwu, en aye myero obed opiiwu ducu. ²⁸Kumeno Wod pa dano bene pe obino ni gitine, ento ni wek en aye eti ki dano, ki pi miyo kwone me koko jo mapol.” ²⁹I kare ma doŋ gubea woko ki i Jeriko, lwak madwoŋ gulubo kore. ³⁰Nen, lutowaŋ aryo ma gubedo piny i ŋet yo ka guwinyo ni meno aye Yecu ma obekato-ni, ci gudaŋŋe matek ni, “Lakwar Daudi, timwa kica ba!” ³¹Lwak gujukogi, kun giwaco botgi ni gulin; ento gin gumedde ameda ki daŋŋe ni, “Rwot, timwa kica do, Lakwar Daudi!” ³²Yecu ocuŋ ci olwoŋogi, kun wacci, “Wumito atim gin aŋo piwu?” ³³Gudokke iye ni, “Rwot wamito waŋwa oyabbe.” ³⁴Cutcut kica omako Yecu i komgi, ci ogudo waŋgi. Oyotoyot gucako neno piny, ka doŋ gulubo kore.

¹I kare ma donj gicok o i Jerucalem, gubino i Betepage, i kor got Jeituni. Ci Yecu ooro lupwonnyene aryo, ²ocikogi ni, “Wucit i ganj ma tye i nyimwu. Cutcut wubinonjo kana ma gitweyo, tye gin ki latinne; wugonygi ci wukelgi bota. ³Ka ce dano mo biwaco lok mo botwu, wubidokke iye ni ‘Rwot aye mitogi’, ci en bicwalogi kany oyotoyot.”⁴Man otimme wek lok ma yam lanebi oloko ocobbe kakare ni, ⁵“Wuwac bot jo Cion ni, Nen ka kabakawu bino botwu, kun obedo i wi kana ki mwolo, i wi latin kana.”⁶Lupwonnye gucito gutimo kit macalo Yecu ocikogi kwede-ni, ⁷gukelo kana ki latinne, gupeto bonjigi i kome ka donj Yecu obedo i wiye. ⁸Jo mapol i kin lwak gupeto bonjigi i dye yo, ki jo mogo gutojo jan yadi gupeto i dye yo.⁹Ci jo ma gutelo yo ki jo ma gulubo kore gudanje ni, “Ojana, wupak Lakwar Daudi! Lubaņa omi gum i kom njat ma bino i nyinj Rwot! Ojana malo i wi polo!” ¹⁰Ka donj odonyo i Jerucalem ci ganj ducu otugge woko pire, kun dano giwacci, “Man aņa?” ¹¹Lwak gugamo ni “Man aye lanebi Yecu ma oa ki i Najaret me Galilaya.”¹²Yecu odonyo i ot pa Lubaņa, ci oryemo jo ducu ma ononjo gicato wil ki ma giwilo jami i ot pa Lubaņa. Oryebo meja pa lulok cente, ki kom pa lucat amam. ¹³Ci owaco botgi ni, “Gicoyo ni, ‘Oda gibilwonjo ni ot me lega’; ento wun wuloko odoko boro pa luyak.” ¹⁴Lutowanj ki lunolo gubino bote i ot pa Lubaņa ci en ocanjigi. ¹⁵Ento i kare ma ajwagi madito pa Lubaņa ki lupwony-cik guneno gin me aura ma en otiyo, ki litino ma danje i ot pa Lubaņa kun giwaco ni, “Ojana, wupak Lakwar Daudi!” man omiyo kiniga omakogi matek. ¹⁶Gupenye ni, “Twinyo gin ma jo-nu tye ka wacone?” Yecu ogamo ni, “Awinyo. Yam pe wukwano ni, ‘Wer ma litino lukere ki litino ma pud dot giwero me paki ber atika?’” ¹⁷Lacen owekogi, oa ki i ganj ocito i Betania ci obuto kunnu. ¹⁸Odiko ma en donj dok i Jerucalem, kec oneke. ¹⁹Ka oneno yat oduro mo i njat yo, ci onjak i tere, pe ononjo iye gin mo, ento ononjo pote keken. Yecu owaco bot yat oduro-nu ni, “Pe dok ibinyako nyigi matwal.” Cutcut oduro meno otugi tal woko. ²⁰Ka lupwonnye guneno ci guuro twatwal, kun giwacci, “Yat oduro-ni dok otugi two woko ninjin?” ²¹Yecu odok iye botgi ni, “Ada awaco botwu ni, ka ononjo wutye ki niye, kun pe wukalo akala, ononjo pe wutwero timo gin ma otimme i kom oduro-ni keken, ento kadi bed wuwac ki got man ni, ‘Mukke wek itinjje ipot wa i nam’, ci bitimme bene. ²²Gin ducu ma wupenyo i legawu, wubinonjo, ka ce wutye ki niye.”²³I kare ma Yecu odonyo i ot pa Lubaņa, ci ajwagi madito pa Lubaņa ki ludonjo pa lwak gubino bote ma ononjo en tye ka pwony, gupenye ni, “Twer mene mumiyo itimo gin magi, dok aņa ma omiyoni twero meno?” ²⁴Yecu ogamo doggi ni, “An bene abipenyowu ki peny acel; ka ce wudokka iye, ci donj abitito botwu gin mumiyo atimo gin magi. ²⁵Batija pa Jon twerone oa ki kwene? Oa ki i polo nyo ki bot dano?” Ci gucako pyem i kingi kekengi kun giwacci, “Ka wawacci, ‘Twer man oa ki i polo’, ci en bipenyowa ni, ‘Piņo kono ononjo pe wuye en?’” ²⁶Ento ka ce wawacci, ‘Oa ki bot dano’, walworo lwak; pien gin ducu ginjeyo maber ni Jon aye lanebi atika.” ²⁷Mumiyo gudok iye bot Yecu ni, “Pe wanjeyo.” Yecu bene owaco botgi ni, “An bene pe abitito kit twer mumiyo atiyo gin magi. ²⁸Gutemo make, ento gulworo lwak, pien lwak ononjo njeyo ni en lanebi.”²⁹Wutamo aņo? Laco mo ononjo yam tye ki awobene aryo. Oa ocito bot latin mukwonjo, owacce ni, ‘Latinna, tin cit ka tic i poto olok.’” ³⁰Latin-nu ogamo ni, ‘Pe abicito’, ento lacen onjut ci ocito ka tic i poto olok. ³¹Laco-nu dok oa ocito bot latinne me aryo ci owacce lok ma rom ki maca; ci wode odok iye ni, ‘Ladit, abicito’; ento pe omedo ki cito. ³²I kin awobe aryo-nu aņa ma otiyo gin ma ononjo wonne mito?” Gudokke iye ni, “Latin mukwonjo.” Yecu owaco botgi ni, “Ada awaco botwu ni, lujog-mucoro ki mon ma malaya bikwonjo donjo i ker pa Lubaņa ati botwu. ³³Pien Jon yam obino botwu kun lubo yo me kit ma atir, ento wun wukwero ye en woko; ento lujogmucoro ki mon ma malaya guye en. Dok bene kadi bed wuneno gin mutimme, lacen pe wunjut, dok pe wuye en.”³⁴Konj dok wuwiny carolok mukene. yam tye dano mo ma opito olok i potone, ci orumo woko ducu ki cel, ka okwinyo iye bur me biyo pige, ogero iye lubele, oweko bot lupur, ci ocito woko i lobo mukene. ³⁵Ka kare me pwono nyig olok donj onyiko cok, ci ocwalo luticce bot lupur ka kelo nyig olokke. ³⁶Lupur gumako luticce, gugoyo njat acel, ki njat acel guneko woko, ki mukene gucelo woko ki got. ³⁷En dok ocwalo lutic mukene mapol, ma gikato jo mukwonjo ca, jo-nu bene gitimogi ki kit tim acel ma gitimo i kom lutic mukwonjo ca. ³⁸Lacen donj en ocwalo wode kikome botgi, kun waco ni, ‘Gibiworo woda.’”³⁹Ento ka lupur guneno wode, gucako lok kekengi ni, ‘Man aye donj lale lim; wubin waneke woko, wek lim ma en bileyo-ni obed mewa.’” ⁴⁰Ci gumake gubole woko ki i poto olok, ka guneke woko. ⁴¹Pi meno ka won poto olok obino, bitimo lupur ninjin?” ⁴²Ci gugamo ni, “En bineko lupur woko ki kit nek marac atika, ci miyo poto olok woko bot lupur mukene ma gitwero miye nyig olok ka karene oromo.”⁴³Yecu ogamo doggi ni, “Yam pe wukwano lok ma gicoyo i ginacoya ni, ‘Got ma lugedo gukwero-ni en aye odoko got madit ma i twok ot; man Rwot aye ma otiyo, obedo botwa lok me aura?’”⁴⁴Pi meno awaco botwu ni, gibikwanyo ker pa Lubaņa woko ki botwu, ci gimioy bot rok ma binyako nyig ma mitte iye kikome.” ⁴⁵Dano ma bipoto i kom got man tur njidde woko matitino; ento ka got man opoto i kom dano mo, ci nyoto woko. ⁴⁶Ka ajwagi madito pa Lubaņa ki Luparicayo guwinyo carolokke, ci gunianj ni ononjo kara Yecu tye ka lok i komgi. ⁴⁷Gutemo make, ento gulworo lwak, pien lwak ononjo njeyo ni en lanebi.

¹Yecu dok oloko kwedgi i carolok kun wacci, ²Ker me polo rom ki kabaka ma yam otedo karama me nyom pa wode, ³ci ooro luticce me cito ka lwoŋo jo ma onoŋo yam gilwoŋogi i karama meno, ento gukwero bino woko. ⁴Dok ooro lutic mukene, kun waco botgi ni, “Wuwac bot jo ma onoŋo gilwoŋogi ni, Nen, doŋ ayubo cam ducu tye, twonina ki rocina ma moo doŋ ginekogi woko, doŋ giyubo jami ducu tye; wubin i karama me nyom.” ⁵Ento pe guketo cwinygi iye, gucito citogi, ŋat acel ocito i potone, ŋat mukene ocito i cato wille, ⁶jo mukene ma gudonŋe gumako luticce, gutimogi ki tim me lewic, ci gunekogi woko. ⁷Kiniga omako kabaka, ci ocwalo monye guneko lunek-gu woko, dok guwaŋo ganigi woko bene. ⁸Dok owaco bot luticce ni, “Karama doŋ giyubo, ento jo ma onoŋo nene gilwoŋogi pe doŋ gimyero. ⁹Pi meno wucit i yo madito, wulwoŋ jo mapol ma wubinonŋo, wuwek gubin i karama me nyom.” ¹⁰Lutic magi gucito i yo gudo ci gucoko jo ducu ma gunonŋo; jo maraco kacel ki jo mabeco; mumiyo ot me nyom oponŋ woko ligwik ki welo. ¹¹“Ento i kare ma kabaka odonyo i ot ka neno welo, ci oneno laco mo obedo kunnu ma pe onoŋo oruko boŋo me nyom. ¹²Cutcut otugi penye ni, ‘Larema, idonyo kany niŋniŋ ma kun pe iruko boŋo me nyom?’ Laco-nu olin aliŋa litik. ¹³Mumiyo kabaka ociko lugwok-welo ni, ‘Wutwe ciŋe wa ki tyene woko, ci wubole kwede woko i piny macol; kunnu dano gibikok kun gikayo lakgi.’ ¹⁴Pien jo ma gilwoŋo pol, ento ma giyero nok.” ¹⁵Luparicayo gucito guporo lok kit macalo myero gimak kwede lok ma a i doge. ¹⁶Ci guoro bote lupwonnyegi kacel ki jo pa Kerode, kun giwacci, “Lapwony, wan waŋeyo ni in dano me ada, dok ipwonyo yo pa Lubaŋa ki ada, dok bene pe iparo pi dano mo, pien in pe ineno kom dano ki woko. ¹⁷Tit botwa gin ma itamo. Cikwa ye ni gicul mucoro bot cecar nyo pe?” ¹⁸Ento Yecu onŋeyo raccwiny ma gitye kwede, ci owaco botgi ni, “Wun wubwola piŋo, wun lugoba? ¹⁹Koŋ wunyutta kom lim ma giculo kwede mucoro-ni.” Ci gukelo bote. ²⁰Yecu openyogi ni, “Cal ki coc ma gicoyo i kome-ni pa aŋa?” ²¹Gugamo ni, “Pa Cecar.” Ci owaco botgi ni, “Wudwok jami pa Cecar bot Cecar, ki jami pa Lubaŋa wudwok bot Lubaŋa.” ²²I kare ma guwinyo lokke guuro matek; ci guweke gucito woko. ²³I nino meno bene Lucadukayo gubino bot Yecu, gin aye jo ma onoŋo giwacci jo muto pe gicer. Ci gupenye ki peny mo acel, ²⁴ni, “Lapwony, Moses yam owaco ni, ‘Ka ce laco mo oto ma pe onywalo latin, ci ominne myero olak dakone, wek onywal kwede litino ma ka-ka ominne.’ ²⁵Yam onoŋo tye co abiro i kinwa ma gin ducu omego. Laco mukwoŋo onyomo dako, ci oto woko ma pe obwoto latin mo, oweko dako bot ominne. ²⁶Dano me aryo ki me adekke bene ducu kit meno, nio wa i kom dano me abirone. ²⁷Lacen ki i ŋegi ducu, dako bene oto. ²⁸Doŋ i kare me cer dako-nu bibedo pa aŋa i kin co abiro-nu? Pien gin ducu onoŋo gubedo kwede.” ²⁹Ento Yecu odok iye ni, “Wun wurwenyo, pien pe wuŋeyo gin ma gicoyo i ginacoya, kadi wa teko pa Lubaŋa bene wukwiya. ³⁰Pien i kare ma dano gibicer woko, doŋ pe gibinyomme, ento gibibedo macalo lumalaika ma i polo. ³¹Ento i kom lok man me cer ki i kin jo muto-ni, yam pe wukwano lok ma Lubaŋa oloko botwu ni, ³²‘An Lubaŋa pa Abraim, ki Lubaŋa pa Icaika, ki Lubaŋa pa Yakobo?’ En pe Lubaŋa pa jo muto, ento Lubaŋa pa jo makwo.” ³³Ka lwak guwinyo, ci guuro pwonye matek. ³⁴I kare ma Luparicayo guwinyo ni Yecu otwoyo dog Lucadukayo woko ki lok, ci gucokke kacel. ³⁵Dano mo i kingi onoŋo lapwony-cik, oteme openye ki peny acel, ni ³⁶“Lapwony, cik mene madit makato cik ducu?” ³⁷Yecu odokke iye ni, “Mar Rwot Lubaŋani ki cwinyi ducu, ki tiponi ducu, ki tammi ducu. ³⁸Man aye cik madit dok mukwoŋo. ³⁹Ki me aryone ma rom kwede en ene ni, Mar lawoti macalo imarre keni. ⁴⁰I kom cik magi aryo lok ducu ma tye i cik ki i pwony pa lunebi gucuŋ iye.” ⁴¹I kare ma Luparicayo doŋ gucokke kacel, Yecu openyogi kun wacci, ⁴²“Wutamo gin aŋo i kom Kricito ma Lubaŋa oyero? En lakwar aŋa?” Gudokke iye ni, “Lakwar Daudi.” ⁴³Yecu dok openyogi ni, “Piŋo kono Cwiny Malen dok omiyo Daudi olwoŋe ni Rwot? Pien yam oloko ni, ⁴⁴‘Rwot owaco bot Rwoda ni, Bed i kom bada ma lacuc, i kabedo me deyo, nio ka abiketo lukworri piny i te tyeni.’ ⁴⁵Ka en Daudi aye yam olwoŋe ni Rwot, ci en dok bedo lakwarre niŋniŋ?” ⁴⁶Dano mo pe ma otwero dokke iye lok mo kadi ki acel, dok cakke i kare meno ŋat mo pe oette me penye ki kit peny mo.

¹Lacen Yecu owaco bot lwak ki bot lupwonnyene ni, ²“Lupwony-cik ki Luparicayo gibedo i wi kom pa Moses; ³pi meno lok ducu ma gipwonyowu kwede, wuti dok wugwok bene, ento pe wuti gin ma gin tiyo, pien giloko aloka keken pe gitiyo. ⁴Gitweyo yec mapek ma yeyone tek, ci giketo i wi gwok dano; ento gin kikomgi pe gitwero dirone ki lwet cinji acel. ⁵Gitiyo ticgi ducu ni wek dano onengi; pien giyaro pulakiterigi bedo malac, dok bene gimedo dog bonjiigi bedo maboco adada. ⁶Dok gimaro bedo i kabedo me deyo i karama, ki bedo i kom me dito i kacokke. ⁷Dok bene gimito ni dano omotgi wa i cuk-gu, gimaro bene ni dano myero gulwongi ni, ‘Lapwony.’ ⁸Ento wun pe myero gilwonwu ni, ‘Lapwony’, pien wutye ki lapwony acel, pi meno wun ducu don wudoko omege. ⁹Dok bene pe wulwon dano mo ni wonwu i wi lobo, pien Wonwu tye acel, en aye nat ma tye i polo. ¹⁰Pe bene gilwonwu ni lutel, pien wutye ki latelwu acel, ma en aye Kricito ma Lubana oyero. ¹¹Dano madit ma loyo ki i kinwu aye bibedo laticwu. ¹²Pien nat ma kette kene ni edit, gibidwoke piny, ento nat ma mwolle kene gibimiyo doko dit. ¹³“Wubineno can, wun lupwony-cik ki Luparicayo, wun lugoba! Pien wuloro doggola me ker me polo woko bot dano; wun kikomwu pe wudonyo iye, dok bene wugenjo jo ma mito donyo iye woko. ¹⁴Wubineno can wun lupwony-cik ki Luparicayo, wun lugoba! Pien wumayo odi pa mon-to, dok wulego lega maboco me buta keken. Gibinolo kop madit makato ducu i wiwu. ¹⁵“Wubineno can, wun lupwony-cik ki Luparicayo, wun lugoba! Pien wuwoto wulono piny ki i dye nam kun wuwoto wa i wi tura-gu wek wulok dano acel owek dinine odwog i mewuni, ento ka don olokke, wumiyo doko latin me Geena ma rom aroma kwedwu tyen aryo. ¹⁶“Wubineno can, wun lutel dano ma wanwu oto, ma wuwaco ni, ‘Ka ce dano mo kwojo kwoj ki ot pa Lubana, lok mo bedo pe iye, ento ka nat mo okwojo kwoj ki jabu ma i ot pa Lubana, kwojje-ni bimake gire.’ ¹⁷Wun lutowan ma lumin! Gin mene ma pire dit kato, jabu nyo ot pa Lubana ma omiyo jabu odoko malen? ¹⁸Dok wuwaco ni, ‘Ka ce dano mo okwojo kwoj ki keno tyer, lok mo pe iye, ento ka ce nat mo okwojo ki mot ma giketo i wi keno tyer, kwojje-ni bimake woko gire.’ ¹⁹Wun lutowan! Gin mene madit makato, mot nyo keno tyer ma miyo mot doko malen? ²⁰Pi meno dano ma kwojo kwoj ki keno tyer, kwojo bene ki jami ducu ma tye i wi keno tyer. ²¹Dano ma kwojo ki ot pa Lubana, nonjo okwojo ki ot pa Lubana kadi wa ki nat ma bedo iye. ²²Dano ma kwojo ki polo, nonjo kwojo ki komker pa Lubana kadi wa ki nat ma bedo i wiye-ni. ²³“Wubineno can, wun lupwony-cik ki Luparicayo, wun lugoba! Pien wumiyo dul acel me apar me malakwan ki toke ki okwerwu, ento wutenyo lok ma pigi tego me cik woko, gin macalo nolo kop atir, timo kica ki bedo jo ma tye ki niye. Magi ducu myero wutim, kun bene pe wuweko mukene ca. ²⁴Onono gitamo ni wun aye myero wubed lutel, ento wun lutowan, pe wuneyo gin mo. Wuketo cwinywu i lok ma pe pigi tego, ento wubwoto lok ma pigi tego-gu woko. Meno rom macalo wukwanyo lwanjo ki i pii amatawu, ento wumwonyo kinaga woko kacel ki pii-nu, pien onono pe wuneyo ni tye iye! ²⁵“Wubineno can, wun lupwony-cik ki Luparicayo, wun lugoba! Pien wulwoko ne kikopo ki caani ki woko wek obed len, ento ki igi nonjo gupon ki tim me yako dano ki miti mogo ma pe twero jukke. ²⁶Wun Luparicayo ma lutowan! Mukwojo myero kon wulwok i kikopo ki i caani obed len, ka wek neye bene obed len. ²⁷“Wubineno can, wun Lupwony-cik ki Luparicayo, wun lugoba! Pien wurom ki lyel ma gipuyo ki gin matar, kun ki yo tun woko nen maber, ento igi nonjo opon ki cogo pa jo muto, ki jami ducu ma keni keken. ²⁸Wun bene kit meno, ki woko wunen bot dano ni wun jo ma kitwu atir, ento iwu nonjo opon ki gin maraco keken. ²⁹“Wubineno can, wun lupwony-cik ki Luparicayo, wun lugoba! Pien wucano got i wi lyel pa lunebi, ka dok wudeyo kom gin ma yam gigeri pi po pi jo ma kitgi atir, wuyubo woko onen maber, ³⁰kun wuwacci, ‘Ka nene onono wabedo i kare pa kwarowa, kono onono pe waribbe kwedgi ka neko lunebi.’ ³¹Wun giwu wutuco kenwu ni wun likwayo pa jo ma yam guneko lunebi-ni. ³²Ber, don wucob tic pa kwariwu! ³³Wun twol, litino ororo, wubibwot ninjin ki i nolo kop me bolowu i Geena? ³⁴Pi meno abiro botwu lunebi ki luryeko ki lupwony-cik, ma jo mogo i kingi wun wubinekogi ci wugurogi woko i kom yatariya, ki jo mogo wubigoyogi ki del i kacokkewu, kun wuyelo ki gan ki gan; ³⁵wek remo pa jo ducu ma kitgi atir ma ginekogi i lobo obed i wiwu, cakke ki i kom remo pa Abel ma balle pe-ni nio kwede i kom remo pa Jekaria wod pa Barakia, ma yam wuneko i kin kabedo malen ki keno tyer pa Lubana. ³⁶Ada awaco botwu ni, lok man ducu bipoto i kom jo ma gin yalwak me kare man. ³⁷“Jerusalem, Jerusalem, in ma ineko lunebi, ma icelo jo ma gioro boti woko ki got, tyen adi ma nene amito coko litinoni woko macalo min gweno ma coko litinone i te bwome, ento wun pe wuye giwu! ³⁸Nen, don gitenyo otwu botwu, iye odon nono. ³⁹Atito botwu ni pe wubinena nio ka wubiwacci, ‘Gipwo nat ma bino i nyin Rwot!’”

¹Yecu okato woko ki i ot pa Lubanja. Ma donj tye ka cito, lupwonnyene gubino gunyutte gedo me ot pa Lubanja.

²Odok iye botgi ni, “Wuneno gin magi ducu, pe kumeno? Ada awaco botwu ni, pe gibiweko got acel mo kany ma ododde i wi wadi, ma pe gibicoro woko piny.”³I kare ma Yecu obedo i wi got Jeituni, lupwonnye gubino bote i mun gucako penye ni, “Tit botwa, lok man bitimme awene, dok kit gin anjo ma binyuto dwogoni, ki agikki piny?”⁴Ci Yecu odak iye botgi ni, “Wugwokke, natti mo owek rwenyowu.”⁵Pien jo mapol gibibino i nyiŋa, ma giwacci, ‘An aye a Kricito ma Lubanja oyero’, ci gibimiyo jo mapol rwenyo woko.⁶Dok bene wubiwinjo pi mony, ki lok ma yweko pi mony; pe wuwek tipo komwu oto woko lirut; pien konj myero man otimme, ento nonjo nino me agiki pud peke.⁷Pien rok bilweny ki rok wadi, ki ker bene bilweny ki ker wadi, ki kec bene bipoto i lobo, ki oyerjoen biyerjo lobo i kabedo mapol;⁸gin magi ducu gin aye acakki me te can ma bipoto i lobo.⁹“I kare meno gibiketo lok roro i komwu wek wunen can, gibinekowu woko; jo me rok ducu bikwerowu pi nyiŋa.”¹⁰I kare meno jo mapol bipoto, gibiketo lok roro i kingi gidotte kekengi, dok gibibedo ki adagadaga i kingi kekengi.¹¹Lunebi mapol ma lugoba bibino ma gibirwenyo jo mapol.¹²Kit macalo tim maraco bibedo ka medde ameda-ni, mar pa jo mapol bikwe woko.¹³Ento nat ma biciro nio wa i agikki bilarre.¹⁴Donj lok man me kwena maber me ker pa Lubanja gibitito i wi lobo ducu, me bedo caden bot rok ducu; ka donj lacen agikki piny bibino.¹⁵“Donj ka wubineno gin mo me kwer, malik, ma balo cwiny dano, ma yam Daniel otito pire, kun ocun i kabedo malen (dano ma kwano myero onian iye),¹⁶i kare meno jo ma tye i Judaya myero guriŋ woko i wi godi.¹⁷Dano ma ononjo tye i wi ot pe dok olor piny me bino ka kwanyo gin mo ma tye i ode;¹⁸ki dano ma tye i pototo bene pe odak cen paco ka omo ginarukane.¹⁹Dok mon ma giyac gibineno can i kare meno, ki mon ma gidoto litino bene!²⁰Wuleg wek njewcwu pe otimme i cwir nyo i cenj cabit.²¹Pien i kare meno twon can madit atika bitimme iye, ma yam peya onen i lobo, nia wa i acakki lobo nio kwede wa onyoo, dok pe bene binen.²²Kono nene Rwot pe ojwiko kare-nu obedo manok mo, kono dano mo pe obwot; ento pi jo ma giyero, miyo gibijwiko wel nino bedo manok.²³“I kare meno ka ce dano mo biwaco botwu ni, ‘Nen, Kricito ma Lubanja oyero tye kany’, nyo ni, ‘Nen, tye kuca’, pe wuye.”²⁴Pien Kricito ma lugoba, kacel ki lunebi-gu ma lugoba gibibino, gibinyuto lanyut ki tyo jami me tano, wek girweny jo mapol ka gitwero, wek girweny wa ki jo ma Lubanja oyero bene.²⁵Nen, donj atyeko tito botwu con.²⁶Ka ce gibliwaco botwu ni, ‘Nen, en tye i tim kuca’, pe wucit kunnu, nyo ni, ‘Tye i kicika ot ma i iye’; pe wuye.”²⁷Kit macalo lutkot a ki yo tunj wokcenj ci wil menyo piny wa yo tunj potocenj, dwogo pa Wod pa dano bene bibedo kit meno.²⁸“ka ma kom dano muto tye iye, acut bene gicokke kunnu.”²⁹“Oyotoyot i ne can madit me kare meno bibedo kit macalo yam gicoyo ni ‘Cenj bicido woko macol licuc, ki dwe bene pe biryeny, lakalatwe bia ki i polo gipoto piny, ki twer ducu ma i polo bene biyerne.”³⁰“ka donj gin ma nyuto Wod pa dano binen i polo. Ci i kare meno kaka ducu ma i wi lobo bikumo, ci gibineno Wod pa dano ka bino ki i wi pol me polo, ki twero madwonj, ki deyo madit.”³¹En biero lumalaika ki tum ma kok malonjo, gibicoko jone ma en oyero ki i twok piny anwen ducu, nia ki i agikki polo tunjel nio kwede wa i agikkine mukene.”³²“Wupwony carolok i kom yat oduro. Cutcut ka jaje olot, ci pote luk, ci donj wuneyo ni oro cok.”³³Ki wun bene ka ce wuneno gin magi ducu, ci wunje ni en donj tye cok, tye wa i doggola.”³⁴Ada awaco botwu ni, yalwak man pe bitum, nio wanj ma lok magi ducu otimme.”³⁵Polo ki lobo bitum, ento lokka pe bitum.”³⁶“Ento nino meno ki cawa meno, pe tye nat mo ma njeyo, kadi wa lumalaika ma i polo, kadi wa Wod, ento kono Lubanja Won keken aye njeyo gire.”³⁷Kit macalo cenj otimme i kare pa Nua, bitimme kit meno bene i kare me dwogo pa Wod pa dano.”³⁸I kare ca ma peya pii aluka ocorre i wi lobo ononjo gicamo, gimato, dok awobe ki anyira ginyomme, nio wa i nino ma Nua odonyo kwede i yeya; ³⁹pe gumedo ki njeyo gin mo nio ka pii aluka oponj, ci omologi woko ducu. Bibedo kit meno bene i kare ma Wod pa dano bidwogo iye.”⁴⁰I kare meno co aryo bibedo i pototo; gibikwanyo nat acel, gibiweko nat acel donj.”⁴¹Mon aryo bibedo ka rego kacel; gibikwanyo nat acel, gibiweko nat acel donj.”⁴²Pi meno, wubed ma wanju twolo, pien pe wuneyo nino ma Rwotwu bibino iye.”⁴³Ento myero wunje man, ni, ka ce nene won ot njeyo cawa mene i dyewor ma lakwo ononjo obebino kwede, kono obedo ka kiyo piny, kono pe oweko gituro ode.”⁴⁴Pi meno, wun bene wubed ma wuyubbe; pien Wod pa dano bibino i cawa ma nonjo pe wutamo pire.”⁴⁵“Anja ma lagwok ot ma lagen dok maryek, ma ladiŋte biweko dano ducu ma bedo i ode i te locce, wek opok botgi camgi i kare ma mitte?”⁴⁶Latic meno tye ki gum, ma ladiŋte ka obino ononjo en tye ka tiyo ticce kit meno.”⁴⁷Ada awaco botwu ni ladiŋtu bimiye twero me loyo jamine woko ducu.”⁴⁸Ento ka latic meno oloko kekene ni, ‘Ladiŋta donj ogalle ka bino’, ⁴⁹ci cako goyo lutic luwote, kun camo, mato dok mer kacel ki lumero, ⁵⁰ladiŋ pa latic meno bidwogo i nino ma en pe tamo pi dwogone, dok i cawa ma en pe njeyo, ⁵¹bipwode, ci kete kacel ki lugoba; ka ma dano gibibedo iye ka koko kun gikayo lakgi.

¹⁴“I kare meno ker me polo gibiporo ki anyira apar ma yam gutero taragi, gucito ka jolo lanyom. ²Jo abic i kingi onono lumin, ki jo abic onono luryeko. ³Anyira ma luminu gutero taragi labono moo, ⁴ento jo ma luryeko gutero moo i cupa kacel ki taragi. ⁵I kare ma lanyom pud ogalle, gin ducu nino omako wangi, ci gunino woko. ⁶Ka don oo i cwiny dyewor woo owinnye madwon ni, ‘Nen, lanyom don bino! Wukat woko ka jole.’ ⁷Anyira ca ducu gua cut, ci guyubo taragi. ⁸Ento anyira ma luminu gulego anyira ma luryeko-ni, ni, ‘Wumiwa moowu-ni mogo do, pien mac tarawa mito to woko.’ ⁹Ento anyira meno ma luryeko-ni gudok iye botgi ni, ‘Nen calo moo ma watye kwede pe biromowa ki wun bene; myero wucit bot lucat-wil, ci wuwil mewu.’ ¹⁰I kare ma gucito ka wilo moo, cutuct lanyom obino; jo ma nene gitye ma guyubbe gudonyo kacel kwede i ot i karama me nyom, ci giloro doggola woko. ¹¹Lacen anyira ca ma lumin-ni gubino, kun gibako doggi ni, ‘Ladit, ladit, yab doggola botwa do!’ ¹²Ento en odok iye botgi ni, ‘Ada awaco botwu ni, an gira pe aneyowu.’ ¹³Pi meno wuki, pien pe wuneyo nino kadi wa cawa. ¹⁴“Pien bibedo rom ki dano ma cito ka wot i lobo mukene, olwono luticce, ci oweko jamine i cingi ni gulo. ¹⁵Ci omiyo bot latic acel cilin alip abic, bot dano mukene omiyo cilin alip aryo, ki bot nat mukene omiyo cilin alip acel; omiyo bot dano acel acel dul lim kit macalo en romo tic kwede. Ci oa gire ocito i wotte. ¹⁶Dano ma onono cilin alip abic-ci ocalo tic kwede woko oyotoyot i cato wille; onono magoba cilin alip abic bene. ¹⁷Ki nat ma ogamo cilin alip aryo-ni bene onono magoba cilin alip aryo. ¹⁸Ento dano ma nene ogamo cilin alip acel-li ocito okwinyo bur i nom, ci okano lim pa laditte woko iye. ¹⁹Ka don kare okato malac, ladit pa lutic magi odwogo, ocalo kwano lim kacel kwedgi. ²⁰Dano ma nene ogamo cilin alip abic-ci okwono bino anyim, kun okelo cilin alip abic mukene, owacci, ‘Ladit, nene imiya cilin alip abic; nen dok onono cilin alip abic mukene.’ ²¹Laditte owacce ni, ‘Timo ber mada, in latic maber dok lagen. Onono ibedo lagen i kom jami matidi mo, abiketi don ibedo ki twero i kom jami mapol. Dony i yomcwiny pa laditti.’ ²²Lacen nat ma gimie cilin alip aryo-ni bene obino anyim, owacci, ‘Ladit, onono nene imiya cilin alip aryo; nen dok onono cilin alip aryo mukene.’ ²³Laditte owacce ni, ‘Timo ber mada, in latic maber dok lagen. Onono ibedo lagen i kom jami matidi mo, abiketi don ibedo ki twero i kom jami mapol. Dony i yomcwiny pa laditti.’ ²⁴Ka dok nat ma nene ogamo cilin alip acel-li bene obino anyim, owacci, ‘Ladit, onono aneyo ni in dano magwa, ikayo ka ma yam pe icoyo iye kodi, icoko bene ka ma pe iketo; ²⁵oweke abedo ki lworo, acito akano cilin ni woko piny i nom. Ene, gam giri limmi.’ ²⁶Ento laditte odokke iye ni, ‘In latic marac dok bene in lawackom! Onono ineyo ni akayo ka ma pe acoyo iye kodi, dok bene acoko ka ma yam pe aketo iye?’ ²⁷Ano mugeni tero limma bot jo ma loyo benje, wek i kare ma abino agam limma kacel ki magobane?’ ²⁸Pi meno wukwany cilin alip acel-li woko ki bote, wumi bot dano ma tye ki cilin alip apar-ri. ²⁹Pien dano acel acel ma tye ki gin mo, gibimiye doki makato, ci en bibedo ki jami mabup. Ento nat ma pe ki gin mo, kadi wa gin ma en tye kwede gibikwanyo woko ki bote. ³⁰Wubol latic ma konnye pe-ni i colpiny ma tye woko, ka ma dano gibikok kun gikayo iye lakgi.’ ³¹“I kare ma Wod pa dano bidwogo ki deyo kacel ki lumalaikane ducu, ci en bibedo i wi komkerre me deyo. ³²Rok ducu bicokke kacel i nyime, en bipoko kingi woko patpat, kit macalo lakwat poko kwede romi ki i kom dyegi. ³³Biketo romi yo tun cinje ma lacuc, ento dyegi en biketo yo tun cinje ma lacam. ³⁴Ci kabaka biwaco bot jo ma tye yo tun ma lacuc ni, ‘Wubin, wun jo ma Wora omiyowu gum, wule ker ma yam giyubo piwu cakke wa i acakki keto lobo. ³⁵Pien nene kec oneka, wun wumiya cam, orwo oneka, wumiya pii amato, onono a welo, wun wujola; ³⁶nene onono atye munero, wuruko bono i koma, koma obedo lit, ci wubino ka lima, dok i kare ma atye i mabuc, wun wubino bota.’ ³⁷Ci jo ma kitgi atir bidok iye bote ni, ‘Rwot, yam waneni awene ka kec neki, ci wamii cam, nyo ka orwo neki, ci wamii pii imato?’ ³⁸Yam waneni awene ka i welo, ci wajoli; nyo ka itye munero, ci waruko bono i komi?’ ³⁹Dok onono waneni awene ka komi lit nyo ka itye i mabuc, ci walimi?’ ⁴⁰Kabaka bidok iye botgi ni, ‘Ada awaco botwu ni gin ma wutimo bot dano acel i kin utmegina magi matino, meno wutimo bota.’ ⁴¹Lacen en don biwaco bot jo ma tye yo tun cinje ma lacam ni, ‘Wun jo ma giceno, wua woko ki i nyima, wudony i mac ma pe to ma giyubo pi Catan ki lumalaikane. ⁴²Pien nene kec neka, wun pe wumiya cam, orwo pii oneka, pe bene wumiya pii me amata; ⁴³yam a welo, ento pe wujola, onono atye munero ci pe wuruko bono i koma, nene koma lit dok abedo i mabuc, ento wun pe wubino ka lima.’ ⁴⁴Gin bene gibidokke iye ni, ‘Rwot, waneni awene ka kec neki nyo ka orwo neki, nyo ka i welo, nyo ka itye munero, nyo ka komi lit, nyo ka itye i mabuc, ci pe wakonyi?’ ⁴⁵En bidok iye botgi ni, ‘Ada awaco botwu ni, kit macalo pe wutimo bot dano mo acel i kin jo magi matino, pe wutimo bota.’ ⁴⁶Ci gibicito woko i can ma pe tum, ento jo ma kitgi atir bicito i kwo ma pe tum.”

¹I kare ma Yecu donj otyeko loko lok magi ducu, owaco bot lupwonnyene ni, ²“Wuneyo ni odonj nino aryo ci donj bedo nino madit me Kato (Paska), ci Wod pa dano gibimiye woko me agura i kom yatariya.”³I kare meno ajwagi madito pa Lubanja ki ludonjo pa lwak gucokke i ganj kal pa ajwaka madit pa Lubanja, ma nyiye Kayapa, ⁴ci guporo lok kacel me mako Yecu ki ryeko ka donj gineke. ⁵Ento guwacci, “Pe i nino madit, miyo lwak bitugge.”⁶I kare ma Yecu tye i Betania i ot pa Cimon ladobo, ⁷ci dako mo obino bote kun tye ki adomo moo ma nywece kur, ma welle bene dit, ci oonyo i wiye ma ononjo en obedo ka cam. ⁸Ento ka lupwonnye guneno, cwinygi ocwer, guwacci, “Piyo moo man gibalo abala kit man? ⁹Pien moo man ka kono gicato acata, ononjo kono okelo lim madit atika, ka wek gimi bot lucan.”¹⁰Ento Yecu oneyo lok man, ci owaco botgi ni, “Wuyelo dako-ni piyo? En otiyo gin maber twatwal i koma. ¹¹Pien wun wutye kacel ki lucan kare ducu, ento pe wubibedo kweda kare ducu. ¹²Moo man ma dako-ni oonyo i koma-ni en otimo man pi yubo koma me ayika. ¹³Ada awaco botwu ni, i wi lobo ducu ka ma gibitito iye lok man me kwena maber-ri, gin ma dako-ni otiyo bene gibitito pire, wek obed me po en.”¹⁴I kare meno Juda Lakeriot, ma en dano acel ma i kin jo apar wiye aryo-ni, ocito bot ajwagi madito pa Lubanja, ¹⁵ci openyogi ni, “Wubimiya gin anjo ka amiye i cinwu?” Ci gucule ki lim ryal pyeradek ma ononjo obedo lim me kare ca. ¹⁶Cakke i cawa meno cutcut Juda ocako yenyo kare maber ma eromo miyo kwede Yecu i cinji. ¹⁷I nino mukwonjo me nino madito me Mugati ma Tobi Pe Iye, lupwonnye gubino bot Yecu, ci gupenye ni, “Imito wacyubbi kabedo kwene wek icam iye cam me Kato?” ¹⁸Yecu ogamo ni, “Wucit i Jerucalem bot dano mo-ni, ci wuwacce ni, ‘Lapwony owaco ni, Karena donj cok. Abicamo cam me Kato i odi kacel ki lupwonnyena.’” ¹⁹Lupwonnye gucito gutiyo kit macalo Yecu ocikogi kwede, ci guyubo cam me Kato kunnu. ²⁰Ka piny donj oyuto, ci Yecu obedo piny kacel ki lupwonnye apar wiye aryo. ²¹I kare ma donj gitye ka cam, Yecu owaco botgi ni, “Ada, awaco botwu ni, nat acel i kinwu bidoba.” ²²Ci lupwonnye gucako kumo cut, kun gipenye ki acel acel ni, “An bo, Rwtot?”²³Yecu odok iye ni, “Dano ma tye ka gweyo dek i atabo acel kwedani aye bidoba. ²⁴Wod pa dano tye ka wot kit macalo yam gicoyo i kome-ni; ento dano ma odobo Wod pa dano-ni bineno can mada! Kono nene obedo ber ka dano-nu pe ginywalo.” ²⁵Juda ma en nat ma odobe openye bene ni, “Lapwony, an mono?” Yecu odokke iye ni, “In iwaco giri kit meno.” ²⁶Ka gitye ka camo cam, Yecu omako mugati, ci olego gum i kome, ka ocako baro iye, omiyo bot lupwonnye, kun wacci, “Wugam, wucam; man aye koma.”²⁷Ka dok otinjo kikopo, ka donj opwoyo, ci omiyo botgi, kun wacci, “Wun ducu wumat man; ²⁸pien man aye remona me gicikke, ma oo pi jo mapol pi weko bal. ²⁹Atito botwu ni, cakke tin, pe dok abimato pig olok, nio wa i nino maca ka abimatone doki kacel kwedwu i ker pa Wora.”³⁰I kare ma donj gutyeko wero wer, gua gucito i wi got Jeituni. ³¹Yecu owaco botgi ni, “I dyewor matin, wun ducu wubitenya woko kena, pien yam gicoyo ni, ‘Abigoyo lakwat, ci romi gibiket woko ata.’” ³²Ento lacen ka donj acer woko abitelo nyimwu me cito i Galilaya.”³³Petero otuco bot Yecu ni, “Kadi ka jo mukene ducu gibitenyi woko, ento an pe abitenyi ata.”³⁴Yecu owacce ni, “Ada awacci ni, tin ki i dyewor, ma nonjo twon gweno peya okok, ibikwera woko tyen adek.” ³⁵Ento Petero dok ogamo ni, “Kadi bed mitte ni myero ato kacel kwedi, pe abikweri.” Lupwonnye mukene-ni bene ducu guwaco kit meno. ³⁶Lacen Yecu ocito kwedgi i kabedo mo ma nyiye Gececemane, ci ociko lupwonnyene ni, “Wun konj wubed kany, an konj acit kuca ka lego Lubanja.”³⁷Okwanyo Petero ki litino pa Jebedayo aryo me wot kwede, ci cwinye ocako poto matek ki kumo bene madwonj. ³⁸ci owaco botgi ni, “Cwinya tye ka wanj matek, mito neka woko. Wubed ka kiyo piny kacel kweda.”³⁹Ocako cito anyim manok, ci ogunjo oryebbe piny olego ni, “Wora, ka ce imito, kwany kikopo man woko ki i koma; ento pe obed kit macalo an amito, gin ma in imito aye myero otimme.”⁴⁰Ka oa odwogo bot lupwonnye ononjo gunino woko, ci owaco bot Petero ni, “Pe itwero kiyo piny pi cawa acel mo kacel kweda? ⁴¹Wuki wuleg Lubanja, wek pe wudony i abita mo; cwiny kikome mito loyo abita pa Catan, ento kom aye nyap.”⁴²Dok odok ka lego Lubanja tyen me aryo kun lego ni, “Wora, ka kikopo man pe twero kato ma pe amato, wek gin ma imito otimme.”⁴³Dok odwogo ononjo gunino woko, pien ononjo nino donj omako wangi twatwal. ⁴⁴Ka dok owekogi ocito olego lubanja tyen me adekke, kun nwoyo lego lega acel-lu. ⁴⁵Ka oa odwogo bot lupwonnye openyogi ni, “Wun pud wunino ce? Pud wutye ka yweyo bo? Nen, cawa donj onyiko cok, Wod pa dano donj gimioyo woko i cinj lubalo. ⁴⁶Donj wua malo, wacitu; nen dano ma doba donj tye cok.”⁴⁷I kare ma Yecu pud tye ka lok, Juda otugi bino; en yam nat acel i kin jo apar wiye aryo-ni. Obino ki lwak ma gua bot ajwagi madito pa Lubanja ki ludonjo pa lwak, kun gitye ki pala lucwan ki odoo-gu. ⁴⁸Juda ma odobe-ni yam omiyo botgi lanyut. En owacci, “Dano ma abimoto kun anoto leme, meno aye en kikome; wutugi makone woko.”⁴⁹Cutcut obino bot Yecu atir, ocako mote ni, “Lapwony itye!” Ci onoto leme. ⁵⁰Yecu owaco bot Juda ni, “Larema, ibino kany piyo?” Ci gubino gutugi poto i kome, gumake woko cut. ⁵¹Ento dano mo acel i kom jo ma ononjo gitye kacel ki Yecu oryeyo cinje ci owoto pala lucwanne, otinjo ki opii pa ajwaka madit pa Lubanja, onuno ite woko. ⁵²Ci Yecu owaco ki dano-nu ni, “Dwok pala lucwanni kakare i akura; pien jo ducu ma mako pala lucwan, gibinekogi bene ki pala lucwan. ⁵³Itamo ni pe atwero lego Wora wek ocwalla lumalaika makato dul mony apar wiye aryo woko, i cawa man? ⁵⁴Ci lok ma yam gicoyo i ginacoya-ni donj bicobbe kakare ninjin, ni myero obed kit meno?”⁵⁵I kare meno Yecu owaco bot

lwak ni, “Wubino bota ki pala lucwan ki odoogu me maka, macalo wubino i kom layak? Abedo ka pwony i ot pa Lubana jwijwi, ci pe yam wumaka do.”⁵⁶Ento gin magi ducu donj otimme, wek lok ma yam gicoyo i buk pa lunebi ocobbe kakare.” I kare meno cut lupwonnye gubwote guriŋo woko.⁵⁷Jo ma gumako Yecu gutere bot Kayapa ajwaka madit pa Lubana, ka ma onono lupwony-cik ki ludono-gu gucokke iye.⁵⁸Ento Petero obedo ka lubo kor Yecu ki cencen, nio kwede wa i dyekal pa ajwaka madit; odonyo ci obedo kacel ki lukur-piny kun kuro wek enen gin ma bitimme.⁵⁹Ajwagi madito ki jo ma i Lukiko ducu guyenyo lok me caden me goba i kom Yecu wek gineke woko.⁶⁰ento pe gumedo ki nono lok mo, kadi bed lucaden ma lugoba mapol gukelo lok goba. Me agikkine jo aryo gubino,⁶¹guwacci, “Dano-ni owaco ni, ‘Atwero keto ot pa Lubana, ka dok agero woko kakare i nino adek.”⁶²Cutcut ajwaka madit pa Lubana oa malo ci owacci, “Pe idok iye lok mo? Kit lok anjo ma jo-ni gudoti kwede-ni?”⁶³Ento Yecu olinj woko alina. Ajwaka madit pa Lubana dok owacce ni, “Amito ikwonj kwonj ki nyin Lubana makwo, tit botwa ka ce in aye i Kricito ma Lubana oyero, Wod pa Lubana.”⁶⁴Yecu odokke iye ni, “In iwaco giri kit meno; ento awaco botwu ni, cakke kombeddi wubineno Wod pa dano ka obedo piny i kabedo me deyo ka net Won Twer tun lacuc, kun bino ki pol me polo.”⁶⁵Ci ajwaka madit pa Lubana ocako yeco ginarukane woko kekene, kun wacci, “Oyeto Lubana; pud dok wumito caden me no? Kombeddi donj wuwinyo kit ma en oyeto kwede Lubana.⁶⁶Wutamo iye lok anjo?” Gudokke iye ni, “Balle romme to.”⁶⁷Cutcut gunjulo laa i wane, ka gudone. Jo mogo gudone kun giwaco ni,⁶⁸“In lanebi-ni! In Kricito ma Lubana oyero-ni, tuci! Ana mugoyi?”⁶⁹Petero onono tye woko, obedo piny i dyekal. Ci aneca mo obino bote, owacce ni, “In bene onono itye kacel ki Yecu Lagalilaya.”⁷⁰Ento Petero okwero woko i nyim dano ducu, kun wacci, “An pe anianj gin ma ibeloko-ni.”⁷¹Ka Petero okato woko i doggan, aneca mukene dok onene, ci owaco bot jo ma onono gucuŋ kunnu ni, “Dano man bene onono tye kacel ki Yecu me Najaret.”⁷²Petero dok okwero woko kun kwonje akwona ni, “An gira pe aneyo dano-ni.”⁷³Ka kare okato manoknok, jo ma onono gucuŋ kenyo gubino guwaco bot Petero ni, “Ada, in i nat acel i kingi, pien kit ma iloko kwede nyuti woko.”⁷⁴Petero ocako kwonje kun lamme kekene ni, “Pe aneyo danoni.” Cutcut twon gweno otugi kok.⁷⁵Ci Petero ocako po lok ma nene Yecu owacce ni, “Ma nono twon gweno peya okok, ibikwera woko tyen adek kulu.” Ci okato woko okok ki cwerwiny madwonj.

¹Ka piny don oru, ajwagi madito pa Lubana ki ludono pa lwak guporo lok i kom Yecu kit me neke woko. ²Ci gutweye gutere gumiye bot Pilato ma onono laloc i kare meno. ³Ka Juda, nat ma yam odobe-ni, oneno ni don ginolo kop oloyo Yecu, onut ci odwoko lim ryal pyeradeek ca bot ajwagi madito pa Lubana ki ludono, ⁴kun waco botgi ni, “Abalo pi dobo dano ma pe ki bal.” Gudokke iye ni, “Meno obedo lokwa bo? Meno lokki giri.” ⁵Juda obolo lim piny i nom i ot pa Lubana, ci ocito odene woko. ⁶Ento ajwagi madito gukwanyo lim meno kun giwaco ni, “Cik pe ye ni myero giket lim man i kicaa lim me ot pa Lubana, pien giwilo ki remo.” ⁷Ci guporo lok kacel, guwilo lim meno woko ki poto pa lacwe-agulu, odoko ka yiko lurok. ⁸Pi meno omiyo gilwono poto-nu ni poto me remo nio wa onyoo. ⁹Mumiyo lok ma yam lanebi Jeremia oloko ocobbe kakare ni, “Yam gutero cilin pyeradeek, i wel ma jo mogo i kin likwayo pa Irael onolo kwede welle, ¹⁰ci gimiyo pi poto pa lacwe-agulu ca kit macalo Rwot ocika kwede.” ¹¹Yecu ocun i nyim laloc ci laloc openye ni, “In i kabaka pa Lujudaya bo?” Yecu ogamo ni, “Iwaco kakare gire.” ¹²Ento i kare ma ajwagi madito pa Lubana ki ludono gudote, en pe ogamo iye gin mo. ¹³Pilato openye ni, “Pe iwinyo kit lwak adot mapol ma gidoti kwede-ni?” ¹⁴Ento Yecu pe odok iye lok mo kadi ki acel i lok ducu ma gikelo i kome; man omiyo laloc ouro twatwal. ¹⁵I kare me nino madito onono yam Pilato gonyo iye lamabuc mo woko pi lwak ma gin mito. ¹⁶I kare-nu onono gitye ki lamabuc mo ma nene ma nyine Baraba. ¹⁷I kare ma don onono gucokke kacel, Pilato openyogi ni, “Wumito ni agony botwu ana, baraba nyo Yecu ma gilwono Kricito?” ¹⁸Pien Pilato onono oneyo woko ni gumiyo Yecu bote pi nyeko. ¹⁹Dok bene i kare ma don Pilato obedo i wi kom me njolo kop, dakone ocwalo kwena bote ni, “Pe itim gin mo i kom dano meno ma kite atir-ri, pien tin i wan lek aneno can madit twatwal pire.” ²⁰Ento ajwagi madito pa Lubana ki ludono gubito lwak ni myero gupeny pi Baraba, guwek ginek Yecu woko. ²¹Laloc dok openyogi ni, “I kin jo aryo-ni wumito agony botwu ana?” Lwak gudokke iye ni, “Baraba.” ²²Pilato dok openyogi ni, “Ci Yecu ma gilwono Kricito-ni don abitimo ninin?” Gin ducu gudokke iye ni, “Wek gigure i kom yatariya.” ²³Pilato dok openyogi ni, “Pino kaa, otimo kit gin ano marac?” Ento lwak gumedde ki wo ni, “Wek gigure woko i kom yatariya.” ²⁴Pilato ka oneno ni lok man onono don pe twerre, woo onono tye ka medde ameda, ci okwanyo pii, olwoko ki cine i nyim lwak kun wacci, “Bal me remo pa dano-ni gire pe i koma, lokwu giwu.” ²⁵Dano ducu gugamo ni, “Remone obed i wiwa ki i wi litinowa!” ²⁶Ci ogonyo botgi Baraba; laca ka don otyeko goyo Yecu ki del omiye woko ni gigure i kom yatariya. ²⁷Askari pa laloc gutero Yecu i Praitorion, ci gucoko buca monygi ducu i nyime. ²⁸Guluno bonone woko ki i kome, ka don guruke ki bono makwar. ²⁹Gucweyo lalukana okuto, gurwako i wiye, ci guketo odoo lagada i cine lacuc. Gurumo congi piny i nyime, gucako nala kun giwacci, “Itye ba, kabaka pa Lujudaya!” ³⁰Gunulo laa i kome, gukwanyo odoo lagada ci gugoyo ki wiye. ³¹Ka don gutyeko nala, ci guluno bono makwar woko ki i kome, ka dok guruke ki bono kikome, ci gutere kwede woko ka gure i kom yatariya. ³²I kare ma don onono gikato woko, gurwatte ki dano mo me Cirene ma nyine Cimon, ci gudiye tektek me tinjo yatariya pa Yecu. ³³I kare ma guo i kabedo ma gilwono ni Golgota, ma te lokke ni kabedo me cogo wic, ³⁴gumiye konjo vino ma girubo ki keda ni omati, ento i kare ma obilo, pe oye matone. ³⁵Ka don gugure i kom yatariya, ci gupoko bonnine woko i kingi kun gibolo iye kwir. ³⁶Ka laca don gubedo piny kunnu ka kiye. ³⁷Lok me adot ma gidote kwede-ni giguro malo ka wiye, kun gicoyo ni, “Man aye Yecu kabaka pa Lujudaya.” ³⁸Gigure kacel ki luyak mogo aryo, dano acel tun lacuc ki acel tun lacam. ³⁹Jo ma gimol gikato ki ka njete gubedo ka yete, kun giyenjo wigi, ⁴⁰ma giwacci, “Nye, in ma imuko ot pa Lubana woko, ci igero pi nino adek-ki, don ilarre keni ba! Ka ce in i Wod pa Lubana, lor woko piny ki i kom yatariya.” ⁴¹Ki ajwagi madito pa Lubana ki lupwonycik ki ludono bene gunale kit meno kun giwacci, ⁴²“Yam bedo ka laro jo mukene, pe twero larre kene. En kabaka pa jo Irael do; wek olor piny ki i kom yatariya, ci wabiye en.” ⁴³En geno Lubana, wek Lubana konj olare kombeddi, ka mite; pien yam owacci, ‘An a Wod pa Lubana.’” ⁴⁴Ki luyak bene ma onono gigurogi kacel kwede gucaye i kit acel-lu. ⁴⁵Cakke i cawa abicel, piny ocido woko macol i lobo ducu, nio wa i cawa abonwen. ⁴⁶I kin cawa abonwen Yecu odanne ki dwan malono ni, “Eloi, Eloi, lama cabaktani?” ma te lokke ni, “Lubajana, Lubajana, itenya woko pino?” ⁴⁷Ka jo ma onono gucun kunnu guwinyo lokke, ci guwacci, “Laco man tye ka lwonjo Elia.” ⁴⁸Cutcut dano acel i kingi orino okwanyo amor, ci oluto i konjo vino mawacce, orwako i wi tal lagada, ka omiyo bot Yecu ni omati. ⁴⁹Ento jo mukene guwacci, “Konj wukur, wek mono wanen ka Elia bino ka lare.” ⁵⁰Yecu dok odanne ki dwan malono, ka don omiyo kwone woko. ⁵¹Ci nen, bono kicika ma i ot pa Lubana oyec opokke woko i dul aryo, cakke ki malo, nio kwede wa i tere piny. Piny oyenne, ki pata-gu gubar woko; ⁵²ki lyel bene doggi oyabbe woko, ki kom jo malen mapol ma yam guto gucer woko. ⁵³Gukatti woko ki i lyelgi i kare ma Yecu don ocer, gucito i Jerucalem gunyutte bot jo mapol. ⁵⁴Ladit ma loyo askari kacel ki jo ma onono gitye kwede, ma gubedo ka kiyo Yecu, ka guneno kit ma piny oyenne kwede ki gin ma don otyeko timme, gubedo ki lworu madit mada, ci guwacci, “Adada, man onono Wod pa Lubana!” ⁵⁵Dok bene onono nene tye mon mapol kunnu ma gucun ki cen ka nenone, ma gulubo kor Yecu cakke ki i Galilaya, gubedo ka konye bene. ⁵⁶I kin mon magi onono tye iye Maliam Lamagdala ki Maliam min Yakobo ki Yucepu, ki min litino pa Jebedayo. ⁵⁷I kare ma piny don oyuto, dano mo ma

lalonyo me Arimataya ma nyiŋe Yucepu obino; en kikome bene onono yam obedo lapwonny pa Yecu. ⁵⁸Ocito bot Pilato ci olego kom Yecu. Ci Pilato ociko ni gimiye. ⁵⁹Yucepu okwanyo kom Yecu, ci oboyo woko ki bono camanini malen-ŋe, ⁶⁰ka opyelo i lyelle kikome manyen, ma yam onono okwinyo oroko i i got; ci onilo got madit oloro ki dog lyel, ka don oa ocito gire. ⁶¹Maliām Lamagdala ki Maliām mukene-ni bene onono gitye kunnu gubedo piny gukemme ki lyel. ⁶²Orwone, ma en aye nino ma lubo nino me Yubbe, ajwagi madito pa Lubana ki Lupaŋicayo gucoke i nyim Pilato, ⁶³guwaco bote ni, “Ladit, wapo kit ma dano ma lagoba ca oloko kwede, i kare ma pud en kwo; ma owaco ni, ‘I ŋe nino adek abicer woko doki.’” ⁶⁴Pi meno cik gigwok lyel maber adada nio wa i nino me adekke, wek lupwonnyene pe gucito gukwal kome woko, ka don giwaco bot lwak ni, ‘En don ocer woko ki i kin jo muto’, man bimiyo bwola man bedo rac makato mukwono ca.” ⁶⁵Pilato owaco botgi ni, “Wutye ki askari ma gin lukur-piny; wuciti, wugwok maber mada kit macalo wutwero.” ⁶⁶Ci gucito guloro dog lyel woko maber kun gimwono lanen iye i kom got, ka guketo lukur-piny me gwokone.

28 ¹Ka cabit donj okato, i kine okogweno me nino mukwoŋo me cabit, Maliam Lamagdala ki Maliam mukene gucito ka neno lyel. ²Ento oyenyen madit oyenjo piny; pien lamalaika pa Rwot olor ki i polo obino piny ci onjlo got woko ki i dog lyel, ka obedo i wiye. ³Lamalaika meno ononjo nen calo lutkot ma wil, ki ginarukane ononjo nen matar calo pee. ⁴Pi lworor en omiyo lukur-piny komgi omyel, ci gudoko calo jo muto. ⁵Ento lamalaika owaco bot mon ni, “Pe wulwor; pien aneyo ni wutye ka yenyo Yecu ma yam giguro i kom yatariya-ni. ⁶Pe tye kany, pien ocer woko kit macalo nene en owaco. Wubin wunen ka ma ononjo en obuto iye. ⁷Ci wuciti oyotoyot wutit bot lupwonnyene ni en donj ocer woko ki i kin jo muto, nen, en donj okwoŋo nyimwu me cito i Galilaya; wun wubinene ki kunnu. Nen, donj atyeko tito botwu.” ⁸Ci gua woko ki i wi lyel oyotoyot ki lworor ki yomcwiny madwon, guriŋo gucito ka tito bot lupwonnyene. ⁹Ento nen, Yecu orwatte kwedgi, ci omotogi ni, “Wutye ba!” Gin gubino bote gumako tyene ci guwore. ¹⁰Ka dok Yecu owaco botgi ni, “Pe wulwor; wuciti wutit bot utmegina ni myero gucit i Galilaya, ci gibinena ki kunnu.” ¹¹I kare ma gitye ka wot, jo mogo ki i kin lukur-piny gudok i ganj ka dwoko lok bot ajwagi madito pa Lubaŋa pi gin ducu ma donj otimme-ni. ¹²Ka donj gucokke kacel ki ludonjo, ma donj guporo lok, ci gumiyo lim madit bot askari, ¹³kun giwacci, “Wuwac bot lwak ni, ‘Lupwonnyene gubino ki dyewor ci gukwalo kome i kare ma ononjo wanino woko.” ¹⁴Ka ce laloc biwinyo lok man, ci wan wabiniane ki lok ducu, wek can mo pe opot i komwu.” ¹⁵Askari bene gugamo lim, ci gutimo kit macalo gicikogi kwede; omiyo lok man obedo ka ywek i kin Lujudaya nio wa onyoo. ¹⁶I kare meno lupwonnyene apar wiye acel gucito i Galilaya, i wi got ma yam en ocikogi ni gucit iye. ¹⁷Ka gunene ci guwore; ento jo mogo gubedo ka kalo akala. ¹⁸Yecu obino ci owaco botgi ni, “Twero ducu ma i wi polo ki i lobo donj gityeko miyo woko bota. ¹⁹meno donj wuciti wucilok jo me rok ducu gudok jo ma luba, kun wubatijagi i nyin Won ki Wod ki Cwiny Malen.” ²⁰wupwonygi me gwoko gin ducu ma donj atyeko cikowu kwede. Nen, atye kwedwu kare ducu, nio i agikki piny.”

Marako

1

¹Acakki me lok me kwena maber i kom Yecu Kricito, Wod pa Lubaŋa, ²kit ma gicoyo kwede i buk pa lanebi Icaya ni, “Nen, acwalo lakwenana otelo nyimi, ma bigero yoni; ³dwan dano mo ma danje ki i tim ni, Wuger yo pa Rwot, wutir yone ocunj atir.” ⁴Kit meno, Jon Labatija ocako nen i tim, kun tito lok ni, “Wunjut wek wulim batija, wek Lubaŋa owek balwu.” ⁵Ci jo ma i lobo Judaya ducu ki jo ducu ma i ganj Jerucalem gucito bote. Gutuco balgi, ci en obatiŋagi i kulu Jordan. ⁶Jon yam ruko bonjo yer kinaga, ka tweyo pyere ki del, kun camo bonyo ki moo kic ma i tim. ⁷En obedo ka tito lok kun wacci, “Dano mo obebino kun lubo kora ma kato an ki dit, ma an pe aromo guŋjo piny ka gonyo del war tyene. ⁸An abatiŋawu ki pii, ento en bibatiŋawu ki Cwiny Malen.” ⁹I kare meno Yecu oa ki i Najaret me Galilaya obino bot Jon, ci Jon obatiŋa en i kulu Jordan. ¹⁰Ka Yecu obea woko ki i pii, otugi neno ka polo yabbe, ki Cwiny Malen ma bino kun lyanne piny macalo akuri ci opye i kome. ¹¹Ci dwan ocako winnye ma a ki i polo kun wacci, “In aye i Woda ma amaro, ma cwinya yom i komi.” ¹²Cutcut Cwiny Malen otero Yecu woko wa i tim. ¹³Ci obedo i tim nino pyeranwen; Catan ocako bite, ma ononjo en tye kacel ki lee tim, kun lumalaika gikonye. ¹⁴I kare ma gitweyo Jon woko i mabuc, Yecu ocako bino i Galilaya kun tito lok me kwena maber ma a ki bot Lubaŋa; ¹⁵owacci, “Kare donj oromo, ker pa Lubaŋa onyiko cok; wunjut, wuye lok me kwena maber.” ¹⁶Ka Yecu onono woto rabo dog nam me Galilaya, ci oneno Cimon ki ominne Anderiya, ka gitye ka bolo obwo recgi i nam; pien gin lumak-rec. ¹⁷Yecu ocako lwonjogi ni, “Wubin wulub kora, ci an abimiyowu wudoko lumak dano.” ¹⁸Ci cutcut gutugi weko obwogi, gulubo kore. ¹⁹Ka dok guwoto anyim manok, ci oneno Yakobo ki ominne Jon, gin awobe pa Jebedayo, ma ononjo gitye i yeya ka lubo obwo recgi. ²⁰En otugi lwonjogi cut, ci giweko wongi Jebedayo odonj ki luticce i yeya, gucako lubo kore. ²¹Gucako cito wa i Kapernaum, ci cutcut i ceŋ cabit Yecu odonyo i kacokke, ocako pwonyogi. ²²Dano guuro kit pwonnyene matek, pien owonyogi macalo won twero, pe macalo lipwony-cik. ²³Ci cutcut dano mo ma tye ki cen marac onen i kacokke; ²⁴ocako danje matek ni, “Ilaro gin anjo kwedwa kaa, in Yecu Lanajaret? Donj ibino ka tyekowa bo? An aneyi, in i dano malen pa Lubaŋa.” ²⁵Ento Yecu ojuke, kun wacce ni, “Linj mot, a woko ki i kome!” ²⁶Cen marac oryeye ki koko matek, ka oa woko ki i kome. ²⁷Dano ducu guuro matek, kun gipenyene kekengi ni, “Man gin anjo? Man aye dok kit pwony manyen bo? Nen en ka ciko wa cen maraco-gu ki twero, ci gin bene giwinyo doge.” ²⁸Ci pire oywek oromo kabedo ducu murumo lobo Galilaya. ²⁹Ci cutcut gua woko ki i kacokke, gudonyo i ot pa Petero ki Anderiya, gunywako wot ki Yakobo ki Jon. ³⁰Maro Petero ononjo tye ki two lyeto, obuto piny, ci cutcut gutito pire bot Yecu. ³¹Yecu ocito omako ciŋe otiŋe kwede malo, ci two lyeto ocaŋ woko ki i kome, ka ocako gwokogi. ³²Otyeno ma ceŋ opoto woko, gucako kelo bote lutwo ducu ma komgi lit, ki jo ma cen marac omakogi. ³³Jo ducu ma i ganj gucokke i doggola. ³⁴Ci en ocaŋo lutwo mapol ma ononjo gitye ki kwa two mapatpat, kun ryemo ki lwak cen-gu mapol; pe oye cen mo oloko, pien ononjo giŋeye. ³⁵Odiko con ma

piny pud col, Yecu oa malo, ci opuk ocito woko wa i kabedo ma dano pe iye, ci obedo ka lego Lubana kunnu.

³⁶Cimon ki jo ma gitye kwede gucako lubo kore; ³⁷ka gunoŋe ci guwacce ni, “Dano ducu gitye ka yenyi.”³⁸En ogamo doggi ni, “Dok wakobu woko i gaŋ mukene ma tye cok ki kany, wek acitit lok kunnu bene; pien meno en aye gin mumiyo abino.” ³⁹Ci Yecu ocaŋo tiŋo wot orumo lobo Galilaya ducu, kun woto ki tito lok i kacokkegi ki ryemo cengu bene.⁴⁰Ladobo mo obino bot Yecu, kun orumo coŋe piny obako doge bote, olege ni, “Ka imito, itwero lonyo koma.” ⁴¹Ci kica omako Yecu i kome, ocaŋo ryeyo ciŋe ogudo kome, kun wacce ni, “Amito; komi olony.” ⁴²Ci cutcut dobo ocaŋ ki i kome, kome odoko leŋ.⁴³Yecu ocike matek, ka ocwale kwede ocito. ⁴⁴Ocike ni, “Winy ba, pe icitit ki dano mo; ento ber icit ci icinyutte keni bot ajwaka pa Lubana, wek imi gityer pi komi ma doŋ ocaŋ-ŋi, kit ma yam Moses ociko, wek obed lanyut botgi.”⁴⁵Ento en ocito, ocaŋo tito lokke atyer bot lwak, ci lokke oywek. Pieno omiyo Yecu pe doŋ twero donyo i gaŋ mo ka malen; ocaŋo bedo i kabedo ma dano pe iye, ento lwak gumol gucito bote ma gua ki i kabedo ducu.

¹Ka nino okato manok, Yecu dok odwogo i Kapernaum, ci pire owinnye ni en tye paco. ²Ci lwak gucokke kacel, ma kabedo odoko din, pe romogi, piny opon wa i doggola-gu; en obedo ka tito lok botgi. ³Jo mogo gukelo bote dano ma twoyo two akweya kom, jo anwen aye gutiño en. ⁴Ka yo me tere i nyim Yecu oloyogi pi lwak, ci guyabo wi ot ki malo ka ma en tye iye. Ka gutyeko mukone ci gucwalo kitara ma latwo obuto iye piny i nyime. ⁵Yecu ka oneno niyegi, ci owaco bot latwo ni, “Latinna, balli don giweko woko.” ⁶Ka lupwony-cik mogo, ma onono gibedo kunnu, gubedo ka pyem kekengi wa i cwinygi ni, ⁷“Dano man loko kuman piño? En oyeto Lubana! Ana ma twero weko bal kono nat acel keken, en aye Lubana?” ⁸Oyotoyot Yecu ocalo nian ki i cwinye kene ni gitye ki pyem ma kit meno i cwinygi, ci openyogi ni, “Piño cwinywu tye ka pyem lok macalo man? ⁹Lok mayotte tye kwene ka awaco bot latwo ni, ‘Balli don giweko woko’, kono nyo ni, ‘A malo wek itin kabutoni, icit wa paco?’” ¹⁰Ento kombeddi abinyuto botwu ni Wod pa dano tye ki twero me weko bal i wi lobo.” Ci cut owaco bot latwo akweya kom ni, ¹¹“An awacci ni, a malo, itin kabutoni, icit giri paco.” ¹²En ocalo a malo, otino kabutone oyotoyot, ocito woko ki i nyimgi; omiyo gin ducu guuro twatwal, gucako pako Lubana kun giwacci, “Ma naka yam peya waneno kit gin macalo man.” ¹³Yecu dok ocito i dog nam Galilaya; ci lwak ducu gubino bote, ocalo pwonyogi. ¹⁴Ka okato i yo, ci oneno Levi, wod pa Alipayo, ka obedo piny ka jogo mucoro, ci owacce ni, “Luba.” Ci oa malo, olubo kore. ¹⁵Ka don en obedo piny i ode, ci lujog-mucoro ducu ki lubalo gubino gubedo piny kacel ki lupwonnyene; pien cen onono tye jo mapol ma kit meno ma gubedo ka lube ¹⁶Lupwonycik ma i kin Luparicayo, ka guneno ni en ocalo kacel ki lubalo ki lujog-mucoro, gupenyo lupwonnyene ni, “Piño en camo kacel ki lujog-mucoro ki lubalo?” ¹⁷Yecu owinyo ci ogamo ni, “Jo ma komgi yot pe gimito daktar, pe abino ka lwoño jo ma kitgi atir, ento lubalo.” ¹⁸Lupwonnye pa Jon ki pa Luparicayo onono gitye ka ri kec; jo mogo gubino gupenye ni, “Piño lupwonnye pa Jon ki pa Luparicayo giri kec, ento lupwonnyeni pe giri kec?” ¹⁹Yecu odok iye botgi ni, “Lurem lanyom twero ri kec ma kun lanyom tye kwedgi? Pi kare ducu ma lanyom tye kwedgi pe gitwero ri kec.” ²⁰Ento kare bibino ma gibikwanyo lanyom woko ki botgi, ka don gibiri i kare meno. ²¹Pe tye natti mo ma dabo bono manyen i kom ginaruka muti. Ka otimo kit meno, ci kiraka ma gidabo kwede-ni telo bono meno; en manyen-ni jun woko ki kom muti, ci wan bono yec medde. ²²Pe tye natti mo ma piko konjo vino manyen i kicaa macon; ka opiko, ci konjo vino biyeco kicaa woko, konjo vino bio woko, ki kicaa bene biballe. Ento konjo vino manyen myero gipik i kicaa manyen.” ²³Ka yam onono Yecu woto kun nolo dye poto bel i nino me cabit, ka gitye ka wot, lupwonnyene gucako rito wit bel. ²⁴Luparicayo gupenye ni, “Piño lupwonnyeni gitiyo gin ma cik okwero ni pe giti i cen cabit?” ²⁵En odok iye botgi ni, “Wun pe wukwano gin ma Daudi otiyo ka en tye ma kec oneko marac, en ki jo ma tye kacel kwede?” ²⁶Kit ma en odonyo kwede i ot pa Lubana i kare ma Abiatar aye ajwaka madit pa Lubana? Ocalo mugati ma giketo i nyim Lubana, ma yam cik okwero ni dano mo pe ocam, kono ajwagi pa Lubana keken. Daudi ocalo, dok opoko ki jo ma tye bote.” ²⁷Otitigi ni “Cabit giketo pi dano, pe dano aye giieto pi cabit. ²⁸Kumeno Wod pa dano aye rwot me cabit.”

3

¹Yecu dok odonyo i kacokke, ma onono tye iye dano mo ma bade otal. ²Gukiye ka nyo bicanje i cenj cabit, wek gikel kop i kome. ³Yecu owaco bot labade otal ni, "A malo icun i dyere." ⁴Openyogi ni, "I cenj cabit, cik ye ni gitim iye gin maber nyo gin marac, gilar iye kwo nyo ginek woko?" Ento gin gulin alina. ⁵En olworo wane i komgi ki kiniga, cwinye ocwer pi nwan cwinygi. Owaco bot dano-nu ni, "Rye badi." En oryeyo bade ci bade ocan. ⁶Luparicayo gukato woko, cutcut gucako poro lok kacel ki jo pa Kerode kit ma myero gineke kwede. ⁷Yecu ki lupwonnyene gua gucito i dog nam. Lwak madwon ma gua i Galilaya gulube ki jo ma gua i Judaya, ⁸ki i Jerucalem, ki Idumea ki loka Jordan, ki i lobo ma orumo Turo ki Cidon; lwak madwon gucokke bote, pien guwinyo pi tic mapol ma en otiyo. ⁹En ociko lupwonnyene ni guyub yeya matidi pire, wek pe lwak gubed ka diyo en. ¹⁰Pien onono ocano jo mapol, ma omiyo jo ducu ma komgi lit gidine i kome ka boje. ¹¹Ka cen maraco gunene, ci guryebbe i nyime, gukok kun giwaco ni, "In giri Wod pa Lubana." ¹²Yecu ojukogi ni pe myero giwek dano oneye. ¹³Yecu oito malo i wi got, ocako lwonjo jo ma en mito bote; ci gucito bote. ¹⁴Oyero jo apar wiye aryo wek gubed kacel kwede, dok wek eorgi gubed lukwena me tito lok, ¹⁵dok gubed ki twero me ryemo cen. ¹⁶Mukwonjo Cimon ma en ocako nyije Petero; ¹⁷ki Yakobo wod pa Jebedayo, ki Jon omin Yakobo, ma en ocako nyingi ni Boanergi, te lokke ni, jo ma gimor calo kot; ¹⁸ki Anderiya ki Pilipo ki Bartolomayo ki Matayo, ki Tomaci, ki Yakobo wod Alipayo, ki Tadayo, ki Cimon ma obedo i kin jo ma gimito locken, ¹⁹ki Juda me Keriot, ma yam odobe. ²⁰Lwak dok gucokke, omiyo en ki lupwonnyene pe gitwero nonjo kare me cam. ²¹Ka jo tugi guwinyo, ci gubino ka make pien giwaco ni, "En opo woko." ²²Lupwony-cik ma gua i Jerucalem guwaco ni, "En tye ki jok Beeljebul," dok ni, "En ryemo cen pi twero pa ladit pa cen." ²³Yecu olwonogi bote, oloko kwedgi i carolok ni, "Catan twero ryemo Catan niñniñ?" ²⁴Ker ka opokke aryo, ker meno pe twero cun. ²⁵Dok ot ka iye opokke aryo, ot meno pe twero cun. ²⁶Dok ka Catan ocako lweny i kome kekene ce opokke kene, ci pe twero cun, kerre gik woko. ²⁷Ento pe tye natti mo ma twero donyo i ot pa dano ma kome tek ka yako jamine; ento konj kwonjo tweyo dano ma kome tek-ki, ka donj biyako jamine ma i ode. ²⁸Ada awaco botwu ni, bal ducu ma dano timo, ki lok ducu ma giyeto kwede Lubana, gibiwekone woko, ²⁹ento nat ma yeto Cwiny Malen pe gibiweko balle matwal, pien nonjo otimo bal ma ri nakanaka, ³⁰pien onono guwaco ni, "En tye ki cen marac." ³¹Minne ki omegine gubino, gucun woko, gucwalo kwena me lwonje. ³²Lwak onono gubedo kun gurume dyere. Giwacce ni, "Nen, meni ki omegi gitye woko, giyenyi." ³³En openyo ni, "Maa ki omega gin anagi?" ³⁴Olworo wane i kom jo ma gurume ma gubedo piny, owaco ni, "Maa ki omega gin ene." ³⁵Dano ma tiyo gin ma Lubana mito, en aye omera, ki lamera, ki maa."

¹Yecu dok ocako pwony i dog nam. Lwak madwon twatwal gucokke bote; pi meno oito i yeya, obedo iye i dye nam, lwak ducu gubedo i witura. ²Opwonyogi ki lok mapol i carolok. I pwonnye owaco ni. ³“Wuwiny! Lacoc ocito ka coyo kodi. ⁴Ka kun coyo, kodi mogo okir i net yo, winyo gubino, gucamo woko. ⁵Kodi mukene okir i kom pata ka ma nom tye iye manok. Cutcut gutwi, pien nom pe tut. ⁶Ka cen oryeny, owanogi gutwo woko, pien lwitgi pe odonyo matut. ⁷Kodi mukene okir i kin okuto, okuto olot odiyogi woko, pe gunyako nyiggi. ⁸Kodi mukene okir i nom maber, gutwi, gujany, gunyako nyiggi, mukene pyerade, mukene pyerabice, mukene miya.” ⁹Lacen owaco ni, “nat ma tye ki it me winyone, owiny.” ¹⁰Ka onono Yecu odon kene, ci jo murume dyere kacel ki jone apar wiye aryo, gubino gupenye lok i kom carolok meno. ¹¹En ogonyo botgi tere ni, “Wun gimiyowu me neyo mun me ker pa Lubana, ento bot jo maca ma gitye woko giloko kwedgi i carolok, ¹²wek ka gineno, gunen, ento pe gunian maber, dok ka giwinyo, guwiny, ento pe gunian tere maber; wek pe gudwog cen, ci Lubana owek balgi.” ¹³Yecu openyogi ni, “Pe wunian te carolok man? Wubinian ninin carolok ducu? ¹⁴Lacoc coyo lok pa Lubana. ¹⁵Magi gin aye jo ma i net yo, ka ma lok gicoyo iye; ka guwinyo, cutcut Catan bino, kwanyo lok ma gicoyo i igi woko. ¹⁶Kit meno magi gin aye ma gicoyo i nom ma obedo pata; gin ka guwinyo, oyotoyot gimako lok ki yomcwiny; ¹⁷ento pe gitye ki lwitgi i igi, giri pi kare manok; ka can obino, nyo libo dano ocakke, pi lok meno, cutcut gipoto woko. ¹⁸Tye mukene ma gicoyo i kin okuto; gin aye jo ma giwinyo lok, ¹⁹ce paro lok me lobo man, ki maro lonyo, ki miti me jami mukene, ka odonyo i cwinygi ci diyo lok, pe nyak. ²⁰Ento maca ma gicoyogi i nom maber-ri, gin aye jo ma giwinyo lok, ci gigamo, ginyako nyiggi, mukene pyerade, mukene pyerabice, mukene miya.” ²¹Lacen openyogi ni, “Tara mono gikelo i ot me auma ki aduku, nyo me aketa i te kitanda? Pe gicibo i wi okar? ²²Pien pe tye gin mo ma okanne ma pe binene, kadi gin ma giumo ma pe binen kamalen. ²³Ka natti mo tye ki it me winyone, owiny.” ²⁴Owaco botgi ni, “Wugwokke i kom lok ma wuwinyo; kit gin mo ma wupimo kwede-ni, en aye gibipimo ki mewu bene, dok gibimedone botwu. ²⁵Pien nat ma mere tye, gibimedde, nat ma mere pe gibikwanyo woko ki bote kadi wa gin ma en tye kwede ducu.” ²⁶Yecu owaco ni, “Ker pa Lubana tye kit man, macalo dano ma coyo kodi i nom. ²⁷En buto piny i dyewor, dok a i dyecen, ci kodi cako twi, donjo, kun en pe neyo kit ma timme kwede. ²⁸nom kene aye miyo kodi nyako nyige; mukwonjo kon twi, lacen nok, ka nyig bel corre. ²⁹Ento ka bel ocek, ci dano cako kayone cut, pien nonjo kare me kayo bel donj oromo.” ³⁰Dok owaco ni, “Wabiporo ker pa Lubana ki kit gin anjo? Nyo wabinyuto ki kit carolok anjo? ³¹Ker pa Lubana rom ki kodi dek karadali; ka gicoyo i nom, kadi bed en tidi twatwal makato kodi ducu ma i wi lobo-ni, ³²ento ka gicoyo, ci donjo, doko dit makato dek ducu, janye jany madito, miyo winyol me polo twero gero odigi i te tipone.” ³³Otito botgi lok i carolok mapol calo meno, kit ma gitwero nian kwede. ³⁴Pe oloko kwedgi labono carolok, ento ka en tye ki lupwonnyene, ci gonyo te lok ducu botgi. ³⁵I nino meno ka piny don oyuto, Yecu owaco botgi ni, “Wakatu loka ca.” ³⁶Guweko lwak, ci gukwanjo en ki yeya ma onono en tye iye-ni; ki yeya mukene bene onono tye kacel kwedgi. ³⁷Yamo madwon ocako kodo, pii otwagge, ocorre i yeya, omiyo i yeya ocako ponj woko. ³⁸Ento en onono tye i tik yeya, kun onino i kom laten-wic. Gucoye, guwacce ni, “Lapwony, in pe iparo? Nen, wato woko do.” ³⁹En ocako co woko ci ojuko yamo, owaco ki nam ni, “Lin, pye mot.” Yamo ocako kwe, nam olinj mot. ⁴⁰Openyogi ni, “Pinjo wulwor kit man? Wun pe wutye ki niye?” ⁴¹Gubedo ki lworu madwon, ci gucako penye kekengi kun giwaco ni, “Man aja kaa, ma yamo ki nam giwinye-ni?”

¹Gubino i loka nam tun̄cel, i lobo pa Lugeraca. ²Ka Yecu okato woko ki i yeya, ci cutcut dano mo ma tye ki cen marac obino bote, ma oa ki i kabedo ka ma giyiko iye jo muto. ³En bedo i kin lyel, pe tye dano mo ma twero tweyo en kadi ki nyor; ⁴pien yam gitweye tyen mapol ki atego ki nyor, ento ocodo nyor, oturo atego woko, pe tye dano mo ma tye ki tek ma loye. ⁵Nino ducu, dyewor ki dyecen, en bedo i kin lyel ki i wi cere kun kok, dok ɲolo kome kene ki kidi. ⁶Ka oneno Yecu ki ka mabor, ci oriño, oryebbe i nyime, owore. ⁷Ci odan̄ɲe ki dwan malon̄o ni, “Ilaro an̄o kweda, Yecu Wod pa Luban̄a Mamalo Twal? Alami ki nyin̄ Luban̄a, pe iyela.” ⁸Pien onon̄o ocike ni, “A woko ki i kom dano man, in cen marac.” ⁹Yecu openye ni, “Nyin̄i an̄a?” Ogamo ni, “Nyin̄a Legion, pien wapol.” ¹⁰En obako doge bote matek ni, pe myero ocwal cen maraco woko ki i lobo meno. ¹¹Lwak opego mapol onon̄o gitye ka cam i kor got kunnu; ¹²gubako doggi bote kun giwaco ni, “Cwalwa i opego, wek wadony i igi.” ¹³Yecu oyegi. Cen maraco gua, gudonyo i opego, lwak opego ma gimito romo ka alip aryo, gutwarre ki ɲwec gucorre i lon̄o got, gumwony woko i nam. ¹⁴Lukwat guriño gutito lokke i gar̄ madit, ki i kin paco. Dano mapol gumol gubino ka neno gin ma otimme. ¹⁵Gubino bot Yecu, guneno dano ma yam tye ki cen maraco, obedo piny, oruko bon̄o, odoko ryek, en ma yam onon̄o tye ki buca mony me cen maraco; lworo ocako makogi. ¹⁶Jo ma guneno gutito botgi lok ducu ma otimme i kom dano ma yam tye ki cen maraco, ki gin ma otimme i kom opego-gu. ¹⁷Gubako doggi bot Yecu ni myero oa woko ki i lobo tugi. ¹⁸Ka en tye ka ito i yeya, ci dano ma yam tye ki cen maraco obako doge bot Yecu ni myero ebed bote. ¹⁹Ento Yecu okwero woko, owacce ni, “Dok paco bot lutuwu, icitit gin madit ma Rwtot otimo i komi, ki kit ma otimi kwede kica.” ²⁰En ocito, ocako tito lok madit ma Yecu otimo i kome i Dekapoli, omiyo jo ducu guuro. ²¹Ka Yecu don̄ okato loka nam tun̄ ca, lwak madwon̄ gucokke bote; en obedo i dog nam. ²²ɲat acel ma i kin ludito me kacokke ma nyin̄e Yairo obino; ka onene, ci oryebbe piny ka tyene, ²³obako doge bote matek ni, “Nyara matidi mito to woko. Bin iket cin̄i i kome wek ocan̄, obed makwo.” ²⁴Yecu ocito kacel kwede, kun lwak madwon̄ gilube, kun gidiye. ²⁵Onon̄o tye dako mo ma yam otwoyo two agobi mwaka apar wiye aryo. ²⁶En olimo can madwon̄ ki bot ludaktar mapol; olanyo limme ducu pe okonye ento twone medde ameda. ²⁷Ka owinyo lok i kom Yecu, obino ki i yo ɲeye ki i kin lwak, ci ogudo dog ginarukane. ²⁸pien otamo ni, “Ka agudo kadi kom ginarukane keken, ci abican̄.” ²⁹Oyotoyot two agobine ocan̄ woko, ci on̄eyo ki i kome kene ni don̄ ecan̄ woko ki i twone. ³⁰Ka Yecu on̄eyo ki i kome ni tek oa ki i kome, ci olokke i dye lwak cut, openyo ni, “An̄a ma ogudo ginarukana?” ³¹Lupwonnyene gugamo ni, “Ineno lwak tye ka diyo in, ka dok pud ipenyo ni, ‘An̄a ma oguda?’ ” ³²Ci olworo wane wek enen ɲat ma ogude-ni. ³³Ci dako meno, ka on̄eyo kit gin ma otimme i kome, obino bot Yecu ki lworo, kun kome myel, oryebbe i nyime, otitte lok ducu me ada. ³⁴Yecu owacce ni, “Nyara, niyeni ocan̄i; wot ki kuc, twoni don̄ otyeko can̄ matwal.” ³⁵Ma kun en pud loko, jo mogo gubino ma gua ki i ot pa ladit me kacokke, guwaco ni, “Nyari don̄ oto woko, pud dok iyelo Lapwony piño?” ³⁶Yecu pe oketo cwinye i kom lok ma guwaco, ento ociko ladit me kacokke ni, “Pe ilwor, in iye meri ayeya keken.” ³⁷Pe oye dano mo olube, kono nyo Petero ki Yakobo ki Jon omin Yakobo keken. ³⁸Gubino i ot pa ladit me kacokke, Yecu oneno lwak ma giwo, kun gikok ma gidan̄ɲe matek. ³⁹Ka odonyo i ot, openyogi ni, “Piño wuwo ki koko? Latin man peya oto, ento onino anina.” ⁴⁰Gunyere matek, ci oryemogi ducu woko, ocako tero won latin ki minne ki jo ma onon̄o gitye kacel kwede, gudonyo ka ma latin tye iye. ⁴¹Omako cin̄e, owacce ni, “Talita kum”, te lokke ni, “Latin anyaka, awacci ni, a malo.” ⁴²Oyotoyot nyako oa malo, owoto, pien onon̄o mwaka me ditte don̄ romo apar wiye aryo. Guuro matek twatwal. ⁴³Yecu ocikogi matek ni ɲatti mo pe myero on̄e lok man; ocikogi ni gimi ki nyako-nu cam mo ocam.

¹Yecu oa woko ki kunnu, odok i lobo tugi, lupwonnyene gulube. ²Ocako pwonyogi i kacokke i cen cabit. Jo mapol ma guwinye, guuro, kun giwaco ni, “Laco man onono ryeko man ducu ki kwene? Kit ryeko ano ma gimiyenu? Dok kit tic ano matek madito ma rom man ma en tiyogi-ni?” ³Man pe lapac, wod pa Maliam, omin Yakobo, ki Yoce, ki Juda ki Cimon? Dok nyimegine pe gitye botwa kany?” Ci cwinygi ocako a woko i kome. ⁴Yecu owaco ni, “Lanebi giketo deyo i kome, ento pe giketo deyo i kome ki i lobo tugi ki i kin jo tugi, ki i ode.” ⁵Pe otwero tiyo tic matego kunnu, ento oketo cine i kom lutwo mogo, ocanogi. ⁶Yecu ouro pien pe gitye ki niye. En obedo ka wirre i kin gani kun pwonyo dano. ⁷Yecu olwono bote jone apar wiye ayo, ci oorogi ki ayo ayo, omiyogi twero i kom cen maraco. ⁸Ocikogi matek ni pe guwot ki gin mo, kono odoo keken, labono cam mo, kadi kicaa, kadi lim mo i del pyergi; ⁹ento guwot kun giruko war tyengi, pe guwot ma gubamo kanyi ayo i komgi. ¹⁰Ocikogi ni, “Ka wudonyo i ot mo, wubed kenyo nio ka wubia ki i kabedo meno. ¹¹Kabedo ducu ma pe bijolowu, ma pe biwinyowu, ka ce wubia woko ki kunnu, ci wuten apwa woko ki i tyenwu wek obed caden botgi.” ¹²Kit meno gucako cito, gutito lok ni myero dano onuti. ¹³Guryemo lwak cen mapol, dok guwiro lutwo mapol ki moo kun gicanogi. ¹⁴Kabaka Kerode owinyo pire, pien onono nyin Yecu don oywek twatwal. Jo mogo guwaco ni, “Jon Labatija aye ocer woko ki i kin jo muto; en aye mumiyo lakit teko macalo meno tye ka tic i kome.” ¹⁵Ento jo mukene guwaco ni, “En Elia”, jo mukene ni, “En lanebi, cal ki nat mo i kin lunebi macon.” ¹⁶Ka Kerode owinyo pire ci owacci, “Jon ma yam atono wiye en aye ocer woko.” ¹⁷Pien Kerode yam ooro dano, gumako Jon, gutweyo i mabuc, pi Kerodia ci-ominne, dako pa Pilipo, ma yam okwanyo me bedo dakone. ¹⁸Pien Jon owaco bot Kerode ni, “Cik pe oye ni ibed ki ci-omeru.” ¹⁹Kerodia obedo ki keccwinyi i kome, omito neke woko, ento pe otwero, ²⁰pien Kerode onono lwo Jon, kun nayo ni en dano ma kite atir, ki malen, ci obedo ka gwoke maber. Ka owinyo lok ma en otito, lokke otwoyo doge woko, ento pire obedo mit bote ka winyo lokke. ²¹Ento kare maber oromo i nino ma Kerode oyubo iye karama me po pi nywale, ci olwono iye luditone ki lutel-wi-lweny ki ludono me Galilaya. ²²Nya pa Kerodia odonyo i ot omyelo, ci oyomo cwiny Kerode ki welone. Kabaka owaco bot nyako ni, “Legga gin ducu ma imito, abimiyi.” ²³Okwono akwona kun wacce ni, “Gin ducu ma ibilegga abimiyi, kadi bed nucu kerra.” ²⁴Nyako okato woko, openyo minne ni, “Abilego gin ano?” Odok iye ni, “Leg wi Jon Labatija.” ²⁵Oyotoyot odwogo i ot bot kabaka ki mit kome, olege ni, “Amito imiya wi Jon Labatija i weer kombeddi.” ²⁶Kabaka okumo matek, ento pi kwonje ki pi welone omiyo pe omito twonne. ²⁷Oyotoyot kabaka ooro askari ma lakur, ocike ni okel wi Jon. Ocito onolo nute ki i ot mabuc, ²⁸okelo wiye i weer, omiyo bot nyako; nyako omiyo bot minne. ²⁹Ka lupwonnye pa Jon guwinyo pire, gucito gutino kome, guyiko i lyel. ³⁰Lukwena gudwogo bot Yecu gutitte lok ducu ma gutiyo ki ma gupwonyo. ³¹En owaco botgi ni, “Wubin kenwu ka ma dano pe iye, wuywe manok.” Pien jo mapol onono gibedo ka bino, gidok cen, kun gigwennye agwenya, omiyo pe gubedo ki kare mo me cam. ³²Gucito kengi ki yeya i kabedo ma dano pe iye. ³³Jo mapol gunenogi ka gicito, guneyogi, ci guriyo kunnu ki tyengi kun gia ki i gani ducu; gin aye gukwono o kunnu wiati. ³⁴Ka Yecu okato i wi tera, onono lwak madwon; kica ocako make i komgi, pien gitye macalo romi ma gipe ki lakwat; ci opwonyogi ki lok mapol. ³⁵Ka oo otyeno, lupwonnyene gubino bote guwacce ni, “Kabedo man tye i dye tim, cawa bene don okato. ³⁶Cwal lwak gucit i kin paco ki i gani ma cokcok, guwil ginacama pigi kengi.” ³⁷Ento en odok iye ni, “Wun aye wumigi ginacama.” Gin gugamo ni, “Wacit wawil kwon me cilin miya ayo, wami botgi wek gucam?” ³⁸Ento en openyogi ni, “Wutye ki mugati adi? Kon wucit wunen.” Ka guneyo guwacce ni, “Abic, ki rec ayo.” ³⁹Yecu ociko jo ducu ni gubed piny i dul ki dul, i kom lum alita. ⁴⁰Kit meno lwak gubedo piny i dul ki dul, miya miya, ki pyerabic pyerabic. ⁴¹Okwanyo mugati abic ki rec ayo, onono malo i polo olego gum, obaro i mugati, omiyo ki lupwonnyene wek guket i nyim lwak; dok opoko rec ayo i kingi ducu. ⁴²Gin ducu gucamo, guyen ⁴³Gicoko nde mugati ma obaro-nu mudon, ki rec bene, opono aduku apar wiye ayo. ⁴⁴Jo ma gucamo mugati giromo co alip abic. ⁴⁵Oyotoyot Yecu ociko lupwonnyene ni gudony i yeya, gukwon nyime me cito loka ca, wa i Betecaida, kun en pud ciko lwak. ⁴⁶Ka don ocikogi, ci ocito i wi got ka lega. ⁴⁷Ka piny oyuto, yeya onono don tye wa i dye nam, en kene aye onono tye i wi tura. ⁴⁸En onenogi kun gicanne ki cero yeya, pien onono yamo kodo bino ki i nyimgi. I kine me koko gweno, en ocako bino botgi kun woto i wi nam ki tyene. Omito katogi akata, ⁴⁹ento ka gunene kun woto i wi nam ki tyene, gutamo ni gwok nyo tipo, ci gudanje matek; ⁵⁰pien gin ducu gunene, ci tipo komgi oto woko. Ento oyotoyot oloko kwedgi kun waco ni, “Wudi cwinywu. An enni; gwok wulwor.” ⁵¹Odonyo botgi i yeya, ci yamo olin mot. Gin guuro matek twatwal ki i cwinygi, ⁵²pien nakanen pe gunian lok ma i kom mugati, ento cwinygi pud obedo nwan. ⁵³Ka don gukato loka ca, ci gukato wi tura i lobo Genecaret, gutweyo yeya kunnu. ⁵⁴Ka gutyeko a woko ki i yeya, ci lwak guneyo Yecu oyotoyot. ⁵⁵Gucako rino gurumo kabedo ducu ma tye kunnu, kun gikelo lutwo ma gutinogi ki kitara, giterogi i kabedo ducu ma guwinyo ni en tye kunnu. ⁵⁶I kabedo ducu ma yam en obino iye, i kin paco-gu, ki i gani-gu, ki i kin caro, gipyelo lutwo wa i cuk-gu, kun gibako doggi bote ni oye wek gugud kadi dog ginarukane keken; ci lutwo ducu ma gugudo gucan.

¹Luparicayo ki lupwony-cik mogo ma gua ki i Jerucalem gucokke bot Yecu. ²Guneno jo mogo ma i kin lupwonnyene ma pe gilubo kwer, ento gicamo ma pe gulogo cingi. ³Pien Luparicayo ki Lujudaya ducu ka pe gulogo cingi kakare pe gicamo, pien gumako kit pa ludono ⁴Ka gudwogo ki i cuk pe gicamo, nio ka gulwokke. Dok gitye ki lwak kit kwer mapol ma gilubo, macalo kit me lwoko kikopo-gu ki agulu-gu ki jami mola-gu ducu.

⁵Luparicayo ki lupwony-cik gupenyo Yecu ni, “Piño lupwonnyeni pe gilubo kit kwer pa ludono? Piño gicamo ki cingi ma pe gulogo ma lubo kwer?” ⁶Yecu odok iye botgi ni, “Wun lugoba, Icaya con oloko i komwu kakare, macalo en ocoyo ni Lubaña owacci, ‘Rok man kara giwora ki doggi nono, ento cwinygi pe i koma wacel; ⁷giwora nono, pwony ma gipwonyo obedo pwony ma mako kit pa dano.” ⁸Wuweko cik pa Lubaña, kun wuketo cwinywu ka lubo kit pa dano.” ⁹Yecu dok owaco botgi ni, “Wutimo ber pi kwero cik pa Lubaña, wek wulub giwu kit cikwu! ¹⁰Moses yam owacci, ‘Wor woru ki meni’; dok ni, ‘Ka ñatti mo oceno wonne nyo minne, gibineke woko’; ¹¹ento wun wuwaco ni, ‘Ka dano mo owaco ki wonne nyo minne ni, Gin ma kono akonyi kwede en lim me Korban’ (te lokke ni, gin ma gimio ki Lubaña), ¹²en pe dok omi lim mo me konyo wonne nyo minne, ¹³kun wumiyo lok pa Lubaña doko goro, pien wupwonyo dano ni gulub kit cikwu. Dok wutiyo bene gin mapol macalo meno.” ¹⁴Yecu dok olwono lwak bote, ci owaco botgi ni, “Wun ducu wuwiny lokka, ci wunianj. ¹⁵Pe tye gin mo ma donyo i i dano ma oa ki woko ma twero balo en, ento gin ma a ki i dano en aye balo dano. ¹⁶Ma tye ki it me winyone, ci owiny.” ¹⁷Ka oweko lwak woko, ci odonyo i ot, lupwonnyene gucako penye pi carolok meno ma obolo-ni. ¹⁸En ogamo ni, “Kara wun bene peya wunianj tere bo? Pe wuneyo ni, gin ducu ma donyo i dano ma a ki woko pe twero balo en? ¹⁹Pien pe odonyo wa i cwinye, ento wok kato i cin iye, ci kato woko.” (Ka otyeko wacone ki meno, nyuto ni olonyo kwa cam ducu.) ²⁰Yecu dok owaco ni, “Gin ma a ki i dano aye balo dano. ²¹Pien gin ma a ki i cwiny dano, en aye bedo tam maraco, cot, kwalo kwo, nek, abor, ²²paro lim, bal maraco, bwolo dano, kwele, nyeko, yet, wakke ki miño. ²³Tim magi maraco-ni ducu gia ki i cwiny dano, gin aye gibalo dano.” ²⁴Yecu ocako a ki kunnu, ocito wa i lobo ma tye cok ki Turo ki Cidon. Ci odonyo i ot mo kunnu; onono en pe mito ni ñatti mo oje ni etye kunnu, ento pe twero kanne. ²⁵Cutcut dako mo ma nyare tye ki cen marac owinyo pire, ci obino oryebbe ka tyene. ²⁶Dako-nu onono Lagrik, ma rokke Curo-Poiniki. Ocako lego Yecu ni oryem cen woko ki i kom nyare. ²⁷Yecu owacce ni, “Konj iwek litino gukwon yenj, pe ber gikwany cam pa litino, gibol ki gwogi.” ²⁸Dako-nu odok iye ni, “Rwoda, meno iwaco kakare; kadi bed kumeno ci litino gwogi ma gitye i te meja gin bene gicamo ñide cam pa litino do.” ²⁹Yecu owacce ni, “Pi lok ma iloko-ni, ber donj idok paco, cen donj otyeko a woko ki i kom nyari.” ³⁰En odok paco, ci onono latin tye obuto i wi kitanda, ma cen donj otyeko a woko ki i kome. ³¹Yecu oa ki i lobo ma cokcok ki Turo, ci owok ki i cidon, ka okato ocito wa i nam Galilaya, ka otuc kwede wa i dye lobo Dekapoli. ³²Ci gikelo bote dano ma ite odinj ma te lebe oto, gucako bako doggi bote ni oket cinje i kome. ³³Yecu ocako mako en ki i kin lwak otere cen i munj, ci oketo cinje i it dano meno, ka onjulo laa ci ogudo lebe; ³⁴ocako neno malo i polo, ocur, kun waco ni, “Eppata”, te lokke ni, “Yabbe.” ³⁵Ite oyabbe woko ki te lebe bene ogonnye, ocako lok atir. ³⁶Yecu ocikogi ni pe gutit ki ñatti mo; ento kadi bed ocikogi kumeno, gin bene gumedde ameda ki tito pire. ³⁷Gin gubedo ka urone makato ducu, ma kun giwacci, “En otimo gin ducu maber; pien omio jo ma itgi odinj giwinyo lok, ki jo ma te lebgi oto giloko.”

¹I kare meno, ka lwak dok gucokke mapol, kun pe gitye ki camgi, ci Yecu olwoño lupwonnyene bote, ocako waco botgi ni, ²“Kica maka i kom lwak man, pien gutyeko bedo kweda kany pi nino adek ma kun pe gitye ki camgi mo. ³Ka acwalogi ni gudok wa tugi ki kec, ci kec bibwoyogi woko i yo, pien jo mukene i kingi gua ki ka mabor.” ⁴Lupwonnyene gudok iye ni, “Kara man, dano twero miyo mugati ma romo dano-ni i tim kany niñniñ?” ⁵Yecu openyogi ni, “Wutye ki mugati adi?” Gugamo ni, “Abiro.” ⁶Ociko lwak ni gubed piny i ñom, ci omako mugati abiro-nu, opwoyo, ka obaro igi, ocako miyo bot lupwonnyene guket i nyimgi, ci guketo i nyim lwak. ⁷Onoño gitye ki rec matino manok bene; ka don olego iye gum, ociko ni magi bene myero giket i nyimgi. ⁸Lwak gucamo nio ka guyen; gucako coco ñide cam ma oloyogi-ni, oromo adita abiro mupon. ⁹Jo ma onoño gitye kunnu welgi romo jo alip anwen. ¹⁰Ka ociko lwak, ci odonyo i yeya cutcut kacel ki lupwonnyene, ocito wa i lobo Dalmanuta. ¹¹Luparicayo gubino bot Yecu ci gucako pyem kwede, kun gimito lanyut ma a ki bot Lubanja, me laom iye. ¹²Yecu ocur ki i cwinye matek kun wacci, “Piño yalwak me kare man gimito lanyut? Adada, awacciwu ni, pe gibimiyo lanyut mo bot yalwak me kare man.” ¹³Yecu oa woko ki botgi, ci odonyo i yeya, onolo nam okato wa loka ca. ¹⁴Lupwonnyene wigi onoño owil woko ka tero mugati, onoño gitye kimugati acel keken i yeya. ¹⁵Yecu ocikogi matek twatwal kun wacci, “Wugwokke i kom tobi pa Luparicayo ki tobi pa Luparicayo ki tobi pa Kerode.” ¹⁶Lupwonnyene gubedo ka laro lok kekengi kun giwacci, “Pe watye ki mugati.” ¹⁷Ka Yecu oneyo ci openyogi ni, “Piño wubedo ka laro lok ni pe wutye ki mugati? Peya wunian ce? Pe wumako maber? Cwinywu pud nwan?” ¹⁸Wutye ki wanwu, ci pe wuneno kwede? Wutye ki itwu, pe wuwinyo kwede? Wun pe wupo ce? ¹⁹Ka yam abaro i mugati abic pi jo alip abic-ci, ci wucoko ñide aduku adi?” Gugamo ni, “Apar wiye aryo.” ²⁰“Ka yam abaro i mugati abiro pi jo alip anwen-ni, onoño wucoko ñide opono adita adi?” Dok gugamo ni, “Abiro.” ²¹En openyogi ni, “Peya wunian aye?” ²²Gin gucako bino i Betecaida, ci jo mogo gukelo bote dano ma waje oto woko, gubako doggi ni obon kome. ²³Yecu ocako mako cin lawane-oto, ci otere woko wa i ñe gan; ci onulo laa i waje, ka dok oketo cine i kome, openye ni, “Ineno gin mo don?” ²⁴“Laco meno otino waje malo, ocako waco ni, “Aneno kom dano; ento pud ginen macalo yadi ma woto.” ²⁵Yecu dok onwoyo keto cine i wan lawane-oto; ci ociko waje matek, waje odok kakare ma neno piny maber. ²⁶Yecu ocwalo en wa i paco tugi, kun cike ni, “Pe idony i gan kunnu.” ²⁷Yecu ki lupwonnyene gucito i kin gan me Cecaria Pilipi. I kare ma gitye i yo, openyo lupwonnyere mere ni, “Dano mono giwacci an aja kaa?” ²⁸Guwacce ni, “Jon Lubatija; jo mogo giwacci, ‘Elia’, ki jo mukene ni in ñat acel i kin lunebi.” ²⁹Dok openyogi ni, “Ento wun kono wulwoña mono ni an aja?” Petero ogamo ni, “In i Kricito ma Lubanja oyero.” ³⁰Yecu ociko matek ni pe gitit pire ki dano mo. ³¹Yecu ocako pwonyo lupwonnyere mere ni, “Wod pa dano myero olim can madwon, dok ludono ki ajwagi madito pa Lubanja ki lupwony-cik myero gukwere woko, ci guneke, ento en cako cer woko i ñe nino adek.” ³²Yecu oloko lok meno atyer ka malen. Petero otero en cen, ocako juke matek. ³³En olokke bot lupwonnyene ci oloko ki Petero matek, kun wacci, “Dok cen i ñeya, in Catan! Pien tammi pe lubo pa Lubanja, ento pa dano.” ³⁴Yecu olwoño lwak bote kacel ki lupwonnyene, ci otito botgi ni, “Ka ce dano mo mito lubo kora, myero okwon kwerre kekene, ka ocak tiño yatariyane, olub ki kora. ³⁵Pien dano ma mito laro kwone birwenyone arwenya, ento ka dano mo orwenyo kwone pira ki pi lok me kwena maber, en aye bilaro kwone. ³⁶Konyo dano ma olimo lobo ducu ki gin anjo mono, ka ce kwone gikwanyo woko? ³⁷Dano dok bimiyo kit gin anjo ma ka kwone?” ³⁸Ka ce dano mo lewic omake i koma ki i lokka i kare man me bal ki weko Lubanja, Wod pa dano bene lewic bimake i kome i kare ma en bidwogo ki deyo pa Wonne kacel ki lumalaika malen.”

¹Dok oloko botgi, ni “Adada awacciwu ni, tye jo mogo ma gucun i kinwu kany ma pe gibibilo to wacel, nio wan ma guneno ka ker pa Lubana donj otyeko bino ki tek.” ²Ka nino okato abicel, ci Yecu otero Petero ki Yakobo ki Jon, ocako yito kwedgi i wi got mabor i mun gin kengi. Kome ocako lokke i nyimgi, ³ginarukane odoko tar ma wil, matar dok twatwal; pe tye lalwok bonjo mo i wi lobo ma twero lwoko lony matar ma rom meno. ⁴Ci Elia ki Moses gucako nen botgi, gubedo ka lok ki Yecu. ⁵Petero ocako penyo Yecu ni, “Lapwony, bedo kany ber mada; wek donj wager aduc adek, acel meri, acel pa Moses, ki acel pa Elia.” ⁶Ononjo Petero pe donj nayo kit gin ma myero eloki, pien ononjo lworom omakogi mada. ⁷Pol ocako bino ci tipone oumo komgi woko lipuk, ci dwan owinnye ki i pol, ma wacci, “Man aye Woda ma amaro; wuwinye.” ⁸Lupwonnye gucako nyo piny oyotoyot, ci wangi pe omedo ki neno dano mo, guneno kom Yecu ma tye kwedgi-ni keken. ⁹I kare ma donj gitye ka lor piny ki i wi got, Yecu ocikogi ni pe gutit lokke bot dano mo i kom gin ma guneno, nio wan ma Wod pa dano ocer ki i kin jo muto. ¹⁰Lupwonnye gumako lok meno, gubedo ka penye kekengi ni, “Cer ki i kin jo muto kono te lokke anjo?” ¹¹Gucako penyo Yecu ni, “Piyo lupwony-cik guwacci, Elia aye konj kwono bino?” ¹²Yecu otito botgi ni, “Adada Elia aye myero okwonj bino, ka wek ocaka dwoko jami ducu obed kakare. Ento lok man dok gicoyo i kom Wod pa dano piyo kaa, ni, myero en konj olim can madwonj, ka dok ni, gibicaye matek?” ¹³Ento donj atito botwu atir ni Elia donj otyeko bino wa con, ci gityeko timo gin ma gimito i kome, macalo yam gicoyo i kome.” ¹⁴Ka gubino piny bot lupwonnye mukene, ci guneno lwak mapol gurumogi dyere, kun lupwony-cik gitye ka pyem kwedgi. ¹⁵Ka lwak guneno Yecu, guuro en mada, gutwarre oyotoyot guriyo ka mote. ¹⁶Yecu openyogi ni, “Wubedo ka pyem kwedgi pi lok anjo?” ¹⁷Ci dano mo acel ki i kin lwak ogamo doge ni “Lapwony, wayi ononjo akelo woda boti. En tye ki cen marac ma pe loko, ¹⁸ka tekke cen omako i kabedo mo, ci tugi retone woko piny likun, ci bwoyo yenyo i doge, cako kayo lake-gu matek, kun poyo kome lirikrik. Apenyo lupwonnyeni ni guryem woko, ci ryemone oloyogi.” ¹⁹Yecu ocako gamo ni, “Wun yalwak ma niyewu lam, abibedo kwedwu nio wa awene? Dok abidiyo cwinya i komwu nio wa awene ba? Wukel en bota kany.” ²⁰Gukele bot Yecu. Ka cen marac-ci onene, ci oyojo kom awobi-nu, orete woko piny; ocako njenne i njom ma kun bwoyo yenyo i doge-gu. ²¹Yecu openyo wonne ni, “Two man obedo ka timme kit man pi lwak kare ma rom mene?” Wonne ogamo ni, “Nia wa ka tinone.” ²²Otemo neke woko tyen mapol; kine mogo rete i mac kadi wa i pii-gu. Ka ce itwero timo iye gin mo, ci tim ber, ikonywa do.” ²³Yecu ogamo doge ni, “Ka ce atwero? Gin ducu twerre ki bot dano ma ye Lubana.” ²⁴Won latin ogamo doge oyotoyot kun danje matek ni, “Aye; kony niyena ma lam-mi.” ²⁵Ka Yecu oneno lwak giriyo gibino bote, ogerre i wi cen marac, kun wacce ni, “In cen ma pe loko-ni, ma iti odin-ni, aciki ni, a woko ki i kom awobi-nu, pe dok idwog i kome matwal.” ²⁶En okok, ci ocako ryene aryeya ki tek, ka oa woko i kome. Awobi-nu konj obedo macalo dano muto, omiyo jo mapol doggi ocer ni, “En donj oto woko ada.” ²⁷Ento Yecu omako cinje, oile kwede malo, ci en ocun. ²⁸Ka Yecu odonyo i ot, ka ma gubedo iye kengi, ci lupwonnyene gupenye ni, “Gin anjo mugenowa ryemone?” ²⁹En owaco botgi ni, “Kit cen macalo man pe ryemme pi gin mo, ento ki lega keken.” ³⁰Gua woko ki kunnu, gunolo ki i Galilaya. Yecu pe omito ni dano mo onje pire, ³¹pien ononjo en tye ka pwonyo lupwonnyene kun waccigi ni, “Wod pa dano gibimiye i cinj dano; gibineke woko, ci en bicer woko i ne nino adek.” ³²Ento gin pe gunian kit lokke-nu, dok gulworo penye. ³³Gibino i Kapernaum. Ka gitye i ot, Yecu ocako penyogi ni, “Wubedo ka laro lok anjo i wanayo kekenwu-ni?” ³⁴Gin gulij aliya, pien gubedo ka laro lok kekengi i wanayo ni, “Anja ma ladit i kingi?” ³⁵Yecu ka obedo piny ci olwonjo jone apar wiye aryo, ocako waccigi ni, “Ka dano mo mito bedo mukwonjo, myero en aye odonj cen i ne luwote ducu, en aye obed latic meggi ducu.” ³⁶Okwanyo latin mo, ci omiyo ocun i kingi, ka otijo i kore ci okwako, ocako waco botgi ni, ³⁷“Dano mo ma ojolo latin acel macalo man pi nyija, meno rom ki ma ojolo an; ka dok dano ma ojolo an, meno rom ki ma ojolo njat muora-ni.” ³⁸Jon owaco bot Yecu ni, “Lapwony, waneno njatti mo ka tye ka ryemo cen ki nyinji, ma en pe nywako wot kwedwa, ci wajuke woko.” ³⁹Ento Yecu ogamo ni, “Pe wujuke; pien pe tye dano mo ma tiyo tic matek ki nyija, ma twero waco lok mo marac i koma oyot.” ⁴⁰Pien njat ma pe lakworwa, en aye lawotwa. ⁴¹Adada awacciwu ni, dano mo ma bimiyowu pii me amata i kikopo, pien wun jo pa Kricito, limo motte pe biloyo en kadi matidi mo. ⁴²“Ka dano mo miyo njat mo acel ma i kin jo magi matino ma guye an-ni gupoto i bal, ci bedo ber makato ducu ka gitweyo kidi rego madit i njute ci gibole kwede wa i nam. ⁴³Ka ce cinji aye omiyo ipoto i bal, ci tonj injun woko, twara ma idonyo i kwo ma cinji lakucel peke, ber makato ma giboli i Geena ma itye ki cinji aryo ducu, kun idonyo kwedgi i mac ma pe to, ⁴⁴ka ma kwidi ma camogi pe to, ki macce bene pe to. ⁴⁵Ka ce tyeni aye omiyo ipoto i bal, ci tonj woko, twara idonyo i kwo ma tyeni lakucel peke, ber makato ma kono giboli ki tyeni aryo i Geena, ⁴⁶ka ma kwidi ma camogi pe to, ki macce bene pe to. ⁴⁷Ka ce wani aye omiyo ipoto i bal, ci kol woko; twara ma idonyo i ker pa Lubana ma wani lakucel, kato ma kono giboli ki wani aryo ducu i Geena, ⁴⁸ka ma kwidi ma camogi pe to, ki macce bene pe to. ⁴⁹Pien kado ma bilonyo kom dano acel acel en aye mac. ⁵⁰Kado ber, ento kado ka odoko bot, ci dok gibiyubo ninjinj wek odok mamit? Wubed ki kado i iwu, dok wubed ki kuc kekenwu.”

¹Yecu oa woko ki kunnu, ci obino wa i lobo Judaya ma loka Jordan, ci lwak dok gucokke bote; ocako pwonyogi doki, macalo kit pwonnye tye kwede. ²Luparicayo mogo gubino bote, ci gucako omo cwinye kun gupenye ni, “Cik miyo twero ni laco oryem dakone woko?” ³Yecu ocako gamo doggi ma kun penyogi ni, “Moses yam ocikowu ninjin?” ⁴Gugamo ni, “Moses yam oye miyo twero ki laco ni myero omi waraga me laryem dakone woko, nyomgi oket woko.” ⁵Yecu owaco botgi ni, “Moses omiyowu cik meno pi cwinywu manwanj. ⁶Ento nia i acakki keto lobo ‘Lubanja oketo laco ki dako.’” ⁷Pienno dano twero weko wonne ki minne, moko i kom dakone matwal. ⁸Ci gin aryo-nu gicako doko kom acel.’ Gin pe dok gibedo kom aryo, donj gibedo kom acel keken. ⁹Gin ma Lubanja oribo kacel dano pe opok kingi.” ¹⁰Ka onono gitye i ot, ci lupwonnyene gupenye i kom lok meno. ¹¹En owaco botgi ni, “Ka dano mo oryemo dakone woko, ce dok onyomo dako mukene, lanyom meno otimo abor, nonjo obalo i nyim dakone; ¹²ki dako bene kit meno, ka ce oa woko ki bot cware dok ogero laco mukene, ci dako-nu otimo abor.” ¹³Ka lwak gukelo litinogi bot Yecu ni wek en obonj komgi, ci lupwonnyene gujukogi. ¹⁴Ka Yecu oneno ci cwinye ocwer matek, ocako wacogi ni, “Wuwek litino gubin bota, pe wugenji; pien ker pa Lubanja tye pi jo macalo gin.” ¹⁵Adada awacciwu ni, dano ma pe oye ker pa Lubanja macalo latin, pe bidonyo i kerre kadi matidi mo.” ¹⁶Ocako tinogi i kore omiyogi gum, kun keto cije i komgi. ¹⁷Ka Yecu oa obino wa i yo, ci dano mo ocako riyo i kore, ci orumo cone i nyime kun penye ni, “Lapwony maber, atim anjo wek alim kwo ma pe tum?” ¹⁸Yecu owaco ni, “Piyo ilwonja ni aber? Pe tye dano mo maber, Lubanja kene aye ber. ¹⁹In ineyo cik, ni, ‘Pe ineki, Pe itim abor, Pe ikwal gin mo, Pe ibed caden me goba, Pe ibed, Pe ibum dano mo, Wor woru ki meni.’” ²⁰En ocako gamo ni, “Lapwony, atyeko mako cik magi ducu nia wa i ka tinona.” ²¹Yecu ociko wane onene ci cwinye omare, owacce ni, “Gin mo acel aye pud orem boti. Konj icit icat jamini ducu ma itye kwede ci imi limme ki lucan, ci ibibedo ki lwak lonyo ma gikano piri i polo. Ka donj ibin icak lubo kora.” ²²Awobinu ka owinyo Yecu oloko bote kit meno, ci wane oballe woko, ocako dok cen ki cwerwiny, pien onono en tye ki lwak limme madwonj. ²³Yecu olworo wane ci owaco bot lupwonnyene ni, “Bibedo tek mada bot jo ma lulonyo me donyo i ker pa Lubanja!” ²⁴Lupwonnyene guuro lokkenu matek. Yecu dok ocako wacogi ni, “Litino, donyo i ker pa Lubanja tek marac!” ²⁵Kinaga twero donyo i wanj libira oyot, makato lalonyo me donyo i ker pa Lubanja!” ²⁶Ci omiyo lwak guuro matek, ci gupenyo ni, “Ka kumeno, ci anja dok ma larre?” ²⁷Yecu ocako nenogi, ci owacci, “Ki bot dano pe twerre, ento ki bot Lubanja twerre, pien gin ducu twerre ki bot Lubanja.” ²⁸Petero ocako wacce ni, “Ce wan kono ma waweko jamiwa ducu, ci walubi-ni?” ²⁹Yecu owacce ni, “Adada awacciwu ni, pe tye njatti mo ma oweko ode, nyo omegge, nyo nyimege, nyo minne, nyo wonne, nyo litino, nyo pottine, pira ki pi lok me kwena maber, ³⁰ma en pe bilimo lwak jami makato meno tyen miya i kare man, gin aye odi, omego, lamego, mego, litino, ki potti, kacel ki libo; ka dok wa i kare me anyim en binono kwo ma pe tum. ³¹Lwak jo mapol ma gubedo jo mukwonjo yo gin aye gibidonj cen, ki jo ma gudonj cen, gin aye dok bitelo yo.” ³²I kare ma gicito i yo ma cito Jerucalem, ma kun Yecu aye tye ka telogi yo, guuro matek, dok lupwonnyene gubedo ki lworo. En dok ocako tero lupwonnyene apar wiye aryo, ci otito botgi kit ma bitimme i kome, ³³kun wacci. “Nen ba, wan donj watye ka ito malo i yo Jerucalem. Wod pa dano donj gibimiye i cinj ajwagi madito pa Lubanja ki lupwony-cik, gihinolle kop me to, ci gibimiye i cinj Lurok; ³⁴ginjale, ginjulo laa i kome dok gibipwode ki del, ci gibineke; ento en bicer woko i nje nino adek.” ³⁵Yakobo ki Jon gin litino pa Jebedayo, gubino i nyim Yecu, ci guwacce ni, “Lapwony, wamito in itim ki wan gin ma walegi pire-ni.” ³⁶En ocako penyogi ni, “Wun wumito ni atimmiwu kit gin anjo?” ³⁷Gugamo ni, “Ye wek njat acel obed i kom badi tunj lacuc ki acel bene obed i kom badi tunj lacam i kare me deyoni.” ³⁸Yecu owaco botgi ni, “Wun pe wuneyo gin ma wulego. Wun wutwero mato ki kikopo ma abimato kwede-ni; nyo wutwero limo batija kit ma gibatija kwede an-ni?” ³⁹Gugamo ni, “Watwero.” Yecu dok owaco botgi ni, “Kikopo ma an abimato kwede-ni, wun bene wubimato kwede, ki kit batija ma an abibatija kwede-ni, wun bene gibibatijawu kwede; ⁴⁰ento lok me bedo i kom bada ma lacuc nyo me lacam pe an aye apoko. Meno bibedo pa jo ma yam donj giyubo pigi wa con.” ⁴¹Ka jo mukene apar-ri guwinyo lokke, ci cwinygi ocako cwer i kom Yakobo ki Jon. ⁴²Yecu ocako lwonjogi bote, ci owaco botgi ni, “Wun wuneyo ni, jo ma gilwonjogi ni gin lulo Lurok giloyo dano ki tek, dok luditogi bene gibedo ki twero i komgi. ⁴³Pe myero wun wubed kit meno; ento njat ma mito bedo ladi i kinwu en aye myero obed laticwu, ⁴⁴ki njati ma mito bedo mukwonjo i kinwu, en aye myero obed opiiwu ducu. ⁴⁵Kadi wa Wod pa dano bene pe obino ni gutine, ento en aye eti ki dano; en obino pi miyo kwone me lakok lwak dano mapol.” ⁴⁶Ka gubino i Jeriko, ci i kare ma en donj obea woko ki i Jeriko, kacel ki lupwonnyene ki lwak madwonj, ci latowanj ma nyine Bartimayo, wod pa Timayo, onono obedo piny i njat yo. ⁴⁷Ka owinyo ni meno aye Yecu me Najaret, ocako danje ni, “Yecu Lakwar Daudi, timma kica ba!” ⁴⁸Lwak gujoke matek ni olinj, ento en omedde ameda ki danje ni, “Lakwar Daudi, timma kica ba!” ⁴⁹Ka Yecu ocun, ci owacci, “Wulwone obin.” Gucako lwonjo lawanje-oto ni, “Donj idi cwinyi, a malo, olwonj.” ⁵⁰En otugi bolo ginarukane woko, ci oa malo, obino bot Yecu. ⁵¹Yecu ocako penye ni, “Imito atimmi gin anjo?” Ci latowanj ogamo ni, “Lapwony, amito wana onen piny do.” ⁵²Yecu ocako wacce ni “Donj iciti, niyeni ocanj.” Ocako neno piny cut, ci olubo kor Yecu kun woto kwede i yo.

¹I kare ma don gicok o i Jerucalem, ki tun Betepage ki Betania, i kor got Jeituni, ci Yecu ocalo oro jo aro ki i kin lupwonnyene, ²ocikogi ni, “Wucit i gan ma tye i nyimwu. Ka ce wudonyo iye, ci wutugi nonjo latin kana ma gitweyo, ma natti peya oito i wiye; ci wugony, wek wukel. ³Ka ce dano mo openyowu ni, ‘Wugonyo woko piyo kaa?’ wudokke iye ni, ‘Rwot aye mito; ci bicwalo dwoko woko kany oyotoyot.’”⁴Gucako cito, gunono gitweyo latin kana i doggola woko ki i net yo, ci gugonyo. ⁵Jo mogo ma gucun kunnu gupenyogi ni, “Wubetimo gin anjo, ma wugonyo ki latin kana-ni?” ⁶Gudok iye kit ma Yecu ocikogi kwede, ci guye ni gucit kwede. ⁷Ci gukelo latin kana bot Yecu, gucalo peto bonnigi i kome, ocalo bedo i wiye. ⁸Jo mapol gupeto bonnigi i dye yo, ki jo mogo gupeto jan yadi ma potgi oluk ma gu jako ki i potti. ⁹Ci jo ma gutelo yo ki jo ma gilubo kore gidanne ni, “Ojana! Lubana omi gum i kom dano ma bino i nyin Rwot!”¹⁰Lubana omi gum i kom ker pa kwarowa Daudi ma obebino-ni! Ojana malo i wi polo!”¹¹Yecu ocalo donyo i Jerucalem ki i ot pa Lubana bene, onijo kit jami-gu ducu, ka odok i Betania kacel ki jone apar wiye aro, pien onono piny don oyuto woko. ¹²Orwone dok gua ki i Betania, ma kun kec neke. ¹³Ka oneno yat oduro ki cen ma pote oluk, ci ocito ka nenone ni gwok nyo enon iye mucekke. Ka oo i te yat, ci pe onono iye gin mo, onono pote keken, pien onono peya kare me cekke. ¹⁴Lupwonnyene guwinyo ka en wacci, “nat mo pe ocam nyigi matwal.”¹⁵Ka gubino i Jerucalem, ci Yecu odonyo i ot pa Lubana, ocalo ryemo lucat-wil ki luwil jami i ot pa Lubana. Ci oryebo meja pa lulok cente, ki kom pa lucat amam; ¹⁶pe onono dok ye ni dano mo onol i ot pa Lubana ki yec mo. ¹⁷Ka dok ocalo pwenyogi kun loko ni, “Pe yam gicoyo ni, ‘Oda gibilwono ni ot me lega pa rok ducu?’ Ento wun wuloko odoko boro pa luyak.” ¹⁸Ajwagi madito pa Lubana ki lupwony-cik gubedo ka winyo lokke, ci gucalo yeno kit yo mo me neke woko; pien gin gitye ka lwooro en. Pien onono lwak ducu gitye ka uro kit pwenye. ¹⁹Ka piny oyuto, ci ocalo a woko ki i Jerucalem. ²⁰Odiko ka gitye ka wot i yo meno, guneno oduro otal nia wa i lwite. ²¹Petero ocalo po pire, ci owacci, “Lapwony, nen yat oduro ma iceno-ni otal woko.”²²Yecu ogamo ni, “Wuye Lubana. ²³Adada awacciwu ni, dano ma biwaco ki got man ni, ‘Mukke wek itinne ipot wa i nam,’ ma kun pe kalo akala i cwinye, ento nono oye ni gin ducu ma elego-ni bitimme, ci bitimme ada. ²⁴Pi lok man mumiyo awacciwu ni, gin ducu ma wupenyo ci wulego Lubana pire, ber wuye ni don wulimo ci wubinonone ada. ²⁵Ka ce wutye ka lega i nyim Lubana, ka onono wutye ki kop mo i kom dano mo, ci wutimme kica, ka wek Wonwu ma tye i polo bene otimwu kica i kom balwu. ²⁶Ento ka pe wutimo ki dano kica, ci Wonwu ma tye i polo pe bitimowu kica i kom bal mewu.”²⁷Gin dok gudwogo i Jerucalem. Ka onono en tye ka wot i ot pa Lubana ci ajwagi madito pa Lubana ki lupwony-cik ki ludono gubino bote. ²⁸Gupeny ni, “Twer mene mumiyo itimo lok macalo man? Dok ana mumiyo twero meno?”²⁹Yecu ogamo doggi ni, “An kon apenyowu ki peny mo acel; wek wun bene wudokka iye, ka an abitowu kit twero mumiyo atiyi lok man. ³⁰Batija pa Jon twerone oa ki bot Lubana nyo oa ki bot dano? Wun wudokka iye.”³¹Gucako bedo ki pyem i kingi kekengi, kun gipyem ni, “Ka koni wawacci, ‘Twerone oa ki bot Lubana’, ci en dok bipenyowa ni, ‘Ci piyo pe wuye lokke?’”³²Ka dok wawacci twerone oa ki bot dano kono?” Ento gin gulworo lwak, pien lwak ducu ginjejo maber ni, Jon aye lanebi atika. ³³Guwaco bot Yecu ni, “Wan pe wanejo.” Yecu bene owacogi ni, “An bene pe abitito botwu kit twero mumiyo atiyi man.”

¹Yecu ocako lok kwedgi i carolok ni, “Yam tye dano mo ma opito olok i potone, ci orumo woko ducu ki cel, ka okwinyo bur me biyo pige, ci ogero iye lubele, oweko i cinj lupur, ci ocito woko wa i lobo mukene. ²Ka kare oromo, ci ocako cwalo laticce bot lupur ka omo nyige mucekke i potone. ³Lupur gumake, ci gupwode, ka guryeme kwede woko, omedo ki dok ki cinje nono. ⁴En dok ocwalo laticce mukene; gin gugoyo en bene, gugoyo wiye lero, gutime ki tim me lewic. ⁵Ka dok omedde oro dano mukene, ci guneko dano meno woko. Gubedo ka keto can i kom jo mapol; jo mukene gupwodogi apwoda, ki mukene gunekogi aneka. ⁶Pud onono en onono ki dano mo acel bote, en aye wode ma en maro-ni. Lacen en ocwalo wode kikome botgi, kun wacci, ‘Gibiworu woda. ⁷Lupur gucako lok kekengi ni, ‘Man aye donj lale lim; wubin waneke woko, wek lim ma en bileyo-nu obed mewa. ⁸Ci gumake, guneke woko, gubole woko wa i ne poto olok. ⁹Ci won poto olok bitimogi ninjin? En bibino, ci neko lupur woko ducu, ci miyo poto olok woko bot jo mukene. ¹⁰Yam pe wukwano lok ma gicoyo i ginacoya ni, ‘Got ma lugedo gukwero-ni en aye odoko got madit ma i twok ot; ¹¹man Rwot aye ma otiyo, obedo botwa lok me aura?” ¹²Gutemo pi make, ento gulworu lwak, pien gunianj atir ni obolo carolok meno i komgi. Ci gua gucito gigi woko. ¹³Gin gucako oro Luparicayo ki jo pa Kerode bene, wek gumak lok ma a i doge. ¹⁴Ka gin gubino bote, ci gucako wacce ni, “Lapwony, wan waneyo ni in i dano ma itye ki ada, dok pe ito i kom natti mo, pien in pe ineno kom dano ki woko, in ipwonyo yo pa Lubana ki ada. Ci myero gicul mucoro bot Cekar nyo pe? ¹⁵Wacul nyo pe wacul?” Yecu oneyo bwolagi, ocako waco ni, “Wun mono wubwola pinjo kaa? Konj wucikella kom lim ma giculo kwede, anen.” ¹⁶Gin gucako kelone bote, ci en openyogi ni, “Cal ki coc ma gicoyo i kome-ni pa anja?” Ci gugamo ni, “Pa Cekar yo.” ¹⁷Yecu ocako wacogi ni, “Wudwok jami pa Cekar bot Cekar, ki jami pa Lubana wudwok bot Lubana.” Gin gucako urone matek. ¹⁸Lucadukayo gucako bino bot Yecu; gin aye jo ma giwacci cer pa jo muto pe tye kulu. Gucako penyo peny ni, ¹⁹“Lapwony, Moses yam ocoyo ni, ka laco mo oto woko, ce oweko dakone, ma kun pe obwoto latin mo, ci myero ominne olak dakone, wek onywal kwede litino ka wi ominne. ²⁰Ci yam onono tye co abiro ma gin ducu omego. Ka laco mukwono nyomo dako-nu oto woko ma pe obwoto latin mo, ²¹ci me aryo ocako lako dako-nu, en bene oto woko ma pe obwoto latin mo; ki dano me adekke bene kumeno; ²²ci gin ducu abiro pe gubwoto latin mo. Lacenne en dako bene oto woko. ²³I kare me cer ki i kin jo muto, dako-nu donj bibedo dako pa anja? Pien gin co abiro-ni ducu gubedo kwede.” ²⁴Yecu ocako wacogi ni, “Wun wurwenyo pi lok man, pien wukwiya ginacoya, wa tek pa Lubana bene wukwiya. ²⁵Ka ce dano gibicer woko ki i kin jo muto, ci donj pe gibinyomme, donj gibibedo macalo lumalaika ma i polo. ²⁶Ento i kom lok man me cer ki i kin jo muto-ni, wun pe mukwano i buk pa Moses, ka ma ocoyo lok i kom caka, ki kit ma Lubana yam oloko kwede ni, ‘An Lubana pa Abraim, ki Lubana pa Icaika, ki Lubana pa Yakobo?” ²⁷En pe Lubana pa jo muto ento en Lubana pa jo makwo; wun wunjak wurwenyo woko marac.” ²⁸Ka lapwony-cik mo obino cok, ci obedo ka winyo ka gilero lok. Ka oneno kit ma Yecu dok iye ki gin lok maber ma atir, ocako penyo Yecu ni, “Cik mene maditte mukwono ki i kom lwak cik ducu?” ²⁹Yecu ogamo ni, “Cik mukwono en ene, ‘Wuwiny wun jo Icrael, Rwot Lubanawa en Rwot acel. ³⁰Ci mar Rwot Lubanani ki cwinyi ducu, ki tiponi ducu, ki tammi ducu ki tekki ducu.” ³¹Ki me aryone en ene ni, ‘Mar lawoti macalo imarre keni.’ Pe dok tye kit cik mo ma pire tek makato cik magi aryo-ni.” ³²Lapwony-cik ogamo ni, “Iloko kakare, Lapwony; iloko atir ni, Lubana tye acel, pe dok tye Lubana mo mukene, kono en kene. ³³Dok ni gimare ki cwinyi ducu, ki ryeko ducu, ki tek ducu, ki maro lawoti macalo imarre keni, cik magi aye pigi tek makato gitum ma giwano ducu ki berre ki gitum mukene ducu.” ³⁴Ka Yecu oneno ni odok iye maber ki ryeko, ocako dok wacce ni, “In pe ibor ki ker pa Lubana.” Lacen pe dok tye nat mo ma odiyo cwinye ka penye ki lok mo. ³⁵Ka Yecu onono tye ka pwony i ot pa Lubana, ci openyo ni, “Lupwony-cik mono giwacci Kricito lakwar Daudi pinjo? ³⁶Ki tunj bot Daudi kikome en dok oloko i tek pa Cwiny Malej ni, ‘Rwot owaco bot Rwoda ni, Bed i kom bada ma lacuc, i kabedo me deyo, nio ka abiketo lukworri pinyi i te tyeni.’ ³⁷Ka ce en Daudi aye yam olwone ni Rwot, ci en dok bedo lakwarre ninjin?” Lwak mapol guwinyo lokke ki yomcwiny madwon mada. ³⁸I kare ma Yecu tye ka pwonyo dano, owacci, “Wugwokke i kom lupwony-cik ma gimaro wot ma guruko bonji maboco-ni, dok gimito dano gubed ka motogi wa i cuk-gu, ³⁹dok gimaro bedo i kom pa ludito ka gitye i kacokke, dok gimaro bedo i kabedo me deyo i karama. ⁴⁰Gin gimayo odi pa mon-to, dok gibedo ka lego lega maboco me buta keken. Gibinologi kop madit makato ducu.” ⁴¹Yecu obedo i ot pa Lubana ka ma okemme ki canduk me koko lim, ci obedo ka neno kit ma lwak gibolo ki motgi i canduk lim; lwak lulonyo gubolo iye mapol. ⁴²Ento dato ma lacan obino ci obolo iye cente aryo, ma rom ki cente abic me kare-ni. ⁴³Ocako lwonjo lupwonnyene bote, ci owacogi ni, “Adada awacciwu ni, dato man ma lacan-ni en aye dok obolo lim madwon makato jo ducu; ⁴⁴pien jo mapol gugito but limgi madwon-ni aye gubolo, ento en i canne-ni, obolo limme ducu ma en tye kwede ma onono konyo kwone.”

¹Ka Yecu okato woko ki i ot pa Lubanja; ci nat acel mo ki i kin lupwonnyene owacce ni, “Lapwony, nen kit ma godi magi dito kwede ki kit ma gedone beco kwede!” ²Yecu ogamo ni, “Wuneno gedo magi madito twatwal-li? Godi ducu gibimukogi gireto woko piny, pe gibiweko got acel mo kany ma ododde i wi wadi.” ³Yecu ka obedo piny i wi got Jeituni, kun otikke ki ot pa Lubanja, ci Petero ki Yakobo ki Jon ki Anderiya gucako penye i mun ni, ⁴“Tit botwa, lok man bitimme wa awene, dok kit gin anjo ma binyuto ni lok meno donj cok cobbe kakare?” ⁵Yecu ocako wacogi ni, “Wugwokke, natti mo owek rwenyowu. ⁶Pien jo mapol gibibino ki nyiŋa, ma giwacci, ‘An aye a en!’ ci gibimiyo jo mapol girwenyowu. ⁷Dok ka wubiwinjo pi mony, ki lok ma yweko pi mony, pe tipo komwu oto woko lirut; myero konj meno otimme, ento nonjo nino me agik pud peke. ⁸Pien rok bilweny ki rok wadi, ki ker bene bilweny ki ker wadi, ki oyenyer biyenjo lobo i kabedo mapol, ki kec bene bipoto; meno gin aye acakki me te can ma bipoto i lobo. ⁹“Ento wun aye myero wugwokke kenwu; pien gibiterowu i lukiko, dok gibigoyowu i kacokke-gu. Wubicunj i nyim luloc ki luker-gu pira, wubitito lok ma bedo caden botgi. ¹⁰Myero konj gikwonj tito lok me kwena maber bot rok ducu. ¹¹Ento ka giterowu i lukiko wek ginol kop i komwu, pe wubed ka tamo kit lok anjo ma wubilokone, ento wulok ma gibimiyowu i cawa meno; pien pe wun aye wubilok, ento Cwiny Malenj aye bilok. ¹²Omego en aye bimiyo omegine i to, ki wego bimiyo litinogi i to, litino bitubbe i kom lunyodogi, miyo gineko lunyodogi woko. ¹³Jo ducu gibikwerowu pi nyiŋa; ento nat ma diyo cwinye nio wa i agik, en aye bilarre. ¹⁴“Ka wuneno gikelo gin mo me kwer, malik, giketo i kabedo ma myero pe giket iye (wek dano ma kwano onian) ci jo ma i Judaya myero gurin woko wa i godi; ¹⁵dano ma ononjo tye i wi ot pe dok olor piny, pe bene odony i ot ka kwanyo iye gin mo, ¹⁶ki dano ma tye wa i poto pe odok cen paco ka omo ginarukane. ¹⁷Dok mon ma giyac gibineno can i kare meno, ki mon ma gidoto litino bene! ¹⁸Wuleg wek pe obin otimme i cwir. ¹⁹Pien i kare meno bibedo iye twon can madit atika ma yam peya onen i lobo, nia wa i acakki lobo ma Lubanja oketo-ni, nio kwede wa onyoo, dok bene pe binen. ²⁰Kono nene Rwot pe ojwiko nino-nu obedo manok mo, kono dano mo pe obwot; ento pi jo ma giyero, ma en oyerogi, omiyo en ojwiko wel nino obedo manok. ²¹“I kare meno ka ce dano mo owacciwu ni, ‘Nen, Kricito ma Lubanja oyeri tye kany’, nyo ni, ‘Nen en tye kuca’, pe wuye. ²²Kricito ma lugoba kacel ki lunebi-gu ma lugoba gibibino, gibinyutowu lanyut ki tiyo jami tano, wek girweny jo mapol ka gitwero, wek girweny wa ki jo ma giyero bene. ²³Ento wun aye wugwokke, donj atyeko titowu gin ma bibedo i anyim con. ²⁴“Ento i kare meno ki i ne can madit-ti, bibedo kit macalo yam gicoyo ni. ‘Cen bicido woko macol licuc, ki dwe bene pe biryeny; ²⁵lakalatwe bia ki i polo, gipoto piny ki twer ducu ma i polo bene biyenje.’ ²⁶Ka donj gibineno Wod pa dano ka bino ki pol, ki twero madwonj, ki deyo. ²⁷Ci en biero lumalaikane ka coko jone ma en oyeri, kun gicokogi ki i twok piny anwen ducu, nia kwede wa i agikki lobo nio kwede wa i agikki polo. ²⁸“Wupwony carolok i kom yat oduro. Ka ce jaje donj olot, ci pote luk, ci donj wuneyo ni oro donj cok. ²⁹Ki wun bene ka ce wuneno gin magi gutimme, ci wune ni en donj cok, tye wa i doggola. ³⁰Adada awacciwu ni, yalwak me kare man pe gibitum, nio wanj ma lok magi ducu bitimme. ³¹Polo ki lobo gibitum ento lokka pe bitum. ³²“Ento nino meno ki cawa meno pe tye nat mo ma neyo, kadi wa lumalaika ma i polo, kadi wa Wod, ento Lubanja Won kene aye neyo gire. ³³Wugwokke, wanwu obed twolo ma nen, pien wun pe wuneyo nino ma kare biromo iye. ³⁴Bedo rom ki dano ma ocito welo. Ka yam a weko ganje, ci omiyo twero bot luticce, kun miyo nat acel acel ki ticce, kun ociko lagwok doggola ni obed ka kiyo piny. ³⁵Mumiyo wun wubed ka kiyo piny, pien pe wuneyo kare ma won ot bidwogo kwede; gwok dwog wi otyeno, nyo cwiny dyewor, nyo okogweno, nyo odiko. ³⁶Wugwokke, ka ce obino oyotoyot pe ononwu wunino woko. ³⁷Lok ma awaco botwu-ni, awaco bot dano ducu ni, Wuki piny.”

¹Nino madito me Kato (Paska) ki me Mugati ma Tobi Pe Iye ononoj ononoj nino aryo, ajwagi madito pa Lubana ki lupwony-cik guporo lok me mako Yecu ki ryeko ka wek gineke. ²Pien ononoj guloko ni, “Pe gimak i nino madito, miyo lwak bitugge.” ³I kare ma Yecu tye i ot pa Cimon ladobo, i kare ma obedo ka cam, dako mo obino ma kun tye ki adomo moo nard kikome ma welle dwonji; ocako turo dog adomo moone, ci oonyo i wiye. ⁴Ento cwiny jo mogo ocwer, ci gucako lok kekengi ni, “Pino moo man gibalalo abala?” ⁵Pien moo man kono nene gicato woko, kono nene okelo lim ma romo cili miya adek kulu ki makato bene, ka wek gimi ki lucan.” Ci gucako tugge i kom dako-nu matek. ⁶Yecu ocako waco ni, “Wuweke obed mot, wuyelo pino? En otiyo gin maber twatwal i koma. ⁷Pien wun wutye kacel ki lucan kare ducu, dok wutwero konyogi i kare ducu ma wumito; ento an pe abibedo kwedwu kare ducu. ⁸En otiyo gin ma en twero; dok en aye okwono onyo moo i koma me yika. ⁹Adada awacciwu ni, i kabedo ducu ma i wi lobo ma gibitito iye lok me kwena maber, gin ma dako-ni otiyo bene gibitito pire, wek obed me po en.” ¹⁰Juda Lakeriot, ma en dano acel ma i kin jo apar wiye aryo-ni, ocito bot ajwagi madito pa Lubana pi miyo Yecu i cingi. ¹¹Ka guwinyo lokke oyomo cwinygi, gucako cikke me miye lim; ki en bene ocako yeny kare maber ma eromo miyo ki Yecu i cingi. ¹²I kom nino mukwono me nino madito me Mugati ma Tobi Pe iye, ma gitumo iye latin romo me Kato, lupwonnye gupenye ni, “Imito wacyubbi kabedo mene wek icam iye Kato?” ¹³En ooro lupwonnye aryo ki i kingi kun cikogi ni, “Wucit wa i Jerucalem; ci wubirwate iye ki laco mo ma oyeyo agulu pii, en aye wulub kore. ¹⁴Ka ma en odonyo iye-ni, en aye wupeny iye won ot ni, ‘Lapwony owacci, ot welo ma atiro iye tye kwene, ka ma abicamo iye cam me Kato, kacel ki lupwonnye?’” ¹⁵Ci en binyuto botwu kicika ot ma malone, ma gipeto, giyubo maber, wuyubwa kabedo kunnu.” ¹⁶Lupwonnye gucito, ci gudonyo i Jerucalem, gunono kit macalo en owaco botgi-ni, gucako yubo cam me Kato kunnu. ¹⁷Ka piny don oyuto ci obino ki jone apar wiye aryo. ¹⁸Ka gubedo piny ci gucako camo cam, ci Yecu owacogi ni, “Adada awacciwu ni, nat acel i kinwu bidoba, en aye dano ma camo kacel kweda.” ¹⁹Gin gucako kumo cut, kun dano acel acel penye ni, “An bo?” ²⁰Yecu owacogi ni, “Tye nat acel i kinwu wun jo apar wiye aryo-ni, en aye dano ma tye ka gweyo i atabo acel kweda-ni. ²¹Pien Wod pa dano tye ka wot kit man pi cobo kit ma gicoyo i kome-ni; ento dano ma odobo Wod pa dano-ni bineno can! Kono nene obedo ber ka dano-nu pe ginywalo.” ²²Ka gitye ka camo cam, Yecu omako mugati; ci olego gum i kome, ocako baro iye, omiyo bot lupwonnye, kun wacci, “Wugam man, man aye koma.” ²³Dok otino kikopo, ci opwoyo, ocako miyone botgi, gin gumato. ²⁴Yecu owaco botgi ni, “Man aye remona me gicikke ma ocwer pi jo mapol. ²⁵Adada awacciwu ni, pe dok abimato pig olok, nio wa i kare ma abicako dok matone manyen wa i ker pa Lubana.” ²⁶Ka don gutyeko wero wer, ci gucito i wi got Jeituni. ²⁷Yecu owaco botgi ni, “Wun ducu wubitenya woko kena, pien yam gicoyo ni, ‘Abigoyo lakwat, ci romi gibiket woko ata.’” ²⁸Ento laca ka don acer woko ci abitelo nyimwu me cito i Galilaya.” ²⁹Petero ogamo ni, “Kadi ka jo mukene ducu gibitenyi woko, ento an pe abitenyi ata.” ³⁰Yecu owacce ni, “Adada awacci ni, tin ki i dyewor, ma nonjo twon gweno peya onwoyo koko kiryo, nonjo in don ityeko kwera woko tyen adek kulu.” ³¹Ento Petero dok ogamo matek twatwal ni, “Twara ma ato kacel kwedi, pe abikweri.” Gin ducu gucako loko kit meno bene. ³²Gucito i kabedo ma nyine Gececemane, ci ociko lupwonnye ni, “Wun kon wubed kany, an kon acileg Lubana.” ³³En otero Petero ki Yakobo ki jon, ci cwinye ocako poto matek ki kumo bene madwon. ³⁴Ocako wacogi ni, “An cwiny tye ka wan matek, mito neka woko. Wubed ka kiyo piny kany.” ³⁵Ocito anyim manok, ci oguno oryebbe piny olego ni, “Ka ce twerre, lakit cawa-ni don oa woko i koma.” ³⁶Ci olego ni, “Abba, Wora, jami ducu twerre ki boti; kwany kikopo man woko ki i koma; ento pe obed kit ma an amito, obed kit ma in imito.” ³⁷Ka odwogo botgi ononoj gunino woko, ci owaco bot Petero ni, “Cimon, inino woko ce? Pe itwero kiyo piny pi cawa acel mo?” ³⁸Wuki, wuleg Lubana, wek pe wudony i abita mo; cwiny kikome mito loyo abita pa Catan, ento kom aye nyap.” ³⁹Dok odok ka lego Lubana, kun nwoyo lego lega acel-lu. ⁴⁰Ka dok odwogo ononoj gunino woko, pien ononoj nino don omako wangi twatwal; pe don ginye gin ma myero gidokke iye. ⁴¹Ka dok odwogo botgi tyen me adekke, openyogi ni, “Wun pud wunino ce? Pud wutye ka yweyo bo? Don otum, ki cawa bene don oromo; wod pa dano don gimio woko i cin lubalo. ⁴²Don wua malo, orya wunu wacitu; nen dano ma odoba don tye cok.” ⁴³Cutcut ma Yecu pud tye ka lok-ki, Juda otugi tuc; en yam nat acel ma i kin jo apar wiye aryo-ni. En obino ki lwak ma gua bot ajwagi madito pa Lubana ki lupwony-cik ki ludono, ma gitye ki pala lucwan ki odoo-gu. ⁴⁴Juda ma odobe-ni yam omiyogi lanyut. En owacci, “Dano ma abimoto kun anoto leme, meno aye en kikome; wutugi make woko, wutere kun wugwoke maber.” ⁴⁵Ka Juda obino ci okemo bot Yecu atir, ocako mote ni, “Lapwony,” ci onoto leme. ⁴⁶Gin bene gutugi poto i kome, gumake woko cut. ⁴⁷Dano mo acel ma ononoj ocun ka nete ocako woto pala lucwanne, otono ki opii pa ajwaka madit pa Lubana, onuno ite woko. ⁴⁸Yecu owaco botgi ni, “Wubino bota ki pala lucwan ki odoo-gu me maka, macalo wubino i kom layak mo?” ⁴⁹Abedo ka pwony i ot pa Lubana jwijwi, ma kun abedo iye kwedwu, ci pe yam wumaka do. Don wumaka, wek ginacoya ocobbe kakare.” ⁵⁰Gin ducu gurino woko, guweke ononoj kene. ⁵¹Awobi mo odwalo cuka bono camanini keken i kome, ci olubo ki kor Yecu; gin gumake bene, ⁵²ento en oweko cukane ononoj, ci orino woko nono labono mo. ⁵³Gutero Yecu bot ajwaka

madit pa Lubanja, kun onono ajwagi madito ki ludono-gu ki lupwony-cik gucokke kacel. ⁵⁴Petero obedo ka lubo kor Yecu ki cencen nio kwede wa i dyekal pa ajwaka madit; obedo ka oyo mac kacel ki lutic. ⁵⁵Ajwagi madito ki jo ma i Lukiko ducu guyenyo lok me caden ma mako kom Yecu ma miyo gineke; guyenyo kwe pe gunono mo. ⁵⁶Lwak lucaden mapol gubedo ka kelo lok goba i kome, ma lokgi ducu pe rwatte. ⁵⁷Jo mukene gua malo, ci gukelo lok goba i kome ni, ⁵⁸“Wan wawinyo ka en loko ni, ‘An amuko ot pa Lubanja-ni woko, ma yam gigeri ki cin-ni, ci dok agero mukene-ne nino adek keken, ma pe gitiyo ki cin.’ ” ⁵⁹Kadi bed gukelo lok goba kit meno, ento lok ma gukelo pe rwatte. ⁶⁰Ajwaka madit otirre malo ci ocun i dyere, ocako penyo Yecu ni, “Lwak adot ma lucaden gudoti kwede-ni in igamo ninin?” ⁶¹Yecu pe ogamo, olin gire alina. Ajwaka madit dok openye ni, “In aye Kricito ma Lubanja oyeri, Wod pa Lubanja ma gipwoyo-ni bo?” ⁶²Yecu ogamo ni, “An aye a en; dok bene wubineno ka Wod pa dano obedo ki Won Twer atena i wi kom me deyo ka nete, tun acucce; ka dok bino ki pol me polo-gu.” ⁶³Ajwaka madit ocako yeco ginarukane woko kekene, kun wacci, “Pud dok wumito kit caden ano kaa?” ⁶⁴Don wutyeko winyo kit ma en yeto kwede Lubanja. Wutamo iye lok ano don?” Gin ducu gunolo lokke ni, balle romme to. ⁶⁵Jo mukene gucako njulo laa i kome, kun giumo wane woko, ka gidone kwede, ma kun giwacci, “In ma lanebi-ni, tuc ba,” ki lutic-gu gupoto i kome kun gipale ki cingi. ⁶⁶I kare ma onono Petero tye piny i dyekal, ci aneca pa ajwaka madit acel mo obino kenyo. ⁶⁷Ka onono Petero ka oyo mac, ka obolo wane i kome ci owacce ni, “In bene onono itye ki dano meno mua ki i Najaret, en Yecu.” ⁶⁸Petero ocako kwero woko, ma kun wacci, “An pe aneyo, pe bene anian gin ma ibeloko.” Ka Petero okato woko i doggan, ci twon gweno otugi kok cut. ⁶⁹Aneca meno dok onene, ci dok ocako tito bot jo ma gucun kunnu ni, “Dano man en bene nat acel ma i kingi.” ⁷⁰Petero dok ocako kwero woko aye. Kare dok okato manok mo, jo ma onono gucun kenyo dok guwaco ki Petero ni, “Ada in i nat acel ma i kingi, pien in Lagalilaya.” ⁷¹En ocako kwohne kun lamme kekene ni, “An pe aneyo dano man ma wun wuloko pireni.” ⁷²Dok cutcut twon gweno okok tyen me anyone. Petero ocako po lok ma nene Yecu owacce ni, “Ma nono twon gweno peya onwoyo koko kiryo, nono in don ityeko kwera woko tyen adek kulu.” Ci ocako koko matek cut.

¹Ka piny don oru, oyotoyot ajwagi madito ki ludonjo ki lupwony-cik ki jo ma i Lukiko ducu, gupiro lok kacel. Ci gutweyo Yecu woko gutere kwede gumiye bot Pilato. ²Pilato ocalo penye ni, "In i kabaka pa Lujadaya bo?" Yecu ogamo ni, "Iwaco kakare gire." ³Ajwagi madito gucalo dote ki lwak adot mapol. ⁴Pilato dok openye ni, "Pe kon idok iye ce? Pe ineno kit lwak lok mapol ma gidoti kwede-ni?" ⁵Yecu dok pe omedo ki dok iye lok mo, omiyo Pilato ouro matek. ⁶Ka i kare me nino madito ononjo Pilato gonyo lamabuc mo woko ma dano gulege pire. ⁷I kare-nu ononjo tye laco mo ma nyinje Baraba, ma yam gitweyo i mabuc i kin jo mujemo ma guneko dano i kare me jemogi-nu. ⁸Lwak gucalo cito bot Pilato, gupenye wek otim kit ma yam tiyo-ni. ⁹Pilato openyogi ni, "Wumito mono ni agonnyiwu kabaka pa Lujudaya?" ¹⁰Ononjo Pilato onyeo ni ajwagi madito gumiyo Yecu bote pi nyeko. ¹¹Ajwagi madito gupiyo lwak ni twara gigonnyigi Baraba. ¹²Pilato dok openyo lwak ni, "Dano ma wulwonjo ni kabaka pa Lujudaya-ni don abitimo ninjin?" ¹³Lwak gucalo wo ni, "Gure woko i kom yatariya." ¹⁴Pilato dok openyogi ni, "Pinjo kaa, otimo kit gin anjo marac?" Ento lwak gumedde ki wo ni, "Gure woko i kom yatariya." ¹⁵Pi mito kweyo cwiny lwak, omiyo Pilato oye gonnyigi Baraba, ocalo pwodo Yecu ki del, ka omiye wek gigure woko i kom yatariya. ¹⁶Askari gutero Yecu wa i ot pa kabaka, ma gilwonjo Praitorion, ci gulwonjo buca monygi ducu gucokke kacel. ¹⁷Ka gucalo ruko Yecu ki bonjo makwar, ka gucweyo lulakana okuto, gurwako i wiye, ¹⁸kun gimote ni, "Itye ba, kabaka pa Lujudaya!" ¹⁹Gucalo goyo wiye ki gayi, ka gunulo laa i kome-gu, kun girumo congi me miye woro. ²⁰Ka don gutyeko njale, ci gulunyo bonjo makwar woko ki i kome, ka dok guruke ki bonjone kikome, ci gutere kwede woko ka gure i kom yatariya. ²¹Gucalo mako dano mo ma ononjo obekato mua ki i kin gan ci gudiye ka tinjo yatariya pa Yecu, nyinje Cimon dano me Cirene, ma won Alegijanda ki Rupo. ²²Gutero Yecu i kabedo ma gilwonjo ni Golgota, ma te lokke ni kabedo me cogo wic. ²³Gucalo miye konjo vino ma girubo iye yat murra; ento en okwero matone woko. ²⁴Ka don gugure i kom yatariya, ci gupoko bonjine woko i kingi, kun gibolo kwir wek ginen bonji ma nat acel acel bitero. ²⁵Giguro Yecu i kom yatariya i cawa adek me odiko. ²⁶Gicoyo i waraga gin ma nyuto lok ma gidote iye ni, "Kabaka pa Lujudaya." ²⁷Gigure kacel ki luyak mogo aryo, dano acel tun lacuc ki acel tun lacam. ²⁸Omiyo ginacoya ocobbe kakare ni, "Gikwane i kin lubalo." ²⁹Jo ma yam gimol gikato ki ka njete gubedo ka yete, kun giyenjo wigi, ma giwacci, "Nye, in ma imuko ot pa Lubana woko, ci igero pi nino adek-ki, ³⁰don ilarre keni, a woko ki i kom yatariya!" ³¹Ki ajwagi madito bene gunjale, ma giloko ki luwotgi kacel ki lupwony-cik-gu, kun giwacci, "Yam bedo ka laro jo mukene, pe twero larre kene. ³²Wek tin Kricito, ma kabaka me Irael, olor piny ki i kom yatariya, wek wanen ka wacak ye." Wa jo ma gigurogi kacel kwede bene gucaye. ³³Ka cawa oromo abicel, piny ocido woko macol i lobo ducu, nio kwede wa i cawa abonwen. ³⁴I kom cawa abonwen Yecu odanje ki dwan malonjo ni, "Eloi, Eloi, lama cabaktani?" ma te lokke ni, "Lubajana, Lubajana, itenya woko pinjo?" ³⁵Ka jo ma ononjo gucu kunnu guwinyo lokke, ci guwacci, "Winyu ka en lwonjo Elia ca." ³⁶Ci dano acel orino, okwanyo amor, oluto i konjo vino mawacce, orwako i wi tal gayi, omiyo ki Yecu ni omati, kun wacci, "Weku mono kon wanen ka Elia bino ka kwanye woko ki i kom yatariya." ³⁷Yecu dok odanje ki dwan malonjo, ka oto. ³⁸Ci bonjo kicika ma i ot pa Lubana ocalo yec woko opokke dul aryo, oyec ki malo, nio kwede wa i tere piny. ³⁹Ladit ma loyo askari, ma ononjo ocun cok i nyime, ka oneno kit ma Yecu oto kwede, owacci, "Adada, dano man ononjo Wod pa Lubana!" ⁴⁰Dok ononjo tye mon mogo ma gucu ki cen ka nenone; ononjo tye Maliam Lamagdala, ki Maliam min Yucepu matidine ki Yoce, ki Calume. ⁴¹Gubedo ka lubo kor Yecu ki i Galilaya, gubedo ka konye bene, dok ononjo tye lwak mon mapol ma gubino kwede wa i Jerucalem. ⁴²I kom nino me Yubbe, en nino ma i nyim cabit, ka piny don oyuto, ⁴³Yucepu me Arimataya obino; en yam dano madit ma lamemba me Lukiko ma gipwoyo bene, en kikome obedo ka kuro ker pa Lubana. En odiyo cwinye, ci odonyo wa bot Pilato, olego kom Yecu. ⁴⁴Pilato ouro ka don otyeko to woko oyot kumeno; ci olwonjo ladit ma loyo askari, openye ka ce don oto woko. ⁴⁵Ka ladit ma loyo askari otyeko nianjo en, ci omiyo kom Yecu bot Yucepu. ⁴⁶Yucepu owilo bonjo camanini, ci okwanyo kom Yecu woko ki i kom yatariya, oboyo ki bonjo camanini, otero kome opyelo i lyel ma en okwinyo oroko i got, ci ocego wiye woko ki got ma oloro ki dog lyel. ⁴⁷Maliam Lamagdala ki min Yoce guneno ka ma giyiko iye kome.

16 ¹Ka cabit donj okato, ci Maliam Lamagdala ki Maliam min Yakobo, ki Calume guwilo anjece pi wot kwede ka wiro kom Yecu. ²I kom nino mukwoŋo me cabit mon gupuk odiko con ma ceŋ otuc, ci gucito i wi lyel. ³Gucako pennye kekengi ni, “Aŋa mono ma bidirowa got woko cen ki i dog lyel?” ⁴Ka gutiŋo wangi ci guneno got meno donj gidiro woko cen; ononjo gotte dit twatwal. ⁵Ka gudonyo i lyel, ci guneno latin orobo mo ma oruko bonjo matar, obedo kwede yo tunj acuc; gucako urone mada. ⁶En owaco botgi ni, “Pe wubed ka urone; wun wubeyenyo Yecu me Najaret ma giguro i kom yatariya-ni. En donj ocer woko, pe donj tye kany. Konj wunen ka ma gipyelo iye kome. ⁷Ento wucit wutit ki lupwonnyene, ki bot Petero bene ni, en donj tye ka wot me telo nyimwu wa i Galilaya kuca; wubineno kome kunnu, kit ma yam en otito botwu-ni.” ⁸Ci mon gukatti woko ki i lyel, gucako njwec ki myelkom pi lworu ma omakogi matek twatwal; lworu ogenjogi tito lokke ki njatti mo. ⁹Ka en donj ocer odiko con i nino mukwoŋo me cabit, okwoŋo nyutte bot Maliam Lamagdala, ma yam en oryemo cen abiro i kome-ni. ¹⁰En otugi tero lok bot jo ma yam gibedo kwede, i kare ma gitye ki cola ki kumu-gu. ¹¹Ka guwinyo ni en tye gire makwo, dok ni otyeko nyutte, kome onen bot Maliam, pe guye lokke. ¹²Lacen Yecu dok onyutte onen bot jo mukene i kit mapatte; onen bot lupwonnyene ma ononjo gicito ka wot i kin ganj. ¹³Gin dok gucito gutito bot jo mudonj-ni, gin bene dok pe guye lokgi. ¹⁴Ka lacen dok onyutte onen bot jone apar wiye acel ma ononjo gitye i dog cam. Ocako da i komgi pi kwero ye lok, ki pi tekcwinygi, pien gukwero ye lok pa jo ma donj guneno kome i kare ma ocer-ri. ¹⁵Ka donj owaco botgi ni, “Wucit i lobo ducu, wucitit iye lok me kwena maber bot ginaketa ducu. ¹⁶Dano ma oye, ce gibatija en, ci bilarre; ento dano ma okwero ye aye kop biloyo en. ¹⁷Lanyut magi binen ki bot jo ma giye: gibiryemo cen pi lwoŋo nyiŋa, gibiloko ki leb manyen, ¹⁸gibimako wa twol-gu, dok ka gibimato gin ma neko dano, ci pe bitimogi marac; gin bene gibiketo cingi i kom lutwo ci gibicanj.” ¹⁹Ka Rwot Yecu donj otyeko lok kwedgi, ci gitinje gitere woko malo i polo, ci ocako bedo piny ka njat Lubanja atena i kabedo me deyo yo tunj acucce. ²⁰Ci lupwonnyene gucito ka tito lok i kabedo ducu, kun Rwot kikome bene tye ka tic kwedgi, kun moko lok ma gitito ki lanyutte.

Luka

1

¹Jo mapol donj gutemo coyo lok i kom gin ma otimme i kinwa, ²macalo jo ma guneno ki wangi nia i acakki, dok ma gudoko lutic me lok meno, gukwanjo botwa. ³Pi meno, Ladit Teopilo, ka donj anjiyo gin ducu nia i acakki, an bene atamo ni bedo ber ka acoyo piri, kun aryeyo kikore, ⁴wek inianj ada me lok meno ma yam gipwonyi kwede. ⁵I kare pa Kerode kabaka me Judaya, ononjo tye ajwaka pa Lubanja mo ma nyiŋe Jekaria, me wanj tic pa Abia; yam tye ki dakone ma i kin anyira pa Aron, nyiŋe Elicabet. ⁶Gin aryo ducu yam kitgi atir i nyim Lubanja, kun gilubo cik pa Rwot ducu labonjo bal. ⁷Ento ononjo gipe ki litino, pien Elicabet yam lalur, gin aryo ducu ononjo donj guti woko. ⁸I kare ma Jekaria tye ka tiyo tic me ajwaka i nyim Lubanja, i kare me wanj ticce, ⁹macalo kit pa ajwagi tye, kwir okwanye me donyo i ot pa Rwot ka wanjo gitye woko ka lega i cawa me wanjo odok eceta. ¹⁰Lwak dano ducu ononjo gitye woko ka lega i cawa me wanjo odok eceta. ¹¹Lamalaika pa Rwot onen bote kun ocunj yo tunj lacuc i njat keno tyer me wanjo odok eceta. ¹²Ka Jekaria onene, ci cwinye opoto, lworu omake. ¹³Ento lamalaika owacce ni, “Pe ilwor, Jekaria, pien legani donj Lubanja owinyo. Dakoni Elicabet binywalli latin laco, ibicako nyiŋe Jon. ¹⁴Ibibedo ki yomcwiny, cwinyi bikwe, jo mapol cwinygi bibedo yom pi nywalle; ¹⁵pien en bibedo madit i nyim Rwot. En pe bimato konjo vino kadi gin ma mero dano; en bipoŋ ki Cwiny Malen, nia i i minne. ¹⁶En bidwoko Luicrael mapol bot Rwot Lubanagi, ¹⁷en bitelo nyime i cwiny ki tek pa Elia, pi loko cwiny wegi litino i kom litinogi; pi dwoko dano ma pe winyo cik i ryeko pa jo ma kitgi atir, dok me yubo pi Rwot dano ma donj guyubbe.” ¹⁸Jekaria openyo lamalaika ni, “Abiŋeyo man niŋniŋ? Pien an donj ati woko, dakona bene donj oti.” ¹⁹Lamalaika ogamo doge ni, “An Gabriel, acunj i nyim Lubanja; giora ka lok kwedi, akelli kwena man maber. ²⁰Winy ba, ibiliŋ ma pe itwero lok, nio i nino meno ma lok man bitimme iye, pien pe iye lokka, ma bicobbe ka kare oromo.” ²¹Lwak ononjo gubedo ka kuro Jekaria, guuro rune twatwal i ot pa Lubanja. ²²Ka Jekaria okatti woko, ononjo pe twero lok kwedgi, omiyo gunianj ni oneno ginanyuta i ot pa Lubanja macalo lek. En obedo ka gwelogi kun pe twero lok. ²³Ka kare me ticce otum, ci odok i pacone. ²⁴Ka kare okato manok, dakone Elicabet ogamo ic. Okanne kwede pi dwe abic, kun waco ni, ²⁵“Rwot otimo kit meno i koma, i kare ma onena iye, me kwanyo lewic woko ki i koma i kin dano.” ²⁶I dwe me abicel Lubanja ooro lamalaika Gabriel i ganj mo i Galilaya, ma nyiŋe Najaret, ²⁷bot nyako ma peya oneyo laco, ma laco ma nyiŋe Yucepu otonjo kenya i kome; nyako meno nyiŋe Maliam. ²⁸Lamalaika obino bote, omote ni, “Itye ba, in ma gimiyi gum! Rwot tye kwedi!” ²⁹Ento Maliam cwinye opoto pi lok man, obedo ka tamo te lok me mot man. ³⁰Lamalaika owacce ni, “Pe ilwor, Maliam pien ilimo pwoc ki bot Lubanja. ³¹Nen, ibiyac, ibinywalo latin laco, ibicako nyiŋe Yecu. ³²En bibedo dit, gibilwoŋe ni, Wod pa En Mamalo Twal; Rwot Lubanja bimiye komker pa kwarone Daudi. ³³En biloyo jo me ot pa Yakobo matwal; kerre pe bigik.” ³⁴Maliam openyo lamalaika ni, “Lok man

bibedo ninjin, ma kun an pe anene ki laco?”³⁵ Lamalaika odokke iye ni, “Cwiny Malen bibino i komi, tek pa En Mamalo Twal biumi macalo tipo; pi meno latin ma gibinywalo-ni gibilwoŋe Malen, Wod pa Lubana.³⁶ Nen, watti Elicabet don oyac i tiyone, binywalo latin laco; en ma yam gilwoŋo ni lalur kombeddi don tye ki ic me dwe abicel.³⁷ Pien pe tye gin mo ma loyo Lubana.”³⁸ Maliam owaco ni, “Nen, an aneca pa Rwot; wek obed bota kit macalo iwaco.” Lacen lamalaika oa woko ki bote.³⁹ I kare meno Maliam oa, ocito oyotoyot i lobo ma obedo gotgot i gan mo me Juda.⁴⁰ ci odonyo i ot pa Jekaria, omoto Elicabet.⁴¹ Ka Elicabet owinyo mot pa Maliam, ci latin otinje ki i iye. Elicabet opon ki Cwiny Malen.⁴² odanje ki dwan malonjo ni, “Itye ki gum i kin mon, latin ma i ii bene tye ki gum!”⁴³ Lok man kono oa ki kwene, lutuwa, min Rwoda me bino bota? ⁴⁴Pien nen, ka awinyo dwan me motti, latin ma i iya otinje ki yomcwiny.⁴⁵ Itye ki gum, in nat ma oye, pien lok ma Rwot otito boti bicobbe kakare.”⁴⁶ Maliam owaco ni, “Kwona pako Rwot,⁴⁷ cwinya yom i kom Lubana Lalarra.⁴⁸ pien oneno can pa anecane. Nen, nia tin yalwak me kare ducu gibilwoŋa ni lagumkom; ⁴⁹pien Won Twer Ducu otima gin madit, nyinje bene lej.⁵⁰ Kicane tye bot yalwak me kare ducu, i kom jo ducu ma gilwore.⁵¹ Otiyo tic matek ki bade, olalo luwakke i tam me cwinygi.⁵² Oreto luker ki i wi komkerigi omiyo dito bot lucan.⁵³ Jo ma kec nekogi omiyo giyen ki gin maber, oryemo lulonyo gudok cen nono.⁵⁴ Okonyo laticce Irael, opo pi timo kica,⁵⁵ macalo oloko bot kwariwa, bot Abraim ki bot likwaye matwal.”⁵⁶ Maliam ori bot Elicabet dwe adek, ka lacen odok i pacone.⁵⁷ Ka kare me nywal pa Elicabet don oromo, ci onywalo latin laco.⁵⁸ Ka luwote ki wadine guwinyo ni Rwot onyuto kicane madwon i kome kuman, cwinygi obedo yom kacel kwede.⁵⁹ I nino me aborone gubino ka liro latin. Gumito cako nyinje ki nyin wonne Jekaria,⁶⁰ ento minne ogamo ni, “Pe kit meno, gibilwoŋe ni Jon.”⁶¹ Gudokke iye ni, “Pe tye nat mo ma nyinje calo meno i kin wadiwu ducu do.”⁶² Gugwelo wonne ni en mito cako nyinje ana? ⁶³En openyo pi got coc, ci ocoyo ni, “Nyinje Jon.” Gin ducu guuro.⁶⁴ Cutcut dog Jekaria oyabbe, te lebe ogonnye, ci oloko kun pako Lubana.⁶⁵ Lworo omako dano ducu ma bedo cok i netgi; lok meno ducu oywek i lobo Judaya ducu ma obedo gotgot.⁶⁶ Dano ducu ma guwinyo gumako i cwinygi, kun giwaco ni, “Latin man kite bibedo ninjin?” Pien cinj Rwot tye kwede.⁶⁷ Wonne Jekaria opon ki Cwiny Malen, oloko macalo lanebi ni,⁶⁸ “Gipwo Rwot Lubana pa Irael, pien don olimo jone, okokogi.⁶⁹ Otiŋo piwa lalar matek i ot pa laticce Daudi,⁷⁰ macalo yam oloko i dog lunebine malen ma gubedo nia con ki con,⁷¹ me larowa ki bot lukworwa, ki i cinj jo ducu ma kwerowa.⁷² pi timo kica bot kwariwa kun opo pi gicikkene malen ⁷³ki kwoŋ ma okwoŋo bot kwarowa Abraim,⁷⁴ ni ebimiyowa watiyo bote laboŋo lworo, kun olarowa ki i cinj lukworwa,⁷⁵ kun walen, dok kitwa atir i nyime pi nino me kwowa ducu.⁷⁶ In bene latin, gibilwoŋi lanebi pa En Mamalo Twal pien ibitelo nyim Rwot pi yubo yone,⁷⁷ kun imiyo nec me lar bot rokke ma bino pi weko balgi,⁷⁸ pi kica madwon pa Lubanawa ma oweko piny oru piwa ki malo,⁷⁹ me menyo jo ma bedo i piny macol ki i tipo me to, ki me tiro tyenwa i yo me kuc.”⁸⁰ Latin odoŋo, tek omedde i cwinye, obedo i tim nio i nino ma ginyute iye bot jo Irael.

¹I kare meno cik oa bot Cekar Augucito ni gico nyin dano ducu ma i wi lobo. ²Man obedo coc mukwoŋo ma gicoyo, i kare ma Kurenio loyo lobo Ciria. ³Dano ducu gucito ka cone, ŋat acel acel i gangi. ⁴Yuŋepu bene oa ki i Galilaya, ki i gang me Najaret, ocito i Judaya, i gang pa Daudi ma gilwoŋo Beterekem, pien en yam ŋat acel i kin likwayo pa Daudi, ⁵wek econo ki dakono Maliam ma onoŋo otono kony i kome, ma onoŋo oyac. ⁶I kare ma gitye kunnu, kare me nywalle oromo. ⁷Onywalo latin kayono ma laco, oumo kome ki boŋo, opyele kwede i weer pa dyan, pien onoŋo ot opon woko pigi i ot welo. ⁸I lobo kunnu onoŋo tye iye lukwat ma gibedo i tim, kun gigwoko romigi dyewor. ⁹Cutcut lamalaika pa Rwot oturo ki bino, ocuŋ i kingi, deyo pa Rwot oryeny orumogi, ci lwooro omakogi matek. ¹⁰Lamalaika owaco botgi ni, “Pe wulwor, pien nen, akelliwu lok maber me yomcwiny ma bibedo bot dano ducu. ¹¹Tin i gang pa Daudi ginywalo piwu lalar, en Kricito Rwot. ¹²Man bibedo gin ma nyuto: wubinono latin ma gumo ki boŋo, ma gipyale, obuto i weer pa dyan.” ¹³Oyotoyot lwak mony me polo onoŋo tye kacel ki lamalaika meno; ci gipako Lubana kun giwaco ni, ¹⁴“Deyo obed bot Lubana malo i wi polo kuc obed i kin jo ma en pwoyo!” ¹⁵Ka doŋ lamalaika oa woko ki botgi, odok i polo, ci lukwat guloko kekengi ni, “Koŋ wacitu mono wa i Beterekem, wek wacinenu gin man ma otimme, ma Rwot otittiwa pire-ni.” ¹⁶Gucito oyotoyot, gunono Maliam ki Yuŋepu, ki latin lakere ma gipyelo i weer pa dyan. ¹⁷Ka guneno, gutito bot dano lok ma yam gitito botgi i kom latin meno; ¹⁸dano ducu ma guwinyo guuro lok ma lukwat gutito botgi. ¹⁹Ento Maliam okano lok magi ducu, kun tamo ki i cwinye. ²⁰Lukwat gudok kun gimio deyo bot Lubana, gipake pi gin ducu ma guwinyo, dok guneno, macalo yam gitito botgi. ²¹Ka nino aboro doŋ oromo me liro latin, gicako nyiŋe Yecu, nyiŋ ma lamalaika yam ocako ka en pud peya tye i ic. ²²Ka kare doŋ oromo me lonnyegi macalo cik pa Moses tye, ci gutere i Jerucalem wek gityere bot Rwot, ²³macalo gicoyo i cik pa Rwot ni “Litino kayo ducu ma co gibilwoŋogi malen bot Rwot”, ²⁴dok wek gityer gitum, macalo gicoyo i cik pa Rwot ni, “amam aryo, nyo litino akuri aryo.” ²⁵Yam tye i Jerucalem dano mo ma nyiŋe Cimeon. En yam dano ma kite atir ma lwooro Lubana, kun kuro kare ma gibikweyo iye cwiny jo Irael; Cwiny Malen onoŋo tye kwede. ²⁶Cwiny Malen onoŋo otyeko nyuto bote ni, en pe bito ma peya oneno Kricito pa Rwot. ²⁷En obino i ot pa Lubana kun Cwiny Malen aye tele. Ka lunyodo gukelo latin Yecu wek gitimme macalo kit me cik tye, ²⁸Cimeon otiŋe i bade, opwoyo Lubana kun waco ni, ²⁹“Koni doŋ icik laticci, Rwot, ocit ki kuc macalo yam iciko. ³⁰pien waŋa doŋ oneno larri ³¹ma iyubo i nyim rok ducu, ³²me bedo cen ma yabo muŋ bot Lurok, ki deyo pa joni Irael.” ³³Wonne ki minne guuro lok ma giwaco i kome. ³⁴Cimeon olego gum i komgi, kun waco bot minne Maliam ni, “Nen, latin man giketo wek Luicrael mapol opoti, wek gua doki ki me bedo lanyut ma giyeto, ³⁵dok bene pala lucwan bicobo cwinyi pil, wek tam ma i cwiny dano mapol oyabbe ka malen.” ³⁶Yam tye lanebi mo ma dako, nyiŋe Anna, nya pa Panuel, pa jo Acer. Onoŋo doŋ oti twatwal, pien otyeko mwaka abiro bot cware cakke i kare ma en pud nyako; ³⁷ka doŋ cware oto ori nio i mwaka pyeraboro wiye anwen me ditte. En yam pe a ki i ot pa Lubana, obedo ka woro Lubana kun ri kec dok lego dyewor ki dyecen. ³⁸En obino i cawa-nu, opwoyo Lubana, otito pi latin-nu bot dano ducu ma yam kuro kare me koko jo Jerucalem. ³⁹Ka lunyodone doŋ gutyeko cobo lok ducu ma tye i cik pa Rwot, ci gudok i Galilaya, i gangi Najaret. ⁴⁰Latin odoŋo odoko matek, kun opon ki ryeko; cwiny Lubana obedo yom i kome. ⁴¹Lunyadone yam gicito i Jerucalem mwaka ki mwaka pi nino madit me Kato. ⁴²Ka mwaka me ditte oromo apar wiye aryo, ci gucito kunnu macalo kit me nino madit tye. ⁴³Ka nino madito doŋ otum, ma gidok paco, latin Yecu odoŋo woko i Jerucalem. Lunyodone onoŋo pe giŋeyo, ⁴⁴ento gutamo ni en tye i kin lwak. Guwoto wot me nino acel, guyenye i kin lutugi ki i kin luwotgi. ⁴⁵Ka pe gunoŋe, ci gudok cen i Jerucalem ka yenye. ⁴⁶Ka nino adek okato, ci gunoŋe i ot pa Lubana; obedo i kin lupwony, kun winyo pwonygi, dok penyogi. ⁴⁷Dano ducu ma yam guwinye guuro nianŋe, ki kit ma en dok kwede i peny. ⁴⁸Ka lunyodone gunene, guuro; minne openye ni, “Latinna, piŋo itimowa kit man? Nen woru ki an wabedo ka yenyi kun wakumo.” ⁴⁹En ogamo doggi ni, “Wuyenya piŋo? Pe wuŋeyo ni myerona me bedo i ot pa Abana?” ⁵⁰Ento pe gunian lok ma en oloko botgi. ⁵¹Owoto kacel kwedgi, obino Najaret, obedo kun winyogi; minne okano lok meno ducu i cwinye. ⁵²Yecu odoŋo kun medde i ryeko, dok kun medde ki noŋo pwoc ki bot Lubana ki bot dano bene.

¹I mwaka me apar wiye abic me loc pa Tiberio Cekar, Pilato onono loyo Judaya, Kerode onono loyo Galilaya, ominne Pilipo kono onono loyo lobo Ituria ki Trakoniti, Lucania onono loyo Abilene, ²Anac ki Kayapa aye onono gin ajwagi madito pa Lubana. I kare meno lok pa Lubana obino bot Jon wod pa Jekaria i tim. ³En owoto i lobo ducu ma cokcok ki Judaya kun tito lok me kwenane ni, “Wunut, wek gibatijawu, ci Lubana biweko balwu. ⁴Macalo gicoyo i buk me lok pa lanebi Icaya ni, “Dwan dano mo ma danje i tim ni, Wuger yo pa Rwot, wutir yone ocun atir. ⁵Lun ducu gibitoro woko, godi ki cere ducu gibidwokogi woko piny, ka ma ogonne gibitiro cun atir, dok yo ma obedo burbur gibipiro woko. ⁶Dano ducu gibineno kit ma Lubana olarowa kwede.” ⁷Jon owaco bot lwak ma gubino bote pi batija ni, “Wun litino ororo, anja ma otito botwu ni wurin kiniga ma mito bino? ⁸Donj wuti gin ma nyuto ni wunut i kom balwu, pe dok wucak tamo ni, ‘Watye ki kwarowa Abraim’. Konj wunen, awaco botwu ni, Lubana tye ki twero me miyo gwenj magi olokke odok likwayo Abraim. ⁹Kombeddi donj giketo latonj woko i lwit yadi; yat acel acel ma pe nyak nyige mabeco, gitoro gireto woko piny, ci gibolo woko i mac.” ¹⁰Lwak gupenye ni, “Watim anjo donj?” ¹¹En odok iye botgi ni, “nat ma tye ki kanyi aryo opok bot nat ma pe kwede; nat ma tye ki cam oitim kit meno bene.” ¹²Lujog-mucoro bene gubino wek gibatijagi, gupenye ni, “Lapwony, wan kono watim anjo?” ¹³Owaco botgi ni, “Pe wujog makato wel ma gicikowu.” ¹⁴Askari bene gupenye ni, “Wan kono watim anjo” En owaco botgi ni, “Pe wuyak natti ki tek, pe wudot dano mo ki lok goba, wek mucarawu oromwu.” ¹⁵Ka lwak gitye ka kuro, kun gipennye ki i cwinyi pi Jon, ka kono en Kricito ma Lubana oyero, ¹⁶Jon odok iye botgi ni, “An abatijawu ki pii, ento nat ma kata ki tek tye ka bino, ma an pe amyero me gonyo warre. En bibatijawu ki Cwiny Malen, dok ki mac. ¹⁷Oderone tye i cinje me pyeto bel ducu ma i larone, en bidilo belle i dero, ento cuje en biwano woko ki mac ma pe to.” ¹⁸Jon otito lok me kwena maber bot lwak kun cuko cwinyi ki lok mukene mapol. ¹⁹Ento Kerode rwot madit ma yam Jon ojuko pi Kerodia ci-ominne, ²⁰otweyo Jon i mabuc, oponjo kwede wi balle mukene ducu. ²¹Ka donj obatija dano ducu, ma Yecu bene donj gibatija, ma kun en tye ka lega, ²²ci polo oyabbe, Cwiny Malen olyanne piny macalo akuri i cal me kom, ci opye i kome. Ci dwan ocako winnye ma a ki i polo kun wacci, “In aye i Woda ma amaro, ma cwinya yom i komi.” ²³I kare ma Yecu ocako ticce onono donj tye ki mwaka ma mito romo pyerade me ditte. Yam en wod pa Yucepu, macalo gitamo, ma en wod pa Eli, ²⁴wod pa Matat, wod pa Levi, wod pa Melki, wod pa Janai, wod pa Yucepu. ²⁵wod pa Matatia, wod pa Amoc, wod pa Nakum, wod pa Eceli, wod pa Naggai, ²⁶wod pa Maat, wod pa Yocek, wod pa Yoda. ²⁷wod pa Yoanan, wod pa Reca, wod pa Jerubabel, wod pa Cealtiel, wod pa Neri, ²⁸wod pa Melki, wod pa Addi, wod pa Kocam, wod pa Elmadam, wod pa Er, ²⁹wod pa Yecu, wod pa Eliejer, wod pa Yorim, wod pa Matat, wod pa Levi. ³⁰wod pa Cimeon, wod pa Juda, wod pa Yucepu, wod pa Yonam, wod pa Eliakim, ³¹wod pa Melea, wod pa Menna, wod pa Matata, wod pa Natan, wod pa Daudi, ³²wod pa Yece, wod pa Obed, wod pa Boaj, wod pa Cala, wod pa Nakucon. ³³wod pa Aminadab, wod pa Admin, wod pa Arni, wod pa Kejeron, wod pa Perej, wod pa Juda, ³⁴wod pa Yakobo, wod pa Icaika, wod pa Abraim, wod pa Tera, wod pa Nakor, ³⁵wod pa Cerug, wod pa Reu, wod pa Peleg, wod pa Eber, wod pa Cela. ³⁶wod pa Kainan, wod pa Arpakcad, wod pa Cem, wod pa Nua, wod pa Lamek, ³⁷wod pa Metucela, wod pa Enok, wod pa Jared, wod pa Maalalel, wod pa Kainan, ³⁸wod pa Enoci, wod pa Ceji, wod pa Adam, wod pa Lubana.

¹Yecu odwogo ki i Jordan kun opon ki Cwiny Malen, cutcut Cwiny Malen otere wa i tim. ²Ci ori i tim pi nino pyeranwen, kun Catan obedo ka bite. Pe ocamo gin mo i kare meno ducu; ka otum, ci kec oneke. ³Catan owacce ni, “Ka in i Wod pa Lubana, wac ki got man olokke odok kwon.” ⁴Ento Yecu odok iye ni, “Yam gicoyo ni, ‘Dano pe bibedo kwo ki kwon keken.’” ⁵Catan dok otere malo, onyutte ker ducu ma i wi lobo i kine me kare matidi mo, ⁶owacce ni, “Abimiyi twer man ducu ki deyo man ducu, pien gityeko miyo bota, atwero miyo bot nat ma an amito. ⁷Pi meno, ka iwora, ci jami magi ducu bibedo meri.” ⁸Yecu odokke iye ni, “Yam gicoyo ni, ‘Wor Rwot Lubanani, dok bene iti pire keken.’” ⁹Dok otere i Jerucalem, ci ocibe ocun i wi labila ot pa Lubana, ci owacce ni, “Ka in i wod pa Lubana, a ki malo kany ipot piny, ¹⁰pien yam bene gicoyo ni, ‘En biciko lumalaikane piri, wek gugwoki,’ ¹¹dok bene ni, ‘Gibijoli ki cingi, wek pe iyok tyeni i kom got.’” ¹²Yecu dok ogamo doge owacce ni, “Yam giwaco ni, ‘Pe item i Rwot Lubanani.’” ¹³Ka Catan don otyeko bite, ci oweke kun kuro kare maber. ¹⁴Yecu odwogo i Galilaya pi tek pa Cwiny Malen; pire oywek i lobo ducu ma orumo kunnu. ¹⁵Opwonyo i kacokkegi, dano ducu guketo deyo i kome. ¹⁶Obino i Najaret ka ma yam odoño iye, odonyo i kacokke i cen cabit, kit macalo kite onono tye. Oa malo ka kwan; ¹⁷gimiye buk pa lanebi Icaya. Oyabo buk, oyenyo ka ma gicoyo ni. ¹⁸“Cwiny pa Rwot tye i koma, pien don owira woko ki moo wek atit lok me kwena maber bot lucan. Oora me tito bot jo ma tye i opii ni gibigonyogi, ki bot jo ma wangi oto ni gibiyabo wangi, ki me gonyo jo ma giunogi wek gucit ki kuc, ¹⁹dok pi tito pi mwaka ma Rwot binyuto iye berre bot dano.” ²⁰Ci odolo buk, odwoko bot latic, obedo piny ka tito lok; dano ducu ma i kacokke guciko wangi i kome. ²¹Ocako tito botgi ni, “Tin ginacoya man ocobo kakare kun wuwinyo ki itwu.” ²²Dano ducu guloko lok maber i kome, kun giuro lok me kica ma oa ki i doge. Gupenyo ni, “Man pe wod pa Yucepu?” ²³En ogamo doggi ni, “Aneyo atir ni wubibolo carolok man i koma, ni, ‘Daktar, canje keni, tic ma yam wawinyo itiyo i Kapernaum, ti kany bene i pacowa kikome.’” ²⁴Dok omedde kwede ni, “Ada awacciwu ni, lanebi mo pe ma gijole i lobo tugi. ²⁵Ento atito botwu atir ni, i lobo Irael i kare pa Elia yam tye iye mon mapol ma coggi oto, ka kot okwero cwer pi mwaka adek ki dwe abicel, ci kec laparanat opoto i lobo meno ducu; ²⁶ento Lubana pe ocwalo Elia bot nat mo i kingi, kono bot da to mo ma i Carepat i lobo Cidon. ²⁷Dok i lobo Irael i kare pa lanebi Elica onono yam tye iye ludobo mapol; ento pe gilonyo mo i kingi, kono Naaman Laciria keken.” ²⁸Ka dano ducu ma i kacokke guwinyo lok man, kiniga omakogi matek. ²⁹Gutwarre malo, gutere woko ki i gan, gukele i wi got ma gigeri gangi i wiye wek gicore piny. ³⁰Ento Yecu opucce woko ki i dyegi, ci ocito gire. ³¹Yecu ocito i Kapernaum ma en gan ma i Galilaya. Obedo ka pwonyogi i cen cabit; ³²guuro pwonnye, pien oloko ki twero. ³³I kacokke onono tye iye dano ma tye ki cen marac; odanje ki dwan malono ni, ³⁴“Ilaro gin anjo kwedwa kaa, in Yecu Lanajaret? Don ibino ka tyekowa bo? An aneyi, in inat Malen pa Lubana.” ³⁵Ento Yecu ojuke kun wacce ni, “Lin mot, a woko ki i kome!” Cen orete piny i nyimgi, ci oa woko ki i kome kun pe otime marac. ³⁶Dano ducu guuro, kun gipenye kekengi ni, “Man lok anjo? Pien en ciko cen maraco ki twero ki tek, ci gia woko.” ³⁷Pire oywek i kabedo ducu ma orumo kunnu. ³⁸Yecu oa okato woko ki i kacokke, odonyo i ot pa Cimon. Maro Cimon onono tye ki two lyeto ma obwoye matek; gubako doggi bote pire. ³⁹Yecu ocun ka njete, ojuko lyeto, ci two ocan woko ki i kome; cutcut oa malo, ocako gwokogi. ⁴⁰Ka cen don mito poto, dano ducu ma tye ki lutwo, ma twogi patpat, gukelogi bote. Oketo cine i kom nat acel acel ki i kingi ocanogi. ⁴¹Cen maraco bene oa ki i kom jo mapol, kun gidanje ni, “In i Wod pa Lubana!” Ento Yecu ojukogi, pe oye cen mo oloko, pien gineye, ni en Kricito ma Lubana oyero. ⁴²Ka piny oru, Yecu ocito i kabedo mo ma dano pe iye. Ento lwak gubedo ka yenye, ci gubino bote, gutemo juke wek pe oa ki botgi. ⁴³Ento en owaco botgi ni, “Myero atit lok me kwena maber me ker pa Lubana i gan mukene bene, pien giora pi lok man.” ⁴⁴En obedo ka tito lok i kacokke me Judaya.

¹I kare ma gudiyo Yecu cok pi winyo lok pa Lubanja, onono ocun i dog nam Genecaret. ²Onono yeya aryo i dog nam; lumak-rec onono gua woko ki i igi, gitye ka lwoko obwogi. ³Oito i yeya acel ma onono pa Cimon, olege ni kon okwan manok i nam. En obedo piny, opwonyo lwak kun tye i yeya. ⁴Ka don otyeko lok, ci owaco bot Cimon ni, “Kwan icit i kut, wubol obwowu wumak rec.” ⁵Cimon odokke iye ni, “Ladit, wayelle dyewor benebene, pe wamako gin mo. Ento pi lokki abibolo obwo.” ⁶Ka gutimo kit meno, ci gumako lwak rec mapol ata, obwogi ocako cot. ⁷Ci gugwelo lutic wadgi ma i yeya mukene ni gubin gukonygi. Gubino guloko rec i yeya aryo ducu gupon woko, omiyo gucako mwony. ⁸Ka Cimon Petero oneno, opoto piny i con Yecu, owaco ni, “Rwot, cit giri, iweko, pien an labalo.” ⁹Pien en ki dano ducu ma tye kwede guuro pi rec ma gumako. ¹⁰Yakobo ki Jon litino pa Jebedayo, ma gin yam ribbe ki Cimon i dog tic, bene guuro. Yecu owaco bot Cimon ni, “Pe ilwor; cakke koni ibimako dano.” ¹¹Ka don gukelo yeyagi i wi tera, guweko gipinygi ducu gulube. ¹²Ka yam tye i gan mo, dano mo obino ma dobo orwato i kome. Ka oneno Yecu, ci oryebbe piny olege ni, “Ladit, ka imito, itwero lonya.” ¹³Yecu oryeyo cinje ogudo kome, kun wacce ni, “Amito; komi olony.” Cutcut dobo ocan ki i kome. ¹⁴Yecu ocike ni pe myero otit bot dano mo; ento ni, “Cit, inyutte keni bot ajwaka pa Lubanja, imi gityer pi komi ma don ocan-ni, kit ma yam Moses ociko, wek obed lanyut botgi.” ¹⁵Ento pire oywek matek makato, lwak mapol ocokke ka winye dok wek ocan gi ki i kom twogi. ¹⁶Ento Yecu yam lwitte kare ki kare cito ka lega i tim. ¹⁷I nino mo acel onono Yecu tye ka pwony, kun Luparicayo ki lupwony-cik ma gua ki i kin ganji ducu me Galilaya ki Judaya ki Jerucalem gubedo kunnu; tek pa Rwot me cano dano onono tye i kome. ¹⁸Cutcut dano gukelo bote lagoro mo ma twoyo two akweya kom, ma obuto i wi kitara. Guyenyo yo me tere i ot wek gikete i nyim Yecu; ¹⁹ento ka pe gunono yo, pi pol pa lwak, guito i wi ot, gucwale ki kitarane ki i kin mategula i dye ot i nyim Yecu. ²⁰Ka Yecu oneno niyegi, ci owaco ni, “In ba, balli don giweko woko.” ²¹Lupwony-cik ki Luparicayo gucako pennye kekengi, kun giwaco ni, “Man ana ma loko lok me yeto Lubanja-ni? Ana ma twero weko bal, kono Lubanja keken?” ²²Ka Yecu onian penyi, ci odok iye botgi ni, “Piño wutye ka pennye i cwinywu?” ²³Mene ma yot, me waco ni, ‘Balli don giweko,’ nyo ni, ‘A, iwoti?’ ²⁴Ento meno wek muje ni Wod pa dano tye ki twero me weko bal i wi lobo” ci ociko lagoro ni, “Awacci ni, A, ikwany kitarani, idok paco.” ²⁵Cutcut oa malo ocun i nyim gi, okwanyo gin ma onono obuto iye odok paco kun pako Lubanja. ²⁶Dano ducu guuro matek twatwal, gupako Lubanja. Lworo omakogi, guwaco ni, “Waneno gin me aura tin.” ²⁷Ka man otum, ci Yecu okato woko, oneno lajog-mucoro mo ma nyije Levi, kun obedo piny i ka jogo mucoro; ci owacce ni, “Luba.” ²⁸Levi oweko jamine ducu, oa olubo kore. ²⁹Levi otedo karama madit i ode pi Yecu, lwak lujog-mucoro mapol ki jo mukene gubedo piny i dog cam kacel kwedgi. ³⁰Luparicayo ki lupwony-cik gunur i kom lupwonnyene, kun gipenyo ni, “Piño wucamo dok wumato kacel ki lujog-mucoro ki lubalo?” ³¹Yecu odok iye botgi ni, “Jo ma komgi yot pe gimito daktar; ento jo ma komgi lit aye mito. ³²An pe abino ka lwojo jo ma kitgi atir, ento lubalo, wek gunuti.” ³³Guwacce ni, “Lupwonnye pa Jon giri kec kare ki kare, dok gilego bene, ki pa Luparicayo bene kit meno, ento lupwonnyeni gicamo dok gimato do.” ³⁴Yecu openyogi ni, “Wutwero miyo luwot lanyom ri kec ma kun lanyom tye kwedgi?” ³⁵Ento kare bibino ma ka gikwanyo lanyom woko ki botgi, ka don gibiri kec i kare meno.” ³⁶Dok obolo botgi carolok ni, “Pe tye njatti mo ma yeco kiraka ki i kom ginaruka manyenne woko, ci dabo i kom ginaruka muti; ka otimo kit meno, ci biyeco manyen-ni woko, dok kiraka ma i kom manyen-ni pe birwatte ki muti-ni.” ³⁷Dok pe tye njatti mo ma piko konjo vino manyen i kicaa macon; ka opiko, ci konjo vino biyeco kicaa woko, kicaa bene hiballe. ³⁸Ento konjo vino manyen myero gipik i kicaa manyen bene. ³⁹Pe tye njat mo ma ka omato konjo vino macon ci dok mito manyenne, pien wacci, ‘Macon-ni mit.’”

¹kare meno Yecu owoto kun njolo ki i poto i ceñ cabit. Lupwonnyene gurito wit bel, gutinyo i ciñgi, gumwodo.

²Ento jo mogi i kin Luparicayo gupenyogi ni, “Piño wutimo gin ma cik okwero ni pe giti i ceñ cabit?”³Yecu odok iye botgi ni, “Wun pe Wukwano gin ma nene Daudi otiyo ce? Ka nene kec oneke, en ki jo ma onono gitye kacel kwede, ⁴en odonyo i ot pa Lubanja, ocamo mugati ma giketo i nyim Lubanja, ma yam cik okwero ni dano mo pe ocam, kono ajwagi pa Lubanja keken, dok omiyo bot jo ma onono en tye kwede.” ⁵Owaco botgi ni, “Wod pa dano aye rwot me cabit.”⁶I cabit mukene Yecu odonyo i kacokke, opwonyo; onono tye iye dano mo ma bade malacuc otal. ⁷Lupwony-cik ki Luparicayo gukiye ka en bicane i ceñ cabit, wek giyenyo yo me kelo kop i kome. ⁸Ento Yecu ononyo tamgi woko, owaco bot labade otal ni, “Bin icun kany.” Oa, ocun kunnu. ⁹Yecu owaco botgi ni, “Apenyowu ni, i ceñ cabit cik ye ni gitim iye gin maber, nyo gin marac, gilaro iye kwo nyo gineko woko?” ¹⁰Olworo wane i komgi ducu, owaco bot dano-nu ni, “Rye badi.” Ci labade otal oryweyo bade, ci bade ocan. ¹¹Ento kiniga omakogi matek, guporo lok i kingi kekengi, gin ma myero gitim i kom Yecu.¹²I kare meno Yecu ocito i kin godi ka lega; obedo ka lego Lubanja dyewor benebene. ¹³Ka piny oru, olwono lupwonnyene bote, oyo jo apar wiye aryo ki i kingi, omiyogi nyin ni gin lukwena; gin ene:¹⁴Cimon ma en ocano nyine ni Petero, ki Anderiya ominne, Yakobo ki Jon, Pilipo ki Bartolomayo, ¹⁵Matayo ki Tomaci, Yakobo wod pa Alipayo, Cimon ma gilwono ni dano ma mito locken, ¹⁶Juda wod pa Yakobo, ki Juda me Keriot, ma yam olokke odobe.¹⁷Olor kwedgi piny, ci ocun ka ma olanne. Lwak ki lupwonnyene mapol onono gitye kunnu, ki lwak dano mapol ma gua ki i Judaya ki i Jerucalem ki i dog nam me Turo ki Cidon ma gubino pi winyo pwonnye, dok wek ocan gi i kom twogi; ¹⁸jo ma cen maraco yelogi gucan bene. ¹⁹Lwak ducu gubedo ka yenyo yo me gudo kome, pien tek onono a ki i kome ci canogi ducu.²⁰Otiño wane bot lupwonnyene, owaco botgi ni, “Wutye ki gum, pien ker pa Lubanja mewu. ²¹“Wutye ki gum, wun jo ma kec nekowu koni, pien wubiyen. “Wutye ki gum, wun jo ma wukok koni, pien wubinyero.”²²“Wutye ki gum ka dano dagwu, ka ce gityemowu woko ki i kingi, ka ginjalowu, ka gicayo nyinwu ni rac, pi Wod pa dano! ²³Cwinywu obed yom i nino meno, kun wupye ki yomcwiny, pien bakacic ma gibimiyowu me pwoc dit, tye i polo; pien kwarigi yam gutimo lunebi kit meno.”²⁴“Ento wubineno can, wun lulonyo pien don wutyeko gamo gin maber me kweyo cwinywu. ²⁵“Wubineno can, wun jo ma yen koni, pien kec binekowu. “Wubineno can, wun jo ma nyero koni, pien wubikumo, wubikok.”²⁶“Wubineno can, ka dano ducu pwoyowu, pien kwarigi yam gupwoyo lunebi ma lugoba kit meno.”²⁷“Ento wun jo ma winyo, awaco botwu ni, Wumar lukworwu, wutim ber bot jo ma dagwu.”²⁸Wulam gum i kom jo ma cenowu, wuleg pi jo ma nywarowu.”²⁹“jat ma owono lemi tuncel, lokke tuncel bene; jat ma omayo kanyini, pe itwonne koti bene. ³⁰Mi bot dano ducu ma legi; jat ma omayo jami ni, pe ipenygi doki ki bote. ³¹Kit ma wumito dano gutimwu, wun bene wutim gi kumeno”³²“Ka wumaro dano ma marowu, pwoc anjo ma wulimo iye? Pien lubalo bene maro jo ma marogi. ³³Ka wumito ber bot dano ma timowu ber, pwoc anjo ma wubilimo iye? Pien lubalo bene gimito kit meno. ³⁴Dok ka wumiyo banya bot dano ma wugeno ni gitwero culowu, pwoc anjo ma wulimo iye? Lubalo bene miyo banya bot lubalo wek giculgi marom.”³⁵Ento wumar lukworwu, wutim ber, wumi banya, kun pe wugeno ni gibiculowu, ci mot me pwoyowu bibedo madwon, dok wubibedo litino pa En Mamalo Twal; pien en timo ber bot jo ma pe pwoye ki bot jo maraco. ³⁶Wubed lukica macalo wunwu lakica.”³⁷“Pe wunol kop i kom jo mukene, wek wun bene pe gibinol kop i komwu; pe wunol kop olo jo mukene, wun bene pe gibinolo kop loyowu. Wutim kica bot dano pi balgi, ci wun bene gibiweko balwu.”³⁸Wumi, gibimiyowu. Gibimiyowu gin ma gipimo maber i korwu, ma gidilo, ma giyenyo, ma o. Pien kit gin ma wupimo kwede jami en aye bene gibipimo kwede jami botwu.”³⁹Yecu obolo botgi carolok. Owacci, “Latowan twero peyo latowan lawote Gin aryo ducu pe gibipoto woko i bur?”⁴⁰Lapwonnye pe dit kato dano ma pwonye; ento dano ducu ka don gipwonyogi maber, gibidoko macalo lapwonygi.”⁴¹Piño ineno cun kal ma tye i wan omeru, ento dul yat ma tye i wani in kikomi pe ineno. ⁴²Nyo itwero waco bot omeru ninjin ni, ‘Omera, wek akwany cun kal ma tye i wani-ni woko,’ kun in kikomi pe ineno dul yat ma tye i wani In lagoba, kon ikwon kwanyo dul yat ma tye i wani-ni woko, ci miyo don ineno piny maber me kwanyo cun kal ma tye i wan omeru ca.”⁴³“Pien pe tye yat maber ma twero nyako nyige maraco; ki yat marac bene pe twero nyako nyige mabeco; ⁴⁴yat acel acel ginjejo pi nyige. Pe gipwono olam ki i kom oryan, dok bene pe gipwono olok ki i kom ocok.”⁴⁵Dano maber kwanyo gin maber i kin jami mabeco ma en okano i cwinye, dano marac kwanyo gin marac ma i kin jami maraco ma en okano, pien dog dano loko gin ma opon i cwinye.”⁴⁶“Piño wulwona ni, ‘Rwot, Rwot,’ kun pe wutiyo gin ma acikowu?”⁴⁷Dano ducu ma bino bota ma winyo lokka, dok tiyo, abinyuto botwu jat ma en cal kwede. ⁴⁸Rom ki dano ma ogero ot ma okwinyo matut, ma ocibo guti i kom pata got; ka pii opon, ci kulu ocorre i kom ot, ento pe otwero yenone, pien bigero maber.”⁴⁹Ento dano ma winyo lokka kun pe tiyo, rom ki dano ma ogero ot i njom labono guti; ka kulu omol ki tek i kome, oyotoyot opoto, ogannye woko piny lirubuku.”

¹Ka Yecu donj otyeko lokke ducu kun dano giwinyo, ci oduyo i Kapernaum.²Ladit mo ma Laroma ma loyo askari miya yam tye ki laticce ma en maro twatwal, ma kome lit, cok to. ³Ka en owinyo pi Yecu, ci ooro ludonjo pa Lujudaya bote kun lege ni obin ocan laticce. ⁴Ka gubino bot Yecu, gubako doggi bote ki cwinygi ducu kun giwaco ni, “En ber, myero itimme man, ⁵pien maro rokwa, en aye ogero kacokkewa.”⁶Yecu ocito kacel kwedgi. Ka donj oo cok ki ganj, ladit ma loyo askari ooro lureme bote, kun wacce ni, “Ladit, pe icanne, pien an pe amyero me wek ibin idony i oda, ⁷en aye gin mumiyo atamo ni, kadi an bene pe aromo bino boti. Ento wac lok awaca keken ci laticca bicanj. ⁸Pien an bene a dano ma giloya aloya i dog tic, atye ki askari bene ma an aloyogi. Ka awaco bot askari mo acel ni, ‘Citi,’ ci cito, dok ka awaco bot njat mukene ni, ‘Bin,’ ci bino dok ka awaco bene bot laticca ni, ‘Tim man,’ ci timo.”⁹Yecu ka owinyo man, ci ouro twatwal, olokke bot lwak ma lube, owaco botgi ni, “Atito botwu ni, peya anono niye ma rom ki man, kadi i Irael.” ¹⁰Ka luor donj gudok paco, gunono latic donj kome yot.¹¹Ka kare okato manok, ocito i ganj ma gilwono Nain; lupwonnyene ki lwak madwonj guwoto kacel kwede. ¹²Ka donj onyiko cok ki dogcel me ganj, nen, gitye ka lebo dano muto, latin ma minne onono onywale en kene, minne yam da-to. Lwak dano ma gua ki i ganj onono gitye kacel kwede. ¹³Ka Rwot onene, kica omake i kome, owacce ni, “Wek koko obedi.” ¹⁴En obino ogudo kitara, ci jo ma gitye ka lebo lato gucun mot. Yecu owaco ni, “Awobi, awacci, a malo.” ¹⁵Dano ma oto-ni oa, obedo, ocalo lok. Yecu omiye bot minne. ¹⁶Lworo omakogi ducu, gupako Lubanja kun giwaco ni, “Lanebi madit donj onen i kinwa!” dok ni, “Lubanja donj olimo jone!” ¹⁷Lok man ma en otiyo-ni oywek i lobo Judaya ducu ki i lobo ducu ma orumo. ¹⁸Lupwonnye pa Jon gutito lok magi ducu bote. ¹⁹Jon olwono jo aro ki i kin lupwonnyene oorogi bot Rwot ka penye ni, “In aye njat ma myero obin-ni, nyo dok wakur njat mukene?” ²⁰Ka jo-nu gubino bot Yecu, guwacce, ni, “Jon oorowa boti, kun penyoni, ‘In aye i njat ma myero obin-ni, nyo dok wakur njat mukene?’” ²¹I kare meno onono Yecu ocanjo lutwo mapol ma gitye ki arem ki cen maraco, omiyo lutowanj mapol guneno piny. ²²Yecu odok iye botgi ni, “Wucitit bot Jon gin ma wuneno ki ma wuwinyo; lutowanj guneno piny, lunjolo guwoto, ludobo gilonyogi, ludinjit guwinyo lok, ki jo muto gicerogi woko, ki lucan bene gitito botgi lok me kwena maber. ²³Dano ma tamme pe oballe i koma tye ki gum.” ²⁴Ka donj lukwena pa Jon gudok, Yecu ocalo lok ki lwak i kom Jon ni, “Onono wucito i tim ka neno gin ajo? Onono wucito ka neno lagada ma yamo obedo ka yonone?” ²⁵Onono wucito kunnu kono ka neno gin ajo? Wucito ka neno dano ma oruko bonji mabeco? Nen, jo ma ruko bonji me deyo, dok ma bedo ki jami me wel, gibedo i ganj kal pa luker. ²⁶Donj onono wucito kunnu ka neno gin ajo? Wucito ka neno lanebi mo? Iyo, awaco botwu ni njat madit makato lanebi. ²⁷Man aye njat ma yam gicoyo lok i kome ni, ‘Nen, acwalo lakwenana otelo nyimi, ma bigero yoni ma peya in ibino.’ ²⁸Awaco botwu ni, pe tye dano mo ki i kin jo ma mon onywalogi ma kato Jon ki dit; ento njat matidi twatwal i ker pa Lubanja aye kate.” ²⁹Ka guwinyo lok man, lwak ducu wa lujog-mucoro guye ni Lubanja oporre, pien yam gibatijagi ki batija pa Jon, ³⁰ento Luparicayo ki lupwony-cik gukwero gin ma Lubanja oyubo pigi, pien nene pe gulimo batija ki bot Jon. ³¹Yecu dok owacci, “Donj abiporo jo me kare man ki gin ajo? Gin calo ajo?” ³²Girom ki litino ma gibedo i cuk ma gilwono litino wadigi kun giwaco ni, ‘Yam wakuto nyamulere botwu wun pe wumyelo; wawero wer lyel, wun pe wukok.’ ³³Pien Jon Labatija donj obino kun pe camo kwon, pe mato konj vino bene wun wuwaco ni, ‘En tye ki cen marac.’ ³⁴Wod pa dano dok obino kun camo dok mato bene, wun wuwaco ni, ‘Nen, dano ma owor ki lameno, larem lujogmucoro ki lubalo.’ ³⁵Ento ryeko pa Lubanja oloyo kop pi litinone ducu.” ³⁶njat acel i kin Luparicayo olwone ka cam bote; Yecu ocito i ot pa Laparicayo ci obedo piny i dog cam. ³⁷Nen, tye dako mo ma labalo i ganj meno. Ka onyeyo ni Yecu tye ka cam i ot pa Laparicayo, ci okelo adomo moo ma njwece kur. ³⁸Ocuñ i ne Yecu tun tyene kun kok, pig wane oton i tyen Yecu, obedo ka jwayo ki yer wiye kun noto tyene, owiro ki moo. ³⁹Ka Laparicayo ma onono olwone-ni oneno, oloko i iye kekene ni, “Kono dano man lanebi, kono onianj i kom dako ma ogude-ni, ki kite, ni en labalo.” ⁴⁰Yecu odokke iye ni, “Cimon, atye ki lok mo ma amito awacci.” Cimon ogamo ni, “Wacca, Lapwony.” ⁴¹Yecu ogamo ni, “njat mo ma lami-banya yam tye ki dano aro ma gucamo banya bote. njat acel onono tye ki banya me cilinj miya abic, njat mukene pyerabic. ⁴²Ka culone oloyogi, otimo kica botgi gin aro ducu. Mene i kingi ma bimare makato?” ⁴³Cimon odokke iye ni, “Atamo ni en ma gitimo kica pi wel banya madwonj-ni.” Ogamo ni, “Injolo kakare.” ⁴⁴Olokke bot dako, openyo Cimon ni, “Ineno dako man? Adonyo i odi, pe imiya pii me lwoko tyena, ento en otono pig wane i tyena, ojwayo ki yer wiye. ⁴⁵In pe imota kun inoto lema, ento cakke i kare ma adonyo i ot, en pe oweko noto tyena. ⁴⁶In pe iwiro wiya ki moo, ento en owiro tyena ki moo ma njwece kur. ⁴⁷Pi meno atitti ni, donj giweko balle mapol-gu ducu, kit ma marre madwonj-ni nyuto-ni; ento njat ma giweko balle manok, marre nok. ⁴⁸Owaco bot dako ni, ‘Balli donj giweko.’” ⁴⁹Jo ma onono tye i dog cam gucalo lok i kingi kekengi ni, “Man aja, ma weko bal-li?” ⁵⁰Owaco bot dako ni, “Niyeni olari; wot donj giri ki kuc.”

¹Ka kare okato manok, Yecu owoto i kin ganji madoŋo ki matino kun tito dok nyuto lok me kwena maber i kom ker pa Lubanja. Jone apar wiye aryo onoŋo tye kwede, ²kacel ki mon mogo ma yam en ocaŋogi i kom cen maraco ki i kom two; Maliam ma gilwoŋo ni Maliam me Magdala, ma cen maraco abiro yam oa woko ki i kome, ³Joana dako pa Kuja, lagwok-lim pa Kerode, Cucana, ki mon mukene mapol, ma yam gikonye ki limgi. ⁴Ka lwak mapol gucokke kacel, kun dano gubino bote ma gia ki i ganji mapol, Yecu oloko i carolok ni, ⁵“Lacoc ocito ka coyo kodine. Ka kun coyo, ci kodi mogo okir i ŋet yo, dano gunyono, winyo me polo gubino gucamo woko. ⁶Kodi mukene okir i kom pata; ka odoŋo, otwo woko, pien pii pe i tere. ⁷Kodi mukene okir i kin okuto; okuto odoŋo kacel kwede, odiye. ⁸Kodi mukene okir i ŋom maber, ci odoŋo, guceko ma dodo tyen miya.” Ka doŋ oloko lok man, ci odaŋŋe owaco ni, “ŋat ma tye ki it me winyone, owiny.” ⁹Ka lupwonnyene gupenye te lok me carolok man, ¹⁰ci en ogamo ni, “Wun gimiyowu me ŋeyo muŋ me ker pa Lubanja; ento jo mukene gimiyogi i carolok wek ka gineno, pe gunen, dok ka giwinyo, pe guniaŋ tere. ¹¹“Carolok-ki tere ene: Kodi aye lok pa Lubanja. ¹²Gin ma i ŋet yo gin aye jo ma winyo; lacer Catan bino, kwanyo lok ki i cwinygi woko, wek pe guye, pe gularre. ¹³Gin ma i kom pata aye jo ma winyo, ci gigamo lok ki yomcwiny; ento pe gitye ki cwiŋgi, giye pi Kare manok, ento i kare me omo cwiny gipoto woko. ¹⁴Gin ma okir i kin okuto, gin aye jo ma winyo, ento ka kare okato, ci tam mapol, ki lim, ki yomcwiny me kwo man diyogi, nyiggi pe cek maber. ¹⁵Gin ma i ŋom maber, gin aye jo ma ka guwinyo lok, ci gimako matek ki cwiny ma genne ki maber, ginyak nyiggi kun gidiyo cwinygi. ¹⁶“Pe tye ŋat mo ma cwinyo tara, ci dok umo woko ki aduku, nyo keto i te kitanda, ento keto i wi okar, wek jo ma bino i ot gunen mac. ¹⁷Pien pe tye gin mo ma gikano ma pe binen ka malen, dok pe tye gin mo ma giumo ma pe gibineyo, dok ma pe gibiyabo ka malen. ¹⁸Pi meno wugwokke kit ma wuwinyo ki lok; pien ŋat ma mere tye gibimedde, ŋat ma mere pe, gibikwanyo woko ki bote kadi wa gin ma en tamo ni etye kwede.” ¹⁹Minne ki omegine gubino, ento onoŋo pe gitwero o bote pi lwak. ²⁰Gititte ni, “Meni ki omegini gitye gucuŋ woko, gimito neni.” ²¹Ento Yecu odok iye botgi ni, “Maa ki omegina gin aye jo ma winyo lok pa Lubanja, dok gitiyo.” ²²I nino mo acel Yecu odonyo i yeya kacel ki lupwonnyene, owaco botgi ni, “Wakatu wacitu loka nam tuŋ ca.” Gucako wot; ²³i kare ma gitye ka wot ki yeya, Yecu onino woko. Yamo okodo matek i dye nam, pii ocako poŋ i yeya, onoŋo gitye marac. ²⁴Guwoto, gucoye kun giwaco ni, “Ladit, wato woko do!” Yecu oco, ci ojuko yamo, ki pii ma onoŋo twagge; opye mot, ki nam olin. ²⁵Openyogi ni, “Niyewu tye kwene?” Lworo omakogi, guuro kun gupenye kekengi ni, “Man aŋa kono kaa, ma ciko yamo ki pii, ci giwinye-ni?” ²⁶Gubino i lobo pa Lugeraca, ma okemme ki Galilaya. ²⁷Ka Yecu okato i wi tera, ci dano mo me gaŋ meno ma tye ki cen obino bote. Dano-nu onoŋo ori pi kare malac ma pe ruko boŋo, pe bedo i ot bene, ento bedo mere i kin lyel keken. ²⁸Ka oneno Yecu, ci odaŋŋe oryebbe i nyime, owaco ki dwana malono ni, “Ilaro aŋo kweda, Yecu, Wod pa Lubanja Mamalo Twal? Abako dogo boti, pe iyela.” ²⁹Pien onoŋo Yecu ociko cen marac ni oa woko ki i kom dano-nu. Pien tyen mapol dwogo i kome. Onoŋo gigwoke agwoka kun gitweye ki nyor ki nyonyo, ento yam turo gin ma gitweye kwede woko, cen ryeme, tere i tim. ³⁰Yecu openye ni, “Nyini aŋa?” Ogamo ni, “Legion”; pien cen mapol onoŋo tye i kome. ³¹Cen gubako doggi bote ni pe ocikgi ni gicit i Bur. ³²Lwak opego mapol onoŋo gitye ka cam i kor got kunnu. Cen gubako doggi bote ni owek gidony i opego. ³³Cen gua ki i kom dano-nu, gudonyo i opego, lwak opego gutwarre ki ŋwec nia ki i kor got malo, ci gumwony woko i nam. ³⁴Ka lukwat guneno gin ma otimme, ci guriŋo, gutero lokke i gaŋ madit ki i kin paco. ³⁵Dano gucito ka neno gin ma otimme, gubino bot Yecu, gunono dano ma cen oa ki i kome-ni obedo ka tyen Yecu, oruko boŋo, odoko dano; lworo omakogi. ³⁶Jo ma guneno lok man gutito botgi kit ma dano me no ma yam tye ki cen ocaŋ kwede. ³⁷Jo ducu ma gibedo i lobo pa Lugeraca ma orumo kunnu gulego Yecu ni myero oa woko ki botgi, pien onoŋo lworo omakogi matek; omiyo Yecu odonyo i yeya, odok cen. ³⁸Dano ma cen oa ki i komeni obako doge bot Yecu ni myero ebed bote; ento Yecu ocwale kun cike ni, ³⁹“Dok i paconi, icitit gin madit ma Lubanja otimo i komi.” Ocito otito i kin gaŋa meno ducu lok madit ma Yecu otimo i kome. ⁴⁰Ka Yecu odwogo, lwak gujole ki yomcwiny, pien onoŋo gin ducu gitye ka kure. ⁴¹Dano mo obino, nyiŋe Yairo, ma onoŋo ladit me kacokke. Oryebbe piny ka tyen Yecu, obako doge bote ni obin i ode, ⁴²pien onoŋo yam tye ki nyare ma onywalo acel keken ma onoŋo doŋ cok to; mwaka me ditte mito romo apar wiye aryo. I kare ma Yecu tye ka wot, lwak odiye. ⁴³Dako mo onoŋo tye kunnu ma yam onoŋo twoyo two agobi pi mwaka apar wiye aryo, ma doŋ obalo limme ducu bot daktar, ento pe otwero caŋ. ⁴⁴Obino cok i ŋe Yecu, ci ogudo dog ginarukane; cutcut remo ma cwer ocok woko. ⁴⁵Yecu openyo ni, “Aŋa ma oguda-ni?” Ka dano ducu gukwero woko, ci Petero ki jo ma tye kacel kwede, gugamo ni, “Ladit, lwak orumi dyere, gidine i komi.” ⁴⁶Ento Yecu owaco ni, “ŋat mo oguda gire, pien awinyo tek oa woko ki i koma.” ⁴⁷Dako-nu oneno ni pe etwero kanne, ci obino kun kome myel, oryebbe i nyime, otito i nyim lwak ducu gin ma omiyo egude, ki kit ma ecaŋ kwede oyotoyot. ⁴⁸Yecu owacce ni, “Nyara, niyeni ocaŋi; wot ki kuc.” ⁴⁹I kare ma Yecu pud tye ka lok, dano mo obino ma oa ki i gaŋ pa ladit me kacokke, owaco ni, “Nyari doŋ oto woko, pe doŋ iyel Lapwony.” ⁵⁰Ento ka Yecu owinyo, owacce ni, “Pe ilwor, ye ayeya keken, ci en bicar.” ⁵¹Ka obino i ot, pe oye ni dano mo odony kwede i ot, kono Petero ki Jon, ki Yakobo, ki won latin ki minne keken. ⁵²Dano ducu onoŋo

gitye ka koko kun gikumo pire; ento Yecu owaco ni, “Wuwek koko obedi; pien nyako-ni pe oto, ento onino anina.”
⁵³Gunyere matek, pien ginɛyo ni nyako-ni oto woko.⁵⁴En omako bad latin, olwoɲe, owacce ni, “Nyako, a malo.”⁵⁵Ci
cwinye odwogo, oa malo oyotoyot, Yecu ociko ni gimine cam. ⁵⁶Lunyodone guuro mada; ento Yecu ocikogi matek
ni pe myero gutit pi gin ma otimme-ne bot dano mo.

¹Yecu olwono jone apar wiye aryo kacel, omiyo botgi tek ki twero i kom cen ducu, ki me cano two, ²oorogi ka tito lok i kom ker pa Lubana ki ka cano lutwo. ³Ocikogi ni, “Pe wuwot ki gin mo, kadi ki odoo, kadi kicaa, kadi kwon, kadi lim, dok pe wubed ki kanyi aryo. ⁴Ot ma wubidonyo iye, wubed kunnu, nio ka wubia, wucito giwu. ⁵Ka ma pe gijolowu iye, ka wua ki i gan meno, wuten apwa tyenwu obed caden botgi.” ⁶Gua gucito i kin gan, gutito lok me kwena maber kun gicanjo lutwo bene i kabedo ducu. ⁷Ento Kerode rwot madit ka owinyo pi gin ducu ma obedo ka timme, wiye ocun woko, pien jo mogo guwaco ni Jon Labatija aye ocer ki i kin jo muto, ⁸jo mukene ni, Elia aye don onen, jo mukene ni, nat acel i kin lunebi macon aye ocer. ⁹Kerode owaco ni, “Jo yam atono wiye woko do; ento man ana ma dok awinyo lok macalo magi i komeni?” Oparo pi nene twatwal. ¹⁰Ka lukwena gudwogo, gutitte lok ducu ma gutiyo. Yecu oterogi, ocito kwedgi i gan ma gilwono Betecaida i mun. ¹¹Ka lwak guwinyo, ci gulubo kore, en ojologi, otito botgi lok i kom ker pa Lubana, ocano jo ma komgi lit. ¹²Ka piny don mito yuto, jone apar wiye aryo gubino bote, guwacce ni, “Cwal lwak gucit i kin gan ki i pacci ma orumo kany, wek guyeny kabuto, gunon cam; pien kany watye i dye tim.” ¹³Ento Yecu odok iye botgi ni, “Wun wumi botgi cam.” Gugamo ni, “Watye ki mugati abic ki rec aryo keken, nyo ka ce imito waciwil cam pi lwak man ducu.” ¹⁴Pien onono gimito romo dano alip abic. Ociko lupwonnyene ni, “Wumi dano gubed piny i dul, i dul acel acel dano pyerabic.” ¹⁵Gutimo kumeno, gumiyo dano ducu gubedo piny. ¹⁶Yecu okwanyo mugati abic ki rec aryo-nu, oneno malo i polo, olego iye gum, obaro iye, omiyo bot lupwonnyene wek guket i nyim lwak. ¹⁷Gin ducu gucamo guyen. Gicoko nde mudon oromo aduku apar wiye aryo. ¹⁸Ka onono en tye ka lega kaikene, kun lupwonnyene bene tye kacel kwede, en openyogi ni, “Dano mono giwacci an ana?” ¹⁹Gudok iye ni, “Jon Labatija, jo mukene giwacci Elia, ki jo mukene ni natti mo acel i kin lunebi macon aye don ocer.” ²⁰Openyogi ni, “Wun kono wuwacci an ana?” Petero ogamo ni, “In i Kricito ma Lubana oyero.” ²¹Ento Yecu ocikogi matek ni pe myero gutit lok man bot dano mo. ²²Dok owaco ni, “Wod pa dano myerone okany can madwon, dok ludono ki ajwagi madito pa Lubana ki lupwony-cik myero gukwere woko, ci guneke, ento myero gicere woko i nino me adekke.” ²³Dok owaco bot dano ducu ni, “Ka dano mo mito lubo kora, myero okwon kwerre kekene, otin yatariyane nino ducu, ci olub ki kora. ²⁴Pien dano ma mito laro kwone, birwenyone arwenya, ento dano ma rwenyo kwone pira, bilaro kwone. ²⁵Pien konyo dano ma olimo lobo ducu ki gin ano kun kwone rwenye woko, nyo balle? ²⁶Dano ma lewic make pira ki pi lokka, Wod pa dano bene lewic bimake i kome, i kare ma en bidwogo i deyone ki deyo pa Lubana Won kacel ki pa lumalaika malen. ²⁷Ento atito botwu ni, tye jo mogo ma gucun kany ma pe gibibilo to, ma pud peya guneno ker pa Lubana.” ²⁸Ka nino ma mito romo aboro okato i ne lok magi, Yecu otero Petero ki Jon ki Yakobo, oito kwedgi i wi got ka lega. ²⁹I kare ma onono en tye ka lega, wane olokke mapat, ginarukane odoko matar ma ryeny lidandan. ³⁰Nen, jo aryo gubedo ka lok kwede, jo-nu onono aye Moses ki Elia, ³¹ma gunen kun gitye ki deyo, guloko pi ane ki i lobo man, ma en myero ocob i Jerucalem. ³²Petero ki jo ma tye kacel kwedgi onono nino omako wangi matek, ento gubedo ma wangi twolo, guneno deyone ki jo aryo ma gucun kacel kwede. ³³Ka jo aryo-nu mito a woko ki bote, ci Petero owaco ni, “Ladit, bedo kany ber; kono wagero aduc adek, acel meri, acel pa Moses, ki acel pa Elia”. Onono Petero pe nayo gin ma myero eloki. ³⁴Ka pud loko lok man, pol obino, oumogi; lworo omakogi ka gidonyo i pol. ³⁵Dwan oa i polo ni, “Man aye Woda ma don ayero; wuwinye.” ³⁶Ka dwan man don oloko, ci ginono Yecu odon kene. Lupwonnyene gulin alina; i kare meno, pe gutito bot dano mo lok mo i kom gin ma guneno. ³⁷Orwone, ka don gulo piny ki i wi got, lwak madwon gurwatte kwede. ³⁸Nen, laco acel ki i kin lwak odanje ni, “Lapwony, abako doge boti, inen woda, pien anywalo en acel kene. ³⁹Nen, cen bino i kome, ci miyo kok cut; ryeye, kelo bwoyo i doge, nyojo kome woko, pe a ki i kome oyototot. ⁴⁰Abako doge bot lupwonnyeni ni guryem woko, ento ryemone oloyogi.” ⁴¹Yecu odok iye ni, “Wun yalwak me kare man, pe wutye ki niye, kitwu don oballe woko. Abibedo kwedwu wa awene? Abidiyo cwinya i kwomwu nio wa awene? Kel wodi kany.” ⁴²Ka onono tye ka bino, cen orete woko piny, oryeye matek. Ento Yecu ogerre i wi cen marac, ocano awobi-nu, odwoke bot wonne. Dano ducu guuro dit pa Lubana. ⁴³Ento ka pud gitye ka uro gin ducu ma en otiyo, Yecu owaco bot lupwonnyene ni, ⁴⁴“Wuwek lok man odony i itwu; pien Wod pa dano gibimiye i cin dano.” ⁴⁵Ento lupwonnyene pe gunian lok man; lok man okanne woko ki botgi wek pe gunian iye; ci gulworo penye pi lok meno. ⁴⁶Pyem yam ocakke i kingi, ni ana ma i kingi ma loyo ki dit. ⁴⁷Yecu ka onayo pyem ma i cwinyi, okwanyo latin matidi, omiye ocun i nete, ⁴⁸owaco botgi ni, “Dano ducu ma jolo latin man i nyina, nono ojolo an, dano ducu ma jolo an, nono ojolo nat ma oora; pien nat matidi twatwal i kinwu ducu en aye nat madit.” ⁴⁹Jon ogamo ni, “Ladit, waneno nat mo ma ryemo cen i nyini, wagenje, pien en onono pe lubi kacel kwedwa.” ⁵⁰Ento Yecu odok iye ni, “Pe wugeje, pien nat ma pe lakworwu, nono tye tun botwu.” ⁵¹Ka kare don mito romo me tine malo, ociko wane matek me cito i Jerucalem. ⁵²Ooro lukwena gukwono nyime; gucito, gudonyo i gan mo pa Lucamaria pi yubbe kabedo. ⁵³Ento Lucamaria pe gujole, pien wane okemo Jerucalem. ⁵⁴Ka lupwonnyene Yakobo ki Jon guneno, guwaco ni, “Rwot, imito wacik mac oa ki i polo, otyekgi woko?” ⁵⁵Ento Yecu olokke, ojokogi, kun waco ni, “Pe wuneyo kit cwiny ma wutye kwede; ⁵⁶pien Wod pa dano pe obino ka tyeko kwo

pa dano, ento pi larogi.” Gucito i gan mukene.⁵⁷ Ka gitye ka wot i yo, dano mo owacce ni, Abilubi ka ma ibicito iye ducu.⁵⁸ Yecu odokke iye ni, “Too tye ki boro, winyo me polo tye ki odigi, ento Wod pa dano pe tye ki ka ma myero epyel iye wiye.”⁵⁹ Owaco bot dano mukene ni, “Luba.” Ento danonu ogamo ni, “Ladit, kon iwek aciyik wora.”⁶⁰ Yecu odokke iye ni, “Wek jo muto guyik jo muto wadigi; ento in iciti, inya lok i kom ker pa Lubanja.”⁶¹ nat mukene owaco ni, “Abilubi, ladit; ento kon iwek acit, acik jotuwa.”⁶² Yecu owacce ni, “Pe tye dano mo ma mako kweri dyan, ka dok neno neye, ma biromo bedo i ker pa Lubanja.”

¹Ka man otum, Rwot oyero jo mukene pyerabiro, oorogi ki aryo aryo wek gukwoŋ nyime, me cito i gaŋi ducu ki i kabedo ducu ka ma en kikome bibino iye. ²Owaco botgi ni, “Kac tye dwoŋ, ento lukac aye nok; pi meno wuleg Won poto, wek ocwal lutic ka kac.” ³Wucit giwu; nen, acwalowu macalo litino romi i kin orudi. ⁴Pe wuwot ki kicaa lim nyo opiro, kadi war; pe wumot ŋat mo i waŋayo. ⁵Ot ducu ma wudonyo iye, wukwoŋ waco ni, ‘Kuc obed i ot man.’ ⁶Ka latin me kuc tye kunnu, ci kucwu bibedo i kome; ento ka pe, ci kucwu bidwogo botwu. ⁷Wubed i ot meno, kun wucamo dok wumato gin ma gimiyowu, pien latic myero gimiyu mucarane. Pe wubed ka kobo i ot ki ot. ⁸Ka wudonyo i gaŋ mo, ce gijolowu, wucam gin ma giketo i nyimwu; ⁹wucaŋ lutwo ma tye iye, wutit botgi ni, ‘Ker pa Luban̄a doŋ onyiko cok botwu.’ ¹⁰Ento ka wudonyo i gaŋ mo, ce pe gijolowu, ci wucit i waŋayo me gaŋ meno, wuwac ni, ¹¹‘Wa apwa me gaŋwu ma omoko i tyenwa, waterjo i komwu; kadi bed kit meno, myero wuŋe man ni, ker pa Luban̄a doŋ onyiko cok.’ ¹²Atito botwu ni, i nino meno can pa Codom bibedo twaratwara makato pa gaŋ meno. ¹³‘Ibikoko aŋee, in Korajin! Ibikoko aŋee, in Betecaida! Pien kono yam tic madito me twer ma gitiyo botwu gitiyo i Turo ki Cidon, kono jone guŋut wa con, kun giruko boŋo cola ma gibedo i buru bene. ¹⁴Ento can pa Turo ki Cidon bibedo twaratwara i nino me ŋolo kop, makato can ma bipoto i komi. ¹⁵Ki in Kapernaum, gibitiŋi woko malo i polo? Pe kumeno, gibidwoki woko piny i Lyel. ¹⁶‘ŋat ma winyowu, noŋo owinyo an, ŋat ma kwerowu, noŋo okwero an; ŋat ma kwera, noŋo okwero ŋat ma oora.’ ¹⁷Dano pyerabiro-nu gudwogo cen ki yomcwiny, kun giwaco ni, ‘Rwot, wa cen maraco bene guwinyo cikwa pi nyiŋi!’ ¹⁸En odok iye ni, ‘Yam aneno Catan kun poto piny nia ki i polo macalo lutkot. ¹⁹Nen, doŋ amiyowu twero me nyono twol ki otom, ki me loyo tek ducu pa lakwor; gin mo pe bitimowu marac. ²⁰Kadi bed kumeno cwinywu pe obed yom pi man ni, cen guwinyo cikwu; ento cwinywu obed yom, pien nyiŋwu gicoyo i wi polo.’ ²¹I cawa meno Yecu obedo ki yomcwiny i Cwiny Malen̄ kun waco ni, ‘Apwoyi, Wora, in Rwot me polo ki me lobo, pien ikano lok magi woko ki bot luryeko ki luyeko-piny, ci inyutogi bot litino lukere; iyo, Wora, pien onoŋo ipwoyo kit yo macalo meno. ²²Jami ducu doŋ Wora otyeko miyogi woko bota; ŋat mo pe ma ŋeyo ni Wod en aŋa, kono Wod keken, dok bene ŋat mo pe ma ŋeyo ni Wod en aŋa, kono Won keken, ki ŋat ma Wod oyero me nyuto Won bote.’ ²³Yecu olokke bot lupwonnyene, owaco botgi i muŋ ni, ‘Tye ki gum, dano ma neno gin ma wun wuneno! ²⁴Pien atittiwu ni, lunebi ki luker mapol yam guparo pi neno gin ma wun wuneno, ento pe guneno, ki winyo gin ma wun wuwinyo, ento pe guwinyo.’ ²⁵Nen, ŋat mo acel lapwony-cik oa malo, otemo i Yecu kun penye ni, ‘Lapwony, atim aŋo wek alim kwo ma pe tum?’ ²⁶Yecu openye ni, ‘Gicoyo ni ŋo i cik? Ikwano niŋniŋ?’ ²⁷Odok iye ni, ‘Mar Rwot Luban̄ani ki cwinyi ducu, ki tiponi ducu; ki tekki ducu, ki tammi ducu; mar lawoti bene macalo imarre keni.’ ²⁸Yecu ogamo doge ni, ‘Idok iye kakare; tim kit meno, ci ibikwo.’ ²⁹Ento dano-nu pi mito loyo kop, openye Yecu ni, ‘Lawota aŋa?’ ³⁰Yecu odok iye ni, ‘Yam tye dano mo ma oa ki i Jerucalem, cito piny tuŋ Jeriko, ci orwatte ki luyak; gulunyo bonŋine ki i kome, gupwode, gucito, guweke kun doŋ cok to. ³¹Ajwaka mo pa Luban̄a onoŋo bene tye ka lubo yo meno; ka onene, ci obarre okato ki i ŋete. ³²Kit meno Lalevi ka oo i kabedo meno, onene, obarre okato ki i ŋete. ³³Ento Lacamaria mo ma onoŋo bene tye ka wot i yo-nu, oo ka ma en tye iye. Ka onene, kica omake i kome. ³⁴Ocito bote, oonyo moo jeituni ki koŋo vino i waŋ rette, otweyo. Lacen okete i wi kanane, otere i ot welo, ogwoke. ³⁵Orwone okwanyo lim, omiyo bot ŋat ma gwoko ot welo, ocike ni, ‘Twoye; gin ducu ma ibimiyo makato, an abiculi ka adwogo.’ ³⁶Aŋa i kin jo adek-ki ma itamo ni obedo lawot dano-nu ma orwatte ki luyak-ki?’ ³⁷Odok iye ni, ‘ŋat ma otime kicani.’ Yecu owacce ni, ‘In bene cit, icitim kit meno.’ ³⁸Ka gitye ka wot i yo, ci Yecu odonyo i gaŋ mo, ci dako mo ma nyiŋe Marita ojole i ode. ³⁹Yam tye ki laminne nyiŋe Maliam ma obedo ka tyen Yecu kun winyo lokke. ⁴⁰Ento Marita onoŋo obedo ka canne ki tic mapol; ocito bot Yecu, openye ni, ‘Ladit, pe iparo ni lamera oweka atye ka tic kena? Wac bote wek okonya.’ ⁴¹Ento Rwot ogamo ni, ‘Marita, Marita, ibedo ki tam mapol, cwinyi oŋabbe pi jami mapol, ⁴²ento tye gin acel keken ma mitte. Maliam oyero dul maber ma pe gibikwanyo woko ki bote.’

¹Yecu onono yam tye ka lega i kabedo mo; ka don otyeko, ci nat acel i kin lupwonnyene owacce ni, “Rwot, pwonywa ki lega, kit macalo yam Jon opwonyo lupwonnyene.”²Yecu odok iye botgi ni, “Ka wulego, wuwac kit man ni, ‘Wonwa, giwor nyinji malen. Ker meri obin.’³Miwa nino ki nino camwa me nino ducu. ⁴Iwek balwa, pien wan kikomwa waweko bal pa dano ducu ma gibalo botwa. Pe iterwa i abita.”⁵Dok owaco bitgi ni, “Ana i kinwu ma tye ki lareme ci bicito bote cwiny dyewor ka penye ni, ‘Larema, konya ki mugati adek; ⁶pien larema mo oa i wot, ocora, ci pe atye ki cam mo ma myero aket i nyime.’ ⁷En bidokke iye ki i ot ni, ‘Wek yela; don acego doggola woko, wan ki litinona don wabuto; pe atwero a malo ka mini gin mo.’ ⁸Atito botwu ni, kadi bed en pe bia malo ka miye gin mo pi bedo lareme, ento pi dide ci bia, bimiye gin ducu ma en mito. ⁹Dok acikowu ni, Wulegi, ci gibimiyo botwu; wuyeny, ci wubinojo, wudwon doggola, gibiyabo botwu. ¹⁰Pien dano ma lego gimie, ki nat ma yenyo bene, nonjo; nat ma dwono doggola bene, gibiyabo doggola bote. ¹¹Ana i kinwu ma won latin, ka latinne olege ni omiye rec, ci bimiye twol ma ka rec? ¹²Nyo ka olege ni omiye tonnweno, ci bimiye oton? ¹³Ka wun jo maraco wuneyo miyo mot mabeco bot litinowu, ci Wonwu ma tye i polo pe bikatowu, bimiyo Cwiny Malen makato bot jo ma lege?”¹⁴Yam onono Yecu tye ka ryemo cen ma pe loko; ka cen don oa ki i kom dano ma onono tye ki cen, ma te lebe oto, oloko, ci lwak guuro. ¹⁵Ento jo mogo i kingi guwaco ni, “En ryemo cen pi twero pa Beeljebul ladit pa cen.”¹⁶Jo mukene onono giyenyo lanyut ki bote ma a ki i polo, pi teme. ¹⁷Ento Yecu oneyo tamgi, ci owaco botgi ni, “Ka ker iye opokke ayo, ci ker meno lobone balle woko; ot poto i wi wadi. ¹⁸Catan bene ka opokke kene i dul ayo, ci kerre bicun ninjin? Pien wun wuwaco ni aryemo cen pi twero pa Beeljebul. ¹⁹Ka an aryemo cen pi twero pa Beeljebul, ci litinowu kono giryemo cen pi twero pa ana? Pi meno gin aye gibibedo lunolkopwu. ²⁰Ento ka ce an aryemo cen pi cin Lubana, ci don wune ni ker pa Lubana don obino botwu. ²¹Ka oteka ma oruko jami lwennye ducu tye ka gwoko gan kalle, jamine ducu bedo ki kuc, ²²ento ka dano ma kate ki tek olwenyo i kome ce oloye, bicoko jami lwennye ma ya en geno, bipoko jami ma yam en oyako ki bote. ²³Nat ma pe tun bota, meno nonjo en lakworra, dok nat ma pe nywako coko kweda, keto mere aketa. ²⁴“Ka cen marac don oa ki i kom dano mo, ci cito wirre i kabedo ma pii pe iye kun yenyo ka ma ebiywe iye; ento ka nonone oloye woko, ci wacci, ‘Abidok gira i oda ka ma yam aa ki iye-ni.’ ²⁵Ka obino, ci nonjo giyweyo i ot woko malen, giyubo maber. ²⁶En dok, cito kelo cen mukene abiro ma giraco gikate woko, ci gidonyo gibedo i ode-ni; lacer dano-nu bibedo marac makato kit ma onono yam obedo kwede con.”²⁷Ka oloko lok man, ci dako mo ki i kin lwak owoto dwane, owacce ni, “Tye ki gum ic ma onywali, ki tuno ma idoto!” ²⁸Ento Yecu ogamo ni, “Makato gitie ki gum, jo ma giwinyo lok pa Lubana, dok gigwoko!”²⁹Ka lwak gumedde mapol, ci Yecu ocako waco ni, “Yalwak pa jo maraco giyenyo lanyut, ento pe gibimiyo botgi lanyut mo, kono lanyut pa lanebi Yona keken. ³⁰Pien kit macalo Yona yam odoko lanyut bot jo Nineve, kit meno Wod pa dano bene bidoko lanyut bot yalwak me kare man. ³¹Kabaka ma dako ma tye yo tun acuc bicun kacel ki yalwak me kare man i kare me nolo kop, ci miyo kop loyogi; pien en oa ki i agikki lobo obino ka winyo ryeko pa Solomon, ento nen, gin madit makato Solomon tye kany. ³²Jo Nineve bicun kacel ki yalwak man i kare me nolo kop, ci miyo kop loyogi, pien gin yam gunut pi lok ma Yona onono otito, ento nen, gin madit makato Yona tye kany. ³³“Pe tye natti mo ma cwinyo tara ci kano i gul, nyo umo auma ki aduku; ento cibo i wi okar, wek dano ducu ma gibino i ot gunen derone. ³⁴Tara me komi aye wani; ka ce wani bal mo pe iye, ci komi kulu bibedo len. Ento ka ce wani tye ki bal mo i kome, ci komi kulu bibedo i colpiny. ³⁵Gwokke wek leno ma tye i ii-ni pe odok col. ³⁶Don ka komi kulu bedo i leno, kun colpiny pe iye, ci komi kulu bibedo len, macalo tara ma meny i derone ka tye ka lyel.”³⁷Ka yam onono tye ka lok, Laparicayo mo olwone ka cam bote; Yecu odonyo i ot, obedo i dog cam. ³⁸Laparicayo ouro ka oneno ni ocako cam ma pe kon ologo cine. ³⁹Rwot owacce ni, “Wun Luparicayo wulwoko ne kikopo ki ne atabo, kun iwu opon yak ki tim maraco. ⁴⁰Wun luminjin! Nat ma tiyo gin ma woko pe en aye bene otiyo gin ma i iye? ⁴¹Wumi gin ma i atabowu bot lucan wek okonygi; ci nen, jami ducu bibedo malen botwu. ⁴²“Ento wubineno can, wun Luparicayo, pien wumiyo dul me apar me oyado ki ocobo ki kit pot dekwu ducu, kun wuweko nolo kop atir ki maro Lubana; meno ducu myero wutim kun pe wuweko magi bene. ⁴³Wubineno can, wun Luparicayo, pien wumaro kabedo me dito i kacokke, dok wumito ni dano gumotwu i cuk. ⁴⁴Wubineno can! Pien wurom ki lyel ma pe ginen ma dano woto i wigi kun pe ginje. ⁴⁵Nat acel i kin lupwony-cik ogamo doge ni, “Lapwony, ka iwaco kit man nyuto ni iyeto wa wan bene.” ⁴⁶Yecu odokke iye ni, “Wubineno can, wun lupwony-cik bene! Pien wumiyo dano yeyo yec mapek, ma yeyone tek, kun wun kikomwu pe wugudo kadi ki lwet cinwu acel. ⁴⁷Wubineno can, pien wucano got i wi lyel pa lunebi ma yam kwariwu guneko. ⁴⁸Kit meno wun wucaden, wupwoyo tic pa kwariwu, pien gin guneko, wun wucano got i wi lyelgi. ⁴⁹Pi man Ryeko pa Lubana owaco ni, ‘Abioro botgi lunebi ki lukwena, jo mogo i kingi gibinekogi gibilibogi,’ ⁵⁰wek remo pa lunebi ducu ma gionyo nia i acakki piny gicul kworre i kom yalwak me kare man, ⁵¹cakke i kom remo pa Abel nio kwede i kom remo pa Jekaria ma oto i kin keno tyer pa Lubana ki kabedo malen. Iyo atito botwu ni, gibiculo kworre i kom yalwak me kare man. ⁵²Wubineno can, wun lupwony-cik, pien wumayo layab me neyo piny woko, kun wun kikomwu pe

wudonyo iye, dok wugerjo dano ma mito donyo iye bene.”⁵³Ka donj oa ki kunnu, ci lupwonycik ki Luparicayo gucako dine matek ma girobo doge ki peny mapol, ⁵⁴kun gikiye wek gimak lok ma a ki i doge.

¹I kare meno, lwak dano alip ki alip gucokke kacel, kun donj ginyonne kekengi. Mukwonjo, Yecu oculo waco bot lupwonnyene ni, “Wugwokke i kom tobi pa Luparicayo, ma en aye buta.”²Pe tye gin mo ma giomo ma pe gibiyabo ka malen, kadi gin ma gikano ma pe binene. ³Lok ducu ma wuloko i colpiny biwinnye i lenpiny; dok gin ducu ma wukwilo lokke i tyelo, gibitito lokke i wi ot malo. ⁴“Lurema, atito botwu ni, pe wulwor jo ma neko kom, ma pe dok gitwero timo gin mo makato meno. ⁵Ento abinyuto botwu nat ma myero wulwor; wulwor nat ma ka donj oneko, ci tye ki twero me bolo i Geena; iyo, atito ni, wulwore. ⁶Ojwinyojwiny abic pe gicato pi cente pyeraryo? Ento pe tye mo acel i kingi ma wi Lubanja twero wil iye. ⁷Kadi bed wa yer wiwu ducu bene donj gikwanogi woko liwen. Pe wulwor; pien piwu tek twatwal makato pi ojwinyojwiny mapol. ⁸“Atito botwu ni, dano ducu ma tuco nyina i nyim dano, Wod pa dano bene bituco nyine i nyim lumalaika pa Lubanja; ⁹ento nat ma kwera i nyim dano, gibikwere bene i nyim lumalaika pa Lubanja. ¹⁰Dano ducu ma loko lok marac i kom Wod pa dano gibiweko balle; ento nat ma yeto Cwiny Malen pe gibiweko balle. ¹¹Ka giterowu i nyim kacokke ki i nyim luloc ki wegi twer, pe wubed ka tamo kit ma myero wulok kwede, nyo ni wubigamo ninin, nyo ni kit lok anjo ma wubiloko. ¹²Pien Cwiny Malen bipwonyowu i cawa meno i gin ma myero wuwaci.”¹³nat acel i kin lwak owaco bot Yecu ni, “Lapwony, wac bot omera wek wapok ginaleya kwede.” ¹⁴Ento Yecu ogamo doge ni, “Nyeri, anja ma oketa me bedo lanolkop ki lapok jamiwu?” ¹⁵Owaco botgi ni, “Wunen, wugwokke i paro lim; pien kwo pa dano pe cun i wel lim mapol ma en tye kwede.”¹⁶Obolo botgi carolok ni, “Yam tye dano mo ma lalonyo ma cam ocek madwonj i potone. ¹⁷Dano-nu opennye kekene ki i cwinye ni, ‘Abitimo anjo, pien pe atye ki ka onyo bella?’ ¹⁸Owaco ni ‘Abitimo kit man: abimuko derona ducu, abigoyo mukene maditone, abionyo bella ki jamina ducu i igi. ¹⁹Abiwaco ki cwinya ni, Cwinya, itye ki jami mapol ma birommi pi mwaka mapol; ywe, cam, mati, bed ki yomcwiny.”²⁰Ento Lubanja owacce ni, ‘In lami! I dyewor ma tin gibikwanyo kwoni woko ki boti; jami ma iyubo-ni bibedo pa anja ce?’ ²¹Tye kit meno nat ma kano lonyo pire kene, kun pe tye ki lonyo bot Lubanja.”²²Yecu owaco bot lupwonnyene ni, “Pi meno awaco botwu ni, pe wubed ki tam mapol pi kwowu, ni wubicamo anjo; nyo pi komwu, ni wubiruko anjo. ²³Pien kwo pire tek kato cam, kom pire tek kato ginaruka. ²⁴Konj wupar mono pi agak; pe gicoyo kodi, dok bene pe gikayo, pe gitye ki dula kadi dero, ento Lubanja pitogi. Wun pe piwu tek kato pi winyo? ²⁵Anja i kinwu ma twero medo mwaka acel i kom kwone pi bedo ki tam mapol? ²⁶Ka gin manok macalo man timone loyowu, piwo wubedo ki tam mapol pi lok mukene?”²⁷Konj wutam pi lega me tim, kit ma gidono kwede; pe giwiyo uci, dok bene pe gicweyo bonjo; pud amedde ki waco botwu ni, kadi bed Solomon yam orukke ki deyone ducu, ento pe orukke macalo mo acel i kingi. ²⁸Ka ce Lubanja ruko lum ma i tim kit meno, ma bedo tye pi nino ma tin keken, ento diki inono gibolo woko i keno, ci en pe birukowu makato, wun jo ma niyewu nok?”²⁹Pe wuyeny gin ma wubicamo, nyo gin ma wubimato; cwinywu pe obed ka tamo lok mapol. ³⁰Pien rok ducu ma i wi lobo yenyo jami magi; Wonwu ma tye i polo njeo ni wumitogi. ³¹Ento ma ka meno, wuket cwinywu i kom kerre, ci jami magi ducu gibimedo botwu. ³²“Pe wulwor, wun romi manok, pien Wonwu oye atika me miyo botwu ker.”³⁴Wucat jamiwu, wukony ki lucan; wukwo kicaa lim ma pe ti, wukan lonyo ma pe tum i polo, ka ma lakwo pe o iye, dok nyenye pe balo. ³³Pien ka ma lonyowu tye iye, cwinywu bene bedo iye. ³⁵“Wubed ma wutweyo pyerwu, kun tarawu lyel; ³⁶wubed macalo jo ma kuro ladicgi ka bidwogo nia ki i karama me nyom, wek giyabbe doggola oyotoyot ka en obino, odwonjo. ³⁷Tye ki gum latic meno ma ladicgi ka odwogo nonjo peya gunino. Ada awaco botwuni, en bitweyo pyere kene, bimiyo gibedo i dog cam, ci bibino, cako miyogi cam. ³⁸Ka obino cwiny dyewor nyo okogweno, kun ononogi kit meno, latic meno gitye ki gum. ³⁹Ento myero wunje man ni, Kono nene won ot njeo cawa ma lakwo bibino iye kono okiyo ma pe oweko dano oturo ode. ⁴⁰Pi meno, wun wubed ma wuyubbe pien Wod pa dano bibino i cawa ma pe wutam.”⁴¹Petero openyo ni, “Rwot, ibolo carolok man botwa keken, nyo bot dano ducu?” ⁴²Rwot ogamo ni, “Anja ma lagwok-ot ma lagen dok ma laryeko, ma ladicgi biwoko dano ducu ma bedo i ode i te locce, wek opok botgi camgi i kare ma mitte?” ⁴³Latic meno tye ki gum, ma ladicgi ka odwogo binone kun tye ka tiyo ticce meno. ⁴⁴Ada awaco botwu ni, ladic-tu bimiye twero me loyo jamine woko ducu. ⁴⁵Ento ka latic meno oloko kekene ni, ‘Laditta donj ogalle ka bino’, ci cako goyo latic ma co ki ma mon, kun camo, mato, dok mer, ⁴⁶ladit pa latic meno bidwogo i nino ma en pe tamo pi dwogone, dok i cawa ma en pe njeo; bipwode, bikete i kin jo ma pe genne. ⁴⁷Latic meno ma onjeo gin ma ladicgi mito, ento pe oyubbe iye, dok pe olubo gin ma ladicgi mito, gibipwode matek twatwal. ⁴⁸Ento nat ma pe onjeo, ce otiyo gin ma twero miyo gipwode pire, gibipwode manok. Dano ma gimie madwonj, gibimito madwonj ki bote; dok nat ma gikano jami mapol bote, gibipenye mapol makato. ⁴⁹“Abino ka cwinyo mac i lobo; kono donj omoko, kono ber! ⁵⁰Atye ki batija ma myero abatija kwede; kit ma aridde kwede nio ka ocobbe!”⁵¹Wun wutam ni abino ka kelo kuc i lobo? Atito botwu ni pe; kono apokapoka. ⁵²Cakke tin jo abic ma i ot acel gibibedo kun gipokke; jo adek bikwero jo ayo, jo ayo bikwero jo adek. ⁵³Won latin bipokke woko ki latinne, latin bene bipokke woko ki wonne; mego bipokke ki nyare, nyako bipokke woko ki minne; dayo bipokke woko ki ci-wode, ki ci-wod bene bipokke woko ki daane.”⁵⁴Yecu dok owaco bot lwak ni, “Ka wuneno pol otinne tun potocen, oyotoyot wuwaco ni, ‘Kot koni

cwer'; ci cwer bene. ⁵⁵Dok ka wuneno yamo kodo ki i but piny tun acuc, wun wuwaco ni, 'Piny bibedo lyet matek'; ci timme bene. ⁵⁶Wun lubuta! Wuneyo poko kin gin ma nen i lobo ki i polo; piŋo pe wuneyo poko kin lanyut me kare man?⁵⁷"Piŋo pe wunolo gin ma tye atir piwu kenwu? ⁵⁸Ka icito bot laŋolkop kun inywako yo ki ŋat ma doti, tem matek me yubo lok kwede ma kun pud wutye i yo, wek pe oteri i nyim laŋolkop, laŋolkop owek miyi bot askari, askari owek teri i mabuc. ⁵⁹Atitti ni, pe ibia ki kunnu nio ka iculo ducu ma wi cente mo pe orem."

¹I kare meno onono tye jo mogo kunnu ma gutitte pi Lugalilaya mogo ma yam Pilato orubo remogi kigitumgi. ²En odok iye botgi ni, “Wutamo ni Lugalilaya meno gin lubalo makato Lugalilaya mukene ducu, ma omiyo guneno can kit meno-ni?” ³Atito botwu ni, pe; ento ka pe wunjut, ci wun ducu wubito kit meno. ⁴Nyo jo apar wiye aboro meno ma yam ot ma wiye bor opoto i komgi onekogi i Ciloam, wutamo ni gin onono gutimo bal makato jo mukene ducu ma bedo i Jerucalem? ⁵Atito botwu ni, pe; ento ka pe wunjut, ci wun ducu wubito kit meno. ⁶Yecu obolo carolok ni, “Yam tye dano mo ma onono tye ki oduro ma gipito i poto olokke. En obino kun yenyo nyige, ento pe onono. ⁷Owaco bot lapur ni, ‘Nen, koni don odoko mwaka adek kun abino, ayenyo nyig oduro man, pe anono. Ton woko; pinjo balo nom nono?’ ⁸Lapur odokke iye ni, ‘Ladit, kon iwek obed pi mwaka man doki, nio ka abako nom i tere, aonyo iye cet dyan mutwo. ⁹Ka binyak i mwaka ma bino-ni, ci ber; ento ka pe, ci ibitonjo giri.’ ¹⁰Yam onono Yecu tye ka pwony i kacokke mo i cej cabit. ¹¹Dako mo onono tye kunnu ma tye ki cen ma okelo goro i kome pi mwaka apar wiye aboro; onono don ogome woko, ma pe twero tirre. ¹²Ka Yecu onene, olwone, owacce ni, ‘Dako, gigonyi woko i kom goroni.’ ¹³Oketo ciye i kome; cutcut dako-nu otirre, ci opako Lubana. ¹⁴Ento kiniga omako ladit me kacokke, pien Yecu ocano dano i cej cabit. Owaco bot lwak ni, ‘Tye nino abicel ma myero giti iye tic; wubin i nino meno wek gicanwu, pe i cej cabit.’ ¹⁵Rwot odokke iye ni, ‘Wun lubuta! nat acel acel ki i kinwu pe gonyo twonne nyo kanane ki i ka-camgi, ci tero i pii i cej cabit. ¹⁶Dako man, ma en nya pa Abraim,, ma cej Catan otweye pi mwaka apar wiye aboro kulu, pe myero gigonye ki i twec man i cej cabit?’ ¹⁷I kare ma Yecu oloko lok man, ci lewic omako lukworre ducu; lwak ducu cwinygi obedo yom pi tic me deyo ducu ma en otiyo. ¹⁸Pi meno en owaco ni, ‘Ker pa Lubana rom ki gin ajo? Abiporo ki gin ajo?’ ¹⁹Rom ki kodi dek karadali ma dano mo okwanyo, ocoyo i potone; ci onono, odoko yat madit, winyo me polo gibino gigeri odigi i jaje. ²⁰Dok owaco ni, ‘Abiporo ker pa Lubana ki gin ajo?’ ²¹Rom ki tobi ma dako mo okwanyo, orubo ki moko mugati ma romo adita adek, nio ka moko ducu oyenyo, okwot.’ ²²Yecu omedde ki wotte i kin ganji madito ki matino, kun pwonyo, dok kwede tun Jerucalem. ²³Nat mo openye ni, ‘Jo manok aye bilarre?’ Yecu owaco botgi ni, ²⁴“Wuket tek wek wudony ki i doggola madin; pien awaco botwu ni, jo mapol gibitemo donyo, ento pe gibitwero. ²⁵Ka won ot don oa malo ocego doggola, wun wubicun ki woko wudwono doggola kun wuwaco ni, ‘Ladit, yab botwa doggola ba!’ En bidok iye botwu ni, ‘An pe aneyo ka ma wua iye.’ ²⁶Ci wun wubiwaco ni, ‘Yam wacamo dok wamato kacel kwedi, dok bene ipwonyo dano i dye ganwa.’ ²⁷Ento en biwaco botwu ni, ‘Awaco botwu ni, pe aneyo ka ma wua iye; wua woko ki i nyima, wun lutim maraco ducu!’ ²⁸Kunnu wubikok, wubikayo lakwu, ka wuneno Abraim ki Icaka ki Yakobo ki lunebi ducu kun gitye i ker pa Lubana, ento wun kikomwu gibolowu woko. ²⁹Dano gibibino kun gia ki tun wokce, ki tun potocce, ki yo tun acam, ki tun yo acuc, gibibedo piny i dog cam i ker pa Lubana. ³⁰Nen, jo mogo ma lacen gibibedo meati, ki jo mogo meati gibibedo me lacen.’ ³¹I cawa meno luparicayo mogo gubino, guwaco bot Yecu ni, ‘Cit woko ki kany, pien Kerode mito neki.’ ³²Yecu odok iye botgi ni, ‘Wucit, wuwac bot too can ni, ‘Nen, abiryemo cen dok abicano dano tin ki diki, i nino me adekke abicobone. ³³Kadi bed kit meno, myero amedde gira ki wotta, tin ki diki ki diki maca; pien lanebi pe myero oto ka mukene ma pe i Jerucalem.’ ³⁴Jerucalem, Jerucalem, in ma ineko lunebi, ma icelo dano ma gioro boti woko ki got, tyen adi ma nene amito koko litinoni woko, macalo min gweno koko litinone i te bwome, ento wun pe wuye giwu! ³⁵Nen, don gitenyo otwu botwu. Atito botwu ni, pe wubinena nio ka wubiwacci, ‘Gipwo nat ma bino i nyin Rwot.’ ”

¹I ceŋ cabit mo acel, ka Yecu ocito ka cam i ot pa laloc mo ma Laparicayo, gubedo ka kiye matek. ²Onoŋo tye i nyime dano mo ma twoyo two akwota kom. ³Yecu openyo lupwony-cik ki Luparicayo ni, “Cik ye ni gicanj dano i ceŋ cabit, nyo pe?”⁴Ento gulinj aliŋa. Yecu omako latwoni, ci ocaŋe, ocike ni ocit gire. ⁵Openyogi ni, “Aŋa i kinwu ma ka tye ki kanane nyo twonne ka opoto i waŋ it matut ci pe biywaye woko cutcut i ceŋ cabit?” ⁶Dok i lok meno oloyogi woko. ⁷Ka oneno kit ma dano ma gilwoŋogi giyero ki kabedo mabeco, ci obolo botgi carolok ni, ⁸“Ka gilwoŋi i karama me nyom, pe icibed i kabedo maber; gwok nyo gilwoŋo bene dano madit makati, ⁹ci lalwoŋ wun aryo ducu bibino, biwaco ni, ‘Wek kabedo bot dano man.’ Ibidok i kabedo mapiny ki lewic madwoŋ. ¹⁰Ento ka gilwoŋi, cit ibed i kabedo mapiny, wek ka dano ma olwoŋi obino en biwacci ni, ‘Larema, nyik i kom mamalo’, ci ibibedo ki deyo i nyim dano ducu ma wubedo kwedgi i dog cam. ¹¹Pien ŋat ma kette kene ni edit, gibidwoke piny, ŋat ma mwolle kene gibimiye doko dit.”¹²Owaco bene bot dano ma olwoŋe ni, “Ka ilwoŋo dano i cam me dyecen nyo me otyeno, pe ilwoŋ luremi, nyo omegini, nyo watti, nyo lulonyo ma bedo cok ka ŋeti; wek gin bene guwek lwoŋi, wek gucul waŋ lwoŋoni.”¹³Ento ka itedo karama, lwoŋ lucan, luŋolo, jo ma komo, ki kutowaŋ, ¹⁴ci ibibedo ki gum, pien pe gitwero culo waŋ lwoŋoni. Culi bibedo i kare ma jo ma kitgi atir bicer iye.”¹⁵Ka ŋat acel ma gubedo kwede i dog cam owinyo lok man, owaco ni, “Tye ki gum dano ma bicamo kwon i ker pa Lubanja!” ¹⁶Ento Yecu odokke iye ni, “Dano mo yam otedo karama madit, olwoŋo iye jo mapol. ¹⁷Ka kare me karama oromo, ci en ooro laticce ka poyo wi jo ma gilwoŋogi ni, ‘Wubin, pien doŋ giyubo jami ducu.’¹⁸Ento gin ducu gucako bako doggi ni gitim kica botgi. ŋat mukwoŋo owacce ni ‘Awilo poto, myero acit ka nenone alegi itima kic.’ ¹⁹Dano me aryo owaco ni, ‘Awilo twoni apar me pur, acito ka ŋiyogi, alegi itima kica.’ ²⁰ŋat mukene owaco ni, ‘Pud anyomo dako anyoma nyen, pi meno pe atwero bino.’²¹Latic-cu odwogo otito bot laditte kit meno. Kiniga omako won ot, owaco ni, ‘Cit oyotoyot i waŋayo, ki i kin gaŋ, icikel lucan, luŋolo, lutowaŋ ki jo ma komo.’ ²²Ci latic owaco ni, ‘Ladit, watimo gin ma iciko, ento kabedo gire pud tye.’²³Ladit owaco bot laticce-nu ni, ‘Cit i gudo madito ki i ŋet yo, icuk dano ki tek wek gudony i ot, wek odaa opon. ²⁴Pien atito botwu ni, pe tye ŋatti mo i kin jo ma yam gilwoŋogi ma bibilo karamana.’”²⁵Lwak mapol guwoto kacel ki Yecu, ci Yecu olokke botgi owaco botgi ni, ²⁶“Ka ŋat mo obino bota, ma kun pe okwero wonne ki minne, dakone ki litinone, omegine ki nyimegine, kadi wa kwone kikome, pe twero bedo lapwonnyena. ²⁷ŋat ma pe tinjo yatariyane, kun luba, pe twero bedo lapwonnyena. ²⁸Pien aŋa i kinwu ka mito gero ot ma wiye bor, ci pe koŋ kwoŋo bedo piny ka kwano wel lim ma mitte, ka ce etye kwede ma eromo tyekone? ²⁹Ka pe kumeno, miyo ka ocibo guti, ma tyekone oloye woko, dano ducu ma gibineno gibicako ŋale, ³⁰kun giwaco ni, ‘Dano man ocako gedo, ento tyekone oloye woko.’³¹Nyo kabaka mene, ma oecito i mony ka lweny ki kabaka mukene, pe koŋ bedo piny poro lok, ka ce etwero tero dano alip apar me romo ki jo alip pyeraryo? ³²Ka pe kumeno, en cwalo kwena ma kabaka ca pud tye ka mabor, pi ribbe kwede ki kuc. ³³Kit meno, dano ducu ma i kinwu ma iye pe twero cayo gin ducu ma etye kwede, pe twero bedo lapwonnyena. ³⁴“Kado ber; ento ka doŋ odoko bot gibitimo niŋniŋ wek odok mit? ³⁵Pe doŋ ber me aketa i poto, dano gibolo woko ata. ŋat ma tye ki it me winyo lok, owiny.”

¹Lujog-mucoro ki lubalo onono yam ginyiko cok ka winyo lok pa Yecu. ²Luparicayo ki lupwony-cik gunjur kun giwaco ni, “Dano man jolo lubalo dok camo kwedgi.” ³Omiyo Yecu obolo botgi carolok man ni, ⁴“Aja i kinwu ma tye ki romi miya acel, ka nat acel i kingi orwenyo, pe biweco romi pyerabonwen wiye abonwen i olet, ci cito ka yenyo en murwenyo-ni, nio wan ma onono? ⁵Ka onono, ci bolo i wi gwoke, kun cwinye yom. ⁶Ka oo paco, lwonjo lureme ki luwote kacel, ci waco botgi ni, ‘Cwinywu obed yom kacel kweda, pien donj anono romona ma yam orwenyo-ni.’ ⁷Kit meno atito botwu ni, bibedo yomcwiny madit twatwal i wi polo i kom labalo acel ma onjut, makato i kom jo pyerabonwen wiye abonwen ma kitgi atir ma pe mito njut. ⁸“Nyo dako mene, ma tye ki ciliŋ apar, ka ciliŋ acel orwenyo pe bicwinyo mac tara, ci yweyo ot kun yenyo matek nio wan ma onono? ⁹Ka donj onono, ci lwonjo lureme ki luwote kacel, kun waco botgi ni, ‘Cwinywu obed yom kacel kweda, pien donj anono ciliŋ-ŋa ma onono orwenyo-ni.’ ¹⁰Kit meno atito botwu ni, bibedo yomcwiny i nyim lumalaika pa Lubanja i kom labalo acel ma onjut.” ¹¹Dok owaco ni, “Yam tye dano mo ma tye ki awobene aryo. ¹²Matidine owaco bot wonne ni, ‘Aba, miya dul lim ma ka mera.’ Wongi opoko limme i kingi. ¹³Lacen ka nino okato manoknok, awobi matidi-ni ocoko jamine ducu, ocalo wotte me cito i lobo mabor; obalo limme kunnu pi bedo me carocar. ¹⁴Ka limme donj otum ducu, ci kec laparanat matek opoto i lobo meno, awobi-nu ocalo mal ata. ¹⁵Ocito odak bot nat mo ma i lobo meno; dano nu ocwale i olette ka kwayo opego. ¹⁶Iye oparo yenj ki pok cam ma opego camo; pe tye nat mo ma omiye gin mo. ¹⁷Ento ka onianj pire kene, ci owaco ni, ‘Lutic pa wora tye adi ma gicamo kwon loyogi, ento an kono ato kec kany!’ ¹⁸Abia, acito bot wora, abiwacce ni, “Aba, donj abalo bot polo ki i nyimi; ¹⁹donj pe amyero gilwona ni an a wodi; loka abed macalo nat acel i kin liticci.” ²⁰Ci oa obino bot wonne. Ento ka onono pud tye cen ka mabor, wonne onene. Kica omake i kome, oriŋo okwako njute, onoto leme. ²¹Wode owacce ni, ‘Aba, donj abalo bot polo ki i nyimi, pe donj amyero gilwona ni an a wodi.’ ²²Ento wonne owaco bot luticce ni, ‘Wukel jor maber makato ducu oyot, wuruk i kome; wurwak agit i lwet ciŋe, ki war i tyene. ²³Wukel bene wod twon mucwe, wuneki, wek wacamu, wabed ki yomcwiny; ²⁴pien latinna-ni yam oto, koni donj kwo; yam orwenyo, donj ginono.’ Gucako bedo ki yomcwiny. ²⁵“Wode madit onono tye i poto; ka dwogo ma onyiko cok ki ot, owinyo wer ki myel. ²⁶Olwonjo nat acel i kin lutic, openye ni, ‘Man kono gin anjo ma tye ka timme-ni?’ ²⁷Latic-cu odokke iye ni, ‘Omeru donj odwogo, woru onekke wod twon mucwe, pien ogame ma kome yot kun kwo.’ ²⁸Ento kiniga omake, okwero donyo i ot. Wonne okatti woko obako doge bote, ²⁹ento en odokke iye ni, ‘Nen, pi mwaka magi mapol ata an atiyo boti, ma naka yam peya akwero winyo cikki, ento peya imiya kadi ma latin dyel mamwa, wek cwinya obed yom ki lurema. ³⁰Ento latinni man obino ma olanyo limmi ducu i kom mon ma lucoco, in inekke wod twon mucwe.’ ³¹Wonne ogamo doge ni, ‘Latinna, in nino ducu itye kweda, jamina ducu meri. ³²Ber wacam kun wabedo ki yomcwiny, pien omeruni yam oto, koni donj kwo, yam orwenyo, donj ginono.’ ”

¹Yecu owaco bot lupwonnyene ni, “Yam tye nat mo ma lalonyo, ma tye ki lagwok-jamine. Gidoto danonu bote ni tye ka lanyo jamine. ²Olwoŋe, openye ni, ‘Lok aŋo mono ma awinyo i komi-ni? Kella wel jami ma ikano, pien pe dok itwero bedo lagwok-jami.’ ³Lagwok-jamine oloko kekene ni, ‘Abitimo gin aŋo? Pien laditta mito kwanya woko ki i tic me gwoko jami. Pe atek ma aromo pur, lewic bene maka ka lego lim alega. ⁴Aŋeyo gin ma abitimo, ka giryema woko ki i tic me gwoko jami, wek dano gujola i odigi.’ ⁵Olwoŋo lubanya pa laditte ki acel acel, owaco bot dano mukwoŋo ni, ‘Wel banya adi pa laditta ma tye boti?’ ⁶En odokke iye ni, ‘Moo jeituni ma romo agulu miya acel.’ Owacce ni, ‘Kwany waraga banyani, ibed piny oyotoyot, ico pyerabic.’ ⁷Lacen openyo nat mukene ni, ‘In kono itye ki wel banya adi?’ En ogamo ni, ‘ŋano ma romo dwoŋo miya acel.’ Owacce ni, ‘Kwany waraga banyani, ico pyeraboro.’ ⁸Laditte opwoyo lagwok-jami ma pe lagen, pien otiyo ki ryeko; pien dano me lobo man giryek i yalwakgi, makato dano me ceŋ. ⁹Atito botwu ni, wumak lurem pi tic ki lim ma pe atir, wek ka bitum, gijolwu i kabedo ma bedo matwal. ¹⁰“nat ma lagen i kom jami matidi mo, bibedo lagen bene i kom jami madwoŋ; nat ma pe lagen i kom jami matidi mo, pe bibedo lagen bene i kom jami madwoŋ. ¹¹Doŋ ka yam pe wubedo lugen i kom lim ma pe atir, aŋa ma bimiyowu lonyo me ada? ¹²Ka yam pe wubedo lugen i kom jami pa dano mukene, aŋa ma bimiyowu jamiwu kikome? ¹³Pe tye latic mo ma twero tiyo ki rwodi aryo; pien bikwero nat acel, bimaro nat mukene, nyo bimoko i kom nat acel, bicayo nat mukene. Pe itwero tic pi Lubana ka dok pi lim bene.” ¹⁴Luparicayo ma yam lumar lim guwinyo lok man ducu, ci gunyware. ¹⁵Ento Yecu owaco botgi ni, “Wun aye jo ma nyuto kit ma atirwu bot dano, ento Lubana ŋeyo cwinywu; pien gin ma dano dworo, en aye gin me kwer i nyim Lubana. ¹⁶“Cik ki lunebi obedo tye nio wa i kare pa Jon; cakke i kare meno gitito lok me kwena maber i kom ker pa Lubana, dano ducu gitye ka donyo iye ki tek. ¹⁷Ento bedo yot bot polo ki lobo me tum woko, makato ton acel me cik me balle. ¹⁸“Dano ducu ma oryemo dakone, ka dok onyomo mukene otimo abor, ki nat ma onyomo dako ma cware oryemo bene otimo abor. ¹⁹“Yam tye dano mo ma lalonyo ma ruko boŋo ma lamar lamar ki kanyi maber me boŋo camanini kun camo cam me wel madwoŋ nino ducu. ²⁰I dog gaŋŋe lacan mo onoŋo buto iye, nyiŋe Lajaro, ma kome orwato bur, ²¹kun iye paro yeŋo ki gin ma oo piny ki i wi meja pa lalonyo-nu; gwogi bene onoŋo gibino ginano waŋ burre. ²²Ka lacan oto, ci lumalaika gutiŋe, gutere i kor Abraim. Lalonyo bene oto, ci giyike woko. ²³Oilo waŋe ki i Lyel kun tye ki can, oneno Abraim tye ka mabor kun Lajaro ojeŋŋe i kore. ²⁴Odaŋŋe ni, ‘Wora Abraim, tima kica, cwal Lajaro olut lwet ciŋe i pii, okwe ki leba, pien atye ki arem madwoŋ i mac man.’ ²⁵Ento Abraim odokke iye ni, ‘Woda, po ni, i kare me kwoni gimiya gin mabeco, ki Lajaro kit meno gimiye gin maraco; ento koni doŋ gikweyo cwinye kany, in kono itye ki arem. ²⁶Dok bene i kom lok man ducu, i kin wan ki wun giketo iye loŋo matut, wek ka jo ma gimito ŋolo nia ki kany, me bino botwu, pe otwerre, wek nat mo bene pe oŋol nia ki kunnu me bino botwa kany.’ ²⁷En owaco ni, ‘Doŋ alegi ba, wora, ore i ot pa abana, ²⁸pien atye ki omegina abic, wek en ocitit botgi, gin bene guwek bino i kabedo man me can.’ ²⁹Ento Abraim odokke iye ni, ‘Gitye ki Moses ki lunebi; wek guwiny lokgi.’ ³⁰En owaco ni, ‘Pe, wora Abraim; ento ka nat mo i kin jo muto ocito botgi, ci gibinut.’ ³¹Abraim owacce ni, ‘Ka pe giwinyo lok pa Moses ki lunebi, ci kadi bed nat mo oa ki i kin jo muto bene, pe gibiye lokke.”

¹Yecu owaco bot lupwonnyene ni, “Gin ma miyo dano poto i bal pe bigenŋe; ento bineno can ŋat ma kelo gin ma miyo dano poto i bal! ²Kono obedo ber bot dano meno ka gitweyo kidi rego i ŋute, gibolo kwede i nam, kato ma en weko ŋat acel i kin litino matino magi poto i bal. ³Wugwokke kenwu; ka omeru obalo, juke, ka oŋut, ci timme kica. ⁴Ka otimo bal i komi tyen abiro i nino acel, ce olokke boti tyen abiro, kun legi ni, ‘Aŋut,’ time kica.” ⁵Lukwena guwaco bot Rwot ni, “Med niyewa!” ⁶Rwot ogamo ni, “Kono yam wutye ki niye macalo nyig kodi dek karadali, kono wuwaco ki yat man ni, ‘Putte keni, ipitte i dye nam,’ kono owinyo dogwu.” ⁷“Aŋa i kinwu ma tye ki laticce ma puro ki kweri dyaŋ nyo kwayo romi, ma ka odwogo ki i poto ci wacce ni, ‘Bin oyotoyot ibed piny ka cam?’ ⁸Pe koŋ en biwacce ni, ‘Yubba cam me otyeno, itwe pyeri ikella cam, nio ka an acamo, amato, lacer in ibicamo ibimato?’ ⁹En pwoyo latic-cu pien olubo lok ma gicike kwede? ¹⁰Pe gire. Wun bene kit meno, ka wutyeko tiyo gin ducu ma gicikowu, myero wuwac ni, ‘Wan lutic ma pe konyo gin mo; watiyo gin ma myero keken.” ¹¹Ka onoŋo Yecu oecito Jerucalem, ci owok ki i waŋ apokki me Camaria ki Galilaya. ¹²Ka odonyo i paco mo, ci ludobo guromo kwede, kun gucuŋ ka mabor, ¹³gudaŋŋe ni, “Yecu, Ladit, timwa kica.” ¹⁴Yecu onenogi, owaco botgi ni, “Wucit wunyutte kenwu bot ajwagi pa Lubana.” Man pud gitye ka cito, komgi olony. ¹⁵ŋat acel i kingi ka oneno ni ecaŋ woko, ci odwogo cen kun pako Lubana ki dwan malonŋo; ¹⁶oryebbe piny ka tyen Yecu, kun pwoye. En onoŋo Lacamaria. ¹⁷Yecu openyo ni, “Yam pe gilonyo dano apar? Jo abonwen kono gitye kwene? ¹⁸Pe tye ŋat mo i kingi ma odwogo cen ka pako Lubana, ento kono larok man keken?” ¹⁹Owacce ni, “A, icit giri, niyeni ocaŋi.” ²⁰Luparicayo gupenyo Yecu ni, “Ker pa Lubana bibino awene?” En odok iye botgi ni, “Ker pe Lubana pe bibino ki lanyut ma gineno. ²¹Pe gibiwaco botwu ni, ‘Nen, en ene!’ nyo ni, ‘En ca!’ pien nen, ker pa Lubana doŋ tye i kinwu.” ²²Owaco bot lupwonnyene ni, “Kare bibino ma wubiparo pi neno nino acel mo pa Wod pa dano, ento pe wubineno. ²³Gibiwaco botwu ni, ‘Nen, en ene!’ nyo ni, ‘Nen, en ca!’ Pe wucit iye, pe wulubgi. ²⁴Pien macalo lutkot wil, ci menyo but lobo tuŋcel nio tuŋcel, Wod pa dano bene bibedo kit meno i ninone. ²⁵Ento myero koŋ okany can madwoŋ, kun yalwak me kare man gikwere. ²⁶Macalo yam otimme i kare pa Nua, bitimme kit meno bene i kare pa Wod pa dano. ²⁷Yam gicamo, gimato, awobegi ki anyira ginyomme, nio i nino ma Nua odonyo kwede i yeya, pii aluka oorre otyekogi ducu. ²⁸Kit meno bene i kare pa Lot, onoŋo gicamo, gimato, giwilo jami, gicato jami, gipito ginapita, gigeri odi; ²⁹ento i nino ma Lot oa woko ki i Codom mac ki gwen calfa ma mac oliyo ocwer ki i polo, otyekogi ducu. ³⁰Bibedo kit meno i kare ma gibinyuto iye Wod pa dano. ³¹I nino-nu, ŋat ma tye i wi ot kun jamine tye i ot, pe myero olor piny ka cokogi; kit meno bene ŋat ma tye i poto pe myero odwog paco. ³²Wupo mono i kom dako pa Lot. ³³ŋat ma mito laro kwone birwenyone, ento ŋat ma rwenyo kwone, bigwoko. ³⁴Atittiwu ni, i dyewor meno co aryo bibuto wi kitanda acel, gibikwanyo ŋat acel, gibiweko ŋat acel doŋ. ³⁵Mon aryo gibibedo ka rego kacel; gibikwanyo ŋat acel, gibiweko ŋat mukene doŋ. ³⁶Co aryo bibedo i poto, gibikwanyo ŋat acel, gibiweko ŋat acel doŋ.” ³⁷Gupenye ni, “Kwene, Rwot?” En owaco botgi ni, “Ka ma kom dano muto tye iye, acut bene gicokke kunnu.”

¹Obolo botgi carolok ma pwonyogi ni myero guleg jwijwi, guwek ol. ²Owaco botgi ni, “Yam tye lajolkop i gan mo, ma pe lworo Lubanja kadi woro dano.” ³I gan meno yam tye iye dato mo ma bino bote jwijwi kun wacce ni, ‘Cul kworra i kom lukworra.’ ⁴Tyen mapol lajolkop obedo ka kwero; ento laca oloko kekene ni, ‘Kadi bed pe alworo Lubanja ba, kadi woro dano,’ ⁵ento dato man yela, abiculo kworre; gwok nyo bijonya nono ki bino bota nino ducu.’ ⁶Rwot owaco ni, “Wuwiny lok ma lajolkop ma pe kite atir owaco. ⁷Lubanja pe biculo kwor pa jo ma en oyero, ma gikok bote dyecen ki dyewor? En bigalle ma pe timo gin mo i komgi? ⁸Atito botwu ni, en biculo kworgi oyotoyot. Ento Wod pa dano ka bibino, tika binono niye i lobo?” ⁹Dok obolo carolok bot jo ma genne kengi, ni kitgi atir, kun gicayo jo mukene. Owaco ni, ¹⁰“Jo aryo yam gucito ka lega i ot pa Lubanja, nat acel Laparicayo, nat mukene lajog-mucoro. ¹¹Laparicayo ocun, olego gire kene kun waco ni, ‘Lubanja, apwoyi pien an pe acalo jo mukene, lubuma, jo ma pe genne, lutim abor, pe bene acalo lajogmucoro man. ¹²Ari kec kiryo i cabit acel; amiyo dul me apar me jamina ducu ma alimo.’ ¹³Ento lajog-mucoro ocun ka mabor, onono pe mito ilo wane malo i plo, ento en onono kore, kun waco ni, ‘Lubanja, tima kica, pien an labalo!’ ¹⁴Atito botwu ni, dano man odok i ode kun oloyo kop makato nat mukene ca; pien dano ducu ma kette kene ni edit gibidwoke piny, ento nat ma mwolle kene gibimiye doko dit.” ¹⁵Gukelo bote litino matino, wek oket cine i komgi; ka lupwonnyene guneno, gujukogi. ¹⁶Ento Yecu olwonogi bote, owaco ni, “Wuwek litino gubin bota, pe wugenji; pien ker pa Lubanja tye pi jo macalo gin. ¹⁷Ada awaco botwu ni, nat ma pe jolo ker pa Lubanja macalo latin matidi, pe bidonyo iye.” ¹⁸Laloc mo openye ni, “Lapwony maber, atim gin anjo wek alim kwo ma pe tum?” ¹⁹Yecu openye ni, “Pino ilwona ni aber? Pe tye nat mo maber kono Lubanja keken. ²⁰Ineyo cik, ni, ‘Pe itim abor, Pe ineki, Pe ibed caden me goba, Wor woru ki meni.’” ²¹Ogamo ni, “Amako lok magi ducu cakke wa ka tinona.” ²²Ka Yecu owinyo, ci owacce ni, “Pud iweko lok acel; cat jami ducu ma itye kwede, mi limme ki lucan, ci ibibedo ki lwak lonyo ma gikano piri i polo; ka don ibin icak lubo kora.” ²³Ento ka owinyo lok man, okumo, pien onono en lalonyo twatwal. ²⁴Yecu kun tye ka nene, owaco ni, “Tek mada bot lulonyo me donyo i ker pa Lubanja! ²⁵Pien bedo yot bot kinaga me donyo ki i wan libira, kato lalonyo me donyo i ker pa Lubanja.” ²⁶Dano ducu ma guwinyo guwaco ni, “Ci anja ma twero larre?” ²⁷Ento Yecu owaco ni, “Gin man pe twerre ki bot dano, ento ki bot Lubanja twerre.” ²⁸Petero owaco ni, “Nen, wan waweko pacciwa, walubi.” ²⁹Owaco botgi ni, “Ada, awacciwu ni, pe tye natti mo ma oweko ode, nyo dakone, nyo omegine, nyo lunyodone, nyo litinone, pi ker pa Lubanja, ³⁰ma pe bilimo makato meno tyen mapol i kare man, ki i kare ma bibino anyim en binono kwo ma pe tum.” ³¹Yecu otero jone apar wiye aryo i mun, owaco botgi ni, “Wunen, waecito Jerucalem, lok ducu ma lunebi gucoyo i kom Wod pa dano bicobbe kakare. ³²Pien gibimiye bot Lurok, gijinale, gibitimo aranyi i kome, gijinulo laa i kome; ³³gibipwode ki del anino, gibineke, i nino me adekke en bicer.” ³⁴Ento pe gunian lok ma en owaco; gikano te lok man woko botgi, pe gumedo ki neyo lok ma giwaco botgi. ³⁵Ka don gunyiko cok ki Jeriko, latowan mo onono obedo piny i net yo kun lego lim. ³⁶Ka owinyo lwak tye ka mol ki ka nete, ci openyo ni, “Meno kono gin anjo?” ³⁷Gititte ni, “Yecu me Najaret aye tye ka kato.” ³⁸Latowan odanje ni, “Yecu Lakwar Daudi, tima kica ba!” ³⁹Dano ma onono gutelo nyim Yecu gujuke ni, “Lin, nye;” ento en omedde ameda ki danje ni, “Lakwar Daudi, tima kica!” ⁴⁰Yecu ocun, ociko ni gikele bote. Ka obino cok, Yecu openye ni, ⁴¹“Imito atimmi gin anjo?” Latowan ogamo ni, “Ladit, amito wana onen piny.” ⁴²Yecu owacce ni, “Nen giri piny, niyeni ocani.” ⁴³Oyotoyot ocano neno piny, ci olubo kor Yecu kun miyo deyo bot Lubanja. Dano ducu ka guneno, ci gupako Lubanja.

¹Yecu odonyo i Jeriko kun oekato akata. ²Onono tye kunnu dano mo ma nyine Jakayo, lajogmucoro madit, dok lalonyo bene. ³Oparo pi neno Yecu, ento pe otwero pi lwak, pien en cek. ⁴Orino anyim, oito i wi yat olam wek enen, pien Yecu onono oewok ki i yo-nu. ⁵Ka Yecu oo i kabedo-nu, oneno malo, owacce ni, “Jakayo, lor piny oyotoyot; pien tin myero abed i odi.” ⁶Jakayo olor oyotoyot, ojole ki yomcwiny. ⁷Ka dano ducu guneno, ci gunur kun giwaco ni, “En odonyo i ot ka bedo welo pa dano ma labalo.” ⁸Jakayo oa malo, owaco bot Rwot ni, “Nen, Ladit, abimiyo nucu jamina bot lucan; ka abumo nat mo i gin mo, abicule wan anwen.” ⁹Yecu owacce ni, “Tin lar obino i ot man, pien en bene lakwar Abraim. ¹⁰Pien Wod pa dano obino ka yenyo ki ka laro jo ma orwenyo.” ¹¹Ka pud giwinyo lok man, Yecu omedde ki lokke, obolo botgi carolok, pien onono donj cok ki Jerucalem, dok pien onono gitamo ni ker pa Lubana binen cutcut. ¹²Pi meno owaco ni, “Yam tye wod ker mo ma oa ocito i lobo mabor ka limo twerone me loc ka donj odwogo cen. ¹³Olwono luticce apar, opoko botgi cilin alip acel, owaco botgi ni, ‘Wucat ki wil nio wan ma an adwogo.’ ¹⁴Ento dano me lobone gukwere, gucwalo lukwena i kore ki lok ni, ‘Pe wamito dano man olowa.’ ¹⁵Ka donj en odwogo, ma donj ocamo ker, ociko ni gilwonj lutic ma yam emiyogi lim-mi, wek ene wel magoba ma gulimo i cato wilgi. ¹⁶Dano mukwono obino i nyime, owaco ni, ‘Ladit, cilin miya ma imiya-ni omedde iye cilin alip acel mukene.’ ¹⁷Ogamo ni, ‘Ber, in latic maber! Pien yam ibedo lagen i kom jami matidi mo, ibibedo ki twero i kom ganj apar.’ ¹⁸Dano me aryone obino, owaco ni, ‘Ladit, cilin miya dok omedde iye cilin miya abic mukene.’ ¹⁹Owacce ni, ‘In bene ibibedo ki twero i kom ganj abic.’ ²⁰Nat mukene dok obino, owaco mere ni, ‘Ladit, limmi en, agwoko, aboyo i kitambara, ²¹pien onono alwori, pien in i dano magwa; ikwanyo gin ma pe ikano, ikayo ka ma pe icyo.’ ²²Owacce ni, ‘Abinolo kop loyi kun lubo lok ma oa ki i dogi keni, in latic marac! Yam ineyo ni an a dano magwa, akwanyo gin ma pe akano, akayo ka ma pe acoyo, ²³pijo donj pe ikano limma i benje, wek ka adwogo, anonj kun acoko limma ki magobane?’ ²⁴Owaco bot jo ma gucuw ka nete ni, ‘Wugam cilin miya-ni woko ki bote wumi bot won cilin alip acel-li.’ ²⁵Guwacce ni, ‘Ladit, en donj tye ki cilin alip acel.’ ²⁶Ci en owacci, ‘Atito botwu ni, dano ducu ma mere tye gibimedo bote gin mo; ento nat ma mere pe, gibikwanyo woko ki bote kadi wa gin ma tye bote. ²⁷Ento lukworra magi, ma gin gukwera ni pe alogi-ni, wukelgi kany, wunekgi ki pala lucwan i nyima.’ ²⁸Ka Yecu otyeko loko lok man, ci owoto anyim kun cito malo i Jerucalem. ²⁹Ka donj onyiko cok ki Betepage ki Betania, i te got ma gilwono Jeituni, Yecu ocalo oro jo aryo ki i kin lupwonnyene, ³⁰kun cikogi ni, “Wucit i ganj ma tye i nyimwu. Ka ce wudonyo iye wubinono latin kana ma gitweyo, ma nat mo peya oito i wiye; ci wugony, wukel kany. ³¹Ka natti mo openyowu ni, ‘Wugonye piyo?’ wun wubidok iye kit man ni, ‘Rwot aye mito.’ ³²Kit meno jo ma giorogi gucito, ci gunono kit macalo Yecu otito botgi-ni. ³³Ka gitye ka gonyo latin kana, wegene gupenyogi ni, ‘Wugonyo latin kana piyo?’ ³⁴Gudok iye botgi ni, ‘Rwot aye mito.’ ³⁵Gukelo latin kana bot Yecu. Ka donj gupeto ginarukagi i wiye, ci gicibo Yecu i wiye. ³⁶Ka en oewoto, gipeto ginarukagi i wanayo. ³⁷Ma donj onyiko cok ki Jerucalem, i lunj me got Jeituni, lwak lupwonnyene ducu cwinygi obedo yom, gupako Lubana ki dwon malono pi tic madito ma guneno, ³⁸kun giwaco ni, “Lubana omi gum i kom Kabaka ma bino i nyin Rwot! Kuc obed i wi polo, ki deyo obed i kabedo ma malo twal!” ³⁹Luparicayo mogo ma i kin lwak guwacce ni, “Lapwony, juk lupwonnyeni.” ⁴⁰Yecu odok iye ni, “Atito botwu ni, ka kono jo-ni gulin, godi magi kikomgi kono gudanje.” ⁴¹Ka donj onyiko cok, ma oneno ganj, okok pire, ⁴²kun waco ni, “Tin-ni ka kono ineyo lok ma kelo kuc boti, kono ber! Ento koni gikano woko ki boti. ⁴³Pien kare bibino i komi ma lukworri gibitoro lobo rumi dyere, gibidiri tunji ki tunji, ⁴⁴gibireti piny, in ki litinoni; pe gibiwoko gwenj mo acel i ii donj ma ododde i wi wadi; pien yam pe ineyo kare ma gibilimi iye.” ⁴⁵Yecu odonyo i ot pa Lubana, ocalo ryemo lucat-wil woko ki iye, ⁴⁶kun waco botgi ni, “Yam gicoyo ni ‘Oda bibedo ot me lega’; ento wun wuloko odoko boro pa luyak.” ⁴⁷Yecu obedo ka pwony i ot pa Lubana nino ducu. Ajwagi madito pa Lubana ki lupwony-cik ki jo madito i kin lwak guyenyo yo me neke; ⁴⁸ento pe gunono gin mo ma myero gutim i kome, pien dano ducu guketo cwinygi ka winyo lokke.

¹I nino mo acel ka Yecu tye ka pwonyo dano i ot pa Lubana kun tito lok me kwena maber, ajwagi ki lupwony-cik ki ludono gubino, ²gupenye ni, “Tit botwa, twer anjo mumiyo itimo gin magi; nyo ana ma omiyoni twero man.” ³Yecu odok iye botgi ni, “An bene abipenyowu ki peny acel; wudokka iye. ⁴Batija pa Jon twerone oa ki i polo nyo ki bot dano?” ⁵Guporo lok kekengi kun giwaco ni, “Ka wawacci, ‘Oa ki i polo,’ en bipenyowa ni, ‘Piyo pe wuye en?’ ⁶Ento ka wawaco ni, ‘Oa ki bot dano,’ dano ducu bicelowa ki got; pien dano ducu giye atika ni Jon aye lanebi.” ⁷Mumiyo gudok iye bot Yecu ni pe giweyo ka ma oa iye. ⁸Yecu owaco botgi ni, “An bene pe abitito botwu kit twer mumiyo atiyo lok magi.” ⁹Yecu ocako bolo carolok man bot lwak ni, “Yam tye dano mo ma opito olok i potone, ci oweko bot lupur, ocito woko wa i lobo mukene, ori kunnu pi kare malac. ¹⁰Ka kare oromo, ci ooro luticce bot lupur ni myero gumine nyig olok mogo; ento lupur gugoye, guryeme ci odok ki cine nono. ¹¹En dok ooro latic mukene; gin gugoyo en bene, gutimo tim aranyi i kome, guryeme kwede odok ki cine nono. ¹²Dok ooro me adekke; guketoto ret i kom man, gucwale woko. ¹³Lacen won poto olok owaco ni, ‘Abitimo gin anjo don? Abioro woda ma amaro; gwok nyo gubiware.’ ¹⁴Ento ka lupur gunene, guloko kekengi ni, ‘Man aye don lale lim; waneke woko, wek lim ma en bileyo-ni obed mewa.’ ¹⁵Gucwale woko ki i poto olok, guneke. Won poto bitimogi ninjin? ¹⁶En bibino, ci neko lupur meno woko ducu, miyo poto olok bot jo mukene.” Ka guwinyo lok man, guwaco ni, “Pe kumeno!” ¹⁷Ento Yecu ociko wane i komgi, owaco ni, “Man kono gin anjo ma yam gicoyo ni, ‘Got ma lugedo gukwero-ni en aye odoko got madit ma i twok ot?’ ¹⁸Dano ducu ma poto i kom got man bitur woko; ento ka got man opoto i kom nat mo, binyote woko.” ¹⁹Lupwony-cik ki ajwagi madito pa Lubana gumito make i cawa-nu, ento gulworo lwak; pien gunian ni en obolo carolok man i komgi. ²⁰Ginjiyo kare maber, ci giro lurot, ma giporo bedo ni gin jo ma genne, wek gimak lok ma a i doge, wek gimaye i te loc ki twero pa laloyo. ²¹Gupenye ni, “Lapwony, wanyeyo ni in iloko dok ipwonyo lok ma tye atir, pe ipoko kin dano, ento ipwonyo yo pa Lubana ki ada. ²²Myero wacul mucoro bot Cekar nyo pe?” ²³Ento en onian ryekogi, openyogi ni, ²⁴“Kon wunyutta lim ma giculo kwede. Cal ki coc ma tye i kome-ni pa ana?” Gugamo ni, “Pa Cekar.” ²⁵Yecu owaco ni, “Wudwok jami pa Cekar bot Cekar, ki jami pa Lubana wudwok bot Lubana.” ²⁶Pe gutwero mako lok mo ma oa ki i doge i nyim lwak; ento guuro kit ma en ogamo kwede lok, ci gulin alina. ²⁷Lucadukayo mogo gubino bot Yecu, gin aye jo ma onono giwacci jo muto pe gicer. ²⁸Gupenye ni, “Lapwony, Moses yam ocoyo botwa ni, ka laco mo oto woko oweko dakone ma pe ki litino, ominne myero olak dako-nu, wek onywal kwede litino ka wi ominne. ²⁹Yam tye omego abiro; nat mukwono onyomo dako, ci oto labono litino; ³⁰me anyone, ³¹ki me adekke bene gulako dako-nu, kit meno gin abiro ducu gubedo ki dako-nu, guto labono litino. ³²Lacen dako-nu bene oto. ³³I kare me cer ki i kin jo muto, dako-nu bibedo dako pa ana i kingi? Pien gin co abiro-ni ducu gubedo kwede.” ³⁴Yecu owaco botgi ni, “Jo me kare man ginyomme; ³⁵ento jo ma gikwanogi ni myero guo i lobo maca, ki i cer ki i kin jo muto, pe ginyomo, pe gibigero co, ³⁶pien pe dok gitwero to, don girom ki lumalaika; gin litino pa Lubana, ma gin litino me cer. ³⁷Ento ni jo muto twero cer, Moses kikome bene onyuto, i dul ma gikwano iye lok i kom caka, ka ma en olwono iye Rwot ni, ‘Lubana pa Abraim, Lubana pa Icaka, ki Lubana pa Yakobo.’ ³⁸Don Lubana pe Lubana pa jo muto, ento Lubana pa jo makwo; pien dano ducu bedo kwo pire.” ³⁹Jo mogo i kin lupwony-cik gugamo doge ni, “Lapwony, iwaco kakare.” ⁴⁰Pien pe dok gudiyo cwinygi me penye ki lok mo. ⁴¹Ento Yecu openyogi ni, “Giwaco ninjin ni Kricito ma Lubana oyero en lakwar Daudi? ⁴²Pien Daudi kikome bene owaco i buk me Jabuli ni ‘Rwot owaco bot Rwoda ni, Bed i kom bada malacuc, i kabedo me deyo ⁴³nio ka abimiyo lukworri doko kom me teno tyeni.’ ⁴⁴Kit meno ka ce Daudi yam olwone ni Rwot, ci dok en bedo lakwarre ninjin?” ⁴⁵I kare ma lwak ducu winyo lokke, Yecu owaco bot lupwonnyene ni, ⁴⁶“Wugwokke i kom lupwony-cik ma gimaro wot ma guruko bonji maboco, dok gimito ni dano gubed ka motogi wa i cuk-gu, gimaro bedo i kom pa wa ludito, ka gitye i kacokke, dok gimaro bedo i kabedo me deyo i karama. ⁴⁷Gin gimayo odi pa mon-to, dok gibedo ka lego lega maboco me buta keken. Ginjolo kop madit i wigi makato.”

¹Yecu otinjo waje malo, ci oneno lulonyo kun gibolo motgi i canduk lim i ot pa Lubanja. ²Oneno dato mo ma lacan, ma obolo cente aryo ma rom ki cente abic me kare-ni. ³Owaco ni, “Adada awaco botwu ni, dato man ma lacan-ni obolo lim madwon makato dano ducu; ⁴pien gin ducu gugito but limgi madwon-ni aye gubolo, ento en i canne-ni, obolo lim ducu ma tye bote, ma konyo kwone.”⁵Ka onono jo mogo i kin lupwonnyene gubedo ka lok pi ot pa Lubanja, kit macalo gideyo kwede ki godi mabeco ki gityer ma gimio pire, ci Yecu owaco ni, ⁶“Gin magi ducu ma wuneno-ni, kare hibino, ma pe gibiweko got acel mo ma ododde i wi wadi ma pe gibicoro woko piny.”⁷Lupwonnye gupenyo Yecu ni, “Lapwony, man bitimme awene, dok kit gin anjo ma binyuto ka man donj cok timme?”⁸Yecu ogamo ni, “Wugokke, natti mo owek rwenyowu; pien jo mapol gibibino i nyinja, ma giwacci, ‘An aye a en!’ dok ni, ‘Kare donj onyiko cok!’ Pe wulubgi. ⁹Dok ka wubiwinjo pi lweny ki pi arubaruba, pe wubed ki lworo, pien meno konj myero otimme, ento agik pe bibino oyotoyot.”¹⁰Lacen owaco botgi ni, “Rok bilweny ki rok wadi, ker bilweny ki ker wadi; ¹¹ki oyenjenj madojo biyenjo lobo, kec laparanat ki two gemo mapatpat bipoto i kabedo mapol; ki gin ma miyo lworo mako dano, ki lanyut madojo bene, bia ki i polo.”¹²Ento ma peya gin meno ducu otimme, konj gibimakowu, gibilibowu, gibiterowu i nyim kacokke, gibitweyowu i mabuc, gibikelowu i nyim luker ki i nyim luloc pi nyinja. ¹³Man aye bibedo kare botwu me tito lok me caden i koma.”¹⁴Pi meno, wumok i tamwu ni pe wubitamo con kit ma wubidok iye, ¹⁵pien abimiyowu twero me dok ki ryeko, ma nat mo i kin lukworwu pe bitwero ette i kome, kadi pyem kwede.”¹⁶Kadi wa lunyodowu ki omegiwi ki wadiwu ki luremwu bene gibidobowu, jo mogo i kinwu gibinekogi; ¹⁷dano ducu bimon kwedwu pi nyinja. ¹⁸Ento yer wiwu acel mo pe birwenyo. ¹⁹Ka wudiyo cwinywu, ci wubilaro kwowu.”²⁰“Ento ka wuneno mony orumo Jerucalem, ci wuje ni kare me ketone donj onyiko cok. ²¹Jo ma tye i Judaya myero gurin i wi godi, jo ma tye i ganj myero gurin woko ki iye, jo ma tye woko i kin paco pe dok gudony i Jerucalem. ²²Pien kare meno bibedo kare me culo kwor, ki cobo lok ducu ma yam gicoyo.”²³Dok mon ma giyac gibineno cam i kare meno, ki mon ma gidoto litino bene! Pien can man madit bipoto i lobo, ki kiniga madwon bipoto i kom jo me rok man. ²⁴Gibinekogi ki pala lucwan, gibiterogi me bedo opii i kin rok ducu; Lurok gibinyono Jerucalem piny, nio ka kare pa Lurok ocobo kakare.”²⁵“Lanyut binen i kom cen, i kom dwe ki i kom lakalatwe, rok mapol ma i wi lobo bikumo kun nonjo cwinygi onjebbe anaba pi mor me biamwonyi. ²⁶Kom dano bimyel ki lworo, ka gibitamo gin ma bipoto i kom lobo; pien twer ducu ma i polo biyenje. ²⁷Lacen gibineno Wod pa dano kun bino i wi pol ki tek ki deyo madit. ²⁸Ka gin magi ocako timme, myero wunen malo, myero wutin wiwu malo, pien kare me kokowu donj onyiko cok.”²⁹Dok obolo carolok botgi ni, “Konj wunen yat oduro, ki yadi mukene ducu; ³⁰ka donj olot, wuneno piwu kenwu, ci wujeyo ni oro donj cok. ³¹Kit meno wun bene, ka wuneno gin magi otimme, myero wuje ni ker pa Lubanja donj onyiko cok. ³²Ada awaco botwu ni, yalwak me kare man pe bitum nio waj ma lok magi ducu otimme. ³³Polo ki lobo gibitum, ento lokka pe bitum.”³⁴“Ento wugwokke kenwu, cwinywu owek doko nwan pi woro cam, ki mero konjo, ki pi lok me kwo man ma miyo wubedo ki tam mapol, wek nino-nu pe obin oumwu atura macalo akum; ³⁵pien bibino i kom jo ducu ma bedo i wi lobo ducu. ³⁶Ento wubed ma wajwu twolo i kare ducu, kun wulego ni myero wubed ki tek me bwot ki i lok magi ducu ma bitimme, ki curj i nyim Wod pa dano.”³⁷Nino ducu onono Yecu pwonyo i ot pa Lubanja dyecen, ento dyewor woto buto i wi got ma gilwonjo got Jeituni. ³⁸Odiko con dano ducu gibino bote i ot pa Lubanja ka winyo lokke.

¹Nino madito me Mugati ma Tobi Pe Iye ma gilwono Kato (Paska) onono onyiko cok. ²Ajwagi madito pa Lubana ki lupwony-cik gubedo ka yenyo kit yo ma myero gineke kwede; pien onono gilworo lwak. ³Catan odonyo i cwiny Juda Lakeriot ma en onono dano acel i kin jo apar wiye aryo-ni. ⁴Ocito oporo lok ki ajwagi madito pa Lubana ki ludito askari me ot pa Lubana, kit ma myero emiye kwede botgi. ⁵Cwinygi obedo yom, gucako cikke me miye lim. ⁶Omiyo Juda oye, ci oyenyo kare maber ma myero emiye kwede botgi ma nono lwak pe. ⁷Nino me Mugati ma Tobi Pe Iye oromo, ma gitumo iye latin romo me Kato. ⁸Yecu ooro Petero ki Jon, kun cikogi ni, "Wucit wuyub cam me Kato piwa, wek wacam." ⁹Gupenye ni, "Imito ni wacyub kwene?" ¹⁰Yecu owaco botgi ni, "Nen, ka wudonyo i gan me Jerucalem, ci laco mo birwatte kwedwu kun oyeyo agulu pii; en aye wulub kore wa i ot ma en bidonyo iye, ¹¹wutit bot won ot ni, 'Lapwony penyi ni, Ot welo tye kwene, ka ma abicamo iye cam me Kato kacel ki lupwonnyena?" ¹²Ci en binyuto botwu kicika ot malac ma malo ma gipeto, giyubo maber; wuyub kabedo kunnu." ¹³Gucito gunono kit macalo Yecu owaco botgi-ni, guyubo cam me Kato kunnu. ¹⁴Ka cawa oromo, Yecu obedo piny i dog cam, kacel ki lukwena. ¹⁵Yecu owaco botgi ni, "Abedo ka paro mada me camo cam me Kato man kwedwu, ma kun pud peya aneno can; ¹⁶pien awaco botwu ni, pe dok abicamo nio ka ocobo kakare i ker pa Lubana." ¹⁷Ci otino kikopo, ka don orwoyo owaco ni, "Wumak man, wupok i kinwu; ¹⁸pien awaco botwu ni, nia koni pe dok abimato pig olok nio wan ma ker pa Lubana obino." ¹⁹Omak mugati, ka don opwoyo, ci obaro iye, omiyogi kun wacci, "Man aye koma [ma gimio piwu, wutim kuman me po pira." ²⁰Kumeno ka gucamo otum otino kikopo, kun wacci, "Kikopo man aye gicikke manyen i remona ma oo piwu. ²¹Ento, nen, nat ma bidoba cine tye kacel kweda i dog cam. ²²Pien Wod pa dano cito gire kit macalo yam giciko; ento dano meno ma dobo Wod pa dano bineno can!" ²³Lupwonnye gucako pennye kekengi ni, aja i kingi ma bitimo lok man. ²⁴Pyem bene ocakke i kin lupwonnye ni aja i kingi ma gitamo ni bedo ladit. ²⁵Yecu owaco botgi ni, "Luker pa Lurok gibwoyo lwakgi ki tek, jo ma tye ki twero i komgi gilwonogi ni lutim-ber. ²⁶Ento pe kit meno botwu; nat madit i kinwu myero odok macalo nat matidi, ki latel-wic myero obed macalo nat ma tiyo pi dano. ²⁷Pien aja madit, nat ma bedo i dog cam, kece mono nat ma kelle cam? Pe nat ma bedo i dog cam? Ento an abedo i kinwu macalo nat ma tiyo pi dano. ²⁸Wun aye jo ma wubedo ka neta jwijwi i kare ducu ma gibedo ka tema. ²⁹Macalo Wora omiya ker, an bene abimiyowu, ³⁰wek wucam, wumati i dog mejana i kerra, dok wubed i wi komker kun wujolo kop ki kaka apar wiye aryo pa jo Irael. ³¹Cimon, Cimon, nen Catan otyeko penyo piwu me apyeta macalo bel, ³²ento alego piri ni niyeni pe odok cen. In bene ka don ilokke, myero ijin cwiny utmegini. ³³Petero owacce ni, "Rwot, don ayubbe me cito kwedi i mabuc ki i to." ³⁴Yecu odokke iye ni, "Petero, awacci ni, tin twon gweno pe bikok, nio wan ma ikwera tyen adek ni pe ineya." ³⁵Yecu openyo lupwonnyene ni, "I kare ma yam aorowu labono kicaa lim, nyo opiro, kadi war, gin mo oremowu?" Gugamo ni, "Pe." ³⁶Ocikogi ni, "Ento koni, nat ma tye ki kicaa lim, myero oter, ki opiro bene kit meno. nat ma pe ki pala lucwan myero ocat kanyine, wek owil kwede. ³⁷Pien awaco botwu ni, ginacoya man myero ocobbe kakare i koma ni, 'Gikwane kacel ki lubalo'; pien lok ma gicoyo i koma tye ka cobbe kakare." ³⁸Guwacce ni, "Rwot, nen, pala lucwan tye kany aryo." En odok iye botgi ni, "Meno romo." ³⁹Yecu okato woko, ocito i wi got Jeituni macalo kite tye; lupwonnye gulubo kore. ⁴⁰Ka oo i kabedo meno, ci owaco botgi ni, "Wuleg Lubana, wek pe wudony i abita mo." ⁴¹Opokke kwedgi ma rom ki ka ma gibayo iye lakidi, ci otumo cone piny, olego ni, ⁴²Wora, ka imito, kwany kikopo man woko ki bota, ento pe obed macalo an amito; gin ma in imito aye myero otimme." ⁴³Lamalaika ma oa ki i polo onen bote kun miye tek. ⁴⁴Ka kun onono tye ki kumo twatwal, omedde ki lega matek; omioy kwok ocorre i kome macalo remo ma ton cwer i nom. ⁴⁵Ka oa ki ka lega, obino bot lupwonnyene, onono gunino woko pi cwerwiny, ⁴⁶openyogi ni, "Wunino pino? Wua, wuleg Lubana, wek pe wudony i abita mo." ⁴⁷Ka onono Yecu pud tye ka lok, lwak gubino, kun dano ma nyine Juda aye otelo wigi, en nat acel i kin jo apar wiye aryo-ni. Onyiko cok bot Yecu wek emote kun enoto leme. ⁴⁸Ento Yecu openye ni, "Juda, in idobo Wod pa dano ki noto lem?" ⁴⁹Ka jo ma i neta guneno gin ma mito timme, ci gupenyo ni, "Rwot, waton dano ki pala lucwan?" ⁵⁰Nat acel i kingi otino opii pa ajwaka madit pa Lubana, onuno ite malacuc woko. ⁵¹Ento Yecu owacci, "Ogik don ki man keken!" Obono ite, oane. ⁵²Lacen Yecu owaco bot ajwagi madito pa Lubana ki ludito pa askari me ot pa Lubana, ki ludono ma gubino i kome, ni, "Wubino i koma ki pala lucwan ki odoo-gu me maka macalo wubino i kom layak mo?" ⁵³Yam abedo kwedwu jwijwi i ot pa Lubana, pe wumaka. Ento koni aye karewu ki twero me colpiny. ⁵⁴Ci gumako Yecu, gutere, gukele i ot pa ajwaka madit pa Lubana. Petero olubo kore kun tye ki cen ka mabor. ⁵⁵Ka gimoko mac i dyekal, ma gubedo piny kacel, Petero bene obedo piny i kingi. ⁵⁶Aneca mo onene kun obedo ka ma mac ocaro; ka onye matek, ci owaco ni, "Dano man bene nakanen tye kacel kwede." ⁵⁷Ento Petero okwero woko kun waco ni, "Dako, pe aneye gira." ⁵⁸Kare okato manok, nat mukene onene, owacci, "In bene i nat acel i kingi." Ento Petero owaco ni, "Nye, an ko." ⁵⁹Ka kare okato ma mito romo cawa acel, nat mukene oloko kun moko ni, "Ada, dano man nakanen tye kacel kwede; pien en Lagalilaya." ⁶⁰Ento Petero ogamo ni, "Nye, an akwiya lok ma itye ka wacone-ni." Cutcut ma pud en waco lok man, twon gweno otugi kok. ⁶¹Rwot olokke oneno Petero. Ci Petero opo lok

pa Rwot, kit macalo nene Yecu owacce ni, “Ma nonjo twon gweno peya okok tin, ibikwera woko tyen adek kulu.”⁶² Ci okato woko okok ki cwerwiny madwon.⁶³ Jo ma gumako Yecu gunyware, gugoye; ⁶⁴guboyo waje woko bene ki kitambara kun gipenye ni, “Ka in lanebi tuci! Aja mugoyi?” ⁶⁵Guloko lok mukene mapol i kome, kun giyete.⁶⁶ Ka piny don oru, ludonjo pa lwak, kacel ki ajwagi madito pa Lubana ki lupwony-cik, gucokke kacel; gukele i nyim Lukikogi, guwaco ni, ⁶⁷“Tit botwa ka ce in aye i Kricito ma Lubana oyero.” Ento Yecu owaco botgi ni, “Ka atito botwu, wun pe wubiye; ⁶⁸ka apenyowu wun pe wubidokka iye.⁶⁹ Ento nia koni Wod pa dano bibedo piny i kabedo me deyo ka net Lubana Won Twer tun lacuc.” ⁷⁰Gin ducu gugamo ni, “Don in i Wod pa Lubana do?” Yecu ogamo ni, “Wun wuwaco ni an a en.” ⁷¹Guwaco ni, “Dok wamito caden me no? Wan don wawinyo piwa kenwa ki i doge kene.”

¹Lwak ducu gutwarre, gutero Yecu i nyim Pilato. ²Gudote kun giwaco ni, “Dano man wanono tye ka rwenyo rokwa, ogenowa ni pe wacul mucoro bot Cekar, kun lwonje kene ni en Kricito, kabaka.”³Pilato openye ni, “In i Kabaka pa Lujudaya bo?” Yecu ogamo ni, “Iwaco kakare gire.” ⁴Pilato owaco bot ajwagi madito pa Lubana ki lwak ducu ni, “Pe anono kop marac i kom dano man.” ⁵Ento gin gudiye kun giwaco ni, “Dano-nu poyo lwak, kun pwonyo i lobo Judaya ducu, cakke ki i Galilaya nio kwede wa kany.”⁶Ka Pilato owinyo lok man openyo ka gwok nyo Yecu Lagalilaya. ⁷Ka onianj ni en tye i te loc pa Kerode, ci ocwale bot Kerode, ma en kikome bene onono tye i Jerucalem i kare-nu.⁸Ka Kerode oneno Yecu, cwinye obedo yom twatwal, pien onono yam con paro pi nene, pien owinyo pire, dok onono geno ni ebineno lanyut mo ma en bitiyo. ⁹Omiyo Kerode openyo Yecu ki peny mapolpol; ento Yecu pe omedo ki dok iye lok mo. ¹⁰Ajwagi madito pa Lubana ki lupwony-cik gucun i nje kun gidote ki tek. ¹¹Kerode ki askarine bene gunjale, gunyware; guruke ki bonjo me deyo, gudwoke kwede bot Pilato. ¹²Kerode ki Pilato gudoko lurem i nino meno cut, pien yam con onono gimon kekengi. ¹³Pilato olwono ajwagi madito pa Lubana ki luloc ki lwak kacel, ¹⁴owaco botgi ni, “Wun wukelo dano man bota ni en nat ma rwenyo lwak, an apenye i nyimwu, ci nen, pe anono kop mo marac i kome i kom lok ducu ma wudote kwede.”¹⁵Kadi Kerode bene pe onono, pien Kerode odwoko en botwa. Nen, pe otimo gin mo ma myero gineke pire; ¹⁶pi meno abigoye, ci abigonye. ¹⁷I kare me karama, yam mitte ni myero ogony botgi nat acel pigi.”¹⁸Ento lwak ducu gudanje lawanjacel ni, “Tere woko! Gony botwa Baraba!” ¹⁹Baraba kono yam dano ma gitweye i mabuc pi tugo lwak i Jerucalem ki pi nek. ²⁰Pilato dok oloko botgi, kun mito gonyo Yecu; ²¹ento lwak gumedde ki danje ni “Gure woko i kom yatariya, gure woko i kom yatariya!” ²²Pilato owaco botgi tyen me adekke ni, “Piyo kaa? Otimo kit gin ano marac? An gira pe anono kop mo marac i kome ma myero gineke pire; pi meno abigoye, ci abigonye.”²³Ento lwak guwo ki danje kun gidiye ni myero figure i kom yatariya. Dwangi oloyo. ²⁴Omiyo Pilato onolo kop ni myero gitim Yecu kit macalo gimito. ²⁵Ogonyo dano ma yam gitweyo i mabuc pi tugo dano ki pi nek, ma lwak gubako doggi bote pire; ento omiyo Yecu botgi wek gutime kit macalo gimito. ²⁶Ka gitye ka tere donj woko, ci gimako Cimon, dano mo me Cirene ma onono donyo i ganj kun oa ki i kin paco, gucibo yatariya i kome, wek otin, olub ki kor Yecu. ²⁷Lwak dano madwonj gulube, ki mon mapol ma gikumo kun gikok pire. ²⁸Ento Yecu olokke botgi owaco ni, “Anyira Jerucalem, pe wukok pira, ento wukok piwu kenwu ki pi litinowu. ²⁹Pien nen, kare bibino ma gibiwaco ni, ‘Tye ki gum lulur, kiot nyodo ma pe nywal, ki tuno ma pe gidoto!’ ³⁰Lacen dano biwaco bot godi matino ni, ‘Wupot i komwa’; ki bot godi matino ni, ‘Umwa.’ ³¹Pien ka gitimo man ma yat pud dyak, bibedo ninjinj ka yat donj otwo?”³²Jo aryo mukene bene, ma lutim maraco, giterogi wek ginekgi kacel kwede. ³³Ka guo i kabedo ma gilwono Cogo Wic, figure i kom yatariya kunnu, ki lutim maraco, nat acel tunj lacuc, nat acel tunj lacam. ³⁴Yecu owaco ni, “Aba, wayi tim kica botgi, pien pe ginjeyo gin ma gitye ka tiyone.” Gubolo kwir pi poko ginarukane. ³⁵Lwak gucun kun gineno; ento luloc gunjale kun giwaco ni, “Yam olaro jo mukene, konj olarre kene ka en Kricito pa Lubana, ma en oyeroye.”³⁶Askari bene gunyware, gubino gumine konjo vino mawac, ³⁷kun giwaco ni, “Ka in i Kabaka pa Lujudaya, larre keni!” ³⁸I waraga ma giketo ka wiye, gicoyo nukuta me leb Grik, ki me leb Roma, ki me leb Ibru ni, “Man aye Kabaka pa Lujudaya.”³⁹nat acel i kin lutim maraco ma giguro kacel kwede ocaye kun waco ni, “In pe i Kricito ma Lubana oyeroye ce? Larre keni wa ki wan bene!” ⁴⁰Ento lawote-ni ojuke kun waco ni, “In pe ilworo Lubana, ma kun ginjolo kop i komi kwede ma rom? ⁴¹Wan giwa ginjolo kop i komwa kakare; pien watye ka limo cul ma myero, pi timwa; ento dano man pe otimo gin mo marac wacel.”⁴²Ci owaco ni, “Yecu, po pira ka ibidonyo i kerri.” ⁴³Yecu odok iye bote ni, “Ada, awacci ni, tin wabibedo kwedi i Paradic.”⁴⁴Ka cawa donj mito romo abicel, piny ocido macol i wi lobo ducu nio wa i cawa abonjwen, ⁴⁵kun wanj cenj oumme woko; bonjo kicika me ot pa Lubana obar, dyere opokke aryo. ⁴⁶Yecu odanje ki dwan matek, owaco ni, “Aba, amiyo cwinya i cinji!” Ka owaco lok man, ci oto. ⁴⁷Ka ladit ma loyo askari oneno gin ma otimme, opako Lubana kun waco ni, “Ada, dano man kara dano ma kite atir.”⁴⁸Lwak ducu ma gucokke ka nene, ka guneno gin ma otimme, gudok paco kun gidono korgi. ⁴⁹Lureme ducu ki mon ma yam gubino kwede nia i Galilaya, gucun ki cen kun gineno gin man. ⁵⁰I kare-nu onono dano mo ma nyije Yucepu tye kunnu ma oa ki i ganj mo pa Lujudaya ma gilwono Arimataya. En onono nat acel i kin jo ma bedo i Lukiko, en dano maber, dok kite atir, ⁵¹yam pe ocwako tamgi kadi ki ticgi, ento onono kuro ker pa Lubana. ⁵²Dano man ocito bot Pilato, olego pi kom Yecu. ⁵³Okwanye ki i kom yatariya, ci oboye ki bonjo camanini malenje, ka opyele i lyel ma gikwinyo i got, ka ma peya gipyelo iye kom nat mo. ⁵⁴Nino-nu onono nino me Yubbe, cabit bene onono donj cok cakke. ⁵⁵Mon ma yam gubino kwede nia ki i Galilaya, guneno lyelle, ki kit ma gipyelo kwede kome; ⁵⁶gudok, guyubo anjece ki moo wir. I cabit, guywe kit macalo cik tye.

¹I nino mukwoŋo me cabit, mon gupuk kwarpiny, gubino i wi lyel, kun gikelo anwecegi ma guyubo. ²Gunonjo ni giloro got woko ki i dog lyel, ³ento ka gudonyo iye, pe gunonjo kom Rwot Yecu. ⁴Ka ononjo pud guro lok man, nen, co aryo gucuŋ i ŋetgi ma guruko jor ma ryeny lidanjan. ⁵Ka komgi oryanŋe, ci guryebbe piny, co-nu gupenyogi ni, “Piŋo wuyenyo dano makwo i kin jo muto?” ⁶En pe tye kany, ento ocer woko. Wupo lok ma yam en owaco botwu i kare ma pud en tye i Galilaya, ⁷ni, Wod pa dano myero gimiye i ciŋ lubalo, gigure i kom yatariya, ki cer woko i nino me adekke.” ⁸Gupo lokke, ⁹ka gua ki i wi lyel gudok, gutito lok man ducu bot jo apar wiye acel ca, ki bot jo mukene ducu. ¹⁰Jo ma yam gutito lok man bot lukwena gin aye Maliam Lamagdala, Joana, ki Maliam min Yakobo, ki mon mukene ma ononjo tye kwedgi. ¹¹Lokdgi obedo calo lok miŋo ki bot lukwena, pe guye lokgi. ¹²Ento Petero oa, oriŋo wa i wi lyel; ka ocuŋ oneno lyel, oneno boŋŋi camanini ma tye kengi pat; odok paco kun uro gin ma otimme. ¹³I nino-nu kikome jo aryo ki i kingi ononjo nene gicito i paco ma gilwoŋo ni Emau, ma mito romo mairo abiro ki i Jerucalem, ¹⁴kun giboko lok kekengi i kom gin ma otimme. ¹⁵Ka kun giboko lok ma bene gilaro kacel, Yecu kikome onyiko cok, owoto kwedgi. ¹⁶Ento waŋgi oumme woko, pe guŋeye. ¹⁷Owaco botgi ni, “Wularo lok aŋo kekenwu kun wutye ka wot-ti?” Gucuŋ ma waŋgi nen ki can. ¹⁸ŋat acel i kingi ma nyiŋe Kelopa, odok iye bote ni, “In i welo keni i Jerucalem ce, ma pe iŋeyo lok ma otimme kunnu i kare man?” ¹⁹Yecu openyogi ni “Gin aŋo?” Gudokke iye ni, “Lok i kom Yecu Lanajaret, ma yam obedo lanebi matek i lokke ki i ticce i nyim Lubana, ki i nyim dano ducu, ²⁰ki kit ma ajwagi madito pa Lubana ki lulocwa gudobe wek giŋol kop i kome me neke, gugure i kom yataria. ²¹Ento yam wageno ni en aye ŋat ma bikoko Irael. Iyo, medo i kom meno ducu, tin doŋ nino me adek nia ma lok man otimme. ²²Mon mogo i kinwa bene gumiyowa ur. Gupuk i wi lyel odiko con, ²³pe gunonjo kome; gudwogo cen kun giwaco ni guneno lumalaika ma onyutte botgi, kun giwaco ni en kwo gire. ²⁴Jo mukene ma ononjo tye kacel kwedwa gucito i wi lyel, gunonjo tye kit macalo mon guwaco; ento pe guneno kome.” ²⁵Yecu owaco botgi ni, “Wun lumin, ki luwackom i cwinywu pi ye lok ducu ma lunebi yam guloko! ²⁶Pe myero ni Kricito ma Lubana oyero onen can magi, wek odony i deyone?” ²⁷Cakke wa i kom Moses, ki lunebi ducu, en ogonyo botgi lok ducu ma i ginacoya ma mako kome. ²⁸Ka gunyiko cok ki paco ma ononjo gicito iye-ni, Yecu otimo macalo mito kato akata ki wotte, ²⁹ento gudiye matek kun giwaco ni, “Bed botwa, pien piny doŋ cok yuto, cen bene doŋ cok poto woko.” Odonyo i ot obedo kwedgi. ³⁰Ka tye i dog cam kacel kwedgi, omako mugati, opwoyo, obaro iye, omiyo botgi. ³¹Waŋgi oyabbe, guŋeye; ci cutcut orwenyo woko ki i waŋgi. ³²Gupennye kekengi ni, “Cwinywa nakanen pe obedo ka pukke i kare ma en tye ka lok kwedwa i waŋayo, kun yabbiwa ginacoya?” ³³Gua i cawa-nu, gudok i Jerucalem; gunonjo jo apar wiye acel ca gucokke kacel, ki jo ma ononjo tye botgi. ³⁴Jo-nu guwaco ni, “Rwot ocer ada, onyutte bot Cimon!” ³⁵Gutito lok ma otimme i waŋayo, ki kit ma giŋeye kwede i kare ma obaro mugati. ³⁶Ka pud gitye ka loko lok man, Yecu kikome ocuŋ i kingi, owaco botgi ni, “Kuc obed i komwu!” ³⁷Ento komgi oto woko lirut, gulworo kun gitamo ni gineno tipo. ³⁸Yecu openyogi ni, “Piŋo cwinywu opoto? Piŋo wupennye kekenwu i cwinywu?” ³⁹Wunen ciŋa, ki tyena, man an kikoma; wubona, wunena; pien tipo pe tye ki kom ki cogo kit macalo wuneno an atye kwede.” ⁴⁰Ka doŋ owaco lok man, ci onyuto ciŋe ki tyene botgi. ⁴¹Ento ka pud peya giye pi yomcwiny, kun giuro, owaco botgi ni, “Wutye ki gin mo kany me acama?” ⁴²Gumiye but rec ma gubulo, ⁴³ogamo, ci ocamo i nyingi. ⁴⁴Lacen owaco botgi ni, “Man aye lokka ma yam aloko botwu i kare ma ononjo pud atye kwedwu, ni, lok ducu ma gicoyo i koma i cik pa Moses, ki i lunebi, ki i jabuli myero ocobbe kakare.” ⁴⁵Oyabo tamgi wek ginian ginacoya, ⁴⁶owaco botgi ni, “Yam gicoyo kit man ni, Kricito ma Lubana oyero myero onen can, ci i nino me adekke myero ocer ki i kin jo muto, ⁴⁷dok myero gitit lok i kom ŋut ma kelo weko bal i nyiŋe bot rok ducu kun gicako ki i Jerucalem. ⁴⁸Wun wucaden me lok man. ⁴⁹Nen, abicwalo botwu gin ma Wora ociko; ento myero wubed i Jerucalem, nio ka gibirukowu ki tek ma a ki i polo.” ⁵⁰Lacen oterogi woko nio wa Betania, otino ciŋe malo olamo gum i komgi. ⁵¹Ma kun pud lamo gum i komgi, ci opokke woko ki botgi, [gitine, gitere i polo. ⁵²Guwore, lacen gudwogo i Jerucalem ki yomcwiny madwon, ⁵³guri i ot pa Lubana jwijwi, kun gipwoyo Lubana.

Lakana

1

¹I acakki piny Lok ononjo tye, Lok tye bot Lubana, Lok en Lubana. ²En cen tye bot Lubana i acakki piny; ³jami ducu en aye cen otiyo, pe tye gin mo ma cen giketo labonjo en. ⁴I en con tye kwo, kwo meno con cen pa dano. ⁵Cen oryeny i piny macol, ento piny macol pe ogeŋo ryeny. ⁶Yam tye dano mo ma Lubana ooro, nyiŋe Jon. ⁷En obino pi bedo caden me tito lok i kom cen, wek dano ducu guye pi lokke. ⁸En kikome ononjo pe cen, ento obino pi tito lok me caden i kom cen. ⁹Cen me ada ma menyo dano ducu ononjo oebino i lobo. ¹⁰En con tye i lobo, en aye cen otiyo lobo, ento lobo pe obedo ki ŋec i kome. ¹¹En obino tugi, ento jone pe gujole. ¹²Ento dano ducu ma cen gujole, ma

guye nyiŋe, omiyogi twero me doko litino pa Lubanja; ¹³ma pe ginywalogi ki remo, kadi pi miti me kom, kadi pi mit pa dano, ento pi miti pa Lubanja. ¹⁴Lok odoko dano, obedo i kinwa, kun opon ki kica ki ada; wan waneno deyone, deyo macalo pa latin acel keken ma oa bot Won. ¹⁵Jon obolo lok me caden i kome kun danŋe ni, “Man aye ŋat ma yam atittiwu pire ni, ‘ŋat ma bino i ŋeya kata ki dit, pien en okwoŋo nyima con.’” ¹⁶Nia i lonyone mapol wan ducu gimiyowa kica i kom kica. ¹⁷Pien cik yam gimiyow kun wok ki bot Moses, ento kica ki ada, Yecu Kricito aye okelo. ¹⁸Pe tye ŋat mo ma yam oneno Lubanja; Wod acel keken, ma tye i kor Won, omiyo Won onene. ¹⁹Man lok me caden ma Jon obolo, ka Lujudaya guoro ajwagi ki jo Levi nia Jerucalem pi penye ni, “In aŋa?” ²⁰En otuco ka malen, pe omuŋo, otuco ni, “An pe a Kricito ma Lubanja oyero.” ²¹Gupenye ni, “In don aŋa? In Elia bo?” En odok iye ni, “Pe.” “In lanebi meno?” En ogamo ni, “Pe.” ²²Dok gupenye ni, “In aŋa kaa? Tittiwa, wek wadwok lok bot jo muorowa. Ilwoŋŋe kekeni ni in aŋa?” ²³En odok iye ni, “An a dwan ŋat ma danŋe i tim ni, ‘Wutir yo pa Rwot ocun atir,’ macalo lanebi Icaya owaco.” ²⁴Jo mogo ma ceŋ gioro nia i kin Luparicayo ²⁵gupenye ni, “Don piŋo ibatija dano, ka in pe i Kricito ma Lubanja oyero, nyo Elia, nyo lanebi meno?” ²⁶Jon odokkigi iye ni, “An abatija dano ki pii; ento i kinwu ocun ŋatti mo ma wun wukwiya, ²⁷en aye ŋat ma bino ki i ŋeya, ma an pe amyero ka gonyo del warre.” ²⁸Lok man ducu otimme i Betania loka Jordan, ka ma Jon yam obedo ka batija iye dano. ²⁹Orwone Jon oneno Yecu kun woto bino tun bote, owaco ni, “Nen Latinromo pa Lubanja ma kwanyo bal me lobo!” ³⁰Man aye ŋat ma yam awaco pire ni, ‘I ŋeya bibino ŋat ma kata ki dit, pien en okwoŋo nyima con.’” ³¹An kikoma onono pe aŋeye, ento pi lok man omiya abino kun abatija dano ki pii, wek ginyute bot jo Icrael.” ³²Jon otito lok me caden i kome ni, “Ceŋ aneno Cwiny Malen kun bino nia ki i polo macalo amam, opye, obedo i kome.” ³³An kikoma yam pe aŋeye; ento ŋat ma oora ka batija dano ki pii-ni owacca ni, ‘ŋat ma ibineno Cwiny Malen bino, pye, bedo i kome, en aye ŋat ma bibatija dano ki Cwiny Malen.’” ³⁴Don aneno, dok atito lok me caden i kome ni, man en Wod pa Lubanja.” ³⁵Orwone doki, Jon ka ocun ki jo aryo i kom lupwonnyene, ³⁶oneno Yecu kun woto, owaco ni, “Nen Latinromo pa Lubanja!” ³⁷Lupwonnyene meno aryo guwinyo kun waco lok man, ci gulubo Yecu. ³⁸Yecu olokke, onenogi kun gilube, openyogi ni, “Wuyenyo aŋo?” Gin gupenye ni, “Rabbi (ma te lokke ni, Lapwony) ibedo kwene?” ³⁹Odok ki gin ni, “Wubin, wunen.” Gubino, guneno ka ma en onono bedo iye; ci gubedo bote i nino meno, pien cawa don onono cok romo apar. ⁴⁰ŋat acel i kin jo aryo ma yam guwinyo Jon kun loko, ci gulubo Yecu, onono Anderiya, omin Cimon Petero. ⁴¹En okwoŋo onono ominne Cimon, owacce ni, “Watyeko onono Meciya” (ma te lokke ni, Kricito). ⁴²En okele bot Yecu. Yecu onene, owacce ni, “In aye Cimon, wod pa Jon? Gibilwoŋi ni, Kepa” (ma te lokke ni, Petero). ⁴³Orwone Yecu omito cito i Galilaya. Orwatte ki Pilipo, owacce ni, “Luba.” ⁴⁴Pilipo yam Labetecaida, ma ganŋi kacel ki Anderiya ki Petero. ⁴⁵Pilipo onono Natanael, otitte ni, “Watyeko onono ŋat ma Moses yam ocoyo pire i cik, ma lunebi bene gucoyo pire, en aye Yecu me Najaret, wod pa Yucepu.” ⁴⁶Natanael openye ni, “Gin mo maber twero katti ki i Najaret?” Pilipo odokke iye ni, “Bin, inen.” ⁴⁷Yecu oneno Natanael kun bino bote, oloko i kome ni, “Nen Laicrael me ada, ma pe tye ki goba mo i cwinye!” ⁴⁸Natanael openye ni, “Ineya niŋniŋ?” Yecu odokke iye ni, “Ma peya Pilipo olwoŋi, kun ibedo i te olam, an aneni.” ⁴⁹Natanael odokke iye ni, “Lapwony, in giri i Wod pa Lubanja. In i Kabaka me Icrael!” ⁵⁰Yecu odokke iye ni, “In iye pien awacci ni, ‘Aneni kun ibedo i te olam?’ Ibineno lok madito makato magi.” ⁵¹Dok owacce ni, “Adada awacciwu ni, wubineno polo kun oyabbe, kun lumalaika pa Lubanja giito dok gilor piny i kom Wod pa dano.

2

¹I nino me adekke nyom obedo i Kana, gaŋ mo me Galilaya. Min Yecu onono tye kunnu, ²Yecu ki lupwonnyene bene gilwonogi i nyom. ³Ka koŋo vino otum, min Yecu otitte ni, “Vinogi doŋ pe.” ⁴Yecu odokke iye ni, “Maa, walaro aŋo wan kwedi? Cawana pud peya oromo.” ⁵Minne ociko lutic ni, “Wutim gin ducu ma en biwacciwu.” ⁶Onono tye kunnu dak pii me got abicel ma gicibo pi kit me lonnye pa Lujudaya; i dak acel acel twero a iye agulu abic nyo abicel. ⁷Yecu owaccigi ni, “Wuony pii i dak” Guonyo opon woko libyeny. ⁸Owaccigi ni, “Doŋ wutwom, wuter bot ladi me nyom”; gutero. ⁹Ka ladi me nyom obilo pii ma doŋ olokke odoko vino, kun pe oŋeyo ka ma oa iye (ento lutic ma gutwomo pii giŋeyo), ladi me nyom olwonŋo lanyom. ¹⁰owacce ni, “Dano ducu koŋ kwoŋo miyo jo vino mamit; ka doŋ dano gumato oromogi, ka gikelo ma pe mit twatwalle; ento in ikano meri vino maber nio koni.” ¹¹Lanyut meno mukwonŋo Yecu otiyo i Kana me Galilaya, kun nyuto kwede deyone; lupwonnyene guye en. ¹²Ka man otum, Yecu ocito i Kapernaum kacel ki minne ki omegine ki lupwonnyene; guri kunnu pi kare manok. ¹³Kato (Paska) pa Lujudaya onono doŋ tye cok, omiyo Yecu ocito malo i Jerucalem. ¹⁴I ot pa Lubana onono tye iye jo ma cato twoni ki romi ki amam, ki lulok-cente ma gubedo piny. ¹⁵Yecu okedo anino ogwil matino, ci oryemogi ducu woko ki i ot pa Lubana, kacel ki romi ki twoni. Oketo lim pa lulok-cente, oryebome jagi. ¹⁶Ociko lucat amam ni, “Teru jami magi woko, pe wulok ot pa Abana odok cuk.” ¹⁷Lupwonnyene gupo lok ma yam gicoyo ni, “Arima pi odi mito neka woko.” ¹⁸Pi man Lujudaya gupenye ni, “Lanyut aŋo ma inyuttiwa ma omiyo itiyo jami magi?” ¹⁹Yecu ogamo doggi ni, “Wuket ot pa Lubana man woko, an abigerone pi nino adek.” ²⁰Lujudaya guwacce ni, “Ot pa Lubana man gigerome pi mwaka pyeraŋwen wiye abicel kulu. In ibigerone pi nino adek keken?” ²¹Ento en onono loko pi kome ma ot pa Lubani. ²²Ka doŋ gicere ki i kin jo muto, lupwonnyene gupo ni yam owaco lok man; ci guye ginacoya ki lok ma yam Yecu oloko. ²³Ka onono en tye i Jerucalem i nino madit me Kato (Paska), jo mapol guye nyiŋe pi neno lanyut ma en obedo ka tiyogi; ²⁴ento Yecu kikome pe obedo ki gen i komgi, ²⁵pien en neyo jo ducu, pe omi to ni ŋat mo otit lok i kom dano mo bote, pien en kikome neyo gin ma tye i cwiny dano.

3

¹Ceŋ tye dano mo i kin Luparicayo ma nyiŋe Nikodemo, ma en ŋat acel i kin jo madito me Judaya. ²En obino bot Yecu dyewor, owacce ni, “Lapwony, waŋeyo ni in lapwony ma ia ki bot Lubaja; pien pe tye ŋatti mo ma twero tiyo lanyut meno ma in itiyo, ka Lubaja pe tye kwede.” ³Yecu odokke iye ni, “Adada awacci ni, dano ka pe ginywale tyen me aryo* pe twero neno ker pa Lubaja.” ⁴Nikodemo openye ni, “Dano gitwero nywale niŋniŋ ka doŋ oti? Twero donyo doki i ot nyodo pa minne tyen me aryo, ci ginywale?” ⁵Yecu odok iye ni, “Adada awacci ni, dano ka pe ginywale ki pii ki Cwiny, pe twero donyo i ker pa Lubaja. ⁶Ma ginywale ki kom en kom, ma ginywale ki Cwiny en cwiny. ⁷Pe inŋur pien awacci ni, ‘Myero ginywalwu tyen me aryo.’ ⁸Yamo kodo dok ka ma en mito; iwinyo dwane, ento pe inŋeyo ka ma oa iye, nyo ka ma dok iye; dano ducu ma ginywale ki Cwiny tye kamento.” ⁹Nikodemo openye ni, “Man twero timme niŋniŋ?” ¹⁰Yecu odokke iye ni, “In lapwony pa Irael, pe inŋeyo lok man? ¹¹Adada awacci ni, wan waloko i kom gin ma waŋeyo, wabedo caden i kom gin ma waneno, ento wun pe wuye lok ma watito botwu. ¹²Ka attitiwu lok me lobo, wun pe wuye, wubiye niŋniŋ ka attitiwu lok me polo? ¹³Pe tye ŋat mo ma yam oito i wi polo, kono en ma ceŋ olor piny nia ki i polo, en aye Wod pa dano, ma bedo i polo. ¹⁴Kit macalo Moses yam otiŋo twol malo i tim-mi, Wod pa dano bene myero gitŋe malo kumeno, ¹⁵wek dano ducu ma ye en olim kwo ma pe tum.” ¹⁶Pien Lubaja con omaro lobo kumeno, omiyo iye Wode acel keken, wek dano ducu ma ye en owek to, ento obed ki kwo ma pe tum. ¹⁷Lubaja pe ooro Wode i lobo ni oŋol kop i kom lobo, ento wek lobo olarre pi en. ¹⁸ŋat ma ye en pe doŋ giŋolo kop i kome, ento ŋat ma pe ye en, doŋ giŋolo kop oloye con; pien pe oye nyiŋ Wod acel keken pa Lubaja. ¹⁹ŋolo kop tye kit man, ceŋ con obino i lobo, ento dano gumaro piny macol makato ceŋ, pien timgi rac. ²⁰Pien dano ducu ma timo gin marac dag ceŋ, pe bino i ceŋ, wek timme pe onen ka maleŋ. ²¹Ento ŋat ma timo gin me ada bino i ceŋ, wek ticce onen ka maleŋ, ni en tiyo i Lubaja. ²²Ka man otum, Yecu ocito i lobo Judaya kacel ki lupwonnyene; obedo kwedgi kunnu kun batija dano. ²³Jon bene onoŋo tye ka batija dano i Ainon, cok ki Calim; pien pii onoŋo dwon kunnu, dano gubino, en obatijagi. ²⁴Onoŋo peya gitweyo Jon i mabuc. ²⁵Pyem ocakke i kin lupwonnye mogo pa Jon ki Lajudaya mo i kom lok me lonnye. ²⁶Gubino bot Jon, guwacce ni, “Lapwony, ŋat ma ceŋ itye kwede loka Jordan, ma ceŋ ibolo lok me caden i kome-ni, nen, en tye ka batija dano, jo ducu gibino bote.” ²⁷Jon odok iye ni, “Dano pe twero noŋo gin mo pire kene, ka pe gimiye nia ki i polo. ²⁸Wun kikomwu onoŋo wubedo cadenna ni yam atito ni, ‘An pe a Kricito ma Lubaja oyero ento giora akwoŋo nyime’. ²⁹ŋat ma cuŋ i ŋet nyako aye lanyom; larem lanyom ma cuŋ i ŋete kun winye, cwinye bedo yom twatwal pi winyo dwan lanyom; pi meno an bene cwinya yom kakare. ³⁰En myero omedde, ento an myero adok piny.” ³¹ŋat ma oa ki malo loyo ducu; ŋat ma oa i lobo en dano me lobo, loko lok me lobo; ŋat ma oa i polo loyo ducu. ³²En bedo caden i kom gin ma oneno ki i kom gin ma owinyo, ento pe tye ŋat mo ma ye lok ma en otito. ³³ŋat ma ye lokke, nyuto tamme ni, Lubaja en me ada. ³⁴ŋat ma Lubaja ooro loko lok pa Lubaja, pien Lubaja pe miyo Cwiny kun pimo apima. ³⁵Won omaro Wod, ci omiyo jami ducu i ciŋe. ³⁶Dano ma ye Wod tye ki kwo ma pe tum; ŋat ma pe winyo dog Wod, pe bineno kwo, ento kiniga pa Lubaja bedo i kome.

¹Ka Rwot onjejo ni Luparicayo guwinyo ni Yecu tye ka loko jo mapol doko lupwonnyene ki batijagi, makato Jon, ²(kun Yecu kikome pe obatija dano, kono lupwonnyene aye gubatijagi), ³ci en oa ki i lobo Judaya, odok i Galilaya. ⁴Cen myero en onjol ki i Camaria. ⁵Obino i ganj mo me Camaria ma nyinje Cukar, cok ki poto ma Yakobo yam omiyo bot wode Yucepu. ⁶Wanj it pa Yakobo onono tye kunnu; Yecu ool ki wot, ci obedo piny i net wanj it. Onono donj cawa oromo ka abicel. ⁷Dako mo me Camaria obino ka twomo pii. Yecu owacce ni, “Miya pii, amati.” ⁸Pien onono lupwonnyene gucito i ganj ka wilo cam. ⁹Dako Lacamaria openye ni, “In Lajudaya ikwaya pii piyo, ma kun an a dako me Camaria?” Pien Lujudaya pe gimer ki Lucamaria. ¹⁰Yecu odok iye bot dako ni, “Kono yam injejo mot ma Lubanja miyo, dok ka kono inianj i kom njat ma kwayi ni, ‘Miya pii, amat-ti’, kono ikwayo en, kono omii pii me kwo.” ¹¹Dako odokke iye ni, “Ladit, in ipe ki gitwomo, wanj it bene tut; inono pii me kwo meno ki kwene?” ¹²In i dit ikato kwarowa Yakobo, ma yam omiyowa wanj it man, ma omato piine, en ki litinone ki lwak limme?” ¹³Yecu odokke iye ni, “Dano ducu ma mato pii man, orwo dok bineke aye; ¹⁴ento dano ma bimato pii ma an abimiye, orwo pe bineke nino ducu. Pii ma an abimiye, bidoko wanj it ma gunnye i iye nio wa i kwo ma pe tum.” ¹⁵Dako okwaye ni, “Ladit, miya pii meno, wek orwo pe dok oneka, awek bino wa kany ka twomo pii.” ¹⁶Yecu owacce ni, “Cit ilwonj cwari, ci idwog kany.” ¹⁷Dako odokke iye ni, “An cwara pe.” Yecu owaco ki dako ni, “Iwaco kakare ni cwari pe. ¹⁸Yam ibedo ki co abic, man ma koni itye kwede-ni pe cwari; man iwaco kakare.” ¹⁹Dako owacce ni, “Ladit, aneno in giri lanebi. ²⁰Kwariwa yam giworo Lubanja i kom got man, ento wun wuwaco ni kabedo ma myero giwor iye Lubanja tye i Jerucalem.” ²¹Yecu ogamo dog dako ni, “Dako, ye lokka; kare bibino ma pe wubiwor Won i kom got man, kadi i Jerucalem. ²²Wun wuworo gin ma pe wunjejo, wan waworo gin ma wanjajo, pien larre oa ki bot Lujudaya. ²³Ento kare bibino, dok bene donj oo, ma ka jo ma woro i ada gijiwor Won i cwiny ki ada, pien Won yeno jo macalo meno pi wore. ²⁴Lubanja en cwiny, jo ma wore myero guworo i cwiny ki ada.” ²⁵Dako owacce ni, “Anjejo ni Meciya bibino (en ma gilwono Kricito); en ka bibino, bitittiwa lok ducu.” ²⁶Yecu odokke iye ni, “An a en ma loko kwedi-ni.” ²⁷Cutcut lupwonnyene gubino. Ci guuro pien onono en tye ka lok ki dako, ento pe tye njat mo i kingi ma owaco ni, “Imito anjo?” nyo ni, “Piyo iloko kwede?” ²⁸Dako oweko agulu piine, ocito i ganj, owaco bot dano ni, ²⁹“Wubin, wunen laco mo-ni ma otitta gin ducu ma yam atiyo. Man mono pe en aye Kricito ma Lubanja oyero?” ³⁰Dano gua ki i ganj, gucito bote. ³¹I kine-nu lupwonnyene gubako doggi bote kun giwaco ni, “Lapwony, cam ba.” ³²Ento en owaccigi ni, “Atye ki cam ma acamo ma wun pe wunjejo.” ³³Omiyo lupwonnyene gupenye kekengi ni, “njatti mo okelle cam?” ³⁴Yecu owaco botgi ni, “Camma en tiyo gin ma njat ma oora mito, ki cobo ticce. ³⁵Wun pe wuwaco ni, ‘Pud ononj dwe anwen me cako kac’? Atittiwu ni, wutinj wanjwu malo, wunen kit ma donj poto oceki kwede me akaya. ³⁶njat ma kayo limo mucara, coko nyig pi kwo ma pe tum, wek lacoyone ki lakayone igi obed yom kacel. ³⁷Pien carolok man tye kakare. ni, ‘Lacoyo pat, lakayo pat.’ ³⁸Cen aorowu ka kayo gin ma yam pe wucanne iye; jo mukene gucanne iye, wun wudonyo i cannegi.” ³⁹Lucamaria mapol ma i ganj meno guye en pi lok pa dako, ma owaco ni, “Otitta gin ducu ma yam atiyo.” ⁴⁰Ka Lucamaria gubino bote, gukwaye ni konj myero obed kwedgi; ci en ori kunnu nino aryo. ⁴¹Jo mukene mapol guye en pi lokke. ⁴²Guwaco bot dako ni, “Koni pe waye pi lokki keken, pien wawinyo giwa ki itwa, donj watyeko nianj ni, ada dano man en Lalar me lobo.” ⁴³Lacen ka nino aryo meno okato, en ocito i Galilaya. ⁴⁴Pien Yecu kikome otito ni, “Lanebi mo pe ma giketo deyo kome i lobo tugi.” ⁴⁵Ka obino i Galilaya, Lugalilaya gujole, pien guneno gin ducu ma en otiyo i Jerucalem i kare me nino madit, pien gin bene cenj gucito pi kwero nino madit. ⁴⁶En dok odwogo i Kana me Galilaya ka ma yam oloko iye pii odoko konjo vino. Yam tye latic mo madit i kal pa kabaka ma kom wode lit i Kapernaum. ⁴⁷Ka owinyo ni Yecu oa i Judaya, obino i Galilaya, ocito obako doge bote ni obin ocanj wode, pien onono donj cok to. ⁴⁸Yecu odokke iye ni, “Ka pe wuneno lanyut ki tano, ci pe wubiye kadi matidi mo.” ⁴⁹Latic i kal owacce ni, “Ladit, bin ma peya latinna oto.” ⁵⁰Yecu owacce ni, “Cit giri, wodi bikwo.” Dano meno oye lok ma Yecu owacce, ci ocito. ⁵¹Ka pud tye ka bino i yo, orwatte ki luticce. Guwacce ni, “Latinni donj kwo.” ⁵²En openyogi cawa mene ma twone ocako dok cen. Gin gugamo ni, “Laworo cawa abiro aye lyeto oa ki i kome.” ⁵³Wonne onianj ni meno aye cawa ma Yecu owacce iye ni, “Wodi bikwo”; omiyo en ki jo ma i ode ducu guye. ⁵⁴Man donj lanyut me aryo ma Yecu otiyo ka oa ki i Judaya, obino i Galilaya.

¹Lacen ka man otum, Yecu ocito i Jerucalem pi nino madit pa Lujudaya ma onono tye. ²I Jerucalem, i net dogcel me romo, yam tye iye kut ma gilwono i dog jo Ibru ni Beteceda, ma tye iye bolo abic. ³Lwak lutwo mapol onono buto iye, lutowan, lunolo ki lugoro, [ma gikuro twagge me pii. ⁴Pien kare mogo lamalaika pa Rwot bino i kut, rubo pii. nat ma okwono lutte i pii kun pud girubo aruba, can i kom kit two ducu ma yam tye i kome. ⁵Onono tye kunnu laco mo ma twone don ori i kome mwaka pyeradek wiye aboro. ⁶Ka Yecu onene kun obuto, dok onoyo ni en ori kunnu pi kare malac, openye ni, "Imito ican?" ⁷Latwo ogamo ni, "Ladit, pe atye ki nat ma bola i kut ka pii orubbe. Ka atye ka komo, nat mukene dok kwono lenye iye i nyima." ⁸Yecu odokke iye ni, "A, ikwany gibutoni, iciti." ⁹Oyotoyot dano meno ocan; okwano gibutone, ocito gire. Onono ninone cej cabit. ¹⁰omiyo Lujudaya guwaco bot dano ma gicanjo ni, "tin cabit, cik pe ye ni ikwany gibutoni." ¹¹Ento en odok ki gin ni, " nat ma ocan aye owacca ni, 'Kwany gibutoni, iciti.'" ¹²Gupenye ni, "Dano meno ma owacci ni, 'Kwany gibutoni, iciti-ni', en anja?" ¹³Dano ma gicanjo pe neyo nat ma ocan, pien onono Yecu ocito gire woko, lwak onono opon kunnu. ¹⁴Lacen Yecu onono i ot pa Lubana, owacce ni, "Nen, don ican. Pe dok ibal, wek gin marac makato meno pe opot i komi." ¹⁵Danonu ocito, otito bot Lujudaya ni, "Yecu aye ocan." ¹⁶En aye gin mumiyo Lujudaya gulibo Yecu, pien otimo jami magi i cabit. ¹⁷Ento Yecu odokkigi iye ni, "Wora tye ka tic nio koni, an bene atye tic." ¹⁸En gin mumiyo Lujudaya dok gumedde ka yenyo yo me neke, pe pi turo cabit keken, ento bene pi lono Lubana ni wonne, ma kun kette kene ni erom ki Lubana. ¹⁹Yecu odok iye ni, "Adada awacciwu ni, Wod pe twero tiyo gin mo pire kene, ento tiyo gin ma eneno Won tiyo; pien gin ma en tiyo, Wod bene tiyo kit meno." ²⁰Won maro Wod, ci nyutte gin ducu ma en tiyo; dok binyutte tic madito makato magi, wek wuur. ²¹Pien macalo Won cero jo muto, miyogi kwo, kit meno Wod bene miyo kwo bot jo ma en mito. ²²Won pe nolo kop i kom dano mo, ento don otyeko miyo twer me nolo kop ducu bot Wod, ²³wek dano ducu oket deyo i kom Wod, macalo giketo deyo i kom Won. nat ma pe keto deyo i kom Wod, pe keto deyo i kom Won ma cej oore. ²⁴Adada awacciwu ni, dano ma winyo lokka, ma ye nat ma oora, tye ki kwo ma pe tum; pe gibanolo kop i kome, ento don oa i to, oo i kwo. ²⁵Adada awacciwu ni, kare bibino, dok bene don oo, ma jo muto biwinyo iye dwan Wod pa Lubana; jo ma guwinyo bikwo. ²⁶Pien macalo Won tye ki kwo i iye kene, kit meno en bene omiyo Wod bedo ki kwo i iye kene, ²⁷dok omine twer me nolo kop, pien en Wod pa dano. ²⁸Pe wuur lok man; pien kare bibino ma jo ducu ma tye i lyel biwinyo iye dwane. ²⁹ci gibikatti woko. Jo ma cej gutimo maber bidonyo i cer me kwo, jo ma cej gutimo marac bidonyo i cer me nolo kop. ³⁰"An pe atwero tiyo gin mo pira kena; anolo kop kit macalo awinyo; kop ma anolo tye atir, pien pe ayenyo yo me tiyo gin ma iya mito kena, ento ma nat ma cej oora mito. ³¹Ka abolo lok i koma kena, lok ma abolo pe bedo me ada. ³²Tye nat mukene ma en aye cadenna, aneyo ni lok ma en bolo i koma lok me ada. ³³Wun cej wuoro kwena bot Jon, en obolliwu lok me ada me caden. ³⁴An pe aye lok ma dano bolo i koma; ento awacciwu lok magi wek wularre. ³⁵En cej tara ma gicwinyo, ma lyel, yam wumito bedo ki yomcwiny pi kare manok i dero macce. ³⁶Ento atye ki lok me caden ma pire dit makato pa Jon; pien tic ma Won omiya me acoba, tic magi kikongi ma atye ka tiyogi, bedo caden i koma ni Won aye oora. ³⁷Doki Won ma cej oora en kikome obedo cadenna. Wun yam pe wuwinyo dwane, pe wuneno wa calle; ³⁸pe wubedo ki lokke i iwu, pien pe wuye nat ma en ooro. ³⁹Wuyenyo i ginacoya, pien wutamo ni i gin wutye ki kwo ma pe tum, kun gin aye caden ma tito lok i koma; ⁴⁰ento wukwero bino bota, wek wulim kwo. ⁴¹An pe alimo deyo ki bot dano, ⁴²ento aneyo ni pe wutye ki mar pa Lubana i iwu. ⁴³An abino i nyin Wora, ento wun pe wujola; ka nat mukene obino i nyine kene, wun wubijole. ⁴⁴Wun wutero ye ninin, ka nat acel limo deyo ki bot lawote, ento pe wuyenyo deyo ma a bot Lubana ma en acel keken? ⁴⁵Pe wutam ni abidotowu bot Won; nat ma dotowu en Moses, ma wun wugeno. ⁴⁶Ka kono wuye Moses, kono wuye an bene; pien en ocoyo lok i koma. ⁴⁷Ento ka pe wuye lok ma en ocoyo, wubiye ninin lok ma an attitiwu?"

¹Ka man otum, Yecu ocito loka nam Galilaya, ma en nam me Tiberia. ²Lwak madwoŋ olube, pien ceŋ guneno lanyut ma en otiyo i kom lutwo. ³Yecu oito malo i wi got, obedo piny kunnu kacel ki lupwonnyene. ⁴Kato (Paska), ma en nino madit pa Lujudaya, onono doŋ cok. ⁵Ka Yecu otiŋo waŋe, oneno lwak madwoŋ kun bino bote, openyo Pilipo ni, “Wabiwilo kwon kwene wek jo man ocam?” ⁶En oloko lok man pi teme, pien en kikome onono ŋeyo gin ma ebitiyo. ⁷Pilipo odokke iye ni, “Kwon me denari miya aryo pe biromogi, wek ŋat acel acel ogam manok.” ⁸ŋat acel i kin lupwonnyene, en Anderiya omin Cimon Petero, owacce ni, ⁹“Latin awobi mo tye kany, ma tye ki mugati abic me cayiri, ki rec aryo; ento magi konyo aŋo bot lwak ma rom man?” ¹⁰Yecu owacci, “Wuwek lwak obed piny.” Lum onono olot twatwal i kabedo meno; dano ma gubedo piny welgi mito romo alip abic. ¹¹Lacen Yecu okwanyo mugati, opwoyo, opoko bot jo ma gubedo piny, ki rec bene, kit macalo gimito. ¹²Ka doŋ guyeŋ, ci owaco bot lupwonnyene ni, “Wucok ŋide ma odoŋ, gin mo owek rwenyo.” ¹³Gucoko ŋide, gupono aduku apar wiye aryo ki i kom mugati abic me cayiri ma lwak gucamo odoŋ. ¹⁴Ka lwak oneno lanyut ma en otiyo, guwaco ni, “Ada, man en lanebi meno ma bino i lobo.” ¹⁵Ka Yecu oniaŋ ni gimito bino ka make tetek pi kete me bedo kabaka, ci olwi, ocito i wi got kene. ¹⁶Ka piny oyuto, lupwonnyene gucito i dog nam, ¹⁷gudonyo i yeya, gucako ŋolo dye nam me cito Kapernaum. Piny onono doŋ col, Yecu onono peya obino botgi. ¹⁸Nam otiŋe pi yamo ma onono tye ka kodo. ¹⁹Ka onono doŋ gucero yeya ma romo mairo adek nyo aŋwen, ci guneno Yecu kun woto i wi nam ki tyene. Lworo omakogi, ²⁰ento en owaccigi ni, “An ennu, gwok wulwor”, ²¹omiyo guye odonyo i yeya. Cutcut yeya oo i wi tera ka ma gimito cito iye. ²²Orwone jo ma yam gudon loka nam tuŋcel guneno ni onono tye yeya acel keken kunnu, dok ni Yecu nene pe oito i yeya kacel ki lupwonnyene, ento lupwonnyene ceŋ gucito kengi. ²³Kadi bedo kumeno, yeya mukene ma gia Tiberia gubino cok ki kabedo ka ma dano gucamo iye kwon ma Rwot opwoyo. ²⁴Ka lwak guneno ni Yecu pe kunnu, kadi wa lupwonnyene bene, gin kikomgi guito i yeya, gucito Kapernaum ka yenyo Yecu. ²⁵Ka gunoŋe loka nam tuŋ ca, gupenye ni, “Lapwony, ibino kany awene?” ²⁶Yecu odokkigi iye ni, “Adada awacciwu ni, wutye ka yenya pe ni pien yam wuneno lanyut, ento ni pien wucamo kwon, wuyeŋ. ²⁷Pe wuti pi cam ma top woko, ento pi cam ma ri nio wa i kwo ma pe tum, ma Wod pa dano bimiyowu; pien Lubaja Won oketo lanen mere i kome.” ²⁸Gin dok gupenye ni, “Myero watim gin aŋo wek wati tic pa Lubaja?” ²⁹Yecu odok iye botgi ni, “Man en tic pa Lubaja, ni wubed ki niye i kom ŋat ma en ooro.” ³⁰Gupenye ni, “Lanyut aŋo ma in itiyo, wek wanen, waye in? Tic aŋo ma in itiyo?” ³¹Kwariwa yam gucamo manna i tim, macalo gicoyo ni, ‘Omiyogi kwon me acama mua ki i polo.’” ³²Yecu ogamo doggi ni, “Adada awacciwu ni, pe Moses aye yam omiyowu kwon meno mua ki i polo; ento Wora en aye tye ka miyowu kwon me ada nia ki i polo. ³³Pien kwon pa Lubaja en kwon ma bino piny nia ki i polo, ma miyo kwo ki lobo.” ³⁴Guwacce ni, “Rwot, miwa kwon meno nino ducu.” ³⁵Yecu owaco botgi ni, “An a kwon me kwo; ŋat ma bino bota, kec pe bineke; ŋat ma ye an, orwo pe dok bineke matwal. ³⁶Ento yam atito botwu ni, wun doŋ wunena, ento pe wuye. ³⁷Dano ducu ma Wora omiya bibino bota; ŋat ma bino bota, pe abiryeme. ³⁸Pien doŋ alor piny ki i polo, pe ka tiyo gin ma iya mito pira kena, ento ka tiyo gin ma ŋat ma yam oora mito. ³⁹Man en gin ma ŋat ma oora mito, ni i kom dano ducu ma en omiya awek rwenyo iye ŋatti mo, ento acergi woko ducu i nino me agik. ⁴⁰Man en gin ma wora mito, ni, dano ducu ma neno Wod, ma ye en, myero olim kwo ma pe tum; ci an abicere woko i nino me agik.” ⁴¹Lujudaya guŋur i kome pien owaco ni, “An a kwon ma olor piny nia i polo.” ⁴²Guwaco ni, “Man pe Yecu, wod pa Yucepu, ma wonne ki minne waŋeyo? Piŋo en dok waco ni, ‘An alor piny nia i polo?’” ⁴³Yecu odok iye ki gin ni, “Pe wuŋur i kinwu kenwu. ⁴⁴Dano mo pe twero bino bota, ka Wora ma yam oora pe opeye; ci an bene abicere woko i nino me agik. ⁴⁵Gicoyo i buk pa lunebi ni, ‘Lubaja bipwonyogi ducu.’ Dano ducu ma owinyo lok ki bot Won, ce omako lokke, bino bota. ⁴⁶Pe ni ŋat mo yam oneno Won, kono ŋat ma yam oa bot Lubaja, en aye oneno Won. ⁴⁷Adada awacciwu ni, ŋat ma ye an tye ki kwo ma pe tum. ⁴⁸An a kwon me kwo. ⁴⁹Kwariwu yam gucamo manna i tim, guto woko. ⁵⁰Man en kwon ma lor piny nia i polo, ma ka dano mo ocamo, pe bito. ⁵¹An a kwon makwo, ma olor piny nia i polo; ka ŋat mo ocamo kwon man, en bibedo kwo nakanaka. Kwon ma abimiyo en koma, ma amiyo wek lobo obed ki kwo.” ⁵²Lujudaya guero pyem i kingi kekengi, kun giwaco ni, “Dano man twero miyowa kome me acama niŋniŋ?” ⁵³Yecu owaccigi ni, “Adada awacciwu ni, ka pe wucamo kom Wod pa dano, wumato remone, pe wutye ki kwo i iwu. ⁵⁴ŋat ma camo koma, ma mato remona, tye ki kwo ma pe tum, ci an abicere woko i nino me agik. ⁵⁵Pien koma en cam meada, remona en ginamata meada. ⁵⁶ŋat ma camo koma, ma mato remona, bedo i an, an bene abedo i iye. ⁵⁷Macalo Won makwo ceŋ oora, kun an abedo kwo pi Won kit meno ŋat ma cama bikwo pira. ⁵⁸Man en kwon ma olor piny nia i polo, pe kit kwon ma yam kwariwu gucamo, guto woko; ŋat ma camo kwon man bibedo kwo nakanaka.” ⁵⁹En oloko lok magi i kare ma en pwonyo i kacokke i Kapernaum. ⁶⁰Lupwonnyene mapol ka guwinyo, guwacci, “Man lok matek; aŋa ma twero winyo?” ⁶¹Ento Yecu ka oŋeyo ki i cwinye kene ni lupwonnyene tye ka ŋur i kom lok man, openyogi ni, “Lok man obalo tamwu?” ⁶²Bibedo niŋniŋ ka kono wuneno Wod pa dano kun ito ka ma yam en tye iye con? ⁶³Gin ma miyo kwo en aye cwiny, kom pe konyo gin mo; lok ducu ma awacciwu gin aye cwiny ki kwo. ⁶⁴Ento tye jo mogo i kinwu

ma pe giye.” Pien nia i acakki Yecu onono n̄eyo jo meno ma pe ye, ki n̄at ma bidobe. ⁶⁵En dok owaco ni, “Man en gin mumiyo cen atittiwu ni, pe tye n̄at mo ma twero bino bota, ka Won pe omiye twer.”⁶⁶Cakke i kare meno, lupwonnyene mapol gudok cen, pe dok gubedo ka wot kacel kwede. ⁶⁷Yecu openyo jone apar wiye aryo ni, “Wun bene wumito ket woto?” ⁶⁸Cimon Petero ogamo doge ni, “Rwot, wabicito bot aña? In itye ki lok me kwo ma pe tum. ⁶⁹Wan waye, dok watyeko nian ni, in i n̄at Malen pa Lubana.”⁷⁰Yecu odokkigi iye ni, “Cen pe ayerowu wun apar wiye aryo? Ento acel i kinwu pa Catan.” ⁷¹En onono oloko i kom Juda wod pa Cimon me Keriot, n̄at acel i kin jo-nu apar wiye aryo, ma bidobe.

¹Ka man otum, Yecu obedo ka wot i kin Galilaya; pe omito cito i Judaya, pien Lujudaya gimito neke. ²Nino madito me Bolo pa Lujudaya ononoj cok. ³Omegine guwacce in, “A ki kany, icit i Judaya, wek lupwonnyeni gunen tic ma in itiyo. ⁴Pe tye dano mo ma tiyo tic i muṇ, ka en kikome mito ni dano guṇeye. Ka itiyo tic magi, nyutte keni bot lobo.” ⁵Pien kadi omegine kikome bene pe guye en. ⁶Yecu owaccigi ni, “Karena pud peya oo, ento karewu nino ducu tye. ⁷Lobo pe twero kwerowu, ento okwero an, pien an atuco lok i kome, ni ticce ducu racu. ⁸Wun wucit ka kwero nino madito; an pe acito i nino madito, pien karena peya oromo maber.” ⁹Ka doṇ oloko lok man botgi, ci odoṇ i Galilaya. ¹⁰Ento ka omegine doṇ gutyeko cito pi nino madito, ci en bene ocito, pe atyer, ento i muṇ.

¹¹Lujudaya gubedo ka yenye i nino madito kun gipenyo ni, “En tye kwene?” ¹²Lwak ononoj giṇur twatwal pire. Jo mukene guwaco ni, “En gire dano maber,” jo mukene ni, “Pe, en rwenyo lwak.” ¹³Ento pe tye ṇat mo ma waco nyiṇe ka malen, pien gilworo Lujudaya. ¹⁴Ka doṇ oo i dye nino madito, Yecu ocito i ot pa Lubaja, ocalo pwoṇyo dano. ¹⁵Lujudaya guuro, kun giwaco ni, “Dano man oṇeyo nukuta niṇniṇ, kun kono pe okwano?” ¹⁶Yecu odok iye ki gin ni, “Pwoṇy mera pe mera kikoma, ento pa ṇat ma ceṇ oora. ¹⁷Ka ṇat mo mito tiyo gin ma Lubaja mito, en biniaṇ ka ce pwoṇy man oa ki bot Lubaja, nyo ka aloko pira kena. ¹⁸ṇat ma loko pire kene yenyo deyone pire kene, ento ṇat ma yenyo deyo pi ṇat ma oore, dano-nu en me ada, gin ma pe atir pe i iye. ¹⁹Moses ceṇ pe omiyowu cik? Ento pe tye ṇat mo i kinwu ma gwoko cik. Piṇo wumito neka?” ²⁰Lwak odok iye ni, “In giri itye ki cen! Aṇa ma mito neki?” ²¹Yecu ogamo doggi ni, “Yam atiyo tic acel, wun ducu wuuro. ²²Moses ceṇ omiyowu cik me lirre (pe ni oa ki bot Moses, ento ki bot kwaro), wun bene wuliṇo dano i ceṇ cabit. ²³Ka giliro dano i ceṇ cabit, wek cik pa Moses pe oballe, piṇo iwu waṇ i koma pi caṇo dano i ceṇ cabit? ²⁴Pe wuṇol kop pi neno ki waṇ, ento wuṇol kop atir.” ²⁵Jo mogo me Jerucalem guwaco ni, “Man pe dano ma gimito neko-ni? ²⁶Ento, nen, en tye ka lok ka malen, gin pe guwacce lok mo. Luloc tika niaṇ ni man en Kricito ma Lubaja oyero? ²⁷Ento wan waṇeyo ka ma dano man oa iye; ka Kricito binen, pe tye dano mo ma biṇeyo ka ma en oa iye.” ²⁸I kare ma Yecu pwoṇyo i ot pa Lubaja, en odaṇṇe, owaco ni, “Wun wuṇeya, wuṇeyo ka ma aa iye? An pe abino pira kena. ṇat ma oora en me ada, wun pe wuṇeye. ²⁹Ento an aṇeye, pien aa ki bote, en aye oora.” ³⁰Gumito make, ento pe tye ṇat mo ma oketo ciṇe i kome, pien karene peya oromo. ³¹Ento jo mapol i kin lwak guye en. Guwaco ni, “Ka Kricito ma Lubaja oyero binen, bitiyo lanyut mapol makato ma dano man tiyo?” ³²Luparicayo guwinyo ka lwak tye ka ṇur i kome, omiyo ajwagi madito pa Lubaja ki Luparicayo gucwalo askari ka make. ³³Yecu owaco ni, “Pud dok abibedo kwedwu pi kare manok, lacer abidok bot ṇat ma yam oora. ³⁴Wubiyenya, ento pe wubinonja; ka ma abedo iye, wun pe wutwero o iye.” ³⁵Lujudaya gupennye kekengi ni, “Dano man mito cito kwene, ma wan pe wabinonje-ni? En mito cito bot jo mewa muket ata i kin jo Grik, ka pwoṇyo jo Grik? ³⁶Man te lokke niṇo, ni, ‘Wubiyenya, ento pe wubinonja,’ dok ni, ‘Ka ma abedo iye, wun pe wutwero o iye?’” ³⁷I nino me agikki me nino madito, ma en aye nino madit, Yecu oa malo, odaṇṇe, owaco ni, “Ka orwo neko dano mo, en myero obin omat bota. ³⁸ṇat ma ye an, macalo ginacoya owaco, ‘Kulu me pii makwo bimol nia i iye.’” ³⁹En yam oloko lok man i kom Cwiny Malen, ma jo ma giye en bilimo; pien ononoj Cwiny Malen peya gimio, pien ononoj Yecu peya giketo deyo i kome. ⁴⁰Ka guwinyo lok magi, jo mogo i kin lwak guwaco ni, “Adada, nye man en lanebi meno.” ⁴¹Jo mukene guwaco ni, “Man gire Kricito ma Lubaja oyero.” Jo mukene dok gipenyo apenya ni, “Kricito ma Lubaja oyero yam a i Galilaya? ⁴²Ginacoya pe tito ni, Kricito ma Lubaja oyero a ki i anywalli pa Daudi, ki i Beterekem, i gaṇ ma yam Daudi bedo iye?” ⁴³Kumeno apokapoka obedo i kin lwak pire. ⁴⁴Jo mogo i kingi omito make, ento pe tye ṇat mo ma oketo ciṇe i kome. ⁴⁵Askari gudwogo bot ajwagi madito pa Lubaja ki Luparicayo. Gin gupenyogi ni, “Piṇo pe wukele?” ⁴⁶Askari gugamo doggi ni, “Pe tye ṇat mo ma yam oloko macalo dano man.” ⁴⁷Luparicayo gudok iye ni, “Wun bene gityeko rwenyowu?” ⁴⁸Tye ṇat mo i kin luloc nyo i kin Luparicayo ma oye en? ⁴⁹Ento lwak man ma kwiya cik doṇ gicenogi.” ⁵⁰Nikodemo ma yam obino bote, ma en bene ṇat acel i kingi, openyogi ni, ⁵¹“Cik mewa ṇolo kop i kom dano kun peya giwinyo lok ma a i doge, pi niaṇ i kom gin ma en timo?” ⁵²Gudokke iye ni, “In bene ia ki i Galilaya? Koṇ iyen, ibineno ni pe tye lanebi mo ma bia ki i Galilaya.” ⁵³ṇat acel acel odok i ode.

¹Ento Yecu ocito wa i wi got Jeituni. ²Odiko con en dok odwogo i ot pa Lubanja; jo ducu gucokke bote, en obedo piny, opwonyogi. ³Lupwonycik ki Luparicayo gukelo dako mo ma gimako ka timo abor. Gukete i dyere. ⁴guwacce ni, “Lapwony, dako man gimako ka timo abor, ginonje iye kikome. ⁵I cik Moses ocikowa ni, dano macalo man myero gicel woko ki got. I kono injolo niñnin?” ⁶Guwaco lok man pi teme, wek ginonj lok ma gibidote kwede. Ento Yecu okulle piny, ocoyo njom ki lwete. ⁷Ka gumedde ka penye, en oille malo, owaccigi ni, “ñat ma i kinwu ma pe ki bal okwonj cele ki got.” ⁸En dok okulle piny, ocoyo njom ki lwete. ⁹Ka guwinyo lok man, ci guket ki acel acel, kun ocakke ki i kom jo madito; ci Yecu odonj kene kun dako-nu pud ocunj i dyere. ¹⁰Yecu oille, openyo dako ni, “Dako, gin kono gitye kwene? Pe tye ñat mo ma onjolo kop loyi?” ¹¹En ogamo ni, “Pe tye ñat mo, ladit.” Yecu owaco ni, “An bene pe abinjolo kop loyi. Cit giri; cakke tin pe dok ibal.” ¹²Yecu dok oloko ki gin kun waco ni, “An a ceñ me lobo; ñat ma luba pe biwoto i piny macol, ento bibedo ki ceñ me kwo.” ¹³Luparicayo guwacce ni, “In giri ibolo lok me caden i komi keni, lok ma ibolo pe me ada.” ¹⁴Yecu odok iye ni, “Kadi bed abolo lok i koma kena, lok ma abolo me ada, pien aneyo ka ma aa iye, ki ka ma acito iye, ento wun pe wuneyo ka ma aa iye, ki ka ma acito iye. ¹⁵Wun wunjolo kop i kit pa dano, ento an pe anjolo kop i kom ñat mo. ¹⁶Kadi bed anjolo kop, njolo koppa tye atir, pien pe atye kena, ento wan ki ñat ma oora. ¹⁷I cikwu gicoyi ni, lok pa caden aryo bedo ada; ¹⁸an abolo lok me caden i koma kena, dok Wora ma oora bene cadenna.” ¹⁹Gipenye ni, “Woru tye kwene?” Yecu odok iye ni, “Wun pe wuneyo an, kadi Wora. Kono wuneya, kono wuneyo Wora bene.” ²⁰En oloko lok man i kare ma pwonyo dano i ot pa Lubanja, i ot lim, ento pe tye ñat mo ma omake, pien karene peya oromo. ²¹En dok owaco ki gin ni, “An abicito woko. Wun wubiyenya, wubito i balwu; ka ma acito iye, wun pe wutwero bino iye.” ²²Lujudaya guwaco ni, “En binekke kene, pien owaco ni, ‘Ka ma acito iye wun pe wutwero bino iye?’” ²³En owaccigi ni, “Wun wua ki piny, an aa ki malo; wun jo me lobo, an pe a dano me lobo. ²⁴Atyeko wacciwu ni, wubito i balwu; pien wubito i balwu ka pe wuye ni an a en.” ²⁵Gupenye ni, “In aña?” Yecu odok ki gin iye ni, “An a ñat ma yam atittiwu con nia i acakki. ²⁶Atye ki lok mapol me aloka i komwu, ki kop mapol me anjola; ento ñat ma oora en me ada, atito ki lobo gin ma donj awinyo ki bote.” ²⁷Pe gunianj ni en tye ka tittigi pi Lubanja Won. ²⁸Omiyo Yecu owaco ki gin ni, “Ka donj wutiño Wod pa dano malo, ci wubinianj ni an a en, dok ni pe atiyo gin mo pira kena, ento aloko gin ma Wora opwonya iye. ²⁹Ñat ma oora tye kweda; pe oweka kena, pien nino ducu atiyo gin ma iye mito.” ³⁰Ka oloko lok man, jo mapol guye en. ³¹Yecu owaco bot Lujudaya ma guye en ni, “Ka wumoko i lokka, ci wun lupwonnyena adada; ³²miyo wubineyo lok me ada, lok me ada bigonyowu.” ³³Gudokke iye ni, “Wan likwayo pa Abraim; ma naka yam peya wabedo opii pa ñatti mo. Man donj in iwaco niñnin ni, ‘Gibigonyowu?’” ³⁴Yecu odokkigi iye ni, “Adada awacciwu ni, dano ducu ma timo bal, en opii me bal. ³⁵Opii pe bedo i ot nakanaka, ento latin anywalli bedo gire nakanaka. ³⁶Pi meno, ka Wod ogonyowu gibigonyowu atika. ³⁷Aneyo ni wun likwayo pa Abraim; ento wumito neka, pien lokka pe noño kabedo i iwu. ³⁸An aloko gin ma aneno ki bot Wora, wun wutiyo gin ma wuwinyo ki bot wonwu.” ³⁹Gudok iye ni, “Abraim en wonwa.” Yecu owaccigi ni, “Kono wun litino pa Abraim, kono wutiyo macalo Abraim. ⁴⁰Ento koni wumito neka, an dano ma atittiwu lok me ada ma awinyo ki bot Lubanja; Abraim yam pe otiyo kit meno. ⁴¹Wun wutiyo gin ma wonwu otimo.” Gidok iye bote ni, “Wan pe ginywalowa i abor; watye ki wonwa acel, en aye Lubanja.” ⁴²Yecu ogamo doggi ni, “Kono Lubanja wonwu, kono wumara, pien an aa ki bot Lubanja, koni donj atye kany; pe abino pira kena, en aye oora. ⁴³Piño pe wunianj lok ma awaco? Pien pe wutwero winyo lokka. ⁴⁴Wun wua ki bot wonwu, Catan, wumito cobo gin ma wonwu mito. Nia i acakki piny en con lanek, pe cunj i ada, pien lok me ada pe i iye. Ka en loko lok goba, en lok macalo kite tye, pien en lagoba, doki won goba. ⁴⁵Ento pe wuye an, pien an aloko lok me ada. ⁴⁶Aña i kinwu ma nyuto lok me bal i koma ma loya? Ka atito lok me ada, piño pe wuye an? ⁴⁷Ñat ma oa bot Lubanja winyo lok pa Lubanja; gin ma omiyo wun pe wuwinyo, pien pe wua bot Lubanja.” ⁴⁸Lujudaya gudokke iye ni, “Wan pe wawaco kakare ni, in Lacamaria, itye ki cen?” ⁴⁹Yecu odok iye ni, “An pe atye ki cen; ento aworo Abana, wun pe wuwora. ⁵⁰An pe ayenyo deyona pira kena; tye ñat ma yenyo ma kakara, en aye binjolo kop. ⁵¹Adada awacciwu ni, ka ñat mo mako lokka, pe bito matwal.” ⁵²Lujudaya gudokke iye ni, “Koni donj wanianj ni itye ki cen. Abraim yam oto, ki lunebi bene guto, ento in iwaco ni, ‘Ka ñat mo mako lokka, ci pe bibilo to matwal’.” ⁵³In i dit ikato kwarowa Abraim, ma ceñ oto-ni? Lunebi bene guto, do! In ikette ni in aña?” ⁵⁴Yecu ogamo ni, “Ka aketo deyo i koma kena, deyona mwa; Wora aye keto deyo i koma, en ma wun wuwaco ni Lubanjawu-ni. ⁵⁵Wun pe wuneyo; ento an aneyo. Ka kono awaco ni pe aneyo, kono adoko lagoba macalo wun; ento an aneyo, amako lokke. ⁵⁶Kwarowu Abraim yam obedo ki yomcwiny ni ebineno ninona; ci oneno, cwinye obedo yom matek.” ⁵⁷Lujudaya guwacce ni, “In ma mwakani bene peya oromo pyerabic-ci, ineno Abraim?” ⁵⁸Yecu ogamo doggi ni, “Adada awacciwu ni, ma Abraim pud pe, ononjo donj an atye.” ⁵⁹Omiyo gukwanyo got me cele; ento Yecu okanne, ci okato woko ki i ot pa Lubanja.

¹Ka ceŋ en oekato ki i yo, oneno dano ma ginywale ma waŋe oto. ²Lupwonnyene gupenye ni, “Lapwony, aŋa ma obalo, laco man, kece nyo jo ma gunywale, ma omiyo ginywale ma waŋe oto?” ³Yecu ogamo ni, “Laco man pe obalo, kadi jo ma gunywale, ento man otimme wek tic pa Lubaŋa onen i kome. ⁴Myero wati tic pa ŋat ma oora ma ceŋ pud tye; dyewor bibino ma ŋat mo pe twero tic. ⁵Ka pud atye i lobo, an a ceŋ me lobo.” ⁶Ka oloko lok man, oŋulo laa piny, orubo ki ŋom, ci owiro ki waŋ laco-nu. ⁷Owacce ni, “Citi, ilwok i kut me Ciloam” (ma te lokke ni, Ma gioro). En ocito olwoko, ci odwogo ma waŋe doŋ neno piny. ⁸Luwote ki jo ma yam ginene kun kwayo lim guwaco ni, “Man pe laco ma bedo kun kwayo lim-mi?” ⁹Jo mogo guwaco ni, “En kikome”; jo mukene ni, “Pe, ento cal kwede acala.” En ogamo ni, “An ennu, do.” ¹⁰Gupenye ni, “Waŋi oyabbe niŋniŋ?” ¹¹En ogamo ni, “Dano ma gilwoŋo nyiŋe ni Yecu aye orubo ŋom, owiro ki waŋa, ci ocika ni, ‘Cit ilwok i Ciloam.’ Ci acito, alwoko, acako neno piny.” ¹²Dok gupenye ni, “En tye kwene?” Ogamo ni, “Pe aŋeyo.” ¹³Gikelo dano ma yam waŋe oto-ni bot Luparicayo. ¹⁴Nino ma Yecu orubo ŋom iye, oyabo ki waŋe, onoŋo ceŋ cabit. ¹⁵Luparicayo dok gupenye ni, “Waŋi oyabbe niŋniŋ?” En odok ki gin iye ni, “En owiro ŋom i waŋa, alwoko, ci aneno piny.” ¹⁶Luparicayo mogo guwaco ni, “Dano man pe oa ki bot Lubaŋa, pien pe gwoko cabit.” Ento jo mukene guwaco ni, “Dano ma labalo twero tiyo lanyut ma rom man?” Omiyo apokapoka obedo i kingi. ¹⁷Dok gupenyo dano ma yam onoŋo waŋe oto-ni ni, “In itamo lok aŋo i kome, pien oyabo waŋi?” En odok iye ni, “En lanebi.” ¹⁸Lujudaya pe guye ni en yam obedo lawaŋoto, dok ni giyabo waŋe, nio ka gilwoŋo jo ma gunywalo dano ma giyabo waŋe-ni. ¹⁹Gipenyogi ni, “Man en latinwu ma wuwaco ni ginywale ma waŋe oto? Gin aŋo ma omiyo doŋ en neno piny koni?” ²⁰Jo ma gunywale gudok iye ni, “Waŋeyo ni man latinwa, dok yam ginywale ma waŋe oto. ²¹Ento kit ma en neno ki piny koni, pe waŋeyo; dok wan pe waŋeyo ŋat ma oyabo waŋe. Wupenye; en doŋ dit, en bilok pire kene.” ²²Jo ma gunywale guwaco lok man pien gilworo Lujudaya, pien onoŋo Lujudaya guporo lok kacel ni, ka ŋat mo otuco ni Yecu en Kricito ma Lubaŋa oyero, ci gibiryeme woko ki i kacokke. ²³En aye gin mumiyo jo ma gunywale guwaco ni, “En doŋ dit, wupenye.” ²⁴Pi lok man omiyo gulwoŋo dano ma yam waŋe oto tyen me aryo, guwacce ni, “Mi deyo bot Lubaŋa; wan waŋeyo ni dano man labalo.” ²⁵En ogamo ni, “Ka en labalo, pe aŋeyo; gin acel keken ma aŋeyo, en aye ni, yam waŋa oto, ento koni doŋ aneno piny.” ²⁶Gin gupenye ni, “En otimmi niŋniŋ? Oyabo waŋi niŋniŋ?” ²⁷En odokkigi iye ni, “Doŋ atittiwu con, wun pe wuwinyo. Piŋo pud wumito winyo? Wun bene wumito doko lupwonnyene, ce?” ²⁸Ci guyete kun giwaco ni, “In giri aye lapwonnyene ento wan giwa lupwonnye pa Moses. ²⁹Waŋeyo ni Lubaŋa yam oloko ki Moses, ento dano man pe waŋeyo ka ma oa iye.” ³⁰Dano ca odok iye ni, “Man lok me aura twatwal! Wun pe wuŋeyo ka ma en oa iye, kun en oyabo waŋa. ³¹Waŋeyo ni Lubaŋa pe winyo lubalo, ento ka ŋat ma woro Lubaŋa, dok tiyo gin ma en mito, Lubaŋa winye. ³²Ma naka yam peya owinnye ni ŋat mo oyabo waŋ dano mo ma ginywale ma waŋe oto. ³³Ka kono dano man onoŋo pe oa ki bot lubaŋa, kono pe otwero timo gin mo wa acel.” ³⁴Gugamo doge ni, “In ma ginywali i bal keken-ni bene ipwonywa?” Ci guryeme woko. ³⁵Yecu ka owinyo ni giriyeme woko, onoŋe, openye ni, “In iye Wod pa dano?” ³⁶En odok iye ni, “En aŋa, ladit, wek aye en?” ³⁷Yecu owacce ni, “Doŋ inene, en aye ŋat ma tye ka lok kwedi-ni.” ³⁸En owaco ni, “Aye, Rwot”; owore. ³⁹Yecu owacce ni, “An abino i lobo ka ŋolo kop, wek jo ma pe neno piny gunen, jo ma neno gudok luwaŋoto.” ⁴⁰Luparicayo mogo ma cok kwede guwinyo lok man. Gupenye ni, “Wan bene waŋwa oto?” ⁴¹Yecu odok iye ni, “Kono ka waŋwu oto, kono pe wutye ki bal; ento wun wuwaco ni, ‘Waneno’; pi meno balwu pud bedo gire.

¹“Adada awacciwu ni, ɲat ma pe donyo i dwol romo ki i doggola, ento ito ki ka mukene, dano meno lakwo ki layak; ²ento ɲat ma donyo ki i doggola, en lakwat romi. ³Lagwok-doggola yabbe kika, romi winyo dwane; en lwoɲo romi ki nyiŋgi, ci terogi woko. ⁴“Ka doɲ ocwalo mere ducu woko, en woto i nyimgi, romi lube, pien giɲeyo dwane. ⁵Pe gilubo welo, ento giriɲo woko ki bote, pien pe giɲeyo dwan welo.” ⁶Yecu oloko ki gin carolok man, ento pe guniaɲ lok ma en otito botgi. ⁷Yecu dok owaco ki gin ni, “Adada awacciwu ni, an a doggola me romi. ⁸Jo ducu ma yam obino okwoɲo nyima, gin lukwo dok luyak; ento romi pe owinyo dwangi. ⁹An a doggola; ka ɲatti mo odonyo ki bota, en bibwot, bidonyo, bikatti woko, binonjo cam. ¹⁰Lakwo pe bino pi lok mo mukene, ento kono pi kwalo, pi neko ki pi tyeko; an abino wek gunonjo kwo, gubed kwede madwon. ¹¹An lakwat maber. Lakwat maber miyo kwone pi romi. ¹²ɲat ma tiyo pi mucara, ma pe lakwat, ma romi pe mere kikome, ka oneno orudi bino, weko romi, riɲo woko; orudi makogi, keyogi. ¹³En riɲo woko pien tiyo pi mucara keken, pe paro pi romi. ¹⁴An lakwat maber; aɲeyo romina, mera bene ɲeya, ¹⁵macalo Won ɲeya, an bene aɲeyo Won; amiyo kwona pi romi. ¹⁶Atye ki romi mukene bene, ma pe me dwol man; myero akelgi bene, gibliwinyo dwana. Kit meno bibedo lwak acel ki lakwat acel. ¹⁷Gin mumiyo Won mara, pien amiyo kwona wek doki agam. ¹⁸Pe tye ɲatti mo ma mayo ki bota; amiyo gira pira kena. Atye ki twer me miyo kwona, dok atye ki twer me gamo doki; alimo cik man ki bot Wora.” ¹⁹Apokapoka dok obedo i kin Lujudaya pi lok man. ²⁰Jo mapol ki i kingi guwaco ni, “En tye ki cen, opo apoya; piɲo wuwinyo lokke?” ²¹Jo mukene guwaco ni, “Lok man pe pa dano ma tye ki cen. Cen twero yabo waɲ dano ma waɲe oto?” ²²I kare meno nino madit me kwero ot pa Lubaja obedo i Jerucalem. ²³Ononjo piny cwir, Yecu ononjo tye ka wot i ot pa Lubaja, i te baraja pa Solomon. ²⁴Lujudaya gucokke, gurume i dyere, gupenye ni, “Ibimiyo wakalo akala pi kare ma rom mene? Ka in i Kricito ma Lubaja oyero, tittiwa atir.” ²⁵Yecu odokkigi iye ni, “Atyeko tittiwu, wun pe wuye. Tic ma atiyo i nyiɲ Wora gin cadenna. ²⁶Wun pe wuye, pien pe wutye i kin romina. ²⁷Romina winyo dwana, an aɲeyogi, gin luba. ²⁸Amiyogi kwo ma pe tum; gin pe bito matwal, pe tye ɲatti mo ma bimayogi ki i ciɲa. ²⁹Wora ma omiyogi bota dit makato ducu, pe tye ɲatti mo ma twero mayogi ki i ciɲ Won. ³⁰An ki Won wan acel.” ³¹Lujudaya dok gukwanyo got me cele. ³²Yecu owaccigi ni, “Atyeko nyuttiwu tic mabeco mapol ma oa ki bot Won; wumito cela ki got pi tic mene?” ³³Lujudaya gudokke iye ni, “Pe waceli pi tic mo maber, ento pi yeto Lubaja; pien in i dano adana, ikette keni ni in Lubaja.” ³⁴Yecu ogamo doggi ni, “Pe gicoyo i cik mewu ni, ‘An awaco ni wun lubaja?’ ³⁵Ka en lwoɲo jo ma lok pa Lubaja obino botgi ni gin lubaja (ci ginacoya pe twero turre), ³⁶wun wuwaco bot ɲat ma Won olonyo, oore i lobo, ni, ‘Iyeto lubaja,’ pien an awaco ni, ‘An Wod pa Lubaja?’ ³⁷Ka pe atiyo tic pa Wora, ci pe myero wuye an; ³⁸ento ka atiyo ticce, kadi bed pe wuye an gira, myero wuye tic; wek wuɲe dok wuniaɲ ni Won tye i an, ki an i Won.” ³⁹Dok gutemo make, ento en opucce woko ki i ciɲgi. ⁴⁰En dok ocito loka Jordan, i kabedo ka ma yam Jon okwoɲo batija dano iye, obedo kunnu. ⁴¹Jo mapol gubino bote; guwaco ni, “Jon yam pe otiyo lanyut mo ento lok ducu ma Jon otito i kom dano man obedo me ada.” ⁴²Jo mapol guye en ki kunnu.

¹Cen tye dano mo ma kome lit i Betania ma nyiŋe Lajaro, i paco pa Maliam ki laminne Marita. ²En Maliam ma yam owiro Rwot ki moo, dok ojwayo tyene ki yer wiye, aye ominne kome lit-ti. ³Nyimege gucwalo kwena bote kun giwaco ni, “Rwot, ŋat ma imaro kome lit.” ⁴Ento ka Yecu owinyo, owaco ni, “Two man pe obino pi neke, ento pi kelo deyo bot Lubana, wek pire gimi deyo bot Wod pa Lubana.” ⁵Yecu yam maro marita ki laminne ki Lajaro. ⁶Ka owinyo ni kome lit, ci omedde ki ri doki nino aryo i kabedo ma yam en tye iye. ⁷Lacen owaco bot lupwonnyene ni, “Wadoku doki i Judaya.” ⁸Lupwonnyene gudokke iye ni, “Lapwony, Lujudaya nene gimito celi ki got, in dok idok kunnu?” ⁹Yecu ogamo ni, “Cawa me dyecen pe apar wiye aryo? Ka ŋatti mo woto i dyecen, pe yokke, pien neno cen me lobo man.” ¹⁰Ento ka ŋatti mo woto dyewor, yokke, pien cen pe i iye.” ¹¹En owaco kit man, lacen owaco botgi ni, “Laremwa Lajaro don onino, acito wek acicoye woko ki i wan nino.” ¹²Lupwonnyene guwacce ni, “Rwot, ka onino, ci bican.” ¹³Yecu onono loko pi to mere, ento gin gitamo ni oloko pi yweyo me nino. ¹⁴Lacen Yecu otittigi atir ni, “Lajaro don oto.” ¹⁵Cwinya yom piwu pien onono pe atye kunnu, wek wun wuye. Ci don wacitu bote.” ¹⁶Tomaci (ma te lokke ni, Banji) owaco bot lupwonnyene luwote ni, “Wan bene wacitu, wek watoyu kacel kwede.” ¹⁷Ka Yecu oo, onono ni Lajaro don ori i lyel nino anwen. ¹⁸Betania onono cok ki Jerucalem, mito romo mairo aryo; ¹⁹jo mapol i kin Lujudaya onono gubino bot Marita ki Maliam pi kweyo cwinygi pi omingi. ²⁰Ka Marita owinyo ni Yecu oebino, en ocito, oromo kwede, ento Maliam odon, obedo i ot. ²¹Marita owaco bot Yecu ni, “Rwot, kono nene itye kany, kono omera pe oto. ²²Dok koni aneyo ni gin ducu ma ibilego ki bot Lubana, Lubana bimiya.” ²³Yecu owacce ni, “Omeru bicer.” ²⁴Marita ogamo doge ni, “Aneyo ni en bicer i cer me nino me agik.” ²⁵Yecu owacce ki, “An nicer ki kwo; ŋat ma ye an, nadi oto, dok bikwo; ²⁶dano ducu makwo ma ye an, pe bito matwal. In iye man?” ²⁷En odok iye ni, “Iyo Rwot; don aye ni in i Kricito ma Lubana oyero, Wod pa Lubana, ma bino i lobo.” ²⁸Ka Marita oloko lok man, ci ocito olwoŋo laminne Maliam, okwille ni, “Lapwony tye kany, lwoŋi.” ²⁹Ka en owinyo, ci oa oyotoyot, ocito bote. ³⁰Yecu onono peya oo i gan-ŋu, ento onono pud tye ka ma Marita oromo iye kwede. ³¹Ka Lujudaya ma onono gitye bote i ot kun gikweyo cwinye guneno Maliam oa malo oyotoyot, okato woko, gulubo kore, kun gitamo ni en cito i wi lyel ka koko kunnu. ³²Ka Maliam oo ka ma Yecu tye iye, ka onene, ci opoto piny ka tyene, owacce ni, “Rwot, kono nene itye kany, kono omera pe oto.” ³³Ka Yecu onene kun kok, ki Lujudaya ma gubino kwede bene gikok, cwinye opoto, iye owan matek. ³⁴Openyo ni, “Wukete kwene?” Gudokke iye ni, “Rwot, bin inen.” ³⁵Yecu okok ki pig wane. ³⁶Omiyo Lujudaya guwaco ni, “Nen, yam mare mada.” ³⁷Ento jo mogo i kingi guwaco ni, “En ma cen oyabo wan lawanoto pe twero geŋo dano man to?” ³⁸Yecu dok iye owan matek, ojwat, ci obino i lyel; lyel meno onono yam obedo boro got, ma giloro doge ki got. ³⁹Yecu owaco ni, “Kwanyu got woko.” Marita lamin dano ma oto-ni owaco ni, “Rwot, koni don nwe, pien ori nino anwen.” ⁴⁰Yecu odokke iye ni, “Nakanen pe awacci ni, ka iye, ci ibineno deyo pa Lubana?” ⁴¹Ci gikwanyo got woko. Yecu otino wane malo, owaco ni, “Aba, apwoyi pien don iwinya. ⁴²An aneyo con ni iwinya kare ducu, ento awaco lok man pi lwak ma gucuŋ ka ŋeta, wek guye ni in yam iora.” ⁴³Ka don owaco lok man, ci odaŋŋe ki dwan madit ni, “Lajaro, katti woko!” ⁴⁴En ma cen oto-ni okatti woko, kun ciŋe ki tyene giriyo ki boŋo, wane giboyo ki kitambara. Yecu ocikogi ni, “Wugonye, wuweke ociti.” ⁴⁵Jo mapol i kin Lujudaya ma gubino kacel ki Maliam, ka guneno gin ma Yecu otiyo, guye en. ⁴⁶Ento jo mukene i kingi gucito bot Luparicayo, gutittigi gin ma Yecu otiyo. ⁴⁷Omiyo ajwagi madito pa Lubana ki Luparicayo gulwoŋo Lukiko, guwaco ni, “Wabitimo gin aŋo? Pien dano man tye ka tiyo lanyut mapol. ⁴⁸Ka waweke kit meno, ci dano biye en, Luroma bibino, gibiketo kabedowa malen ki rokwa woko.” ⁴⁹Ento ŋat acel i kingi, en Kayapa, ma en ajwaka madit i mwaka meno, owaco ki gin ni, “Wun pe wuŋeyo gin mo kadi matidi mo, ⁵⁰dok pe wutamo ni bibedo ber botwu ka dano acel oto pi lwak, wek pe gityek rokwa.” ⁵¹En pe owaco lok man pire kene, ento pi bedo ajwaka madit i mwaka meno cen en otito macalo lanebi ni Yecu bito pi rok meno; ⁵²pe pi rok meno keken, ento wek ocok litino pa Lubana ma guket ata, gubed acel. ⁵³Cakke i nino meno guribo lok me neke. ⁵⁴Pi meno Yecu pe dok obedo ka wot ka malen i kin Lujudaya, ento oa ki kunnu, ocito i lobo ma cok ki tim, i gan ma gilwoŋo Epraim; obedo kunnu ki lupwonnyene. ⁵⁵Kato (Paska) pa Lujudaya onono don tye cok. Jo mapol gia ki i kin pacci gicito Jerucalem ma peya Kato (Paska) oromo, wek gilonne kengi. ⁵⁶Giyenyo Yecu, kun giloko kekengi ma gicuŋ i ot pa Lubana ni, “Wutamo niŋniŋ? Nyo en pe bibino pi nino madit?” ⁵⁷Ajwagi madito pa Lubana ki Luparicayo onono don guciko dano ni, ka ŋat mo oŋeyo ka ma en tye iye, myero onyuttigi, wek gimake

¹Ka ceŋ odoŋ nino abicel me o i Kato (Paska), Yecu obino i Betania, ka ma Lajaro bedo iye, en ma ceŋ Yecu ocere ki i kin jo muto-ni. ²Gitedde cam me otyeno kunnu; Marita obedo ka poko cam, Lajaro onoŋo ŋat acel i kin jo ma obedo kwede i dog cam. ³Maliām okwanyo moo ma ŋwece kur me wel madwoŋ, moo nard magili, ma romo ratili acel, owiro ki tyen Yecu, ojwayo tyen Yecu ki yer wiye; ci ŋwec moo oromo i ot ducu. ⁴Ento Juda me Keriot, ŋat acel i kin lupwonnyene, en ma bidobe, openyo ni, ⁵“Piŋo moo man pe gicato i wel me ciliŋ miya adek, wek gimi bot lucan?” ⁶En owaco lok man, pe ni en paro pi lucan, ento pien en yam lakwo, yam gwoko kicaa lim, ci kwanyo gin ma gibolo iye. ⁷Yecu owaco ni, “Wuweke, wek en okan pi nino me yika. ⁸Lucan wutye kwedgi nino ducu, ento an pe abibedo kwedwu nino ducu.” ⁹Ka lwak Lujudaya madwoŋ guniaŋ ni en tye kunnu, ci gubino, pe pi Yecu keken, ento bene pi neno Lajaro ma en ocero ki i kin jo muto. ¹⁰Pi meno ajwagi madito pa Lubana guyubo lok me neko Lajaro bene, ¹¹pien pire Lujudaya mapol gua woko ki botgi, guye Yecu. ¹²Orwone lwak jo mapol ma yam gubino i nino madit guwinyo ni Yecu bino i Jerucalem. ¹³Gukwanyo jaŋ otit, gukato ka jole, kun gidanŋe ni, “Ojana! Lubana o mi gum i kom ŋat ma bino i nyiŋ Rwot, ma en Kabaka pa Irael!” ¹⁴Yecu onoŋo latin kana, obedo i wiye, kit macalo gicoyo ni, ¹⁵“Pe wulwor, wun jo Cion. Nen, kabakawu bino botwu, obedo i wi latin kana!” ¹⁶Lupwonnyene pe guniaŋ man koŋ; ento ka doŋ giketo deyo i kom Yecu, ci gupo ni ceŋ gicoyo lok magi i kome, dok ni gitimo i kome. ¹⁷Lwak ma yam onoŋo tye bote ka en lwoŋo Lajaro ki i lyel me cere ki i kin jo muto gutito pire. ¹⁸En aye mumiyo lwak ocito ka jole, pien guwinyo ni en otiyo lanyut man. ¹⁹Luparicayo guloko kekengi ni, “Doŋ wuneno ni pe wukonyo gin mo. Nen, lobo ducu doŋ owirre ka lube.” ²⁰I kin jo ma yam gucito ka woro Lubana i nino madit onoŋo jo mogo Lugrik. ²¹Jo-nu gucito bot Pilipo me Betecaida ma tye i Galilaya, guwacce ni, “Ladit, wamito neno Yecu.” ²²Pilipo ocito, otito bot Anderiya; Anderiya ocito kacel ki Pilipo, gutito bot Yecu. ²³Yecu odokkigi iye ni, “Cawa doŋ oromo me keto deyo i kom Wod pa dano. ²⁴Adada awacciwu ni, nyig bel ka pe opoto i ŋom, oto, bedo kene; ento ka oto, ci ceko nyige mapol. ²⁵ŋat ma maro kwo mere, birwenyone; ŋat ma kwero kwone i lobo man, bigwoko nio i kom kwo ma pe tum. ²⁶Ka ŋat mo tiyo pira, myero oluba; ka ma an abedo iye, laticca bene bibedo kunnu; ka ŋat mo tiyo pira, ci Won binyuto worone i kome. ²⁷Cwinya koni oŋabbe aŋaba. Abiwaco lok aŋo? Abana, lara i kom cawa man? Ento pi lok man omiyo ao i kom cawa-ni. ²⁸Abana, ket deyo i kom nyiŋi.” Dwan oa ki i polo ni, “Doŋ aketo deyo i kome, dok abiketo aye.” ²⁹Lwak ma gucuŋ ka ŋete guwinyo, ci guwaco ni, “Polo omor.” Jo mukene ni, “Lamalaika oloko kwede.” ³⁰Yecu ogamo ni, “Dwan man pe obino pira, ento piwu. ³¹Koni gitye ka ŋolo kop i kom lobo man; koni lalo lobo man gibibole woko. ³²An ka gitija malo nia i lobo, ci abipeyo dano ducu bota.” ³³En oloko lok man pi nyuto kit to ma ebito kwede. ³⁴Lwak gugamo doge ni, “Wan wawinyo ki i cik ni Kricito ma Lubana oyero bedo nakanaka. In dok iwaco niŋniŋ ni Wod pa dano myero gitije malo? Wod pa dano man en aŋa?” ³⁵Yecu owaccigi ni, “Ceŋ pud tye botwu pi kare manok. Wuwot ma kun wutye ki ceŋ, wek piny macol pe oŋjukwu. ŋat ma woto i piny macol pe ŋeyo ka ma ecito iye. ³⁶Ka pud wutye ki ceŋ, wuye ceŋ, wek wudok litino me ceŋ.” Yecu ka oloko lok man, ci opokke ki botgi, okanne woko ki botgi. ³⁷Kadi bed otiyo lanyut ma rom meno i nyiŋgi, pe guye en; ³⁸wek lok pa lanebi Icaya ocobbe kakare, ni, “Rwot, aŋa ma oye lok ma watito? Dok aŋa ma Rwot onyuto tekone bote?” ³⁹Man en gin mumiyo pe gitwero ye, pien Icaya dok owaco ni, ⁴⁰“En oneko waŋgi, omiyo cwinygi odoko nwaŋ, wek pe gunen ki waŋgi, pe bene guniaŋ ki cwinygi, wek omi pe gulokke gudwog bota acaŋgi.” ⁴¹Icaya owaco lok man pien oneno deyo mere, oloko pire, ⁴²Kadi bed kit meno, jo mapol ma i kin luloc bene guye en, ento pi lwoŋo Luparicayo omiyo pe gituco, wek pe giryemgi woko ki i kacokke; ⁴³pien gimaro deyo ma dano keto i komgi makato ma Lubana miyo. ⁴⁴Yecu odaŋŋe, owacci, “ŋat ma ye an, pe oye an, ento oye ŋat ma oora. ⁴⁵ŋat ma onena, noŋo oneno ŋat ma oora. ⁴⁶An abino i lobo pi bedo ceŋ me lobo, wek dano ducu ma ye an owek bedo i piny macol. ⁴⁷Ka dano mo winyo lokka ci pe mako, an pe aŋolo kop i kome; pien pe abino ka ŋolo kop i kom lobo, ento abino ka laro lobo. ⁴⁸ŋat ma kwera, ma pe winyo lokka, tye ki ŋat ma biŋolo kop i kome; lok ma aloko biŋolo kop i kome i nino me agik. ⁴⁹Pien pe aloko pira kena: Won ma oora, en kikome aye omiya cik, i gin ma myero awaci ki ma myero aloki. ⁵⁰Aŋeyo ni cikke en kwo ma pe tum; pi meno gin ma awaco, awaco macalo Won oloko bota.”

¹Ma peya nino madit me Kato (Paska) oo, Yecu onono njezo ni cawane donj oromo me weko lobo man me dok bot Won; yam maro jone ma tye i lobo man; omarogi nio i agik, ²Ka pud gitye ka camo cam me otyeno, ma donj Catan oketo tam i cwiny Juda wod pa Cimon me Keriot me dobe. ³Yecu onono njezo ni Won otyeko miyo jami ducu i cinje, dok ni ea ki bot Lubanja, dok edok bot Lubanja. ⁴Oa malo ki i dog cam, olunyo bonjine oketo teje, okwanyo taulo, otweyo i pyere. ⁵Oonyo pii i becen, ci ocalo lwoko tyen lupwonnye, ojwayo ki taulo ma otweyo i pyere. ⁶Ka en oo bot Cimon Petero, Petero openye ni, "Rwot, in kulu aye ilwoko tyena?" ⁷Yecu odokke iye ni, "In pe injezo gin ma atye ka tiyo, ento ibinjan lacaen." ⁸Petero owacce ni, "In pe ibilwoko tyena matwal." Yecu odokke iye ni, "Ka pe alwoki, nonjo ribbe pe i kinwa." ⁹Cimon Petero owacce ni, "Rwot, pe donj tyena keken, ento cinja ki wiya bene." ¹⁰Yecu owacce ni, "nat ma donj olwokke, pe donj myero olwok kome, ento kono tyene keken, pien nonjo kome ducu lej. Wun wulenj, ento pe wun ducu." ¹¹En onono njezo nat ma bidobe; en aye gin mumiyo en owaco ni, "Pe wun ducu wulenj." ¹²Ka donj olwoko tyengi, okwanyo bonjine, odok i kabadone, openyogi ni, "Wunjan gin ma atimo i komwu?" ¹³Wulwona ni Lapwony dok ni Rwot; meno ber, pien atye kit meno. ¹⁴Ka an a Rwotwu ki Lapwonywu, alwoko tyenwu, wun bene myero wulwok tyenwu kekenwu; ¹⁵pien an anyuttiwu lanen, wek wun bene wutim gin ma an atimo i komwu. ¹⁶Adada awacciwu ni, latic pe bedo dit makato laditte, nat ma gioro pe dit kato nat ma oore. ¹⁷Ka wunjezo lok man, ci wubibedo ki yomcwiny ka wutiyogi. ¹⁸Pe aloko man i komwu ducu; anjezo jo ma donj ayero; ento wek ginacoya ocobbe kakare, ni, 'nat ma camo kwon kacel kweda otinjo opunye i koma.' ¹⁹Koni atittiwu lok man ma peya otimme, wek ka bitime, wuye ni an atye. ²⁰Adada awacciwu ni, nat ma jolo dano ma an aoro, nonjo ojolo an; nat ma jolo an, ojolo nat ma oora." ²¹Ka Yecu oloko lok man, ci cwinye opoto, oloko atyer ni, "Adada awacciwu ni, nat acel i kinwu bidoba." ²²Lupwonnye gunenne kekengi, pe gunjan nat ma en oloko i kome. ²³Nat acel i kin lupwonnye, en ma Yecu maro, onono obuto cok ki kor Yecu. ²⁴Cimon Petero ogwele, owacce ni, "Tucciwa nat ma en oloko i kome." ²⁵En ma ojenje i kor Yecu openye ni, "Anja, Rwot?" ²⁶Yecu ogamo ni, "En aye nat ma abigweyo dek, amiyo bote." Ka donj ogweyo dek, ci omiyo bot Juda wod pa Cimon me Keriot. ²⁷Ka donj ogamo, ci Catan odonyo i iye. Yecu owacce ni, "Gin ma imito timo, tim oyot." ²⁸Pe tye nat mo i dog cam ma onjan gin ma omiyo oloko lok man bote. ²⁹Jo mogo gutamo ni, pien Juda onono gwoko kicaa limgi, mumiyo Yecu owacce ni, "Wil jami ma mitte pi nino madit"; nyo ni myero omi gin mo bot lucan. ³⁰Ka en donj ocamo dek ma gigwene, ci okato woko cut; onono piny donj col. ³¹Ka donj okato woko, Yecu owaco ni, "Koni donj giketo deyo i kom Wod pa dano, dok giketo deyo i kom Lubanja pire. ³²Ka giketo deyo i kom Lubanja pire, Lubanja bene biketo deyo i kome pire kene, biketo deyo i kome oyotoyot. ³³Litino aduno, pud atye kwedwu pi kare manok. Wubiyenya, ento macalo cej atito bot Lujudaya, kit meno atittiwu bene koni ni, 'Ka ma acito iye, wun pe wutwero bino iye.' ³⁴Amiyowu cik manyen, ni, wumarre kekenwu; wumarre kekenwu macalo cej amarowu. ³⁵Pi man dano ducu binjezo ni wun lupwonnyena, ka mer tye i kinwu." ³⁶Cimon Petero openye ni, "Rwot, icito kwene?" Yecu ogamo ni, "Ka ma acito iye, pe itwero luba koni, ento ibiluba lacaen." ³⁷Petero dok openye ni, "Rwot, pinjo pe atwero lubi koni? Abimiyo kwona piri." ³⁸Yecu ogamo ni, "Ibimiyo kwoni pira? Adada awacci ni, twon gweno pe bikok, nio ka konj ikwera tyen adek.

¹“Cwinywu owek ɲabbe aɲaba; wuye Lubaɲa, wuye an bene. ²I ot pa Abana tye iye kabedo mapol; kono pe kit meno, kono atittiwu ni acito ka yubo ki wun kabedo? ³Ka acito, ayubo ki wun kabedo, dok abidwogo ka omowu bota, wek ka ma an abedo iye, wun bene wubed iye. ⁴Ka ma an acito iye, wun wuɲeyo yone.” ⁵Tomaci owacce ni, “Rwot, wan pe waɲeyo ka ma icito iye; watwero ɲeyo yone niɲniɲ?” ⁶Yecu odokke iye ni, “An a yo, ki ada, ki kwo: pe tye ɲat mo ma bino bot Won, kono ki i an keken. ⁷Kono ceɲ wuɲeya, kono wuɲeyo Wora bene; nia koni wuɲeye, doɲ wunene.” ⁸Pilipo ogamo doge ni, “Rwot, nyuttiwa Won, ci biromowa.” ⁹Yecu odokke iye ni, “Doɲ ari kwedwu kare malac rom man, pud peya iɲeya, Pilipo? ɲat ma oneno an doɲ oneno Won: itwero waco niɲniɲ ni, ‘Nyuttiwa Won?’ ¹⁰In pe iye ni, an atye i Won, ki Won i an? Lok ma aloko botwu pe aloko pira kena, ento Won ma bedo i an aye tiyo ticce. ¹¹Wuye ni an atye i Won, ki Won i an; nyo ka pe kit meno, wuye an pi tic keken. ¹²“Adada awacciwu ni, ɲat ma ye an, en bene bitiyo tic ma an atiyo; dok bitiyo tic madito makato man, pien acito bot Won. ¹³Gin ducu ma wubilego i nyaɲa, abitiyone, wek giket deyo i kom Won pi Wod; ¹⁴ka wubilego gin mo i nyaɲa, abitiyo. ¹⁵“Ka wumara, ci wubigwoko cikka. ¹⁶Abilego Won, en bimiyowu Lacuɲudwar mukene ma bibedo kwedwu nakanaka, ¹⁷en Cwiny me ada, ma lobo pe twero limo, pien lobo pe nene, dok pe ɲeye. Wun wuɲeye, pien en bedo kwedwu, dok bibedo i iwu. ¹⁸“Pe abiwekowu macalo litino kic; abidwogo botwu. ¹⁹Odoɲ kare manok, lobo pe dok binena, ento wun wubinena; pien an akwo, wun bene wubikwo. ²⁰I nino meno wubiɲeyo ni an atye i Won, ki wun i an, ki an i wun. ²¹ɲat ma tye ki cikka, ma gwokogi, en aye ɲat ma mara; ɲat ma mara Wora bimare, an bene abimare, abinyutte kena bote.” ²²Juda ma pe me Keriot openye ni, “Rwot, man bibedo niɲniɲ, ni ibinyutte keni botwa, ento pe bot lobo?” ²³Yecu odokke iye ni, “Ka ɲat mo mara, en bimako lok mera; Wora bimare, wabibino bote, wabiyubo kabedo piwa kenwa bote. ²⁴ɲat ma pe mara, pe mako lokka; lok ma wuwinyo pe mera, ento pa Won ma ceɲ oora. ²⁵“Lok man atittiwu kun pud atye botwu. ²⁶Ento Lacuɲudwar, ma en Cwiny Malen, ma Won bicwalo i nyaɲa, en bipwonyowu jami ducu, en bipoyo wiwu i lok ducu ma yam atittiwu. ²⁷Awekkiwu kuc, kuc mera amiyo botwu. Amiyowu, pe macalo lobo miyo. Cwinywu owek ɲabbe aɲaba, pe wulwor. ²⁸Doɲ wuwinyo awacciwu ni, an abicito woko, dok abidwogo botwu. Kono wumara, kono cwinywu yom, pien acito bot Won; pien Won dit kata. ²⁹Koni atittiwu lok man ma peya otimme, wek ka bitimme, wuye. ³⁰Pe dok abiduro lwak lok mapol kwedwu, pien lalo lobo man tye ka bino. En pe tye ki twer i koma; ³¹ento man timme wek lobo oɲe ni, an amaro Won, atiyo macalo Won ocika.” Ayu, wacitu.

¹“An aye olok me ada, Abana en lapur. ²Jaŋe ducu ma i koma ma pe nyak en lwero woko, ento jaŋa ducu ma nyak en lonyo, wek omedde, onyak mapol. ³Wun doŋ gityeko lonyowu pi lok ma aloko botwu. ⁴Wubed i an, an bene i iwu. Macalo jaŋ olok pe twero nyak pire kene, ka pe tye i kom yatte, kit meno wun bene pe wutwero, ka pe wubedo i an. ⁵An olok, wun jaŋe. ŋat ma bedo i an, ki an i en, en nyako nyige mapol, pien pe wutwero timo gin mo ka an a pe. ⁶Ka dano mo pe bedo i an, ci gibole woko macalo jaŋ yat, two woko. Gicokogi, gibologi i mac, giwaŋ woko. ⁷Ka wubedo i an, kun lokka bedo i wun, ci wuleg gin ducu ma wumito, gibitimo piwu. ⁸Man bikelo deyo i kom Abana, ka wunyako nyig mapol; kit meno wubidoko lupwonnyena. ⁹Macalo Won ceŋ omara, an bene amarowu kit meno; wubed i marra. ¹⁰Ka wugwoko cikka, wubibedo i marra, kit macalo ceŋ agwoko cik pa Abana, abedo i marre. ¹¹Lok man atittiwu wek yomcwinya obed i iwu, wek wupoŋ ki yomcwiny. ¹²“Man aye cikka, ni wumarre kekenwu macalo ceŋ amarowu. ¹³Pe tye ŋat mo ma tye ki mar madit makato man, ni dano miyo kwone pi lureme. ¹⁴Wun lurema ka wutiyo gin ducu ma acikowu. ¹⁵Pe dok alwoŋowu lutic, pien latic pe ŋeyo gin ma laditte tiyo; ento alwoŋowu lurema, pien gin ducu ma yam awinyo ki bot Wora doŋ atyeko nyuttiwu. ¹⁶Pe wun aye wuyera, ento an aye ayerowu, dok aketowu wek wuciti, wunyak nyigwu, dok wek nyigwu ori; wek gin ducu ma wubilego ki bot Won i nyiŋa, en omiwi. ¹⁷Gin ma acikowu en ene ni, wumarre kekenwu. ¹⁸“Ka lobo okwerowu, wuŋe ni yam okwoŋo kwera ma kun peya okwerowu. ¹⁹Kono wun jo me lobo, kono lobo omara wun jone; ento wun pe me lobo, ento ayerowu ki i lobo; pi meno lobo kwerowu. ²⁰Wupo i lok ma yam atito botwu ni, ‘Latic pe bedo dit makato laditte.’ Ka yam giliba, wun bene gibilibowu; ka yam gimako lokka, gibimako mewu bene. ²¹Gin magi ducu gibitimo i komwu pi nyiŋa, pien pe giŋeyo ŋat ma yam oora. ²²Kono pe nene abino, aloko botgi, kono pe gitye ki bal; ento koni doŋ pe gitye ki lok ma gibipido pi balgi. ²³ŋat ma kwera, okwero Wora bene. ²⁴Kono yam pe atiyo i kingi tic ma dano mo mukene pe otiyo, kono pe gitye ki bal, ento koni doŋ guneno dok gukwero an ki Wora. ²⁵Ento man otimme wek lok ma gicoyo i cik megi ocobbe kakare, ni, ‘Gikwera nono.’ ²⁶Ento ka Lacuŋudwar bibino, ma abioro botwu nia ki bot Won, ma en aye Cwiny me ada ma a ki bot Won, en bibedo cadenna. ²⁷Wun bene wucaden, pien wubedo bota nia i acakki.

¹“Atyeko tittiwu lok man wek pe komwu oryanje. ²Gibiryemowu woko ki i kacokke; kare bibino ma dano ducu ma nekowu bitamo ni etye ka tic pi Lubanja. ³Gibitimo man i komwu pien pe ginjeu Won, kadi an. ⁴Ento atittiwu lok magi wek ka karegi bio, wupo ni yam atittiwu pigi. “Yam pe atito lok man botwu i acakki, pien onono pud atye kwedwu. ⁵Ento koni adok bot nat ma ceu oora. Pe tye nat mo i kinwu ma penya ni. ‘Icito kwene?’ ⁶Cwinywu opon ki kumu pien atittiwu lok man. ⁷Ento atye ka tittiwu lok ada, ni, bibedo ber botwu ka an acito; pien ka pe acito, ci Lacunjudwar pe bibino botwu. Ento ka acito, ci abiore botwu. ⁸En ka obino, bimiyo lobo nian i kom bal, ki kit ma atir, ki nolo kop; ⁹i kom bal, pien pe giye an; ¹⁰i kom kit ma atir, pien adok bot Won, pe dok wubinena; ¹¹i kom nolo kop, pien laloc me lobo man don ginolle kop woko. ¹²“Pud atye ki lok mapol me awaca botwu, ento pe wutwero kanyo koni. ¹³Ka Cwiny me ada bibino, en bitelowu i ada ducu; pien en pe bilok pire kene, ento gin ducu ma en biwinyo, biwaco botwu, bitittiwu gin ma bitimme anyim. ¹⁴En biketo deyo i koma, pien bikwanyo gin ma tun bota, nyuttiwu. ¹⁵Gin ducu ma Won tye kwede mega; en mumiyo awacciwu ni, en bikwanyo gin ma tun bota, nyuttiwu. ¹⁶“Odon kare manok, pe dok wubinena; dok odon kare manok, wubinena.” ¹⁷Lupwonnyene mogo guloko kekengi ni, “Man gin anjo ma en waco botwa, ni, ‘Odon kare manok, pe wubinena, dok odon kare manok, wubinena’; dok ni, ‘Pien adok bot Won?’” ¹⁸Guwaco ni, “Man kono te lokke nino, ni, ‘Odon kare manok’? Pe wanian gin ma en tye ka waco.” ¹⁹Yecu onjeu ni gin mito penye, omiyo en owaccigi ni, “Wutye ka penne kekenwu pi lok ma nen awacciwu, ni, ‘odon kare manok, pe dok wubinena; dok odon kare manok, wubinena?’” ²⁰Adada awacciwu ni, wubikok, wubikumo, ento lobo cwinye bibedo yom; cwinywu bicwer, ento cwerwcwinywu bilokke doko yomcwiny. ²¹Ka mwoc ogoyo dako, kumo, pien cawane don oromo; ento ka don onywal, pe po i can pien nonjo cwinye yom pi nywalo dano i lobo. ²²Koni cwinywu cwer, ento abinenowu doki, ci cwinywu bibedo yom, pe tye nat mo ma bikwanyo yomcwinywu ki botwu. ²³I nino meno pe wubipenya lok mo. Adada awacciwu ni, ka wubilego gin mo bot Won, en bimiyowu i nyina. ²⁴Nio koni yam pe wulego gin mo i nyina; wulegi, wubinono, wek wupon ki yomcwiny. ²⁵“Lok man atittiwu i carolok; kare bibino ma pe dok abilok kwedwu i carolok, ento abitittiwu ka malen lok i kom Won. ²⁶I nino meno wubilego i nyina. Pe awacciwu ni abilego Won piwu, ²⁷pien Won kikome marowu, pien wun wumara, dok wuye ni an aa bot Won. ²⁸An aa bot Won, abino i lobo; doki aweko lobo, adok bot Won.” ²⁹Lupwonnyene guwaco ni, “Nen, koni iloko ka malen, pe i carolok. ³⁰Koni wanjeu ni, in injeu gin ducu, dok penyi pe dok mitte; pi man waye ni ia ki bot Lubanja.” ³¹Yecu odok iye ki gin ni, “Koni don wuye?” ³²Kare bibino, bene don oo, ma wubiket woko, nat acel acel i pacone, wubiweka kena. Ento pe atye kena, pien Won tye kweda. ³³Awaco lok man botwu wek wubed ki kuc i an i lobo wutye ki can; ento wudi cwinywu, an don aloyo lobo.”

¹Yecu ka oloko man, otinjo waje malo i polo, owaco ni, “Abana, kare donj oromo; ket deyo i kom Wodi, wek Wodi bene oket deyo i komi, ²macalo yam imiye twero i kom gin ducu ma tye ki kom, wek omi kwo ma pe tum bot jo ducu ma cej imiyo bote. ³Man en kwo ma pe tum, ni gije in Lubanja acel me ada, ki Yecu Kricito ma yam ioro. ⁴Donj aketo deyo i komi i lobo, kun acobo tic ma cej imiya me atiya. ⁵Donj koni, Abana, ket deyo i koma i nyimi, ki deyo ma yam abedo kwede i nyimi ma peya iketo lobo. ⁶“Atyeko nyuto nyinji bot jo ma cej imiya ki i lobo. Gin cej meri, in imiyogi bota, gin gugwoko lokki. ⁷Koni ginjejo ni jami ducu ma imiya oa ki boti; ⁸pien donj amiyogi lok ma cej imiya, gin donj gujolo, ginjejo atikatika ni an aa ki boti; dok giye ni in iora. ⁹Alego pi gin; pe alego pi lobo, ento pi jo ma cej imiya, pien gin meri. ¹⁰Jamina ducu meri, ki meri ducu mera, alimo deyo pigi. ¹¹An pe dok abedo i lobo, ento gin gitye i lobo, an abino boti. Won Malen, gwokgi i nyinji ma con imiya, wek gibed acel macalo wan acel. ¹²Ka cej atye kwedgi kacel, agwokogi i nyinji ma imiya; akurogi, pe tye mo ma orwenyo ki i kingi, kono dano ma myero orweny, wek ginacoya ocobbe kakare. ¹³Ento koni abino boti; lok man aloko i lobo, wek gubed ki yomcwiny mera, guponj kwede. ¹⁴Atyeko miyogi lok meri; ci lobo okwerogi, pien gin pe jo me lobo, macalo an pe a dano me lobo. ¹⁵pe alego ni myero ikwanygi woko ki i lobo, ento ni igwokgi ki i kom gin marac. ¹⁶Gin pe jo me lobo, macalo cej an pe a dano me lobo. ¹⁷Lonygi i ada gibed malen; lokki en ada. ¹⁸Macalo iora i lobo, an bene aorogi i lobo. ¹⁹An alonnye kena pigi, wek gin bene gilonygi i ada. ²⁰“Pe alego pi jo man keken, ento pi jo ma biye an pi lokgi, ²¹ni gin ducu gubed acel macalo in, Abana, ibedo i an, an bene i in, gin ducu gubed i wan, wek lobo oye ni in iora. ²²Deyo ma cej imiya, an amiyo botgi, wek gubed acel macalo wan acel, ²³an i gin ki in i an, gubed acel atika, wek lobo oje ni in iora, dok imarogi macalo imara. ²⁴Abana, amito jo-ni, ma gin mot ma imiya, gibed bota ka ma an atye iye, wek ginen deyo mera ma imiya pi mar meri ma imara kwede ma ocakke ma peya icibo guti me lobo. ²⁵Ai Won muporre, lobo con pe oneyi, ento an aneyi; jo man neyo ni in iora. ²⁶Amiyo nyinji onene botgi, dok abimiyo neene, wek mar ma imara kwede obed i gin, ki an i igi.”

¹Ka Yecu donj oloko man, ocito kacel ki lupwonnyene, guṇolo nota me Kidron, ka ma ononjo tye iye poto; odonyo iye kacel ki lupwonnyene. ²Juda, ma ceṇ odobe, bene ononjo njejo kabedo meno, pien Yecu ki lupwonnyene yam gimaro cokke kunnu. ³Juda ogamo lwak askari ki ludito tic mogo ki bot ajwagi madito pa Lubanja ki Luparicayo, gucito kunnu ki tara ki mac raa ki jami lweny. ⁴Yecu ononjo njejo gin ducu ma bitimme i kome; okato botgi, openyogi ni, “Wuyenyo aṇa?” ⁵Gudokke iye ni, “Yecu me Najaret.” Yecu ogamo ni, “An a en.” Juda ma odobe ononjo ocuṇ kacel kwedgi. ⁶Ka Yecu owaco ki gin ni, “An a en,” gujer ki njeji, gupoto piny. ⁷Dok openyogi ni, “Wuyenyo aṇa?” Gudokke iye ni, “Yecu me Najaret.” ⁸Yecu owaco ni, “Atyeko tittiwu ni an a en; ka wuyenya, wuwek jo man guciti.” ⁹Man otimme wek lok ma ceṇ en oloko ocobbe kakare, ni, “I kin jo ma ceṇ imiya, pe tye mo ma orwenyo.” ¹⁰Cimon Petero ononjo tye ki pala lucwan; ci owoto, otonjo ki opii pa ajwaka madit, onuno ite malacuc. Nyin opii meno Maliko. ¹¹Yecu ociko Petero ni, “Dwok palani i akurane. Kikopo ma Abana omiya pe abimato?” ¹²Lwak askari ki laditgi ki lutic pa Lujudaya gumako Yecu, gutweye. ¹³Gukwonjo tere bot Anac, ma Kayapa onyomo nyare, ma ononjo en ajwaka madit i mwaka meno. ¹⁴Kayapa en aye ceṇ omiyo tam bot Lujudaya ni ber dano acel oto pi lwak. ¹⁵Cimon Petero olubo kor Yecu, kacel ki lapwonnye meno mukene. Lapwonnye man ononjo njejo ajwaka madit, omiyo en odonyo i dyekal pa ajwaka madit kacel ki Yecu; ¹⁶ento Petero ocuṇ woko i dogganj. Lapwonnye meno ma ajwaka madit njejo ocito, oloko ki aṇeca ma gwoko dogganj, ci okelo Petero i ganj. ¹⁷Aṇeca ma gwoko dogganj openyo Petero ni, “In bene pe itye i kin lupwonnye pa dano man?” En ogamo ni, “An a pe i kingi.” ¹⁸Lutic ki ludito tic ononjo gumoko mac miri, pien piny ononjo njic, ci gicuṇ kun gioyo mac. Petero bene ononjo ocuṇ kacel kwedgi ka oyo mac. ¹⁹Ajwaka madit openyo Yecu pi lupwonnyene, ki i kom lok ma en pwonjo. ²⁰Yecu odokke iye ni, “Yam aloko ka malen bot lobo; nino ducu abedo ka pwonjo i kacokke ki i ot pa Lubanja, ka ma Lujudaya ducu gicokke iye. Pe aloko lok mo i muṇ. ²¹Ipenya piṇjo? Peny jo ma yam guwinyo lok ma awaco botgi; gin njejo lok ma awaco.” ²²Ka oloko lok man, ci ṇat acel i kin ludito tic ma ocuṇ i njete otonjo lem Yecu, kun waco ni, “Igamo dog ajwaka madit kumeno?” ²³Yecu ogamo ni, “Ka aloko marac, nyut caden me gin marac; ento ka aloko maber, ci idonja piṇjo?” ²⁴Lacen Anac ocwale bot Kayapa, ajwaka madit, kun pud gitweye. ²⁵Cimon Petero ononjo ocuṇ kun oyo mac. Gupenye ni, “In bene pe i ṇat acel i kin lupwonnyene?” En okwero woko, owaco ni, “An ko.” ²⁶ṇat acel i kin opii pa ajwaka madit, wat pa dano ma Petero onuno ite-ni, openye ni, “Nanen pe aneni kacel kwede i poto?” ²⁷Petero dok okwero; ci twon gweno otugi kok cut. ²⁸Lacen gikwanyo Yecu ki i ot pa Kayapa, gitere i Praitorion. Ononjo piny donj cok ru. Gin kikomgi pe gudonyo i Praitorion, pien pe gimito balle, ento konj gicam Kato (Paska). ²⁹Pi man omiyo Pilato okato woko botgi, openyogi ni, “Wudoto dano man pi kop aṇjo?” ³⁰Gudokke iye ni, “Kono dano man pe latim marac, kono pe wakele boti.” ³¹Pilato owaccigi ni, “Wun kikomwu wutere, wunjolle kop kun wulubo cikwu.” Lujudaya gudokke iye ni, “Pe giye wan wanek dano mo.” ³²Man otimme wek lok ma Yecu owaco ocobbe kakare, kun nyuto kit to ma ebito kwede. ³³Pilato dok odonyo i Praitorion, olwonjo Yecu, openye ni, “In i Kabaka pa Lujudaya?” ³⁴Yecu ogamo ni, “In iwaco lok man piri keni, kece mono jo mukene aye gutitti?” ³⁵Pilato odok iye ni, “An Lajudaya? Rokki ki ajwagi madito pa Lubanja gukeli bota. In itimo gin aṇjo?” ³⁶Yecu ogamo ni, “Kerra pe me lobo man. Kono kerra me lobo man, kono jona gulwenyo pira, wek pe gimiya i cinj Lujudaya; ento kerra pe me lobo man.” ³⁷Pilato openye ni, “In donj i kabaka, bo?” Yecu ogamo ni, “In iwaco ni an a kabaka. Ginywala pi man, abino i lobo bene pi man, pi bedo caden me lok ada. Dano ducu me ada winyo dwana.” ³⁸Pilato openye ni. “Ada en gin aṇjo?” Ka owaco lok man, ci okato woko bot Lujudaya, otittigi ni, “An gira pe anonjo kop mo i kome. ³⁹Ento wun wutye ki kitwu ni myero agonnyiwu ṇat acel i kare me Kato (Paska). Wumito agonnyiwu Kabaka pa Lujudaya?” ⁴⁰Gin dok guwo ni, “Pe en, ento Baraba.” Baraba kono ceṇ layak.

¹Pilato otero Yecu, ogoye ki anino. ²Askari gucweyo lalukana okuto, gurwako i wiye, dok guruke ki bonjo makwar. ³Gibino bote kun guwaco ni, “Amoti, Kabaka pa Lujudaya!” gidone. ⁴Pilato dok okato woko botgi, owaco ki gin ni, “Nen, akelo en botwu, wek wuŋe ni pe anono kop mo i kome.” ⁵Yecu okatti woko botgi kun oruko lalukana okuto ki bonjo makwar. Pilato owaccigi ni, “Nenu dano man.” ⁶Ka ajwagi madito pa Lubanja ki ludito tic gunene, guwo ni. “Gure kom yat! Gure kom yat!” Pilato owaco botgi ni, “Wun wutere, wugure kom yat, pien an gira pe anono kop mo i kome.” ⁷Lujudaya gugamo doge ni, “Wan watye ki cik; pi cik meno en myero oto, pien okette kene ni en Wod pa Lubanja.” ⁸Ka Pilato owinyo lok man, lworu omedde i kome. ⁹Dok odok i Praitorion, openyo Yecu ni, “In ia ki kwene?” Ento Yecu pe ogamo doge. ¹⁰Omiyo Pilato owacce ni, “Pe igamo doge? Pe ineyo ni atye ki twer me gonyi, ki twer me guri kom yatariya?” ¹¹Yecu odokke iye ni, “Kono nene pe gimiyi twer ma oa ki malo kono pe ibedo ki twer i koma; pi meno nat ma omiya boti tye ki bal madit makato.” ¹²Nia i kare meno Pilato ocako yenyo yo me gonye, ento Lujudaya guwo ni, “Ka igonyo dano man, ci in pe larem Cekar. Dano ducu ma kette kene bedo kabaka, nonjo pyem ki Cekar.” ¹³Ka Pilato owinyo lok man, okelo Yecu woko, obedo i wi kom me nolo kop i kabedo ma gicano iye got; i leb Ibru gilwono ni, Gabbata. ¹⁴Onono nino ca nino me Yubbe me Kato (Paska), cawa cok romo abicel. En owaco bot Lujudaya ni, “Nenu, Kabakawu en!” ¹⁵Dano guwo ni, “Tere woko! Tere woko! Gure i kom yatariya!” Pilato openyogi ni, “Agur kabakawu i kom yatariya?” Ajwagi madito pa Lubanja gudok iye ni, “Wan pe watye ki kabaka, kono Cekar keken.” ¹⁶Omiye botgi wek figure i kom yatariya. ¹⁷Gitero Yecu, okato woko kun tino yatariyane, ocito i kabedo ma gilwono Cogo Wic; i leb Ibru gilwono ni, Golgota. ¹⁸Figure i kom yatariya kunnu, ki jo mukene aryo kacel kwede, acel tuncel, acel tuncel, kun Yecu tye i dyere. ¹⁹Pilato ocoyo lok, oguro i wi yatariya; gicoyo ni, “Yecu me Najaret, Kabaka pa Lujudaya.” ²⁰Lujudaya mapol gukwano lok man, pien ka ma giguro iye Yecu onono tye cok ki gan, dok gicoyo i leb Ibru, i leb Roma ki i leb Grik. ²¹Ajwagi madito pa Lubanja pa Lujudaya guwaco bot Pilato ni, “Pe ico ni, ‘Kabaka pa Lujudaya,’ ento ni, ‘Dano man owaco ni, An Kabaka pa Lujudaya.’” ²²Ento Pilato odok iye ni, “Gin ma acoyo, donj acoyo.” ²³Ka askari gutyeko guro Yecu i kom yatariya, gukwanyo ginarukane, gupoko i dul anwen, dul acel pi askari acel acel; ki kanyine bene. Kanyine onono pe gikwoyo akwoya, ento gicweyo acweya, cakke ki malo. ²⁴Guloko kekengi ni, “Pe myero wayecu, ento wabol kwir iye, wek wanen nat ma bitero.” Man otimme wek ginacoya ocobbe kakare, ni, “Gipoko ginarukana i kingi, gibolo kwir i kom bonona.” ²⁵Askari gutimo man; ento min Yecu ki lamin minne, Maliam dako pa Kelopa, ki Maliam Lamagdala onono gucun i te yatariyane. ²⁶Ka Yecu oneno minne, ki lapwonnye meno ma en maro kun gucun i njete, owaco bot minne ni, “Maa, nen wodi!” ²⁷Ka dok owaco bot lapwonnye meno ni, “Nen meni.” Nia i cawa meno lapwonnye meno otere paco, ogwoke. ²⁸Lacen ka man otum, Yecu oneyo ni ducu donj otum; wek ginacoya ocobbe kakare, owaco ni, “Orwo neka.” ²⁹Agulu konjo vino mawac onono gicibo kunnu; girwako amor ma oponj iye konjo vino mawac i wi anyero, giketo i doge. ³⁰Ka Yecu donj omato konjo vino mawac, owaco ni, “Donj otum.” Okulo wiye, omiyo cwinye. ³¹Nino meno obedo cenj me Yubbe, omiyo Lujudaya gukwayo Pilato ni myero gitur tyen dano ma gigurogi, gitergi woko, wek komgi pe ori i wi yat i cenj cabit, pien cabit meno en nino madit. ³²Askari gubino, guturo tyen dano mukwono, ki tyen dano me aryoone ma cenj giguro kacel kwede; ³³ento ka guo i kom Yecu, guneno ni donj otyeko to woko, ci pe dok guturo tyene. ³⁴Ento nat acel i kin askari ocobo lakjete ki tonj; ci oyotoyot oa iye remo ki pii. ³⁵Nat ma cenj oneno obedo caden, lok ma en obolo tye ada, en njeyo ni ebolo lok ada, wek wun bene wuye. ³⁶Pien meno ducu otimme wek ginacoya ocobbe kakare, ni, “Cogone mo pe gibituro.” ³⁷Dok dul ginacoya mukene owaco ni, “Gibineno nat ma gicobo.” ³⁸Ka man otum, Yucepu me Arimataya, ma onono en lapwonnye pa Yecu, ento i mun, pi lworu Lujudaya, olego Pilato ni myero eter kom Yecu; ci Pilato oye. Obino, otero kome. ³⁹Nikodemo bene, ma yam ocito bot Yecu dyewor, obino kun okelo murra ma girubo ki atakarac, ma pekke mito romo ratili miya. ⁴⁰Gutero kom Yecu, guboyo ki bonjo camanini, kacel ki anjece, macalo kit me yik pa Lujudaya tye. ⁴¹Ka ma figure iye onono tye poto, i poto meno onono tye iye lyel manyen ka ma yam peya giyiko iye nat mo. ⁴²Pi cenj me Yubbe pa Lujudaya, dok pien lyel meno obedo cok, omiyo giyiko Yecu kunnu.

¹I nino mukwoŋo me cabit, Maliam Lamagdala opuk i lyel odiko con ma piny pud col oneno ni gikwanyo got woko ki i dog lyel. ²En oriŋo, ocito bot Cimon Petero, ki bot lapwonnye meno mukene ma Yecu maro, otittigi ni, “Gikwanyo Rwot woko ki i lyel, pe waŋeyo ka ma gikete iye.” ³Petero ki lapwonnye meno mukene gumako yo, gucito i lyel. ⁴Gin aryo ducu guriŋo kacel, lapwonnye meno oyomo Petero ki ŋwec, okwoŋo o i lyel. ⁵Oguŋo, onjiyo iye, oneno boŋŋi camanini ma giboye kwede gudon kakare; ento pe odonyo iye. ⁶Cimon Petero obino kun lube, odonyo i lyel, oneno boŋŋi camanini gudon kakare, ⁷ki kitambara ma ceŋ tye i wiye, pe tye kacel ki boŋŋi camanini, ento odolde, tye kene pat. ⁸Lacen lapwonnye meno mukene ma okwoŋo o i lyel bene odonyo iye; oneno, ci oye. ⁹Pien ceŋ peya ginian ginacoya, ni myerone ocer ki i kin jo muto. ¹⁰Lupwonnye meno gudok paco. ¹¹Ento Maliam ocuŋ i ŋet lyel kun kok; ka tye ka koko, ci uguŋo, onjiyo i lyel. ¹²Oneno lumalaika aryo ma rukgi tar, kun gubedo ka ma gipyelo kom Yecu iye, acel tuŋ wiye, acel tuŋ tyene. ¹³Gupenye ni, “Dako, ikok piŋo?” Odok iye ki gin ni, “Gikwanyo Rwoda woko, pe aŋeyo ka ma gikete iye.” ¹⁴Ka don oloko lok man, ci olokke, oneno Yecu kun ocuŋ i ŋeye, ento pe oŋeyo ni en Yecu. ¹⁵Yecu openye ni, “Dako, ikok piŋo? Iyenyoy aŋa?” Otamo ni gwok nyo en lapur-poto, owacce ni, “Ladit, ka in aye itere, titta ka ma ikete iye, wek acikwanye.” ¹⁶Yecu olwoŋe ni, “Maliam.” En olokke, owacce i leb Ibru ni, “Rabboni!” ma te lokke ni, Lapwony. ¹⁷Yecu owacce ni, “Wek maka, pien peya acito bot Won. Ento cit bot utmega, itittigi ni, acito bot Wora ki bot Wonwu, bot Lubana na ki bot Lubanawu.” ¹⁸Maliam Lamagdala ocito, owaco bot lupwonnye ni. “Aneno Rwot”; otittigi ni en owaco lok man bote. ¹⁹Otyeno me nino meno, ma en nino mukwoŋo me cabit, ma kun gicego doggola ka ma lupwonnye gucokke iye, pi lworu Lujudaya, Yecu obino, ocuŋ i dyegi, owaco ki gin ni, “Kuc obed botwu.” ²⁰Ka owaco lok man, ci onyuttigi ciŋe ki lakŋete. Lupwonnye cwinygi obedo yom ka guneno Rwot. ²¹Yecu dok owaco ki gin ni, “Kuc obed botwu. Macalo Won ceŋ oora, an bene aorowu.” ²²Ka en owaco man, ci oywe i komgi, owaco ki gin ni, “Wugam Cwiny Malen.” ²³Ka wugonyo bal pa ŋat mo, ci don gigonyo; ka pe wugonyo bal pa ŋat mo, ci don pe gigonyo.” ²⁴Tomaci, ŋat acel i kin jo apar wiye aryo, ma gilwoŋo ni Banji, onono pe botgi i kare ma Yecu obino. ²⁵Lupwonnye mukene gutitte ni, “Waneno Rwot.” Ento en odak iye ki gin ni, “Ka pe aneno poyo me cumar i ciŋe, ki keto nyig ciŋa i waŋ poyo me cumar, ki keto ciŋa i lakŋete, pe abiye kadi matidi mo.” ²⁶Ka nino aboro okato, lupwonnyene doki gubedo i ot, Tomaci bene onono tye kwedgi. Onono gucego doggola, ento Yecu obino, ocuŋ i dyegi, owaco ni, “Kuc obed botwu.” ²⁷Lacen owaco bot Tomaci ni, “Cwal nyig ciŋi kany, inen ciŋa; rye ciŋi, iket i lakŋeta; iwek bedo ma pe iye, ento ma ye.” ²⁸Tomaci ogamo ni, “In i Rwoda ki Lubanana” ²⁹Yecu openye ni, “Pien inena omiyo iye? Tye ki gum dano ma pe guneno, ma guye.” ³⁰Yecu otiyo lanyut mapol i nyim lupwonnyene, ma pe gicoyogi i buk man. ³¹Ento magi gicoyo wek wuye ni, Yecu en Kricito ma Lubana oyero, Wod pa Lubana, ci ka wuye, wek wubed ki kwo i nyiŋe.

¹Ka man otum, Yecu dok onyutte bot lupwonnyene i dog nam Tiberia, onyutte kit man. ²Cimon Petero, Tomaci ma gilwono ni Banji, Natanael me Kana me Galilaya, litino pa Jebedayo ki jo aryo mukene i kin lupwonnyene onono gitye kacel. ³Cimon Petero owaco ki gin ni, "Acito ka mako rec." Gugamo doge ni, "Wan wacito kwedi." Gucito, gudonyo i yeya; ento i dyewor meno pe gumako gin mo. ⁴Ka piny pud oru aruya, Yecu ocun i wi tera, ento lupwonnyene pe ginoyo ni en Yecu. ⁵Yecu openyogi ni, "Litino, wunono dek mo twal?" Gudokke iye ni, "Pe". ⁶En owaccigi ni, "Wubol obwo tun malacuc me yeya. ci wubinono." Gubolo, tinjo obwo onayogi pi pol rec. ⁷Lapwonnye meno ma Yecu maro owaco ki petero ni, "Meno Rwot!" Ka Cimon Petero owinyo ni meno Rwot, oruko bonjine, pien onono ogonyogi woko pi tic, okworre i nam. ⁸Ento lupwonnye mukene gubino i yeya, kun giywayo obwo ma opon ki rec, pien onono pe gibor ki wi tera, mito romo tyen miya acel. ⁹Ka donj gukatti woko i wi tera, guneno mac miri kunnu, ma giketo rec i wiye, ki mugati. ¹⁰Yecu owaccigi ni, "Wukel rec mogo ma pud wumako amaka-ni." ¹¹Cimon Petero oito i yeya, oywayo obwo, okelo i wi tera, kun opon ki rec madito, miya acel ki pyerabic wiye adek. Kadi bed gipol ento obwo pe oyec. ¹²Yecu owaccigi ni, "Wubin ka cam." Pe tye nat mo i kin lupwonnye ma odiyo cwinye me penye ni, "In ana?" Pien ginoyo ni en Rwot. ¹³Yecu obino, okwanyo mugati, opokkigi, ki rec bene kit meno. ¹⁴Man donj tyen me adekke ma Yecu onyutte kwede bot lupwonnyene, ma donj en ocer ki i kin jo muto. ¹⁵Ka donj gicamo otum, Yecu openyo Cimon Petero ni, "Cimon wod pa Jon, in imara makato jo-ni?" En ogamo ni, "Iyo, Rwot, in inoyo an amari." Ocike ni, "Kwa litino romina." ¹⁶Openye tyen me aryo ni, "Cimon wod pa Jon, in imara?" En ogamo ni, "Iyo Rwot, in inoyo an amari." Ocike ni, "Gwok romina." ¹⁷Dok openye tyen me adekke ni, "Cimon wod pa Jon, in imara?" Petero okumo pien openye tyen me adekke ni, "Imara?" Owacce ni, "Rwot, in inoyo jami ducu; in inoyo an amari." Yecu ocike ni, "Kwa romina." ¹⁸Adada awacci ni, ka cej in pud awobi, itweyo bonjoni keni, iwoto ka ma imito; ento ka donj iti, ibiryeyo badi, ci nat mukene bitweni bonjoni, biteri ka ma pe imito. ¹⁹Owaco man pi nyuto kit to ma en biketo kwede deyo i kom Lubana. Ka oloko lok man, owacce ni, "Luba." ²⁰Petero olokke, oneno lapwonnye meno ma Yecu maro kun lubogi, en aye nat ma cej ojenje i kor Yecu i dog cam me otyeno, ma owaco ni, "Rwot, ana ma bidobi?" ²¹Ka Petero onene, openyo Yecu ni, "Rwot, danoni kono?" ²²Yecu owacce ni, "Ka amito ni en ori nio ka abidwogo, ilaro anjo iye? In luba." ²³Lok man oywek i kin utmego, ni lapwonnye man pe bito; ento Yecu cej pe owaco ni en pe bito, ento ni, "Ka amito ni en ori nio ka abidwogo, ilaro anjo iye?" ²⁴Man aye lapwonnye ma obedo caden i kom lok magi, dok ocoyogi; wan bene wanoyo ni lok ma en obolo obedo ada. ²⁵Tye bene gin mukene mapol ma Yecu otiyo; ka kono gicoyogi ki acel acel, atamo ni kadi lobo kulu pe twero romo buk ma gicoyo.

Tic pa lukwena

1

¹I buk mukwono; Teopilo, acoyo iye lok ducu ma yam Yecu ocako tiyo ki pwonyone, ²nio kwede wa i nino ma gitere kwede i polo, i ne miyo cik i tek pa Cwiny Malen bot lukwenane ma yam oyerogi. ³Obedo ka nen botgi tyen mapol pi moko ni etye makwo lacer ki i ne tone. Obedo ka nen botgi pi nino pyeranwen. ⁴kun pwonyogi ki lok i kom ker pa Lubana. I kare ma obedo kwedgi, ocikogi ni pe gua ki i Jerucalem, ento gukur gin ma Lubana Won ociko pire, kun wacci, "En gin ma con wuwinyo ki bota-ni." ⁵Jon yam batija dano ki pii, ento odonj nino manok ma wun gibibatijawu ki Cwiny Malen. ⁶Ka gucokke kacel, ci gupenye ni, "Rwot, i kare man en aye ibidwoko iye ker bot jo Irael bo?" ⁷En ogamo ni, "Pe wun aye myero wune kare wa nino ma yam Lubana Won omoko i te twero mere. ⁸Ento wun wubilimo tek ka Cwiny Malen bibino i komwu, ci wubibedo lucadenna i Jerucalem ki i Judaya ducu ki i Camaria, wa i agikki lobo ducu." ⁹Ka donj otyeko loko lok meno, ci gitije malo, ma gin bene gineno, ka pol ogame woko ki i nyingi. ¹⁰Ka giciko wangi malo i kore ma kun en cito, ci nen, jo aryo gucun ka netgi ma guruko kanyi matar, ¹¹ma giwaco ni, "Wun Lugalilaya, pinjo wucun wuneno malo i polo? Yecu man ma donj gitijo malo ki botwu gitere i polo, bidwogo doki kit macalo wuneno gitere kwede i polo-ni." ¹²Ka donj gucako dok i Jerucalem ki i wi got Jeituni, ma cok ki Jerucalem, rom ki wot me cej cabit. ¹³Ka gudonyo i ganj ci gucito i kicika ma malo, ka ma yam gibedo iye-nu, gin aye Petero ki Jon ki Yakobo ki Anderiya, Pilipo ki Tomaci, Bartolomayo ki Matayo, Yakobo wod pa Alipayo, Cimon ma yam obedo i kin jo ma gimito locken, ki Juda wod pa Yakobo. ¹⁴Gin ducu gumine ka lega ki cwiny acel, kacel ki mon ki Maliam min Yecu ki omegine. ¹⁵I kare meno Petero ocun i kin lwak utmego ma giromo miya acel ki pyeraryo kun wacci, ¹⁶"Utmego, lok ma yam gicoyo myero ocobbe kakare, macalo yam Cwiny Malen oloko ki i dog Daudi i kom Juda ma otelo wi jo ma gumako Yecu ca. ¹⁷Pien yam gikwano en i kinwa, en bene obedo i dog tic man." ¹⁸Dano meno owilo poto ki lim ma onono pi tim aranyine, ka opoto aryeba cwiny ci iye otyer obar woko, cin iye owukke woko ducu. ¹⁹Lok man onene bot jo ducu ma gibedo i Jerucalem, ci poto meno gilwono

ki i lebgi ni Akel-dama, en aye Poto me Remo.²⁰Petero omedo lokke kun wacci, “Lokke gicoyo i buk me Jabuli ni, ‘Wek kabedone obakke woko, wek ṇatti mo pe obed iye’; dok ni, ‘Ticce ṇat mukene oter.’²¹Myero giyer ki i kin jo man ma gubedo kwedwa i kare ducu ma Rwot Yecu obedo ka wirre i kinwa, ²²ma gucako nia wa i kom batija pa Jon nio wa onyoo ma doṇ gitije kwede malo ki i kinwa; wek ṇat acel i kin jo man gikwan kwedwa me bedo lacaden me cerre.” ²³Ci gukelo dano aryo. Yucepu ma gilwoṇo Barcaba ma nyiṇe mukene Yucito, ki Matiya.²⁴Ka gucako lega kun giwaco ni, “Rwot ma iṇeyo cwiny dano ducu, nyut botwa i kin jo man aryo-ni ṇat ma in doṇ iyero, ²⁵me leyo kabedo me tic man ki tero kwenane, ma yam Juda oweko ci olokke odok cen, odok gire i kabedone.” ²⁶Gubolo kwir pigi, ci kwir opoto i kom Matiya, ka giketo en i kom wel lukwena apar wiye acel-li.

¹Ka nino me Pentekote donj oromo, ononjo gin ducu gucokke kacel i kabedo acel. ²Oyotoyot woo owinnye kun oa ki i polo macalo yamo ma kodo mager, oponjo ot ducu ka ma gubedo iye. ³Ci gin mo onen botgi macalo leb mac ma opokke ci opye i wi nat acel acel i kingi. ⁴Ka donj gin ducu guponj ki Cwiny Malen, ci gucako dumo leb mukene mapatpat macalo Cwiny Malen omiyogi me lokone. ⁵Ononjo tye Lujudaya ma gibedo i Jerucalem, jo ma giworo Lubanja ma gua i rok ducu ma tye i wi lobo. ⁶Ka woo meno owinnye, lwak ducu gucokke kun wigi ocunj woko, pien ononjo nat acel acel winyogi ka giloko leb tugi kikome. ⁷Ci guuro matek twatwal ma kun giwacci, "Jo ma giloko-ni mono pe gin ducu Lugalilaya?" ⁸Piwo wan ducu dok wawinyogi kun nat acel acel tye ka lok i leb tugi kikome ma ginywale iye? ⁹Wan Luparti, jo Media, jo Elam, ki jo ma gibedo i Mecopotamia, Judaya ki Kapadokia, Ponto ki Acia, ¹⁰Purugia ki Pampulia, Ejipt ki lobo Libya ma dok tunj Cirene, ki welo ma gua ki i Roma ma gin Lujudaya ki jo ma gulokke gudonyo i diniwa, ¹¹Lukurete ki Luarab, wan ducu wawinyogi ka gitito pi tic madito me twero pa Lubanja i leb tuwa kikome." ¹²Gin ducu guuro ma pe gitwero nian, ma giloko kekengi ni, "Man te lokke anjo?" ¹³Ento jo mukene gunyerogi anyera kun giwaco ni, "Jo-ni gumer ki konjo vino manyen." ¹⁴Ento Petero ocunj kacel ki lukwena apar wiye acel, odanjo ki dwan madit kun waco botgi ni, "Wun co me Judaya, ki wun jo ducu ma wubedo i Jerucalem, ber wunje lok man, dok wucik itwu ka winyo lokka. ¹⁵Jo man pe gumer, macalo wun wutamo, pien cawa pud adek keken me odiko. ¹⁶Ento man aye lok ma yam lanebi Joel oloko pire kun wacci, Lubanja owaco ni, ¹⁷Lacen abionyo Cwiny mera Malen i kom jo ducu; litino awobewu ki anyirawu gibitito lok pa Lubanja, awobewu gibineno ginanyuta, jowu muti gibileko lek. ¹⁸Iyo, i kare meno abionyo Cwiny mera wa i kom luticca ma co ki ma mon, ci gibitito lokka. ¹⁹Abinyuto tano malo i polo ki lanyut mapatpat piny i wi lobo, remo ki mac ki yito ma duny. ²⁰Cen bicido woko macol, dwe bidoko makwar calo remo, ma nonjo nino pa Rwot peya obino, nino madit ki me deyo madwon. ²¹I kare meno jo ducu ma gilwonjo nyin Rwot gibilarogi." ²²"Wun jo Icrail, wuwiny lok man: Yecu Lanajaret obedo dano ma Lubanja aye onyuto botwu kun moko ki tic madito me twero, ki tano ki lanyut mapol ma Lubanja otiyo kacel kwede i kinwu, macalo wun wuneyo. ²³Yecu man gimie botwu macalo Lubanja yam ononjo oyubo kun oneyo gin ma bitimme i anyim, ci wun wugure i kom yatariya, wuneke ki cinj jo ma pe guye Lubanja. ²⁴Ento Lubanja ocero en woko, kun gonye woko ki i arem me to, pien to pe twero moko i kome. ²⁵Pien Daudi yam oloko i kome ni, 'Kare ducu aneyo ni Rwot tye kweda; pe gibidira woko cen, pien en tye yo tunj cinja malacuc. ²⁶Pi meno omiyo abedo ki yomcwiny madwon, leba bene loko ki yomcwiny, nino ducu abedo maber kun atye ki gen. ²⁷Pien in pe ibitenya ata i lobo pa jo muto, pe ibiweko kom danoni ma geni top woko. ²⁸In donj inyutta yo ma tera i kwo; bedoni kweda bimiyo abedo ki yomcwiny madwon mada. ²⁹"Utmego, myero alok botwu i kom kwarowa Daudi atir ni yam en oto dok giyiko kome, watye ki lyelle botwa kany nio wa tin. ³⁰Ononjo yam en lanebi, dok oneyo ni Lubanja yam okwonjo wonj bote ni ebiketo dano mo ma i kin likwaye ma bedo i wi komkerre. ³¹En yam oneno gin ma bitimme i anyim ka oloko bene i kom cer pa Kricito ma Lubanja oyero ni, pe gitenye ata i lobo pa jo muto, kome bene pe otop. ³²Man en Yecu ma Lubanja ocero woko, wan ducu wacaden i kom lok meno. ³³Ka gitije malo wek obed i net Lubanja yo tunj acuc i kabedo me deyo, ci ogamo Cwiny Malen ki bot Wonne kit ma yam Lubanja ociko, ci oonyo i komwa gin man ma donj wuneno dok bene wuwinyo-ni. ³⁴Pien Daudi yam pe ocito i polo; ento en aye owaco ni, 'Rwot owaco bot Rwoda ni, mBed i neta tunj acuc i kabedo me deyo, ³⁵nio ka abimiyo lukworri doko kom laten tyeni.' ³⁶Myero jo me ot pa Icrail ducu gunje atika ni, Lubanja otyeko keto en me bedo Rwot dok Kricito ma Lubanja oyere, en Yecu man ma wun wuguro i kom yatariya-ni. ³⁷Ka guwinyo man, cwinygi oton, ci guwaco bot Petero ki lukwena mukene ni, "Utmego, wabitimo anjo?" ³⁸Petero owaco botgi ni, "Wunjut, gibatijawu nat acel acel ki i kinwu i nyin Yecu Kricito, wek Lubanja owek balwu; ci wubilimo mot me Cwiny Malen. ³⁹Pien lok man giciko piwu ki pi litinowu ki pi jo ducu ma gitye ka mabor, ma Rwot Lubanjawa bilwonjogi bote." ⁴⁰Ka dok otito botgi lok mukene mapol, ma tuco matek dok cuko cwinygi kun waco ni, "Wularre kenwu wua woko ki bot yalwak man munjak-ki." ⁴¹Ci jo muye lok ma en owaco botgi gibatijagi, ci gumedde i nino meno jo ma romo alip adek. ⁴²Gin gumine kengi ka winyo pwony pa lukwena, ka ribbe kacel ki jo ma guye Yecu, ka camo mugati ma gibaro, ki ka lega. ⁴³Ci lworu omako dano ducu; ci lukwena gubedo ka tiyo lwak tano ki lanyut mapol. ⁴⁴Jo ma guye Yecu gucokke kacel, kun ginywako jami ducu kacel. ⁴⁵Gucato lonyogi ki jamigi, ka gupoko ki jo ducu kit macalo mitte bot nat acel acel. ⁴⁶Nino ducu gibedo ka cokke i ot pa Lubanja ki baro mugati i pacogi, kun gicamo kacel ki yomcwiny ki cwiny acel, ⁴⁷kun gipako Lubanja, ma dano ducu pwoyogi, ci Lubanja obedo ka medo i komgi jo ma gularre nino ducu.

3

¹I nino mo Petero ki Jon guito malo i ot pa Lubana i cawa me lega, cawa abonwen ²Onono tye dano mo laput nia i kare ma ginywale ma gitino ci giketo i doggola ot pa Lubana ma gilwono Maber, pi lego kony bot jo ma gidonyo i ot. ³Ka oneno Petero ki Jon gimito donyo i ot pa Lubana, ci openyogi ni gumiye kony. ⁴Petero kacel ki Jon guciko wangi i kome, ci Petero owacci, "Nen komwa." ⁵Ci oketo cwinye ka nenogi, kun geno ni gibimiye gin mo. ⁶Ento Petero owacci, "Pe atye ki lim mo, ento amii gin ma atye kwede; i nyin Yecu Kricito Lanajaret, woti." ⁷Ka omako bade lacuc ci otine kwede malo; ci tyene ki odilo tyene omoko woko matek cut. ⁸Oa, otirre ocun, owoto odonyo kwedgi i ot pa Lubana, ma woto kun pye, dok pako Lubana. ⁹Lwak jo mapol ducu gunene ka woto kun pako kwede Lubana, ¹⁰ci gunian ni en dano ma yam lego kony i doggola Maber-ri. Guuro matek ma doggi otwo woko pi gin ma otimme i kome-ni. ¹¹Ka pud omoko i kom Petero ki Jon, ci lwak dano ducu guriyo gucokke botgi i te baraja ma gilwono ni pa Solomon. ¹²Ka Petero onenogi, ci owaco bot lwak ni, "Wun jo Irael wuuro lok man pinjo? Pinjo wuciko wanwu i komwa macalo wan aye ma watimo lok man ki tekwa, nyo ni pien wan jo ma lworu Lubana omiyo dano-ni owoto?" ¹³Lubana pa Abraim, ki pa Icaha ki pa Yakobo, Lubana pa kwarowa, yam oketo deyo i kom laticce Yecu ma wun wumiyo i cin Pilato kun wukwere woko i kare ma Pilato oyubbe me gonyo en. ¹⁴Ento wun wukwero en nat Malen ki ma Kite Atir-ri, kun wulego ni omi botwu lanek. ¹⁵Ci wuneko Won Kwo. Ento Lubana ocere woko ki i kin jo muto, wan lucaden i kom lok man. ¹⁶Pi nyine, ki pi ye nyine, en aye omiyo kom laco man odoko tek macalo wuneno dok wuneyo; pi ye Yecu omiyo laco man olimo yotkom i nyimwu ducu. ¹⁷"Iyo, utmega, aneyo ni yam wutimo man ma onono wukwiya, macalo luditowu bene. ¹⁸Ento macalo yam Lubana oloko i dog lunebine ducu ni Kricito mere myero onen can, ci don omiyo ocobbe kakare kumeno. ¹⁹Iyo, wunut, wudwog cen, wek balwu gijwa woko, wek nino me yweyo ma a ki bot Rwot obin botwu, ²⁰wek en ocwal Kricito ma oyero piwu, en Yecu. ²¹Ma myero gijole i polo nio ka kare oromo me dwoko jami ducu kakare, ma yam Lubana oloko pire i dog lunebine malen nia wa con. ²²Moses yam owacci, 'Rwot Lubana bicwalo lanebi mo piwu ma bia ki i kin utmegiwu macalo ocwalo an. Wubiwinyo en i lok ducu ma bititowu. ²³Dok ka obinen dano mo ma pe biwinyo lanebi meno, wane birwenyo woko ki i kin lutugi. ²⁴Ki lwak lunebi ducu ma yam guloko, cakke wa i kom Camuel ki jo ma gulubo kore, gutito bene pi kare man. ²⁵Wun likwayo pa lunebi, ki lule gicikke ma yam Lubana omiyo bot kwarowu, kun waco bot Abraim ni, 'Rok ducu gibilimo gumgi ki i kom likwayi.' ²⁶Ka don Lubana otyeko keto laticce, okwono cwale botwu pi kelliwu gum ma miyo nat acel acel lokke weko timo bal."

¹Ka pud gitye ka lok ki dano, ci ajwagi ki ladit askari me ot pa Lubanja ki Lucadukayo gubino botgi, ²ma gujul woko, pien onono gipwonyo lwak kun gitito pi cer pa Yecu ki i kin jo muto atyer. ³Ka gumakogi ci guketogi i mabuc nio wa odiko, pien onono piny don oyuto woko. ⁴Ento lwak jo mapol i kin jo ma guwinyo lokgi guye, wel dano omedde oo alip abic. ⁵Ka piny oru, ci luloc ki ludoŋo ki lupwony-cik gucokke i Jerucalem, ⁶kacel ki Anac, ajwaka madit, ki Kayapa ki Jon ki Alegijanda, ki lwak ducu ma gitye i doggola pa ajwagi madito. ⁷Ka giketogi i dyere, gupenyogi ni, “Wun wutiyo man pi kit tek aŋo, nyo pi nyin aŋa?” ⁸Ka Petero opon ki cwiny Malen, ci owaco botgi ni, “Wun lulo lwak ki ludoŋo, ⁹ka tin gipenyowa lok mudok i kom gin maber ma otimme i kom laput, ki kit ma dano man ocaŋ kwede, ¹⁰wek oŋene botwu ducu ki bot lwak jo Icrail ducu ni, pi nyin Yecu Lanajaret, ma wun wuguro i kom yatariya, ma Lubanja ocero woko ki i kin jo muto-ni aye laco man ocuŋ i nyimwu ma kome yot. ¹¹Man aye got ma wun lugedo wukwero woko ento ma odoko got madit me twok ot. ¹²Pe tye larre mo i ŋat mukene, pien pe tye nyin mo mukene i wi lobo man ma gimio ki wan dano ma myero walarre iye.” ¹³Ka don guneno tekcwiny pa Petero ki Jon, ma gunian bene ni gin jo mogo ata ma pe gupwonnye, ci guuro; ka don gunian ni gin yam gubedo kacel ki Yecu. ¹⁴Ento ka guneno laco ma gicaŋo-ni ocuŋ ka ŋetgi, lok mo ma myero guwac don obedo pe. ¹⁵Ka gucikogi ni kon gukat woko ki i Lukiko, ci guyubo lok kekengi, ¹⁶kun giwaco ni, “Jo man wabitimogi niŋniŋ? Pien gutyeko tiyo lanyut ma kome nen bot dano ducu ma gibedo i Jerucalem, wan bene pe watwero kwerone. ¹⁷Ento pi kit me juko wek pe oket orom kin dano, ber wajukugi ni pe gimmedde ki tito bot ŋat mo pi nyin man.” ¹⁸Ci gulwonogi gucikogi ni pe gutit kadi pwonyo lok mo i nyin Yecu kadi matidi mo. ¹⁹Ento Petero ki Jon gugamo ni, “Wun wuŋol ka ce nen ber i waŋ Lubanja me winyowu makato winyo Lubanja; ²⁰pien wan pe watwero weko tito pi gin ma yam waneno ki ma wawinyo.” ²¹Ka don guburogi matek, ci guwekogi gucito; pe gunono yo me keto can i komgi pi lwak dano, pien gin ducu gubedo ka pako Lubanja pi gin mutimme-ni. ²²Dano ma lanyut me twer me caŋo dano otimme i kome-ni onono don dit ma mwakane kato ka pyeraŋwen woko. ²³Ka gigonyogi ci gucito bot luremgi ka gutito botgi gin ma ajwagi madito pa Lubanja ki ludoŋo guwaco botgi. ²⁴Ka guwinyo, ci gutiŋo dwangi malo kacel bot Lubanja kun giwaco ni, “Ai Rwot Lubanja, in ma con iketo polo ki lobo ki jami ducu ma tye i igi, ²⁵con iloko i dog kwarowa Daudi ma laticci i tek pa Cwiny Malen ma owaco ni, ‘Piŋo Lurok gitye ka wo kacel, dok piŋo rok mapol gipiro lok ma konnye pe?’ ²⁶Luker me lobo gurye i tyen, ki luloc bene gucokke gugurre kacel i kom Rwot ki i kom ŋat ma en oyero ka don owiro. ²⁷“Adada gucokke gugurre kacel i gaŋ man i kom laticci malen twal Yecu, en ma in iwiro ki moo, gin Kerode ki Pontio Pilato, kacel ki Lurok ki jo Icrail ducu, ²⁸pi tiyo ducu ma yam iyubo pi tweroni ki mitti ni myero otimme. ²⁹Iyo, Rwot, don inen bura meg, ci imi wan luticci watit lokki ki tekcwiny labono lworo mo, ³⁰kun in iryeyo cinj me caŋo dano, wek lanyut ki tano mapol otimme i nyin laticci Yecu malen twal.” ³¹Ka gutyeko lega, ci kabedo ma gugurre iye-ni oyenŋe, gin ducu gupon ki Cwiny Malen, ci gutito lok pa Lubanja ki tekcwiny labono lworo. ³²Lwak jo muye ducu gubedo ki cwiny acel ki tam acel, kun pe tye ŋat mo ma waco ni lim ma etye kwede-ni mere kene, ento gunywako jami ducu kacel. ³³Lukwena gubolo lok i kom cer pa Yecu ki tek, ci gum madit opoto i komgi ducu. ³⁴Pe tye ŋat mo i kingi ma gin mo orem bote, pien jo ma gitye ki pottigi nyo odigi gucatogi woko, ka gukelo lim mua iye, ³⁵guketo ka tyen lukwena, ka gupoko kit ma mitte bot ŋat acel acel. ³⁶Kit meno Yucepu ma nyiŋe me aryone lukwena gucako ni Barnaba (ma te lokke ni ŋat ma jiŋo cwiny dano), Lalevi ma ginywalo i Caiprac, ³⁷ocato potone ma en tye kwede, ci okelo limme oketo ka tyen lukwena.

¹Ento laco mo ma nyiŋe Anania ki dakone Capira gucato jamigi, ²ci en okano dul lim mogo woko ma dakone bene nŋeyo, ka okelo dul acel, ci oketo ka tyen lukwena.³Ento Petero owacce ni, “Anania, piŋo Catan opono cwinyi, omiyo itemo bwolo Cwiny Malen kun ikano dul lim ma oa i loboni? ⁴Ka nene pe icato, kono pe obedo meri giri? Dok ka don icato, pe onono tye giri i te twerri? Piŋo itamo lok macalo meno i cwinyi? Pe ibwolo dano ento ibwolo Lubana giri.” ⁵Ka Anania owinyo lok meno, ci opoto piny oto woko cut, ci lworu madit omako jo ducu ma guwinyo pire. ⁶Litino awobe gua ci guboyo kome, ka gutere woko ka yike. ⁷Lacen ka cawa okato kine ka adek, ci dakone obino odonyo, kun pe nŋeyo gin mutimme-ni. ⁸Petero owacce ni, “Titta ka onono wucato lobowu i wel ma rom meno.” ⁹Ento Petero owacce ni, “Piŋo wun aryo ducu wuribbe ka bwolo Cwiny pa Rwot? Nen, tyen jo muyiko cwari ka tye i doggola, in bene gibiteri woko.” ¹⁰Ci dako opoto piny ka tyene, oto woko cut, ka litino awobe gubino gudonyo i ot, ci gunono en oto, ci gutere woko, guyike ka net cware. ¹¹Lworu madit omako lwak jo muye Yecu ducu, ki jo ducu ma guwinyo lokke. ¹²Lwak lanyut ki tano mapol otimme i kin dano ki i cin lukwena. Onono gin ducu gibedo kacel i te baraja pa Solomon. ¹³Pe tye nat mo ma oette me ribbe kwedgi, ento onono dano guketo deyo madit i komgi. ¹⁴Lwak jo mapol ma guye gumedde bot Rwot, co wa ki mon, ¹⁵mumiyo gikelo lutwo wa i yo, gipyelogi i wi kitanda ki i wi gibuto, wek ka Petero kato ka netgi, ci tipone owok i kom jo mogo i kingi. ¹⁶Lwak dano bene gua ki i gan murumo Jerucalem, gucokke kun gikelo lutwo ki jo ma cen marac yelogi, ci gin ducu gucan. ¹⁷Ento ajwaka madit oa kacel ki jo ma gitye kwede, ma gin aye dul pa Lucadukayo, ma nyeko omakogi matek, ¹⁸gumako lukwena guketogi i mabuc. ¹⁹Ento i dyewor lamalaika pa Rwot oyabo dog ot mabuc, ci okelogi woko kun waco ni, ²⁰“Wucit wucun i ot pa Lubana, wutit bot dano lok me Kwo man ducu.” ²¹Ka guwinyo lok man, ci gudonyo i ot pa Lubana okogweno gubedo ka pwonyo dano. Ka ajwaka madit obino ki jo ma onono gitye kwede, ci gucoko Lukiko kacel ki ludonwo ducu pa jo Irael, ka gucwalo kwena ka omogi ki i mabuc. ²²Ento ka ludito pa askari gucito, pe gunonogi i buc, ka gudwoko lok ni, ²³“Wanono ot kol giloro maber, kun lukur-piny bene gucun i doggola, ento ka wayabo ci pe wanono nat mo iye.” ²⁴Ka ladit pa askari me ot pa Lubana ki ajwaka madit guwinyo lok meno, ci tamgi ocun woko, kun gipennye kekengi kit ma lokke bitum kwede. ²⁵Ka nat mo obino otittigi ni, “Jo ma wuketogi i ot kol-li, gitye gucun i ot pa Lubana ka pwonyo dano.” ²⁶Ci ladit ki askarine gucito gukelogi, ento pe ki tek mo, pien onono gilworu ni lwak celogi ki got. ²⁷Ka don gukelogi, ci guketogi i nyim lukiko, ka ajwaka madit openyogi, ²⁸kun waco ni, “Wan wacikowu matek ni pe wupwony lok mo i nyin man ento koni wupono i Jerucalem woko pi pwonywu-ni, dok wumoko tamwu me kelo remo pa dano man i komwa.” ²⁹Ento Petero ki lukwena mukene gudok iye ni, “Myero wawiny Lubana makato dano. ³⁰Lubana pa kwarowa ocero Yecu ma wun wuneko ku wunabe i kom yat. ³¹Lubana otine malo i nŋete yo tun acuc i kabedo me deyo pi bedo Laker ki Lalar, wek jo Irael gunon kare me nŋut ci en owek balgi. ³²Wan aye lucaden me lok meno, kacel ki Cwiny Malen ma Lubana omiyo bot jo ma giwinye.” ³³Ka guwinyo lok man, ci gutugge ki akeca ma gimito nekogi. ³⁴Ento Laparicayo mo ma i lukiko ma nyiŋe Gamaliel, lapwony-cik ma dano ducu giworo, oa malo ci ociko ni kon gicwalgi woko pi kare manok. ³⁵Ka owaco bot jo mucokke ni, “Jo Irael, ber wugwokke i gin ma wutimo i kom jo man. ³⁶Pien yam con i kare ca Teyuda otuc ci omine kene ni en e dano madit, ki jo mogo ma giromo ka miya anwen guribbe kwede; ento gineke woko ki jo ma gilube ducu guket woko ata. ³⁷Dok i nŋeye Juda ma Lagalilaya dok otuc io kare me kwano wel dano, ci otero jo mukene ma gilube; en bene oto, jo ma gilube bene guket woko ata. ³⁸Iyo, i lok ma tye kombeddi atito botwu ni cwinywu oa woko i kom jo man, wuwek gubedi; pien ka ce yub man nyo tic man pa dano, ci bigik ata, ³⁹ento ka pa Lubana, ci pe wubiloyogi, wun bene wubinen macalo wulwenyo i kom Lubana!” ⁴⁰Ci gujolo tamme, ka gilwono lukwena gudwogo, ci gugoyogi kun gicikogi ni pe gulok i nyin Yecu, ka don giwekogi gucito. ⁴¹Gua woko ki i nyim Lukiko ma onono cwinygi yom pien Lubana otamo ni gimyero pi dit man me nono lewic pi nyin Yecu. ⁴²Dok nino ducu pe guweko pwonyo dano ki tito lok me kwena maber ni Yecu en aye Kricito ma Lubana oyero i ot pa Lubana ki i paco pa dano.

6 ¹I kare meno ka lupwonnye welgi omedde, ci Lujudaya ma giloko leb Grik gubedo ki njuro i kom Lujudaya ma giloko leb Ibru, ni pien nino ducu ka gipoko lim pe giparo pi mon togi.²Ka lukwena apar wiye aryo gulwoŋo lwak lupwonnye kacel ci guwaco botgi ni, “Pe myero wabwot tito lok pa Lubana pi tic i kom meja.³Pienno, utmego, wuyer i kinwu jo ma giloko nyingi maber, jo ma gupon ki Cwiny Malen ki ryeko, ma myero waketgi i dog tic man.⁴Ento wan wabimine ka lega ki tito lok.”⁵Lokgi oyomo cwiny lwak ducu, ci guyero Citefano, en dano ma opoŋ ki niye ki Cwiny Malen, ki Pilipo, ki Porokulo, ki Nikanori, ki Timon, ki Parmena, ki Nikolao ma en aye dano me Antiokia ma doŋ gigamo i dini pa Lujudaya.⁶Ci giketogi i nyim lukwena, ka gulego ci guketo ciŋgi i komgi.⁷Ci lok pa Lubana omedde; ki wel lupwonnye bene omedde madwoŋ twatwal i Jerucalen, ki lwak ajwagi pa Lubana mapol bene gujolo niye.⁸Ka Citefano opoŋ ki kica pa Lubana ki tek, ci obedo ka tiyo taŋo ki lanyut i kin lwak.⁹Ci jo mogo ma gua ki i kacokke ma gilwoŋo ni kacokke pa jo ma gigonyogi ki i opii, kacel ki jo mogo me Cirene ki me Alegijanderia, ki jo ma gua Cilicia ki Acia, gubedo ka pyem ki Citefano.¹⁰Ento ryekone oloyogi, ki Cwiny Malen ma en loko kwede.¹¹Ci gupiyo dano i muŋ kun giwaco ni, “Wawinyo en ka loko kun yeto Moses ki Lubana.”¹²Ci gutugo lwak ki ludono ki lupwony-cik, ka gubino gumake ci gutere i nyim Lukiko,¹³kun gikelo lucaden me goba ma giwaco ni, “Laco man pe weko loko lok marac ma kemo kabedo man malen ki cik pa Moses,¹⁴pien wabedo ka winyo en ka loko ni Yecu man me Najaret bimuko ot man woko, ka dok biloko kit ma yam Moses omiyowa me aluba.”¹⁵Jo ducu ma gubedo i Lukiko guciko waŋgi i kome, ci guneno waŋe calo wan lamalaika.

¹Ka ajwaka madit openye ni, “Lok tye kit meno?” ²Ci Citefano ogamo ni, “Utmega ki utwora, wuwiny ya. Lubanja me deyo yam onyutte bot kwarowa Abraim ma onono pud tye wa i Mecopotamia, ma peya obedo i Karan, ³kun wacce ni, ‘A woko ki i lobowu ki i kin watwu, icit i lobo ma abinyutti.’ ⁴Ka donj oa woko ki i lobo pa jo Kaldaya, ci obedo i Karan, ka lacen wonne oto, ci Lubanja okwanyo en ki kunnu, okele wa i lobo man ma koni wubedo iye-ni. ⁵Ento pe omiye oleyo gin mo kany, kadi wa dul lobo mo ma rom ki tyen dano, ento ocikke me miyo bote me bedo lobone ki pa likwaye ma gibilube, kadi onono latinne mo pud pe. ⁶Ci Lubanja owaco ni likwaye gibibedo i lobo pa jo mukene ma gibilokogi gubedo opiigi, gitimogi marac pi mwaka miya anjwen. ⁷Ka Lubanja owacci, ‘Abinolo kop i kom jo ma giyelogi, ci lacen gibia ki kunnu, ci gibiwora i kabedo man.’ ⁸Ci omiyo ki Abraim gicikke me lirre. Kit meno Abraim onywalo Icaka ci oliro en i nino me aboro me ditte; ki Icaka onywalo Yakobo, ki Yakobo onywalo kwarowa apar wiye aryo. ⁹“Nyeko omako kwarowa i kom Yucepu, ci gucate woko i Ejipt, ento Lubanja onono tye kwede, ¹⁰ci olare ki i can ducu, omiye gum ki ryeko i nyim Parao, kabaka me Ejipt, ma oketo en me bedo laloyo ma loyo lobo Ejipt ki ot pa kabaka ducu. ¹¹I kare ma kec opoto i lobo Ejipt ducu ki i Kanaan, okelo can madwonj ma omiyo kit me nono cam oloyo kwarowa woko. ¹²Ento ka Yakobo owinyo ni kal tye i Ejipt, ci ocwalo kwarowa kunnu tyen mukwonjo. ¹³Ka gudok tyen me aryo, ci Yucepu onyutte kekene bot omegine ci gitito bot Parao pi kaka pa Yucepu. ¹⁴Ka Yucepu ocwalo dano ka lwonjo wonne ki wadigi ducu, ma gin jo pyerabiro wiye abic, ¹⁵Yakobo ocito i Ejipt, ci oto woko, en kikome ki kwarowa ducu, ¹⁶ci gitino komgi gidwoko cen i Cekem ci giyikogi i lyel ma yam Abraim owilo ki lim ryal ki bot awobe pa Kamor i Cekem. ¹⁷“Ento ka kare ma giciko onyiko cok, ma yam Lubanja omiyo bot Abraim, ci dano gumedde ki nya i Ejipt, ¹⁸nio ka giketo kabaka mukene ma pe njeyo Yucepu. ¹⁹En otimo aranyi i kom jo me rokwa, ci oruyo kwarowa ni myero gubol litinogi woko wek pe gubed makwo. ²⁰I kare meno en aye ginywalo iye Moses. Yam onono mwonya mada i wanj Lubanja, ci gibedo ka pite i ot pa wonne dwe adek. ²¹I kare ma gikane woko i dog kulu, ci nya pa Parao oloke obedo latinne, opite macalo wode kikome. ²²Ci Moses gipwonyo ki ryeko ducu pa Luejipt; yam con onono en laco adada i lokke ki i ticce. ²³“Ka donj mwaka me ditte oromo pyeranjen, ci tam obino i cwinye me limo utmege, likwayo pa Irael. ²⁴Ka oneno njat acel i kingi gitimo marac, ci okonyo dano ma gibwoyo-ni, ka oculo kwor ogoyo Laejipt. ²⁵En yam otamo ni gwok nyo omegine ginjeyo ni Lubanja oyubo ni bimiyo gilarre pi ticce, ento pe gunianj. ²⁶Dok orwone otuc botgi ma onono daa tye i kingi; onono en mito ribo kingi, ci owaco botgi ni, ‘Wun omego, pinjo wutimme marac kekenwu?’ ²⁷Ento latim lawote marac-ci ocwale cen kun wacci, ‘Aja ma oketo in me bedo lanjolkop ki lalowa?’ ²⁸In imito neka kit ma laworo ineko Laejipt-ti?’ ²⁹Ci Moses orino woko pi lok meno, ka ocito odoko labedo i lobo Midian, onywalo iye litino awobe aryo. ³⁰“Ka mwaka okato pyeranjen, ci lamalaika onen bote i tim ma i njat got Cinai i leb mac ma lyel i caka. ³¹Ka Moses oneno, ouro kite; ka onyiko cok ka neno, ci dwan obino, ³²ni, ‘An Lubanja pa kwarowu, Lubanja pa Abraim, ki pa Icaka, ki pa Yakobo.’ Ci kom Moses omyel, lworog ogeje nenone. ³³Ka Rwot owaco bote ni, ‘Luny war woko ki i tyeni, pien kabedo ma in icunj iye-ni njom malenj. ³⁴An donj aneno adada atwom pa jona ma gitje i Ejipt, awinyo wa cur megj, an donj alor piny ka larogi. Bin donj acwali i Ejipt.’ ³⁵“Moses man onono yam gukwero woko kun gipenyo ni, ‘Aja muketo in me bedo lalowa ki lanjolkopwa?’ Lubanja ocwale macalo laloc ki lalar ki i cinj lamalaika ma onen bote i cakani. ³⁶Okwanyogi woko ki i Ejipt kun tiyo tano ki lanyut mapol i Ejipt ki i Nam Makwar ki i tim mwaka pyeranjen. ³⁷Moses man aye cenj otitc bot jo Irael ni, ‘Lubanja bicwalo lanebi piwu ma bia ki i kin utmegiwu macalo ocwalo an-ni.’ ³⁸Man aye njat ma onono yam tye i kin lwak ma i tim kacel ki lamalaika ma oloko kwede i got Cinai, ma oloko bene ki kwarowa; kunnu olimo iye lok makwo me akela botwa. ³⁹Kwarowa yam gukwero winyo lokke ento gucwale woko cen, dok cwinygi odok woko cen i Ejipt, ⁴⁰kun giwaco bot Aron ni, ‘Tim ki wan lubanja ma bitelo wiwa, pien Moses man ma okwanyowa woko ki i lobo Ejipt, pe donj wanjeyo ka ma odok iye.’ ⁴¹Ci gitimo cal wod twon i kare meno, gucakog tyero gitum bot cal lubanja-nu, ma cwinygi obedo yom i kom tic me cinji. ⁴²Ci Lubanja olokke omiyogi kare me woro mony me polo, kit ma yam gicoyo i buk pa lunebi ni, ‘Wun jo me ot pa Irael, yam konj wunekka lee me gitum pi mwaka pyeranjen i tim? Pe kumeno. ⁴³Yam wutino kema pa jok Molok, ka cal lakalatwe pa lubanja ma nyine Repan, ma gin cal jogiwu ma wupayogi me awora. Pi meno an bene abikobowu woko wa i nj Babilon.’ ⁴⁴“Kwarowa yam gitje ki kema lok me caden i tim, ma Lubanja ma yam loko ki Moses ociko ni otim kun lubo cal ma en oneno. ⁴⁵Kwarowa bene gukelo ka gubino ki Yocwa i kare ma gicamo lobo pa rok mapol ma Lubanja oryemogi woko ki i nyim kwarowa. Con tye botgi nio kwede wa i kare pa Daudi, ⁴⁶ma olimo gum mua ki bot Lubanja dok openyo ni giwek eyeny kabedo pi Lubanja pa Yakobo. ⁴⁷Ento Solomon aye ogero ot pire. ⁴⁸Kadi bed kumeno, en Njat Mamalo Twal pe bedo i ot ma gitijo ki cinj; macalo yam lanebi owaco ni, ⁴⁹“Polo aye komkerra, man Rwot aye ma owaco. lobo obedo kom me teno tyena. Kit ot anjo ma wubigero pira? Ka yweyona kono onono bedo kwene? ⁵⁰Pe cinja aye otiyo lwak jami-ni ducu?’ ⁵¹“Wun jo ma njutwu tek, jo ma pe wulirre i cwinywu, ma itwu bene odinj, wun wulwenyo ki Cwiny Malenj jwijwi; macalo yam kwarowu gutiyo, wun bene wutiyo kit meno. ⁵²Lanebi mene ma yam kwarowu pe gulubo? Dok guneko jo ma

yam gutuco con pi bino pa ɲat ma Kite Atir-ri ma wun wuketo roro i kome ci wuneko woko, ⁵³wun jo ma gimiyowu cik pa Lubanja ma lumalaika yam gukelo, ci pe wulubo.”⁵⁴Ka guwinyo lok meno, ci gutugge ma gukayo lakgi woko likiɲ ⁵⁵Ento Citefano nono opon ki Cwiny Malen, ci ociko wane i polo oneno deyo pa Lubanja, kun Yecu ocun i ɲet Lubanja yo tun acuc, ⁵⁶ci owacci, “Nen, aneno polo oyabbe ki Wod pa dano ocun i ɲet Lubanja yo tun acuc.”⁵⁷Ci gudanɲe, guwo ki dwangi matek ma gidino itgi woko, ci gucorre i kome kacel. ⁵⁸Ka gubole woko i ɲe gan, ci gucele ki got, ka lucaden gupyelo ginarukagi ka tyen awobi mo ma nyiɲe Caulo. ⁵⁹I kare ma gitye ka celo Citefano ki got, en olego ni, “Rwot Yecu, gam cwinya,” ⁶⁰Ka orumo cone piny, ci odanɲe ki dwane matek ni, “Rwot, pe iket bal man i komgi.” Ka otyeko lok kit man, ci oto.

¹Caulo bene opwoyo tone apwoya. I kare meno ayelayela madwoŋ opoto i kom jo muye Yecu ma i Jerucalem; ci gin ducu guket woko ata i lobo ducu me Judaya ki Camaria, lukwena keken aye gudonj. ²Jo ma giworo Lubana aye guyiko Citefano, kun gikoke matek twatwal. ³Ento Caulo ononjo mito ni etyek lwak jo muye Kricito woko ducu; donyo i ot ki ot ci ywayo co wa ki mon ka twayogi i mabuc. ⁴Jo ducu ma guket ata guwoto kun gitito lok me kwena maber. ⁵Pilipo ocito i ganj mo me lobo Camaria ci otuco botgi pi Kricito ma Lubana oyero. ⁶Ci lwak ma gucokke gujolo lok ma Pilipo otito botgi ki cwiny acel i kare ma guwinyo, kun gineno bene lanyut ma en otiyo. ⁷Pien jo mapol ma cen marac omakogi, cen oa woko ki i komgi kun gidanŋe ki koko matek; ki lwak lutwo akweya ki lugoro bene gucanj woko. ⁸Kit meno yomcwiny obedo dwonj i ganj meno. ⁹Ento yam ononjo tye dano mo i ganj meno ma nyiŋe Cimon ma en lajok. En miyo rok pa jo Camaria giuro mada kun en wacce kekene ni en e dano madit. ¹⁰Gin ducu giketo cwinygi i lok ma en waco, litino wa ludito bene, kun giwaco ni, “Man aye dano ma tye ki tek pa Lubana ma gilwoŋo ni Madit-ti” ¹¹Gibedo ka keto cwinygi ka winyo lokke, pien obedo kwedgi pi kare malac kun miyo giuro tim jokjokke. ¹²Ento ka guye lok me kwena maber ma Pilipo otito i kom ker pa Lubana ki i kom Yecu Kricito, ci gibatijagi, co wa ki mon. ¹³Kadi wa Cimon bene oye, ka gibatija en ci omedde obedo kacel ki Pilipo kun neno lanyut ki tanjo madito ma en tiyo, ci ouro mada. ¹⁴Ka lukwena ma gitye i Jerucalem guwinyo ni Lucamaria guye lok pa Lubana, ci gucwalo botgi Petero ki Jon. ¹⁵Gin bene ka gucito kunnu, ci gulego pigi wek gulim Cwiny Malen; ¹⁶pien ononjo peya obino i kom njat mo i kingi, ento yam gibatijagi i nyin Yecu keken. ¹⁷Ka guketo cinggi i komgi, ci gulimo Cwiny Malen. ¹⁸Ka Cimon oneno ni gulimo Cwiny Malen pi keto bad pa lukwena, ci okelo lim botgi ¹⁹kun waco ni, “Wumiya tek man bene, wek an bene ka aketo cija i kom dano mo olim Cwiny Malen.” ²⁰Ento Petero owacce ni, “Centeni myero orweny woko matwal, kacel ki in, pien itamo pi wilo mot pa Lubana ki lim!” ²¹In pe itye ki gin mo nyo dul mo i lok man, pien cwinyi pe lenj i nyim Lubana. ²²Donj injut i kom balli man, dok ileg Rwot, wek ka twerre lok ma tye i cwinyi gitimi iye kica. ²³Pien aneno cwinyi kec calo keda, bal otweyi woko idoko lamabucce.” ²⁴Ci Cimon odok iye ni, “Wuleg Rwot pira wek gin ma wuwaconi pe opot i koma.” ²⁵Ka gutyeko tito lok me caden ki tuco lok pa Rwot, ci gudok i Jerucalem, kun gitito lok me kwena maber i paco mapol ma i Camaria. ²⁶Ento lamalaika pa Rwot owaco ki Pilipo ni, “A iwot idok tunj acuc i yo ma a Jerucalem dok piny i Gaja.” Yo ma kunnu wok ki i tim. ²⁷Ci oa ocito. Nen, laco mo Laetiopia, ma gikolo, oa ka woro Lubana i Jerucalem. En ononjo latic madit pa Kandake, kabaka ma dako me lobo Etiopia, ladit ma lakan jamine ducu. ²⁸I kare ma dok i lobogi, obedo i gadigadine kun kwano buk pa lanebi Icaya. ²⁹Cwiny Malen owaco bot Pilipo ni, “Nyik cok, irwatte ki gadigadi man.” ³⁰Ka Pilipo oriŋo bote, ci owinyo en ka kwano buk pa lanebi Icaya, ci openye ni, “In inian lok ma ikwano-ni?” ³¹En ogamo ni, “Anian ninŋin kono, ka njat mo pe okonya?” Ci olwoŋo Pilipo ni obed kwede kacel. ³²Dul ma en obedo ka kwanone obedo kit man: “Calo romo ma gitero ka nekone, nyo latin romo ma olinj i nyim lanyar yerre, kit meno en pe onamo doge ka lok. ³³Pi mwolo mere pe ginolle kop ma atir. Anja ma twero yeko kit likwaye? Pien kwone donj gikwanyo woko ki i lobo.” ³⁴Ci laco ma gikolo owaco bot Pilipo ni, “Alegi, titta, lanebi oloko lok man i kom anja, i kome kene nyo i kom njat mukene?” ³⁵Ci Pilipo ocako lok; ocako ki lok man ma yam gicoyo kun tito lok me kwena maber i kom Yecu. ³⁶Ka guwoto kacel i yo, ci guo ka ma pii tye iye. Laco ma gikolo owacci, “Nen pii donj ene! Gin anjo ma geŋa limo batija?” ³⁷Ci Pilipo owacce ni, “Ka iye ki cwinyi ducu ci itwero.” En odok iye ni, “An aye Yecu Kricito, ni en Wod pa Lubana.” ³⁸Ci ociko ni gadigadi myero ocun; gin ducu gulor i pii, Pilipo ki laco ma gikolo, ci Pilipo obatija en. ³⁹Ka gukatti woko ki i pii, Cwiny pa Rwot otinjo Pilipo, otero woko, laco ma gikolo-ni pe dok onene, ci owoto wotte ki yomcwiny. ⁴⁰Ento Pilipo otuc wa i Ajota kun wirre ka tuco lok me kwena maber i ganji ducu nio ka obino wa i Cecaria.

¹Ento Caulo onono pud buro lupwonnye pa Rwot kun mito nekogi, ci ocito bot ajwaka madit pa Lubana, ²olege waraga me cito kwede i Damaciko, wek ka enono dano ma lubo Yo ma gitye kunnu, co wa ki mon, ci etwegi, ekelgi i Jerucalem. ³I kare ma en tye ka wot, ma don onyiko cok ki Damaciko, ci dero oa ki i polo oryeny ocaro kome. ⁴Ka opoto piny ci owinyo dwan ma waco bote ni, “Caulo, Caulo, iyela pino?” ⁵Ogamo ni, “In ana, Rwot?” Ci owacce ni, “An aye Yecu, ma itye ka yelone-ni. ⁶Ento a idony i gan, ci gibititti gin ma myero iti.” ⁷Jo ma yam guwoto kwede gucuŋ lalin, ma kun giwinyo dwan ento pe gineno nat mo. ⁸Caulo oa malo ki ka ma opoto iye piny i nom-mi, ento ka oyabo wane, ci pe oneno gin mo. Gipeye ki cine gikele i Damaciko. ⁹Obedo nino adek ma pe neno piny pe camo dok pe mato bene. ¹⁰Onono tye lapwonnye mo i Damaciko ma nyine Anania. Rwot owacce i wan lek ni, “Anania.” En ogamo ni, “An atye en, Rwot.” ¹¹Ci Rwot owaco bote ni, “A ilub yo ma gilwono ni Atir, ipeny i ot pa Juda laco mo ma nyine Caulo me Taruco; en bene nono tye ka lega. ¹²En oneno dano mo i wan lek ma nyine Anania ka donyo bote kun keto cine i kome wek wane oyabbe.” ¹³Ento Anania odok iye ni, “Rwot, yam awinyo lok i kom dano man ki bot jo mapol pi kit ma otimo kwede joni marac i Jerucalem. ¹⁴En obino kany bene ki twero pa ajwagi madito me tweyo jo ducu ma gilwono nyini.” ¹⁵Ento Rwot owacce ni, “Citi, pien en aye gin ticca ma don aye pi tero nyina i nyim Lurok ki luker ki jo Irael. ¹⁶An kikoma abinyutte can madwon ma en myero ocir pi nyina.” ¹⁷Ci Anania oa ocito odonyo i ot. Oketo cine i kome kun waco ni, “Ominwa Caulo, Rwot Yecu ma onyutte boti i wana yo ma ibino iye-ni ocwala boti wek wani oyabbe, wek ipon bene ki Cwiny Malen.” ¹⁸Ci gin macalo atura opoto woko ki i wane cut, ocako neno piny. Ka oa ci gibatija en, ¹⁹ka lacer ocamo cam ci olimo tek. Obedo kunnu pi kare manok ki lupwonnye ma i Damaciko. ²⁰Ocako tuco lok i kom Yecu i kacokke cut kun waco ni, “En Wod pa Lubana.” ²¹Ci jo ducu ma guwinyo lokke guuro, kun giwaco ni, “Man pe en aye laco ma yam omoto tyeko jo ma gikwono nyin man i Jerucalem-mi? Dok en bene obino kany pi lok meno, pi tweyo dano wek etergi bot ajwagi madito.” ²²Ento teko pa Caulo omedde ameda, omiyo lewic omako Lujudaya ma gibedo i Damaciko, pien en onyuto atir ni Yecu en aye Kricito ma Lubana oyero. ²³Ka nino okato mapol, ci Lujudaya gucokke, gupiro lok me neke. ²⁴Ento Caulo owinyo pi lok ma giyubo. Onono gikuro en i dogcel me Damaciko dyecen ki dyewor wek gineke woko; ²⁵ento lupwonnyene gutine ki aduku i dyewor, ci gucwale piny ki i wi cel. ²⁶Ka Caulo obino oo i Jerucalem ci otemo ribbe ki lupwonnye; ento gin ducu guwore, pien onono peya guye ni en lapwonnye pa Yecu. ²⁷Ento Barnaba otere, ci okele bot lukwena, ka otito botgi kit ma en oneno kwede Rwot i yo, oloko kwede, dok obedo i Damaciko ka tito lok ki tekwinny labono lworo i nyin Yecu. ²⁸Ci don en obedo kacel kwedgi, obedo ka wirre kwedgi i Jerucalem, ²⁹kun tito lok i nyin Rwot ki tekwinny labono lworo. Oloko bene ki Lujudaya ma giloko leb Grik, kun pyem kwedgi; ento gin guyenyo yo me neke. ³⁰Ka utmego guneyo lokke, ci gularo kwede i Cecaria, ci gucwale i Taruco. ³¹Lwak muye Yecu ma i Judaya ducu ki Galilaya ki Camaria don gubedo ki kuc, ci gudono gucuŋ matek, kun gilworo Rwot i kwogi me nino ducu. Cwiny Malen obedo ka jino cwinygi, welgi bene medde ameda. ³²I kare meno Petero obedo ka wirre i kingi ducu, ci ocito piny bot jo pa Lubana ma gibedo i Lida. ³³Kunnu en onono iye dano ma nyine Ainea, ma yam obuto i wi kitanda mwaka aboro pi two akweya. ³⁴Ci Petero owaco bote ni, “Ainea, Yecu Kricito ocaro twoni woko; a malo ipet kabutoni.” Ci otugi a malo oyot. ³⁵Jo ducu ma gibedo i Lida ki Caron gunene, ci gulokke bot Rwot. ³⁶Yam tye i Jopa lapwonnye ma dako ma nyine Tabica, ma i leb Grik gilwono ni Dorka, te lokke Lajwa. En yam tiyo tic mabeco mapol mada, dok konyo lucan. ³⁷I kare meno two omake ci oto woko. Ka gityeko lwoko kome ci gupyelo i kicika ma malo. ³⁸Macalo Lida cok ki Jopa, ka lupwonnye guwinyo ni Petero tye kunnu, ci gucwalo dano aryo bote, gulege ni, “Tim ber, ibin oyot botwa, pe iru.” ³⁹Petero oa, owoto kwedgi; ka oo, gutere i kicika ma malo. Mon-to ducu gucuŋ kun gikok ka nete, ma ginyuto koti ki bonji mukene ma Dorka okwoyo ma onono pud tye botgi. ⁴⁰Ento Petero ocwalogi ducu woko, ka orumo cone piny ocako lega. Lacer olokke bot lato kun wacci “Tabica, a malo.” Ci Tabica oyabo wane; ka oneno Petero ci oa obedo abeda. ⁴¹Petero omako cine, ka otine malo. Ka olwono jo pa Lubana ki mon-to, ci omiye botgi makwo. ⁴²Pire oywek i Jopa ducu, kun jo mapol guye Rwot. ⁴³Petero obedo i Jopa pi nino mapol tun pa dano mo ma nyine Cimon, lanyon pyen.

¹Yam onono tye laco mo i Cecaria ma nyiye Kornelio, ladit me dul askari ma gilwono ni me Itali, ²laco ma woro Lubana, en ki jo ma i ode ducu. En yam miyo jami mapol me konyo dano bot Lujudaya, kun lego Lubana jwijiwi. ³I kin cawa abonywen me dyecer oneno lamalaika pa Lubana kun bino donyo bote, ma owacce i wan lek ni, “Kornelio” ⁴En ociko wane i kome ki lwo ro madit, ci owaco ni, “Gin anjo ba, ladit?” Ci owaco bote ni, “Legani ki motti me kony oito malo obedo gin me po i komi i nyim Lubana. ⁵Kombeddi don icwal dano i Jopa, wek oom Cimon ma gilwono Petero. ⁶En otiro bot Cimon lanyon pyen, ma ode cok ki dog nam.” ⁷Ka lamalaika ma oloko kwede-ni otyeko wot, ci Kornelio olwono lutice aro ki askari acel ma woro Lubana ki i kin jo ma gitiyo bote-ni. ⁸Ka otyeko tito botgi lok ducu, ci oncwalogi i Jopa. ⁹Orwone ka guwoto guo cok ki gan ma gicito iye-ni, ci Petero oito i wi ot malo ka lega i kin cawa abicel. ¹⁰Kec ocako neke, kun mito ni ecam gin mo, ento onono pud giyubo cam ayuba; ci owille woko, ¹¹oneno ka polo oyabbe, ki jami mo olor piny, macalo cuka madit, kun bino piny ma tye ki twoke anwen. ¹²Onono tye iye kit kwa lee ducu, wa kwa anyai ducu ki winyo me polo. ¹³Ci dwan obino bote ma wacci, “Petero, a ineki wek icam.” ¹⁴Ento Petero ogamo ni, “Pe, Rwot, peya acamo jami ata me kwer.” ¹⁵Dwan dok obino bote tyen me aryone ni, “Gin ma Lubana olonyo in pe ilwon ni obedo me kwer.” ¹⁶Man otimme tyen adek, ci jami meno gidwoko woko i polo. ¹⁷I kare meno Petero iye obedo ka kalo akala kun tamo ni gin ma eneno i wan lek man nyuto gin anjo? Nen, jo ma Kornelio ocwalogi gubedo ka penyo pi ot pa Cimon, kun gucu i dog ot, ¹⁸gilwono lwo no matek kun gipeny ka nyo Cimon ma gilwono Petero otiro kenyo. ¹⁹I kare ma Petero iye tye ka lwodo pi lek man, Cwiny Malen owacce ni, “Nen, jo adek gitte ka yeny in. ²⁰A, ilor piny iwot kwedgi kun pe ikalo akala, pien an aye acwalogi.” ²¹Ci Petero olor piny bot jo meno kun waco ni, “An aye nat ma wun wuyenyoni. Wun wubino kany piyo?” ²²Gugamo ni, “Kornelio ma ladit me askari en dano ma cwinye atir, lalwor Lubana, ma rok Lujudaya ducu giloko ki nyiye maber; lamalaika malen aye ocike ni ocwal dano boti wek icit wa i ode, wek owiny gin ma ibiwaco.” ²³Ci olwonogi oterogi i ot, gubedo welone. Orwone en oa ci ocito kwedgi, ki utme go mogo ma gibedo i Jopa gunywako kwede yo. ²⁴Ka orwone mukene gudonyo i Cecaria, Kornelio obedo ka kurogi ma olwono lutugi ki lureme ma gicokcok kwede ci gucokke bote. ²⁵Ka Petero oo i dog ot, ci Kornelio oromo kwede, opoto oryebbe piny i te tyene kun wore. ²⁶Ento Petero oile malo, kun waco ni, “A malo icun; an bene adano adana.” ²⁷Ka oloko kwede ci oduonyo i ot, onono lwak dano gucokke iye. ²⁸Owaco botgi ni, “Wun wuneyo ni bedo me kwer bot Lujudaya me ribbe kwedwu, kadi wa limo larok mo. Ento Lubana otyeko nyuto bota ni pe alwon dano mo ni dano ata nyo ni me kwer. ²⁹Mumiyo ka gilwona ci abino labono pyem mo. An dok apeny aye ni wulwona piyo?” ³⁰Kornelio ogamo ni, “Tin nino me anwenne i kin cawa man, onono atye ka lega i oda i cawa me abonywen, ci nen ba, laco mo ocun i nyima ma oruko bono ma ryeny, ³¹kun waco ni, ‘Kornelio, legani otyeko winnye, ki motti me kony bene gipo pigi i nyim Lubana. ³²Mumiyo in icwal dano i Jopa gupeny pi Cimon ma gilwono Petero; en tye otiro i ot pa Cimon lanyon pyen i dog nam.’ ³³Kit meno acwalogi boti cut, ci in bene itimo ber ibino. Kombeddi wan ducu watye kany i nyim Lubana pi winyo lok ma Rwot ociki kwede ducu.” ³⁴Petero ocako lok ci owacci, “Adada anian atir ni Lubana pe poko kin dano, ³⁵ento en jolo dano ma i rok ducu ma gilworo en ki ma gitiyo gin ma tye atir.” ³⁶Wun wuneyo lok ma Lubana ocwalo bot jo Irael, kun tito lok me kwena maber me kuc ma Yecu Kricito okelo; en aye Rwot pa dano ducu. ³⁷Lok man yam gituco oromo lobo Judaya ducu kun ocakke i Galilaya i ne kare ma Jon otito lok i kom batija. ³⁸Wuneyo kit ma Lubana owiro kwede Yecu Lanajaret ki Cwiny Malen ki tek; kit macalo en yam wirre kwede kun tiyo gin maber dok cano jo ducu ma Catan yelogi; pien onono Lubana tye kwede. ³⁹Dok wan lucadenne i kom gin ma en otiyo ducu i lobo Judaya ki i Jerucalem. Yam gineke kun ginabe i kom yat, ⁴⁰ento Lubana ocere woko i nino me adekke, onyute bot dano; ⁴¹pe bot dano ducu, ento bot wan jo ma yam Lubana oyero pi bedo lucaden. Wan wacamo dok wamato kwede kacel i kare ma don ocer woko ki i kin jo muto. ⁴²Dok ocikowa ni watiti lok ki dano kun wamiyo caden ni, man aye nat ma yam Lubana oyero me bedo lanolkop pa jo makwo ki jo muto. ⁴³Lunebi ducu gubedo caden ni, dano ducu ma ye en gibiweko balgi woko pi nyiye.” ⁴⁴I kare ma Petero pud tye ka loko lok meno, Cwiny Malen opye i kom jo ducu ma gubedo ka winyo lokke. ⁴⁵Lujudaya ma guye Yecu ma onono gubino ki Petero guuro mada pien mot me Cwiny Malen don gionyo wa i kom Lurok. ⁴⁶Guwinyo gin bene ka gidumo leb mapatpat kun gipako Lubana. Petero openyo ni, ⁴⁷“nat mo tye ma twero geno kelo pii wek pe gibatija jo man, kun nono don gulimo Cwiny Malen macalo wan-ni?” ⁴⁸Ci ociko ni gibatijagi i nyin Yecu Kricito. Gin gulege ni obed kwedgi pi kare mo.

11

¹I kare meno lukwena ki utmego ma gitye i Jerucalem guwinyo ni Lurok bene don guye lok pa Lubana. ²Ka Petero ocito i Jerucalem, ci dul pa jo ma mito ni jo muye Kricito myero kon gilirgi gucako nono en, ³kun giwaco ni, “Piyo nene icito bot jo ma pe gilirogi ci icamo kwedgi?” ⁴Ento Petero ogamo, ocaho tito botgi ki kore kun wacci, ⁵“I kare ma abedo i gan me Jopa ma abedo ka lega, ci awille woko. Aneno gin mo ma lor piny macalo cuka madit ki i wan lek, kun bino piny ma tye ki twoke anwen, ci olor wa piny i nyima. ⁶Ka anjyo kome cok, ci aneno iye lee, ki nnu ma camo riyo, ki kwa anyai ducu ki winyo me polo. ⁷Ci awinyo dwana ma wacca ni, ‘Petero, a malo inek wek icam.’ ⁸Ento agamo ni ‘Pe, Rwot, pien peya jami ata ki me kwer odonyo i dogo.’ ⁹Ento dwana odok iye ki i polo ni, ‘Gin ma Lubana olonyo in pe ilwon ni obedo me kwer.’ ¹⁰Man otimme tyen adek, ci jami meno gidwoko woko i polo. ¹¹I kare meno kikome en aye jo adek ma gicwalogi bota ki i Cecaria guo kwede i ot ma yam watye iye-ni. ¹²Cwiny Malen otitta ni awot kwedgi, ma pe apoko kin dano. Anywako wot ki utmego man abicel, ka wadonyo i ot pa dano meno. ¹³Ci en otito botwa kit ma oneno ki lamalaika ocun kwede i ode kun wacce ni, ‘Cwal kwena i Jopa wek guom Cimon ma gilwono Petero; ¹⁴en aye bititti lok ma bilaro in ki jo ma i odi ducu.’ ¹⁵I kare ma acako lok, ci Cwiny Malen opye i komgi kit ma con okwono pye i komwa-ni, ¹⁶ci apo lok ma yam Rwot owaco, ni, ‘Jon yam obatiya dano ki pii, ento wun gibibatijawu ki Cwiny Malen.’ ¹⁷Ka ce Lubana omiyogi mot ma rom ki ma omiyowa i kare ma waye iye Rwot Yecu Kricito, ci an aya ma atwero pyem ki Lubana?” ¹⁸Ka guwinyo lok man, ci gulin litik, ka gucako pako kun giwaco ni, “Lurok bene Lubana don omiyogi nut me donyo i kwo.” ¹⁹Jo ma yam guket i kare me libo ma ocakke i kom Citefano-ni guwoto nio wa Poiniki ki Caiprac ki Antiokia, kun pe gitito lok bot nat mo, kono bot Lujudaya keken. ²⁰Ento jo mukene i kingi, jo me Caiprac ki me Cirene, ka guo i Antiokia ci guloko ki Lugrik bene kun gitito pi Rwot Yecu. ²¹Rwot oketo cine i komgi, ci lwak jo mapol gulokke bote. ²²Lok man owinynye bot jo muye Kricito ma i Jerucalem, ci gucwalo Barnaba i Antiokia. ²³Ka oo ci oneno tic me kica pa Lubana, cwinye obedo yom iye. Ocuko cwinygi me moko i kom Rwot matek ki cwinygi ducu. ²⁴Onono en dano maber ma opon ki Cwiny Malen ki niye. Ci lwak jo mapol gumedde bot Rwot. ²⁵Barnaba ocito Taruco ka yenyo Paulo; ²⁶ka onono ci okele i Antiokia. Gubedo kacel ki jo muye Kricito pi mwaka kulu kun gipwonyo lwak jo mapol. Nyin lupwonye gikwono lwonjo ni Jo pa Kricito ki i Antiokia. ²⁷I kare meno lunebi mogo gua ki i Jerucalem gucito i Antiokia. ²⁸Nat acel i kingi ma nyine Agabo ocun ci otito lok pi Cwiny Malen ma onyutte lok ma i anyim, ni wan mo kec bipoto i lobo ducu; ci otimme i kare pa Kalaudio ma laloc madit. ²⁹Pieno lupwonye gumoko ni nat acel acel omi kony ki utmego ma gibedo i Judaya macalo twero; ³⁰ci gutimo kit meno, ka gucwalo bot ludono kun Barnaba ki Caulo aye gitero.

12

¹I kare meno kabaka Kerode oketo ciŋe i kom jo mogo i kin jo muye Kricito. ²Onoko Yakobo omin Jon ki pala lucwan. ³Ka doŋ oneno ni oyomo cwiny Lujudaya, ci omako Petero bene. Man otimme i kare me nino madito me mugati ma Tobi pe Iye. ⁴Ka doŋ omake, ci okete i mabuc, omiye bot lukur-piny aŋwen aŋwen wek gukure, kun mito ni gipid lok i kome i ɲe nino madito me Kato Paska. ⁵Gibedo ka kuro Petero i ot mabuc kit meno; ento lwak jo muye Kricito gubedo ka lego Lubanja pire matek. ⁶I dyewor ma Kerode mito kele iye woko-ni, onono Petero obuto onino i kin askari aryo, ma gitweye woko ki nyor aryo, ki lukur-piny bene onono gitye ka kuro dog ot mabuc. ⁷Nen, lamalaika pa Rwot onen, ci dero ocaro i kicika. Ogoyo but Petero ocoye woko, kun waco bote ni, “A malo oyot.” Ci nyor opoto woko ki i ciŋe. ⁸Lamalaika owacce ni, “Ruk ginarukani, irwak war i tyeni,” ci otimo kit meno. Dok owacce ni, “Dwal boŋoni i komi ci ilub kora.” ⁹Ci okato woko, olubo kore. En pe onoyo ni gin ma lamalaika timo-ni bedo me ada; en tamo ni etye ka lek. ¹⁰Ka doŋ gukato lukur-piny mukwoŋo ki me ariyone, ci guo i dog ot ma giloro ki nyonyo ma gikato kwede woko i dye gaŋ. Doggola oyabbe kene, ci gukato gucito woko, gulubo yo acel, ka lamalaika oweke woko. ¹¹Petero ocalo niaŋ pire kene kun waco ni, “Doŋ atyeko niaŋ kombeddi ni Rwot ocwalo lamalaikane olara woko ki i ciŋ Kerode ki i kom gin ducu ma Lujudaya gigeno ni bitimme i koma-ni.” ¹²Ka doŋ oniaŋ, ci ocito i ot pa Maliam min Jon ma nyiŋe mukene Marako, ka ma jo mapol gucokke gugurre iye, ma gitye ka lega. ¹³Ka odwoŋo dog gaŋ ma i yo, ci aŋeca ma nyiŋe Roda obino ka niaŋ i kome. ¹⁴Ka oniaŋ dwan Petero, yomcwiny ogeŋe yabo dog gaŋ woko, ento oriŋo omwomme i ot owacci, “Petero tye ocuŋ woko i dog gaŋ.” ¹⁵Guwacce ni, “In lapoya.” Ento en orido ni tye ada. Gugamo ni, “Meno lamalaikane.” ¹⁶Ento Petero dok omedde ki dwoŋone, ka guyabo, ci guneno en, ci guuro. ¹⁷Ka ojukogi ki ciŋe ni guŋi, ci otito botgi kit ma Rwot okwanye kwede ki i mabuc, kun waco ni, “Wupor lok man bot Yakobo ki bot utmego.” Ka oa woko ki kenyo, ocito woko ka mukene. ¹⁸Ka piny oru, ci piny ocako lyetti woko ki bot askari, ni Petero man otimme niŋniŋ. ¹⁹Ka Kerode oyenye ci pe onono, ka openyo askari ma lukur-piny, ci ociko ni ginekgi woko. Ka en oa ki i Judaya ocito i Cecaria, obedo kunnu. ²⁰Kiniga omako Kerode i kom jo Turo ki Cidon; ci gucokke gubino bote ma onono gimer ki Blacito, ladit ma loyo ot pa kabaka. Gupenyo ni gimito kuc, pien lobogi limo cam ma a ki i lobo pa kabaka. ²¹I kom nino ma giciko, Kerode oruko iye jor me kerre, oito obedo kwede i wi komker, oyabo lok botgi. ²²Ci lwak guwo matek ni, “Dwan Lubanja, pe dwan dano!” ²³Lamalaika pa Lubanja ogoye woko cut, pien pe omiyo deyo bot Lubanja; ci kwidi ocamo kome ci oto woko. ²⁴Ento lok pa Lubanja onya omedde ameda. ²⁵Ka Barnaba ki Caulo gudwogo ki i Jerucalem ma doŋ gucobo tic ma giorogi iye, ci gukelo Jon ma nyiŋe mukene Marako.

¹I kare meno lwak jo muye Yecu ma tye i Antiokia onono don gitye ki lutit lok pa Lubana ki lupwony, Barnaba, Cimeon ma gilwono Niga, Lukia me Cirene, ki Manaen ma onon kacel ki Kerode laloyo, ki Caulo. ²I kare ma gitye ka miyo woro bot Rwot ki ri kec, ci Cwiny Malen owaco ni, “Wukwannya Barnaba ki Caulo pi tic ma alwonogi pire-ni.” ³Lacen ka don gityeko lega ki ri kec, ci guketo cingi i komgi ka gucikogi. ⁴Ka Cwiny Malen ocwalogi, ci gucito i dog nam i Celeukia; ka gua ki kunnu gukwan gucito i Caiprac. ⁵Ka guo i Calamic, gutuco iye lok pa Lubana i kacokke ducu pa Lujudaya; onono gitye kacel ki Jon ma lakonygi. ⁶Ka guwoto gurumo i cula ducu nio wa i Papo, ci gurwatte ki laco mo ma obedo latyet, lanebi ma lagoba ma Lajudaya, ma nyiye Bar-Yecu. ⁷En obedo kacel ki laloyo, Cergio Paulo, en laco ma laryeko. Laloyo olwono Barnaba ki Caulo bote kun nono mito winyo lok pa Lubana. ⁸Ento Elima ma latyet (meno aye te lok me nyiye) ocako pyem kwedgi kun mito nako laloyo woko ki i niye. ⁹Ento Caulo ma gilwono bene ni Paulo, ka opon ki Cwiny Malen, ociko wane i kome, ¹⁰ci owacce ni, “In latin pa Larac, in lamerok me kit ducu ma tye atir, ipon ki lok me bwola, labal wi dano, in pud ibimedo ka dwanyo yo pa Rwot mucun atir-ri?” ¹¹Kombeddi cin Rwot opoto i komi; wani bicor woko, pe ibineno cen kare mo” Lupu ocido wane oyotoyot, ci opanje pi yenyo dano wek omak bade opeye kwede. ¹²Laloyo oye Yecu ka oneno gin ma otimme-ni, pien obedo ka uro kit pwony ma gimio i kom Rwot. ¹³Lacen Paulo ki luwote gukwan gua ki i Papo, gucito i Perga i lobo Pampulia. Jon owekogi odok woko i Jerucallem. ¹⁴Ento gin gua ki i Perga gucito i Antiokia me lobo Picidia, ci gudonyo i kacokke i nino me cabit, gubedo piny. ¹⁵Ka don gityeko kwano cik pa Moses ki lok pa lunebi, ci ludito me kacokke gucwalo lok botgi kun gipenyogi ni, “Utmego, ka wutye ki lok mo me cuko cwiny dano, ci wuwaci.” ¹⁶Ka Paulo ocun ci ojukogi ki cine kun waco ni, “Jo Israel, ki wun dano ma wulworo Lubana, wuwiny. ¹⁷Lubana pa rok man, jo Israel, yam oyero kwarowa, ci omio dano gunya madwon i kare ma gubedo i Ejipt, ci oryeyo bade okwanyogi woko ki kunnu ki tek mere. ¹⁸Odiyo cwinye i komgi i tim mwaka pyeranwen. ¹⁹Don ka otyeko rok abiro ma i lobo Kanaan-ni woko, ci omiyogi lobo meno me bedo meg pi mwaka ma romo miya anwen ki pyerabic. ²⁰Lacen omiyogi lunolkop o wa i kom Camuel ma lanebi. ²¹Dok gupeny pi kabaka; ci Lubana omio botgi Caulo wod pa Kic, laco ma i kaka pa Benjamin, pi mwaka pyeranwen. ²²Ka don okwanye woko, ci dok otino Daudi, oketo me bedo kabakagi. Otito pi Daudi kun waco ni, ‘Atyeko nono Daudi wod pa Yece; en laco ma yomo cwiny, ma bitio gin ma amito ducu.’ ²³Lubana okelo Lalar bot jo Israel ki i kin likwayo pa laco meno, macalo yam, ociko, en Yecu. ²⁴I kare ma peya obino, Jon otito lok i kom batija me nt bot jo Israel ducu. ²⁵I kare ma Jon cobo ticce, owacci, ‘Wun wutamo ni an aya? An pe a dano ma wukuro-ni; ento dano ma bibino ma lubo kora, an pe amyero me gonyo war tyene.’ ²⁶“Utmego, wun likwayo ma i kaka pa Abraim, ki jo mukene ma i kinwu ma gilworo Lubana, wan aye gicwalo botwa lok man me larre. ²⁷Ento jo ma yam gibedo i Jerucallem, ki luditogi, onono pe ginian i kome, pe bene gunian lok ma yam lunebi gutito ki ma gikwano nino ducu i cen cabit. Ci gucobo lok pa lunebi kun ginolo ni kop oloyo Yecu. ²⁸Ginolle kop me to, kadi pe gunono bal mo i kome, ka dok gulego Pilato wek oye gineke. ²⁹Ka don gityeko cobo lok ma yam gicoyo i kome ducu, ci gukwanye woko ki i kom yat, gupyelo kome i lyel. ³⁰Ento Lubana ocere woko ki i kin jo muto; ³¹ci obedo ka nen pi nino mapol bot jo ma yam gua kwede ki i Galilaya gubino kwede i Jerucallem, ma koni gin aye cadenne bot lwak. ³²Wan bene wakelo botwu lok me kwena maber ni, gin ma yam Lubana ociko pire bot kwariwa, ³³en ocobo bot wan likwayogi pi cero Yecu, macalo yam gicoyo bene i jabuli me ayo ni, ‘In i Woda, tin don anywali.’ ³⁴“Lok i kom cero en ki i kin jo muto, ma pe kome dok bitop woko, yam oloko kit man ni, Abimini gum malen ki ma gene ma yam aciko pi Daudi. ³⁵Dok owaco bene i jabuli mukene ni, ‘Pe ibiweko kom danoni ma geni top woko.’ ³⁶Pien ka Daudi yam otyeko tic kun cobo yub pa Lubana, en oto, ci giyiko kacel ki kwarine, kome otop woko. ³⁷Ento nat ma Lubana ocero woko-ni kome pe otop. ³⁸Utmego, myero wune ni, pi dano man en aye Lubana weko bal pa dano, ³⁹kun kwanyo i kom nat acel acel ma oye en bal ducu ma pe gitwero kwanyo i komwu i te cik pa Moses. ⁴⁰Ber don wugokke, wek gin ma yam lunebi guloko pire-ni pe opot i komwu. Guwacci, ⁴¹Nen ba, wun lunala, wuur matek, ci wubirwenyo woko matwal; pien atye ka tiyo tic mo i karewu-ni ma pe wun wubiye kadi matidi mo, kadi nat mo otuco pire botwu.’ ⁴²I kare ma gikato woko, lwak gulego ni lok man myero gitit botgi odoco i cabit ma bino. ⁴³Ka lwak ma gubedo i kacokke don guket woko, ci lwak Lujudaya ki jo mulokke ma luworo i dini pa Lujudaya bene gulubo kor Paulo ki Barnaba, ci gin gubedo ka lok kwedgi kun gicuko cwinygi ni myero gumedde i kica pa Lubana. ⁴⁴I cabit ma olubo pol dano ma i gan meno gucorre gugurre kacel pi winy lok pa Lubana. ⁴⁵Ento ka Lujudaya guneno lwak, ci nyeko omakogi, gucako pyem ki lok ma Paulo tito, ci guyete bene. ⁴⁶Paulo ki Barnaba guloko ki tekwin labono lworo, kun giwaco ni, “Onono myero kon kikwon tito lok pa Lubana botwu. Ento macalo don wucwalo woko cen-ni, don wunolo giwu kenwu ni pe wumyero pi nono kwo ma pe tum. Don wunen, walokke giwa bot Lurok. ⁴⁷Pien Rwot yam ocikowa kun wacci, ‘Aketo in me bedo cen bot Lurok, wek imi larre oo wa i agikki piny ducu.’ ⁴⁸“Ka Lurok guwinyo lok man, ci cwinygi obedo yom, gucako pilo wi lok pa Lubana; ci jo ducu ma myero gunon kwo ma pe tum guye Yecu. ⁴⁹Lok i kom Rwot omedde oromo lobo meno ducu. ⁵⁰Ento Lujudaya gurubo i mon ma giworo

Lubaṇa ma gitye i rwom me dito ma malo, kacel ki ludito me gaṇ ma giloṇo dano, ci gubalo cwinygi woko; gucaṇo yelo Paulo ki Barnaba ka guryemogi woko ki i lobogi. ⁵¹Ento guguteṇo apwa woko ki i tyengi me bedo caden i komgi, ka gucito i Ikonio. ⁵²Lupwonnye cwinygi obedo yom dok guṇoṇ ki Cwiny Malen.

¹Ka don gitye i Ikonio, gudonyo i kacokke pa Lujudaya i kit acel-lu, ci don pi kit ma guloko kwede omiyo lwak dano mapol guye Rwot, Lujudaya wa ki jo Grik bene. ²Ento Lujudaya ma pe guye gutugo Lurok kun gumiyo cwinyi odoko kec i kom utmego. ³Gubedo kunnu pi kare malac kun giloko pi Rwot ki tekwinny labono lwo, Rwot bene omiyogi twero me tiyo lanyut ki tano mapol ma omoko kwede lok ma gitito i kom kicane. ⁴Ento jo Ikonio igi opokke woko; dul mogo gudok kom Lujudaya, ki dul mogo i kom lukwena. ⁵Ka Lurok ki Lujudaya guyutte kacel ki lulocgi pi bino ka timogi marac ki celogi ki got, ⁶ka gugwilo lokke ci gupucce woko wa i Licitra ki Derube, ganj ma i lobo Likaonia ki i lobo ma orumo kenyo; ⁷gubedo ka tuco lok me kwena maber kunnu. ⁸I Licitra onono tye laco mo ma bedo abeda kun pe woto ki tyene; con en laput nia i kare ma ginywale, pe omedo ki wot. ⁹En obedo ka winyo ka Paulo loko, ci Paulo ociko wane onene, ci onianj ni en tye ki niye ma romo miye can maber. ¹⁰Owacce matek ni, "A malo, icunj ki tyeni atir." Ci olenje malo opye, ka cako wot. ¹¹Ka lwak guneno gin ma Paulo otiyo, ci gudanje matek i leb Likaonia kun giwaco ni, "Lubana gulo piny botwa macalo dano!" ¹²Gulowono Barnaba ni Jeuc ki Paulo ni Ermec, pien en aye lalok makato. ¹³Ajwagi pa Jeuc ma gitye ki ot woro jokgi i nyim ganj gukelo twon ma gideyo ki ature i dog ganj gimito tyero gitum kacel ki lwak. ¹⁴Ento ka lukwena Barnaba ki Paulo guwinyo pire, ci guyeco bonnigi kun gibaro dye lwak ki danje ni, ¹⁵"Wun co, wutimo kuman pino? Wan bene wa dano, ma kitwa rom ki mewu. Wakelo botwu lok me kwena maber, wek wun wua woko ki bot gin ma konnye pe, wulokke bot Lubana makwo ma yam oketo polo ki lobo ki nam ki jami ducu ma tye iye. ¹⁶Yam i kare macon en oye ni rok ducu gulub yogi kengi. ¹⁷Kadi bed kumeno, kare ducu en bedo ki cadenne ma nyuto ni en tye. En otimowu ber kun cwalo botwu kot mucwer ki i polo, dok miyowu kit cam mapatpat ma cek ka karegi oromo ma miyo wuyenj ki cam, cwinywu bene bedo yom." ¹⁸Kadi bed guloko lok meno, juko lwak wek pe gutyer gitum botgi obedo tek twatwal. ¹⁹Ento Lujudaya mogo gucito kunnu ma gua ki i Antiokia ki i Ikonio. Gupiyo lwak, ka gucelo Paulo ki got ci guywayo woko gutere i ne ganj, kun gitamo ni don oto woko. ²⁰Ento ka lupwonnye gucokke bote, ci oa malo odonyo i ganj. Orwone guwoto gin ki Barnaba wa i Derube. ²¹Ka don gutuco lok me kwena maber i ganj meno, ki nono lwak lupwonnye mapol, ci gudok cen i Licitra ki Ikonio ki Antiokia ma i lobo Picidad, ²²kun gijino cwiny lupwonnye, kun gicuko cwinyi ni gumedde i niye, ma giwaco ni, myero wadony i can madojo ka wakat kwede i ker pa Lubana. ²³I lwak jo muye Yecu i kabedo acel acel guketo ludono ma ka-kagi ki lega ki ri kec, ci gumiyogi i cinj Rwot ma yam guye-ni. ²⁴Ka guwoto gukato ki i Picidad, ci gubino wa i lobo Pampulia. ²⁵Ka gutyeko tito lok pa Lubana i Perga ci gucito piny i Atalia. ²⁶ka gua ki kunnu gukwan nio i Antiokia, ka ma yam gimiyogi iye i cinj Lubana wek en okonygi ki kicane i kom tic ma don gutyeko cobone-ni. ²⁷Ka guo i Antiokia, gucoko lwak muye Yecu kacel, ci gutuco gin ducu ma don Lubana otyeko tiyo kacel kwedgi, ki kit ma oyabo kwede doggola me niye bot Lurok. ²⁸Ci gubedo kunnu ki lupwonnye pi kare malac.

¹Ento jo mogo gubino ki i Judaya ma gupwonyo utmego ni, “Ka pe gilirowu macalo kit pa Moses tye, pe wutwero larre.” ²Mumiyo Paulo ki Barnaba gubedo ka laro lok ki pyem kwedgi matek. Ci giyero Paulo ki Barnaba ki jo mukene, gicwalogi Jerucalem bot lukwena ki ludono pi lok man. ³Kit meno ka lwak muye Yecu gutyeko lwokogi ci guwok ki i Poiniki ki lobo Camaria kun gitito kit ma Lurok gulokke kwede bot Kricito ci gukelo yomcwiny madwon bot utmego ducu. ⁴Ka guo i Jerucalem, lwak muye Kricito, kacel ki lukwena ki ludono, gujologi maber, ci gutuco gin ducu ma Lubana obedo ka tiyone kwedgi. ⁵Ento jo mogo ma guye ma gitye i dul pa Lubaparcayo gua malo bene kun giwaco ni, “Myero kon gilirgi, ki cikogi ni gumak cik pa Moses.” ⁶Lukwena ki ludo jo gucokke gugurre ka laro lok man. ⁷Ka pyem don obedo dwon, ci Petero oa malo owaco botgi ni, “Utmego, wun wuneyo ni yam con Lubana oyero an ki i kinwu ni Lurok gibiwinyo lok me kwena maber ki i dog ka guye. ⁸Dok Lubana ma neyo cwiny dano ducu obedo cadengi pi miyogi cwiny Malen macalo yam omiyo botwa. ⁹En pe oketo nipoko i kinwa ki gin, ento olonyo cwinygi pi niye. ¹⁰Piwo wun wutemo i Lubana ma wumito riyo okol mapek i njut lupwonyne ma tinone oloyo kwarowa kadi wa wan bene? ¹¹Ento wan waye ni wabilarre pi kica pa Rwotwa Yecu, ki gin bene kit meno.” ¹²Ka don jo mucokke ducu gulin mot, kun giwinyo ka Barnaba ki Paulo gitito kit lanyut ki tano ma Lubana obedo ka tiyogi ki cingi i kin Lurok. ¹³Ka don gutyeko lokgi, ci Yakobo ogamo ni, “Utmego, wuwinya. ¹⁴Cimeon don otito kit ma Lubana okwono nyuto kwede ni eparo pi Lurok kun okwano ki i kingi lwak ma gilwono ki nyine. ¹⁵Man aye lok ma yam lunebi gucwako, macalo gicoyo ni, ¹⁶I ne meno abidwogo ci abigero aduc pa Daudi ma yam opoto piny-nyi, abigero odoco ka ma yam oballe, abiroco odoco amiyo cun maber, ¹⁷wek jo mudonje guyen Rwot, kacel ki Lurok ducu ma gilwonogi ki nyina. ¹⁸Meno Rwot aye ma owaco ma omiyo lok meno onene nia wa con. ¹⁹Mumiyo an anolo ni, pe myero wayelu Lurok ma gulokke bot Lubana, ²⁰ento myero wacyu warag botgi ni pe gucam gin mo ma gityero i nyim jogi, pien odoko gin me kwer, pe gutim tim tarwan, pe gucam riwo lee ma gideyo adeya, pe gucam remo. ²¹Pien cakke i kare macon Moses tye ki jo ma gitito lokke i gan ducu, kun gikwano cikke i kacokke i cen cabit ducu.” ²²Ka don lukwena ki ludono, kacel ki lwak muye Kricito ducu, gutamo ni ber giyer dano ki i kingi, gicwalgi i Antiokia kacel ki Paulo ki Barnaba. Ci gucwalo Juda ma gilwono Barcaba, ki Cira, gin aye jo ma gidito i kin utmego, ²³gumiyogi waraga ma kwanne kit man ni, “Bot utmego ma Lurok ma i Antiokia ki Ciria ki Cilicia. Wan utmegiwu ma lukwena ki ludono wamotowu mada. ²⁴Wawinyo ni dano mogo ma gua ki botwa gubedo ka yelowu ki lok mapol, ki rubo tamwu woko, kadi bed wan pe wacikogi ki kit lok macalo meno. ²⁵Pi meno wan ka wacokke waneno ni ber wayer dano wacwalgi botwu kacel ki Barnaba ki Paulo, ma wamarogi twatwal, ²⁶gin jo ma don gudyero kwogi pi Rwotwa Yecu Kricito. ²⁷Mumiyo wacwalo botwu Juda ki Cira, gin bene kikomgi gibititowu lok ki doggi ma rom ki man ma wacyo-ni. ²⁸Cwiny Malen oneno ni ber, kacel ki wan bene, pe waket yec mapek twatwal i komwu makato lok magi ma pigi tego: ²⁹pe wucam gin ma gityero bot jogi, pe wucam remo ki riwo lee ma gideyo adeya, pe wutim tim mo me tarwan. Ka wugwokke i kom meno ducu, ci wubitimo ber. Don wubed maber.” ³⁰Kit meno ka gicwalogi, ci gin gucito i Antiokia; ka don gucoko lwak kacel, ka gimiyogi waraga. ³¹Ka jo kunnu gutyeko kwano, ci cwinygi obedo yom i kom lok ma gicoyo iye me cuko cwinygi. ³²Juda kacel ki Cira, ma gin bene lutit lok pa Lubana, gucuko cwiny utmego ki lwak lok mapol ma miyogi teko. ³³Ka gutyeko nino mapolpol kunnu, ci gulwokogi ki kuc i kare ma gidok bot utmego ma yam gucwalogi-ni. ³⁴Ento Cira otamo ni ber edono kunnu. ³⁵Ento Paulo ki Barnaba gudon i Antiokia, kun gipwonyo dano ki tito lok pa Rwot, kacel ki jo mukene mapol bene. ³⁶I kare mo Paulo owaco ki Barnaba ni, “Bin wek wadok ka limo utmego ma i gan ducu ma yam watuco iye lok pa Rwot, wanen kit ma gitye kwede.” ³⁷Ci Barnaba onono mito ni giwot ki Jon ma nyine mukene Marako, ³⁸ento Paulo otamo ni pe dok ber me tero dano ma yam oa owekogi i Pampulia, pe woto kwedgi i dog tic. ³⁹Ci gubedo ka laro lok magwa, nio ka kingi opokke woko. Barnaba owoto ki Marako ci gukwan nam gucito i Caiprac, ⁴⁰ento Paulo oyero Cira ci gua ka don utmego gumiyogi i cin Rwot wek okonygi ki kicane. ⁴¹Owoto obaro i Ciria ki Cilicia kun miyo tekwin bot lwak muye Kricito.

¹Ka dok oo wa i Derube ki Licitra, lapwonnye mo onono tye kunnu ma nyine Temceo, wod pa dako mo ma Lajudaya ma oye Kricito, ento wonne aye Lagrik. ²Utmego ma i Licitra ki Ikonio giloko ki nyin Temceo maber. ³Paulo omoto ni ewot kwede; ka otere, ci olire pi Lujudaya ma gitye kunnu, pien gin ducu onono ginye ni wonne Lagrik. ⁴I kom wotgi ducu ma giwoto iye i ganj mapatpat gubedo ka miyo bot dano ma guye Kricito cik me aluba ma yam lukwena ki ludono gumako i Jerucalem. ⁵Kit meno lwak muye Kricito i kabedo acel acel gumoko matek i niye, gubedo ka medde mapol nino ducu. ⁶Ka guwoto gubaro i lobo Perugia ki Galatia, ci Cwiny Malen ogerogi ni pe gulok lok pa Lubana i Acia. ⁷Ka guo ma gukemo Micia, ci gutemo dok tun Bitinia, ento Cwiny pa Yecu pe oye ki gin, ⁸mumiyo gukato ki i Micia, gucito piny i Teroa. ⁹Paulo oneno gin mo i wan lek dyewor, laco mo me Makedonia nono ocun i nyime, obako doge bote kun waco ni, "Kwan nam ibin i Makedonia ikonywa." ¹⁰Ka otyeko neno man i wan lek, ci oyotoyot wayubbe me cito i Makedonia, kun watamo ni Lubana aye olwonowa pi tito lok me kwena maber bot jo kunnu. ¹¹Wacako kwanjo nam ki i Teroa, wakwan atir nio wa i Camotrake, ci orwone wao i Neapoli. ¹²Ki kunnu wacito i Pilipi ganj pa jo Roma ma en aye ganj madit makato ma i lobo Makedonia. Ci wabedo i ganj meno pi kare manok. ¹³I cerj cabit wacito woko i ne doggan i kabedo mo ma i dog kulu, ma watamo ni gwok nyo ka lega tye kunnu; ci wabedo piny ka lok mon ma gugurre. ¹⁴nat acel ma obedo ka winyo lokwa en aye dako ma nyine Ludia ma oa ki i ganj ma gilwono Tuatira. En lacat bono ma lamar lamar, dano ma woro Lubana. Rwot oyabo tamme omio oketo cwinye ka winyo lok ma Paulo waco. ¹⁵Ka donj gibatija en kacel ki jo ma i ode, en obako doge botwa kun waco ni, "Ka wuneno ni an lagen bot Rwot, ci wubin wubed i oda," nio ka en oridowa, wadoko welone. ¹⁶Ka cerj wacito i kabedo me lega, ci warwatte ki nyako mo ma aneca ma tyeto tyet ki jok ma bedo bote, kun kelo lwak lim mapol bot luditone pi lok ma en tyeto. ¹⁷En obedo ka lubo korwa, kun danje ni, "Jo man gin aye lutic pa Lubana Mamalo Twal ma gituco botwu yo me larre." ¹⁸En timo kit meno nino ducu. Ento kiniga omako Paulo, ci olokke owaco ki jok ni, "Aciko in i nyin Yecu Kricito, a woko ki i kome." Ci oa woko i kome i cawa meno cut. ¹⁹Ento ka luditone guneno ni gen me nono lim donj oa woko, gumako Paulo ki Cira guywayogi guterogi wa i cuk i nyim luloc, ²⁰ka guketogi i nyim lunolkop, ci guwaco ni, "Jo man gin Lujudaya, ci gurubo ganjwa woko. ²¹Gin gipwonyo kit mogo ma cikwa pe ye ni wagam nyo walubgi, pien wan Luroma." ²²Ci lwak guribbe ka lweny i komgi; lunolkop bene guyeco ginarukagi ki i komgi ci guciko ni gipwodgi ki odoo. ²³Ka gityeko pwodogi matek, ci gucwalogi i mabuc, kun giciko lalo mabuc ni ogwokgi maber. ²⁴Ka donj owinyo cik ma kit meno, oketogi i kicika ma i tyelo, oroyo okol i tyengi. ²⁵Ento i cwiny dyewor Paulo ki Cira gubedo ka lega ki ka wero wer bot Lubana ma lumabuc bene giwinyogi. ²⁶Ci lobo ocalo yenje matek, guti me ot mabuc oyenje, ci doggola ducu guyabbe woko cut, ki nyor pa nat acel acel ogony woko. ²⁷Ka lalo mabuc oco ci onono ni dog ot mabuc oyabbe woko tye twolo, owoto pala lucwanne kun mito nekke kekene, pien otamo ni lumabuc gulwi woko. ²⁸Ento Paulo odanje ki dwane matek ni, "Pe itimme kekeni marac, wan ducu watye kany." ²⁹Lalo ot mabuc ociko ni gikel mac, ci odonyo i tyelo oyot kun kome myel ki lworu, oryebbe piny i nyim Paulo ki Cira. ³⁰Ka en okelogi woko ci owaccigi ni, "Luditona, myero atim anjo wek alarre?" ³¹Guwaco bote ni, "Ye Rwot Yecu, ci ibilarre, in ki jo ma i odi ducu." ³²Ci guloko lok pa Rwot bote ki bot jo ducu ma i ode. ³³I dyewor i cawa meno kikome oterogi olwoko wan retgi, ci gibatija en cut ki jo me ode ducu. ³⁴Ka oterogi i ode, omiyogi cam; cwinye obedo yom ki jo me ode ducu, pien donj otyeko ye Lubana. ³⁵Ka piny oru, ci lunolkop gucwalo askari ka waco ni, "Wek jo meno donj guciti." ³⁶Ci lalo mabuc otito ki Paulo ni, "Lunolkop gucwalo lok ni myero wuciti. Wukat woko kombeddi wuwot ki kuc." ³⁷Ento Paulo owaco botgi ni, "Gityeko goyowa i nyim lwak, ma peya ginjoliwa kop, ma wan Luroma, donj gitweyowa i i mabuc, ka kombeddi dok gionyowa mun? Pe; wek gin aye gubin gugonywa pigi kengi." ³⁸Ci askari gutito lok man bot lunolkop, ci gubedo ki lworu ka guwinyo ni gin Luroma. ³⁹Ka gubino gubako doggi botgi, ka gukwanyogi woko, gucikogi ni gua woko ki i ganj meno. ⁴⁰Ka gukato woko ki i mabuc, gucito i ot pa Ludia; ka donj gityeko neno utmego, ci gucuko cwinygi, ka gucito.

¹Ka don gutyeko wok ki i Ampipoli ki Apolonia, ci gubino i Tecalonika, ka ma kacokke pa Lujudaya tye iye. ²Paulo oduyo iye macalo kite tye, ori kunnu pi cabit adek kun obedo ka laro lok kwedgi i kom lok ma i ginacoya. ³Obedo ka tito lok kikore ma moko ni Kricito myero onen can ki cer woko ki i kin jo muto, kun waco ni, “Yecu man ma atito botwu-ni en aye Kricito ma Lubana oyero.” ⁴Ci jo mukene i kingi lok ocobo cwinygi, guribbe i kom Paulo ki Cira, ki lwak jo Grik mapol ma giworo Lubana, kacel ki mon madito madwon. ⁵Ento Lujudaya nyeko omakogi, gukelo jo ma tubo kin dano atata, ci gucoko dano gukelo woo matek i gan gurumo ot pa Yacon kun giyeny Paulo ki Cira pi kelogi woko bot lwak ki tek. ⁶Ka nojogi oloyogi, ci guywayo Yacon ki utmego mogo guterogi i nyim luloc me gan kun gidanje ni, “Jo man gitito gin mapat, gitye ka loko tam pa dano me lobo woko, gubino kwede wa kany. ⁷Yacon aye ojologi; gin gitye ka balo cik pa Cecar ma giwaco ni tye kabaka mukene, en Yecu.” ⁸Ka lwak dano ki luloc me gan guwinyo lok man, ci gucako tugge. ⁹Luloc gumiyo Yacon ki utmego mukene guculo lim me lajen, ka lacer guwekogi gucito. ¹⁰Utmego gucwalo Paulo ki Cira gucito woko i dyewor meno wa i Berea cut; ka guo ci gucito i kacokke pa Lujudaya. ¹¹Lujudaya ma kunnu onono yam gin jo ma kitgi beco makato jo ma i Tecalonika. Gujolo lok ma gitito botgi ki cingi aryo, kun ginyo ginacoya ma yam gicoyo nino ducu pi neno ka lok ducu tye kit meno ada. ¹²Mumiyo lwak jo mapol guye Yecu, ki lwak mon madito ma Lugrik ki co mapol. ¹³Ento ka Lujudaya ma i Tecalonika guwinyo ni Paulo ki Cira gitye ka tuco lok pa Lubana i Berea bene, gin bene gubino kunnu, gurubo dano dok gutugo lwak. ¹⁴Utmego gucwalo Paulo woko oyot i yo ma cito i dog nam, ento Cira ki Temceo gudon. ¹⁵Jo ma gulwoko Paulo-ni gutere wa i Atene; ka ocikogi pi Cira ki Temceo ni gicit bote oyotoyot, ka gua, gudok. ¹⁶I kare ma Paulo tye ka kurogi i Atene, ka oneno gan meno opon ki cal jogi, ci olyeto cwinye mada. ¹⁷Obedo ka laro lok ki Lujudaya ki jo ma giworo Lubana i kacokkegi, ki i cuk bene ki jo ma en rwatte kwedgi jwijwi. ¹⁸Luryeko mogo me dul pa Luepikurea ki Lucitoiki bene gurwatte kwede. Jo mukene guwacci, “Lalok atata-ni temo tito lok i kom gin anjo?” Jo mukene guwacci, “En nen calo tito lok i kom jogi mogo ma welo,” pien nono en tye ka tito lok me kwena maber i kom Yecu ki i kom cer i kin jo muto. ¹⁹Ci gimake gitere i nyim cokke ma yam rwatte i wi got ma gilwono Areopago, kun giwaco ni, “Wamito nayo kit pwony manyen ma ikelo-ni, ²⁰pien in dok ikelo lok ma welo twatwal i itwa, ci wamito nianj tere.” ²¹I kare meno lwak jo Atene ducu ki welo ma gibedo kunnu gityeko karegi ducu ka tito lok ki winyo lok i kom gin manyen. ²²Ka Paulo ocun i dye cokke me Areopago, ci owaco ni, “Wun jo Atene, anianj ni i kit ducu wun ludini mada, ²³pien i kare ma awoto i dye gan aneno keno tyer mo ma gicoyo i kome ni, ‘Pa lubana ma pe nene.’ Gin ma wuworo ma pe wuneyo, man aye atuco botwu-ni. ²⁴Lubana ma yam ocweyo lobo ki jami ducu ma tye iye-ni, en aye Rwot me polo ki lobo, pe bedo i ot ma dano gutiyo ki cingi, ²⁵pe bene mito ni dano guwore ki gin ma gutiyo atiyo ki cingi, macalo gin mo orem bote, pien en kikome aye miyo kwo ki dano ducu wa ki yweyo ki jami ducu. ²⁶En yam ocweyo rok ducu nia ki i kom dano acel wek gubed i wi lobo ma onono en omoko kare kikome ma myero gubed iye, ki wan apokki lobo me kabadogi, ²⁷wek gubed ka yenyo Lubana, wek ka gibono abona gwok nyo gugud kome ci ginone, pien en pe tye cen ka mabor ki bot nat acel acel i kinwa. ²⁸Wakwo i en, wawoto i en, wabedo i en, macalo nat mo ocoyo. Nat acel i kin lucocwu bene ocoyo ni, ‘Wan bene wan litinone.’ ²⁹Kit meno ka wan litino pa Lubana, pe myero watamu ni Lubana cal ki cal mo me jabu nyo ryal nyo got ma gipayo ki diro ki tam pa dano. ³⁰I kare me kwiya piny Lubana yam pe oyaro pire, ento i kare man en don ociko ni dano ducu myero gunut i kom balgi, ³¹pien en don otyeko moko nino ma en binolo iye kop i kom dano ducu ma i lobo i kit ma atir, kun don oyero dano ma myero onol kop ma ka-kare, omiyo bene lanen ma nyuto ni man bitimme pi cero dano meno ki i kin jo muto. ³²Ka guwinyo Paulo ka loko lok i kom cer ki i kin jo muto, jo mogo gucako caye ki jo mukene guwacci, “Wamito imed tito lok man botwa kare mukene.” ³³Ka Paulo okato woko ki botgi, owoto gire. ³⁴Ento jo mukene gumako i kome, guye lokke. I kingi onono tye Dioneicio ma Laareopago, ki dako mo ma nyine Damali, ki jo mukene bene.

¹Ka meno otum, Paulo oa ki i Atene, ocito Korint. ²Kunnu en onono Lajudaya mo ma nyiye Akwila ma ginywalo i Ponto, ma pud obino kenyo abina nia ki i Itali kacel ki dakone Pricikila, pien laloc madit Kalaudio onono ociko ni Lujudaya ducu myero gua woko ki i Roma. Paulo ocito ka limogi ci obedo botgi, ³pien gin ducu gitiyo kit tic acel, ci gucako tic, pien gin lutim kema. ⁴En obedo ka laro lok i kacokke i nino me cabit ducu, kun temo loyo tam pa Lujudaya ki jo Grik. ⁵Ka Cira ki Temceo gua ki i Makedonia, gunono Paulo ogeto ka tito lok kun tito ki Lujudaya ni Kricito ma Lubana oyero-ni aye Yecu. ⁶Ka gilulo i kome, giyete, ka oteno ginarukane, owaco botgi ni, “Remowu obed i wiwu! An iya gira len. Cakke tin abicito bot Lurok.” Ka oa ki kunnu ci ocito i ot pa laco mo ma nyiye Titio Yucito, lawor Lubana ma ode tye cok ki kacokke pa Lujudaya. ⁸Kuricipo, ladit me kacokke, oye Rwot ki jo ma i ode ducu; ki lwak jo mapol ma i Korint ma giwinyo lok pa Paulo guye bene, ci gibatijagi. ⁹Rwot onen bot Paulo i wan lek dyewor owacce ni, “Pe ibed i ki lworo, ento bed ka lok, pe ilin; ¹⁰pien an atye kwedi, pe tye nat mo ma bitubbe i komi ki timi marac, pien atye ki lwak jo mapol i gan man.” ¹¹Ci obedo kunnu mwaka acel ki dwe abicel kun pwonyo lok pa Lubana i kingi. ¹²Ento i kare ma Galio aye obedo laloyo me lobo Akaya, ci Lujudaya gucokke gutube i kom Paulo, nukele wa i nyim kom me nolo kop, ¹³kun giwaco ni, “Laco man tye ka bito dano ni guwor Lubana i yo ma pe lubo cik.” ¹⁴Ento i kare ma Paulo mito namo doge ka lok, Galio owaco ki Lujudaya ni, “Ka onono lok man ocun i kom tim mo marac, nyo kom bal mo marac, onono myero awiny kokowu, wun Lujudaya. ¹⁵Ento kit macalo obedo pyem i kom lok mogo nyo nyin mogo ma dok i kom cik ma mewu-ni, wun aye wunen giwu kite; an akwero bedo lanolkop i lok macalo meno.” ¹⁶Ci oryemogi woko ki i nyim kom me nolo kop. ¹⁷Ka gin ducu gumako Cocitene, ladit me kacokke, ci gigoye i nyim kom me nolo kop. Ento Galio pe oketo iye cwinye. ¹⁸Ka man otum, ci Paulo dok odikke kunnu, ka oweko utmego ci okwanjo nam ocito i lobo Ciria kun Pricikila ki Akwila gunywako kwede yo. Ci olyelo wiye i Cenkeria, pien onono okwonjo kwon. ¹⁹Ka gucito i Epeco, ci oweko Pricikila ki Akwila kunnu; ento en ocito i kacokke, olaro lok ki Lujudaya. ²⁰Ka gulego ni konj obed kunnu kare malac, ci okwero woko. ²¹Ento i kare ma en cikogi owacci, “Abidwogo botwu ka Lubana biye,” ci ocako kwan nia ki i Epeco. ²²Ka donj otyeko o i Cecaria, ci ocito i Jerucalem ka moto jo muye Kricito, ka donj olor piny i Antiokia. ²³Odikke konj kunnu, ka lacen dok oa olimo kabedo ducu ma i lobo Galatia ki Perugia kun jinjo cwiny lupwonnye ducu. ²⁴Lajudaya mo ma nyiye Apolo ma ginywalo i Alegijanderia yam obino i Epeco. En laco ma lalok twatwal, tye ki nec matut i ginacoya. ²⁵Onono yam gibedo ka pwonye yo pa Rwot, ma lok okur i cwinye, kun pwonyo lok i kom Yecu atir mupye, kun kono neyo lok me batija pa Jon keken. ²⁶En yam loko ki tekcwiny labono lworo i kacokke, ento ka Pricikila ki Akwila guwinyo lokke, ci gutere gumiye pwony matut i kom Lubana ma niane makato. ²⁷I kare ma en mito kwan cito i Akaya, utmego gujinjo cwinye, ka gucoyo waraga bot lupwonnye wek gujole. Ka cej oo kunnu, ci okonyo jo ma yam gulimo gum me niye mada, ²⁸pien oloyo tam pa Lujudaya atyer i nyim lwak kun nyuto ki i ginacoya ni Kricito ma Lubana oyero aye Yecu.

¹Ka Apolo tye i Korint, Paulo orabo piny ki malo ka obino i Epeco. Onono lupwonnye mogo kunnu, ²ci openyogi ni, “Wun yam wulimo Cwiny Malen i kare ma wuye Kricito?” Gugamo ni, “Pe, wan peya wawinyo ni Cwiny Malen tye.”³Owaco botgi ni, “Con gibatijawu ki kit batija anjo?” Gugamo ni, “Ki batija pa Jon.”⁴Paulo ogamo ni, “Jon yam batija dano pi ntut i kom balgi, kun tito bot dano ni guye ntat ma bibino lubo kore-ni, meno en Yecu.”⁵Ka guwinyo lok man, ci gibatijagi i nyin Rwot Yecu. ⁶Ka Paulo oketo cine i komgi, ci Cwiny Malen obino i komgi; gucako dumo leb mapatpat kun gitito lok pa Lubana. ⁷Gin ducu welgi romo ka apar wiye aryo. ⁸Paulo odonyo i kacokke kun loko ki tekswiny labono lworo pi dwe adek, kun laro lok ki bolo lok i kom ker pa Lubana. ⁹Ento jo mogo ma pe guye ma gudin gucako loko lok marac i kom Yo meno i nyim lwak, ci Paulo opokke woko kwedgi, kun woto kacel ki lupwonnye, obedo ka laro lok nino ducu i cukul pa Tirano. ¹⁰Man omedde otyeko mwaka aryo, mumiyo jo ma gibedo i Acia guwinyo lok pa Rwot, Lujudaya ki Lugrik ducu. ¹¹Ci Lubana otiyo tano madono ki i cin Paulo. ¹²Wa kitambarane nyo bonjine me tic yam gikwano woko ki bote ka gitero bot lutwo, ci two can woko, ki cen bene a woko ki i kom dano. ¹³Lujudaya mogo ma lumalgan, ma gin luryem cen, gucako tuco nyin Rwot Yecu i nyim jo ma cen omakogi kun giwaco ni, “Akwojowu ki nyin Yecu ma Paulo tito pire-ni.” ¹⁴Yam tye Lujudaya mo ajwaka madit ma nyine Cekewa, ma awobene abiro gitimo kit meno. ¹⁵Ento cen marac odok iye botgi ni, “Yecu anejo, ki Paulo bene anejo; ento wun anagi?” ¹⁶Ci laco ma cen marac omako-ni okato i komgi ci obwoyogi woko, oryemogi, ci gumwomme woko ki i ot kun gitye munero ki ret omakogi bene. ¹⁷Lok man onene bot jo ma gibedo i Epeco ducu, Lujudaya ki Lugrik bene; lworo omakogi ducu, ci giworo nyin Rwot Yecu. ¹⁸Ki lwak jo ma koni don guye Yecu gubino kun gituco ci giyeke te tyetgi ducu. ¹⁹Ki jo ma yam lujogi gukelo buk tyetgi guguro kacel guwanogi woko i nyim lwak ducu. Ka gikwano welgi ci ginono romo lim ryal alip pyerabic kulu. ²⁰Kit meno lok pa Rwot onono omedde ki twero madwon. ²¹Lucen ka meno otum ci Paulo otamo ki i cwinye me cito i Makedonia ki i Akaya ka ekat kwede i Jerucalen, kun waco ni, “Myero acit anen wa Roma bene.” ²²Ci ocwalo lukonnye aryo i Makedonia, Temceo ki Eracto; en kikome onon i Acia pi kare manok. ²³I kare meno atubatuba magwa ocakke i kom Yo pa Kricito. ²⁴Laco mo ma nyine Demetrio latet ryal, yam teto ryal timo kwede cal jok ma dako ma nyine Atemi ci kelo kwede lim madwon bot ludirotic. ²⁵En ocokogi ogurogi kacel ki jo mukene ma gitiyo kit tic acel-lu, ci owaco botgi ni, “Lutuwa, wun wuneyo ni lonyowa a i tic man.” ²⁶Don wuneno dok wuwinyo bene ni Paulo man tye ka bito dano, pe i Epeco keken ento oromo i Acia ducu. Tye ka loko jo mapol me lubo kore, kun titogi ni lubana-gu ma gitiyo ki cin pe gin lubana. ²⁷Don gin marac onen, pe i kom ticwa man keken ma gilanyo pire, ento wa ot me woro lubanawa madit, Atemi, bene pire don biboto woko, ki deyone bene gibikwano woko, en ma dano i lobo Acia ki me lobo ducu giworo-ni.” ²⁸Ka guwinyo lok man ci gutwarre malo ki kiniga gucako wo matek ni, “Atemi pa jo Epeco dit mada.” ²⁹Kit meno gan iye orubbe woko; gin ducu guriyo i ka poro tuko kun giywayo Gayo ki Aristako, Lumakedonia ma yam guwoto kacel ki Paulo. ³⁰Paulo onono mito cito ka donyo i dye lwak, ento lupwonnye pe guye. ³¹Ludito me lobo Acia mogo bene ma gin lureme gucwalo lok bote ni pe otem donyo i ka poro tuko. ³²Jo mogo gidanpe mapat ki jo mogo giloko pat, pien lwak mucokke ducu don gukeco woko, pol pa dano bene pe ginpeyo lok ma ogurogi kacel. ³³Jo mogo ma i lwak gutamo ni lokke otiko Alegijanda, pien Lujudaya gukete i nyim cokke, ci Alegijanda ojokogi ki cine kun mito pido lok i nyim lwak. ³⁴Ento ka gunian ni en Lujudaya, gucako wo awoya ci gudanpe ki dwan acel pi cawa aryo kulu ni, “Atemi pa Jo Epeco dit mada.” ³⁵Lacen ladit ma en aye karan me gan ojuko dano ci owaco botgi ni, “Wun jo Epeco, ana ma pe neyo ni gan Epeco aye lagwok ot woro Atemi madit, ki got malen ma yam opoto ki i polo-ni?” ³⁶Lok man pyem mo pe iye, wun don myero wubed mot, pe wutim gin mo ki kurokuro. ³⁷Wun wukelo jo man ma pe guyako gin mo ki i ot jok, pe bene guyeto lubanawa ma dako-ni. ³⁸Ka ce Demetrio ki lutet gitye ki lok adot i kom ntat mo, lukiko tye, luloyo bene gitye; wek gupidde ki kunnu. ³⁹Ento ka tye lok mukene ma wumito, meno gibityekone i cokke me nino ducu macalo cik tye. ⁴⁰Pien watwero poto i can pi gin ma otimme tin-ni kun giwacci watimo bwami, pien pe tye tyen lok mo ma watwero nyuto pi kit woo ma otimme tin.” Ka otyeko loko lok man, ci oketo cokke woko.

¹Ka donj atubatuba ogik, Paulo olwonjo lupwonnye bote, ka otyeko cuko cwinygi, ci ocikogi, ocito woko i Makedonia. ²Owok i dye lobo meno kun cuko cwiny dano ki lok mapol, ka oo i lobo pa jo Grik. ³Otyeko dwe adek kunnu, ento ka oyubbe me kwanjo nam pi cito i Ciria, Lujudaya gupiro lok i kome, ci Paulo omoko ni donj ebidok ewok ki i Makedonia. ⁴Copater wod pa Piro olwoke, kacel ki Lutecalonika Aristako ki Cekundo, ki Gayo Laderube, ki Temceo, kacel ki jo Acia, Tukiko ki Tropimo. ⁵Gin gucito anyim, gukurowa i Teroa. ⁶Wan wakwanj waa ki i Pilipi ma nino madito me Mugati ma Tobi Pe Iye donj okato, ka wakwanj pi nino abic ci wao botgi i Teroa, watyeko kunnu nino abiro. ⁷I kom nino mukwonjo me cabit, ka wacokke ka baro mugati, Paulo obedo ka lok kwedgi pien ononjo mito wot woko odiko; ci oloko kare malac nio wa i cwiny dyewor. ⁸Mac tara mapol obedo ka lyel i kicika ka ma wacokke iye-ni. ⁹Ononjo tye awobi mo ma nyinje Yutiko ma obedo i wanj dirica. I kare ma Paulo ori ka lok, ka nino onuro awobi-nu mada, ci opoto piny nia ki i ot me adekke, gitinje ma oto woko. ¹⁰Ka Paulo olor piny, ci oryebbe i kome okwake, owaco ni, “Pe cwinywu opoti, kwone pud tye.” ¹¹Ka Paulo oito odok malo, ka obaro i mugati ci gucamo. Obedo ka lok kwedgi nio kwarpiny, ka opokke kwedgi. ¹²Gucito ki awobi meno makwo, cwinygi obedo yom matek. ¹³Wan watelo yo wadonyo i mel, ci wakwanj wao i Acco ma wageno ni Paulo bidonyo i mel kunnu, pien ononjo en ociko kumeno kun mito ni ewok ki i wi tura. ¹⁴Ka oromo kwedwa i Acco, ci wagamo en i mel, wacito kwede wa i Mitulene. ¹⁵Ka wakwanj waa ki kunnu ci orwone wakemo Kioc; ka orwone mukene wao wa Camoc, i ne nino meno wao i Mileto. ¹⁶Pien Paulo ononjo omoko ni ebikwanj ewok kun ekato Epeco akata, wek pe etyek kare i Acia, pien ononjo nene rune wek ebed i Jerucalem ka twerre i nino me Pentekote. ¹⁷I kare ma en tye i Mileto ci ocwalo kwena i Epeco pi lwonjo ludonjo pa lwak muye Kricito gubin bote. ¹⁸Ka guo bote, ci owaco botgi ni, “Wun kikomwu wunjeyo kit ma yam abedo kwede i kinwu wun ducu, nia i kare ma tyena okwonjo nyono lobo Acia, ¹⁹kun atiyo ki Rwot ki mwolo ducu, ki pig wanj, ki ayela mupoto i koma pi Lujudaya ma gupiro lok i koma. ²⁰An yam pe anjony adok ki njeya aweko tucu lok mo botwu ma twero konyowu, kun apwonyowu i dye lwak ki i ot ki ot. ²¹Atito atyer bot Lujudaya ki bot jo Grik bene ni myero gunjut i kom balgi, gudwog cen bot Lubanja, ci guye Rwotwa Yecu Kricito. ²²Kombeddi an donj abecito i Jerucalem, ma an lamabuc pa Cwiny Malen, kun pe anjejo gin ma bipoto i koma kunnu. ²³Kono Cwiny Malen aye bedo ka titta ki i ganj ducu ni twec ki can madwonj aye tye ka kura. ²⁴Ento kwona donj pe obedo gin me wel ki tunj bota, pe pire donj dit ki bota, ento myero an donj acob njwecca keken ki dog tic ma alimo ki bot Rwotwa Yecu, me tito lok me kwena maber me kica pa Lubanja. ²⁵Kombeddi donj anjejo ni wun ducu ma yam abedo ka wot i kinwu kun apwonyowu ki lok i kom ker pa Lubanja pe donj wubineno wana. ²⁶Mumiyo atito botwu tin atyer ni, ka kwo pa njat mo i kinwu orwenyo, aliine pe tye i wiya, ²⁷pien pe anjony adok ki njeya aweko tucu botwu gin ducu ma Lubanja oyubo. ²⁸Wugwokke kekenwu ki dwol romiwu ducu ma Cwiny Malen oketowu me bedo lugwokone, wek wukwa lwak pa Lubanja ma en owilogi ki remo me wel madwonj pa Wode. ²⁹Anjejo ni ka apokke woko kwedwu, orudi mager bidonyo i kinwu ci pe gibitimo kica bot romi. ³⁰Dok i kin wun kikomwu bene bia iye jo ma gibiloko lok ma njako dano ci gibwolo lupwonnye miyo gilubo korgi. ³¹Mumiyo acikowu ni wugwokke, kun wupo ni yam abedo ka pwonyo njat acel acel i kinwu ma pe alinj pi mwaka adek kulu dyecenj ki dyewor kun akok ki pig wana. ³²Kombeddi donj amiyowu, i cinj Lubanja ki i lokke me kica ma twero, miyo wudonjo wubedo matek, miyo wunonjo dulwu ki i kom gin ma Lubanja oyubbe me miyo bot jo ducu ma en olonyogi gudoko malen. ³³An yam cwinya pe opukke i kom lim pa njat mo kadi ki ginarukane. ³⁴Wunjejo kekenwu ni anonjo gin ducu ma mitte pira ki pi jo ma atye kwedgi ki tic ma atiyo ki cinja en-ni. ³⁵I kare ducu atyeko nyuto botwu ni pi tiyo tic matek macalo meno myero wakony lugoro kun wapo lok pa Rwotwa Yecu ma yam owaco ni, “Miyo mot kelo gum makato gamo agama.” ³⁶Ka otyeko loko lok meno, ci orumo cone piny olego kwedgi ducu. ³⁷Gin ducu gukok kun gikwako njut Paulo ki mot me mar. ³⁸Gin mucwero cwinygi twatwal makato ducu obedo lok ma en owaco botgi ni pe dok gibineno wane. Ci gulwoke wa i mel.

¹Ka donj opokke kwedgi, wacako kwanj wakemo yo atir nio wa i Koc. Orwone wao i Rodec, ka dok waa kunnu wao i Patara. ²Ka wanojo mel ki kunnu ma cito Poiniki, ci wadonyo iye, wacako wot. ³Ka donj wao ka ma waneno Caiprac, ci warabo njete kun waweko odonj tunj lacam, wacito wa i lobo Ciria ka wakato woko i wi tura i Turo, pien onono myero gikwany yec woko ki i mel ki kunnu. ⁴Wayenyo lupwonnye ci wari kunnu nino abiro. Cwiny Malen omiyo gujuko Paulo ni pe ocit i Jerucalem. ⁵Ka donj watyeko karewa, wapokke kwedgi ci wamedde ki wotwa. Gin ducu gulwokowa, wa mon ki litino, gukelowa wa i ne ganj; ka warumo conjwa i dog nam, walego, wacikke kwedgi. ⁶Lacen wan wadonyo i mel, ci gin gudok paco. ⁷Ka watyeko kwanj nia ki i Turo, ci wao i Potolemai; ka wamoto utmego, ci wabedo kwedgi nino acel. ⁸Orwone wapokke kwedgi, wacito i Cecaria, ci wadonyo i ot pa Pilipo latuc lok me kwena maber, ma yam en njat acel i kom jo abiro ca, wabedo bote. ⁹Yam en tye ki anyirane anjwen ma pe ginyomogi, ma yam gitito lok pa Lubanja. ¹⁰Ka wadikke kunnu pi nino mapolpol, lanebi mo ma nyinje Agabo obino kunnu nia ki i Judaya. ¹¹Ka obino botwa okwanyo del pyer Paulo otweyo ki tyene ki cinje kene, ci owaco ni, "Cwiny Malen owaco kit man ni, Lujudaya ma i Jerucalem gibitweyo won del pyer man kit man, ci gibimiye i cinj Lurok." ¹²Ka wawinyo lok man, wan ki jo ma kunnu walego Paulo ni pe ocit i Jerucalem. ¹³Paulo odok iye ni, "Wun wumito gin anjo, ma wukok wubalo ki cwinya-ni? An pe ayubbe pi mabuc keken, ento wa pi to i Jerucalem pi nyinj Rwot Yecu." ¹⁴Ka donj pe oye, ci waweko kun wawaco ni, "Gin ma Rwot mito myero otimme." ¹⁵Ka kare meno otum, wayubbe ci wacito i Jerucalem. ¹⁶Wawoto ki lua pwonnye mogo ma guwoto kwedwa nia ki i Cecaria ci guterowa i ot pa Munacon dano me Caiprac ma yam odoko lapwonnye wa con, ka ma myero wagony iye. ¹⁷Ka wao i Jerucalem, utmego gujolowa ki yomcwiny. ¹⁸Orwone Paulo ocito kwedwa bot Yakobo ma onono ludono ducu gitye. ¹⁹Ka donj omotogi, Paulo otito kikore gin mapol ma Lubanja otiyo i kin Lurok pi ticce. ²⁰Ka guwinyo, gupako Lubanja. Ci guwaco bote ni, "Konj inen, ominwa, tye Lujudaya alip adi ma gitye i kin jo ma donj guye Kricito. Gin ducu giryek twatwal i kom cik pa Moses. ²¹Gin gubedo ka winyo lok i komi ni ipwonyo Lujudaya ducu ma gitye i kin Lurok ni gubwot cik pa Moses woko, dok bene ni itito lok botgi kilonj ni pe gulir litinogi, pe gulub kitwa." ²²Gin anjo donj ma myero watim? Pien gin gibliwinyo ni ibino. ²³Mumiyo donj itim gin ma waciki. Watye ki jo anjwen kany ma yam gukwojo kwoj. ²⁴Ter jo meno ci ilonnye kwedgi kacel, ci icul lim ma mitte pigi, wek gulyel wigi. Kit meno dano ducu gibineyo ni lok ma gibedo ka loko i komi pe kakare, ento in bene itye ka gwoko cik. ²⁵Ento ki tunj bot Lurok ma guye Rwot watyeko cwalo waraga botgi ki lok ma wanolo ni, pe gucam gin ma gityero bot jogi, pe gucam remo, ki rinjo lee ma gideyo adeya, gukwer bene tim tarwanj." ²⁶Paulo otero jo meno ci orone olonnye kacel kwedgi ka gucito i ot pa Lubanja pi nyuto kare ma nino me lonnyne megii donj bitum, wek gutyer tyer pi gin ki acel acel. ²⁷Ka onono nino abiro me lonnyegi donj cok tum, Lujudaya ma gua ki i Acia guneno Paulo i ot pa Lubanja, ci gutugo lwak ducu, gumake, ²⁸kun gidanije matek ni, "Wun jo Irael, wumi kony. Man aye laco ma tye ka pwonyo dano i kabedo ducu marac, kun kwero rokwa ki cikwa wa ki kabedo man bene. Ki makato ducu en okelo Lugrik bene i ot pa Lubanja, opyedo kabedo man malenj woko." ²⁹Pien onono guneno Tropimo ma Laepeco ma gitye kacel kwede i ganj, ci gutamo ni Paulo okele i ot pa Lubanja. ³⁰Ci ganj ducu otwarre woko, ka dano gurino kacel. Gumako Paulo, guywaye woko ki i ot pa Lubanja, ci giloro doggola woko cut. ³¹Gimito neke woko, ento lok oo bot kapten me mony ni Jerucalem donj otugge woko. ³²En olaro kunnu ki njwec ki lumony mapol kacel ki luditogi ma loyo dano miya miya, gujuko lugo Paulo. Ka lwak guneno kapten ki lumony, guweko goyo Paulo. ³³Kapten ocito ka make, ka ociko ni gitweye ki nyor aryo. Ka openyo ni en anja, dok obalo gin anjo? ³⁴Jo mogo ma i kin lwak gidanije ni pi man, ki mukene ni pi man. Ka kapten donj pe onianj i kom lok kikome pi woo ma obedo madwonj, ociko ni gitere i gogo. ³⁵Ka guo i rwom me ito malo, lumony gutino Paulo atina pi gero pa lwak, ³⁶pien lwak dano ma otubbe gilubo korgi kun gidanije ni, "Wuneke woko!" ³⁷I kare ma onono gidonyo ki Paulo i gogo, Paulo owaco bot kapten ni, "Ber konj alok boti lok mo?" Ci ogamo ni, "In ineyo leb Grik?" ³⁸Pe in aye Laejipt ma yam otubo dano ci otero lunek alip anjwen woko i tim?" ³⁹Paulo ogamo ni, "An Lajudaya, ginywala i Taruco ma i Cilicia, ganj ma njene mada. Alegi miya alok ki lwak." ⁴⁰Ka oye, Paulo ocunj i rwom ci ojuko lwak ki cinje. Ka piny olinj litik. Ocako lok kwedgi i leb Ibru kun waco ni,

¹“Utmego ki wego, wuwiny pido ma akelo i nyimwu.” ²Ka guwinyo en ka loko kwedgi i leb Ibru, gumedde ki lin mot. En owacci, ³“An Lajudaya, ginywala i Taruco i Cilicia, ento adono i gan man, lapwonyanya obedo Gamaliel. Gipwonya ki cik pa kwarowa kun gimiyo agwokke twatwal; abedo ki nyeko pi Lubana macalo wun bene wutye kwede tin. ⁴Abedo ka libo jo me Yo ma, anakogi bene. Atweyogi, aterogi i mabuc, co wa ki mon; ⁵ajwaka madit pa Lubana ki kacokke pa ludono gin aye cadenna i kom lok man. Alimo waraga ki botgi pi utmego, ci acako wot i Damaciko ka mako jo ma gitye kunnu ki tweyogi me akela kany i Jerucalem wek giket can i komgi. ⁶“I kare ma atye ka wot ma don anyiko cok ki Damaciko, cwiny dyecen, ci dero madit oa ki i polo, oryeny ocaro koma. ⁷Ka apoto piny, awinyo dwan ma wacca ni, ‘Caulo, Caulo, pinjo itye ka yela?’ ⁸An agamo ni, ‘In ana, Rwot?’ Ci owacca ni, ‘An aye Yecu ma itye ka yela-ni.’ ⁹Jo ma guwoto kweda guneno dero, ento pe guwinyo dwan nat ma tye ka lok kweda-ni. ¹⁰Ci agamo ni, ‘Atim gin anjo, Rwot?’ Ci Rwot owacca ni, ‘A malo idony i Damaciko, ci gubititti ki kunnu gin ducu ma yam giyubo ni myero iti.’ ¹¹Ka pe don aneno piny pi dero meno ma ocaro wana, ci jo ma gitye kweda gupeya ki cina nio wa i Damaciko. ¹²“nat mo ma nyine Anania, dano ma woro Lubana kun lubo cikke ducu, ma Lujudaya ducu ma gitye kunnu giloko nyine maber, ¹³obino bota, ci ocun ka neta, owacca ni, ‘Ominwa Caulo, wek wani don oyabbe!’ Ci wana oyabbe woko i cawa meno cut, ka aneno kome. ¹⁴Ci owacca ni, ‘Lubana pa kwarowa oyo in wek ine gin ma en mito, inen Nat ma Kite Atir, iwiny bene ka en loko ki doge; ¹⁵pien in ibibedo cadenne bot dano ducu pi gin ma ineno ki ma iwinyo. ¹⁶Man dok pud ikuro anjo? Don ia malo gibatija in, gilwok balli woko kun ilwono nyine.’ ¹⁷“Ka atyeko dwogo i Jerucalem, ka atye ka lego i ot pa Lubana, awille woko, ¹⁸ci anene. En owacca ni, ‘Rune oyot, ia woko ki i Jerucalem, pien pe gibiye lok me caden ma itito pira.’ ¹⁹Agamo ni, ‘Rwot, gin kikomgi ginoyo ni i kacokke acel acel abedo ka pwodo dano ma guye in, atweyogi bene i mabuc. ²⁰Dok i kare ma gineko lacadenni Citefano an onono acun kunnu apwoyo gin ma otimme, agwoko bene bonjo pa jo ma guneke.’ ²¹Ci owacca ni, ‘A woko ki kany, pien abicwali ka mabor bot Lurok.’ ²²Gubedo ka winyo nio wa i lok man; ento ka don oloko, gucako danje ki dwan malono ni, “Wutere, wuneke woko! Dano macalo meno pe romo bedo i lobo!” ²³Gubedo ka danje matek, ma gitenjo bonnigi, gidunyo apwa malo. ²⁴Kapten ociko ni giter Paulo i gogo, ci gipenye kun gipwode ki del wek enian gin mumiyo gidanje i kome kit meno. ²⁵Ento ka don gityeko tweye ki del, Paulo oloko ki ladit ma loyo dano miya ma ocun ka neta ni, “Cik ye ni gipwod dano ma Laroma ma peya ginolo kop oloye bo?” ²⁶Ka ladit meno owinyo, ci ocito bot kapten, owacce ni, “Man ibitimo ninin? Dano man Laroma.” ²⁷Ci kapten obino bote openye ni, “In Laroma?” Ogamo ni, “Iyo.” ²⁸Kapten owaco ni, “An awilo dit man ki lwak lim mabup.” Paulo owaco ni, “Ento an ginywala kwede anywala.” ²⁹Jo ma gubedo ka penye-ni gugwarre gucito woko cut. Kapten bene obedo ki lworo, pien onian ni Paulo bene Laroma ma onono etweyo-ni. ³⁰Orwone omoto ni enian tyen lok kikome ma Lujudaya gudoto iye Pauloni, ci ogonye woko, ka ociko ni ajwagi madito ki lumemba me Lukiko ducu myero gugurre kacel, ka otero Paulo oketo i nyimgi.

¹Paulo ociko waje i kom lumemba me Lukiko mucokke ci owacci, “Utmego, an abedo ma cwinya len i nyim Lubana nio wa i kare man.” ²Ka owaco man, Anania, ajwaka madit, ociko jo ma gucuŋ ka ɲet Paulo ni gudon doge. ³Paulo owaco bote ni, “Lubana bene bidonji, in kor ot ma gipuyu matar-ri! In ibedo ka ɲolla kop i te cik, dok iciko ni gidona labona lubo cik?” ⁴Jo ma gucuŋ ka ɲete guwacci, “In iyeto ajwaka madit pa Lubana?” ⁵Paulo ogamo ni, “Utmego, pe onono aneyo ni en ajwaka madit; pien gicoyo ni, ‘Pe ilok marac i kom ladit ma loyo lwak.’” ⁶Ento ka Paulo onian ni dul acel i kingi Lucadukayo ki dul mukene i kingi Lumaricayo, ci odanɲe i lukiko ni, “Utmego, an Lumaricayo, wod pa Lumaricayo. Lok opoto i koma pi geno cer pa jo muto.” ⁷Ka owaco lok man, pyem opoto i kin Lumaricayo ki Lucadukayo, nio ka Lukiko iye opokke woko. ⁸Pien Lucadukayo giwaco ni cer pa jo muto pe, kadi lamalaika, kadi cwiny mo; ento Lumaricayo giye ducu. ⁹Ka pyem omedde matek, lupwonycik ma i dul pa Lumaricayo gutwarre malo ka guwaco ni, “Pe wanono kop mo ma dano-ni, obalo. Ka cwiny nyo lamalaika aye oloko kwede, ci timo anjo?” ¹⁰Ka pyem otedde magwa, kapten olworo ni gibiyeco Paulo woko atata, ka ociko lumony ni gulor piny gukwanye woko ki i kingi ki tek, gukete i gogo. ¹¹Orwone dyewor, Rwot ocuŋ ka ɲet Paulo, owacce ni, “Di cwinyi. Macalo ibedo ka tito lok i koma i Jerucalen, kit meno bene myero ibed cadenna bene wa i Roma.” ¹²Ka piny oru, Lujudaya gutudo doggi kacel kun gikwono ni pe gibicamo cam kadi wa mato pii nio ka gineko Paulo. ¹³Onono tye jo makato pyeranwen ma gukwono kwon kit meno. ¹⁴Ka gucito bot ajwagi madito ki ludono guwacci, “Wan watyeko kwonɲe matek ma watweyo ni pe wabibilo cam mo nio ka waneko Paulo. ¹⁵Pi meno wun ki Lukiko wucwal lok kombeddi bot kapten wek okele piny botwu macalo wubicino ka ɲiyo kop i kome kikore. Nonjo wan wayubbe me neke ma peya oo botwu.” ¹⁶Ento okeyo Paulo owinyo kit ma gikiye kwede, ci ocito odonyo i gogo otito ki Paulo. ¹⁷Paulo olwono ladit mony acel lalo dano miya, owacce ni, “Ter awobi man bot kapten. En tye ki lok mo ma mito tito bote.” ¹⁸Otere bot kapten ci owacce ni, “Paulo ma lamabuc-ci olwona ci olega ni akel awobi man boti, pien tye ki lok mo ma mito tito boti.” ¹⁹Kapten omako cine, otere cen i mun ka openye ni, “Gin anjo ma onono imito tito bota?” ²⁰Ogamo ni, “Lujudaya guyubbe me penyi wek iter Paulo botgi i Lukiko, ma nen calo gimito ni gimed penyo lok i kome wek gunian iye maber. ²¹Ento pe iye legagi, pien dano makato pyeranwen gubuto ka kiye. Gukwonɲe ni pe gibicamo gin mo kadi mato pii nio ka gineko Paulo. Kombeddi don guyubbe, gikuro cik ma a ki boti.” ²²Kapten ocwalo awobi-nu kun cike ni, “Pe dok itit bot ɲat mo ni itito lok man bota.” ²³Ci olwono lumony aryo ma lulo dano miya miya, owaco botgi ni, “Wuyubbe i kin cawa adek me dyewor ki askari miya aryo, ki wegi aguragura pyerabiro, ki wegi ton miya aryo wek gucit Cecaria. ²⁴Dok inon aguragura bene pi Paulo wek orin kwede wek itere ki kuc bot Pelici laloyo.” ²⁵Ci ocoyo waraga ma kwanne kit man: ²⁶“An Kalaudio Licia amoto in Laloyo Maber Pelici. ²⁷Laco man Lujudaya aye gumako, onono don gicok neke woko, ka acito botgi ki lumony alare ki i cingi, pien onono anian ni en Laroma. ²⁸Pi mito nian i kom lok ma gidote iye atere i Lukikogi. ²⁹Ci anono ni gidote ki adot ma dok i kom cikgi, pe onono tye lok mo ma romo ɲolo kop me to iye i kome, kadi mabuc bene. ³⁰Ka gikwilla lok ni tye dano ma gitye ka kiyo laco man, acwale woko oyot kun aciko ludote-gu gutit adotgi ma i kome i nyimi.” ³¹Lumony gutero Paulo kit ma gicikogi kwede. Gukwanye dyewor gutere wa i Antipatric. ³²Orwone gudwogo i gogo, kun giweko wegi aguragura gumedde ki wot kwede. ³³Ka guo Cecaria gumio waraga bot laloyo, ka gutero Paulo bene i nyime. ³⁴I kare ma laloyo don okwano waraga, openye ni en oa i lobo mene. Ka onian ni oa i lobo Cilicia, ³⁵ci owacci, “Abiwinyo lokki ka ludoti guo.” Ociko ni gigwoke i ot madit pa Kerode

¹Ka nino abic okato, ajwaka madit Anania obino ki ludonjo mogo, kacel ki laplida mo ma nyiŋe Tertulo, ci gutero adotgi i nyim laloyo pi doto Paulo. ²Ka donj gilwoŋe, Tertulo ocaŋo adotte kun waco ni, “Laloyo Maber, ladit Pelici, wabedo ki kuc piri nia wa con, dok itamo pi rokwa, ikelo alokaloka mapol ma okonyowa ³i kit yo ducu ki i kabedo ducu, wan bene wajolo ki yomcwiny madwonj, ladit. ⁴Ento pe donj agal wii, abako dogo boti pi kicani iwiny lokwa macegocego-ni. ⁵Wanonjo ni dano man lanek piny, en aye lakel jemo i kin Lujudaya ducu ma i lobo ducu, en latel wi dul pa Lunajaret. ⁶En bene otemo pyedo wa ot pa Lubanja maditte, ci wamake woko. [Ononjo wamito njolo kop i kome kun walubo cikwa-ni, ⁷Ento kapten Licia obino omaye woko ki i ciŋwa tektek, ⁸ci ociko ni ludote myero guo i nyimi.] Ka in kikomi ipenye, ibinianj ki bote lok ducu ma wadote iye.” ⁹Luyudaya bene guribbe i adot meno, kun gimoko ni lok man ducu tye kit meno. ¹⁰Ka laloyo ocime ni oloki, Paulo odok iye ni, “Ladit, aneyo ni ibedo ka njolo kop i rok man pi mwaka malac, mumio apido lokka i nyimi ki yomcwiny. ¹¹Macalo ni bene itwero nonjo ka ipenyo dano, wel nino ma okato nia i kare ma acito i Jerucalem ka woro Lubanja peya okato apar wiye aryo. ¹²Pe ginonjo ni atye ka pyem ki dano mo, nyo tubo lwak, kadi i ot pa Lubanja, nyo i kacokke me lega, nyo i dye ganj. ¹³Dok bene pe gitwero nyuto ni lok ma gikelo i koma kombeddi tye kakare. ¹⁴Ento aye lok man boti ni, aworo Lubanja pa kwarowa kun alubo kit Yo ma gin gilwonjo ni dul. Aye lok ducu ma gicoyo i cik pa Moses ki i buk pa lunebi. ¹⁵Pi niyena i kom Lubanja atye ki gen ni dano gibecer woko, jo ma kitgi atir wa ki jo ma kitgi pe atir, ci gin bene gitye ki kit gen acel-lu. ¹⁶Pi meno an bene atemo mada kare ducu wek abed ma cwinya lenj i nyim Lubanja ki i nyim dano. ¹⁷“Ma donj abedo cen pi mwaka mapolpol acito i Jerucalem ka tero mot bot jo me rokka pi konyo lucan, ki ka tyero gitum. ¹⁸I kare ma atye ka tiyo man, gunonja i ot pa Lubanja ma donj atyeko lonnye woko i kit ma mitte. Pe abedo ki lwak mo, woo bene obedo pe. Ento Lujudaya mogo ma gua ki i Acia, ¹⁹gin aye kono myero gubed kany i nyimi gukel adotgi, ka gitye ki lok mo i koma. ²⁰Nyo wek jo man kikomgi gunyut gin marac ma gunonjo i koma i kare ma acunj i nyim Lukiko. ²¹Tye lok man keken, i kare ma acunj i kingi adanŋe ni, ‘Pi lok kom cer pa jo muto aye omioy wutye ka njolo lok i koma tin.’” ²²Ento Pelici obedo ki njec muromo i kom Yo pa Rwot, ci pe otyeko lok woko cut. Owacci, “Abinolo kopwu ka kapten Licia bibino kany.” ²³Ka ociko ladit mony ma loyo dano miya ni myero ogwok Paulo i buc ento obed labonjo ayela mo, pe gigenj lureme ka gimito mine kony. ²⁴Ka kare okato manok,, Pelici obino ki dakone Drucila ma anyira Judaya. Olwonjo Paulo, ci obedo ka winyo ka loko i kom niye i kom Kricito Yecu. ²⁵I kare ma en tye ka lok i kom kit ma atir ki gwokke kekene, ki njolo kop ma bibedo i kare me anyim, lworu omako Pelici omioy owacci, “Konj donj iciti; ka dok anonjo kare ci abilwonj.” ²⁶Ononjo bene en geno ni Paulo bimiye lim, pienno obedo ka lwoŋe jwijwi ci boko lok kwede. ²⁷Ento ka mwaka aryo okato, Porcio Festo oleyo ka tyen Pelici. Pelici ononjo mito ni Lujudaya gupwoye, omioy oweko Paulo i mabuc.

¹I kare ma Festo obino i lobo ma gimie ni en olo, i ɲe nino adek, oa i Cecaria, ocito i Jerucalem. ²Ajwagi madito pa Lubana ki ludito me lobo Judaya gutitte pi lok i kom Paulo, ci gubako doggi bote, ³ni otim ber oye cwale i Jerucalem, kun onono guyubo ni dano gibikiye ci gineke woko i wana yo. ⁴Ento Festo ogamo ni gitye ka gwoko Paulo i Cecaria, en bene emito cito kunnu i kare macok-ki. ⁵Ci owacci, “Pi meno, jo ma i kinwu ma gitye ki twero myero gucit kweda. Ka onono tye roc mo i kom laco meno, wek gudote bota.” ⁶Obedo i Jerucalem pi nino aboro nyo apar, ka odok i Cecaria. Orwone obedo i kom me ɲolo kop, ci ociko ni gikel Paulo. ⁷Ka don obino, Lujudaya ma gua i Jerucalem gucun ma gurume dyere, gudote ki lwak adot mapol mapek ma pe gitwero moko kite. ⁸Paulo opido ni, “Peya abalo lok mo i kom cik pa Lujudaya kadi ot pa Lubana, kadi wa bot laloc madit Cecar.” ⁹Ento Festo onono mito ni Lujudaya gupwoye, ci owaco bot Paulo ni, “Imito giteri i Jerucalem wek anol kop i komi pi adot magi ki kunnu?” ¹⁰Paulo ogamo ni, “Acun kany i nyim kom me ɲolo kop pa Cecar, en aye ka ma myero ginolla iye kop. Pe abalo bal mo bot Lujudaya, meno in bene ineyo maber.” ¹¹Ka abalo bal ma romma to, lok mo pe, gitwero neka, pe akwero; ento ka adotgi i koma tere pe, ci pe tye nat mo ma twero miya i cingi. Abolo pi Cecar.” ¹²Ka Festo otyeko poro lok ki lukikone, odok iye ni, “Iboto pi Cecar; ibicito bot Cecar.” ¹³Ka nino okato manok, kabaka Agripa ki Bernike guo i Cecaria ka jolo Festo. ¹⁴Ka gudikke kunnu pi kare malac, Festo oketo adot i kom Paulo i nyim kabaka kun wacci, “Tye laco mo kany ma Pelici oweko i mabuc. ¹⁵I kare ma atye i Jerucalem, ajwagi madito pa Lubana ki ludono pa Lujudaya gutitta lok i kome, ci gulega ni anol ni kop oloye. ¹⁶Adok iye botgi ni, pe kitwa wan Luroma me miyo dano mo i cin ludote ma peya gimie kare me cun i nyimgi wan ki wan wek opid pidone i kom lok ma gidote iye.” ¹⁷Ka gubino kany, ci an bene pe adikke, ento orwone abedo i kom me ɲolo kop ci aciko ni kigele. ¹⁸Ka ludote gua ka lok, pe gukelo adot mo i kome ma mako bal mo marac, macalo yam atamo; ¹⁹ento gubedo ka laro lok kwede ma dok i kom dinigi, ki i kom nat mo ma nyine Yecu ma yam oto, ma Paulo waco ni tye makwo. ²⁰Yeko te lok macalo meno oloya, mumiyo apenye ka en mito cito i Jerucalem wek gicinol lokke ki kunnu. ²¹Ento Paulo okoko apil ni myero gigwoke i mabuc pi kuro ɲolo kop pa laloc madit ma won deyo-ni. Ci aciko ni gigwoke nio ka abicwale bot Cecar.” ²²Agripa owaco bot Festo ni, “An kikoma amito winyo lok pa danonu ka twerre.” Ogamo ni, “Diki ibiwinyo lokke.” ²³Orwone Agripa ki Bernike gucito ki deyo madwon, ci gudonyo i kicika me winyo ɲolo kop kacel ki kapten mogo me mony ki jo ma ginene ma i gan meno. Ka Festo ociko, ci gikelo Paulo. ²⁴Festo owacci, “Kabaka Agripa ki wun ducu ma wutye kwedwa kany, wun don wuneno dano man ma lwak Lujudaya ducu gubako doggi bota pire i Jerucalem wa ki kany bene, kun gidanɲe ni pe myero obed kwo.” ²⁵Ento an pe anono otimo gin mo ma romo miyo ginolle kop me to. Don macalo en aye gire okoko apil pi laloc madit, an bene amoko ni abicwale. ²⁶Ento peya atye ki lok mo kikome ma myero aco i kome bot rwoda, en gin mumiyo akele i nyimwu, ki makato i nyimi, in Kabaka Agripa, wek ka wabipenye abed ki lok mo me acoya. ²⁷Pien aneno ni kony mo pe me cwalo lamabuc ka pe ginyuto lok ma i kome.”

¹Agripa owaco bot Paulo ni, “Giye ni ilok giri piri keni.” Ci Paulo oryeyo bade ka ocako pidone kun wacci, ²“Ladit, tin koma gum mada me cun i nyimi, in Kabaka Agripa, pi pido lokka i kom kop ducu ma Lujudaya gudota iye.

³Makato ducu pien in ineyo maber twatwal kit pa Lujudaya ducu ki lok ma gilaro i kingi kengi; pi meno alegi ni idi cwinyi wek iwiny lokka mot ma cwinyi opye.”⁴“Lujudaya ducu ginjeyo kit kwona nia ka tinona. Pi kwona ducu, cakke i acakkine, abedo i kin rokwa ki i Jerucalem bene.”⁵Ginjeyo nia wa con, ka giye tucone, ni abedo ka lubo kit pa lugwok dini matek makato ma i kinwa, ma gin aye Luparicayo.⁶Kombeddi acun kany ka pido koppa pi geno cikke ma Lubana omiyo bot kwarowa, ⁷pi geno gin ma kakawa apar wiye aryo ducu gigeno ni gibinoŋo, kun giworo Lubana ki cwinygi ducu dyewor ki dyecen. Lujudaya gitye ka pida pi gen man, ai kabaka, macalo obedo bal! ⁸Piŋo pe wutwero ye ni Lubana cero jo muto?⁹“Won an kikoma yam atamo ni myero ati matek pi lweny ki nyin Yecu me Najaret.”¹⁰Yam atimo kit meno i Jerucalem; atweyo jo pa Lubana mapol i mabuc kun atiyi ki twer ma anono ki bot ajwagi madito. Ka ginekogi, abolo kwir ni myero gito. ¹¹Tyen mapol aketo can i komgi i kacokke ducu, kun atemo miyogi yeto nyin Kricito; agerre i komgi, ayelogi wa i ganji pa lurok.¹²“Kit meno awoto Damaciko kun atye ki twero ki cik ma ajwagi madito gumiya.”¹³I cwiny dyecen, kabaka, aneno ki i wana yo ka dero a ki i polo ma ryeny matar makato cen; oryeny oboyo koma dyere ki jo ma guwoto kweda bene.”¹⁴Wan ducu wapoto piny, ci awinyo dwan ma loko kweda i leb Ibru ni, ‘Caulo, Caulo, iyela piŋo? Itye ka keto ret i komi keni, macalo twon ka gweyo dim.’¹⁵Agamo ni, ‘In ana, Rwot?’ Ci Rwot owaco ni, ‘An aye Yecu ma itye ka yela-ni.’¹⁶Ento a icun, pien anen boti pi lok man pi keti ibed laticca ki lacaden pi gin ma ineno ma dok i koma, ki pi gin ma ibineno ka dok anyutte boti i kare me anyim.”¹⁷Abilari ki bot jo me rokwa, ki bot Lurok bene ma abiori botgi.”¹⁸Ibiyabo wangi wek gua woko ki i colpiny, gubed i cen, gua woko ki i te twer pa Catan, gulokke bot Lubana, wek owek balgi ci gunon kabedo i kin jo ma Lubana olonyogi gudoko jone, pi niyegi i koma.”¹⁹“Kumeno, Kabaka Agripa, pe akwero winyo cik ma gimiyi mua ki i polo,”²⁰ento acako tucu lok, mukwono i Damaciko, ka lacen i Jerucalem ki lobo Judaya ducu ki bot lurok bene, kun atito botgi ni myero gunut i kom balgi, gulokke gudwog cen bot Lubana, dok guti kit tim ma nyuto ni don gunut.”²¹Pi tyen lok man aye omiyo Lujudaya gumaka i ot pa Lubana, gutemo neka woko.”²²Nio wa i kare man abedo ka limo kony ma a ki bot Lubana; kombeddi don acun kany pi miyo caden bot jo matino ki bot ludito. Lok ma aloko en gin ma lunebi wa ki Moses bene guwaco ni bitimme keken, pe lok mo mapat,”²³ni Kricito ma Lubana oyero, myero onen can, dok ni en bikwono cer ki i kin jo muto wek otit bot rokwa ki bot Lurok bene pi cen ma biryeny menyogi.”²⁴Ka don otyeko pidone kit meno, Festo ogerre ki lok ni, “Paulo, in lapoya. Kwano lok mapol mada omiyo ipo apoya.”²⁵Ento Paulo ogamo ni, “Pe an lapoya, ladit Festo, ento atye ka loko lok me ada keken kun wiya tye ka tic.”²⁶Kabaka Agripa neyo lok man ducu, atwero lok bote labono lwooro mo. Aneyo ni pe tye lok mo ma okato ite, pien lokke pe otimme i mun.”²⁷Kabaka Agripa, in iye lok pa lunebi? Aneyo ni iye lokgi.”²⁸Agripa owaco bot Paulo ni, “Itamo ni iloka adok lalub Kricito pi kare manok mo kuman?”²⁹Paulo ogamo ni, “Kadi pi kare manok nyo madwon, kono alego Lubana ni idok macalo an, pe in keken ento wa dano ducu ma gitye ka winyo lokka tin, ento labono nyor-ri aye.”³⁰I ne meno kabaka ki laloyo ki Bernike ki jo ma gubedo kwedgi gua malo.”³¹Ka don gucito woko, guloko kekengi ni, “Laco man pe otimo gin mo ma romme to, kadi bedo i mabuc.”³²Ci Agripa owaco bot Festo ni, “Kono dano-ni pe obolo pi Cecar, kono gitwero gonye woko.”

¹Ka donj gimoko ni donj wakwanj wacit i Itali, gimiyo Paulo ki lumabuc mukene i cinj ladit mo ma nyiye Julio ma lalo dano miya i kin dul mony ma gilwonjo ni pa Augucito. ²Wadonyo i mel mo ma oa ki i Adramitio ma donj cok kwanj dok tunj wanjat mogo ma i dog nam me lobo Acia. Wanywako yo ki Aristako, Lamakedonia ma gangi Tecalonika. ³Orwone wao i Cidon, ci Julio otimo Paulo maber mada, oyene me wot ka limo lureme wek gugwoke. ⁴Waa ki kunnu, wakwanj warabo net Caiprac, pien yamo okemowa, ⁵ka donj wanjolo nam atir i net lobo Cilicia ki Pampulia, wao i Mira ma i lobo Licia. ⁶Ki kunnu ladit mony onono mel mua ki i Alegijanderia ma cito Itali, ci omiyo wadonyo iye. ⁷Wakwanj pi nino mapol, ci wao i Kunida ki tek. Yamo ogejowa wot anyim atir, mumiyo warabo net Kurete cok ki Calamone. ⁸Warabo net Kurete ki tek ka wao i kabedo ma gilwonjo ni Wanj Wat Mabeco, ma cok ki ganj ma nyiye Lacea. ⁹Kare malac onono donj oballe, omiyo wot i nam donj odoko rac pien nino madit me ri kec bene donj okato woko, ci Paulo omiyo botgi ryeko, ¹⁰owacci, "Ludito, aneno ni wotwa-ni bibedo rac ci kelo lannye me jami mapol, pe me yec ma gitiyo i mel keken, ento wa mel kikome kadi wa kwowa bene." ¹¹Ento ladit mony oketo cwinye i lok pa ladit ma loyo mel ki lok pa won mel, makato lok ma Paulo owaco. ¹²Wanjat meno pe romo maber me tiro iye i kare me koyo, pi meno pol pa dano gutamo ni ber gua ki kunnu wek ka twerre guo Poinike, ma en aye wanjat me Kurete ma neno tunj wokcej tunj acam ki tunj wokcej tunj acuc, wek guri kunnu pi kare me koyo. ¹³Ka yamo ma a tunj acuc ocalo kodo mot mupye, gutamo ni donj orwatte ki tamgi. Guywayo lajuk mel woko ki i pii, gucalo kwanj gurabo Kurete ma cok ki tura. ¹⁴Ento ka kare okato manok keken, yamo lapiru mager twatwal ocalo, ma gilwonjo ni Yurakwilo, okodo nia ki i wi tura. ¹⁵Ocalo mel, opajo wiye ma pe donj twero kemo yamo, ci waweko mel donj woto ka ma yamo oterowa. ¹⁶Ka warabo net latin cula mo ma nyiye Kauda watemo ki tek me laro yeya. ¹⁷Ka lukwanj donj guywayo yeya gutiyo ki i pii, gukelo i mel, ci guywayo tol mogo gutweyo te mel piny ki i te pii. Lacen guywayo bonjo ma malo piny, wek yamo pe omi mel owot oyot twatwal, pien gilworo ni gwok nyo gibidonyo i kweyo me Cirtic i dog nam me Libya, ci guweco yamo otero mel kumeno. ¹⁸Ka donj biamwonyi twago pii matek, ci orwone lutic mel gucalo kwanyo jami ma i mel gubolo woko i pii. ¹⁹I nino me adekke gucalo bolo jami tic me mel woko i pii ki cingi. ²⁰Wari pi nino mapol ma pe waneno cej nyo lakalatwe, yamo bene obedo ka kodo mager twatwal, ci lacen pe donj wabedo ki gen mo ni wabilarre. ²¹Ka donj guri pi kare malac ma pe gicamo cam mo, Paulo obino ocuj i dyegi ci owacci, "Luditona, kono yam wuwinyo dogo ma pe wua ki i Kurete, kono pe wapoto i can man ki lannye pa jami. ²²Ento koni acikowu ni wudi cwinywu pien kwo pa nat mo i kinwu pe birwenyo, ento mel aye. ²³Pien tin i dyewor man lamalaika pa Lubanja ma an a danone, ma an aworo-ni, obino ocuj ka njeta, ²⁴ci owacca ni, 'Paulo, pe ibed ki lworo. In myero icuj i nyim Cekar; nen Lubanja donj omiyo boti dano ma iwoto kwedgi ducu.' ²⁵Pi meno wudi cwinywu, pien an ageno Lubanja, aneyo ni bitimme kit ma giwaco bota-ni. ²⁶Ento myero mel oyokke i cula mo aye." ²⁷Ka nino oromo apar wiye anwen, ma yamo terowa i dye nam me Adria, i cwiny dyewor, lukwanj gutamo ni tye lobo mo ma cok kwedwa. ²⁸Ka giporo oromo futi miya acel ki pyeraryo. Ka donj gidirre manok, dok giporo oromo futi pyerabonwen. ²⁹Gulworo ni gwok nyo mel bicorre i kom got, ci gubolo lajuk mel anwen i pii ki tunj tere, ci gulego ni piny myero konj oru. ³⁰Lukwanj guyenyo yo me lwi woko ki i mel, ento ka donj gucwalo yeya i nam kun gitimo macalo gimito bolo lajuk yo tunj nyime, ³¹Paulo owaco bot ladit mony ki bot lumony ni, "Ka pe jo man gubedo i mel; pe wubilarre." ³²Ka lumony gujolo tol yeya, guweco yeya okwanj ocito. ³³Ka piny donj mito ru, Paulo odiyogi wek gin ducu gucam cam mo, ci owaco ni, "Tin donj nino me apar wiye anwenne ma wubedo ka ri kec ma cwinywu onjebbe anjaba, pe wucamo gin mo. ³⁴Pi meno abako dogo botwu ni wucam cam mo wek wunonj tek; pien kadi wa yer i kinwu." ³⁵Ka donj owaco lok man, okwanyo mugati, omiyo pwoc bot Lubanja i nyimgi ducu ci ocalo camone. ³⁶Ka gin ducu cwinygi odoko tek ci gucamo cam pigi kengi. ³⁷Onono wan ducu ma wabedo i mel waromo dano miya aryo ki pyerabiro wiye abicel. ³⁸Ka donj gucamo guyen, ci donj guyako jami woko ki i mel kun gibolo njano woko i nam. ³⁹Ka piny donj oru, lukwanj pe gujeyo lobo ma guo iye, ento guneno gul nam ma kweyo tye iye ci gutamo ni ka twerre myero gikel mel i dog tura kunnu. ⁴⁰Gujolo tol ma mako lajuk ducu, guweco odonj i nam; i kare meno bene gugonyo tol ma onono gutweyo ki pol ma giwiro ki mel, ka donj gujabo bonjo matidi ki tunj nyime wek yamo omaki, ci guweco mel omol owoto kun kemo tura. ⁴¹Ento ka guo ka ma tol pii mager aryo oromo iye, ci nyim mel otomme ki lobo ma i te pii, ogeto woko likinj, te mel bene pii otugge oturo woko. ⁴²Askari guyubo ni ginek lumabuc woko ducu, wek acel mo pe okwanj orinj woko matwal, ⁴³ento ladit mony omiyo laro Paulo, ci ojokogi pe oye ni gulub tamgi-nu. Ociko ni jo ma ginjeyo kwanj gukworre i pii wi ati gucak kwanj wek gukat i wi tura, ⁴⁴ka lacen jo ma gudonj gulub korgi i wi bao mogo nyo i wi dul mel. Kit meno gin ducu gukonnye kekengi gukato i wi tura.

¹Ka don watyeko larre, ci wanian ni cula meno gilwonjo Molta. ²Wegi lobo meno gutimowa tim me kica ma pe nen atata; gumoko mac, gujolowa ducu, pien ononj kot ocalo cwer ki koyo bene ononjo njic. ³Paulo ogwaro rido yen, obolo i mac, ci twol lacocodo omwomme woko pi lyeto ka orine i cinje. ⁴Ka weg lobo-nu guneno twol mulyerre ki i bade, gucako lok kekengi ni, “Ada, laco man lanek. Kadi ka olarre ki i nam, lanolkop atir pe ye ni obed kwo.” ⁵Ento Paulo oyerjo bade obolo kwede twol i mac ma pe otime gin mo marac. ⁶Gukuro kun gitamo ni bade bikwot woko nyo bipoto piny ci to woko cut; ento ka donjukuro pi kare malac ci guneno ni gin mo marac pe otimme i kome, guloko tamgi, gucako waco ni ebedo lubanja mo. ⁷Ladit ma loyo cula meno, laco ma nyine Publio, ononjo tye ki pottine cok ki kunnu, ci ojolowa, ogwokowa pi nino adek. ⁸Won Publio ononjo two kun obedo ka winyo lyeto, cado bene. Paulo olime, olego pire kun keto cinje i kome, ci ocanje. ⁹Ka man otimme, lutwo mukene ducu ma i cula-nu gubino bote ci gucarj. ¹⁰Gumiyowa mot mapol; ka doki i kare ma wacako wot guketo jami ma mitte pi konyowa i mel. ¹¹I ne dwe adek wamedo wotwa i mel mo mua ki i Alegijanderia ma tye ki cal Rudi i nyime, ma odikke i cula meno pi kare me koyo. ¹²Wakwanj wao i Cirakuca, wadikke kunnu nino adek. ¹³Waa ki kunnu, warabo piny nio i Regio. Ka nino okato acel, yamo ma a tunj acuc okodo, orwone wao i Puteoli. ¹⁴Wanonjo utmego kunnu, ci gulwonjowa, wabedo botgi nino abiro, ci wao i Roma. ¹⁵Ka utmego ma i Roma guwinyo piwa, gubino wa i Cuk pa Appio, ki i kabedo ma gilwonjo Ot Welo Adek pi jolowa. Ka Paulo onenogi, opwoyo Lubanja ci cwinye odoko tek. ¹⁶Ka donj wao i Roma, giye ni Paulo obed i ode kene ki askari ma gwoke. ¹⁷Ka nino okato adek, olwonjo ludito pa Lujudaya ma gibedo kunnu. Ka gucokke bote, owaco botgi ni, “Utmego, kadi bed pe atimo gin mo marac i kom rokwa nyo i kom kit pa kwarowa, ento gimaka, i Jerucalem gitweya, gimiya i cinj Luroma. ¹⁸Ka Luroma gutyeko njiyo lokka, gumito ni gigonya woko, pien ononjo pe tye tyen kop mo ma romo neka. ¹⁹Ento ka Lujudaya gucerre iye, meno omiyo abolo pi Cecar, pien yo mukene donj ononjo pe, kadi bed pe atye ki adot mo ma apido ki rokka. ²⁰Meno aye gin mumiyo amito ni anenwu ci alok kwedwu, pien gitweya ki nyor man pi gin ma gen pa jo Icrael ocunj iye.” ²¹Gugamo ni, “Pe walimo waraga ma oa ki i Jerucalem ma loko komi, pe tye njat mo i kin omegiwa mua kunnu ma okelo lok mo i komi, nyo ma oloko lok mo marac i komi. ²²Ento wamito wanianj tammi ki boti, pien wanjejo ni i kabedo ducu giloko lok marac i kom dul man ma icwako-ni.” ²³Guciko nino ci gubino bote i ot ma en bedo iye, mapol makato tyen mukwonjo ca, ci oyeko lok ducu kikore cakke odiko nio wa otyeno kun tito lok kom ker pa Lubanja atyer ci otemo ywayo tamgi wek guye Yecu ki lok ma okwanyo ki i cik pa Moses ki i buk pa lunebi. ²⁴Jo mukene guye lok ma otitoni ento jo mukene gukwero ye. ²⁵Ci gucako ket woko ma kingi opokke woko kumeno ka donj Paulo oloko lok acel ni, “Cwiny Malenj yam oloko kakare bot kwarowu ki i dog lanebi Icaya ni, ²⁶Cit iwac ki rok man ni, Winyone mere wubiwinjo, ento pe wubinianj te lokke; nenone wubineno, ento pe wubinjejo gin ma tye. ²⁷Pien jo me rok man cwinygi odoko nwan, itgi bene odinj woko, dok gumiyowa wangi woko wek pe ginen ki wangi, pe bene giwiny ki itgi, pe bene ginianj iye ki cwinygi, pe gilokke gidwog bota acangi. ²⁸Myero donj wune ni, larre man ma Lubanja omiyo donj gicwalo woko bot Lurok; gin gubiwinjo.” ²⁹Ka owaco lok meno, Lujudaya guket woko kun gitye ka pyem matek i kingi kekengi. ³⁰Paulo obedo kunnu pi mwaka aryo kun kwo ki limme kene ci jolo lwak jo ducu ma bino bote. ³¹Obedo ka tito lok me ker pa Lubanja, pwonyo bene lok kom Rwot Yecu Kricito atyer ma pe gijuko.

Jo roma

1

¹Waraga man oa ki bot Paulo ma en latic pa Yecu Kricito, ma Lubanja olwonjo me bedo lakwena, ka donj gimije tic me tito lok me kwena maber ma oa ki bot Lubanja. ²Lok me kwena maber ononjo yam Lubanja ociko pire con i lok ma lunebi yam gutito, dok bene ononjo gicoyo woko i ginacoya malenj. ³Lok me kwena man maber-ri gicoyo okemo Wode. I kit me kom, Wode-nu yam ginywale i kin likwayo pa Daudi. ⁴Ento pi Cwiny Malenj Lubanja onyuto en obedo Wode i tic matek ma ocere kwede ki i kin jo muto, en aye Yecu Kricito Rwotwa. ⁵Pire omiyo wan walimo kica pa Lubanja, ki tic me bedo lukwena wek wami dano ma i rok ducu gulub niye pi nyine; ⁶ma wun bene wutye i kingi, wun dano ma donj gilwonjowu me bedo jo pa Yecu Kricito. ⁷Bot wun jo ducu ma wutye i Roma ma Lubanja marowu, dok olwonjowu me bedo jone kikome: Lubanja Wonwa ki Rwotwa Yecu Kricito omiwu kica ki kuc. ⁸Mukwonjo apwoyo Lubanjana i Yecu Kricito pi wun ducu, pien niyewu donj gituco pire oromo wi lobo woko ducu. ⁹Lubanja ma aworo ki i cwinya kun bene atito lok me kwena maber i kom Wode, en aye cadenna ma njeyo ni atuco nyinjwu i legana i kare ducu ma pe akenj. ¹⁰Alego ni ka twerre, ka Lubanja oye, olo myero anonj yo me bino botwu i kare-ni. ¹¹Atye ka paro me nenowu mada, wek apok botwu mot mogo me cwiny me jinowu wek wubed matek. ¹²Gin ma aloko en aye ni wun kacel ki an wabikonnye lawanjacel; en aye ni niyena bikonyowu, ki niyewu bene

bikonya.¹³ Gin ma amito wunje, utmegina, en aye ni onono abedo ka tamo tyen mapol ni myero abin botwu, wek omiya anon jo mogo ki i kinwu. Lurok mukene ducu, ento meno pe otwerre; kadi wa onyoo bene pud gigena woko.¹⁴ Atye ki banya bot Lugrik ki bot lurok ma gikwiya piny, bot luryeko ki bot lumin;¹⁵ en aye gin mumiyo atye ki miti me tito lok me kwena maber botwu bene wun jo ma wubedo i Roma.¹⁶ Lewic pe maka pi lok me kwena maber, ma en aye teko pa Lubana me laro jo ma tye ki niye, mukwono Lujudaya, ka don Lugrik bene.¹⁷ Pien lok me kwena maber nyuto kit ma Lubana kwano ni dano bedo ma kite atir, ma man timme pi niye keken, cakke ki acakkine o kwede wa i agikkine. Kit macalo gicoyo ni, "Dano ma kite atir pi niye bibedo kwo."¹⁸ Pien don ginyuto akemo pa Lubana woko ki i polo pi tim pa jo maraco ducu ma pe giworo Lubana, ma gitye ka geno lok ada ni pe oti tic, pi timgi maraco.¹⁹ Pien gin ma dano twero neyone i kom Lubana don onen woko ka malen botgi, Lubana don onyuto botgi.²⁰ Cakke i kare ma giketo lobo, kit pa Lubana ma onono pe nen don onen, kun ginje i jami ducu ma en otiyo, en aye tekone ma pe gik, ki dit ma en Lubana tye kwede. Mumiyo dano don pe gitye ki lok mo ma myero gupid pi geno negi;²¹ pien kadi bed onono yam ginje Lubana, ento pe guwore macalo Lubana, pe bene gupwoye, ento tamgi odwokogi i gin ma pe konyo, ki tam ma i cwinygi me minomino bene don ocido woko odoko col.²² Gulwonje kengi ni gin luryeko, ento gulokke dok gudoko lumin.²³ Ci guloko deyo pa Lubana ma pe to woko, kun giporo ki cal pa dano ma to, nyo ki cal pa winyo, nyo me pa lee, nyo me pa twol-gu.²⁴ En mumiyo Lubana otenyogi woko liyak i miti me caro ma tye i cwinygi, wek gubal kwede deyo me komgi kekengi.²⁵ Guloko lok ada i kom Lubana guwilo woko ki goba, kun giworo dok gitiyo bot ginaketa, ma ka woro ki tic bot nat ma oketogi, ma gipwoyo nakanaka. Amen.²⁶ Pi tyen lok man omiyo Lubana otenyogi i tamgi mugom ma gitamo ma kelo lewic. Kadi wa mongi bene guweko bedo ki co i kit ma ginywalogi ni gubed kwede-ni, ento dok gucako tiyo gin mapat.²⁷ Ki co bene kit meno guweko bedo ki mon woko i kit ma ginywalogi ni myero gubed kwed-ni, ento mitigi dok ocako wanjo komgi calo mac, kun gimito ni gibed ki luwotgi, kun co buto ki co wadgi, ma meno tim me lewic mada, ento gilimo can malit i komgi pi kit balgi-nu.²⁸ Don kit macalo gin pe guneno gin mo ma konyogi i neyo Lubana-ni, Lubana bene otenyogi woko i tamgi ma konnye pe, wek don gutim gin ma pe myero.²⁹ Onono yam gupon ki kwa bal mapol ducu, tim maraco, woro me lim, raccwiny. Onono bene gupon ki cwiny me nyeko, nek, daa, goba, ki kwarcwiny. Onono bene gubedo lukwot dano,³⁰ luyet dano, dok jo ma dag Lubana. Gubedo lunala, jo ma lyerre, jo ma wakke, lurot kit me timo tim maraco, jo ma pe winyo lunyodogi,³¹ jo ma kwiya piny, jo ma pe genne, pe gitye ki mar i cwinygi, kica bene pe makogi i kom dano.³² Kadi bed ginje cik pa Lubana ni jo ma timo gin macalo meno gibito, ento gin pe gitimo jami macalo meno atima keken, gipwoyo bene jo ma tye ka timone.

¹Pi meno, gin mo ma myero ipid pire don pe, in dano, kadi in aña, ka inolo kop i kom dano lawoti; pien pi kop ma inolo i kom dano mukene ca, nonjo don inolo kop oloyi woko, pien in lanolkop kikomi bene itimo kit gin acel-lu.

²Wan waneyo ni Lubana nolo kop atir dok kakare ka onolo kop oloyo jo ma gitimo gin macalo meno.³Don in dano ma inolo kop i kom jo mukene ma gitimo gin macalo meno-ni, kun in kikomi bene itimo, itamo ni ibibwot ki nolo kop pa Lubana? ⁴Nyo icayo lonyo me kica pa Lubana ki kit ma en jukke kwede pi bal pa dano, ki kit ma en diyo kwede cwinye. Adada in ineyo ni Lubana lakica, pien teli wek injut i kom balli.⁵Ento pi tek cwinyi, en cwinyi ma idag jut kwede-ni, meno itye ka kano giri mono me akemo pa Lubana piri keni pi kuro nino me akemo, en kare ma gibinyuto iye nolo kop ma atir pa Lubana. ⁶En biculo dano acel acel kun lubo kit tic ma dano mo-ni otiyo. ⁷Jo ma diyo cwinyi kun gicanne me tiyo gin maber, ma giyenyo deyo ki woro, ki kwo ma pe to, en bimiyo botgi kwo ma pe tum.⁸Ento dano ma gilaro dito, ma pe gilubo lok ada, ento gilubo gigi kit marac, Lubana biculogi kun timogi ki akemo dok ki kiniga mager atika. ⁹Can ki remcwinyi bidiyo dano ducu ma timo gin marac, mukwoño Lujudaya ka don jo Grik bene.¹⁰Ento dano ducu ma timo gin maber binono deyo ki woro ki kuc, mukwoño Lujudaya ka don jo Grik bene; ¹¹pien Lubana gire pe lenje tun bot dano mo pi kit ma en tye kwede. ¹²Jo ma gutimo bal labono cik pa Moses, gibito labono cik bene; ento jo ma gutimo bal i te cik, gibinolo kop i komgi kun lubo cik.¹³Man pe te lokke ni jo ma winyo lok me cik awinya ki itgi gin aye jo ma kitgi atir i nyim Lubana; ento jo ma tiyo gin ma cik mito aye gibikwanogi ni gin jo ma kitgi atir. ¹⁴Ka Lurok ma gipe ki cik gitiyo gin ma cik mito pi kitgi ma ginywalogi kwede, meno nonjo don gin kikomgi gudoko wegi cik, kadi bed cik pa Moses pe botgi.¹⁵Ginyuto ni gin ma cik mito don gicoyo woko i cwinyi, dok nec ma gitye kwede ma nyuto botgi balgi bene aye bedo caden kacel kwedgi, kun tamgi bedo ka yokke ayoka; mogo nolo ni kop oloyogi, ki mogo nonjo cwakogi acwaka. ¹⁶Bibedo kumeno i nino meno ma Lubana binolo kop i kom dano pi gin ma gitiyo i mun, ma miyo Yecu Kricito aye nolo, kun lubo lok me kwena maber ma atye ka titone-ni.¹⁷Ento ka ilwonje keni ni in Lajudaya kono? Nonjo i jenje i kom cik, kun iwakke bene pi Lubana, ¹⁸dok bene ineyo gin ma en mito, dok ipwoyo gin maber makato, pien don gipwonyi woko ki cik. ¹⁹Don ki tun boti, in ineyo ni in latel lutowan, in i cen ma rany menyo dano ma gitye i piny macol, ²⁰dok bene in aye ma tiro lumin, in lapwony pa litino, pien i cik itye ki nec ki lok ada kikome.²¹Don in lapwony ma ipwonyo jo mukene, pe ipwonnye kekeni bo? Itito lok ni, “Pe ikwal”, in kono ikwalo kwo? ²²Itito ni, “Pe itim abor”, in kono itimo abor? Cwinyi dag woro jogi, ento ikwalo gin ma tye i ot jok?²³Iwakke pi cik, ento ituro cik kun icayo Lubana? ²⁴Tye kit macalo yam gicoyo i ginacoya ni, “Giyeto nyin Lubana i kin Lurok piwu.”²⁵Lirre konyo ka ce ilubo cik, ento ka ituro cik, dwoki cen ibedo calo pe onono giliri. ²⁶Don ka inen dano ma pe giliro olubo gin ma giciko ma tye i cik, dano ma pe giliro-nu pe gibikwane calo nat ma giliro? ²⁷Meno miyo dano ma pe gilirogi, ma gilubo cik, binolo kop loyi, pien itye ki cik ma yam don gicoyo woko acoya, dok bene giliri, ento pud ituro cik.²⁸Pien dano ma nen Lajudaya ki woko keken meno pe Lajudaya kikome; dok bene lirre ma nen ki woko i kom, meno pe lirre kikome. ²⁹Lajudaya kikome aye dano ma bedo Lajudaya ki i cwinye, dok bene lirre me ada aye lirre ma dano bedo kwede ki i cwinye, ma en aye tic pa Cwiny Malen, pe nukuta ma gicoyo acoya. Don nat macalo meno kadi bed dano pe gipwoye, ento Lubana pwoye.

¹Ka don tye kit meno, ci Lajudaya kato jo mukene-gu ki no? Nyo kony me lirre kono gin anjo? ²Konyo matek i yo ducu. Mukwojo, Lujudaya yam gimiyo botgi lok pa Lubana ma pire tek kun gigenogi ni gibigwoko. ³Lok man bedo niŋniŋ ka jo mogo i kingi onono yam gin pe lugen? Kit macalo gin pe genne-ni, man bene twero miyo Lubana doko nat ma pe genne? ⁴Pe kumeno! Waket Lubana obed me ada, kadi bed dano ducu lugoba, kit macalo gicoyo ni, “Wek gin ma iloko onyut ni kiti atir, dok bene wek ilo lok ka giŋolo kop i komi.”⁵Ento ka kitwa ma pe atir nyuto kit ma atir ma Lubana tye kwede, ci wan dok wabiwaco lok anjo? Wabiwaco ni Lubana pe kite atir pi keto akemone i komwa? (Man atye ka lok i kit pa dano). ⁶Pe kumeno! Ka tye kit meno, ci Lubana twero nolo kop i kom dano ma gibedo i wi lobo niŋniŋ? ⁷Ka ce gobana-ni miyo ada pa Lubana medde ameda kun bene kelo deyo bote, ci piŋo pud dok giŋolo kop i koma calo an labalo? ⁸Piŋo pe watimo gin marac wek gin maber oa iye? Pien tye jo mogo ma gicoko dogwa ki lok goba ma giwacci wan waloko kumeno. Ka giŋolo kop oloyo jo macalo meno nono giŋolo kakare. ⁹Gin anjo doki? Wan Lujudaya watye maber makatogi woko? Pe wacel; pien don anyuto woko i lokka me adot ni, Lujudaya ki jo Grik ducu bal don oloyogi. ¹⁰kit macalo yam gicoyo ni, “nat mo ma kite atir pe, pe kadi ki acel;”¹¹nat mo ma nian bene pe, nat mo ma yenyo Lubana bene pe. ¹²Gin ducu don guŋak woko, gudoko jo ma kitgi raco; pe tye nat mo ma tiyo gin maber, pe, kadi ki acel.”¹³“Guŋamo doggi calo lyel ma twolo, kun giloko lok mamit me bwolo dano.” “Lok ma giloko obedo calo kwir pa ororo.” ¹⁴“Lokgi ducu ma giloko obedo lok makec ma giceno ki dano acena.”¹⁵“Tyengi yot giriŋo kwede madwir ka neko dano, ¹⁶balle me lobo ki cwerwiny keken aye tye i yo gudogi ducu, ¹⁷pe giŋeyo yo me kuc.” ¹⁸“Pe gineno gin ma miyo gilworo Lubana.”¹⁹Waneyo ni gin ma cik oloko, loko bot jo ma tye i te cik, wek dano ducu guliŋ woko pe guŋam doggi ka lok, ki wi lobo ducu myero obed i tye nolo kop pa Lubana. ²⁰Pien pe gibikwano dano mo ni kite atir i nyim Lubana pi cobo cik; cik ticce aye me nianjo dano wek guŋe bal. ²¹Ento kombeddi kit ma Lubana kwano ki dano ni kite atir pe pi lubo cik don onen woko ka malen. Cik pa Moses ki pa lunebi bene yam otito pire; ²²en kit ma Lubana kwano ki dano ni kite atir pi niyene i kom Yecu Kricito, dok bene tye pi jo ducu ma ye en. Apokapoka mo pe iye; ²³pien dano ducu gubalo, pe gio i kom deyo pa Lubana. ²⁴Lubana kwanogi ni kitgi atir nono, miyogi macalo mot pi kicane pi kit ma Yecu okokogi kwede. ²⁵Lubana okete me bedo gin-kok me kwanyo bal ki remone, pi jo ma ye en, wek enyut kwede kite ma atir-ri, pien Lubana yam ojukke kene, pe otimo gin mo i kom bal ma yam dano gutimo con, ²⁶wek enyut kit ma atir i kare man, ni, en kikome kite atir, dok ekwano dano ni kite atir pi ye Yecu. ²⁷Ka wakkewa kono don tye kwene? Don gigenjo woko. Pi cik mene? Pi cik me tic? Pe kumeno gire, ento pi cik me niye. ²⁸Mumiyo wamoko tamwa ni dano gikwano ni kite atir pi niyene, ento pe pi tic me cobo cik. ²⁹Lubana mono tye pi Lujudaya keken? Pe en bene Lubana pa Lurok? Iyo, ada, en bene Lubana pa Lurok, ³⁰pien Lubana tye acel, en bikwano dano ma gilirogi ni kitgi atir pi niyegi, dok bene bikwano jo ma pe gilirogi ni kitgi atir pi niyegi. ³¹Wan mono watye ka bolo cik pa Moses woko pi man? Pe kumeno wacel, wan giwa wamoko cik amoka.

¹Wan mono wabiwaco lok aŋo i kom Abraim, ma en aye kwarowa i kit me kom-mi? ²Kono yam gikwano Abraim ni kite atir pi tic ma en otiyo, kono en tye ki gin mo ma en otiyo, kono en tye ki gin mo ma en nyatte pire, ento pe i nyim Lubanja. ³Doŋ coc ma yam gicoyo i ginacoya waco lok aŋo? Ginacoya waco ni, “Abraim onono oye Lubanja, mumiyo kikwane ni en dano ma kite atir.” ⁴Dano ma tiyo tic pe gimiye mucarane macalo mot, ento gimiye macalo jami ma en otiyo pire. ⁵Ento dano ma pe tiyo, ma ye ŋat ma kwano jo ma pe lworu Lubanja ni kitgi atir, kit dano macalo meno gikwano ni kite atir pi niyene. ⁶I kit acel-lu, Daudi bene yam oloko pi gum ma dano tye kwede, ka Lubanja okwane ni en dano ma kite atir laboŋo tic mo ma en otiyo, macalo yam gicoyo ni, ⁷“Jo ma doŋ giweko balgi gitye ki gum, ma balgi bene doŋ gikwano woko; ⁸dano ma Rwot doŋ pe kwano bal mo i kome tye ki yomcwiny.” ⁹Gum man mono tye pi jo ma gilirogi, nyo pi jo ma pe gilirogi bene? Wawaco ni, pi niye omiyo gikwano Abraim ni kite atir. ¹⁰Onono mono yam gikwano i kome niŋniŋ? Onono gikwane ma pud pe gilire, nyo lacer ma onono doŋ gityeko lire woko? Pe ma doŋ gityeko lire, ento ma pud peya gilire. ¹¹Gimiye lirre macalo lanyut anyo lanen ma nyuto ni gikwano ni kite atir pi niyene ma onono peya gilire. Meno miyo Abraim bedo kwaro dano ducu ma giye ma peya gilirogi, wek gin bene gikwangi ni kitgi atir, ¹²dok bene en kwaro pa jo ma gilirogi bene, pe pa dano ma gilirogi alira keken, ento pa jo ma gilirogi ma gilubo bene niye ma yam kwarowa Abraim obedo kwede ma onono pud pe gilire. ¹³Cikke ma onono yam Lubanja ociko bot Abraim ki likwaye, ni, wi lobo ducu bibedo megi, gin mumiyo ociko, pe ni Abraim yam ocobo cik, ento pein en onono oye Lubanja, ka doŋ gikwane ni kite atir. ¹⁴Ka ce jo ma cobo cik gin aye jo ma wi lobo-ni ducu bedo megi, kono niye doŋ konnye pe, ki cikke bene kono konnye pe. ¹⁵Pien cik miyo akemo mako Lubanja i kom dano, ento ka ma cik pe iye, turo cik bene pe. ¹⁶Meno aye gin mumiyo cikke pa Lubanja ocuŋ i kom niye, wek obed me kica, dok pi moko cikkene bot likwayo pa Abraim ducu, pe bot jo ma lubo cik keken, ento kadi wa bot jo ma gibedo ki niye macalo Abraim. Pien en kwarowa ducu, ¹⁷macalo yam gicoyo ni, “Doŋ aketi wek ibed kwaro rok mapol.” Cikke man doŋ gimoko i nyim Lubanja ma yam Abraim oye-ni, en Lubanja ma miyo kwo i kom jo muto, dok bene ma lwoŋo gin mogo ma yam komgi pe gibedo tye. ¹⁸Abraim yam oye, kun onono oketo genne i kom gin ma nen calo pe gitwero geno, omiyo en odoko kwaro rok mapol, kit macalo yam gicoyo ni, “Likwayu bibedo kit meno.” ¹⁹En pe obedo nyap i niye i kare ma obedo ka paro pi kome kekene, ma onono yam rom aroma ki gin ma oto, pien mwaka me ditte onono doŋ cok romo miya acel kulu, dok bene medo i kom meno, dakone Cara onono lalur. ²⁰Niyene pe odok cen, pe obedo ka cabbe acaba i tamme i kom cikke pa Lubanja, ento niyene omedde ameda odoko matek, kun en miyo deyo bot Lubanja, ²¹ma onono lok donyo matut i cwinye ni, Lubanja twero tiyo gin ma ocikke pire. ²²“Pi niyene omiyo gikwane ni en dano ma kite atir.” ²³Ento lok man ni, “Yam gikwane” onono pe gicoyo pi en kene, ²⁴ento gicoyo pi wan bene. Wan bene gibikwanowa ni kitwa atir, wan jo ma doŋ waye Lubanja ma yam ocero Rwotwa Yecu Kricito ki i kin jo muto-ni, ²⁵en ŋat ma yam gineko pi balwa, ci Lubanja ocere woko wek gikwanwa ni kitwa atir.

5 ¹Pi meno, kit macalo gikwanowa ni kitwa atir pi niye, watye donj ki kuc i nyim Lubanja, pi Rwotwa Yecu Kricito. ²Pire omiyo giyabo botwa yo me limo kica man ma ocun pi niye-ni, kun wabedo ki yomcwiny pi gen ma watye kwede me nywako deyo pa Lubanja. ³Makato meno, wabedo ki yomcwiny i can mogo mapatpat ma opoto i komwa, kun waneyo ni bedo ki can kelo diyo cwiny me ciro can, ⁴diyo cwiny i ciro can weko gipwoyo kitwa, ka donj pwoyo kitwa-ni miyowa bedo ki gen. ⁵Genwa meno pe kelo botwa cwercwiny, pien Cwiny Malen donj omiyo gionyo mar pa Lubanja woko i cwinywa. ⁶Pien i kare ma yam pud wagoro, ma kare donj oromo, Kricito oto pi dano ma pe gilworo Lubanja. ⁷Kadi pi nat ma kite atir, bedo tek twatwal bot dano mo me to pire. Gwok nyo ka obedo dano ma kite ber, nat mo twero diyo cwinye me to pire. ⁸Ento Kricito yam oto piwa i kare ma pud wan lubalo; meno nyuto kit mar ma Lubanja marowa kwede. ⁹Macalo wan i kare man gikwanowa ni kitwa atir pi remone, makato twatwal-le wabilarre pire ki i kom akemo pa Lubanja. ¹⁰I kare ma onono wan pud lukwor pa Lubanja, en odwokowa cen bote, pi to pa Wode; ka kit meno, ma gidwokowa cen bote, wabilarre twatwal-le pi kwo pa Wode. ¹¹Pe meno keken, ento wabibedo ki yomcwiny i Lubanja pi Rwotwa Yecu Kricito, pien en aye ma omiyo gidwokowa cen bot Lubanja. ¹²Pi meno, kit macalo bal yam obino i lobo kun wok ki i dano acel, ka donj to obino pi bal, kit meno bene to onya oromo kin dano ducu, pien dano ducu gubalo. ¹³Bal onono tye i lobo con ma peya gimiyo cik, ento ka ma cik pe iye, bal bene pe gikwano i wi nat mo. ¹⁴Ento to oculo loc ki i kom Adam oo kwede wa i kom Moses, ci oloyo jo ma yam pe gutimo bal marom ki bal pa Adam, ma yam oturo cik ma gimiye. Adam aye lanyut ma cimo nat ma mito bino-ni. ¹⁵Ento mot me kica ma Lubanja omiyo pe rom ki bal pa Adam; pien kadi bed dano mapol yam guto pi bal pa nat acel ca, ento kica pa Lubanja ki mot me nono ma obino pi kica pa dano acel-li, Yecu Kricito, obedo dit makato, onya oromo lwak dano mapol ata. ¹⁶Dok mot me nono pe rom ki bal pa dano acel ca, pien pi bal pa nat acel ca omiyo ginolo kop oloyo dano ducu, ento tic me kica ma olubo bal mapol okelo loyo kop. ¹⁷Ka ce pi bal pa dano acel omiyo to obedo ka loc pi dano acel ca en Adam, makatone jo ma gulimo kica mabup, ki mot me nono ma omiyo gikwanogi ni kitgi atir, gibibedo kwo kun nono gitye ka loc, pi dano acel-lu bene, en Yecu Kricito. ¹⁸Donj kit macalo bal pa nat acel omiyo kop oloyo dano ducu, kit meno bene tic me kit ma atir pa dano acel okelo loyo kop ki kwo pi jo ducu. ¹⁹Pien macalo pi dano acel ma pe obedo ki winy omiyo dano mapol ata gudoko lubalo, kit meno bene pi winy pa dano acel jo mapol ata gibikwanogi ni kitgi atir. ²⁰Cik onono oduyo iye me nyayo bal; ento ka ma bal onya iye, en bene ka ma kica onya iye makato ducu-ni. ²¹Kit meno, kit macalo bal yam oloyo loc i to, kica bene myero olo loc pi kwano dano ni kitgi atir, wek omi gunonj kwo ma pe tum, pi Yecu Kricito Rwotwa.

¹Wan mono doki wabiwaco anjo? Myero wamedde ki timo bal wek kica onya? ²Pe kit meno! Ci wan ma donj yam wato tunj bot bal dok watwero bedo kwo iye ninjin? ³Pe wuneyo ni wan ducu ma gityeko batijawa me donyo i Kricito onono gibatijawa me donyo i tone? ⁴Giyikowa kacel ki Kricito i tone i batija ma walimo, wek wabed calo en. En yam ocer woko ki i kin jo muto pi deyo pa Wonne, wek wan bene donj walub kit kwo manyen-nu. ⁵Pien ka donj waribbe kacel kwede i to mo ma cal ki tone-ni, kit meno bene wabiribbe kwede i cer ma cal ki cer ma gicero en kwede-ni. ⁶Pien waneyo man, ni, kwowa macon yam giguro kwede kacel i kom yatariya, wek kwo me bal ma onono watye kwede oto woko, wek wan doki pe wadok opii me bal. ⁷Pien nat ma oto, balle donj gik woko. ⁸Ento ka donj wato kacel ki Kricito, waye ni wabibedo kwo kacel kwede bene. ⁹Pien waneyo ni Kricito ma yam donj ocer ki i kin jo muto-ni pe doki bito; to donj pe ki loc mo i kome. ¹⁰To ma en oto, oto pi bal, tyen acel keken, ento kwo ma en kwo kwede, kwo tunj bot Lubana. ¹¹Wun bene kit meno, myero wutam i komwu kekenwu ni, wun jo muto tunj bot bal, ento wubedo kwo tunj bot Lubana. ¹²Pe wuwek bal olo komwu ma to-ni, wek pe gumi wubed ka lubo mitigi. ¹³Pe dok wumi dul komwu mapatpat i timo bal, macalo jami tic me tiyo gin marac; ento wumine kenwu bot Lubana calo jo ma gua woko ki i to, ma donj guo i kwo. Wumi dul komwu ducu bot Lubana me tiyo gin ma tye atir. ¹⁴Pien bal pe doki bibwoyowu, pien wun donj pe wutye i te cik, ento wutye i te kica pa Lubana. ¹⁵Gin anjo doki? Dok watimu bal, pi te lokke ni wan pe watye i te cik ento i te kica? Pe kumeno gire! ¹⁶Pe wuneyo ni ka donj wumine kenwu bot nat mo calo opii me winyo gin ma en loko, donj bene wudoko opii pa nat ma wuwinyo lokke-ni? Nyo wudoko opii me bal ma terowu i to, nyo wudoko opii me winyo lok pa Lubana, ma telowu i kit ma atir. ¹⁷Ento myero wupwo iye Lubana, pien yam wubedo opii me bal, ento donj wutye ka lubo kit pwoy ma gipwoyowu kwede ni wulube ki cwinywu ducu. ¹⁸Donj gityeko gonyowu woko ki i opii me bal, wudoko opii me kit ma atir. ¹⁹Atye ka lok i kit pa dano, pi gorowu ma ginywalowu kwede. Pien macalo yam wumiyo dul komwu ducu me bedo opii me tim caro ki tim maraco, omiyo donj wudoko lutim maraco, kombeddi donj wumi dul komwu ducu gubed opii me kit ma atir, wek wudok jo malen. ²⁰I kare ma onono pud wubedo opii me bal, onono pe wubedo i te loc me kit ma atir. ²¹Yam wunono gin anjo i gin ma lewicce kombeddi tye ka makowu-ni? Agikki pa jami macalo meno ducu aye to. ²²Kombeddi donj gigonyowu woko ki i opii me bal, donj wudoko opii pa Lubana; gin ma wunono en aye ni wudoko donj jo malen, agikkine en kwo ma pe tum. ²³Pien mucara me bal en to, ento mot ma Lubana miyowa nono, en aye kwo ma pe tum i Yecu Kricito Rwotwa.

¹Utmegina, atye ka lok ki jo ma neyo cik; pe wuneyo ni cik mako dano ka pud kwo keken?²Dako ma ginyomo bene cik tweyo i kom cware ka cware pud kwo, ento ka cware donj oto, en gonnye woko i cik pa cware. ³Mumiyo ka cware pud kwo, ce dako-nu oa okobe woko bot laco mukene, gibilwoje ni latim abor. Ento ka cware donj oto, en nonjo ogonnye woko i cik meno; ka dok onyomme ki laco mukene nonjo pe otimo abor.⁴Kumeno, utmegina, wun bene yam wuto tunj bot cik pi Kricito ma wuribbe i kome-ni, wek wudok bot nat mukene, en aye nat ma yam gicere woko ki i kin jo muto, wek wanyak nyig pi Lubanja. ⁵Pien i kare ma yam pud watye i kwo me anywalli, gin maraco me bal ma cik donj otugo woko ononjo tye ka tic i dul komwa mapatpat me nyako nyige pi to.⁶Ento kombeddi donj gigonyowa woko i kom cik, donj wato ki tunj bot gin ma con omakowa. Omiyo wan donj watye ka tic i yo manyen me Cwiny, pe dok i yo macon ca me lubo cik ma yam gicoyo acoya.⁷Wabiwaco lok anjo mono? Cik mono bal? Pe kumeno gire! Ento kono yam cik pe obedo tye, ononjo kono gira pe anejo bal. Ka kono yam cik pe owaco ni, “Cwinyi pe opukke i kom jami pa nat mukene,” kono ononjo bene pe abedo ki miti macalo meno. ⁸Ento bal ononjo kare odonyo i cik ca, ka donj ocalo kelo kwa miti ducu me pukke cwiny i cwinya. Pien ka cik pe, ci bal to woko.⁹Yam ononjo abedo kwo labonjo cik mogo, ento i kare ma cik ca obino, bal ocalo bedo kwo, an ato woko. ¹⁰Cik ca-ni kikome ononjo myero okel kwo, ento dok okelo to bota.¹¹Pien bal ononjo kare odonyo i cik, obwola, ka donj oneka woko. ¹²Pi meno, cik lenj, ki gin ma giciko bene lenj, tye atir, dok ber bene.¹³Gin ma yam ber ca aye dok okelo to i koma? Pe kumeno! Bal aye ononjo mumiyo ato, kun tiyo ki gin maber, wek omi onen woko ka malej ni meno bal ennu. Kit meno gin ma giciko ca omiyo bal odoko marac mukato kare. ¹⁴Waneyo ni cik obedo gin me cwiny; kun an dano me kom ma gicato woko macalo opii i te bal.¹⁵Gin ma atiyo-gu ducu pe anianj iye. Pien gin ma amito pe atiyo, ento dok atiyo gin mogo ma pe amito-ni. ¹⁶Donj ka atiyo gin ma pe amito, nonjo aye ni cik ber. ¹⁷Meno donj pe an aye ma atiyo, ento bal ma bedo i iya aye ma tiyo gire. ¹⁸Pien anejo ni gin mo maber pe ma bedo i iya, ma en aye i koma ma ginywala kwede. Atwero mito gin ma atir, ento pe atwero tiyone.¹⁹Pien pe atiyo gin maber ma amito-ni, ento gin marac ma pe amito-ni aye dok atiyo. ²⁰Ci ka atiyo gin ma pe amito-ni, meno donj nonjo pe an aye ma atiyo, ento nonjo bal ma bedo i iya aye tiyo. ²¹Mumiyo donj onen bota macalo cik ni, ka amito tiyo gin ma atir, ci gin marac nyiko cok kweda.²²Pien amaro kwano cik pa Lubanja, kun alwodo lokke ki iya. ²³Ento dok aneno cik mukene i dul koma ducu, kun tye ka lweny ki cik ma i tamma, tera i opii i te cik me bal ma bedo i dul koma ducu.²⁴An ma koma kec kuman-ni, anja ma bilara ki i kom man ma to woko-ni? ²⁵Apwoyo Lubanja pi Yecu Kricito Rwotwa! Donj an kikoma aworo cik pa Lubanja ki tamma, kun i koma ma ginywala kwede aworo cik me bal.

¹Pi meno, kombeddi pe dok ginolo kop loyo jo ma gibedo i Kricito Yecu. ²Pien cik pa Cwiny me kwo ma tye i Kricito Yecu don ogonya woko ki i te cik me bal ki to. ³Gin ma onono cik pe twero tiyo, pien kwowa ma ginywalowa kwede onono oloko odoko goro, Lubana aye ma don otiyo. En ooro Wode kikome me bino i kit kom ma cal ki mewa ma bal obwoyo wokoni, macalo gitum ma gityero bot Lubana pi bal. Kombeddi don en onolo kop oloyo bal ma tye i komwa ma ginywalowa kwede, ⁴wek gin ma cik mito ocobbe i komwa, wan jo ma pe don walubo kit me kom ma ginywalowa kwede, ento walubo yo pa Cwiny Malen. ⁵Pien jo ma gibedo i kit pa dano, giketo tamgi bene i kom gin ma lubo kit pa dano; ento jo ma gibedo kun gilubo kit pa Cwiny Malen giketo tamgi bene i kom gin me Cwiny. ⁶Tam ma lubo kit pa dano kelo to, ento tam ma lubo kit pa dano kelo to, ento tam ma lubo kit pa Cwiny Malen miyo kwo ki kuc. ⁷Pien tam ma giketo i kit pa dano ki tun bot Lubana en kwor, pien pe winyo cik pa Lubana, pe bene twero winyone. ⁸Jo ma gibedo kun gilubo kit pa dano pe gitwero yomo cwiny Lubana. ⁹Ento wun pe wutye i kit pa dano, wun wutye i Cwiny, ka ce Cwiny pa Lubana bedo i iwu. nat mo ma pe ki Cwiny pa Kricito, nono en pe dano pa Kricito. ¹⁰Ento ka Kricito tye i iwu, kadi bed komwu to pi bal, ento cwinywu bedo kwo, pien yam don gikwanowu woko ni kitwu atir. ¹¹Ka ce Cwiny pa nat ma ocero Yecu ki i kin jo muto-ni bedo i iwu, en nat ma ocero Kricito Yecu ki i kin jo muto-ni bene bimiyo kwo kadi wa i komwu ma don oto woko, pi Cwiny mere ma bedo i iwu-ni. ¹²Mumiyo utmegina, watye ki banya, ento pe me kit pa dano, me lubo kit pa dano. ¹³Pien ka wubedo kun wulubo kit pa dano wubito; ento ka wuneko tic me kom woko pi Cwiny Malen, ci wubibedo jo makwo. ¹⁴Pien jo ducu ma Cwiny pa Lubana telogi, gin aye litino pa Lubana. ¹⁵Yam pe onono wugamo cwiny me bedo opii, wek wudok cen i lworo; ento wugamo cwiny me bedo litino me paco. Mumiyo wakok ni, "Abba! Wora!" ¹⁶Cwiny Malen kikome ribbe ki cwinywa kun tuco ni, wan litino pa Lubana. ¹⁷Ka don wan litino, ci wan lule jami, wan lule jami pa Lubana kun wanywako lonyone kacel ki Kricito, ka ce waciro can kacel kwede, wek bene walim deyo kacel kwede. ¹⁸Atamo ni can me kare man pe myero gipor ki deyo ma gibinyuto botwa. ¹⁹Pien ginaketa ducu gitye ka kuro nyuto litino pa Lubana ki miti madwon mukato kare. ²⁰Ginaketa ducu onono yam giketogi i te twero me gin ma tere pe, pe pi mitgi kengi, ento pi mit pa Lubana ma yam oketo i te twero meno; kun gen tye ni, ²¹cen mo gibigonyo ginaketa woko ki i opii me bedo gin ma top, wek gunon kuc ki deyo ma gimiyi ki litino pa Lubana. ²²Waneyo ni jami ducu ma giketogi aketa, gubedo ka cur acura ki arem nio wa i kare-ni. ²³Pe gin keken, wan bene ma gimiyowa Cwiny Malen macalo mot mukwono, ma nyuto gin ma gibimiyowa i anyim, wan bene watye ka cur acura ki i iwa kun wakuro kare me lokowa wek wadok litino me paco, en aye me koko komwa. ²⁴Pien yam gilarowa pi bedo ki gen man. Pi meno gen ma kome nen nono pe don gen. Ana ma geno gin ma en neno kome? ²⁵Ento ka ce watye ki gen me nono gin ma pe waneno kome, ci wakuro gin meno kun wadiyo cwinywa. ²⁶I kit acelu Cwiny Malen bene konyowa ka ma wago iye. Pe waneyo lego Lubana i kit ma myero waleg kwede, ento Cwiny kikome bako doge ma ka-kawa, kun cur lalinlin. ²⁷nat ma nyo cwiny dano nyo tam pa Cwiny Malen, pien Cwiny Malen bako doge pi jo pa Lubana kun lubo gin ma Lubana mito. ²⁸Waneyo ni i gin ducu Lubana tiyo pi kelo gin maber ki jo ducu ma gimare jo ma en olwonogi kit macalo en oyubo. ²⁹Jo ma yam en oneyogi con, omoko bene ni myero gunywak cal pa Wode, wek omi Wode obed latin kayo i kin utnego mapol. ³⁰Jo ma yam en omoko tamme i komgi con, gin aye bene en olwonogi, jo ma en olwonogi, okwanogi ni kitgi atir; jo ma don okwanogi ni kitgi atir omiyo deyo botgi. ³¹Wabiwaco ano mono doki i kom lok man? Ka Lubana tye tun botwa, ci ana ma lakworwa? ³²En yam pe oweko Wode kikome, ento omiye pi wan ducu. Pe bene don bimiyowa jami ducu kacel kwede? ³³Ana mono ma bipido ki jo ma Lubana don otyeko yerogi? Lubana aye ma kwanogi ni kitgi atir. ³⁴Ana ma twero nolo kop loyogi? Kricito Yecu aye yam oto, dok makato meno yam gicere woko. En bene tye obedo i kabedo me deyo ka net Lubana yo tun acuc, en aye ma bako doge piwa. ³⁵Ana ma bipokowa ki i kom mar pa Kricito? Neno can, nyo kumo, nyo ayelayela, nyo kec, nyo bedo munero, nyo gin marac, nyo pala lucwan? ³⁶Kit macalo yam gicoyo ni, "Gibedo ka nekowa dyecen jwi piri, gikwanowa macalo romi me aneka." ³⁷Ento gin magi ducu watye ka loyogi matek pi nat ma cen omarowa-ni. ³⁸Pien aneyo ada ni, kadi to, kadi kwo, kadi lumalaika, kadi luloc, kadi gin ma tye i kare man, kadi gin ma mito bino, kadi teko, ³⁹kadi gin ma tye malo, kadi gin ma tye piny, kadi ki gin mo keken i kom ginaketa ducu, pe bibedo ki twero mo me pokowa woko ki i kom mar pa Lubana ma tye i Kricito Yecu Rwtowa.

¹Atye ka loko lok ada i Kricito, pe aloko goba; nec ma i cwinya ma nyuto balla bota bene bedo caden kacel ki Cwiny Malen, ²ni, atye ki cwercwiny madit kun cwinya rem mada ma pe jukke. ³Pi mitta kekena, kono yam giceno an kikoma woko, wek gikwanya woko ki bot Kricito, pi utmegina, ma gin wadina me rokka. ⁴Gin jo Icrail, jo ma Lubana olokogi gudoko litinone me paco, omiyogi deyone ki gicikke ducu, omiyogi bene cik ki kit yo ma myero guwore kwede, dok bene yam onono ocikke pigi, ni ebimiyo botgi gin mogo mabeco. ⁵Kwarowa macon ducu yam obedo meg, dok Kricito bene ginywalo i kingi i kit pa dano. Myero gipwo Lubana ma loyo jami ducu nakanaka. Amen. ⁶Ento pe awacci, lok pa Lubana pe otiyo gin mo; pien jo ma ginywalo i kin jo Icrail pe gin ducu jo Icrail, ⁷dok bene gin ducu pe litino pa Abraim, pien gin likwaye; ento yam gicoyo ni, "Litino pa Icaya aye gibilwonogi ni likwayu." ⁸Man te lokke ni, pe litino ma ginywalogi i kit pa dano ma gin aye gibedo litino pa Lubana, ento litino ma ginywalogi pi cikke pa Lubana aye gilwonogi ni gin likwayo. ⁹Pien man aye gin ma cikke oloko ni, "Abidwogo i kare macalo man, ka donj Cara binywalo latin awobi." ¹⁰Pe meno keken, ento i kare ma Labeka bene oyac ki laco acel, ma en aye kwarowa Icaya, ¹¹ento ma pud peya onywalo litinone, dok bene ma peya gutiyo gin mo maber nyo marac, wek omi yub pa Lubana me yer omedde, pe pi tic ento pi lwonjone, ¹²giwaco bot Labeka ni, "Latin matidi biloyo latin kayo." ¹³Kit macalo gicoyo ni, "Yam amaro Yakobo, ento akwero Ecau." ¹⁴Wan doki wabiwaco gin anjo? Wabiwaco ni Lubana pe njolo kop atir dok kakare? Pe kumeno! ¹⁵Pien yam owaco bot Moses ni, "Abitimo kica bot nat ma abitimo kica bote, dok bene abinyuto berra bot nat ma abinyuto berra bote." ¹⁶Kumeno, pe cuj i kom gin ma dano mito, nyo i kom ticce ma en canne pire, ento cuj i kom kica pa Lubana. ¹⁷Pien ginacoya waco bot Parao ni, "Atinji malo pi lok man wek omi anyut tekona i komi, wek nyinja oywek i wi lobo ducu." ¹⁸Kit meno en timo kica bot nat ma en mito etimme kica, dok bene loko cwiny nat ma en mito doko nwan. ¹⁹Gwok nyo ibipenya ni, "Piyo mono en pud waco ni wan lubalo? Ana ma twero genjo gin ma en mito?" ²⁰Ento in dano adana-ni in ana, ma igamo dog Lubana? Gin ma gicweyo acweya twero penyo nat mucweye ni, "Piyo icweya kuman?" ²¹Lacwec pe ki twero i kom lobo, me cweyo atabo acel me wel ki mukene ma pe me wel, kun tiyo ki lobo ma en onjino ajina acel madit? ²²Onono bedo niñninj ka Lubana odiyo cwinye pi kare malac i kom atabo mogo me akemone ma donj guromo me aneka woko, pi mito nyuto akemone ki me miyo tekone onene? ²³Otimo man wek emi lonyo me deyone onene i kom atabo me kica, ma en yam oyubo wa con wek obed ki deyo, ²⁴man aye wan kikomwa, wan jo ma en olwonjo, pe ki i kin jo Icrail keken, ento kadi wa ki i kin Lurok ducu bene. ²⁵Kit macalo yam en oloko i buk pa Kocea ni, "Jo ma yam onono gin pe jona, abilwonogi ni, 'jona', dako ma onono yam pe amaro abilwonjo ni, 'dako ma amaro.'" ²⁶"Dok bene i kabedo ka ma yam awaco botgi iye ni, 'Wun pe wujona,' gibilwonogi iye ni, 'litino pa Lubana makwo.'" ²⁷Icaya bene yam okok ki dawn malono i kom Icrail ni, "Kadi wel jo Icrail obed rom ki kweyo me dog nam, jo mogo manok ki i kingi ma gudonj aye gibibwot; ²⁸pien Rwot binjolo kop i wi lobo bicobo bene woko oyotoyot." ²⁹Dok tye kit macalo yam Icaya oloko ni, "Kono nene Rwot me mony pe oweko botwa likwayo mogo, kono wabedo calo Codom, kono donj wadoko calo Gomora." ³⁰Wan doki wabiwaco gin anjo? Wabiwaco ni Lurok ma yam pe guyelle pi doko jo ma kitgi atir donj gikwanogi ni kitgi atir, ento kitgi ma atir meno gunono pi niye. ³¹Ento jo Icrail ma yam guyelle pi cobo cik ni wek gibed jo ma kitgi atir, cobo cik oloyogi. ³²Piyo? Pien pe gubedo ka yenyone i yo me niye, ento gubedo ka yenyone calo gin ma ocuj i kom tic. Guyokke ki got ma yoko dano-ni, ³³kit macalo gicoyo ni, "Nen, donj aketo got ma yoko dano i Cion, ariya ma miyo dano poto; lewic pe bimako nat ma oye en."

10

¹Utmegina, gin ma amito ki cwinya ducu ma alego Lubanja pire, en aye ni myero jo Irael gularre. ²An abedo cadengi kun aneyo ni gumoko matek i kom Lubanja, ento kadi bed gumoko, ci pe gucuno i nec kikome. ³Onono pe ginoyo kit ma Lubanja kwano kwede dano ni kite atir, ento gubedo ka yenyo ni gitwero nono kit ma atir pigi kengi, pe gumine kengi i kit ma atir ma Lubanja miyo. ⁴Pien cik donj ogik woko i Kricito, wek omi jo ma ye en gikwangi ni kitgi atir. ⁵Moses yam owaco ni dano ma tiyo tic ma atir ma cik mito, bikwo pire. ⁶Ento kit ma atir ma ginono pi niye loko kit man ni, "Pe ilok kekeni ni, 'Aja ma biito malo i polo? (ni, me kelo Kricito piny), ⁷nyo ni, 'Aja ma bidonyo i bur ma tere pe gik?' (ni, me kelo Kricito woko ki i kin jo muto). ⁸Ento waco gin ajo? Waco ni, "Lok man donj tye cok kwedi, tye i dogi ki i cwinyi bene," ma en aye lok i kom niye ma watito pire-ni. ⁹Pien ka ituco ki dogi ni, "Kricito aye Rwot," ma kun iye bene ki i cwinyi ni Lubanja yam ocere woko ki i kin jo muto, ci ibilarre. ¹⁰Pien dano ye ki cwinye, en aye miyo gikwane ni kite atir, ka dok tuco ki doge, ka donj miyo Lubanja lare. ¹¹Pien coc ma yam gicoyo i ginacoya wacci, "Lewic pe bimako nat ma ye en." ¹²Apokapoka mo pe i kin Lujudaya ki jo Grik; gin ducu Rwotgi acel, en bene poko lonyone bot jo ducu ma kok bote. ¹³Yam gicoyo ni, "Jo ducu ma gilwono nyin Rwot gibilarogi." ¹⁴Ento dano gibikok bote ninjin, ma peya guye en? Gitwero ye en kono ninjin ka pe guwinyo lok ma gitito i kome? Gitwero winyo lok i kome ninjin ka nat mo pe ma tito lokke botgi? ¹⁵Dano gitwero tito lok ninjin ka pe giorogi? Kit macalo yam gicoyo ni, "Neno tyengi ber rom mene jo ma kelo lok me kwena maber!" ¹⁶Ento pe gin ducu yam guye lok me kwena maber; pien Icaya yam oloko ni, "Rwot, aja ma yam oye lok ma wan watito?" ¹⁷Adada, niye bino pi winyo lok ma gitito, lok ma giwinyo a i lok ma gitito i kom Kricito. ¹⁸Ento konj amito apeny ni, "Onono yam pe guwinyo?" Guwinyo, kit macalo yam gicoyo i Jabuli ni, "Dwangi winnye teretere i wi lobo ducu, ki lok ma giloko oo wa i agikki piny." ¹⁹Dok apeny ni, "Jo Irael mono yam pe gunian?" Moses aye ma okwono waco ni, "Abimiyo nyeko makowu i kom jo ma pe gin rok kikome, abimiyo kiniga makowu i kom rok mamin." ²⁰Icaya doki cwinye obedo tek me waco ni, "Jo ma yam pe giyenya donj gunona, donj bene atyeko nyutte woko ka malen bot jo ma onono pe gipeny pira." ²¹Ento i kom jo Irael owaco ni, "Yam abedo ka ryeyo cina dyecen jwi bot jo ma pe giwinyo doga, jo ma nipyem kweda."

¹Apenyo ni, “Lubaŋa mono doŋ okwero jone woko?” Pe kumeno gire. An kikoma bene an Laicrael, lakwar Abraim, ma i kaka pa Benjamin. ²Lubaŋa pe okwero jone ma yam en oneyogi con. Pe wuŋeyo gin ma yam gicoyo i ginacoya ma oloko lok i kom Elia, kit ma en obako kwede doge bot Lubaŋa i kom jo Irael ni, ³“Rwot, doŋ guneko luebini woko, gumuko keno tyerri-gu woko ducu, an kena aye doŋ adon, dok bene gimito neka woko.”⁴Ento Lubaŋa yam odokke iye gin aŋo? Odok iye ni, “Pud aweko jo alip abiro gudon bota, ma peya gurumo congi i nyim Baal.” ⁵I kit yo acel-lu tye jo mogo i kare man ma gudon, ma Lubaŋa oyerogi pi kicane. ⁶Ci ka giyerogi pi kica, man nonjo doŋ pe ocun i kom tic ma gin gutiyo; ka nene ocun i kom tic ma dano otiyo, kono kica doŋ pe gilwonjo ni kica. ⁷Gin aŋo doki? Jo Irael pe gunonjo gin ma gubedo ka yenyone. Jo ma giyerogi keken aye gunonjo, ento jo mukene ononjo cwinygi odoko nwan, ⁸kit macalo yam gicoyo ni, “Lubaŋa doŋ omiyo botgi cwiny me diŋo, omiyo wangi pe neno, itgi bene pe winyo lok, kadi wa onyoo.”⁹Daudi bene owaco ni, “Wek karamagi ma gicamo-ni otyekgi woko macalo owic ma makogi; wek obed gin ma miyo gipoto ibur pi culo wan balgi. ¹⁰Mi wangi ocu woko, wek pe gunen piny; mi pyergi ogom woko matwal.”¹¹Dok apenyo ni, “Jo Irael yam guyokke gumito potu woko piny?” Pe kumeno! Pi balgi omiyo larre bene doŋ obino bot Lurok, wek omi nyeko omak jo Irael. ¹²Ka balgi doŋ okelo lonyo bot lobo, dok bene ka potogi okelo lonyo bot Lurok, berre doŋ bibedo rom mene ka gin ducu gudwogo woko liwenj?¹³Kombeddi atye ka lok kwedwu, wun Lurok. Doŋ kit macalo an lakwena kwede bot Lurok-ki, adworo ticca, ¹⁴wek gwok nyo ami nyeko omak jo me rokka, ka wek alar jo mogo ki i kingi.¹⁵Pi bologi woko omiyo Lubaŋa odwoko lobo ducu bote; ka doŋ ogamogi, ci bikelo aŋo? Pe bibedo calo kwo ma oa ki i kin jo muto?¹⁶Ka ginywanjo moko manok ma gityero calo gin me wi mwaka, moko ducu nonjo doŋ leŋ; ka ce lwit yat leŋ, ci jaje ducu bene gibedo leŋ kit meno.¹⁷Ento ka ce jaje mogo gituro woko ki i kom yat jeituni maberre, ka doŋ gijako jan yat jeituni mo me tim, ci gicomo ka-kagi wek omok i tyen yat maber ca, ka doŋ cako nywako ywayo pige ma miyu ma a ki i lwite. Jan yat ma gijako ki i tim ca en aye in; ¹⁸ento pe myero iwakke i kom jaje mukene ca. Kadi bed iwakke, pe in aye ma itiŋo lwite, ento lwite aye ma otiŋi. ¹⁹Ibiwaco ni, “Yam gituro jaje mogo ni wek gicoma i kom yat.”²⁰Adada, yam giturogi woko pien gin pe guye Lubaŋa, in pud icun pien niyeni tye. Pe myero ibed ki tam me wakke, ento bed ki lworu. ²¹Ka Lubaŋa yam pe oweko jan yat kikome, ci doŋ pe biweki.²²Kon inen kica pa Lubaŋa ki gerone. En ger i kom jo ma gupoto, ento nyuto kicane boti, ka imedde kun icun i kicane. Ka pe, gibitonji woko bene.²³Dok gin Lujudaya bene ka guweko bedo labonjo niye, ci gibidwokogi i kom yat; pien Lubaŋa tye ki twero me dwokogi iye. ²⁴Pien in Larok irom ki jan yat jeituni me tim ma gitonjo woko, gicomo i kom jeituni maberre, ma yam ononjo pe olot i kom yat jeituni ma gipito apita. Pe bedo yot twatwal bot Lubaŋa me dwoko jan yat mukene ca i kom yat kikome ma yam giturogi ki iye-ni?²⁵Utmegina, tye mun mo ma amito wuŋe, wek omi pe wutam kekenwu ni wuryek; man en aye ni, jo Irael cwinygi odoko nwan pi kare mo manok, nio ka wel Lurok biromo.²⁶Lacen doŋ Lubaŋa bilaro jo Irael ducu, kit macalo yam gicoyo ni, “Lalar bibino kun a ki i Cion, en bikwanyo kit me lworu Lubaŋa woko ki bot Yakobo”; ²⁷“man aye gicikke ma abiketo kwedgi i kare ma abikwanyo balgi woko.”²⁸Doŋ pi lok ma dok i kom lok me kwena maber, gin gudoko lukwor pa Lubaŋa piwu, ento pi lok ma kemo yer, Lubaŋa marogi pi kwarogi. ²⁹Mot me kica pa Lubaŋa, ki lwonone, pe twero lokke.³⁰Yam pe wuwinyo dog Lubaŋa, ento kombeddi doŋ en otimo kica botwu, ma ononjo doŋ gin gukwero bedo ki winy woko i kome. ³¹I kit acel-lu kombeddi doŋ gukwero winyo doge i kare ma en otimo botwu kica, wek omi gin bene gitim kica botgi kit meno. ³²Pien Lubaŋa oketo dano ducu i mabuc me kwero winyo doge, wek etim kica bot jo ducu.³³Lonyo pa Lubaŋa dwon ma okato kare! Ryekone kacel ki ɲecce tut twatwal! Lok ma en ɲolo tere pe tatte, nian i kite tek!³⁴“Aŋa ma ɲeyo tam pa Rwot? Aŋa ma yam miye tam?”³⁵“Aŋa mono ma yam kon omiye gin mo me mot, ka en bene odwoko cen bote?”³⁶Pien en aye yam oketo jami ducu, jami ducu yam obedo tye pire, dok bene obedo mere. Deyo obed bote nakanaka. Amen.

12

¹Pi meno, utmegina, abako dogo botwu pi kica pa Lubaja, wumine kenwu macalo gitum makwo ma gityero bot Lubaja, gin maleŋ ma yomo cwiny Lubaja; ma en aye woro me cwinywu. ²Pe wulub tam me lobo man, ento wuwek Lubaja olok tamwu odok nyen, wek omi wuniaŋ i gin ma Lubaja mito, gin maber, ma yomo cwinye, ma roc mo pe iye. ³Pi mot me kica ma gimiyo bota atito botwu ducu ni, dano acel acel myero pe opar pi ditte mukato kare, ento wubed ki par ma tye atir, kun ŋat acel acel lubo kit pok me niye ma Lubaja doŋ opimo omiye. ⁴Watye ki dul komwa mapol i kom acel, dul kom magi bene pe gitiyo kit tic acel keken; ⁵kit meno, wan bene kadi bed wapol, wan kom acel i Kricito, ma dano acel acel bedo calo dul kom lawote. ⁶Watye ki mot mapatpat ma lubo gum ma Lubaja omiyo botwa; myero wati kwedgi. Ka ce gimiyo botwa mot me tito lok pa Lubaja, myero watit kit macalo niyewa tye kwede. ⁷Ka ce omiyowa mot me tic pi dano, myero wati tic botgi. ŋat ma lapwony myero opwony dano; ⁸ŋat ma cuko cwiny dano myero ocuk cwinygi; ŋat ma poko jamine, myero opok ki cwinye ducu; ŋat ma latel myero otel dano ki mitkom, ŋat ma konyo lucan, myero okonygi ki yomcwiny. ⁹Wuwek mar ma wutye kwede obed mar me ada. Wukwer gin marac, wumok matek i kom gin maber. ¹⁰Wumarre kekenwu ki cwinywu ducu macalo omego, kun dano acel acel miyo deyo bot lawote. ¹¹Komwu obed mit, laboŋo wackom, wubed lyet wa i cwinywu, kun wutiyo bot Rwot macalo luticce. ¹²Cwinywu obed yom pi gin ma wugeno; wudi cwinywu i can, kun wumine kenwu i lego Lubaja ki cwinywu ducu. ¹³Wupok jamiwu bot jo pa Lubaja ma gitye ki peko; wuket cwinywu bene ka gwoko welo. ¹⁴Wuleg gum i kom jo ma giunowu; wulam gum botgi, ento pe wucengi acena. ¹⁵Wubed ki yomcwiny kacel ki jo ma tye ki yomcwiny, wukok bene kacel ki jo ma kok. ¹⁶Wubed ki niaŋ ma atir i kinwu kekenwu; pe wuwakke, ento wuribbe ki dano ata ducu. Pe wukette kekenwu ni wuryek. ¹⁷Pe wucul waŋ gin marac ki gin marac i kom dano mo, ento wutam pi gin ducu ma dano ducu pwoyo ni ber. ¹⁸Ka ce twerre ki tun botwu, myero wubed ki kuc ki dano ducu. ¹⁹Luwota ma amaro, pe wucul kwor, ento wuwek kare ki kiniga pa Lubaja, pien yam gicoyo ni, “An aye ma abiculo kwor, abiculo waŋe lacen, man Rwot ma owaco.” ²⁰Yam gicoyo bene ni, “Ka ce kec neko lakworri, miye kwon ocam; dok ka orwo pii neke, miye pii omati; pien ka itimo kumeno, ibibako miri mac i wiye.” ²¹Pe wuwek gin marac olowu, ento wun aye myero wulo gin marac ki timo gin maber.

13 ¹Dano acel acel myero owiny luloc ma giloye; pien pe tye kit twero mo ma pe oa ki bot Lubaŋa; luloc ma gitye-ni Lubaŋa aye oketogi. ²Pi meno ŋat ma pyem ki luloc noŋo pyem ki ŋat ma Lubaŋa oyeroye; gibiŋolo kop i kom jo ma pyem kwedgi. ³Pien jo ma tiyo gin maber pe gibedo ki lworoye mo i kom luloc, ento jo ma tiyo gin marac aye gibedo ki lworoye. Imito ni pe ibed ki lworoye i kom dano ma tye ka loc? Ti gin maber, ci en bipwoyi; ⁴pien en latic pa Lubaŋa ma tiyo ticce pi konyi. Ento ka itimo gin marac, ci myero ibed ki lworoye i kome, pien twero me neko dano doŋ gimiye woko. En latic pa Lubaŋa ma kelo kiniga pa Lubaŋa i kom jo ma timo gin marac. ⁵En mumiyo myero wuwiny luloc, pe pi lworoye kiniga pa Lubaŋa keken, ento me miyo wek wubed bene ma iwu ler. ⁶Man bene aye tyen lok mumiyo wuculo mucoro, pien luloc gin lutic pa Lubaŋa ma gitiyo tic meno kikome. ⁷Wucul gin ma myero bot ŋat acel acel, wucul mucoro bot wegi mucoro, ki ajog bot wegi ajog, wulwor jo ma myero me alwora, wuwor jo ma myero me awora. ⁸Pe wubed ki banya pa ŋat mo i komwu. Ento wubed ki banya me marre kekenwu; pien jo ma maro luwotgi noŋo doŋ gucobo cik. ⁹Pien cik mogo ma waco ni, “Pe itim abor, pe ineki, pe ikwal, cwinyi pe opukke i kom jami pa ŋat mukene,” ki kwa cik mogo mukene-gu gucokke kacel ki lok man ni, “Mar lawoti macalo imarre keni.” ¹⁰ŋat ma maro dano, pe timo gin marac bot dano lawote; pi meno mar aye ma cobo cik. ¹¹Wuti man kun wuŋeyo kare ma wutye iye, ni, kare doŋ oromo myero wuco woko ki i waŋ nino. Pien larrewa doŋ onyiko cok twatwal, kato ma i kare ma yam wakwoŋo ye iye Rwot-ti. ¹²Dyewor doŋ cok tum, piny doŋ mito ru. Doŋ wabolu tic me piny macol woko, waruku jami lweny me dyecen. ¹³Myero walubu kit ma myero me dyecen, laboŋo maro tuko marac me yomcwiny marac, ki mero, laboŋo timo abor ki tim mogo me tarwaŋ, laboŋo daa ki nyeko. ¹⁴Wuruk Rwot Yecu Kricito calo wuruko boŋowu, dok bene pe wutam pi kwowu me kit pa dano ma ginywalowu kwede pi cobo mitte.

¹Wujol dano ma niyene goro, ento pe wupyem kwede i kom tam mogo ma en tamo. ²Dano mo twero bedo ki niye me camo gin mo keken, ento nat ma niyene goro camo pot dek keken. ³Dano ma camo gin ducu myero pe oca nat ma pe camo, ki dano ma pe camo gin ducu pe myero onjol kop i kom nat ma camo gin ducu; pien Lubaņa donj otyeko jole. ⁴In aņa mono ma inolo kop i kom latic pa nat mukene-ni? Meno lok pa nat ma loye me nolo kop i kome, ka cuņo nyo ka poto. Ento en bicuņ gire, pien Rwot tye ki twero ma miyo en cuņ. ⁵Dano acel paro ni nino acel dit kato nino mukene, kun nonjo dano mukene paro ni nino ducu rom. Dano acel acel myero omok tamme pire kene. ⁶Dano ma paro pi nino mo, paro pi Rwot, ki nat ma camo bene camo pi Rwot, pien pwoyo Lubaņa; dano ma kwero cam bene kwero pi Rwot, pwoyo Lubaņa bene. ⁷Pien dano mo pe ki i kinwa ma kwo pire kene, dok bene dano mo pe ma to pire kene. ⁸Ka wakwo, wakwo pi Rwot; ka wato bene, wato pi Rwot. Mumiyo kadi wakwo, nyo wato, wan jo pa Rwot. ⁹Pien Kricito yam oto ka doki obedo kwo wek ebed Rwot pa jo muto ki jo makwo. ¹⁰Piņo inolo kop i kom omeru? Nyo in, piņo icayo omeru? Wan ducu wabicuņ i nyim komker me nolo kop pa Lubaņa. ¹¹Pien yam gicoyo ni, “Macalo atye kwo-ni man Rwot ma owaco. jo ducu gibirumo congi i nyima, ki dano ducu gibipako Lubaņa.” ¹²Kit meno, nat acel acel i kinwa bidok i lok ma i kome pire kene bot Lubaņa. ¹³Myero donj wagiku nolo kop woko i kom luwotwa; ento gin ma myero wamoki en aye pe me tiyo gin mo ma bimiyo ominwa yokke nyo poto i bal. ¹⁴Aneyo dok aniaņ maber i Rwot Yecu ni, pe tye gin mo ma obedo me kwer pire kene; ento bedo me kwer bot nat ma tamo ni obedo me kwer. ¹⁵Ka ce imiyo omeru bedo ki cwercwiny pi gin ma in icamo, nonjo donj pe itye ka lubo yo me mar. Pe iwek gin ma in icamo obal kwo pa dano ma Kricito oto pire. ¹⁶Pe wuwek dano gulok i kom gin maber ki tuņ botwu ni obedo gin marac. ¹⁷Pien ker pa Lubaņa pe te lokke cam ki mat, ento kit ma atir, kuc, ki yomcwiny ma Cwiny Malen miyo. ¹⁸Dano ma tiyo tic pa Kricito kit meno aye yomo cwiny Lubaņa, dok bene dano gipwoye. ¹⁹Myero donj watamu pi gin ma kelo kuc ki gin ma donjo niyewa i kinwa kekenwa. ²⁰Pe wubal tic pa Lubaņa pi lok me cam mamwa-ni. Jami ducu lenj, ento bedo rac ka dano mo camo gin ma miyo lawote poto i bal. ²¹Bedo ber mada ka pe icamo riņo, nyo kadi ki mato koņo, nyo tiyo gin mo ma bimiyo omeru poto. ²²Donj niye ma itye kwede myero ibed kwede i kin in ki Lubaņa keken. Tye ki gum dano ma pe ki tyen lok ma nolo kop loye kekene i gin ma en pwoyo. ²³Ento dano ma kalo akala i cwinye kop loye ka ce ocamo, pien gin ma en timo-ni nonjo pe oa i niye, pien gin ducu ma pe oa i niye meno bal.

¹Wan jo ma watek myero wakonyu jo magoro i gin ma loyogi, ento pe watamu pi yomo cwinywa kekenwa. ²ŋat acel acel i kinwa myero oyom cwiny dano lawote, me konye, wek odoŋ i niyene. ³Pien Kricito yam pe oyomo cwinye kekene, ento obedo kit macalo yam gicoyo ni, “Yet pa jo ma giyeti kwede doŋ opoto i koma.” ⁴Gin ducu ma yam gicoyo i kare macon ca onoŋo gicoyo me pwonyowa, wek wacir can, dok bene owek wabed ki gen pi lok me cuko cwiny ma wakwano i ginacoya. ⁵Wucir can ki cuko cwiny ma a ki bot Lubaŋa; myero en omi wubed ki nian maber i kinwu kekenwu, kun wulubo kit pa Kricito Yecu, ⁶wek wuribbe ka pako Lubaŋa Won Rwotwa Yecu Kricito ki dwan acel. ⁷Wujolle kekenwu, kit macalo Kricito yam doŋ ojolowu kwede, pi deyo pa Lubaŋa. ⁸Atittiwu ni, Kricito yam olokke odoko latic ma okonyo Lujudaya, pi nyuto ni Lubaŋa loko lok ada, kun bene cobo gin ma yam Lubaŋa ocikke iye bot kwarowa macon, ⁹dok pi miyo Lurok gubed ka pako Lubaŋa pi kicane, kit macalo yam gicoyo ni, “Pi meno abikori i kin Lurok, dok abiwero wer me pako nyiŋi.” ¹⁰Dok yam bene owaco ni, “Wun Lurok, wubed ki yomcwiny kacel ki jone”; ¹¹dok ni, “Wupak Rwot, wun Lurok ducu, wek lwak me rok ducu gupake.” ¹²Icaya bene yam owaco ni, “Lakwar Yece bibino, en bibino ka loyo Lurok; Lurok bene gibigeno en.” ¹³Lubaŋa ma miyo dano ducu bedo ki gen myero omi yomcwiny ducu ki kuc opoŋ i iwu pi niyewu i kome, wek genwu obed ka medde ameda pi tek pa Cwiny Malen. ¹⁴Aŋeyo atir ni wun jo mabeco twatwal, wutye ki ŋec muromo, dok bene wutwero pwonnye giwu kekenwu. ¹⁵Ento doŋ atyeko coyo botwu lok mogo ki tekcwiny madit, kombeddi amito apo wiwu iye. Atimo meno pi mot ma Lubaŋa omiya, ¹⁶me bedo latic pa Kricito Yecu bot Lurok. Atye ka tic macalo ajwaka pa Lubaŋa kun bene atito lok me kwena maber ma oa ki bot Lubaŋa, wek omi Lurok gubed calo gitum ma gityero ma Lubaŋa pwoyo, ma Cwiny Malen doŋ olonyo woko odoko malen. ¹⁷Atye ki tyen lok ma miyo awakke i Kricito Yecu pi ticca ma atye ka tiyone pi Lubaŋa. ¹⁸Pe abiette ka loko lok mo mukene, ento kono pi gin ma Kricito otiyo pi kelo lurok i te locce keken, kun tiyo kacel kweda i lok ki i tic, ¹⁹pi teko ma onen i kom lanyut mogo ki taŋo mogo, pi tek pa Cwiny Malen. Meno omiyo doŋ atyeko tito lok me kwena maber i kom Kricito atika, cakke ki i Jerucalem, wok kwede wa i Illiriko. ²⁰pien onoŋo aketo cwiny me tito lok me kwena maber ka ma yam dano peya guwinyo nyiŋ Kricito, wek omi pe aket gedo i wi guti ma yam doŋ ŋat mukene ocako gero iye mere, ²¹ento wek obed kit macalo gicoyo ni “Jo ma yam peya gitito botgi lok i kome doŋ gibinene, jo ma yam peya guwinyo pire gibiniaŋ i kome.” ²²Man aye gin ma obedo ka geŋa tyen mapol me bino botwu. ²³Ento kombeddi doŋ pe atye ki ka tic mo kany, dok bene onoŋo doŋ abedo ka mito pi mwaka mapol ni abin botwu. ²⁴Ageno ni abinenowu ka awok ki kunnu ma noŋo akato acito i Cipein, ageno bene ni wubikonya i wotta me cito kunnu lacen, ma noŋo koŋ ari botwu pi kare manoknok. ²⁵Ento kombeddi pud koŋ acito i Jerucalem pi tero jami me kony bot jo pa Lubaŋa. ²⁶Pien jo pa Lubaŋa ma gitye i Makedonia ki Akaya doŋ gumoko tamgi me jogo lim me konyo jo pa Lubaŋa ma gitye i Jerucalem ma can omakogi. ²⁷Gumoko tamgi kit meno, ento gitye bene ki banya bot jo Jerucalem, pien ka Lurok ginywako gamo mot me Cwiny kacel ki Lujudaya, myero gin bene gukony Lujudaya ki jami ma mitte me gwoko kom. ²⁸Ka doŋ meno otum, ma noŋo doŋ atyeko miyo botgi gin ma gijogo pigi, ci abiwok ki botwu ka doŋ akato acito i Cipein. ²⁹Aŋeyo ni ka ao botwu noŋo abino ki gum madit ma oa ki bot Kricito. ³⁰Abako doga botwu utmegina, pi Rwotwa Yecu Kricito ki pi mar pa Cwiny Malen, wuket tek wuribbe kacel i legawu pira bot Lubaŋa, ³¹wek abwot woko ki bot jo ma pe guye Kricito ma gitye i Judaya, dok bene wek omi jo pa Lubaŋa ma gitye i Jerucalem gupwo tic ma acito ka tiyone kunnu. ³²Pi meno ka Lubaŋa oye wek abin botwu ki yomcwiny madwoŋ, ci koŋ aywe bene kacel kwedwu. ³³Lubaŋa won kuc obed kwedwu ducu. Amen.

¹Anyuto botwu laminwa Foibe, ma en latic pa lwak jo ma guye Kricito ma tye i Kenkeria. ²Wujole i Rwot kit macalo jo pa Lubanja myero gujol kwede dano, dok bene myero wukonye i gin ducu ma en bimito ki botwu; pien yam okonyo jo mapol, okonya bene. ³Wumot Pricika ki Akwila, ma gitiyo kacel kweda i Kricito Yecu. ⁴Gin yam gudyero kwogi pi laro kwona; pe an kena aye ma apwoyogi, ento kadi wa Lurok ducu ma guye Kricito bene gipwoyogi. ⁵Wumot bene jo muye Kricito ma gicokke i otgi. Wumot larema Epaenato; en aye obedo nat mukwonjo ye Kricito i Acia. ⁶Wumot Maliam ma yam otiyo tic matek i kinwu-ni. ⁷Wumot Anduroniko ki Yunia, ma gin wadina ma yam gitweyogi kacel kweda i mabuc. Gin jo ma ginene mada i kin lukwena, gin bene aye ma gukwonjo bedo i Kricito kweda. ⁸Wumot Ampuliato, ma en larema ma amaro i Rwot. ⁹Wumot Urbano latic wadwa i Rwot, ki Citakic larema ma amaro. ¹⁰Wumot Apelle, ma en dano ma genne i Kricito. Wumot jo me ot pa Aricitobulo. ¹¹Wumot Kerodion ma en watta, ki jo me ot pa Narocico ma gitye i Rwot. ¹²Ma gin aye Terapaina ki Terpoca, ki larema Perici bene ma otiyo tic matek i Rwot. ¹³Ma Wumot Rupo, dano ma jene i Rwot, gin ki minne ma alwonjo ni maa bene. ¹⁴Wumot bene Acinkerito, Pelegon, Keremec, Patroba, Keremac ki utmego ma gitye kacel kwedgi. ¹⁵Wumot bene Pilologo ki Julia, Nerea gin ki laminne, ki Olimpa, ki jo pa Lubanja ducu ma gitye kacel kwedgi. ¹⁶Wumotte kekenwu ki mot malej me mar. Lwak jo ma guye Kricito i kabedo mapatpat ducu gumotowu. ¹⁷Abako doga botwu, utmegina, wunen jo ma gikelo apokapoka i lok ma miyo dano poto i bal, ma pe rwatte ki pwoy ma yam gipwonyowu kwede. Pe wuribbe ki jo macalo meno. ¹⁸Jo macalo meno pe gin lutic pa Rwotwa Kricito; rwotgi ma gimaro aye igi. Gibwolo tam pa dano ma gipe ki tam marac, ma kun nonjo giloko lok maber ma winyone mit adada. ¹⁹Kit winy ma wubedo kwede bot Lubanja donj owinnye bot jo ducu, meno aye gin mumiyo wuyomo cwinya. Donj amito wubed luryeko i gin maber, ento myero wubed malej labonjo bal; ²⁰ci Lubanja won kuc binyoto Catan woko oyotoyot piny i te tyenwu. Kica pa Rwotwa Yecu Kricito obed kwedwu. ²¹Temceo ma tiyo kacel kweda i Rwot omotowu; ki Lukio, ki Jacan, ki Cocipater, ma gin giwadina. ²²An Tertio aye ma acoyo waraga man amotowu i Rwot. ²³Gayo ma en nat ma abuto i ode bene omotowu, en aye ma gwoko lwak ducu muye Kricito. Eracto ma en lakan-lim me gan man, ki ominwa Kwarto bene gumotowu. [²⁴Kica pa Rwotwa Yecu Kricito obed kwedwu wun ducu. Amen]. ²⁵Myero wami deyo bot Lubanja ma twero miyo wucunj matek, macalo apwonyo kwede i lok me kwena maber ma abedo ka titone-ni, ki lok ma gitito i kom Yecu Kricito. Munj man yam Lubanja okano olinj woko litik pi lwak mwaka mapol, ka lacen donj oyabo ka malej. ²⁶Kombeddi donj ginyuto woko ka malej i lok ma lunebi yam gucoyo ma omiyo lurok ducu guneyo kit macalo Lubanja ma pe to yam ociko, wek omi gulub niye. ²⁷Deyo obed bot Lubanja nakanaka, ma en keken aye won ryeko, pi Yecu Kricito. Amen.

1 Jo korinti

1

¹Waraga man oa ki bot Paulo, ma pi mit pa Lubanja yam Lubanja olwonje me bedo lakwena pa Kricito Yecu, ki dok ki bot ominwa Coctene. ²Bot jo muye Lubanja ma gitye i Korint, ma gin jo ma gilonyo gudoko malej i Kricito Yecu, ma Lubanja olwonjogi me bedo jone kikome, kacel ki jo ducu ma gitye i kabedo ducu, ma gilwonjo nyinj Rwotwa Yecu Kricito, Rwotgi ki mewa bene: ³Lubanja Wonwa ki Rwotwa Yecu Kricito omiwo kica ki kuc. ⁴Nino ducu amiyo pwoc bot Lubanana pi kicane ma en omiyowu i Kricito Yecu, ⁵pien pi bedowu i Kricito omiyo donj wudoko lulonyo i yo ducu. Wutye bene donj ki nec ducu, dok wutwero donj lok maber, ⁶pien lok ma wabedo ka titone i kom Yecu Kricito odonyo matek i iwu. ⁷Omiyo mot mo me cwiny pe orem botwu, ma kun pud wutye ka kuro kare me nyuto Rwotwa Yecu Kricito. ⁸En bigwokowu miyo wucunj matek nio wa i agikki, nonjo pe wutye ki gin mo ma myero gidotwu iye i nino pa Rwotwa Yecu Kricito. ⁹Lubanja ma olwonjowu me ribbe kacel ki Wode Yecu Kricito Rwotwa, en nat ma genne. ¹⁰Abako doga botwu, utmegina, pi nyinj Rwotwa Yecu Kricito, ni wun ducu myero wulok lok acel, apokapoka mo pe myero obed tye i kinwu, ento myero wuribbe i cwiny ki tam acel. ¹¹Pien jo mogo ma gua ki bot Koloe gutitta lok i komwu, ni meno daa tye i kinwu, utmegina. ¹²Gin ma awaco en aye ni, dano acel acel i kinwu tyeka waco ni, “An dano pa Paulo,” nyo ni “An dano pa Kepa,” “An dano pa Apolo,” “An dano pa Kricito.” ¹³Kricito mono iye opokke? Yam kono giguro Paulo i kom yatariya piwa? Ononjo yam gibatijawu i nyinj Paulo? ¹⁴Apwoyo Lubanja mada pien an gira yam pe abatija dano mo i kinwu, kono abatija Kricipo ki Gayo keken, ¹⁵wek nat mo pe owac ni gibatija en i nyinja. ¹⁶Abatija bene jo ma i ot pa Citepana; pe donj atwero po ka ononjo dok abatija nat mukene. ¹⁷Kricito pe ocwala ka batija dano, ento ka tito lok me kwena maber ma pe atito ki ryeko mo me lok, wek pe omi to pa Kricito i kom yatariya obed gin ma konnye pe. ¹⁸Lok i kom yatariya ki tunj bot jo ma tye ka rwenyo woko, nen calo gin me minjo, ento ki tunj botwa, wan jo ma Lubanja tye ka larowa, obedo tek pa Lubanja. ¹⁹Pien yam gicoyo ni, “Abityeko ryeko pa jo maryek, abibalo nianj pa jo ma neyo piny woko.” ²⁰Jo maryek tye kwene?

Lupwony-cik kono tye kwene? Lupyem me lobo man tye kwene? Lubaṇa pe oloko ryeko me lobo man odoko me miṇo? ²¹Pi ryeko pa Lubaṇa omiyo jo me lobo pe guṇeye pi ryekogi, ento Lubaṇa pi twerone olaro jo muye en pi lok me miṇo ma watito. ²²Lujudaya gimito neno lanyut mogo, ki jo Grik giyenyo megi ryeko; ²³ento wan giwa watito pi Kricito ma yam giguro i kom yatariya, ma lokke ki tuṇ bot Lujudaya obedo lok atata, ki bot Lurok nen lok me miṇo. ²⁴Ento bot jo ma gilwoṇogi, Lujudaya ki jo Grik, Kricito obedo tek ki ryeko pa Lubaṇa. ²⁵Pien miṇo pa Lubaṇa kato ryeko pa dano woko ki ryeko, goro pa Lubaṇa bene tek kato teko ma dano tye kwede woko. ²⁶Utmegina, koṇ wutam pi lwoṇo ma Lubaṇa olwoṇowu kwede. Jo mapol i kinwu onoṇo pe giryek i kit me lobo, jo mapol i kinwu onoṇo pe gitye ki twero, dok jo mapol i kinwu onoṇo pe gubedo wegi deyo. ²⁷Ento Lubaṇa oyero gin mamiṇ me lobo, wek oket lewic i kom luryeko; Lubaṇa oyero gin ma goro i lobo-ni wek oket lewic i kom gin jo matek; ²⁸Lubaṇa oyero gin mogo me lobo ma gicayogi, ma rwomgi piny, kadi jami mogo ma pe gitye, wek omi gin ma tye odok gin ata, ²⁹wek dano mo pe owakke i nyim Lubaṇa. ³⁰Lubaṇa aye mumiyo wubedo i Kricito Yecu, ma Lubaṇa omiyo odoko ryekowa. Pi Kricito bene omiyo Lubaṇa okwanowa ni kitwa atir, olonyowa wadoko jo malen, okokowa bene ki i opii me bal. ³¹Doṇ kit macalo yam gicoyo, “ṇat ma nyatte myero onyatte pi Rwot.”

2 ¹Utmegina, yam pe abino botwu ki lok mo nyo ki ryeko mo mamalo i kare ma atuco botwu lok me mun me yub pa Lubanja. ²Onono amoko tamma pe me neyo gin mo i kinwu, kono Yecu Kricito keken, kit ma gigure kwede i kom yatariya. ³Yam abedo kwedwu ma agoro, abedo ki lwooro madwon, koma bene omyel matek. ⁴Lokka ki gin ma atito yam pe obedo lok mo me ryeko me ywayo tamwu, ento onyuto tek pa Cwiny Malen, ⁵wek niyewu pe ocun i kom ryeko pa dano, ento i kom tek pa Lubanja. ⁶Watito ryeko bot jo muteggi, ento ryeko man pe ryeko me lobo-ni, nyo ryeko pa luloc me kare man, ma twerogi rwenyo woko-ni. ⁷Ento wan watito ryeko pa Lubanja ma en mun ma gikano, ryeko ma yam Lubanja oyubo wa con me kelo deyo botwa. ⁸Pe tye laloc mo me lobo man ma onian iye; ka nene gunian, kono pe guguro Rwot, won deyo, i kom yatariya. ⁹Ento macalo yam gicoyo, “Gin mogo ma dano pe guneno ki wangi, dok bene pe guwinyo ki itgi, gin mogo ma pe donyo i tam pa dano, gin magi en aye gin ma Lubanja oyubo pi jo ma mare,”¹⁰dok gin ma Lubanja omiyo Cwiny Malen onyutogi botwa. Pien Cwiny Malen niyo jami ducu, kadi wa tam ma Lubanja okano i iye ka matut. ¹¹Aja ma neyo tam ma tye i i dano mukene? Pe cwiny dano-nu ma tye i iye keken aye neyo? Kit meno bene, pe tye nat mo ma neyo tam pa Lubanja, kono Cwiny pa Lubanja keken.¹²Yam pe gimiyowa cwiny me lobo man, ento gimiyowa Cwiny ma oa ki bot Lubanja, wek omi wanian i kom kit mot ducu ma Lubanja miyowa pi kicane. ¹³Meno aye lok ma watito; pe waloko lok ma gipwonyo ki ryeko pa dano, ento watito lok ma Cwiny Malen opwonyowa kwede, kun wanyuto lok me Cwiny bot jo ma tye ki Cwiny pa Lubanja.¹⁴Ento dano ma pe ki Cwiny pa Lubanja pe twero gamo gin ma Cwiny pa Lubanja miyo, pien ki tun bote obedo gin me minjo, en pe twero nian iye, pien gin macalo meno Cwiny Malen aye miyo dano neyo pimo. ¹⁵Dano ma tye ki Cwiny pa Lubanja neyo pimo jami ducu, ento nat mo pe ma nolo kop i kome. ¹⁶Yam gicoyo ni, “Aja ma neyo tam pa Rwot? Aja ma yam miye tam?” Ento wan watye ki tam pa Kricito

3 ¹Ento wun utmegina, yam pe onono atwero lok kwedwu calo jo ma tye ki Cwiny pa Lubanja, ento aloko

kwedwu macalo jo ma pud tye ki kit ma ginywalogi kwede, macalo litino lukere i Kricito. ²Yam apitowu ki cak, pien onono peya wutwero camo cam matek; kadi wa kombédi bene pud pe wuromo camo cam matek. ³pien pud wutye ki kit ma ginywalowu kwede. Ka pud wutye ki nyeko i kinwu, ma wuda kekenwu, meno pe nyuto ni pud wutye i kit ma ginywalowu kwede, kun pud wulubo kit pa dano? ⁴Ka dano mo i kinwu waco ni, “An dano pa Paulo,” ki nat mukene bene waco ni, “An dano pa Apolo,” meno nonjo pe nyuto ni wun pud wubedo dano adana? ⁵Apolo mono en aña? Paulo kono en aña? Wan aye lutic ma miyo wuye Yecu. Nat acel acel tye ki tic ma Rwot opoko bote. ⁶Yam acoyo kodi, Apolo oonyo iye pii, ento Lubanja omiyo odoño. ⁷Kadi bed kumeno, nat mucoyo kodi nyo nat ma oonyo iye pii, gin ducu pe gin mo, kono Lubanja keken aye ma miyo jami doño. ⁸Dano ma ocoyo kodi ki nat muonyo pii iye, gin ducu girom, nat acel acel binono mucarane muporo tic ma en otiyo. ⁹Pien wan lutic kacel ki Lubanja; wun poto pa Lubanja, dok bene wun gedo pa Lubanja. ¹⁰Pi kica pa Lubanja ma gimia, omiyo aketo te guti me gedo macalo ladit me gedo ma ladiro; ki dano mo mukene tye ka gero ot i wiye. Ento dano acel acel myero ogwokke kit macalo etye kwede ka gedo. ¹¹Pien pe tye te guti mo mukene ma gitwero ketone, kono maca ma doñ tye-ni keken, en aye Yecu Kricito. ¹²Doñ ka nat mo ogedo i wi te guti mukwoño-nu ki jabu nyo ryal, nyo godi me wel-gu, nyo yat nyo lum, nyo reñ kal, ¹³tic ma dano acel acel otiyo binen woko ka malen. Pien mac me Nino maca binyuto tic pa dano acel acel, ci nyuto ka malen kit macalo ticce tye kwede. ¹⁴Ka ce inen gedo pa dano-nu odoñ, en gedo ma ogero i kom te guti mukwoño-ni, dano meno bilimo bakacic me pwoc. ¹⁵Ento ka ce gedo pa dano mo owan woko, ci en pe binono kabacic mo me pwoc, ento en kikome bibwot, macalo nat ma koñ owok ki i mac ka doñ okatti ka malen. ¹⁶Pe wuñeyo ni wun aye wubedo ot pa Lubanja me woro en, dok Cwiny pa Lubanja bedo i iwu? ¹⁷Doñ ka nat mo obalo ot pa Lubanja, Lubanja bene biteke woko; pien ot pa Lubanja len, wun kikomwu aye wu ot meno. ¹⁸nat mo pe obwolke keken. Ka ce dano mo i kinwu tamo ni eryek i lobo man, en koñ myero olokke odok lamin, ka wek doñ odok maryek. ¹⁹Pien gin ma dano me lobo man gitamo ni obedo me ryeko, i nyim Lubanja obedo gin me minjo. Pien yam gicoyo ni, “En mako jo maryek i ryekogi kengi, macalo i owic,” ²⁰dok ni, “Rwot ñeyo ni tam pa luryeko mere gin ma konnye pe.” ²¹Pi meno nat mo pe myero owakke i kom dano, pien jami ducu obedo mewu; ²²kadi ki Paulo, nyo Apolo, nyo Kepa, nyo lobo man, nyo kwo, nyo to, nyo gin ma tye kombédi, nyo gin ma bibedo tye i anyim. Magi-gu ducu mewu; ²³wun jo pa Kricito, ki Kricito pa Lubanja.

¹Myero ginenwa macalo lutic pa Kricito, ki lugwok mun pa Lubanja. ²Gin ma mitte ki bot lugwok jami, en aye ni myero gubed jo ma genne. ³Ki tun bota man lok matidi mo twatwal ka wunolo kop i koma, kadi lukiko mo pa dano bene. An kikoma bene pe anolo kop i koma kena. ⁴Pien aneyo ni cwinya len, ento man pe twero miyo aloyo kop. Rwot aye ma njolo kop i koma. ⁵Pi meno, pe wunol kop mo ma peya kare oromo, ma pud peya Rwot odwogo. En aye ma bimenyo gin ducu mukanne i piny macol, dok binyuto tam ma tye icwiny dano miyo nen woko ka malen. I kare meno Lubanja bipwoyo dano acel acel i kit ma myero. ⁶Utmegina, lok magi aloko odok i koma ki i kom Apolo piwu, wek omi wun wapwonnye i komwa ki te lok man, ni, "Wubed kun wulubo gin ma yam gicoyo," wek dano mo i kinwu pe owakke, ma pako dano acel kun cayo kwede nat mukene. ⁷Don aya mono ma neno in macalo dano mapat ki jo mukene? Gin ayo ma itye kwede ma pe gimii amiya? Ka gimii amiya, piyo iwakke kwede kumeno calo pe gimii amiya nono? ⁸Don wuyen woko! Don wudoko lulonyo bene! Don bene wudoko luker, kadi bed wan pe luker! Atikane kono, onono wamito ni wudok luker, wek wan bene wabed luker kacel kwedwu. ⁹Pien atamo ni, Lubanja onyutowa wan lukwena calo jo mudon cen twatwal, macalo jo ma ginolo kop me to i wigi; pien don wadoko ginanena pi jo ma i wi lobo ducu, bot lumalaika ki bot dano. ¹⁰Don wadoko lumen pi Kricito, ento wun wuryek i Kricito. Wan wagoro, ento wun wutek. Giketo deyo i komwu, ento wan gicayowa acaya. ¹¹Nio kombeddi kec tye ka nekowa, orwo pii oketowa woko, bonowa pe me aruka, gidonowa ki cin, ki pacowa-gu bene pe. ¹²wacanne kun watiyo tic matek ki cinwa. Ka dano giyetowa, wan walamo gum i komgi; ka giunowa, wan waciro acira; ¹³ka gibalo nyinwa, wan wanwerre giwa anwera ki mwolo. Don wadoko calo yugi me wi lobo; wan don cilo me jami ducu. ¹⁴Pe acoyo lok man ni wek lewic omakwu, ento me pwonyowu macalo litinona ma amaro. ¹⁵Kadi bed wutye ki lupwony alip ki alip ma gitelowu i yo pa Kricito, pe wutye ki wego mapol. Yam adoko wonwu i Kricito pi lok me kwena maber. ¹⁶Pi meno alegowu, wulub kita. ¹⁷Man en gin mumiyo acwalo Temceo botwu. Temceo aye latinna ma amaro i Rwot, dok genne. En bipoyo wiwu i yo ma atye ka lubone i Kricito Yecu, ma apwonyo ki jo ducu muye Kricito i kabedo ducu. ¹⁸Jo mogo i kinwu gitye ka tamo ni an pe abibino botwu, omiyo gitye ka wakke. ¹⁹Ento ka Rwot oye abio botwu oyot, ka wek abinene tek pa jo ma gitye ka wakke-ni, ento pe lok ma giloko aloka. ²⁰Ker pa Lubanja pe ocun i kom gin ma giloko aloka ento i kom tek. ²¹Wumito gin ayo? Wumito abin botwu ki odoo, nyo abin ki mar ki cwiny me mwolo?

5 ¹Atye ka winyo lok ni tim mo me kwele kwele tye i kinwu. Tim me kwele ma kit meno gire pe nen wa i kin jo ma pe neyo Lubana, ni tye dano mo i kinwu ma omayo ci-wonne ci tye ka bedo kwede macalo dakone. ²Pud bene wuwakke pire! Cwinywu pe myero ocwer, wek giryem nat ma otimo kit tim macalo meno woko ki i kinwu? ³An ki tun bota, kadi ape kunnu, cwinya tye botwu kunnu; kit macalo atye kunnu-ni don atyeko nolo kop woko i kom dano meno ma don otimo tim marac-ci. ⁴Myero wucokke kacel i nyin Rwotwa, ma nonjo an bene atye kwedwu i cwiny ki tek pa Rwotwa Yecu, ⁵ka don wumi dano macalo man bot Catan wek onek kome woko, wek cwinye aye obilarre i nino pa Rwot. ⁶Wakkewu-ni pe ber. Pe wuneyo ni tobi matidi mo yenyoko moko ducu ma girubo me tedo mugati? ⁷Wukwany tobi macon woko, wek wubed mugati manyen. I adane, tobi pe i komwu, pien latin romowa me Kato (Paska) don gityero woko, en aye Kricito. ⁸Pe don myero wakweru Katowa ki tobi macon, en tobi me raccwiny ki tim mogo maraco, ento myero wakweru ki mugati ma tobi pe iye, ma en aye len ic ki ada. ⁹Yam acoyo botwu i waragana ni meno, pe wuribbe ki jo ma gitimo tim kwele. ¹⁰Pe onono aloo i kom dano me lobo-ni ma gitimo tim kwele, nyo luworo me jami, ki luyak, nyo jo ma woro cal jogi. Pe kumeno; ka kuman onono myero wua woko ki i lobo. ¹¹Adane acoyo botwu ni pe wuribbe ki nat mo ma gilwono ni dano pa Kricito, ka otimo tim kwele, nyo ka en obedo laworo me jami, nyo obedo dano ma woro cal jok, gwok nyo layet dano, lamero nyo layak; pe wunywak cam kacel ki kodi dano-nu. ¹²Meno pe ticca me nolo kop i kom jo ma pe guye Yecu. Lubana aye ma binolo kop i komgi. Pe myero wun aye wunol kop i kom jo muye Lubana ma gitye i kinwu? ¹³Wuryem dano marac woko ki i kinwu.

6 ¹Ka dano mo i kinwu tye ki lok mo i kom lawote, piŋo lewic pe make me pido ki dano-nu i nyim jo ma kitgi pe atir, ma ka pido kwede i nyim jo pa Lubana? ²Pe wuŋeyo ni jo pa Lubana aye ma biŋolo kop i kom dano me lobo? Ka wun kulu aye ma wubiŋolo kop i kom lobo, ci pe wuromo ŋolo kop mogo matitinone piwu kenwu? ³Pe wuŋeyo bene ni wan aye ma wabiŋolo kop i kom lumalaika? Ento kop ma mako kwo ma watye iye-ni kono? ⁴Ka ce wutye ki lok mogo me kwo ma watye iye-ni, piŋo wutero i nyim jo ma pigi pe tek bot jo muye Kricito? ⁵Awaco lok man wek lewic omakwu. Pe tye ŋat mo maryek i kinwu ma romo tyeko lok ma tye i kin omegine? ⁶Ma ka timo kit meno, nen, dano moni dok pido ki ominne kadi wa i nyim jo ma pe guye Kricito. ⁷Ka wupido pido i komwu kekenwu kit meno, noŋo pe doŋ wupoto woko? Piŋo pe ber botwu me ciro gin marac? Bedo ber ka kono wuweko dano gubuyowu. ⁸Ma ka timo kit meno, wun kikomwu aye dok wulokke wudok ka timo dano marac, dok bene wubuyo kadi wa utmegiwu. ⁹Pe wuŋeyo ni jo ma pe kitgi atir-ri, ker pa Lubana pe bibedo meg? Pe wuwek gibwolwu; kadi lutim tim kwele, nyo jo ma woro cal jogi, ki lutim abor, nyo jo ma buto ki co wadgi, ¹⁰nyo lukwo, nyo luworo me jami, nyo lumero, nyo luyet dano, nyo luyak, ker pa Lubana pe bibedo meg. ¹¹Jo mogo i kinwu bene yam gubedo macalo jo meno. Ento wun doŋ gityeko lonyowu me bedo jo maleŋ, gityeko kwanowu ni wun jo ma kitwu atir pi nyiŋ Rwot Yecu Kricito ki piny Cwiny pa Lubana. ¹²ŋat mo biwacci, “Atwero timo jami ducu.” Ento meno pe nyuto ni jami ducu tye ki kony. “Atwero timo jami ducu,” ento pe abiye ni gin mo oloka adok opiine. ¹³Wuwacci, “Cam tye pi ic, ki ic bene pi cam.” Ento gin ayo-nu ducu Lubana bityekogi woko. Kom pe tye pi tim kwele, ento tye pi Rwot, Rwot bene tye pi kom. ¹⁴Lubana yam oceru Rwot woko ki i kin jo muto, en bicerowa woko bene pi twerone. ¹⁵Pe wuŋeyo ni komwu aye obedo dul kom Kricito? Nen myero ka akwanyo dul kom Kricito, aloko odoko dul kom malaya? Pe twerre! ¹⁶Pe wuŋeyo ni dano ma ribbe ki malaya doko kom acel kwede? Pien “gin aryono gibidoko kom acel,” macalo yam gicoyo. ¹⁷Ento ŋat ma ribbe ki Rwot, doko cwiny acel kwede. ¹⁸Wubol tim kwele woko. Bal mukene ducu ma dano timo tye woko, pe gudo kome; ento ŋat ma timo tim kwele balo kome kene. ¹⁹Pe wuŋeyo ni komwu aye ot pa Cwiny Maleŋ ma bedo i iwu, ma Lubana omiyo botwu? Wun pe wutye piwu kenwu; ²⁰doŋ giwilowu awila ki wel. Pi meno myero wumi komwu oket deyo i kom Lubana.

¹Donj me dok i lok ma wucoyo waraga bota pire, bedo ber ka laco mo pe ogudo dako, ²ento pi genjo tim me abor, myero laco acel acel obed ki dakone, ki dako acel acel bene myero obed ki cware. ³Laco myero ocob miti pa dakone, ki dako bene myero ocob miti pa cware. ⁴Dako pe loyo kome kene, ento kono cware aye ma loyo; kit meno laco bene pe loyo kome kene ento dakone bene ma loyo. ⁵Dano acel acel pe myero okwer pi kome bot lawote, kono gwok nyo pi kare manok mo keken ma wuyubo ayuba dok wuye kacel, wek wunonj kare me bedo ka lego Lubanja. Ka lacen dok wuribbe kacel, wek Catan pe obitwu, pi miti ma wutye kwede ma pe jukke. ⁶Awaco lok man kun aye ayeya keken, ento pe aketo macalo cik. ⁷Kono ononjo twerre amito dano ducu gubed kit macalo atye kwede-ni; ento dano acel acel tye ki kit motte mutiko en, ma Lubanja omiye; inonjo ni dano mo-ni tye ki mot man, ki dano mukene tye ki mapatte. ⁸Bot jo ma pud peya gunyomo, ki bot mon ma coggi oto, awaco kit man ni, bedo ber ka kono gubedo macalo an. ⁹Ento ka pe giromo jukke kengi, myero gunyom, pien nyom ber kato ma laco nyo dako obedo ka ciro miti me kom. ¹⁰Bot jo ma donj gunyomme, acikogi ni dako pe okwer cware, ento man pe an aye ma aciko, Rwot gire aye muciko. ¹¹Ento ka ce dako mo donj oweko cware, myero obed kene, nyo odwog cen bot cware, pe oger laco mo mukene. Dok laco bene pe myero oryem dakone. ¹²Bot jo mukene-gu, an kikoma aye ma atye ka lok, pe Rwot gire, ni, ka ce Lakricitayo mo tye ki dakone ma pe oye Yecu, ka dako-nu oye me medde ki bedo kwede, laco pe myero oryeme woko. ¹³Ka dako mo bene tye ki cware ma pe oye Yecu, ka ce cware oye me medde ki bedo kwede, pe myero okwere. ¹⁴Pien laco ma pe oye Yecu doko lenj pi dakone, ki dako ma pe oye Yecu bene doko lenj pi cware ma Lakricitayo-ni. Ka pe kumeno, kono litinowu pe gibedo lenj, ento kit macalo tye gilenj gigi. ¹⁵Ento ka nat ma pe oye Yecu mito pokke woko ki lawote, wek opokke. Donj lok macalo meno Lakricitayo ma laco nyo ma dako pe tye iye ki dic mo, pien Lubanja olwonjowa ni wabed ki kuc. ¹⁶In dako, ineyo ninjinj ka ibilaro cwari? Nyo in laco, ineyo ninjinj ka ibilaro dakoni? ¹⁷Myero donj dano acel acel olub kit kwo ma Rwot omiye, en kwo ma yam en tye iye i kare ma Lubanja olwonje. Man en gin ma aciko ki jo ducu ma guye Kricito. ¹⁸Tye dano mo ma ononjo donj olirre i kare ma gilwonje? En pe myero openy yo me dwoko kome macalo dano ma pe giliro. Tye dano ma ononjo donj pe gilire i kare ma gilwonje? En pe myero openy yo me lirre. ¹⁹Pien bedo ma giliri ki bedo ma pe giliri pe konyo gin mo; ento gwoko cik pa Lubanja aye konyo. ²⁰Dano acel acel myero obed ki kite macon ma ononjo en tye kwede i kare ma gilwonje. ²¹I kare ma gilwonj ononjo ibedo opii? Pe ipar. Ento ka inonjo yo me a woko ki i opii, ci ti kwede. ²²Nat ma gilwonjo me bedo i Kricito ma ononjo en opii, en aye dano ma Rwot donj ogonyo woko ki i opii. Kit meno bene, nat ma ononjo lone kene ka gilwonje, donj odoko opii pa Kricito. ²³Wun jo ma giwilo ki wel; pe wudok opii pa dano mo. ²⁴Utmegina, dano acel acel myero obed i nyim Lubanja ki kite ma cenj gilwonje kwede ca. ²⁵Lok ma dok i kom jo ma pud peya gunyomme, pe anonjo cik mo ma oa ki bot Rwot, ento amiyo tamma iye macalo dano ma Lubanja donj otyeko timo kica bote, en mumiyo abedo nat ma genne. ²⁶Donj atamo ni, pi can ma odiyowa marac, bedo ber ka dano moni obedo kit macalo tye kwede. ²⁷Itye ki dako? Pe item gonyo nyom woko. In dakoni pe? Pe imit nyom. ²⁸Ento ka inyomo, nonjo pe itimo bal mo. Nyako bene ka ginyomo nonjo pe otimo bal. Ento jo ma nyomme gibinonjo ayelayela me kwo me lobo man; amito ni ka twerre kono akwanyo ayelayela meno woko ki i komwu. ²⁹Utmegina, gin ma aloko en ene ni, kare donj odoko din; cakke kombeddi jo ma tye ki mon myero gubed calo jo ma pe ki mon, ³⁰ki jo ma kumo myero gubed calo jo ma pe kumo, jo ma cwinygi yom calo jo ma pe cwinygi yom, jo ma wilo jami gubed calo jo ma pe tye ki gin mo, ³¹jo ma tiyo ki jami me lobo man calo jo ma pe gitye ka tic kwede, pien lobo kit ma tye kwede-ni bitum woko. ³²Amito wubed labonjo par mo. Dano ma pud peya onyomo, cwinye paro lok pa Rwot, kit ma myero eyom kwede cwiny Rwot. ³³Ento dano ma donj onyomo, paro mere lok me lobo kit ma ebiyomo kwede cwiny dakone; ³⁴tamme pokke i dul aryo. Dako ma pe ginyomo, nyo nyako, bene paro lok pa Rwot, wek ebed malenj i kome ki i cwinye. Ento dako ma ginyomo paro mere lok me lobo, kit ma myero eyom kwede cwiny cware. ³⁵Awaco lok man pi konyowu, pe me genowu agenja, ento wek omi gin ducu owot kakare, cwinywu bene obed i kom Rwot, ma gin mo pe ywayo tamwu tero woko cen. ³⁶Ka nat mo tamo ni kit bedone ki nyako ma ecikke kwede pe tye atir, ka marre dit i kome, en donj myero otim kit macalo cwinye mito, ka tamo ni obed ki meno. Bal mo pe iye, gitwero nyomme meg. ³⁷Ento ka dano mo cwinye tek kun pe tye gin mo ma diye, ma donj bene nonjo otyeko mine me weko nyako-nu ma pe ginyomme, nonjo otimo ber ka ce twero loyo tamme. ³⁸Kumeno nat munyomo nyako ma ecikke kwede nonjo otimo ber, ento nat ma pe onyomo nyako ma en ocikke kwede nonjo otimo ber makato. ³⁹Cik genjo dako ka pud cware tye kwo, ento ka cware donj oto woko, ci en bedo ki kare me nyomme ki laco mo mukene ma cwinye mito, ma tye i kin jo pa Rwot keken. ⁴⁰Ci twero miyo dako-nu cwinye bedo yom makato ka ce en obedo kit meno ma pe dok onyomme; meno tamma, atamo bene ni atye ki cwiny pa Lubanja.

8¹Lok ma dok i kom cam ma gityero bot jogi. Waŋeyo ni, “wan ducu watye ki ɲec.” Kit ɲec meno miyo dano giwakke awaka, ento mar medo tek bot dano. ²Dano ma tamo kekene ni eɲeyo gin mo, noŋo pe ɲeyo gin mo kit ma onoŋo myero eɲe kwede. ³Ento ka ɲat mo maro Lubaɲa, ci Lubaɲa bene ɲeye. ⁴Doɲ lok ma dok i kom cam ma gityero bot jogi; waŋeyo ni, “jok pe gin mo i lobo,” dok ni, “Lubaɲa mo mukene pe, kono en Lubaɲa acel-li keken.” ⁵Kadi bed tye gin mogo ma gilwoŋo ni lubaɲa i polo nyo i lobo, kit macalo tye lwak lubaɲa ki lwak rwodi mapol mapatpat-ti, ⁶ento ki tuɲ botwa Lubaɲa tye acel, en Lubaɲa Won, ma jami ducu a ki bote, ma wan wabedo tye pire; dok bene tye Rwot acel keken, Yecu Kricito, ma miyo jami ducu bedo tye, wan bene wabedo tye pire. ⁷Kadi bed kumeno, jo mapol pe gitye ki ɲec macalo meno. Jo mogo doɲ guɲiyo woko i woro jogi nio wa ceɲ tin; gicamo cam ma kun noŋo pud gitamo ni, “Man adada gin ma gityero bot jok,” miyo tam ma tye i igi ma nyuto botgi balgi balle woko. ⁸Cam pe bimiyo Lubaɲa pwoyowa; pe wabibedo marac ka pe wacamo cam, pe bene wabibedo maber ka wacamo. ⁹Ento wugwokke, wek twero ma wutye kwede pe odok gin mo ma miyo dano magoro poto i bal. ¹⁰Pien ka dano mo ma tam ma i iye ma nyutte balle pud goro oneno ni ma itye ki ɲec ibedo ka cam i ot jok, pe bimedo tekwin y bote me camo riɲo ma gityero bot jogi? ¹¹Kono en dano ma niye mere goro-ni obedo omeru ma yam Kricito oto pire, en bito pi ɲecci! ¹²Doɲ ka wubalo kit man bot utmegiwu ma niyegi goro, ka dok wubalo tamgi ma nyuto botgi balgi ma pud goro, noŋo wubalo i kom Kricito. ¹³Pi meno, ka cam aye miyo omera poto i bal, pe doɲ abicamo riɲo matwal, wek pe ami omera opot i bal.

¹An pe alone kena? An pe lakwena? Yam pe aneno Rwotwa Yecu Kricito? Wun pe adwoggi me ticca i Rwot? ²Kadi bed jo mogo pe giye ni an lakwena, ento ki tunj botwu an lakwena, pien wun kikomwu aye wubedo lanyut me kwenana i Rwot. ³Meno aye pidona bot jo ma giroka ki peny. ⁴Pe watye ki twero me nonjo cam ki mat ma iwa mito? ⁵Pe atye ki twero me tero dako ma Lakricitayo kacel kweda i wotta, macalo lukwena mukene, ki omego pa Rwot, ki Kepa? ⁶Nyo wan ki Barnaba keken aye myero wati pi camwa piwa kenwa? ⁷Ana ma cito i mony, ci cako culo mucarane pire kene? Ana ma pito olok i potone ma pe camo nyig olok mucek iye? Lakwat mene ma pe mato cak ma a i kom lim ma en kwayo. ⁸Atye ka loko lok man i kit pa dano keken? Cik kono pe loko lok ma rom ki man? ⁹Pien i cik pa Moses gicoyo ni, "Pe itwe dog twon ka tye ka nyono bel." Lubaŋa mono tamme tye twatwal pi dyan? ¹⁰En pe oloko lok meno piwa? I adane lokke yam gicoyo piwa, pien lapur myero opur pur kun nonjo tye ki gen, ŋat ma dino bel bene myero odin kun tye ki gen me nonjo dul mo iye. ¹¹Ka wacoyo kodi me cwiny i kinwu, meno lokke bedo lok madit twatwal ka wakayo jami mogo me kom ki botwu? ¹²Ka jo mukene gitye ki twero meno i komwu, ci wan donj pe wakatogi kwede woko? Ento kadi bed twero meno tye botwa, pe watiyo kwede; wadiyo cwinywa i lok ducu wek pe omi waket ariya mo ma genjo tito lok me kwena maber i kom Kricito. ¹³Pe wuneyo ni, jo ma gitiyo tic i ot pa Lubaŋa ginonjo camgi ki i ot pa Lubaŋa, dok jo ma gitiyo i kom keno tyer gipoko botgi gitum ma gityero? ¹⁴Rwot bene yam ociko i kit yo acel-lu ni, jo ma tito lok me kwena maber myero gunonj gin ma gikwo kwede pi tito lok me kwena maber-ri. ¹⁵Ento an pe atiyo ki twero macalo meno wacel. Dok bene pe acoyo lok man ni kono wutima kit meno. Bedo ber ka ato, kato ma dano mo loko wakkena doko gin ma ka cuŋone pe. ¹⁶Ka atito lok me kwena maber, myero pe awakke pire, pien gidiya iye adiya. Ka pe atito lok me kwena maber, ci abineno can. ¹⁷Ka atimo man pi twerona kena, abinonjo bakacic, ento ka atimo ma kun pe amito, nonjo atye ka cobo tic ma gimiya. ¹⁸Abinonjo kit bakacic anjo? Bakacicca en aye yomcwiny ma anonjo i tito lok me kwena maber, labonjo ŋolo kit cul mo iye bot dano ma giwinyo, kun bene pe atiyo ki twero ma atye kwede wek anonj kony mo ki bot jo ma atito botgi lok me kwena maber. ¹⁹Kadi bed alone kena i nyim dano ducu, ento donj atyeko mine me bedo opii pa jo ducu, wek anonji mapol. ²⁰Ka abedo bot Lujudaya alokke abedo macalo Lujudaya, wek anonj Lujudaya mogo; bot jo ma tye i te cik pa Moses abedo bene macalo ŋat ma tye i te cik, kadi bed an kikoma pe atye i te cik, wek anonj jo ma tye i te cik. ²¹Bot Lurok ma pe i te cik pa Moses abedo macalo ŋat ma pe i te cik, kun nonjo pe atye labonjo cik pa Lubaŋa, ento abedo i te cik pa Kricito. ²²Bot jo ma gigoro i niyegi, alokke adoko dano magoro bene, wek anonj jo magoro. Alubo kit ducu ma dano gitye kwede, wek omiya alar jo mogo i yo ducu. ²³Meno ducu atiyo pi lok me kwena maber, wek an bene anywak gum mo ma a iye kacel kwedgi. ²⁴Pe wuneyo ni, jo ma gipyem i ŋwec ducu girinjo, ento dano acel keken aye ma limo mot me pwoc? Wun bene wurin kumeno wek wunonj mot me pwoc. ²⁵Dano acel acel ma pyem i tuko myero ogwokke kene i yo ducu. Gitimo meno wek ginonj lalukana ma balle woko, ento wan watimo pi nonjo lalukana ma pe ballene. ²⁶An mera ariŋo atir ma pe acabbe atata; ka awacci atye i tuko me donje, pe adonjo piny macalo ŋat ma donjo yamo ata. ²⁷Acano koma, kun bene aloye calo opiina, wek ka donj atyeko tito lok bot jo mukene, pe abed ŋat ma pe gipwoyo.

¹Utmegina, amito wuŋe ni, kwarowa ducu yam gubedo i te pol, gin ducu guwok ki i dye nam, ²gin ducu bene yam gibatijagi i i pol ki i nam, wek doŋ gubed jo pa Moses. ³Gin ducu yam gucamo cam acel me cwiny, ⁴gin ducu bene gumato ginamata acel me cwiny. Pien gumato pii mua ki i kom got me cwiny ma woto kacel kwedgi, got meno yam en Kricito. ⁵Kadi bed kumeno, Lubana pe opwoyo pol jo mogo ma i kingi; pien guto gutum woko liwen i tim. ⁶Lok meno ducu odoko labol botwa, ma cikowa ni pe myero wabed ka paro gin maraco macalo yam gin guparo. ⁷Pe wawor jogi macalo jo mogo i kingi, kit macalo yam gicoyo ni, “Lwak gubedo piny gucamo ka gumato, ci gua malo ka myel.” ⁸Wan pe myero wadonyu i timo tim kwele, macalo jo mogo i kingi yam gutimo, ci jo alip pyeraryo wiye adek guto woko ducu i nino acel. ⁹Pe waomu cwiny Rwot, macalo jo mogo i komgi yam guomo cwinye, ci omiyo twol onekogi woko. ¹⁰Pe wanjur, macalo jo mogo i kingi yam gunjur kwede, ci omiyo Lanek onjinyogi woko. ¹¹Meno ducu yam otimme i komgi macalo lapo wic, ka doŋ gicoyo me cikowa, wan jo ma agikki piny oo i komwani. ¹²Pi meno nat mo ma tamo ni etwero cuŋ myero ogwokke wek pe opoti. ¹³Pe tye bita mo ma makowu ma pe mako dano ducu; Lubana genne, pe biye ni gibitwu matek makato ma wuromo cirone, ento i kare ma Catan tye ka bitowu, Lubana bimiowu yo ma myero wubwot kwede, wek wubed ki twero me ciro. ¹⁴Pi meno, wun luwota ma amaro, wubol woro jogi woko matwal. ¹⁵Aloko kwedwu macalo jo ma luryeko; wubed ki tam kekenwu i lok ma aloko. ¹⁶Kikopo me gum ma walego iye gum, pe waribbe iye i remo pa Kricito? ¹⁷Pien mugati tye acel, wan ma wapol-li bene wabedo kom acel, pien wan ducu wanywako camo en mugati acel-lu. ¹⁸Koŋ wunen jo Irael; jo ma camo gitum ma gityero bot Lubana pe giribbe ki keno tyer? ¹⁹Ka aloko kumeno nonjo atamo anjo? Ni cam ma gityero bot jogi obedo gin mo, nyo ni jogi gubedo gin mo? ²⁰Pe, gin ma awaco en ene ni, gitum ma jo ma pe neyo Lubana gutyero, gityero bot jogi, ento pe gityero bot Lubana. Pe amito wuribbe ki jogi. ²¹Pe wutwero mato ki kikopo pa Rwot ki pa jogi. Pe wutwero cam i meja pa Rwot ki dok i meja pa jogi. ²²Wamito omo cwiny Rwot wek nyeko omake? Wan mono watye ki tek wakato en? ²³“Atwero timo jami ducu,” ento meno pe nyuto ni jami ducu tye ki kony. “Atwero timo jami ducu,” ento man pe nyuto ni jami ducu doŋ niye pa dano. ²⁴Dano pe olub gin ma konyo en keken, ento myero olub gin ma konyo lawote bene. ²⁵Wucam kit riŋo ducu ma gicato i cuk, pe wubed ka penyo gin mo iye pi lwor bal. ²⁶Pien lobo ki jami ducu ma tye iye obedo jami pa Rwot. ²⁷Ka ce dano mo ma pe oye Lubana olwoŋowu ka cam, kun wumito wucit wucam, ka wuo i ganje wucam gin ducu ma giketo i nyimwu, pe wubed ka penyo gin mo iye pi lwor bal. ²⁸Ento ka nat mo owaco botwu ni, “Man gin ma doŋ gityero bot jok,” pe wucam, pi paro pi nat ma doŋ otito lok meno pi poyo wiwu-ni, ki pi tamme ma i cwinye ma nyuto balle bote. ²⁹Meno aloko pi tam ma tye i cwiny dano mukene ca, pe pi tam ma i cwinyi. Piŋo gigenjo kuc ma atye kwede me timo gin mo-ni woko, pi tam ma tye i cwiny dano mukene? ³⁰Ka anywako camo cam ki jo mukene kun apwoyo Lubana bene, piŋo giyeta pi gin ma doŋ atyeko pwoyo Lubana pire? ³¹Doŋ ka wucamo cam nyo ka wumato mat, nyo gin ducu ma wutiyo, wutim ducu pi miyo deyo bot Lubana. ³²Pe wubal cwiny Lujudaya, kadi jo Grik, nyo jo muye Lubana, ³³macalo an atemo yomo cwiny jo ducu i gin ducu ma atiyo, kun pe alaro pi gin ma konyo an kena, ento alaro pi gin ma konyo jo mapol, wek gularre.

¹Wulub kita, macalo an bene alubo kit pa Kricito. ²Apwoyowu pien i lok ducu wupo pira, kun wumako pwonnya ma yam akelo botwu. ³Ento amito wunje ni wi laco acel acel en aye Kricito, wi dako aye cware, ki wi Kricito aye Lubanja. ⁴Laco mo-ni ma lego Lubanja, nyo ma tito lok pa Lubanja kun oboyo wiye, meno nonjo oketo lewic i wiye. ⁵Ento dako ma lego Lubanja nyo ma tito lok pa Lubanja, ma kun pe oboyo wiye nonjo oketo lewic i wiye, pien pe tye apokapoka mo i kin en ki dako ma olyelo wiye woko. ⁶Ka dako mo pe boyo wiye, myero onyar yer wiye woko. Ka bedo me lewic ka dako olyelo wiye, nyo onyaro yer wiye anyara, en donj myero obo wiye woko. ⁷Laco pe myero obo wiye, pien en cal pa Lubanja dok deyo pa Lubanja bene; ento dako aye deyo pa laco. ⁸Laco yam pe giketo nia ki i kom dako, ento dako aye oa i kom laco. ⁹Laco yam pe giketo pi dako, ento dako aye giketo pi laco. ¹⁰En mumiyo dako myero obed ki lanyut me twero i wiye, pi lumalaika. ¹¹Ento i kwowa me bedo i Rwot, dako pe twero cunj kene labonjo laco, ki laco bene pe twero cunj kene labonjo dako; ¹²pien macalo dako yam gitiyo oa i kom laco, i kit acel-lu laco bene dako aye ma nywalo, dok jami ducu a ki bot Lubanja. ¹³Konj wunjol lok man kenwu; tika nen ber ka dako olego Lubanja ma pe oboyo wiye? ¹⁴Kit ma ma ginywalowa kwede bene pe pwonyowu ni, ka laco oloto yer wiye odoño maboco, ci miyo ginyware? ¹⁵Ento dako gire ka yer wiye olot maboco meno bedo me deyo bote, pien gimie yer yer maboco-nu me umme kwede. ¹⁶Donj ka nat mo mito kelo pyem iye, wan giwa wape ki kit macalo meno, pe bene tye i kin jo ducu muye Lubanja. ¹⁷Acikowu kun bene atye ki lok mogo ma cwinya pe yom iye i komwu, pien cokkewu-ni gin mo ma konyo pe iye, kelo bal keken. ¹⁸Lok mukwonjo ma atyeko winyone en aye ni, ka lwak gucokke kacel, apokapoka bedo tye i kinwu. An bene tuncel aye lok meno, ¹⁹pien dul mogo myero gubed i kinwu, wek jo ma tye maber gunen woko ka malen. ²⁰Pien ka wucokke kacel pe wucamo. Cam pa Rwotwa, ²¹pien wun ducu nat acel acel kwonjo camo camme woko, kun jo mogo bedo ki kec, ki jo mogo gimer megie woko. ²²Wun mono pacowu pe, ka ma wutwero camo iye camo iye cam ki mato mat-gu? Nyo wucayo jo ducu muye Lubanja, kun wuketo lewic i kom jo ma pe tye ki gin mo? Myero awac botwu gin anjo? Wumito apwowu? Pe atwero pwoyowu pi lok man. ²³Pien pwony ma yam apwonyowu kwede, Rwot aye mumiya, ni, i wor meno ma giketo roro i kome-ni, Rwot Yecu omako mugati; ²⁴ka donj opwoyo, ci obaro iye, omiyogi kun wacci, “Man aye koma ma tye piwu. Wutim kuman me po pira.” ²⁵Kumeno ka gucamo otum, otinjo kikopo kun wacci, “Kikopo man aye gicikke manyen i remona. Wutim kuman i kare ducu ma wumato, me po pira.” ²⁶Pien i kare ducu ma wucamo mugati man, dok bene ka wumato ki kikopo-ni, nonjo wutye ka yweko lok me to pa Rwot, nio ka en bidwogo. ²⁷En mumiyo ka dano mo ocamo mugati man, nyo omato kikopo man ma kun kite pe myero, nonjo en odoko labal pi pyedo kom ki remo pa Rwot. ²⁸Dano acel acel myero konj okwonj njine kene, ka donj ocak camo mugati meno ki mato gin ma tye i kikopo meno. ²⁹Pien nat ma camo nyo mato kun pe onian maber i kom gin ma gilwonjo ni kom Rwot, nonjo en tye ka kelo kop i kome kene ka ce ocamo nyo omato. ³⁰Meno gin mumiyo jo mapol i kinwu gitwo, dok gigo bene, ki jo mogo donj guto woko. ³¹Ka kono nene wan kikomwa wanolo kop i komwa kekenwa ki ada, kono pe ginolo kop i komwa. ³²Donj ka Rwot aye ma njolo kop i komwa, en pwodowa me pwonyowa, wek pe ginjol kop olowa kacel ki jo me lobo. ³³Pi meno donj, utmegina, ka wucokke ka camo cam pa Rwotwa, nat acel acel myero konj okur lawote. ³⁴Ka dano mo kec neko, myero konj ocam cam i pacone, wek pe kop olowu ka wucokke kacel. Lok mukene mudonj, abiyubo ka ao botwu.

12

¹Utmegina, amito wunianj lok i kom mot ma Cwiny Malenj miyo. ²Wuneyo ni i kare ma yam ononjo pud pe wuneyo Lubanja, nonjo wurwenyo woko ata ka woro cal jogi ma pe loko, ka ma giterowu iye ducu-ni. ³Pi meno amito wunianj ni, pe tye njat mo ma Cwiny pa Lubanja telo ma wacci, “Yecu giceno;” dok bene pe tye njat mo ma twero wacci, “Yecu aye Rwot,” ento Cwiny Malenj keken ma twero miye eloko. ⁴Mot tye ma kitgi patpat, ento Cwiny tye acel. ⁵Tic ma gitiyo pi Rwot bene tye ma kitgi patpat, ento Rwot tye acel. ⁶Tek pa Lubanja tiyo i yo mapatpat, ento Lubanja acel-lu aye ma tiyo i yo ducu ki pi jo ducu. ⁷Dano acel acel gimioy bote lanyut me Cwiny ma konyo lwak. ⁸Cwiny Malenj miyo bot dano acel kwena me ryeko; en Cwiny acel-lu bene miyo bot dano mukene kwena me njec. ⁹En Cwiny acel-lu miyo niye bot njat mukene, ki bot dano mukene en Cwiny acel-lu miyo mot me canjo two i kom dano. ¹⁰Bot njat mukene en miyo mot me tiyo tano, bot njat mukene mot me tito lok pa Lubanja, bot njat mukene miyo ryeko me poko kin cwiny mapatpat, bot njat mukene miyo dumo leb mapatpat, bot njat mukene miyo ryeko me gonyo leb mapatpat. ¹¹Ento Cwiny acel-lu aye ma tiyo tic i mot magi ducu; en poko mot mapatpat bot dano acel acel kit macalo en mito. ¹²Pien Kricito calo kom acel ma tye iye dul mapol; ento nonjo pud tye kom acel, kadi bed gitye dul mapol. ¹³Pien wan ducu, Lujudaya ki jo Grik, opii ki jo ma gilone kengi, gibatijawa wadoko kom acel i Cwiny acel-lu pa Lubanja, wan ducu wamato en Cwiny acel-lu. ¹⁴Pien kom dano pe tye iye dul acel keken, ento tye iye dul mapol. ¹⁵Ka kono tyen wacci, “Pien an pe a canj, an pe a dul kom,” meno pe geje bedo dul kom. ¹⁶Ka kono it wacci, “Pien an pe a wanj, an pe a dul kom,” meno pe geje bedo dul kom. ¹⁷Ka kono kom ducu obedo wanj, kono giwinyo lok ki no? Dok kono kom ducu obedo it, kono ginweyo ki no? ¹⁸Ento kit ma tye kwede-ni, Lubanja oketo dul mapatpat i kom, dul acel acel kit macalo en mito. ¹⁹Ka kono gin ducu gubedo dul acel, kom kono obedo kwene? ²⁰Kit macalo tye-ni, tye dul mapol, ento kom tye acel. ²¹Wanj pe twero waco ki canj ni, “An pe amiti.” Wic pe twero waco ki tyen ni, “An gira pe amitowu.” ²²Ma kaka meno, dul kom maca ma gitamo ni goro mitte twatwal, ²³dok bene dul maca me kom ma gitamo ni deyogi pe, dul magi aye girukogi ki deyo makato, ki dul komwa ma nen marac warukogi ki ruk ma nen maber makato, ²⁴ma kun dul komwa ducu ginen maber ma pe dok gimioy gin mo. Lubanja oketo dul mapol me kom kun ribogi kacel, kun miyo deyo madwonj makato bot dul ma deyogi nok. ²⁵wek apokapoka mo obed pe i kom, ento omi dul acel acel opar pi dul wadgi. ²⁶Ka dul mo acel tye ki arem, ci dul kom mukenegu bene rem kacel kwede; ka gipako dul acel, dul mukene-gu bene ducu ribbe kwede ki yomcwiny. ²⁷Kombeddi donj wun kom Kricito, dano acel acel obedo dul kom Kricito. ²⁸Ento Lubanja oketo jo magi i lwak muye Kricito; mukwonjo lukwena, me aryone lutit lok pa Lubanja, me adekke lupwony, ki dok jo ma tiyo tic me tano; ki jo ma lubo gin jo ma gimioy botgi mot me canjo two ki i kom dano, jo ma tiyo tic me kony, jo ma romo loyo tic, ki jo ma gidumo leb mapatpat. ²⁹Jo ducu gin lukwena? Jo ducu gitye ki mot me tito lok pa Lubanja? ³⁰Jo ducu tye ki mot me canjo dano? Jo ducu gidumo leb mapatpat? Jo ducu gin lugony leb? ³¹Wuket cwinywu i nonjo mot ma pigi dito.

13 ¹Kombeddi donj amito anyut botwu yo maber dok makato. Kadi aloko leb pa dano ki pa lumalaika, ka pe atye ki mar, abedo calo olan ma kok, gara ma wo awoya. ²Ka atye ki mot me tito lok pa Lubanja macalo lanebi, ma anian i mun ducu, dok bene nonjo atye ki nec ducu, ma atye bene ki niye ducu, ma atwero bene kobo kwede godi madojo-gu woko ka mukene, ce pe atye ki mar, ci pe a gin mo. ³Ka apoko jami ducu ma atye kwede, ma bene amiyo koma ni giwan woko ki mac, ento ka pe atye ki mar, ci pe konya ki gin mo. ⁴Mar diyo cwinye, dok lakica bene; mar pe lanyeko, pe wakke; ⁵pe nyatte, pe tiyo gin ma pe myero, pe yenyoy gin mukemo en kene; pe bedo ki keccwiny, pe bedo kun keto cwinye i kom gin marac ma gitimo i kome; ⁶cwinye pe bedo yom i kom tim ma pe atir, ento cwinye bedo yom i lok ada. ⁷Mar diyo cwinye i kom jami ducu, ye lok ducu,, dok bedo ki gen i kare ducu, keto tek bene me ciro jami ducu. ⁸Mar pe gik; ento lok atita bitum woko; kadi ki dumo leb bene bigik woko; kadi nec bene bitum woko, ⁹pien wan wanjejo dul mogo manoknok keken, lutit lok pa Lubanja gitito dul mogo manoknok keken; ¹⁰ento gin makulu ka obino, ci gin ma obedo duldul bigik woko. ¹¹I kare ma pud an latin, aloko lok calo latin, aparo jami ducu calo latin; ento kombeddi ma donj ateggi-ni, donj abwoto kit me tino woko. ¹²Gin ma waneno kombeddi cal ki tipo ma nen ribiribi i kiyo; ento i kare ma bino anyim ca wabinenne wan ki wan. Kombeddi anjejo dul mo manok keken, ento i nino ma bino anyim ca abibedo ki nec ducu liwen, kit macalo Lubanja tye ki nec ducu i koma-ni. ¹³Donj tye gin adek ma gibedo matwal: niye, gen, mar; ento gin ma pire dit ma katogi ducu en aye mar.

¹Wuket mar aye obed tamwu mukwoŋo ma pire dit; wuket cwinywu bene me noŋo mot ma Cwiny Malen miyo, makato ducu mot me tito lok pa Luban̄a. ²Pien dano ma dumo leb mapatpat pe loko ki dano, ento noŋo loko ki Luban̄a. N̄at mo ma nian̄ i lokke pe, pien noŋo en tye ka loko muŋ me Cwiny Malen̄. ³Ento dano ma tito lok pa Luban̄a loko ki dano kun doŋo niyegi, cuko cwinygi dok kweyo cwinygi bene. ⁴Dano ma dumo leb mapatpat doŋo niyene kene; ento n̄at ma tito lok pa Luban̄a noŋo tye ka doŋo jo muye Kricito i niyegi. ⁵Amito ni wudum leb mapatpat, ento makato ducu amito wutit lok pa Luban̄a. Dano ma tito lok pa Luban̄a pire dit kato n̄at ma dumo leb mapatpat, kono nyo ka ce tye dano mo ma twero gonyo bot dano gin ma en loko, wek okony jo muye Kricito i doŋo. ⁶Utmegina, ka abio botwu kunnu ma kun noŋo adumo leb mapatpat, abibedo ki kony aŋo botwu, ka pe akelo botwu lok pa Luban̄a ma ginyutta, nyo n̄ec mo, nyo lok mo ma Luban̄a omiya me atita, nyo pwony mo? ⁷Kadi wa gin ma pe ki kwo, ma kok calo nyamulere nyo nan̄a, ka ce dwane pe owinn̄ye maber, ci dano giban̄ian̄ niŋniŋ i wer ma gikuto nyo gigoyo? ⁸Buriji bene ka pe gikuto i dwane me lwon̄o kikome, ci aŋa ma biyubbe pi cito i lweny? ⁹En i yo acel-lu, aŋa ma binian̄ i gin ma wuloko ka wudumo aduma ki leb mapatpat, kun wuloko lok ma pe nian̄ne? Lokwu biket woko i yamo ata. ¹⁰Tye leb mapol ma kitgi patpat i wi lobo, ento pe tye mo ma te lokke pe. ¹¹Ento ka pe aŋeyo leb ma dano mo-ni tye ka loko, abedo macalo larok bote, ki en bene bedo macalo larok bota. ¹²Doŋ kit meno, macalo wuketo cwinywu me noŋo mot me Cwiny, wutem loyo jo mukene ducu i gin ma doŋo jo muye Kricito, miyo gicuŋ matek. ¹³Pi meno, dano ma dumo leb mapatpat myero oleg Luban̄a wek okonye me gonyo tyen lok ma eloko. ¹⁴Pien ka alego Luban̄a ma kun noŋo adumo aduma, cwinya bene lego, ento noŋo tamma pe timo iye gin mo. ¹⁵Atim aŋo doki? Abilego Luban̄a ki cwinya kun alego ki tamma bene; abiwerō wer ki cwinya kun awero ki tamma bene. ¹⁶Ka pe kumeno, ka ipwoyo Luban̄a ki cwinyi keken, dano mukene ata ma obino i cōkewu twero gamo “Amen” i pwocci-nu i kite mene, ma kun pe onian̄ i gin ma iloko? ¹⁷Kadi bed onon̄o imiyo pwoc maber, pe konyo dano mukene ca me doŋo kadi ki acel mo. ¹⁸Apwoyo Luban̄a pien an adumo leb mapatpat ma akatowu ducu, ¹⁹ento i cōkke pa jo muye Kricito amito loko lok abic mo keken ki tamma wek apwony ki jo mukene, makato loko lok alip ki alip kun adumo aduma ki leb mapatpat. ²⁰Utmegina, pe wubed calo litino i tamwu. Wubed litino i timo gin marac, ento i tamwu myero wubed jo muteggi. ²¹Yam gicoyo i cik ni, “Abiloko ki jo me rok man i leb ma jo dumo kwede aduma ki i dog jo ma gin lurok ento kadi bed kumeno, gin pe giban̄iwoyō lokka, man lok pa Rwot.” ²²Meno nyuto ni, dumo leb mapatpat gimioyō wek obed lanyut bot jo ma pe guye Kricito, pe bot jo muye, ento tito lok pa Luban̄a tye pi jo muye, pe pi jo ma pe guye. ²³Doŋ ka dano ma guye Kricito gucōkke kacel kun jo ducu ma iye gidumo leb mapatpat, dok ka jo mukene ata, nyo ma pe guye, gubino iye, pe giban̄iwaco ni wun jo muban̄ne? ²⁴Ento ka dano ducu tye ka tito lok pa Luban̄a, ce ka dano mo ma pe ye obino iye, nyo dano mo ata obino i ot, en tika binian̄ i balle pi gin ma en owinyo ki bot jo ducu; lok ma dano ducu guloko biŋolo kop i kome, ²⁵muŋ ma tye i cwinye bene en bituco woko ka malen̄, ka doŋ biryebbe piny ci cako woro Luban̄a kun tuco ni, “Adada, Luban̄a gire tye i kinwu.” ²⁶Lokke doŋ tye niŋniŋ, utmegina? Ka wucōkke kacel, dano acel acel noŋo tye ki gin mo; n̄at mo noŋo tye ki wer, mo tye ki pwony, mo tye ki lok ma ginyutte, mo dumo leb mapatpat, ki mo mukene noŋo n̄eyo gonyo te lokke. Gin-nu ducu myero otimme i yo ma konyo doŋo jo muye Kricito. ²⁷Ka dano dumo leb mapatpat, myero gubed gin aryo nyo adek, pe okat wel ennu-ni, kun gileyo aleya, ma n̄at mo gonyo te lokke. ²⁸Doŋ ka onon̄o pe tye n̄at mo ma gonyo, ci myero dano ma mito lok i leb mapatpat olin̄ aliŋa i cōkke pa jo muye Kricito, en olok kekene ki Luban̄a. ²⁹Ento jo aryo nyo adek ma gitito lok Luban̄a gitwero lok, kun jo mukene-gu giŋiyo lok ma giloko. ³⁰Ka ce inen Luban̄a onyuto lok mo bot n̄at mukene ma obedo piny, doŋ dano ma nen tye ka lok ca myero olin̄ woko. ³¹Pien wun ducu wutwero tito lok pa Luban̄a kun wuleyo aleya, wek jo ducu gupwon̄nye, dok bene ocuk cwinygi. ³²Jo ma gitito lok pa Luban̄a gitwero loyo cwiny ma gimiyogi me tito lok; ³³pien Luban̄a pe ticce me kelo anyobanyoba, en gire won kuc. Macalo timme i cōkke ducu pa lwak muye Yecu, ma gin jo pa Luban̄a. ³⁴mon myero gulij woko litik ka gitye i kacōkke. Pien pe giyegi me lok; gin myero gubed i te loc, macalo cik pa Lujudaya bene oloko. ³⁵Ka ce gimito n̄eyo lok mo, myero gupeny coggi ki paco. Bedo me lewic mada, dako me lok i cōkke pa lwak dano ma guye Kricito. ³⁶Gwok nyo wutamo ni lok pa Luban̄a yam oa ki botwu ba, dok obino botwu keken? ³⁷Ka n̄at mo tamo ni en latit lok pa Luban̄a, nyo etye ki mot mogo me Cwiny, myero oŋe ni, lok ma acoyo botwu-ni en aye cik mua ki bot Rwot. ³⁸Ento ka n̄at mo pe oketo lok man i tam, pe bene gibeketo tam i kome. ³⁹Kit meno, utmegina, wuket cwinywu i tito lok pa Luban̄a, lok me dumo leb mapatpat bene pe wugen̄. ⁴⁰Ento gin mo ducu wutim i kit maber, dok kore ki kore.

¹Utmegina, amito poyo wiwu i kom lok me kwena maber ma yam atito botwu, ma don wugamo-ni, en bene ma don wucun iye-ni; ²en lok ma wularre pire-ni, ka don wumako matek kit ma yam atittiwu kwede, ka onono pe wuye nono. ³Pien lok ma nene amiyowu ma pire dit mukwoŋo, en lok ma yam gimya, ma waco ni, Kricito yam oto pi balwa, kun lubo coc ma yam gicoyo; ⁴dok bene ni giyike, ka don gicere woko i nino me adekke, kun lubo coc ma yam gicoyo. ⁵dok ni yam onen bot Petero, ka dok onen bot jo apar wiye aryo ca. ⁶Ka dok onen bot utmego makato miya abic lawanacel; pol dano mogo i kom jo-nu pud gitye kwo, kadi bed jo mogo don guto woko. ⁷Dok oturu ki nen bot Yakobo, lacenne onen bot lukwena ducu. ⁸Me agikkine ducu, ci bene onen bota, kadi bed abedo calo latin ma gibwogo abwoga. ⁹Pien an atidi twatal i kin lukwena ducu, ma onono pe porre me lwoŋa ni an lakwena, pien yam aketo can i kom jo pa Lubana muye Kricito. ¹⁰Pi kica ma Lubana omiya en mumiya atye macalo atye-ni; kicane ma tye bota-ni yam pe obedo me nononono. An yam abedo ka medde ki tiyo tic matek twatwal makato jo-nu ducu; ento pe an aye ma atiyi, ento kica pa Lubana aye ma otiyo kacel kweda. ¹¹Don kadi bed onono an nyo gin jo-nu, lok ma wan don watito en ennu, lok ma wun wuye bene-ni en ennu. ¹²Don ka lok me kwenawa tito ni gicero Kricito ki i kin jo muto, piŋo jo mogo i kinwu giwaco ni cer pa jo muto pe tye? ¹³Ka ce cer pa jo muto pe, ci Kricito bene kara pe gicero. ¹⁴Ka Kricito yam pe gicero, ci kwena ma watito-ni don yone pe, kadi wa niyewu bene yone pe. ¹⁵Medo ki meno, wan bene lucaden me goba i kom Lubana, pien waloko lok i kom Lubana ni en otero Kricito, ento ka dano pe gicero, ci yam Kricito bene pe gicere. ¹⁶Pien ka cero jo muto pe, nono Kricito bene yam pe gicero. ¹⁷Ka Kricito yam pe gicero, ci kony me niyewu bene pe, nono pud wutye i balwu. ¹⁸Man don tyen lokke ni, jo muto i Kricito nono don gurwenyo woko matwal. ¹⁹Ka genwa i kom Kricito konyowa i kwo me kare-ni keken, ci don nono watye marac makato jo ducu. ²⁰Ento i adane, Kricito don gicero woko ki i kin jo muto, en tye macalo wi mwaka pa jo muto. ²¹Pien dano aye mukelo to, dok bene cer pa jo muto dano mukelo. ²²Pien macalo dano ducu to i Adam, en i kit yo acel-lu jo ducu gibimiyogi kwo i Kricito. ²³Ento nat acel acel i kakare: mukwoŋo Kricito, me wi mwaka, ka lacenne jo pa Kricito i kare me dwogone. ²⁴Ka don agikki piny bio, ma Kricito bimiyo iye ker i cin Lubana Won, ma nono don otyeko turo kit loc ki twero ki tek ducu me cwiny. ²⁵Pien en myero obed ka loc, nio ka Lubana biketo lukworre ducu piny i te tyene. ²⁶Lakwor ma gibityeko woko me agikki en aye to. ²⁷Pien yam gicoyo ni, “Lubana oketo en obedo lalo jami ducu.” Ka giwaco ni oketo “jami ducu” i te locce, nen ka malen ni pe gikwano iye Lubana kikome, ma oketo jami ducu i te loc pa Kricito. ²⁸Ka don gityeko keto jami ducu i te locce, en Wod kikome bene gibiketo i te loc pa Lubana, wek Lubana don ocok jami ducu i te locce. ²⁹Iyo, ka jo muto pe gibicer, ci don jo ma gibatija pi jo muto-ni gibibedo niŋniŋ? Ka ce cero jo muto pe tye kadi ki acel, piŋo kono dok gibatija pigi? ³⁰Piŋo wan kono wacun ka marac cawa ducu? ³¹An mera ato nino ducu, utmegina; meno awaco botwu atir, pi wakke ma atye kwede i komwu i Rwotwa Yecu Kricito. ³²Ka kono nene alwenyo ki lee mager i Epeco, macalo dano giwaco-ni, kono ki kony mene ma anono iye? Ka cero jo muto pe, ci ber don “wacamu, wamatu, pien diki wabito woko.” ³³Pe wuwek gibwolwu: “Bedo ki jo maraco balo kit mabeco.” ³⁴Wudwog cen i tam ma atir ma pe me mero, ci wugik bal woko cut. Pien jo mogo pe gitye ki nec mo i kom Lubana. Awaco man wek lewic omakwu. ³⁵Gwok nyo nat mo bipenyi ni, “Jo muto gicerogi niŋniŋ? Gibibedo ki kit kom macalo niŋniŋ?” ³⁶In lamiŋmiŋ! Kodi ma icoyo i potoni pe twero nono kwo nio ka don oto woko. ³⁷Gin ma icoyo-ni obedo mere kodi nono, nyo kodi kal, nyo kit kodi mukene-ne, pe en kom ginapita ma bidono-ni. ³⁸Ento Lubana miyo kom ki kodi meno kit macalo yam en oyero, kodi acel acel ki kiti kome. ³⁹Riŋo kom gin makwo ducu pe rom; riŋo dano pat, riŋo lee pat, me pa winyi pat, ki me pa rec bene pat. ⁴⁰Dok bene tye kom me polo ki kom me lobo; ento deyo pa kom me polo tye ki yone pat, ki deyo pa kom me lobo bene tye ki yone pat. ⁴¹Cer tye ki deyone, deyo pa dwe bene mapat, ki lakalatwe-gu bene gitye ki deyo mapatpat; pien lakalatwe bene kitgi patpat, omiyo deyo ma gitye kwede bene tye patpat. ⁴²Tye bene kit meno i kom cer pa jo muto. Kodi ma gicoyo-ni en gin ma top; ento ka don gicero pe dok to. ⁴³Gicoyo ma nono deyone pe, gicero ma nono deyone tye; gicoyo ma nono pud goro, ento gicero ma nono don tye ki tek. ⁴⁴Gicoyo i kom me lobo man, ci gicero i kom me cwiny. Ka kom me lobo man tye, ci kadi wa kom me cwiny bene tye. ⁴⁵Yam gicoyo ni, “Dano mukwoŋo, Adam, odoko gin makwo”; ento Adam me agikkine odoko cwiny ma miyo kwo. ⁴⁶Pe kom me cwiny kon aye ma kwono bino, ento kom me lobo man, ka don kom me cwiny bino lacer. ⁴⁷Dano mukwoŋo yam gitiyo ki apwa me lobo, ento dano me aryone oa ki i polo. ⁴⁸Jo me lobo gicalo dano ma gitiyo ki nom; ento jo me polo bene gical ki dano ma oa ki i polo. ⁴⁹Don macalo waruko cal pa dano ma gitiyo ki nom, kit meno bene wabiruko cal pa dano ma oa ki i polo. ⁵⁰Man aye gin ma aloko botwu, utmegina, ni, gin ma tye ki kom ki remo pe twero leyo ker pa Lubana, gin ma top bene pe twero leyo gin mo ma pe top. ⁵¹Kon wuwiny mun man, ni, pe wan ducu wabito, ento wan ducu gibilokowa woko. ⁵²Oyotoyot, pi kare manok mo keken, macalo wan ma neno piny litubetube, ka buriji me agikki don bikok. Pien buriji bikok, ka don gibicero jo muto woko kun pe dok gibito, wan bene gibilokowa woko. ⁵³Pien gin ma balle myero orukke ki gin ma pe balle, ki gin ma to myero orukke ki gin ma pe to. ⁵⁴Ka gin ma balle don orukke ki gin ma pe balle, dok ka gin ma to don orukke ki gin ma pe

to, ka doṅ miyo lok ma yam gicoyo obicobbe kakare ni, “To doṅ gimwonyo woko, giloyo woko matwal.”⁵⁵ “In to, locci doṅ tye kwene? In to, aremni kono tye kwene?”⁵⁶ Arem me to aye bal, doṅ tek me bal aye cik.⁵⁷ Ento myero wapwoyu Lubaja ma miyowa loc pi Rwotwa Yecu Kricito.⁵⁸ Pi meno, utmegina ma amaro, wucun matek ma pe wuyenṅe, kun wumedde bene ki tic pa Rwot nino ducu, kun wuniar ni, i Rwotwa yellewani pe me nono.

16

¹Donj lok ma mako jogo lim me konyo jo pa Lubanja: kit macalo yam aciko jo muye Kricito ma gibedo i Galatia ni guti, wun bene wutim kumeno. ²Nino mukwojo i cabit acel acel, dano acel acel i kinwu myero opok lim mogo oket pat, kun lubo kit ma en nonjo kwede, ci okan, wek pe gibed ka jojo limwu ki ka koma, ma donj an ao botwu. ³Ka ao botwu kunnu, ci abicwalo jo ma wun wuyero me tero motwu i Jerucalem, kun nonjo amiyogi bene waraga. ⁴Ka ce onono nen ni myero an bene aciti, ci wabicito kacel kwedgi. ⁵Abio botwu ma nonjo donj konj awoto ao i Makedonia, pien atamo me wok ki kunnu. ⁶Gwok nyo abibedo botwu pi kare manok mo, gwok nyo pi kare me koyo woko ducu, wek wubikonya bene i wotta ka ma abicito iye doki. ⁷Pien pe amito ni anenwu malomalo, ageno abibedo botwu pi kare malac, ka Rwot oye. ⁸Ento abibedo i Epeco nio wa i kare me Pentekote, ⁹pien donj giyabo yo bota malac me tiyo tic matek kany, dok jo ma genjo tic pol. ¹⁰Ka Temceo obino, wunen ni wumiyo en obedo i kinwu labono lworu mo, pien en bene tiyo tic pa Rwot calo an kikoma. ¹¹Nat mo pe myero ocaye, ento wukonye wek owot i kuc, wek odwog bota, pien akure ki utmegiwa. ¹²Lok i kom ominwa Apolo, yam alege mada ni konj myero oo botwu, kacel ki utmego mukene, ento en pe omiyo bino kadi ki acel i kare-ni; atamo donj en hibino ka ce onono kare maber. ¹³Wuki piny, wucun matek likin i kom niyewu, wubed co kikome, wubed ki teko. ¹⁴Gin ducu ma wutimo, wuti ki mar. ¹⁵Utmegina, wuneyo ni Citepana ki jo ma i ode aye gin jo mukwojo doko Lukricitayo i lobo Akaya, dok bene gumine kengi i tic pi jo pa Lubanja. ¹⁶Donj aleguwu me bedo ki winy bot jo-nu, ki jo mukene ducu ma giyelle kun gitiyo kacel kwedgi. ¹⁷Cwinya yom i bino pa Citepana gin ki Fortunato ki Akaiko, pien gin gucun ma kakarwu. ¹⁸Gin donj gudwoko cwinya, ki cwinywu bene. Gin jo macalo meno myero wutam pigi. ¹⁹Jo muye Kricito ducu ma gibedo i Acia gumotowu. Akwila ki Pricika gumotowu matek i Rwot, kacel ki lwak jo muye Kricito ma gicokke i otgi. ²⁰Utmego ducu gumotowu. Wumotte kekenwu ki mot malej me mar. ²¹An Paulo amotowu ki coc ma acoyo ki cija. ²²Nat ma pe maro Rwot myero gicen woko. Bin Rwotwa! ²³Kica pa Rwotwa Yecu Kricito obed kwedwu. ²⁴Mar mera obed kwedwu ducu i Kricito Yecu. Amen

2 Jo korinti

1

¹Waraga man oa ki bot Paulo ma en lakwena pa Kricito Yecu pi miti pa Lubanja, ki bot ominwa Temceo. Bot jo muye Lubanja ma tye i Korint, kacel ki jo pa Lubanja ducu ma gitye i lobo Akaya ducu. ²Lubanja Wonwa ki Rwotwa Yecu Kricito omiwo kica ki kuc. ³Myero gipwo Lubanja Won Rwotwa Yecu Kricito, Won ma lakica, Lubanja ma kweyo cwiny dano ducu. ⁴En kweyo cwinywa i can ducu ma walimo wek wan bene wabed ki twero me kweyo cwiny jo ma tye ki can mo mapatpat, kun wakweyo cwinygi i kit yo acel-lu ma Lubanja okweyo kwede cwinywa-ni. ⁵Kit macalo can madit ma Kricito yam ociro donj opoto i komwa bene, kit meno bene pi Kricito wan bene gikweyo cwinywa twatwal. ⁶Ka ce waneno can, meno miyo gikweyo cwinywu, dok wunono larre; ka gikweyo cwinywa, meno bene miyo gikweyo cwinywu, ci miyo wucako nonjo tek bene me ciro kit can acel ma wan wacirowa. ⁷Watie ki gen matek i kom Lubanja piwu, pien waneyo ni, ka wunywako kwedwa can ma wacirowa, kumeno bene gibikweyo cwinywu kit macalo yam gikweyo kwede cwinywa. ⁸Utmegina, wamito ni wunian i kom can ma waneno i Acia; pekone odiyowa mukato kare woko ma pe dok cirre, omiyo pe donj wabedo ki gen mo me bedo kwo doki. ⁹Onono donj waneyo ni gityeko njolo kop me to i wiwa. Meno otimme wek pe wajenje i komwa kekenwa, ento wajenje i kom Lubanja ma cero jo muto. ¹⁰En olarowa ki i can me to marac macalo man, dok bene bilarowa; wamoko bene genwa i kome ni bilarowa doki. ¹¹Myero wuribbe kwedwa i lega, wek omi jo mapol gupwo Lubanja piwa, pi gin maber ma gitimo botwa pi lega pa jo mapol. ¹²Gin ma wanyatte pire en ene: waneyo i cwinywa ada ni wakwo i lobo man, makatone wan wakwo kacel kwedwu, labono bal mo, kun cwinywa bene lenj i kit ma Lubanja mito, pe pi ryeko pa dano, ento pi kica pa Lubanja. ¹³Wan wacoyo botwu gin ma wutwero kwano dok wunian. Ageno ni wubinian matut, ¹⁴kit macalo donj wunian manoknok, ni, i nino pa Rwotwa Yecu wubiwakke piwa calo wan bene wabiwakke piwu. ¹⁵Onono cen anian man maber, omiyo yam ayubo ni konj acak wotta ki botwu, wek wunonj kica kiryo. ¹⁶Pien onono yam amito awok botwu i wotta i Makedonia, ki i dwogona ki kunnu, wek wukonya i wotta me cito i Judaya. ¹⁷I kare ma ayubo kit meno onono pe abedo ka cabbe acaba i lokka. Pe ayubo macalo dano mo ma konj ye, ka dok kwero woko. ¹⁸Macalo Lubanja genne, lok ma yam wawaco botwu pe waloko ka dok lacer wakwero woko. ¹⁹Pien Yecu Kricito Wod pa Lubanja ma yam wan ki Silvano ki Temceo watito pire botwu pe obedo nat ma ye ka dok lacer lokke kwero woko, ento en donj omoko lok pa Lubanja; ²⁰i en gin ma Lubanja ociko ni etimo ducu ocobbe kakare i kome. Meno aye gin mumiyo wawaco ni Amen i Yecu Kricito pi miyo deyo bot Lubanja. ²¹Nat ma miyo wacun matek kacel kwedwu i Yecu Kricito, dok owirowa ki moo, en Lubanja. ²²En donj omwono lanen mere woko i komwa, dok oketo Cwiny mere Malej i iwa, me moko ni en bimiyowa gin ducu

ma en yam ociko.²³ Alwoŋo Lubaŋa me bedo cadenna kun awacciwu ki cwinya ducu ni, gin mumiyo pe abino i Korint, pien onoŋo amito timowu kica. ²⁴Pe te lokke ni wan watye ki twero i kom niyewu, ento watiyo kwedwu kacel wek wubed ki yomcwiny, pien wucuŋo matek i kom niye.

2 ¹Ento ki tunj bota ononjo atamo ni dwogowa botwu myero pe dok okel botwu remcwiny. ²Ka awaŋo cwinywu, ci aŋa ma biyomo cwinya? Pe en dano ma awaŋo cwinye-ni? ³Meno en gin mumiyo yam acoyo waraga maca botwu, wek ka abino, jo ma myero guyom cwinya pe gumiya remcwiny, pien ononjo ageno wun ducu kun aŋeyo ni, yomcwinya en yomcwiny-wu wun ducu. ⁴Yam acoyo botwu waraga kun pig waŋa cwer madwonj twatwal pi cwercwiny ki kumo ma abedo kwede, pe pi cwero cwinywu, ento wek omi wuŋe mar madit ma atye kwede i komwu. ⁵Ka ŋat mo okelo cwercwiny, pe ononjo ocwero cwinya, ento nonjo otemo cwero cwinywu ducu, nyo wek awacci, jo mapol i kinwu, pien pe myero awac lok mapek mukato kare. ⁶Kit dano macalo meno, can ma jo mapol i kinwu guketo i kome twero romme; ⁷en mumiyo myero donj wutimme kica, dok wukwe cwinye, wek omi cwercwiny madit mukato kare pe onure woko. ⁸Man omiyo abako doga botwu, myero wunyut bote mar ma wutye kwede i kome. ⁹Man aye lok mumiyo yam acoyo waraga maca, me temowu, wek anen ka wuwinya i yo ducu. ¹⁰ŋat mo ma wun wutimo kica bote, an bene atimme kica. Pien ka atimo kica ki dano pi bal mo, atimo meno piwu i nyim Kricito, ¹¹wek Catan pe olowa ki ryekone, pien wan pe wakwiya tamme. ¹²Ma donj ao i Teroa pi tito lok me kwena maber i kom Kricito, yam anonjo ni Rwot oyabba yo; ¹³ento cwinya pe opye pien pe anonjo omera Tito kunnu. Ci aciko jo kunnu, ka akato acito i Makedonia. ¹⁴Myero gipwo Lubana ma nino ducu tye ka telowa i dorre me nyuto loc pa Kricito, dok tiyo kwedwa wek Kricito onene, macalo gin makur ma nwece duny i kabedo ducu. ¹⁵Pien wan wacal ki gin makur ma Kricito owaŋo otyero bot Lubana, ma nwece duny mamit; jo ma tye i yo me larre ki jo ma tye i yo me rwenyo woko doki ginweyo. ¹⁶Donj bot jo ma tye ka rwenyo, nwecwa obedo gin muto ma kelo to; ento ki bot jo ma tye ka larre, nwecwa obedo gin makwo ma kelo kwo. Aŋa mono ma twero tic man? ¹⁷Wan pe wacal ki pol pa dano mukene, ma girubo lok pa Lubana ki lok mukene, macalo lucatwil ma pe genne; ento wan watito mere lok pa Lubana keken, watito i Kricito ma cwinywa lenj i nyim Lubana, macalo jo ma Lubana ooro.

3¹Wan dok wacako pakke kenwa? Nyo wamito waraga me pakowa botwu, macalo jo mogo gitye kwede, nyo waraga ma wun kikomwu aye wucoyo? ²Wun kikomwu aye don wubedo waraga me pakowa, ma gicoyo i cwinywa, ma dano ducu gitwero nayo dok gikwano. ³Don wutyeko nyuto ka malen ni wun wubedo waraga ma oa ki bot Kricito, ma wan wakelo. Pe gicoyo ki vino, pe gicoyo i kom got; ento ma ka got, Kricito ocoyo i cwiny dano kun coyo ki Cwiny pa Lubana makwo. ⁴Gin mumiyo aloko kit meno, pien wacun matek i kom Lubana pi Kricito. ⁵Wan kikomwa pe waromo loko ni gin mo oa ki botwa; tekwa ducu oa ki bot Lubana. ⁶En bene mumiyo waromo bedo lutic me gicikkene manyen, pe lutic me cik ma gicoyo acoya, ento me Cwiny Malen; pien gin ma gicoyo acoya kelo to, ento Cwiny Malen kelo kwo. ⁷Cik ma yam gigoro ki nukuta i kom got apaya ma ticce me kelo to, onono obino ki deyo, omiyo neno wan Moses oloyo jo Israel pi nyim Moses muryeny ocaro wangi woko, ma ryeny i tur nyime-nu otugi rwenyo woko. ⁸Iyo, tic pa Cwiny pa Lubana deyone pe bikato maca matek twatwal? ⁹Pien ka tic ma miyo kop loyo dano tye ki deyo, ci tic ma miyo gikwano dano ni kitgi atir deyone pe don kato maca woko? ¹⁰Kombeddi don gin ma yam tye ki deyo don odoko gin ma pe ki deyo kadi ki acel mo, pi deyo mukene ca ma don kate matek twatwal-li. ¹¹Pien ka gin ma yam orwenyo woko obino ki deyo, gin ma ri myero don obed ki deyo makato. ¹²Pien wan watye ki kodi gen man, en mumiyo waloko ki tekwin. ¹³Pe dok wacal ki Moses ma yam oumo wane ki bono, wek jo Israel pe gunen kit ma ryeny mucaro wangi-ni tye ka rwenyo woko kwede i tur nyime, ci otum woko. ¹⁴Ento onono tamgi yam oumme woko; nio wa tin tamgi pud oumme i kite acel-lu ka gikwano botgi gicikke macon, pien laum ca twero kwannye pi Kricito keken. ¹⁵Kadi wa i kare-ni ka gikwano botgi cik pa Moses, laum pud bedo kakare, umo tamgi woko. ¹⁶Ento ka dano mo olokke bot Rwot, laum meno kwannye woko matwal. ¹⁷Rwot ma waloko pire kany-nyi en Cwiny Malen; ka ma Cwiny pa Rwot tye iye, kunnu kuc bene tye iye. ¹⁸Ki wan ducu ma don gikwano laum woko ki i wanwa watye macalo kiyo ma miyo deyo pa Rwot nen macalo ryeny cen, mumiyo watye ka lokke me doko calo en, kun deyone medde ameda i komwa; meno aye tic pa Rwot, ma en Cwiny Malen.

4 ¹Pi meno, wan ma donj giorowa i tic man pi kica pa Lubanja cwinywa pe dok tye ka dok cen. ²Wan donj wadag kit ducu ma gikano, ki kit me lewic; dok bene watyeko kwero tic me bwolo woko ki nyobo lok pa Lubanja, ento pi loko lok ada ka malenj wageno ni njec ma tye i cwiny dano acel acel ma nyutte balle bipwoyowa. ³Ka ce lok me kwena maber ma wan wakelo oumme woko, nonjo oumme ki tunj bot dano ma gitye ka rwenyo woko arwenya. ⁴Gin jo ma pe giye-nu, lubanja me lobo man donj oumo tamgi woko wek pe gunen lenjo me lok me kwena maber i kom deyo pa Kricito, ma en cal pa Lubanja kikome. ⁵Wan pe watito lok i komwa kenwa, ento i kom Yecu Kricito, ma en aye obedo Rwot, ma wan kikomwa wadoko luticwu pi Yecu. ⁶Pien Lubanja ma yam owaco ni, "Lenjo myero oryeny kun a i colpiny," en aye ma donj oryeny i cwinywa, omiyowa lenjo me njeyo deyo pa Lubanja ma oryeny i wanj Kricito. ⁷Ento watye ki lonyo man i atabo ma gicweyo ki lobo, me nyuto ni tek madwonj me twero obedo gire pa Lubanja, pe oa ki botwa. ⁸Gidiyowa woko tunji ki tunji, ento pe giridowa ma okato kare; tamwa ocunj woko, ento genwa pe oballe; ⁹giunowa, ento pe giwekowa ata; gibolowa piny i njom ligwek, pe bene wato. ¹⁰Nino ducu watijo to pa Yecu i komwa, wek kwo pa Yecu bene onen woko ka malenj i komwa-ni. ¹¹Pien nino ducu wan ma wakwo wamine me to pi Yecu, wek omi kwo pa Yecu onen woko ka malenj i komwa ma to-ni. ¹²Mumiyo to tye ka tic i komwa, ento kwo tye ka tic i komwu. ¹³Wan watye ki kit cwiny acel-lu me niye ma yam omiyo gicoyo ni, "Aye, en mumiyo aloko." Wan bene waye, mumiyo watye ka lok. ¹⁴Wanjeyo ni, njat mucero Rwotwa Yecu bicerowa bene kacel ki Yecu, ci bikelowa i nyime kacel kwedwu. ¹⁵Pien meno ducu otimme piwu, wek kica pa Lubanja omedde bot jo mapol, wek gin bene gumedde ki pwoc madwonj ma kelo deyo bot Lubanja. ¹⁶En aye gin mumiyo cwinywa dok pe tye ka dok cen. Kadi bed kwowa ma woko tye ka balle, ento kwo ma i iwa tye ka roc, doko nyen nino ki nino. ¹⁷Pien un ma giunowa kwede pe pek, bedo pi kare manok mo keken, dok bene tye ka yubo botwa deyo mapek ma pe tum, ma dit matek makato; ¹⁸pien pe waciko wanja i kom gin ma nen, ento i kom gin ma pe nen. Gin ma nen bedo pi kare manok mo keken, ento gin ma pe nen ri nakanaka.

5 ¹Pien waneyo ni ka komwa me lobo man oballe woko, ma wabedo iye macalo wabedo i kema-ni wan watye ki gedo mukene ma Lubanja bimiyo botwa, ot ma pe gigeri ki cin, ot ma tye donj bedo matwal i polo. ²adane wan watye ma wacur acura i kema man, kun wamito matek ni girukwa ki kabledowa ma a i polo, ³wek wabam i kom man, ma ka donj watyeko rukone, ci pe gbinonjowa watye munero. ⁴Pien ka pud watye i kema man, wacur acura pi cwerwiny ma onurowa; pe ni meno wamito ni wabed ma pe warukke, ento wamito ni waruk kom manyen i wi man, wek kwo omwony gin ma to woko. ⁵nat ma oyubowa pi lok man kikome aye Lubanja, dok bene omiyowa Cwinye calo gin ma Lubanja omiyo ma moko ni en bicobo gin ma ociko. ⁶En mumiyo nino ducu wadiyo cwinywa maber, kun bene waneyo ni, ka watye i paco me komwa en-ni, wabedo bor ki Rwot, ⁷pien kwowa cun i kom niye, pe i neno piny ma waneno. ⁸Wan wadiyo cwinywa maber, kun watamo ni twra wawot ma wabwoto komwa woko, wabed paco bot Rwot. ⁹Donj kadi watye i paco kany nyo kunnu, waketo cwinywa me bedo jo ma giyomo cwiny Rwot. ¹⁰Pien wan ducu myero wacun i nyim Kricito wek onol kop i komwa, wek dano acel acel ononj gin mutiko en, ma lubo kit ma yam otiyo kun tye i kom, ka ber nyo ka rac. ¹¹Donj macalo waneyo ni Rwot myero gilwor, watemo ywayo tam pa dano, ma kitwa nen woko ka malen bot Lubanja; ageno bene ni kitwa otyeko nen botwu ki nec ma tye i cwinywu ma nyuttiwu bal. ¹²Pe dok wapakke kenwa, ento watye ka miyo botwu gin ma myero wuwakke kwede piwa, wek wubed ki yo me gamo dog jo ma giwakke pi gin ma nen ki woko, pe pi kit ma dano tye kwede i cwinye. ¹³Ka donj wadoko jo ma lupoya, wapo giwa pi Lubanja; ento ka wiwa tye ka tic maber, meno bikonyowu. ¹⁴Pien mar pa Kricito loyo kwowa, pien donj wanolo kop kit man ni, nat acel oto pi jo ducu, meno mumiyo jo ducu donj guto. ¹⁵En yam oto pi dano ducu, wek jo makwo pe gumedde ki bedo kwo pigi kengi, ento gubed ki kwo pi nat ma yam oto ka ocer pigi ca. ¹⁶En mumiyo cakke kombeddi, wan pe waneyo dano mo i kit me lobo man; kadi bed yam waneyo Kricito i kit me lobo, pe dok waneye kit meno. ¹⁷En mumiyo ka nat mo tye i Kricito, en donj bedo gin ma giketo manyen; gin macon nonjo donj orwenyo woko, gin manyen donj oleyo kakare. ¹⁸Meno ducu obedo tic ma Lubanja otiyo, ma yam odwokowa kwede bote, pi Kricito, dok bene omiyowa tic me dwoko dano bote; ¹⁹ni meno, i Kricito, Lubanja onono yam tye ka dwoko dano ma i lobo bote, kun pe okwano balgi i komgi, dok bene omiyowa lok me kwena i kom kit ma en donj odwokogi kwede bote. ²⁰En mumiyo wadoko lukwena, luwanj Kricito; Lubanja legowu ki dwanwa, wan bene wabako dogwa botwu ma ka Kricito ni, Wuwek Lubanja odwokwu bote. ²¹Nat ma yam pe oneyo bal, Lubanja oloke odoko bal piwa, wek pire wadok jo ma nywako kit pa Lubanja ma tye atir.

6 ¹I ticwa kacel ki Lubanja bene walego ni, kit ma donj wunono kwede kica pa Lubanja-ni, pe wuwek oballe nono, ²pien en yam owaco ni, “Yam awinyi i kare me timo dano maber, yam akonyi i kare me laro dano.” Wunen, man aye kare ma gitimo iye ber bot dano. Tin aye nino me larre. ³Wan pe wamito waket ariya mo i yo pa nat mo, wek dano pe guwac ni ticwa rac. ⁴ento i kare ducu wanyuto berwa kenwa macalo wan lutic pa Lubanja kun waciro matek twatwal, i can ki peko ki ayelayela ma odiyowa. ⁵Gipwodowa, gitweyowa i buc, dano giroko lwak me lweny i komwa, watiyo tic matek, ma nino ki cam bene oremowa. ⁶Wanyuto ni wan lutic pa Lubanja pi kitwa malen, pi nec ma watye kwede, pi diyo cwinywa ki pi kicawa; pi Cwiny Malen, ki pi mar ma watye kwede ma goba pe iye, ⁷pi tito lok me ada, ki pi tek pa Lubanja. Donj wamako jami lweny me kit ma atir i cinjwa ryoryo, tun lacuc ki tun lacam. ⁸Giketo deyo i komwa, dok bene giketo lewic i komwa, giyetowa dok bene gipakowa. Giterowa macalo lugoba, ento kun wan jo me ada. ⁹Giterowa macalo jo ma pe ginene, ento gineyowa twatwal. Gilokowa wadoko calo jo muto, kun wan mere jo makwo. Kadi gitimwa gujiguji, pe ginekowa; ¹⁰kadi gimiwa kumo, cwinywa nonjo pud bedo yom nino ducu; wanen macalo lucan, ento wan aye ma wamiyo jo mapol gidoko lulonyo; wanen calo pe watye ki gin mo, ento kun kono watye ki jami ducu. ¹¹Wun jo Korint, wan donj waloko kwedwu ka malen, dok bene donj wayabo cwinywa botwu malac. ¹²Wan pe waumo cwinywa woko botwu, ento wun aye wuumo cwinywu. ¹³An aloko kwedwu macalo wun litinona; kit ma watimowu kwede, wun bene wutim kit meno; wuyab cwinywu botwa malac. ¹⁴Pe wuribbe kun wubedo kacel ki jo ma pe guye Yecu, pien kitwu patpat. Donj kit ma atir ki tim maraco gitwero bedo lurem ninjin? Lenjo ki colpiny gitwero ribbe gibedo kacel ninjin? ¹⁵Donj tam pa Kricito ki pa Belial twero rwatte? Gin anjo ma dano ma oye Yecu twero nywako gin ki nat ma pe oye? ¹⁶Ot pa Lubanja kono twero ribbe ninjin ki cal jogi? Pien wan aye wabedo ot pa Lubanja makwo; macalo en Lubanja donj owaco ni, “An abibedo i igi, abibedo ka wot awota i kingi, abibedo Lubanagi, gin bene gibibedo jona. ¹⁷Pi meno donj wua woko ki i kingi, wupokke woko kwedgi, man lok pa Rwot, pe wugud gin mo ma kome ki keni. miyo abijolowu, ¹⁸abibedo wonwu, wun bene wubibedo awobena ki anyirana; man lok pa Rwot Won Twer Ducu.”

7 ¹Wun ma amaro, cikke meno yam giciko piwa. Pi meno, myero walonnaye woko kekenwa i gin mo ducu ma cido komwa nyo cwinywa, kun walworo Lubaŋa, wek wadoku jo malen atikatika. ²Wuyab cwinywu botwa; pe watimo ŋat mo marac, pe wabalo ŋat mo, pe bene wabuyo ŋat mo pi mito lim. ³Pe awaco man ni wek kop olowu, pien yam awaco botwu koŋ ni wun piwu lit botwa mada, wek wato dok wakwo kacel kwedwu. ⁴Atye ki gen mada i komwu; awakke bene matek piwu. Cwinya okwe maber, dok apon ki yomcwiny i canwa ducu. ⁵Cakke i kare ma wao i Makedonia pe wabedo ki yweyo mo. Can onono orumowa woko tunŋi ki tunŋi, lweny i kin dano ki lworo ma onono tye i cwinywa. ⁶Ento Lubaŋa ma kweyo cwiny jo ma can obwoyogi, okweyo cwinywa pi bino pa Tito. ⁷Pe pi binone keken, ento bene pi kit ma wun wukweyo kwede cwinye. En otito botwa pi mit ma wutye kwede me nena, cwerccwiny ma wutye kwede, ki kit ma wularo kwede pira, ci omedo yomcwinya ameda. ⁸Kadi bed waragana ca yam ocwero cwinywu, an pe doŋ aŋut pi coyone, kadi bed yam aŋut pien aneno ni waraga ca ocwero cwinywu pi kare mo. ⁹Kombeddi an cwinya yom, pe te lokke ni, pien awaŋo cwinywu, ento pien waŋ cwinywu omiyo wunŋut. Waŋcwinywu meno onono oa ki bot Lubaŋa, wek omi pe wunoŋ can mo piwa. ¹⁰Pien waŋcwiny ma Lubaŋa miyo kelo ŋut ma tero dano i larre, ma pe doŋ gitwero waco ni, “Kono yam pe atimo”; ento waŋcwiny me lobo kelo to. ¹¹Koŋ wunen kit ma Lubaŋa otiyo kwede ki waŋcwinywu! Doŋ wunen kit ma wuketo kwede cwinywu, kit ma doŋ wuketo kwede tek me nyuto ni wupe ki bal, kit akemowu, kit lworo, kit mit ma wutye kwede me nena, kit ma wularo kwede pira, ki kit ma wuculo kwede kwor! Wun doŋ wutyeko nyutte woko kenwu i yo ducu ni pe wutye ki bal mo i lok meno. ¹²Mumiyo kadi bed acoyo botwu waraga, pe acoyo pi ŋat ma otimo gin marac, kadi pi ŋat ma gitimo gin marac i kome, ento acoyo wek omi kit ma wularo kwede pira onen woko ka malen botwu i nyim Lubaŋa. ¹³Man en aye gin mumiyo cwinywa doŋ okwe. Medo i kom kwecwinywa, yam wabedo ki yomcwiny mada pi yomcwiny pa Tito, pien wun ducu wukonyo me kweyo cwinye. ¹⁴Kadi bed yam awakke i nyime piwu, lewic pe omaka; ento kit macalo yam lok ducu ma wabedo ka Tito botwu obedo lok me ada, kit meno wakkewa bene i nyim Tito obedo me ada. ¹⁵Ka ce en po i kom kit macalo wun ducu wuwinye kwede, ki kit ma wujole kwede ki lworo ki myelkom, mar medde ameda i iye i komwu. ¹⁶An cwinya yom, pien atye ki gen madit i komwu i yo ducu.

¹Utmegiwa, wamito wuŋe pi cwiny me kica ma oa ki bot Lubanja ma onen bot lwak dano ma guye Kricito ducu ma gitye i Makedonia. ²Gin guciro un ducu ma gitemogi kwede matek, ento gin mua ki i yomcwiny madit ma gin gubedo kwede i dye can madit mada ma yam odiyogi ca, en aye lonyo madit me cwiny ma gubedo kwede me miyo mot. ³Pien gin yam gumiyo gin ma giromo miyone, ki makatone bene, kit ma an kikoma aneno, ma pe gidiyogi iye adiya. ⁴Gin gulegowa ma gibako doggi ni watim ber, waye gin giribbe kwedwa i konyo jo pa Lubanja. ⁵Yam gutiyo tic mukato genwa woko, pien gukwoŋo mine kengi bot Lubanja, ka doŋ pi mit pa Lubanja gucako mine kengi botwa bene. ⁶Ka doŋ wacuko cwiny Tito ni, kit macalo yam doŋ en ocalo tic man me kica i kinwu, myero bene doŋ ocob woko. ⁷Doŋ macalo wun wuloyo dano i yo ducu, i kom niye, i loko lok, i ŋec, i keto cwinywu ki i mar ma wutye kwede i komwa, ber wulo dano bene i tic man me kica. ⁸Gin ma aloko-ni pe obedo cik ma an aye amiyo, ento anyuto botwu kit ma jo mukene giketo cwinygi, wek anen mar ma wutye kwede ka obedo mar me ada. ⁹Pien wuŋeyo cwiny me kica ma Rwotwa Yecu Kricito obedo kwede; kadi bed nene en lalonyo, ento piwu olokke odoko laca, wek i canneni wun wudok lulonyo. ¹⁰Man tamma ma amiyo i lok man: twero bedo ber ka wutyeko gin ma yam wucako i mwaka mukato-ni woko. Yam wun aye wubedo jo mukwoŋo, pe i tic keken, ento i yeyo me tiyo tic bene. ¹¹Kombeddi amito wumedde wuwot anyim ki ticwu ca, wucob woko. Wubed ki miti me tyekone ma rom aroma ki maca ma yam wukwoŋo kwede, kun wukwanyo gin ma mitte ki i kom gin ma tye botwu. ¹²Lubanja gamo mot ma dano tye kwede, tekke en obedo ki miti me miyone, ma pe paro gin ma pe etye kwede. ¹³Pe awaco ni jo mukene gubed maber, wun aye can odiwu, ento ni dano ducu gubed maromrom. ¹⁴Kit macalo kombeddi wutye ki jami mabuppi, wukonygi i cangi, wek ka waŋ mo gin gubedo ki jami mabup, gin bene gubikonywu ki gin murem botwu, ci doŋ miyo wubedo maromrom; ¹⁵macalo yam gicoyo ni, “ŋat ma ocoko mabup, gin mo pe odoŋ bote, ŋat mucoko manok mo, gin mo pe orem bote.” ¹⁶Wapwoyo Lubanja pien oketo i i Tito miti madwoŋ ma rom ki mewa me konyowu. ¹⁷En pe ojolo legawa keken, ento cwinye tye iye matek, mumiyo en gire bino botwu pi mitte kene. ¹⁸Waore kacel ki ominwa ca ma ŋene twatwal bot jo ducu ma guye Kricito pi kit ma en tito kwede lok me kwena maber. ¹⁹Pe meno keken, ento lwak dano ducu ma guye Kricito yam guyer me wot kacel kwedwa i tic man me kica ma watye ka tiyone pi miyo deyo bot Rwot, ki pi mitiwa me miyo kony bot dano. ²⁰Watemo gwokke matek wek ŋat mo pe onoŋ bal mo i kit ma watye ka tic kwede ki mot man mabup ma giketo i cinwa-ni. ²¹Tamwa tye me timo gin maber, pe i nyim Lubanja keken, ento kadi wa i nyim dano bene. ²²Doŋ waorogi kacel ki ominwa mukene ma wabedo ka temo kite pi kare malac, ci wanoŋo ni en obedo dano ma keto cwinye i kom tic mapol, ento i kare-ni doŋ tye ka keto cwinye matek twatwal makato ma yam con, pi gen madit ma en tye kwede i komwu. ²³Tito lawota dok latic wadiwa piwu, ki utmegiwa mukene-gu, gin luor pa jo ducu ma guye Kricito, gin bene aye jo ma kelo deyo bot Kricito. ²⁴Pi meno, wunyut mar ma wutye kwede woko ka malen bot dano ducu ma guye Kricito, wek gunen ni nyattewa ma wanyatte kwede piwu onoŋo tye atir.

9 ¹Kombeddi pe mitte ki tun bota me coyo botwu lok i kom mot ma gimiyo pi konyo jo pa Lubana, ²pien aneyo miti ma wutye kwede. Atye ka nyatte piwu mada bot jo Makedonia ni meno, “Jo Akaya guyubbe woko wa con cakke i mwaka mukato.” Pi cukke ma wubedo ka cukke kwede, omiyo polgi bene guketo cwinygi. ³Don acwalo utmegiwa botwu ennu wek nyattewa piwu i lok man pe ogik i lok keken, ento myero wubed ma wuyubbe i kit ma awaco botgi-ni. ⁴Ka ce ao kunnu ki jo Makedonia mogo, ka gibinojo ni pe wuyubbe, ci miyo dogo two woko, pi gen ma onono waketo i komwu; ento wun kono? ⁵Meno aye gin mumiyo atamo me cuko cwiny utmegiwa me kwono nyima me bino botwu, wek gin aye kon gunen ka mot man ma yam wucikke me miyone-ni wuyubo; wek don obed ma giyubo woko macalo mot ma wumiyo giwu ki cwinywu kenwu ma pe gidiyowu iye adiya. ⁶Lok tye kit man ni, dano ma coyo kodi manok, bikayo bene manok, nat ma coyo kodi madwon, bikayo bene mabup. ⁷Dano acel acel myero otim kit macalo cwinye mito, labono wan cwiny mo nyo dic mo. Pien Lubana maro nat ma miyo jamine ki yomcwiny. ⁸Dok Lubana twero miyo botwu jami mabeco mapol ata, wek kare ducu wubed ki jami ma romowu maber, ma weko wun bene wutwero miyo kony mabup pi kony tic ducu mabeco, ⁹macalo yam gicoyo ni, “Ocoro jamine mapol, omiyo ki lucan, berre bedo nakanaka.” ¹⁰nat ma miyo kodi bot dano ma laco kodi, ki cam me acama, bimiowu kodi dok binyayone bene, ci don miyo gin mua i kom cwiny maber ma wutye kwede bedo dit twatwal. ¹¹En bimiyo wulony i yo ducu, ma romo miyo wubedo ki cwiny maber me miyo mot i kare ducu; pi ticwa bimiyo dano gipwoyo Lubana. ¹²Pien tic me kony macalo man ma wutiyo bikelo gin ma mitte bot jo pa Lubana; ento pe meno keken, bikelo bene pwoc madit twatwal bot Lubana. ¹³Pi gin maber ma ticwu kelo, bimiyo jo mapol gimiyo deyo bot Lubana, pien nyuto winy maber ma wutye kwede i lok me kwena maber i kom Kricito ma watito, ki pi cwiny maber ma wupoko kwede limwu bot jo-nu ki bot jo mukene ducu. ¹⁴Gibilego Lubana piwu bene kun cwinygi paro piwu, pi kica pa Lubana madit ma okato kare ma don onen i komwu. ¹⁵Gipwo Lubana pi motte maber ma pe wacce.

10 ¹An Paulo akok botwu kun abako dogo, an ma giwaco ni amwol dok awor bene ka atye kacel kwedwu, ento abedo ger ka atye woko cen. ²Alegowu i lok man pi mwolo dok pi kica pa Kricito. ³Alegowu ni ka abino botwu, pe wumiya abed ki kit gero ki tekwin ma ageno ni atwero bedo kwede i kom jo mogo ma gitamo ni wan walubo kit me lobo man. ⁴adane wan wabedo i lobo, ento pe watye ka lweny ki jami lweny me lobo. ⁵Jami lweny ma watiyo kwedgi me lwenywa pe obedo jami lweny me lobo man, ento gubedo jami lweny me tek pa Lubanja, ma turo cel gogo pa lumerokwa woko. ⁶Waturu kwede tam ma pe atir, ki kit wakke ducu ma tinje me pyem, ma genjo dano miyo pe ginjeyo Lubanja, kun wamako tam acel acel macalo opii, waketo i te loc pa Kricito. ⁷Dok bene wayubbe me keto can i kom dano ducu ma gipe ki winy, ka onono wun don wutyeko mine kenwu i te locwa. ⁸Wunen gin ma tye i nyimwu. Ka ce dano mo genne kekene ni en dano pa Kricito, kon myero otam bene ni, macalo en dano pa Kricito, wan bene watye kit meno. ⁹Pien kadi bed anyatte matek twatwal pi twero ma Rwot omiyo botwa, lewic pe bimaka; twero meno en omiyo botwa me konyowu, pi donowu, ento pe me dwokowu cen. ¹⁰Pe amito anen botwu macalo nat ma tye ka burowu ki waraga ma acoyogu. ¹¹Pien dano gitye ka waco ni waragana pek dok gwa, ento ka ao botwu koma nen goro, dok bene gin mo pe i lokka ma aloko botwu. ¹²Jo macalo meno myero gunian ni, pe tye apokapoka mo i lok ma wacoyo i waragawa ka watye cen ka mabor, ki gin ma wabitimo ka watye kacel kwedwu. ¹³Pe watinje me kette kenwa i rwom acel ki dano mogo ma i kin jo ma gimaro korre kengi, nyo me porre kenwa kwedgi. Kit ma gitye ka pimme kwede i kingi kekengi, dok bene giporre kengi ki gin me porregi ma ginono i kingi kengi, kit jo macalo meno gin lumin. ¹⁴Ento wan giwa pe wabinyatte makato kare; wabigik mewa ka ma yam Lubanja opoko botwa, ma wun bene wutyete iye. ¹⁵Wan pe wamedo ka gikwa, calo pe gipoko botwa me o botwu, pien wan aye ma yam wakwono bino botwu me tito lok me kwena maber i kom Kricito. ¹⁶Pe wanyatte ma okato kare i kom tic ma jo mukene aye guyelle iye; ento watye ki gen ni ka niyewu don omedde, ticwa bene bimedde matek i kinwu, kun lubo ka ma yam gityeko poko botwa. ¹⁷Man bimiyo watito lok me kwena maber i lobo ma tye yo tun i newu kuca, kun pe wanyatte pi tic ma jo mukene gutiyo i ka tic pa nat mukene. ¹⁸“nat ma nyatte myero onyatte pi Rwot,” macalo yam gicoyo. ¹⁹Pien pe nat ma pakke kekene en aye ma Lubanja pwoyo, ento dano ma Rwot dworo.

¹Kono wudiyo cwinywu manok mo i koma i miɲona-ni. Koŋ wudi cwinywu ba! ²Nyeko omaka piwu ki lakodi nyeko ma Luban̄a tye kwede bene-ni; pien wucal ki nyako ma ayubo me nyomme ki laco acel, kun ageno ni abitere bot cware, en aye Kricito, kun en nyako malen̄ ma pud pe laco mo obedo kwede. ³Ento atye ki lwoɾo ni, kit macalo twol yam obwolo Kawa ki ryekone, wun bene dano bibalo tamwu woko, ma miyo pe doŋ wubimaro Kricito ki cwinywu ducu ki mar malen̄. ⁴Pien ɲat mo ma obino botwu, ka cako tito botwu pi Yecu mukene mapat ki maca ma watito pire botwu-ni, nyo omiyowu cwiny mapat ma yam pe wutye kwede, nyo otito lok me kwena mo mapat ma yam pe wugamo, meno wudiyo cwinywu iye maber twatwal. ⁵Ki i tamma, aneno ni lukwena madoŋo ma gukato kare ca pe gikata kadi ki acel. ⁶Gwok nyo pe aryek i lok, ento aryek i ɲec mada. Meno yam doŋ wanyuto botwu ka malen̄, i yo ducu ki i kare ducu. ⁷Yam atimo bal ka mwolle kena wek aket dit i komwu, kun atito botwu lok me kwena maber mua ki bot Luban̄a nono, laboŋo gamo cul mo? ⁸Gitwero waco ni yam ayako lwak pa Kricito ka mukene piwu, pien ceŋ agamo lim ki botgi pi ticca botwu. ⁹Dok bene i kare ma onoŋo atye botwu, ka can jami mo omaka, pe ayelo ɲat mo i kinwu, pien utmego ma gua ki i Makedonia gukelo gin ducu ma mitte pira. Onoŋo abedo ma agwokke, dok bene abigwokke, wek pe amiwu peko mo. ¹⁰Doŋ awaco botwu ni, macalo ada pa Kricito tye i cwinya, pe gibigeŋo nyattena i lok man i lobo Akaya ducu. ¹¹Piŋo? Pien ni pe amarowu? Luban̄a ɲeyo ni amarowu. ¹²Gin ma atiyo abimedde ki tiyone, wek pe ami jo ca gunoŋ kare ma gimito wek gimi onen ni gin girom aroma kwedwa i tic ma ginyatte iye-nu. ¹³Pien jo-nu pe gin lukwena kikome, gin lutic ma gibwolo dano, ma gilokke woko ginen calo lukwena pa Kricito. ¹⁴ɲat mo myero pe obed ki ur i lok man, pien kadi Catan kikome bene lokke nen macalo lamalaika ma menyo piny. ¹⁵Man pe doŋ gin ma pire dit twatwal ka ce lutic pa Catan gilokke ginen calo lutic ma tiyo gin ma atir; agikkigi bibedo rom ki gin ma gutiyo. ¹⁶Koŋ doki awac ni, ɲat mo pe opar ni an lamiŋ; ka ce onoŋo wutamo kit meno, ci doŋ wujola macalo dano mamiŋ, wek omiya bene anyatte manoknok. ¹⁷(Gin ma atye ka wacone botwuni pe gin ma Rwot omiya ni awac botwu; aloko calo dano mamiŋ ki gen man ma atye kwede me nyatte. ¹⁸Macalo jo mapol ginyatte pi gin me lobo i kit me dano, an bene abinyatte). ¹⁹Pien wudiyo cwinywu ki yomcwiny i kom jo ma lumiŋ, kun wun jo maryek. ²⁰Wudiyo cwinywu kadi ka ɲat mo lokowu me doko opiine, nyo camo limwu, nyo buyowu, nyo um i komwu nyo kadi doŋo lemwu. ²¹Lewic omaka omiyo aye ni wan yam pe wabedo tek i yo meno! Ento gin mo keken ma dano okette me nyatte pire, an bene akette woko me nyatte kit meno, ma onoŋo pud aloko macalo lamiŋ. ²²Gin mono jo lbru? An bene. Gin jo Icrail? An bene. Gin mono likwayo Abraim? An bene. ²³Gin lutic pa Kricito? An gira aloko calo dano ma lapoya, awacci, akatogi woko. Atiyo tic aloyogi, ari i mabuc akatogi, gigoya ma wel odoone pe kwanne, abwot ki i lak to tyen mapol. ²⁴Lujudaya gugoya tyen abic ki del pyeradek wiye aboŋwen. ²⁵Gigoya ki odoo tyen adek, gicela bene ki got kicel, mel otur woko kweda tyen adek; abuto ari i nam matutu dyecen̄ ki dyewor benebene tyen acel. ²⁶Ari i wot mapol ma can bene opoto i koma, can mua ki i lwak kulu mupoŋ ki pii, can mua bot luyak, can mua bot lutuwa, can ma lurok guketo i koma, can ma nen i gaŋ, can ma nen i tim, can ma poto i nam, ki can ma a ki bot utmego ma gin lugoba. ²⁷Acanne twatwal i tic matek; tyen mapol pe anino dyewor. Ari kec ki orwo pii; tyen mapol abedo laboŋo cam mo ma romma, dok abedo i piny man̄ic laboŋo ginaruka. ²⁸Medo i kom gin jami mukene-gu ducu, tye gin acel ma kelo peko bota kare ki kare, en aye par ma atye kwede pi jo muye Kricito i kabedo mapatpat ducu. ²⁹Tye ɲat mo ma goro ma kun an pe agoro? Tye ɲat mo ma gimio opoto i bal ma cwinya pe owan̄ pire? ³⁰Ka ce onoŋo myero anyatte, abinyatte pi gin ma nyuto gorona. ³¹Luban̄a Won Rwotwa Yecu Kricito, ma gipwoyo nakanaka, en ɲeyo ni pe aloko goba. ³²I kare ma onoŋo atye i Damaciko, laloc mo me dul lobo ma tye i te loc pa kabaka Areta obedo ka kiyo gaŋ meno ni wek emaka, ³³ento gicwala woko ki aduku madit kun gimio akato ki i wan̄ dirica ma i kom cel, ci omiyo abwot woko ki i ciŋe.

12

¹Myero anyatte; kadi bed pe konyo gin mo, abilok i kom gin ma aneno i wan lek ki gin ma Rwot onyuto bota.

²Aneyo dano mo i kin jo pa Kricito ma yam gitijo gitero woko malo wa i polo me adekke, kombeddi don okato mwaka apar wiye anwen kulu. (Ka kono Lubanja otijo kome, kono nyo omiye oleko aleka, an gira pe aneyo, ento Lubanja nayo). ³Aneyo ni dano meno yam gitije malo gitere wa i Paradic. (Ka ce Lubanja otijo kome, gwok nyo omiye oleko aleka, pe aneyo, ento Lubanja nayo). ⁴Yam owinyo lok mogo ma pe myero lokke ka malen, ma pe giye ni dano mo otuci. ⁵Kit lok pa dano macalo meno aye bimiyo anyatte, ento pira kena pe abinyatte, ento kono pi gorona aye keken. ⁶Kadi bed onono nen calo amito nyatte, pe abibedo lamiñ pien nono aloko lok ada. Ento pe abinyatte, wek dano mo pe obed ki par i koma makato gin ma en oneno i koma, nyo lok ma en owinyo awinya ki bota. ⁷Me gwoka wek pe alyerre kena ma okato kare pi lwak jami mapol ma yam Lubanja onyuto bota, yam girwako okuto i koma, ma onono en pud lwakena pa Catan wek oket can i koma, wek pe akette malo kekena ma okato kare. ⁸Yam alego Rwot pi man tyen adek ni jami macalo meno oa woko ki i koma. ⁹Cutcut en ogamo ni, “Kicana tye ma rommi, pien tekona bedo tek twatwal ka ma goro tye iye.” En meno gin mumiyo anyatte ki yomcwiny madit twatwal pi gorona, wek tek pa Kricito obed i koma. ¹⁰Pi Kricito omiyo cwiny yom pi goro mapatpat ma atye kwede, ki pi yet, ki pi can, ki pi peko mogo ma giuna kwede, ki peko ma diya matek; pien ka ma agoro iye, kenyo en aye ka ma atek iye. ¹¹Onono abedo lamiñ! Wun aye mucora iye, pien onono myero wun aye wudwora. Lukwena madito mukato kare ca pe gikata kadi ki acel, kadi bed an pe a gin mo. ¹²Gin ducu ma nyuto ni an lakwena kikome yam otimme i kinwu ki diyo cwiny madit, lanyut mogo, tajo ki tic me aura madito. ¹³Jo ma yam oremowu makato lwak muye Kricito i kabedo mukene ducu? Gwok nyo man keken ni an yam pe abedo ka nurowu ki peko? Wutimma ber, ka ce onono abalo pi koyowu woko kit meno! ¹⁴Man don tyen me adek ma ayubbe me bino kwede botwu, ento don pe abimiyo peko nurowu. Pien an pe amito jamiwu, ento amito wun kikomwu. Pe litino aye ma myero gukan jami me mono pi lunyodogi, ento lunyodo aye myero gukan jami pi litinogi. ¹⁵Abibedo ki yomcwiny madit me miyo jami ducu ma atye kwede, kadi wa tek koma ducu, pi konyo kwo me tipowu. Wubimara manoknok ni, pien amarowu matek? ¹⁶Wubiloko ni, “Meno ber, en kikome pe onurowu ki peko, ento en ladwala, yam omakowa woko cutcut ki lok goba.” ¹⁷Tye nat mo i kin jo ma nene acwalogi botwu-ni, ma obuyo gin mo ki botwu pira? ¹⁸Onono alego Tito ni myero ociti, ka dok aoro ominwa mukene me wot kacel kwede. Tito obuyowu? Yam pe watiyo tic ki kit cwiny acel? Onono pe walubo yo acel keken? ¹⁹Wun wutamo ni watye ka pido piwa kenwa kare man ducu i nyimwu? Pe kumeno; wan watye ka lok i nyim Lubanja, macalo jo pa Kricito. Dok bene, wun ma amaro, aloko me konyowu wek wudon wudok jo muteggi. ²⁰Pien alworu ni ka ao kunnu, gwok nyo abinono wupat ki kit ma amito wubed kwede, dok wun bene gwok nyo wubinono apat ki kit ma wumito abed kwede. Gwok nyo abinono wutye ki daa, nyeko, kiniga malyet, laro dito, yet, lok kwot, lok me bwolo ki anyobanyoba. ²¹Alworu bene ni ka adwogo botwu i anyim, Lubanjana bimiyo lewic maka woko i nyimwu; ci bimiyo akok pi jo mapol i kin dano ma yam gutimo bal, ka don gukwero nat woko i kom tingi me caro, me abor ki me kwele.

13¹Man don tyen me adek ma abio kwede botwu. Caden ma romo ayo nyo adek aye myero gumok lok ducu ma gikelo me alara, macalo yam gicoyo.²Lok man yam atito botwu con i kare ma atye i wotta me ayo, dok anwoyo wacone kombetti ma don atye cen, bot jo ma yam gubalo, ki bot jo mukene ducu, ni meno, ka dok adwogo botwu pe abitimo kica ki nat mo.³Pien wubimito neno gin ma moko ni Kricito aye ma tye ka lok i dogo. En pe goro ki botwu, ento nyuto tekke i iwu.⁴Yam gigure i kom yatariya pi gorone, ento kombetti en kwo pi tek pa Lubana. Kadi wan bene wago i en, ento i bedowa kwedwu wabibedo kacel kwede pi tek pa Lubana.⁵Kon wujine kekenwu, wek wunen ka ce wucur matek i niyewu. Wutemme kekenwu. Pe wunian ni Yecu Kricito tye i iwu, tekke ka wubedo dano ma Lubana pwoyo?⁶Ageno ni wubinian maber ni wan mere pe wabedo jo ma pe gipwoyogi.⁷Walego Lubana piwu ni pe wutim gin mo marac, pe me nyuto ni wan jo ma Lubana pwoyo, ento wamito ni wun wutim gin maber, kadi bed wanen calo jo ma en pe opwoyo.⁸Pien wan pe watwero tiyo gin mo ma pe rwatte ki lok ada, ento watwero tiyo gin ma rwatte ki gin ma tye ada keken.⁹Cwinywa yom ka wago ma nonjo wun wutek, dok walego piwu ni wudok jo muteggi.¹⁰Gin mumiyo acoyo lok ma pud atye ka mabor kwedwu, wek pe abed ger i komwu ka abino, kun atiyi ki twero ma yam Rwot omiya wek akonywu me donjo, ento pe me dwokowu cen.¹¹Me agikkine, utmegina, don wubedi. Wuyub kitwu don obed maber, dok bene myero wuwiny kokona pi gin ma alegowu pire. Wubed ki cwiny acel, wubed bene ki kuc, ci Lubana ma won mar ki kuc bibedo kwedwu.¹²Wumotte kekenwu ki mot me mar.¹³Lwak pa Lubana ducu gumotowu.¹⁴Kica pa Rwotwa Yecu Kricito, ki mar pa Lubana, ki ribbe ma Cwiny Malen kelo obed kwedwu ducu.

Jo galatia

1

¹Waraga man oa ki bot Paulo ma en lakwena. Pe dano mogo aye ma cen guore, or ma mere me bedo lakwena pe yam owok ki bot dano mo, ento oa ki bot Yecu Kricito ki bot Lubana Won ma cen ocere woko ki i kin jo muto.²Utmegiwa ducu ma gitye kacel kweda kany bene gumotowu. Bot jo ducu ma guye Kricito ma gibedo i Galatia:³Lubana Wonwa ki Rwotwa Yecu Kricito omiwa kica kacel ki kuc,⁴en Kricito ma yam omine kene pi balwa wek elarwa woko ki i gin marac me kare man, kun lubo gin ma Lubana Wonwa mito.⁵Deyo obed bote nakanaka. Amen.⁶An auro kit ma wulokke kwede oyot, kun wubwoto nat ma cen olwonowu i kica pa Kricito, dok wulokke woko wutye ka lubo lok me kwena maber mo mukene.⁷Lok me kwena maber mo mukene gire pe, ento tye jo mogo ma balo cwinywu woko, kun gimito gilok lok me kwena maber pa Kricito odok gin mapat.⁸Ento kadi bed wan, nyo lamalaika mo mua ki i polo, otittiwu lok me kwena maber mapat ki lok ma nene watito botwu-ni myero gicen woko.⁹Kit macalo nene watito botwu, pud dok atittiwu aye ni, ka ce tye natti mo ma dok tye ka tittiwu lok me kwena maber ma pokke woko ki ma yam don wuye-ni, myero gicen woko.¹⁰Kombetti atye ka yenyo cwak pa dano, nyo pa Lubana? Gwok nyo atye ka temme me yomo cwiny dano ba? Ka ce nene abedo ka yomo cwiny dano, onono myero pe abed latic pa Kricito.¹¹Utmega, amito wuje lok man, ni, lok me kwena maber ma cen atito botwu-ni pe obedo gin pa dano.¹²Pe yam agamo lok man me kwena maber ki bot dano mo, dok bene pe gipwonya kwede apwonya, ento anono ki bot Yecu Kricito ma cen onyutte bota-ni.¹³Wutyeko don winyo lok i kom kwona macon i kare ma onono pud alubo dini pa Lujudaya, kit ma abedo ka libo kwede jo muye Lubana, kun atimo bwami i komgi, dok atemme mada me nekogi woko liwen.¹⁴I dini pa Lujudaya an aye ma onono aloyo jo mapol ma gin yalwakka ma gin jo me rokka, kun aketo cwiny adada me lubo kit me tekwaro pa kwarowa.¹⁵Ento Lubana yam oyera wa con, oketa woko pat ma onono pud peya ginywala, ka dok olwona gire pi kicane.¹⁶Cwinye obedo yom me nyutta Wode, wek acit atit pire bot Lurok. I kare ma lok man otimme, pe aa acito bot dano mo ni omiya tam,¹⁷dok bene pe aa acito i Jerucalem bot jo mukwono bedo lukwena kweda, ento acito gira cen wa i Arabia, ka aa ki kunnu dok adwogo cen i Damaciko.¹⁸I ne mwaka adek acito i Jerucalem ka limo Kepa ci abedo kunnu pi nino apar wiye abic.¹⁹Ento i kin lukwena aneno Yakobo omin Rwot keken.²⁰Me ada kadi wa i nyim Lubana, lok ducu ma acoyo botwu i waraga man goba pe iye.²¹Ka dok acito i lobo Ciria ki Cilicia,²²kun onono lwaka dano mapol ma guye Kricito ma gitye i kabedo ducu i Judaya peya ginjaya dok peya guneno koma.²³Onono guwinyo lok i koma keken ma gitittigi ni, "Nat ma yam obedo ka yelowa-ni, kombetti tye ka tito lok i kom niye man ma yam konj otemo tyekone wokoni."²⁴Omiyo gupako Lubana pira.

¹Lacen i ɲe mwaka apar wiye aɲwen dok acito i Jerucalem aye kacel ki Barnaba, dok bene atero Tito me wot kacel kweda. ²Gin mumiyo acito kunnu, pien Lubaɲa onono onyutta ni myero aciti. Ka ao kunnu, ci aketo lok me kwena maber ma abedo ka titone bot Lurok-ki i nyimɲi, i muɲ bot jo ma ɲene, wek ticca ma atiyɔ, nyo ma doɲ atyeko tiyone con, pe obed me nono. ³Ento Tito ma onywako wot kweda, kadi bed onono en Lagrik, pe gibedo ka diye ni myero gilire. ⁴Kadi bed onono tye jo mogo ma gikelogi i kinwa ma pe gin utmego kikome, magi gin jo ma gubino ka roto kit kuc ma watye kwede i Kricito Yecu, ka wek gilokwa wadok opii. ⁵Ento kare mo obedo pe ma waye ni gulowa, wek wagwok lok ada me kwena maber piwu. ⁶Ki tuɲ bota pe onono aparɔ pi jo ma giɲene ni gin ludito, pien Lubaɲa gire pe leɲɲe tuɲ bot ɲat mo pi kit ma en tye kwede. Gin jo ma ɲenenu pe gumedda gin mo. ⁷Ento guniaɲ ni Lubaɲa doɲ omiya tic me tito lok me kwena maber bot Lurok, ma rom ki kit macalo yam gimiyɔ ki Petero tic me tito lok me kwena maber bot Lujudaya; ⁸pien ɲat mutiyɔ kacel ki Petero tic me tito lok me kwena maber bot Lujudaya, obedo ka tic i koma bene bot Lurok. ⁹Yakobo ki Kepa ki Jon ma yam giɲeyogi ni gubedo lutel, ka doɲ guniaɲ pi kica ma Lubaɲa omiya ci gugamo an ki Barnaba macalo lutic wadigi, kun gipoko tic ni wan myero wacit bot Lurok ki gin gubecito bot Lujudaya. ¹⁰Gin gulegowa lok acel keken ni myero wapo pi lucan, ma man aye onono gin ma aketo cwinya ni myero atim. ¹¹I kare ma Kepa obino i Antiokia ajuke woko atyer ka malenɲ pien onono otimo gin ma pe ber. ¹²Pien i kare ma jo mogo ma gua ki bot Yakobo peya gubino, onono Kepa nywako cam kacel ki Lurok; ento ka gubino ci Kepa ojer onyiko woko cen, opokke woko ki botgi pi lworɔ dul pa jo ma mito ni jo muye Kricito myero koɲ gilirgi. ¹³Lujudaya mukene gucako lubo kit pa Kepa me goba, kadi ki Barnaba bene ocako ɲak woko kun lubo kitgi ma pe nyuto cwiny me ada. ¹⁴Ento i kare ma aneno ni guweko ada me lok me kwena maber woko ma onono tamgi tye ka wot atata, ci awaco bot Petero i nyimɲi ducu ni, “Ka in ma Lujudaya-ni ilubo kit pa Lurok, ma pe ibedo calo Lajudaya, ci itwero diyo Lurok niɲniɲ me lubo kit pa Lujudaya?” ¹⁵Wan kikomwa wan Lujudaya nia wa i anywalli, pe wan Lurok, jo ma lubalo-gu. ¹⁶Ento wanɲeyo ni dano pe gikwano ni kite atir pien tiyo gin ma cik mito, kono pi ye Yecu Kricito keken. Kadi wa wan Lujudaya bene watyeko ye Yecu Kricito wek gikwanwa ni kitwa tir pi ye Kricito, ento pe pi tiyo gin ma cik mito; pien pe gibikwano dano mo ni kite atir pien tiyo gin ma cik mito. ¹⁷Ento kombeddi, ma watye ka yelle wamito gikwanwa ni kitwa atir pi Kricito, ka wan kikomwa dok ginono ni wan lubalo, ci Kricito mono obedo lakwena me tic pi bal? Adadaneni pe kumeno! ¹⁸Ka dok agero gedo ma yam amuko areto woko piny-nyi odoco, ci an kara labal marac. ¹⁹Pien pi temo tiyo gin ma cik mito omiyo yam ato pi cik, wek abed kwo tuɲ bot Lubaɲa. ²⁰Yam gigura i kom yatariya kacel ki Kricito; pe dok an ma akwo-ni, ento Kricito aye ma bedo kwo i iya. Kwo ma kombeddi atye kwede i komani, abedo kwo pi ye Wod pa Lubaɲa, ma ceɲ omara ka omine gire pire kene pira. ²¹An gira pe abolo kica pa Lubaɲa; pien ka gikwano dano ni kitgi atir pi cik, ci Kricito yam oto nono labono tyen lok mo.

¹Wun jo Galatia kara wumiŋ kuman! Aŋa murogowu, wun jo ma ceŋ ginyuto botwu atyer kit ma giguro kwede Yecu i kom yatariya macalo wuneno ki waŋwu? ²Koŋ apenywu ki peny man keken: wun mono yam wulimo Cwiny Maleŋ pi lubo cik, kono nyo pi ye lok me kwena maber ma wuwinyo gitito botwu-ni? ³Wun kara wubedo miŋ kuman! Wucako lubo kit me Cwiny, ci kombeddi doŋ wumito wugik ki tekkomwu? ⁴Gin jami mapol madoŋo macalo meno otimme botwu nono? I adane onoŋo otimme ki tyen lok! ⁵En Lubaŋa ma omiyowu Cwiny Maleŋ-ŋi, dok otiyo bene taŋo mapol i kinwu, en tiyo man pien ni wulubo cik, kono nyo pi ye lok ma wuwinyo ma gitito botwu? ⁶Kit ma meno bene yam gicoyo lok i kom Abraim ni, “En oye Lubaŋa, omiyo gikwane ni en dano ma kite atir.” ⁷Myero wuŋe ni jo ma tye ki niye, gin aye likwayo pa Abraim kikome. ⁸Luco ginacoya yam con onoŋo doŋ guŋeyo woko ni, Lubaŋa bikwano Lurok ni gin jo ma kitgi atir pi niye. Lubaŋa yam otito lok me kwena maber con bot Abraim kun wacce ni, “Rok ducu bilimo gum piri.” ⁹Pi meno, jo ma tye ki niye gibinoŋo gum kacel ki Abraim mubedo ki niye. ¹⁰Jo ducu ma guŋeŋe i kom tic me lubo cik doŋ gicenogi woko; pien yam gicoyo ni, “Cen opot i kom jo ducu ma pe gilubo gin ducu ma gicoyo i buk me cik, kun gicobo bene ticce kakare.” ¹¹Kombeddi lok doŋ oŋene woko ni, pe gikwano dano mo ni kite atir i nyim Lubaŋa pi tiyo gin ma cik mito; pien gicoyo ni, “ŋat ma kite atir pi niye bibedo kwo.” ¹²Ento cik pe ocuŋ i kom niye, pien gicoyo ni, “ŋat ma tiyo kun lubo gin ma cik mito bikwo pire.” ¹³Kricito aye ma nene okokowa ki i cen ma opoto i komwa pien pe walubo cik; en obino ci olokke odoko dano ma giceno ma ka-kawa. Pien yam gicoyo ni, “Cen opoto i kom dano ma giŋabo malo i wi yat.” ¹⁴Lok man otimme wek gum ma Lubaŋa ceŋ omiyo ki Abraim Lurok bene guŋoŋ pi Yecu Kricito, ka wek wan bene walim Cwiny Maleŋ ma yam giciko pire-ni pi niye. ¹⁵Utmega, koŋ anyut labol me lok i kom dano. Ka jo aryo gucikke i gin mo-ni, ma gumoko gicikkegi, ŋat mo pe dok twero lokone, dok bene pe twero medo gin mo i gicikke meno. ¹⁶Lubaŋa yam ocikke gin ki Abraim ki bot lakware bene. Ento yam ginacoya pe owacci, “Ki bot likwayu,” ma nyuto ni gipol, ento owacci, “Ki bot lakwaru,” ma nyuto dano acel keken, ma en aye Kricito. ¹⁷Gin ma myero aloki tye kit man ni, cik ma doŋ obino lacer i ŋe mwaka miya aŋwen ki pyeradeŋ pe doŋ romo turo gicikke ma con Lubaŋa otyeko mokone woko-ni, dok bene pe bimiyo gin ma ociko lal nono. ¹⁸Ka ce leyo jami ma gimio ki Abraim obedo pi cik, meno noŋo pe lubo kit cikke mo. Ento Lubaŋa yam omiyo bot Abraim i gicikke macalo mot. ¹⁹Cik dok mitte piŋo? Cik yam gimedo ni wek turo cik onen woko ka maleŋ, nio waŋ ma lakwaro Abraim ma giketo cikke pire-ni obino. Lumalaika aye ma ceŋ gukelo cik, ci gumio i ciŋ ŋat ma larib dano kacel. ²⁰Ento larib dano pe mitte pi ŋat acel keken, ento Lubaŋa aye tye acel. Gin mumiyo giketo cik? ²¹Cik doŋ tye ka pyem ki gicikke pa Lubaŋa? Pe kit meno gire, pien ka nene gimio cik ma twero miyo kwo, kono kwano dano ni kite atir obedo pi lubo cik. ²²Ento coc ma yam gicoyo otweyo dano ducu macalo lumabuc i te twero me bal, wek cikke ma nene giciko pi ye Yecu Kricito gimio bot jo muye en. ²³I kare ma niye peya obino, cik aye munono gwokowa, kun otweyowa woko macalo mabuc, nio waŋ ma ginyuttiwa niye. ²⁴Kit meno cik aye obedo lagwokwa ma myero olowa nio ka Kricito obino, ka doŋ gicako kwanowa ni kitwa atir pi niye. ²⁵Kit ma doŋ niye tye-ni, pe dok wabedo i te twero pa lagwokwa; ²⁶pien wun ducu doŋ wudoko litino pa Lubaŋa pi niye Yecu Kricito. ²⁷Wun jo ducu ma doŋ gityeko batijawu i nyiŋ Kricito, doŋ wuruko Kricito macalo wuruko boŋowu. ²⁸Apokapoka mo doŋ pe i kin Lajudaya ki dano me Grik, i kin opii ki ŋat ma lone kene, kadi i kin laco ki dako, pien wun ducu doŋ wurom i Kricito Yecu. ²⁹Ka wun doŋ wulwak pa Kricito, ci doŋ wun likwayo pa Abraim; dok pi cikke pa Lubaŋa, wun lule gin ma yam en ociko bot Abraim.

¹Awaco kit man ni, laleyo ka pud latin bedo rom ki opii, kadi bed en won jami ducu. ²En konj bedo i te loc pa jo ma gwoke ki jo ma gwoko jamine, nio ka kare ma wonne ociko oromo. ³Wan bene watye kit meno; i kare ma wan pud litino, yam wabedo opii pa jogi ma gitye ka loc i wi lobo-ni. ⁴Ento ka kare kikome ma giciko-ni donj oromo, ci Lubanja ocwalo Wode ma dako onywalo, kun ginywalo i te cik, ⁵wek okok jo ma yam tye i te loc me cik, ka wek wan bene gilokwa wadok litino me paco. ⁶Kit macalo wun donj litino me paco, en aye mumiyo Lubanja ocwalo Cwiny Wode i iwa, ma kok ni, “Abba! Wora!” ⁷Kit meno, pi tic pa Lubanja omiyo in donj pe opii, ento latin me paco; ka donj in latin paco, man nyuto ni in donj lale jami. ⁸I kare macon ma onono peya wuneyo Lubanja, wubedo opii pa gin mogo atata ma i adane pe gin lubanja wacel. ⁹Ento kombeddi donj wuneyo Lubanja, nyo konj awacci, Lubanja donj nheyowu; ci dok wutwero dok cen niñnin bot jogi macon ma gigoro, ma piny bene oloyogi woko-ni? Piño dok wumito bedo opiigi pi tyen me aryo? ¹⁰Wuketo cwinywu me gwoko nino, ki dwe, ki kare mapatpat, ki mwaka-gu! ¹¹Abedo ki lworu matek, pien ticca ma ayelle kwede botwu, kara aneko iye koma nono. ¹²Utmega, alegowu ni wubed calo an, pien an bene donj adoko calo wun. Wun giwu yam pe wutimo gin mo marac i koma. ¹³Wuneyo ni, pi lit koma omiyo atittiwu lok me kwena maber pi tyen mukwoño. ¹⁴Yam pe wunala dok pe wucaya, kadi lit koma okelo botwu aoma cwiny, ento wujola maber calo wujolo lamalaika pa Lubanja, dok calo wujolo Kricito Yecu kikome. ¹⁵Gin anjo dok munolle i yomcwiny ma onono wubedo kwede-ni? An cadenwu ma aloko ni, ka ce nene twerre, kono wukolo wanwu woko ci wumiyogi bota. ¹⁶An alokke adoko lamerokwu pi tito botwu lok me ada? ¹⁷Jo mukene ca gibwolo wanwu nono, tamgi rac. Gimito cego wiwu woko, wek wucak dworogi. ¹⁸Dworre pi gin maber, ber kare ducu, pe ka an atye botwu keken. ¹⁹Litinona, pud dok atye ka ciro arem kwedwu macalo dako ciro arem i kare me nywal, nio ka kit pa Kricito ocwene i iwu. ²⁰Onono amito ni kono abino abedo kwedwu kombeddi, ka wek anian kit gin ma myero alok botwu ki kunnu, pien tamma i komwu donj ocun woko ata. ²¹Wun jo ma wumito ni cik olowu, wun pe wuwinyo cik? Konj donj wutitta mono. ²²A Pien yam gicoyo ni, Abraim onono tye ki awoke aryo, acel obedo wod pa aneca, ki acel obedo wod pa dakone kikome. ²³Ento wod pa anecani yam ginywalo i kit me kom, ki latin pa dako kikome-ni ginywalo pi cikke ma yam Lubanja ociko. ²⁴Man ma awaco-ni obedo carolok: Mon aryo magi nyuto gicikke aryo bene. nat acel oa ki i wi got Cinai, litino ma en onywalo gubedo opii; dako meno en aye Agar. ²⁵Kombeddi Agar nyuto got Cinai, ma tye i Arabia; rom ki Jerucalem me kare-ni, pien en tye i opii kacel ki litinone. ²⁶Ento Jerucalem ma tye i polo lone kene, en aye obedo minwa. ²⁷Pien yam gicoyo ni, “Bed ki yomcwiny, in dako ma lalur ma yam pe inywalo latin mo-ni, mwoc ki wer kun idanñe matek, in dako ma pud peya yam arem ogoyi! Pien litino pa dako ma gitenyo pol, kato litino pa dako ma bedo gin ki cware kacel.” ²⁸Utmega, wan wacal ki Icaka, wan litino me cikke pa Lubanja. ²⁹Ento macalo i kare ca onono latin ma ginywalo i kit me kom obedo ka uno latin ma ginywalo pi Cwiny pa Lubanja, i kare-ni bene tye kit meno. ³⁰Ento ginacoya kono wacci no? Wacci, “Ryem aneca-ni woko gin ki wode, pien wod pa aneca pe bileyo jami kacel gin ki wod pa dako kikome.” ³¹Kit meno, utmega, wan pe litino pa aneca, ento wan litino pa dako kikome.

¹Kricito donj otyeko gonyowa woko ki i pii wek wabed jo me kuc ma walone kenwa. Wacuj donj matek; pe dok wuye rwako tyenwu i okol me opii. ²Wuwiny ba, an Paulo kombeddi awacciwu ni, ka gilirowu, ci kony pa Kricito donj pe botwu. ³Anwoyo lokka doki bot dano acel acel ma giliro ni, en donj tye ki banya me lubo cik ducu. ⁴Wun jo ma wumito ni gikwanwu ni kitwu atir pi lubo cik, wun donj wupokke woko kenwu ki bot Kricito; donj wunyiko woko cen, wubwoto kica pa Lubanja. ⁵Watye ki gen madwonj pi Cwiny Malen me nonjo kit ma atir ma gimio pi niye. ⁶Pien i Kricito lirre nyo bedo ma pe giliro ducu konygi pe; niye keken aye konyo, ma ticce aye mar. ⁷Ononjo nene wucako riyo njwec maber; anja mono ma dok ogenowu i lubo lok me ada? ⁸Bito dano macalo man pe oa ki bot nat ma cen olwonowuni. ⁹Ka gitedo mugati, tobi matidi mo keken aye yenyo moko woko ducu. ¹⁰Atye ki gen i Rwot ni, tamwu pe bipokke ki mera; ento nat mo-ni ma tye ka balo cwinywu woko-ni, kadi bed en anja, Lubanja binjolle kop. ¹¹Utmega, piyo dok pud giuna, ka an kikoma aye atito ni lirre ber? Ka nene atito lok kumeno, kono pe tye gin mo i lok i kom yatariya ma obedo macalo ajut ma yoko dano. ¹²Kono jo ma tye ka balo cwinywu-ni gumedde anyim, gukolle woko kekengi gigi! ¹³Utmega, yam gilwonowu me bedo ki kuc kun wulone kenwu; ento pe dok wulok kucwu odok me cobo mit ma ginywalowu kwede. Ma ka timo meno, myero dano acel acel omine me konyo luwote pi mar keken. ¹⁴Pien cik ducu giribogi woko i lok acel keken ni, "Mar lawoti macalo imarre keni." ¹⁵Ento ka wubedo ka kane kekenwu ki lakwu, kun wutimo dano wadiwu calo guci, myero wugwokke wek pe wutum woko kekenwu. ¹⁶Ento awacciwu ni, wuye Cwiny Malen pa Lubanja aye otelwu, wek pe wucob miti me kit pa dano. ¹⁷Pien miti me kit pa dano pyem ki miti pa Cwiny Malen, dok miti pa Cwiny Malen bene pyem ki miti me kit pa dano. Gin ayo-ni gimon, meno aye gin ma genowu tiyo gin ma wumito. ¹⁸Ento ka Cwiny Malen aye ma tye ka telowu, ci donj pe wubedo i te cik. ¹⁹Tic me kit pa dano ma nen woko ka malen gin en: tim kwele, caro, tarwan, ²⁰woro cal jogi, talo dano, mone, daa, nyeko, kiniga, laro dito, pyem, pokke, ²¹nek, mero ki konjo, cam me yomcwiny me minjo marac, ki mogo mukene macalo meno. Pud dok ajukowu matek, kit macalo nene konj ajukowu, ni, jo ma timo gin macalo magi, ker pa Lubanja pe bibedo meg. ²²Ento nyig ma nyak pi Cwiny Malen gin aye mar, yomcwiny, kuc, diyo cwiny, kica, ber, gen, ²³mwolo, gwokke ken; cik mo pe ma kwero gin macalo magi. ²⁴Dano ma gin jo pa Kricito Yecu donj gutyeko neko par ki miti me kit pa dano woko, ci guguro woko bene i kom yatariya. ²⁵Ka wabedo kwo pi Cwiny Malen, ci myero donj wawotu kun walubo en. ²⁶Pe myero wabed ka wakke awaka, pe wabutte ki tek i kom luwotwa, dok pe myero wabed ki nyeko i kinwa kenwa.

6 ¹Utmega, ka ce gimako dano ka timo bal mo, wun jo ma wutye ki Cwiny pa Lubanja wukonye wek odwog i yo ma atir, kun wubedo kwede ki cwiny me mwolo. Konj injine kekeni, wek in bene pe gibiti. ²Wutin peko pa luwotwu, meno aye bimiyo wucobo cik pa Kricito. ³Pien ka dano mo tamo ki i cwinye kene ni ene gin mo, kun i adane nonjo en pe gin mo, nonjo en bwolle abwola kene. ⁴Dano acel acel konj onj ticce kene ka ber, meno miyo tyen lok me wakkene bedo pi ticce kikome ma en otiyo, ma pe dok poro ki tic pa lawote. ⁵Pien dano acel acel tye ki yecce ma myero otin. ⁶Dano ma gitye ka pwonyo ki lok i kom Kricito myero onywak jami ducu mabeco ma etye kwede ki nat ma pwonye. ⁷Pe wuwek gibwolwu; Lubanja pe gituko kwede. Gin ma dano ocoyo, en aye bene en bikayo. ⁸Nat ma ocoyo kodi i poto me kit pa dano, gin ma en bikayo ki iye en aye to; ento nat ma coyo kodine i poto me Cwiny Malen, bikayo mere kwo ma pe tum pi Cwiny Malen. ⁹Pe myero waol ka tiyo gin maber, pien ka kare oromo, ka cwinywa pe odoko nyap, ci wabikayo kac. ¹⁰Donj kit macalo pud watye ki kare-ni, myero watiyu gin maber bot dano ducu, makato ducu myero watiyu bot utmegiwa ma guye Kricito. ¹¹Konj donj wunen kit nukuta madojo ma atye ka coyone ki cinja-ni. ¹²Jo ma tye ka diyowu ni myero wulirre-ni, gin aye jo ma mito ni gin maber ma gitiyo onen ki woko. Tamgi tye ni pe myero giungi pi yatariya pa Kricito. ¹³Kadi gin ma gilirogi-ni pe gimako cik, ento gimito ni gilirwu ka wek giwakke i gin ma gitimo i kom ki woko. ¹⁴Ento an pe amito awakke pi gin mo, kono pi yatariya pa Rwotwa Yecu Kricito keken, pien ki tunj bot lobo ducu donj giguro woko i kom yatariya, ki an kikoma bene donj gigura woko ki tunj bot lobo. ¹⁵Pien bedo ma gilirre nyo ma pe gilirre lok mo pe iye; ento gin ma pire dit twatwal en aye me bedo ginaketa manyen. ¹⁶Kuc ki kica obed i kom jo ma poro kwogi ki cik man, ki i kom jo pa Lubanja ducu. ¹⁷Cakke kombeddi pe amito nat mo oyela, pien atye ki poyo ma donj giketo i koma ma nyuto ni an opii pa Yecu. ¹⁸Kica pa Rwotwa Yecu Kricito obed kwedwu, utmega. Amen.

Jo epeco

1

¹Waraga man oa ki bot Paulo ma en lakwena pa Kricito Yecu pi mit pa Lubanja. Bot jo pa Lubanja ma tye i Epeco, ma gin aye jo ma genne i Kricito Yecu: ²Lubanja Wonwa ki Rwot Yecu Kricito omiwa kica ki kuc. Gum me cwiny ma gimioyo bot jo ma tye i Kricito. ³Myero gipwo Lubanja, Won Rwotwa Yecu Kricito, pien i Kricito donj omiyoa kit gum me cwiny ducu ma tye i polo. ⁴En oyerowa wa con i Kricito ma pud peya ocako keto lobo, wek wabed jo malen i nyime labono bal mo i komwa pi mar mere. ⁵Lubanja pi mitte kene onono donj oyubo con ni wan myero wadok litinone pi tic pa Yecu Kricito. ⁶En otimo man wek wapak motte me kica me deyo madit ma en omioyo ki wan pi Wode ma emaro. ⁷Pi remo me to pa Wode ma ocwer piwa, donj gikokowa woko, giweko balwa, kit macalo lonyo me kicane dwonj kwede, ⁸ma en omioyo botwa madit lawanacel, Pi ryekone ki pi nianje ducu. ⁹en donj omioyo wanjejo munj me mit mere, kun lubo yub maber ma cenj en oyubo me cobo i Kricito. ¹⁰Yub pa Lubanja ma en bicobo ka karene oromo, en aye me coko jami ducu ma tye i polo ki i wi lobo, ki ribogi woko kacel i Kricito. ¹¹Pien jami ducu tine kun lubo tam pa Lubanja ki mitte. En oyerowa i Kricito pi tamme, wek wan wabed jone, kun onono yam en donj oyubo woko con ni, ¹²wan Lujudaya ma wan aye jo mukwono bedo ki gen i kom Kricito, myero wami dano gupak deyo pa Lubanja. ¹³Oyero wun Lurok bene ma wutye i Kricito, ma yam wuwinyo lok ada, ma en aye lok me kwena maber me larrewu. Wun wuye en, en mumiyo gimiyowu Cwiny Malen ma con Lubanja ociko pire-ni, wek obed macalo lanen ma mere ma donj giketo i komwu. ¹⁴En aye gin ma gijenjo ma nyuto ni wabinono gin ducu ma Lubanja oyubbe me miyo botwa i kare ma Lubanja bikoko jone kikome, ma bimiyo dano gipako deyone matek. ¹⁵Pi lok man, cakke ma awinyo pi niyewu i kom Rwotwa Yecu, ki pi mar ma wumaro kwede jo pa Lubanja ducu, ¹⁶omiyo pe akenj pwoyo Lubanja piwu, kun alwono nyinwu bene i legana. ¹⁷Alego Lubanja pa Rwotwa Yecu Kricito, Lubanja Won deyo, wek omiwa cwiny me ryeko, dok bene onyutwu nec i kome kekene. ¹⁸Dok bene alego ni en omeny tamwu, wek wunianj i kom gen ma en olwono iye, ki i kom mot me lonyo ki deyo madwonj ma en miyo bot jone wek obed megii matwal. ¹⁹Alego bene wek wunianj i kit ma tekone madwonj twatwal ma pe pimmi-ni tye ka tic kwede i iwa, wan jo ma waye Yecu. Man rom aroma ki tic madit me twer ma en tye kwede, ²⁰ma cenj ocero kwede Kricito ki i kin jo muto, ka okete obedo i kabedo me deyo ka nete tunj acuc i polo. ²¹En donj tye malo, loyo kit loc ducu ki twero ki teko ki dito ducu ma tye i polo, ki nyinjo ma oywek i lobo me kare man ki i lobo me kare ma bibino-ni bene. ²²Lubanja donj oketo jami ducu i te twer pa Kricito wek olo, dok omiye bot lwak jo muye en wek en obed macalo wic, kun loyo jami ducu maber. ²³Lwak jo ma guye Yecu gin aye kom Kricito, ma miyo en oponj otum maber woko licwic, kun Kricito bene oponj i jami ducu ma i kabedo ducu.

² ¹kare mukato onono wubedo jo muto pi turo cik ki balwu. ²I kare ca onono wulubo yo maraco me lobo man, kun wuwinyo lok pa nat ma loyo twer mogo ma tye malo i dye yamo, ma en aye cwiny ma kombeddi tye ka tic i i jo ma dag winyo lok ma Lubana waco. ³Wan ducu yam warom ki jo meno i lubo miti ma ginywalowa kwedeni, kun wacobo miti me komwa ki gin ma watamo piwa kenwa; omiyo pi kit ma yam watye kwede, kiniga pa Lubana myero opot i komwa calo poto i kom jo mukene ducu. ⁴Ento Lubana lalonyo i kicane, mar ma en omarowa kwede dit twatwal; ⁵en mumiyo kadi bed onono wadoko jo muto pi turo cikke, en omiyo wadoko kwo kacel ki Kricito. Lubana olarowu pi kicane. ⁶Pi ribbewa ki Kricito Yecu en ocerowa woko kacel kwede, ka don oketowa wabedo kacel kwede i polo. ⁷En otimo man ducu wek enyut i kare ducu ma pud tye anyim lonyone madwon ma pe pimme me kica, ma onen ki berre botwa i Kricito Yecu. ⁸Pien pi kicane omiyo en olarowu pi niye. Man pe otimme pi tic mo ma wun wutiyo; meno obedo mot pa Lubana gire. ⁹Pe otimme pi ticwu mo, mumiyo nat mo owek wakke pire. ¹⁰Wan wabedo ginaketa pa Lubana; en oketowa i Kricito Yecu ni wek wabed jo ma tiyo tic mabeco ma yam en oyubo ni myero wati. ¹¹Kon wupo i kit ma wun wubedo kwede, wun ma wubedo Lurok i kit me anywalli. Lujudaya gilwonowu ni wun jo ma pe giliro, kun gilwonje kengi ni gin jo ma gulirre, pi lirregi ma cin dano otiyo i riho komgi. ¹²Kon wupo bene ni i kare ca-ni onono wupokke woko mabor ki Kricito; yam gikoyowu woko ki i kom lwak me Irael, pe wunywako gicikke pa Lubana ki gin ducu ma en ociko ni ebitimo pi jone. Yam wubedo i lobo man labono gen mo, Lubanawu bene onono pe. ¹³Ento kombeddi i Kricito Yecu wun jo ma yam wutye ka mabor don gikelowu cok pi to pa Kricito. ¹⁴En kikome okelo kuc i kinwa, omiyo wan kwedwu don wadoko lwak acel. Pi miyo kome kene en don okwanyo mone woko ki i kinwa macalo don omuko cel ca ma yam poko kinwa woko-ni. ¹⁵Pi kelo kuc omiyo en ojwayo cik pa Moses woko ki gin ma giciko iye ducu, wek omi wan jo me dul ayo-ni wadok rok acel manyen ma guribbe kacel i en. ¹⁶Pi tone i kom yatariya odwoko wan ayo ducu bot Lubana i kom acel, omiyo mone ogik woko. ¹⁷Yam en Kricito obino otito lok me kwena maber me kuc botwu wun jo munono wutye ka mabor, ki botwa wan jo ma onono watye cok. ¹⁸Pi Kricito wan ducu, wan Lujudaya ki wun Lurok, giyo botwa yo i Cwiny Malen acel-li me o bot Lubana Won. ¹⁹Kombeddi don wun pe wubedo lurok nyo lubedo; wun kacel ki jo pa Lubana don wutye ki paco acel, wun don wu jo me ot pa Lubana. ²⁰Wun don kombeddi wudoko ot ma gigeri, ma gutine obedo lukwena ki lutit lok pa Lubana. Yecu Kricito kikome obedo got madit me twoke. ²¹Gedo man okubbe kacel ki Kricito, dok bene tye ka dono me doko ot pa Lubana malen i Rwot. ²²Wun bene gitye ka gerowu kacel i kome, wek wubed ot ma Cwiny pa Lubana bedo iye.

³ ¹Pi lok man, alego Lubana piwu, an Paulo ma abedo lamabuc pi Kricito piwu wun Lurok. ²Abedo ki tam ni wun don wutyeko winyo kit ma Lubana omiyo abedo lakan-lim me kicane ki tun botwu. ³dok bene kit ma onyutta kwede munje, omiyo aneyo, macalo don atyeko coyo pire macekcekki. ⁴Ka wukwano ci wutwero neno maber kit ma anian kwede i mun ma otiko Kricito. ⁵I kare mukato yam Lubana pe onyuto mun man bot dano adana-ni, ento kombbeddi don onyuto bot lukwenane malen ki lutit lokke, pi Cwiny Malen. ⁶Mun meno tye kit man ni, pi lok me kwena maber omiyo Lurok don gudoko lule lonyo pa Lubana kacel ki Lujudaya; gudoko dul kom acel kwedgi, gin bene gunono gin mo ducu kacel kwedgi ma yam Lubana ociko pire i Kricito Yecu. ⁷An giketa abedo latic me lok me kwena maber pi mot me kica pa Lubana, ma omiya pi tic me twerone. ⁸Kadi bed atidi twatwal ki i kin jo pa Lubana ducu, ento en omiya mot man me kica me tito lok me kwena maber bot Lurok i kom lonyo madwon pa Kricito ma tere pe tatte, ⁹dok me miyo kit ma en ocobo kwede yub mere me mun onen woko ka malen bot jo ducu. Onono Lubana mucweyo jami ducu-ni okano mun man pi kare ducu mukato ajec. ¹⁰wek kombbeddi oti ki lwak jo muye Yecu me miyo luloc ki wegi twero ducu ma tye i polo guje ryeko pa Lubana ma kite patpat. ¹¹Man lubo tam pa Lubana ma onono yam tye con, ma en ocobo i kom Yecu Kricito Rwotwa. ¹²pire omiyo wan jo ma waye Yecu walimo tekwin, pien oyabo botwa yo me o i nyim Lubana ki gen. ¹³En mumiyo alegowu ni, pe myero cwinywu odok nyap pi can ma gitye ka una kwede piwu; can man aye kelo botwu deyo. ¹⁴Lok man aye mumiyo arumo cona i nyim Lubana Won, ¹⁵en ka ma nyin man me won ocun iye i doggola pa jo me odi ducu ma tye i polo ki ma tye i lobo. ¹⁶Alego ni pi lonyone me deyo myero omi Cwiny mere oponwu ki teko ki kero madwon i iwu. ¹⁷Kricito bene obed i iwu pi niyewu. Dok bene alego ni Lubana omi wucun matek i mar macalo yat ma lwite oduyo matut i nom, ¹⁸wek wubed ki teko, ki cwiny me nian, kacel ki jo pa Lubana ducu, kit ma mar pa Kricito lac kwede, kit mabor kwede, ki kit ma onono kwede malo, dok kit ma tut kwede, ¹⁹wek wuje mar pa Kricito ma kato nec ducu, wek wupon ki gin mo ducu ma opon i i Lubana. ²⁰Deyo obed bot Lubana ma twero tiyo tic madwon twatwal ma kato gin ma watwero lego pire nyo keto i tamwa, pi tekone ma tye ka tic i komwa. ²¹Deyo obed bote nakanaka i Kricito Yecu ki i lwak jo ducu muye en, i kare pa yalwak ducu. Amen.

¹Pi meno, an ma abedo lamabuc pi Rwot alegowu ni wulub kit kwo ma myero, ma rwatte ki lwoŋo ma yam gilwoŋowu iye. ²Wuwor jo mukene, wubed mwol, dok wubed jo ma ciro gin ducu ma balo cwiny dano, kun ŋat acel acel diyo cwinye i kom lawote ki mar. ³Wuket tek me gwoko ribbe ma Cwiny Malen omiyowu wek wubed acel i twec me kuc. ⁴Kom tye acel, Cwiny Malen bene tye acel, kit macalo gen bene tye acel ma Lubana olwoŋowu iye. ⁵Rwot tye acel, niye acel, batija acel, ⁶Lubaŋa bene tye acel ma en aye Won dano ducu. En loyo jami ducu, tiyo i gin ducu, dok bene tye i gin ducu. ⁷ŋat acel acel i kinwa olimo mot me kica, ma oporre ki mot ma Kricito omiye. ⁸En mumiyo yam giwaco ni, “Ka ceŋ oito malo, otero opii mapol ma en oyako i lweny, ci omiyo mot bene bot dano.” ⁹“Oito malo” te lokke aŋo? Te lokke ni olor piny bene i lobo ka matut. ¹⁰ŋat mulor piny en acel-lu bene aye oito malo ka mabor i ŋe polo ducu, wek epon jami ducu woko liwerj. ¹¹Mot ma en omiyo gin en: omiyo jo mogo me bedo lukwena, jo mukene me bedo lutit lok pa Lubaŋa, jo mukene gubed lutit lok me kwena maber, jo mukene lukwat ki lupwony. ¹²Ticgi obedo me yubo jo pa Lubaŋa i ticgi me konyo dano, dok me doŋo kom Kricito, ¹³nio wan ma wan ducu wadoko acel i niyewa ki i ŋeyo Wod pa Lubaŋa, nio ka wadoko dano mucwiny, ma wadoŋo warom ki Kricito, ma en aye jami ducu opon iye. ¹⁴Pi meno pe dok myero wabedu calo litino ma giweko yamo me pwony mapatpat wiŋogi dwokogi tunji ki tunji; ryeko pa dano, ki lok ma giporo me goba, pe dok bimiyo wacabbe acaba. ¹⁵Ma ka meno, myero walok lok ada ki mar, wek wamedde, wadoŋu malo i kit yo ducu nio bot Kricito, ma en aye lawiwa. ¹⁶En aye wic, dul kom ducu guribbe woko i kome, dok kukubbe kacel i wan mwot ducu ma tye iye. Ka dul acel acel tye ka tiyo ticce kakare, miyo kom doŋo maber i mar. Kwo manyen i Kricito. ¹⁷En mumiyo awaco lok man botwu kun acikowu i Rwot ni, pe myero pud dok wubed i kit ma Lurok gibedo kwede, i tamgi ma konnye pe. ¹⁸Tamgi doŋ onyobbe woko, pe doŋ gitwero nian gin mo, kwo ma Lubaŋa miyo nen gin ma welo ki tun botgi, pi kwiya piny ma obino botgi pi cwinygi ma odoko nwan. ¹⁹Gin pe doŋ giparo gin mo, oweko doŋ gumine kengi i tim me tarwan, dok bene giwor matek i timo lwak tim caro caro mapol. ²⁰Ento lok kom Kricito yam pe gipwonyowu kit meno, ²¹ka kono nene wuwinyo lok i kome ada, dok gipwonyowu, wun jo ma lubo en, ki lok ada ma tye i Yecu. ²²Kit kwowu macon ma yam wubedo kwede ca, kombeddi myero doŋ wuwek obedi; kit kwo maca doŋ oballe woko pi miti maraco ma obwolowu. ²³Wuwek Lubaŋa doŋ oroc tam me cwinywu odok manyen, ²⁴ka doŋ wuruk kit pa dano manyen ma giketo i cal pa Lubaŋa kikome i ada me kit ma atir ki malen. ²⁵Pi meno, wuwek goba obedi; dano acel acel myero olok lok ada bot dano lawote, pien wan watye macalo dul kom luwotwa. ²⁶Ka kiniga omakowu, pe wupot i bal; ceŋ pe myero opoti ma noŋo pud wujul wutye ki kiniga i cwinywu, ²⁷dok bene pe wumi kare ki Catan. ²⁸Dano ma yam bedo ka kwalo jami pa jo mukene myero doŋ owek kwo obedi; myero en ocak tiyo tic maber ki ciŋe, wek onon gin ma myero opok ki jo ma meggi pe. ²⁹Lok mo marac myero pe okatti ki i dogwu; wulok lok mabeco keken ma doŋo tam pa dano i yo ma mitte, wek jo ma winyo lokwu gunon kony ki iye. ³⁰Pe wumi Cwiny pa Lubaŋa okum, en Cwiny ma gimiyowu me bedo lanen ma gimwono woko doŋ i komwu pi kuro nino ma gibikokowu iye. ³¹Wuwek doŋ keccwiny ducu, ki wan-ic ki kiniga, da i wi dano mukene, yet, kacel ki raccwiny ducu. ³²Wubed jo ma lukica ki cwiny maber; dano acel acel myero otim ber bot lawote. Wutim kica i kinwu kekenwu ki luwotwu i kom balwu, macalo Lubaŋa otimowu kica i Kricito.

¹Wulub kit pa Lubaja, pien wun litinone ma en maro. ²Wubed kun wulubo yo me mar, macalo Kricito cen omarowa, ci omine kene piwa wek ebed macalo gitum ma nwece kur ma gityero bot Lubaja. ³Don pi meno tim kwele ki tim caro caro ducu, ki woro me lim pe myero gilwon nyingi i kinwu; meno aye gin ma myero bot jo pa Lubaja. ⁴Gin me lewic ki lok minmin, nyo kadi ki loko lok ore ma konnye pe, myero bene pe owinnye botwu. Ma ka timo jami magi, wumi pwoc bot Lubaja. ⁵Wunian maber ni, pe tye nat mo i kin lutim tim abor nyo tim caro, nyo jo ma wor i kom jami, ma binono dul mo ma bedo mere i ker pa Kricito ki pa Lubaja. ⁶Pe wuye nat mo obwolwu ki lok mogo ma tere pe, pien kiniga pa Lubaja bino i kom jo ma pe winyo lokke pi kit timgi nu. ⁷Pi meno, pe wuribbe kwedgi. ⁸Yam wubedo colpiny, ento kombeddi don wudoko dyecen i Rwot; kitwu myero don obed kit pa jo me cen. ⁹Pien nyig ma onyak pi cen nen woko i gin ducu ma tye maber, dok atir, ki me ada. ¹⁰Wutem pwonyo gin ma yomo cwiny Rwot. ¹¹Pe wuribbe i tic mo ducu me piny macol ma pe konyo, ento wunyt kit tic meno woko ka malen. ¹²Pien bedo me lewic me loko i kom gin ma gitiyo i mun aloka keken. ¹³Gin mo-ni ma leno onyuto nen woko ka malen; pien gin ma nen ka malen nono tye i cen. ¹⁴Man aye gin mumiyo giwaco ni, “Co woko, in ma inino, cer woko ki i kin jo muto, ci Kricito bimenyi.” ¹⁵Wugwokke maber i kwo ma wubedo kwede; pe wubed macalo jo ma kwiya piny, ento calo jo maryek. ¹⁶Kare ma tye myero iti kwede i yo maber, pien nino me kare-ni opon ki gin marac. ¹⁷Pi meno, pe wubed min, ento wutem nian gin ma Rwot mito wuti. ¹⁸Dok pe myero wumer ki kono, pien mero kelo kit me caro. Ma ka mero, wuwek Cwiny Malen opon cwinywu, ¹⁹kun wuloko i kinwu kekenwu lok me jabuli, ki wer, ki wer me cwiny, kun wuwero dok wukuto wer me pako Rwot ki cwinywu ducu. ²⁰Wupwo Lubaja Won i kare ducu pi jami ducu i nyin Rwotwa Yecu Kricito. Co ki mongi ²¹Wumine kenwu i te loc pa jo mukene, nat man bot lawote, pi woro Kricito. ²²Wun mon wumine kenwu i te loc pa cogwu, macalo wumine kenwu bot Rwot. ²³Pien laco obedo lawi dakone, macalo Kricito en aye lawi lwak muye en, en bene lalargi; gin lwak meno aye kome. ²⁴Macalo lwak muye Kricito gibedo i te locce, kit meno mon bene myero gubed i te loc pa coggi i kit yo ducu. ²⁵Wun co bene wumar monwu i kit macalo Kricito omaro kwede lwak muye en, ci omiyo kwone pigi, ²⁶wek elonygi gubed len, ma don otyeko lwokogi ki pii ki lok, ²⁷wek ekel lwak muye en i nyime kene macalo nyako mamwonya twatwal, kun pe tye ka mo ma ojujje i kome, nyo kadi ki poyo mo bene pe, wek obed len labono ka mo murocce. ²⁸Kit meno, co bene gumar mongi macalo gimaro komgi kengi. Nat ma maro dakone, maro kome kene. ²⁹Pe tye nat mo ma dag kome kekene, ento pito ki cam dok gwoko maber macalo Kricito bene tiyo ki lwak jo muye en, ³⁰pien wan wa dul kome. ³¹Yam gicoyo ni, “Pi lok man dano biweko wonne ki minne, ci giribbe woko gin ki dakone, gin ayo don gidoko kom acel.” ³²Man mun madit twatwal. An ki tun bota agonyo tyen lokke ni Kricito ki lwak muye en. ³³Pi meno, laco acel acel i kinwu myero omar dakone macalo maro kome kene, ki dako bene myero onen ni eworo cware.

6

¹Wun litino, wuwiny lunyodowu i Rwot, pien meno aye ber. ²Yam gicoyo ni, “Wor woru ki meni.” Man aye cik mukwoŋo ma giciko pi gin mo maber ma bia ki iye, ni, ³“wek ibed ma nyimi len dok iri i lobo pi kare malac.”⁴Dok wun wego, pe wuket kolo i kom litinowu ma miyo kiniga makogi, ento wupitgi gudon maber kun wupwonyogi dok wunyeboŋi ki kit mabeco ma Rwot pwoyo. Lutic ki luditogi.⁵Wun lutic, wuwiny luditowu me lobo man ki cwinywu acel, macalo wuwinyo Kricito, kun wulworogi ki myelkom. ⁶Ticwu myero pe obed tic ma yeŋo wan keken me yomo cwiny dano, ento myero wuti gin ma Luban̄a mito ki cwinywu ducu, macalo wun lutic pa Kricito. ⁷Wuti ticwu ki cwiny maber, macalo wutiyo bot Rwot, ento pe wutiyo bot dano ni gunen wek gupwuwu, ⁸kun wunyeŋo ni, gin mo ducu ma dano mo otiyo maber, Rwot bicule pire ma rom aroma ki ticce ma en otiyo, kadi en latic nyo dano ma lone kene.⁹Dok wun wegi lutic, wuti bene ki luticwu i yo acel-lu; wuwek burogi obedi, kun wupo ni ladit ma loyogi wa ki wun bene tye i polo, en tero jo ducu maromrom.¹⁰Me agikkine, wubed tek i Rwot ki twero me tekone. ¹¹Wuruk jami lweny ducu ma Luban̄a miyo, wek wucun̄ kun wugen̄e kekenwu i roro pa Catan. ¹²Pien wan pe walweny i kom dano ma tye ki kom ki remo, ento walweny ki luloc ki wegi twero ma woko, ki i kom gin ducu ma loyo wi lobo ducu i kare man me colpiny, dok ki dul mony mogo maraco me cwiny ma tye i polo. ¹³Pi meno myero wukwany jami lweny ducu ma Luban̄a miyo, wek obikonywu me cuŋo matek i nino marac, pud wubicun̄ ma noŋo don̄ wuyelle i kit yo ducu.¹⁴Pi meno, myero wucun̄ ma wutweyo pyerwu woko ki ada, wuruk bene kit ma atir wek obed nyonyo me geŋo korwu, ¹⁵kun wuyubbe me tito lok me kwena maber me kuc ma bedo macalo war ma wuruko i tyenwu. ¹⁶Makato ducu, niye aye myero obed kwotwu ma bimiyo wutwero neko mac ki i kom atero ma Larac bayo.¹⁷Wumak larre aye obed tok nyonyo me wiwu, ki lok pa Luban̄a ma en aye pala lucwan pa Cwiny Malen̄. ¹⁸Wuleg kare ducu i Cwiny ki lega me bako dog. Wubed ma wuyubbe i lega kare ducu kun wuciro peko, kun wulego pi jo pa Luban̄a ducu.¹⁹Wuleg bene pira wek Luban̄a oyab doga, omiya gin ma myero aloki, wek atuc muŋ me lok me kwena maber ki tekwin̄y. ²⁰An lakwenane ma rom ki ŋat mo-ni ma cuŋ pi lobone, ento gitweya woko ki nyor. Luban̄a omiya atit ki tekwin̄y, kit ma myero alok kwede.²¹Tukiko, ominwa ma gimaro dok en latic pa Rwot me agena, bitittiwu lok ma dok i koma ki i kom ticca. ²²Acwalo en botwu pi lok man kikome, wek en omi wuŋe kit ma wan watye kwede, dok ocuk cwinywu.²³Kuc ki mar ki niye ma a bot Luban̄a Won ki Rwotwa Yecu Kricito obed bot utmegiwa. ²⁴Kica pa Luban̄a obed bot jo ducu ma maro Rwotwa Yecu Kricito ki mar ma pe to.

Jo pilipi

1

¹Waraga man oa ki bot Paulo ki Temceo, ma gin lutic pa Kricito Yecu. Bot jo pa Luban̄a ducu ma tye i Kricito Yecu ma gibedo i Pilipi, kacel ki lutel ki jo ma konyogi: ²Luban̄a Wonwa ki Rwotwa Yecu Kricito omiwo kica ki kuc. ³Apwoyo Luban̄a i kare ducu ma noŋo atye ka po piwu. ⁴I legana ducu alego piwu ducu ki yomcwiny, ⁵pien cakke i nino mukwoŋo o kwede wa onyoo, wuribbe kweda i tic me tito lok me kwena maber. ⁶Anian̄ maber ni, Luban̄a ma ocako tic man i kinwu bicobo kakare nio wa i nino pa Kricito Yecu. ⁷Oporre bota me paro piwu ducu kit meno, pien piwu litta twatwal, pien wun ducu wuribbe kacel kweda i nywako kica ma Luban̄a omiya kanyi buc, ki dok i kare ma alaro pi lok me kwena maber wek omok matek. ⁸Luban̄a aye obedo cadenna ma ŋeyo ni, par matut ma abedo kwede piwu a i mar pa Kricito Yecu kikome. ⁹Dok alego Luban̄a ni meno, mar mewu myero odoŋ omedde ameda i ŋec kikome ki nian̄ matut, ¹⁰wek wupwo gin maber makato. Man bimiyo wubedo ma cwinywu len̄ laboŋo bal mo i nino pa Kricito, ¹¹dok bene bimiyo ticwu ducu mabeco me kit ma atir nya i komwu pi Yecu Kricito, kun kelo deyo ki pak bot Luban̄a. ¹²Utmega, amito wuŋe ni, lok mutimme i koma okonyo matek me nyayo lok me kwena maber. ¹³Tic 28.30 Lwak askari pa Cekar ducu, ki jo mukene ducu, kombeddi giŋeyo maber ni, an atye i buc pi Kricito. ¹⁴Dok utmegiwa mapolle gengi omedde i kom Rwot pi bedona i buc, omiyo gitito lok pa Luban̄a ki tekwin̄y madwon̄ twatwal, laboŋo lworo. ¹⁵Ada, jo mogo tito pi Kricito ki cwiny me nyeko ki daa, ento jo mukene gitito ki cwiny maber. ¹⁶Jo ma tito ki cwiny maber-ri gitito pi mar, kun giŋeyo ni Luban̄a oketa kany ka lweny pi lok me kwena maber. ¹⁷Jo mukene ca gitito nyin̄ Kricito pi laro dito kun noŋo cwinygi pe len̄, tamgi tye me medo can bota i buc kany. ¹⁸Lok mo pe, an gira cwinya yom ayoma, pien i yo ducu, kadi i goba nyo lok ada, gitye ka tito pi Kricito. ¹⁹Iyo, pud dok abibedo ki yomcwiny. Pien an̄eyo maber ni, pi legawu ki pi kony ma a ki bot Cwiny Malen̄ pa Yecu Kricito, bimiyo abwot ki i can. ²⁰Pien mitina ki genna madwon̄ tye ni, lewic pe bimaka i gin mo, ento atamo me miyo deyo bot Kricito i koma-ni ki tekwin̄y madwon̄, i kare-ni macalo i kare ducu, kadi akwo nyo kadi ato. ²¹Pien ki tun̄ bota, bedo kwo en aye Kricito, ki to kono miyo anoŋo magoba. ²²Ka abedo kwo i kom, miyo abitiyo tic mogo ma konyo ento pe an̄eyo gin ma abiyero. ²³Kwanyo acel i kom gin aryo-ni ocuŋo wiya woko.

Mitina tye ni kono ato wek abed kacel ki Kricito, pien meno aye ber makato ducu. ²⁴Ento bedo kwo i kom mitte twatwal piwu. ²⁵An don anian i lok man, omiyo anjejo ni pud abibedo, dok abiri botwu ducu wek wumedde wuwot anyim, wubed ki yomcwiny i niyewu. ²⁶Meno bimiyo wakkewu pira i Kricito. Yecu bedo dwon twatwal, ka dok adwogo botwu. ²⁷Gin acel ma pire dit en ene ni, kit kwo me bedowu myero orwatte ki gin ma lok me kwena maber i kom Kricito mito, wek kadi abino me nenowu, nyo kadi abedo bor kwedwu, ka awinyo lok i komwu, myero anje ni, wucun matek i cwiny acel ki tam acel, kun wulwenyo kacel pi niye ma bino pi lok me kwena maber. ²⁸Pe wuwek lukworwu gumiwu lwo i gin mo. Man aye lanyut ma cimo botgi ka malej ni gibirwenyo woko matwal, ento lanyut man nyuto botwu ni gibilarowu; meno gire gin ma a ki bot Lubaŋa. ²⁹Pien en omiyowu mot me kica pi Kricito, pe mot me ye en keken, ento me neno can pire bene. ³⁰Wudonyo don i kit lweny ma yam wuneno i koma-ni, dok bene kombeddi pud wuwinyo ni atye iye.

¹Pi meno, ka wunonjo tekwinny mo pi bedo i Kricito, nyo mar mo ma miyo wudiyo cwinywu, nyo ka gimiyowu ribbe mo i Cwiny Malen, nyo cwiny mo me kica weko wutimo ber bot jo mukene, ²doŋ wumi yomcwinya ocobbe maber kit man: wubed ki tam acel ki mar acel, kun wuribbe kacel i cwinywu, tamwu bene myero obed acel. ³Pe wutim gin mo pi laro dito nyo pi wakke awaka keken, ento wubed ki mwolo, kun dano acel acel woro lawote macalo ŋat madit loye. ⁴Pe itam pi gin ma konyi keken, ento tam pi gin ma konyo jo mukene bene. ⁵Wubed ki cwiny ma rom ki cwiny ma yam Kricito Yecu obedo kwede-ni. ⁶I calle kadi bed en Lubaŋa kikome, ento pe oridde ki tek me bedo rom ki Lubaŋa. ⁷Oweko meno ducu, ci okwanyo kit me opii, ka ginywale macalo dano. ⁸Ka doŋ okatti macalo dano, omwolle woko gire kene, obedo lawiny nio wa i to, nio bene wa i to i kom yatariya. ⁹Pi meno, Lubaŋa omiye dit ma malo twatwal, dok bene omiye nyiŋ ma tye malo makato nyiŋ mukene ducu, ¹⁰wek gin ducu ma tye i polo ki i lobo, kadi wa gin ducu ma tye piny i te lobo, gurum congi piny me woro nyiŋ Yecu, ¹¹leb ducu myero otuc bene ni, Yecu Kricito aye Rwot, kun kelo deyo bot Lubaŋa Won. ¹²Pi meno, wun ma amaro, macalo yam wuwinyo lokka i kare ducu ma ononjo pud atye botwu, myero wubed ki winy makato kare kombeddi ma doŋ atye bor kwedwu-ni. Wuti tic me cobo larwu kenwu kenwu ki lworu kacel ki myelkom, ¹³pien Lubaŋa aye ma tye ka tic i cwinywu, kun miyowu miti ki teko me tic, wek wun wuyom cwinye. ¹⁴Wuti tic ducu labonjo ŋuru nyo pyem mo, ¹⁵wek wubed labonjo lok mo ma loyowu, ma bal mo bene pe i cwinywu, litino pa Lubaŋa ma bal mo pe i komwu liweŋ i kin lwak jo me kare-ni ma guballe woko-ni. Wutye ka ryeny i lobo i kin dano calo lakalatwe. ¹⁶pien wumako lok me kwo doŋ matek. Meno bimiyo awakke i nino pa Kricito ni, yam kara ononjo pe ariŋo ŋwec nono, dok bene pe ayelle nono. ¹⁷Kadi bed giony remona me bedo macalo gityer amata ma giony i wi keno tyer, kun niyewu kacel ki ticwu bote bedo macalo mot ma gitumo bot Lubaŋa, an gira cwinya yom kacel ki wun ducu. ¹⁸Kit meno, wun bene myero cwinywu obed yom, wek wuribbe kweda i yomcwiny. ¹⁹Atye ki gen i Rwot Yecu me cwalo Temceo botwu oyot, wek omi awiny kit ma wutye kwede, kun cuko cwinya bene. ²⁰Pe atye ki ŋat mo mukene doki ma tye ki kit cwiny ma en tye kwede, ma twero paro piwu adada macalo en. ²¹Jo mukene-gu ducu giparo pi gin ma konyogi keken, pe gitamo pi gin ma dok i kom Yecu Kricito. ²²Ento wun wuŋeyo kit Temceo ki konnye ma en onyuto. En ki an wabedo calo wego ki latinne; waribbe kwede i tic kacel pi lok me kwena maber. ²³Pi meno atye ki gen me cwale botwu oyot, tek aniaŋ kit ma piny tye ka wot kwede ki tuŋ bota kany. ²⁴Dok bene atye ki gen i Rwot ni an kikoma abio botwu i kare macokcok-ki. ²⁵Atamo bene ni myero acwal omera Epaprodito botwu, ma en latic wadwa ma olwenyo kacel kweda, en ŋat ma yam wuore bota pi konya i pekona-ni. ²⁶Pien en paro pi wun ducu, kun mito ni enenwu, dok bene cwinye obedo ka cwer matek, pien yam wuwinyo ononjo ni kome lit. ²⁷Adada, kome ononjo obedo lit matek ma obwot to woko. Ento Lubaŋa okonye, pe en keken, ento kadi wa an bene, wek pe omedda cwercwiny i kom cwercwiny mukene ca. ²⁸Meno gin mumiyo amito twatwal ni myero acwale botwu wek wubed ki yomcwiny ka dok wunene, ki an bene pe doŋ myero abed ki cwercwiny madwoŋ. ²⁹Wujole i Rwot ki yomcwinywu ducu; dok bene wuket deyo i kom jo ma cal kwede. ³⁰Pien en yam omiyo kwone adada ma obwot to woko pi tic pa Kricito, wek ecob gin murem i kom kony ma yam wumiya.

3

¹Me agikkine, utmega, wubed ki yomcwiny i Rwot. An pe aol gira me nwoyo coyo lok ma yam konj acoyo botwu, dok bene twero jukowu miyo pe wupoto i gin marac. ²Wuyab wanjwu wunen gwogi-gu, ma gin lutim maraco, ma ginjolo dul kom dano woko-ni. ³Pien wan aye jo mulirre me ada, wan jo ma waworo Lubanja i Cwiny Malen, dok ma wawakke i Kricito Yecu, kun pe watye ki gen mo i kom gin ma nen ki woko. ⁴Ento an kikoma bene aromo bedo ki gen macalo meno; kadi ka nat mo tamo ni etwero bedo ki gen i kom gin ma nen ki woko, an gira aloye. ⁵An gilira i nino me aboro me ditta, rokka jo Icrael ma i kaka pa Benjamin. An Laibru ma jo Ibru aye gunywala. I lok ma dok i kom cik pa Moses, an abedo Laparicayo. ⁶Lok ma dok i kom keto cwiny, yam alwenyo i kom lwak jo muye Yecu marac. Dok lok ma dok i kom bedo ki kit atir ma cunj i lubo cik, onono gire lok mo pe i koma. ⁷Ento gin ducu ma yam atamo ni konya, kombeddi donj anenogi macalo gin ma konygi pe, pi Kricito. ⁸Adada, tye gin mo maber makato, en aye njejo Rwotwa Yecu Kricito; meno aye gin mumiyo aneno jami ducu macalo gin ma konygi pe. Pe Kricito omiyo alokke adoko lacan jami ducu, dok anenogi calo yugi, wek anonj Kricito, ⁹wek aribbe bene kacel kwede. Pe atye ki kit ma atir ma mera kikoma, kadi ki mo ma bino pi lubo cik bene pe, ento amito abed ki kit ma atir ma ginono pi ye Kricito, ma oa ki bot Lubanja kikome, dok ma en omiyo pi niye. ¹⁰Amito anje Kricito, ki teko ma en ocer kwede, amito bene anywak kwede can ma en ociro, adok calo en i tone, ¹¹wek ka twerre ao wa i cer ki i kin jo muto. ¹²Pe atye ka waco ni donj anono, nyo ni donj ao iye, ento pud amedde me wot anyim kun atemo matek me mako gin ma Kricito Yecu donj omaka pire. ¹³Utmega, pe atamo ni donj atyeko makone; tye gin acel keken: wiya bedo ka wil i gin mukato anec, kun alaro gin ma tye anyim calo dano ma tye i njwec me pyem. ¹⁴Arijo acito anyim atir kun akemo tol, wek anonj mot, ma en aye lwonjo ma Lubanja tye ka lwonjowa kwede malo i Kricito Yecu. ¹⁵Wan ducu jo muteggi myero wabedu ki kit tam meno; dok bene ka tamwu opokke woko i lok mo, Lubanja binyuto man bene botwu. ¹⁶Gin ma mitte keken aye ni myero wamedde me cunj matek i yo ma donj wao iye. ¹⁷Utmega, wuribbe kacel kun wulubo kitta. Wan donj watyeko nyoto botwu lanen ma myero wulubi; wucik wanjwu me neno jo ma lubo lanen meno. ¹⁸Abedo ka tittiwu lok man tyen mapol ata, dok bene tin anwoyo tito botwu ki pig wana ni, tye jo mapol ma kwogi omiyo gibedo lukwor me to pa Yecu i kom yatariya. ¹⁹I agikkine, jo meno gibirwenyo woko matwal, pien lubanagi en aye igi, ginono deyogi i gin ma myero omi lewic omakgi, tamgi kemo jami me lobo man keken. ²⁰Pien wan ganj kalwa madit tye i polo; watye ka kuro Lalarwa ma bia ki kunnu, en aye Rwotwa Yecu Kricito. ²¹En biloko komwa marac-ci doko calo kome me deyo, kun tiyo ki tekone ma miye twer me kelo jami ducu i te locce.

¹Pi meno utmega, ma amaro dok ma aparó piwu twatwal, wucun matek i Rwot kit meno, pien wun aye wubedo yomcwinya ki tok wiya me deyo, luwota. ²In Euodia ki in Cintuke, alegowu me bedo ki cwiny acel i Rwot. ³In latic wadwa me ada bene, alegi ikony mon man ba, pien gin bene gulwenyo kacel kweda pi lok me kwena maber kacel ki Kelemente bene ki lutic wadiwa mukene ducu, ma don gityeko coyo nyingi woko i buk me kwo. ⁴Wubed ki yomcwiny i Rwot kare ducu. Dok anwoyo waco botwu aye ni, Wubed ki yomcwiny. ⁵Wuwek jo ducu gunje mwolo ma wutye kwede. Rwot don cok. ⁶Pe wubed ki par i kom gin mo, ento i lok ducu wumi Lubanja onje gin ma wumito i lega ki i bako dogwu kacel ki miyo pwoc bene. ⁷Man bimiyo kuc pa Lubanja ma kato nec pa jo ducu gwoko cwinywu ki tamwu maber i Kricito Yecu. ⁸Me agikkine, utmega, wuket tamwu i kom lok macalo magi: gin ducu ma tye ada, gin ducu ma romo awora, gin ducu ma tye atir, gin ducu malen, gin ducu ma mwonya, gin ducu ma dano pwoyo, ki gin mo maber makato, ma myero apaka. ⁹Wuti gin ma nene wupwonyo, ma wugamo, ma wuwinyo, dok ma wuneno ki bota; ci Lubanja won kuc bibedo kwedwu. ¹⁰An atye ki yomcwiny matek i Rwot pien kombeddi dok wuparo pira kit ma yam con. I adane-ni, pe wuweko paro pira, ento kare me konya aye obedo pe botwu. ¹¹Dok bene pe akoko can, pien don apwonnye woko ma aneyo ni, gin ma atye kwede romma. ¹²Aneyo bedo ki gin manok, dok bene aneyo bedo ki gin mabup. Adonyo i dul pa jo ma neyo bedo ki gin mo ma ginono i kare mo keken, yejo matek mukato kare, nyo ciro kec, bedo ki lonyo madwon nyo bedo ki can. ¹³Atwero jami ducu liwen pi Kricito ma miya teko. ¹⁴Ento wun yam wutimo ber me ribbe kweda i can munono odiya. ¹⁵Dok wun jo Pilipi wuneyo maber ni, i kare ma yam aa i Makedonia i acakki tito lok me kwena maber pe tye lwak mo i kin jo muye Rwot ma guribbe kweda i yo man me miyo ki gamo mot, ento kono wun keken. ¹⁶Kadi wa i kare ma atye i Tecalonika wucwalla kony ma mitte tyen aryo kulu. ¹⁷Pe tyen lokke ni amito mot, ento amito nyayo magoba ma gibikwano botwu. ¹⁸Atyeko gamo gin ma wumiya ducu, obedo dwon mukato kare. Oromma don maber, pien Epaprodito bene omiya mot ma wucwale kwede ni okel bota. Man gin aye gin ma nwece kur ma gityero bot Lubanja, ma en opwoyo, dok ma yomo cwinye. ¹⁹Ento Lubanjana bimiyouwu jami ducu ma wumito, kun kwanyo ki i lonyone me deyo ma en tye kwede i Kricito Yecu. ²⁰Deyo obed bot Lubanja Wonwa nakanaka. Amen. ²¹Wumot jo pa Lubanja ducu i Kricito Yecu. Utmega ma gitye kacel kweda kany bene gumotowu. ²²Jo pa Lubanja ducu gumotowu, makatone jo me ot pa Cekar. ²³Kica pa Rwotwa Yecu Kricito obed kwedwu.

Jo kolocai

1

¹Waraga man oa ki bot Paulo ma en lakwena pa Yecu Kricito pi mit pa Lubanja, ki bot ominwa Temceo. ²Bot jo pa Lubanja ki utmego ma genne i Kolocai, ma gitye i Kricito: Lubanja Wonwa omiwu kica kikuc. Lega pa Paulo pi jo pa Lubanja ma gitye i Kolocai ³Wapwoyo Lubanja Won Rwotwa Yecu Kricito kare ducu ma walego piwu. ⁴pien wawinyo pi niyewu i kom Kricito Yecu ki pi marwu ma wumaro kwede jo pa Lubanja ducu. ⁵Meno ducu obino pi gin ma wugeno ma gikano i polo piwu, ma yam don wuwinyo pire con i lok me ada, ma en aye lok me kwena maber ⁶mubino botwu. Tye bene ka nyako nyige kun nya dono i wi lobo ducu i kit yo acel-lu, macalo tye ka timme botwu, cakke i nino ma wuwinyo iye, ka don oweko wunian i kica pa Lubanja i ada. ⁷kit ma yam Epapira opwonyowu kwede, ma en latic wadiwa ma wamaro. En latic pa Kricito piwa ma genne. ⁸En bene mutittiwa pi mar ma wutye kwede i Cwiny Malen. ⁹Cakke i nino ma wawinyo pire, walego Lubanja piwu ma pe waken, kun walego ni myero dok wunian matut i gin ma en mito, kun wubedo ki ryeko ki nian ducu ma Cwiny Malen miyo. ¹⁰En okonywu, wek kwowu obed ma myero bot Rwot, ma yomo cwinye maber, kun wutiyo tic mabeco ma miyo kwowu nyak nyig madwon, dok wumedde bene ka neyo Lubanja. ¹¹Lubanja omiwu tek ducu ma rwatte ki twero me deyone, wek wucir can ducu kun wudiyo cwinywu i yo ducu ki yomcwiny. ¹²Wumi pwoc bot Lubanja Won ma omiyowa twer me nywako kacel ki jone malen jami ducu ma en bimiyo botgi i lenpiny. ¹³En cer olarowa ki i loc me piny macol ci okobowa woko i te loc pa Wode ma emaro. ¹⁴Koko dano, ma en aye weko bal, a ki bote. Kricito en lawi jami ducu. ¹⁵Kricito obedo cal pa Lubanja ma pe nen-ni, latin kayo me ginaketa ducu ma Lubanja oketo, ¹⁶pien i en Lubanja ocweyo jami ducu, gin ma tye i polo ki gin ma tye i wi lobo, gin ma nen ki gin ma pe nen, kadi wa wegí komker ki wegí dito, ki luloc, ki wegí twer ducu. Jami ducu yam giketo pi twerre dok pire bene. ¹⁷En aye mukwonjo katti ati ki jami ducu, dok bene i en jami ducu ribbe kacel. ¹⁸En aye wic, ki jo muye en gubedo kome. En obedo acakki, en mukwonjo cer ki i kin jo muto, wek etel yo i kin jami ducu. ¹⁹Pien Lubanja oye bedo i en wek epon iye i kit yo ducu ma en tye kwede; ²⁰Ep dok bene oye dwoko jami ducu bote i Kricito, gin ma tye i wi lobo ki gin ma tye i polo, kun Kricito okelo kuc pi remo me tone i kom yatariya. ²¹Wun yam wupokke woko ki Lubanja; onono wubedo lukworre i tamwu, kun wutimo gin maraco. ²²Ento kombeddi don pi to pa Wode ma con odoko dano, en

odwokowu woko bote, wek ekelwu i nyime ma noŋo wutye malen, dok bene ma wutye labonjo bal mo, ma lok mo marac pe i komwu. ²³Wumedde me bedo ki niye, kun wucun matek, dok wumoko woko likin ma pe wulenje ki i gen me lok me kwena maber ma don wuwinyo, ma gitito bot ginaketa ducu ma tye i te polo, dok bene an Paulo kikoma yam adoko latic pire. ²⁴Kombeddi an gira cwinya yom i can ma aneno piwu, pien pi arem ma atye ka cirone i koma, atye ka miyo kony me tyeko gin murem i can pa Kricito, pi kome, ma en aye jo muye en. ²⁵Pire omiyo yam adoko latic ma konyo lwak man, pi tic ma Lubana omiya piwu, wek ami lok pa Lubana onene. ²⁶En mun mukanne pi kare malac bot lwak mapol ata, ento kombeddi don Lubana omiyo onen woko ka malen bot jone. ²⁷Lubana gire otamo ni emi jone guje kit ma mun man pire dit kwede i kin Lurok, dok me deyo madwon, i mitine kene. Mun meno en ene, ni, Kricito bedo i iwu, miyo wubedo ki gen me nywako deyo pa Lubana. ²⁸Wan watuco pi Kricito kun waciko jo ducu, dok bene wapwonyo jo ducu ki ryeko ducu, wek wakel dano acel acel i nyim Lubana ma don otegi i Kricito. ²⁹Man aye gin mumiyo ayelle matek, kun acukke ki tekone madwon ma tye ka tic i iya.

¹Amito wuŋe kit ma acukke kwede ka tic piwu, ki pi jo ma tye i Laodikia, kadi ki jo ducu ma pud peya guneno waŋa, ²wek cwinygi obed tek, dok wek guribbe kacel i mar. Dok amito gubed macalo lulonyo pi lok ma odonyo matut i cwinygi, mumiyo guniaŋ maber, dok bene guŋeyo muŋ pa Lubaŋa ma en Kricito kikome. ³ma Lubaŋa okano iye lonyone ducu me ryeko ki ŋec. ⁴Awaco man wek ŋat mo pe oŋakwu ki pyem me gobagoba me bwola. ⁵Kadi bed pe atye kacel kwedwu i kom, ento watye kacel i cwiny kun cwinya yom me neno kit ma wuwoto kwede maber i lok ducu, ki niyewu mucuŋ matek i kom Kricito. ⁶Macalo yam doŋ wuye Rwot Yecu Kricito, myero bene wubed i en. ⁷Lwitwu odony ocuŋ matek i kome, dok wubed macalo ot ma gigeri i kome, ma wucuŋ matek i niyewu kit macalo yam gipwonyowu kwede, kun pwocwu bene medde ameda. ⁸Wugwokke wek ŋat mo pe oŋakwu woko ki tam me ryeko nyo me bwola mo ma tere pe, kun wulubo kit pa kwaro ki pwony pa jogi macon me lobo, ma pe wulubo Kricito. ⁹Pien i kom Kricito ma odoko dano-ni en aye Lubaŋa opoŋ iye kit ma etye kwede i yo ducu. ¹⁰Wun bene doŋ wupoŋ ki kwo i kit ducu i Kricito. En obedo lawi luloc ki wegi twer ducu. ¹¹I Kricito bene doŋ yam gilirowu woko ki lirre mere kikome, pe i lirre ma dano gutiyo ki ciŋgi i komwu, ento pi kwanyo kit me kom woko ki i komwu. ¹²Dok i kare ma gibatijawu giyikowu kacel ki Kricito, ka lacen wucer woko kacel kwede i niyewu i kom tic pa Lubaŋa matek ma yam ocero kwede Yecu Kricito ki i kin jo muto. ¹³Wun ma yam onoŋo doŋ wuto woko pi balwu, ki ni pien pe giliro riŋo komwu, wun aye doŋ Lubaŋa omiyo wukwo kacel kwede, kun bene doŋ oweko balwa woko ducu. ¹⁴En bene yam oŋolo banya ducu ma gicoyo i wiwa pi cik ma ceŋ omiyo kop oloyowa, ocwalo cen ci oguro woko i kom yatariya. ¹⁵Kricito doŋ otyeko mayo jami lweny woko ki bot jogi ma gin luloc ki wegi twer, kun nyutte ka maleŋ i kom yatariya ni doŋ eloyogi. ¹⁶Pi meno, ŋat mo pe myero oŋol kop i komwu pi lok kom cam nyo ginamata, kadi pi nino madito, nyo por dwe, nyo pi cabit. ¹⁷Magi ducu gubedo tipo keken ma nyuto gin ma bibino, ento kom gin meno tye bot Kricito. ¹⁸ŋat mo pe oŋol ni kop oloyowu, kun mito pire kene ni dano gumwolle kekengi gobagoba me woro lumalaika, ma noŋo en ocuŋ pi ginanyuta ma en oneno. Kit dano macalo meno wakke mere mwa laboŋo tyen lok mo, kun tamo tam me kom keken, ¹⁹ento kun pe omako Kricito matek ma en aye wic, ma miyo dul kom ducu limo cam, dok gikubbe kacel i waŋ mwot ki i ler, ka doŋ cako doŋo i kit ma Lubaŋa mito ni odoŋ kwede. ²⁰Ka wun yam doŋ wuto woko kacel ki Kricito, ka doŋ gigonyowu woko ki i te loc pa jogi macon me wi lobo, piŋo pud dok wumedde ki bedo calo jo me lobo, kun wugwoko bene cik macalo magi, ²¹“Pe imaki, pe ibil, pe igudi”? ²²Magi ducu gubedo cik ki pwony pa dano, ma kemo mere jami ma tum woko ka gitiyo kwedgi-ni. ²³Ada, cik magi nen calo tye iye ryeko pi keto cik me woro Lubaŋa ma wun wuroto giwu piwu kenwu, dok pi mwolle ken me yelo kom i can, ento pe konyo kadi ki acel me loyo mit me kom.

3

¹Macalo yam donj wucer kacel ki Kricito, wuket cwinywu donj i kom jami ma tye malo, ka ma Kricito tye iye i kabedo me deyo i net Lubanja tunj acuc. ²Wuket cwinywu i kom jami ma tye malo i polo ento pe i kom jami me lobo. ³Pien yam wuto woko, ento kombeddi donj gikano kwowu kacel ki Kricito bot Lubanja. ⁴Ka Kricito ma en kwowa binen, wun bene wubinen kacel kwede i deyo. Kwo macon ki kwo manyen⁵Pi meno myero donj wunek gin ducu me lobo ma tye i iwu, ma gin aye abor, caro, mit me kom, ki par marac ma kelo lewic, ki woro me jami ma rom ki woro jogi. ⁶Akemo pa Lubanja bino pi kit tim macalo meno i kom jo pe winyo lokke. ⁷I kit kwo ma yam wubedo kwede, magi aye gin tim ma onono wubedo ka lubogi. ⁸Ento kombeddi myero donj wubwotgi woko ducu: kiniga, kwar cwiny, raccwiny, yet, ki loko lok mogo me lewic ma pe myero giwiny ka katti ki i dogwu. ⁹Pe myero wubwolke kekenwu, pien donj wubwoto kwowu macon ki ticce ducu, ¹⁰ci donj wuruko dano manyen ma Lacwec tye ka rocone i nec manyen me dwoko i calle kikome. ¹¹Kenyo donj apokapoka pe iye i kin Lugrik ki Lujudaya, nat ma giliro ki nat ma pe giliro, larok ma kwiya piny mere ata ma pe neyo leb, rok ma pud gudonj cen i kit me wi lobo, opii, ki nat ma donj lone kene, pien Kricito donj ocoko gin ducu dok bene tye i igi ducu. ¹²Ento wun aye jo ma Lubanja donj oyero, jo malen ma Lubanja maro; pi meno myero donj wuruk cwiny ma miyo wuparo pi can pa luwotwu, wubed ki kica, mwolo, woro ki diyo cwiny. ¹³Wudi cwinywu kekenwu, nat acel acel odi cwinye i kom lawote, kun wutimo kica ki luwotwu i kinwu kekenwu pi balwu. Ka nat mo i kinwu tye ki lok mo i kom lawote, timo kica pi bal myero obed tye macalo Rwot bene cenj otimowu kica. ¹⁴Ento makato magi ducu, myero wubed kun wuponj ki mar. Pien mar keken aye tweyo jami ducu, ribogi kacel ma cobo bene maber licwic. ¹⁵Wuwek kuc pa Kricito ma yam olwonowu i kom acel aye olo cwinywu, ka wek donj wubed jo ma miyo pwoc kare ducu. ¹⁶Wuwek lok pa Kricito obed i iwu mulony, ka wupwonnye, kun wujukke bene kekenwu ki ryeko ducu ma Lubanja omiyowu. Dok bene ka wuwero jabuli, wer me pako Lubanja ki wer mogo mukene me dini, wuwer bot Lubanja ki pwoc i cwinywu. ¹⁷Gin ducu ma wutiyo, kadi ki i lok nyo i tic mogo, wutigi i nyin Rwot Yecu, kun wumiyo pwoc bot Lubanja Won wok ki bote. ¹⁸Wun mon, wumine kenwu i te loc pa cogwu, pien meno aye gin ma myero i kin jo ma tye i Rwot. ¹⁹Wun co bene, wumar monwu, pe wubed ki gero i komgi. ²⁰Wun litino, wuwiny lunyodowu i lok ducu, pien meno aye yomo cwiny Rwot. ²¹Wun wego bene, pe myero wuket kolo i kom litinowu, miyo cwinygi balle woko. ²²Wun lutic, myero wuwiny luditowu me lobo man i lok ducu ki cwiny acel, pe i tic ma bwolo wanj dano keken, kun wumito wuyom cwiny dano, ento wuti i cwiny me lworu Rwot. ²³Tic mo keken ma wutiyo, wuti maber ki cwinywu ducu, macalo wutiyo bot Rwot, ento pe pi dano. ²⁴Wunje ni wubilimo jami ducu ma Rwot oyubo wa con pi jone macalo bakacicgi. Wun lutic pa Rwotwa Kricito. ²⁵Pien latim marac mere gibicule pi gin marac ma en otimo, pien Rwot pe poko kin dano.

¹Wun wegi opii, wuti ki opiiwu i yo ma atir ma romrom. kun wuneyo ni, wun bene ladiwu tye malo i polo.

²Wumedde matek i lega, ma pe wunino, ento wumiyo pwoc bene. ³wuleg piwa bene, wek Lubanja oyab botwa doggola me tito lok, wek watuc mun pa Kricito, pien pi lok meno aye omiyo koni atye i buc kany, ⁴wek anyut ka malen i kit ma myero. ⁵Wubed dok wuti ticwu ki ryeko twatwal i nyim jo ma pe guye Yecu, kun wutiyo ki kare ma tye bene i yo maber. ⁶Lok ma wuloko myero obed lok mamit ma kado oromo maber, wek omi wune kit ma myero wudok kwede i peny pa nat acel acel. ⁷Ominwa Tukiko ma wamaro, ma obedo latic ma genne, dok latic macalo an i Rwot, bitito botwu lok ducu ma dok i koma. ⁸Acwalo en botwu pi lok man kikome, wek en omi wune kit ma watye kwede kany, dok bene myero ocuk cwinywu. ⁹Acwale me bino kacel ki ominwa mukene ma wamaro, en aye Onesimo; en bene dano ma genne, dok en oa ki botwu. Gin bitito botwu gin ducu ma donj otimme kany.

¹⁰Aristako ma lamabuc lawota omotowu, ki Marako okeyo Barnaba ma yam donj acikowu pire;ka en oo botwu myero wujole maber, ¹¹ki Yecu ma nyine mukene Yucito bene omotowu. Jo magi adek-ki keken aye gin Lujudaya ma gitiyo tic kacel kwedwa kany i ker pa Lubanja. Gukweyo cwinya twatwal. ¹²Eapira latic pa Yecu Kricito ma en nat acel mua ki botwu, bene omotowu. En po piwu kare ducu i legane matek, wek wubed jo muteggi, kun wunian maber i gin ducu ma Lubanja mito ma pe wukalo akala wacel. ¹³An cadenne omiyo amoko ni en otiyo tic matek piwu ki pi jo ma tye i Laodikia ki Kerapoli. ¹⁴Luka ma en daktar ma wamaro, kacel ki Dema bene gumotowu.

¹⁵Wumot utmego ma tye i Laodikia, dok wumot Nimpa bene kacel ki jo muye Kricito ma gicokke i ode. ¹⁶Ka donj waraga man gityeko kwanone i kinwu, myero wumi gikwan bene bot jo muye Kricito ma gitye i Laodikia, ki wun bene myero wukwan waraga ma jo Laodikia gicwalo botwu. ¹⁷Dok wuwac bot Arkipo ni, "Myero inen ni icobo tic ma donj igamo i Rwot." ¹⁸An Paulo acoyo botwu lok me mot man ki cinja. Wupo i kom twec man ma gitweya kwede ki nyor. Kica pa Lubanja obed kwedwu. Amen.

1 Jo tecalonika

1 ¹Waraga man oa ki bot Paulo gin ki Silvano ka Temceo. Bot jo muye Kricito ma gibedo i Tecalonika ma gitye i Lubanja Won ki Rwotwa Yecu Kricito: Kica ki kuc obed botwu. ²Wapwoyo Lubanja jwijwi piwu ducu kun walwojo nyinwu i legawa me kare ducu, ³kun wapo i nyim Lubanja Wonwa i kit ma wuketo kwede niyewu i tic, ki kit ma wucanne kwede pi mar, dok ki kit ma wudiyo kwede cwinywu pi gen ma wutye kwede i Rwotwa Yecu Kricito. ⁴Utmegiwa ma Lubanja maro, waneyo ni Lubanja donj otyeko yerowu, ⁵pien lok me kwena maber ma watito botwu yam pe obino botwu i lok keken, ento obino ki teko, ki i Cwiny Malen kun onono lok meno oduonyo matut i cwinywu. Wuneyo maber kit ma wan wabedo kwede i kinwu kun wakonyowu. ⁶Wun bene yam wucako poro kitwa ki kit pa Rwot, pien wuye lokke i kare ma onono giunowu matek ma wubedo ki yomcwiny ma Cwiny Malen miyo. ⁷Man omiyo wudoko lanen bot jo ducu muye Yecu ma gitye i Makedonia ki Akaya. ⁸Pien wumiyo lok pa Rwot owinnye, pe i Makedonia ki Akaya keken, ento lok pi niyewu i kom Lubanja donj oywek oromo kabedo ducu, ma wan kikomwa dok pe waromo loko iye gin mo. ⁹Pien gin kikomgi aye gitito lok mukemowa, kit macalo yam wujolowa kwede, kadi wa kit ma wulokke kwede bot Lubanja, kun wubwoto woro jogi pi woro Lubanja makwo, dok me ada, ¹⁰dok wutye ka kuro Wode ma bidwogo ki i polo, ma yam en ocero woko ki i kin jo muto, en aye Yecu ma olarowa ki i akemo pa Lubanja ma bibino.

¹Utmegiwa, wun kikomwu wuneyo ni, binowa botwu yam pe obedo me nono. ²Kadi bed waneno can, dok bene gitimo tim me lewic i komwa i Pilipi macalo wun wuneyo, kadi pyem obedo dwon, Lubanawa omiyo botwa tekwinny me tito botwu lok me kwena maber ka malen. ³Pien lok ma wakelo pe oa ki i tam mugom nyo tam ma pe len, goba bene pe iye. ⁴Ento kit macalo Lubana don opwoyowa, ci cut omiyowa lok me kwena maber me atita, wan bene don watito kit meno, pe pi yomo cwiny dano, ento pi yomo cwiny Lubana ma nyiyo cwinywa. ⁵Wuneyo ni, wan yam pe waboko lok mabeco nono, pe wakano tamwa pi nonjo lim, Lubana aye cadenwa. ⁶Pe bene wayenyo deyo ki bot dano mo, kadi ki botwu nyo ki bot jo mukene; kadi bed onono watye ki twero me keto peko i komwu, pien wan lukwena pa Kricito. ⁷Ento yam wabedo wamwol i kinwu macalo lapidi ma gwoko litinone. ⁸Waparowu mada, omiyo nene pe wamito miyo botwu lok me kwena maber keken ma oa ki bot Lubana, ento kadi wan kikomwa don watyeko mine woko botwu, pien wamarowu dok piwu tek botwa twatwal. ⁹Utmegiwa, wutwero po kit ma cen wacanne kwede i tic, i kare ma watittiwu lok me kwena maber ma oa ki bot Lubana, kun watiyo dyecen ki dyewor wek pe waket peko i kom nat mo i kinwu. ¹⁰Wun wucadenwa, ki Lubana bene neyo kit ma wabedo kwede malen dok ma kitwa atir, labono lok mo ma oloyowa i nyimwu wun jo muye Yecu. ¹¹Dok wuneyo kit ma wabako kwede dogwa botwu, kun waparo pi dano acel acel ma i kinwu, dok wacuko cwinywu macalo won litino cuko cwiny litinone. Dok wacikowu bene ni, ¹²wulub kit kwo ma myero bot Lubana ma olwonowu i kerre ki i deyone. ¹³Man aye gin mumiyo wapwoyo Lubana kare ki kare, pien cakke ma wugamo lok pa Lubana ma wuwinyo ki botwa, pe wugamo macalo lok pa dano, ento macalo lok pa Lubana. Ada aye lok pa Lubana tye bene ka tic i iwu wun jo muye Yecu. ¹⁴Utmegiwa, wun bene wumako kit pa lwak jo muye Lubana ma tye i Kricito Yecu, i kabedo ducu ma tye i Judaya, pien wun bene wuneno can ki bot lutuwu kikome ma rom ki can ma gin guneno bot Lujudaya, ¹⁵ma cen guneko Rwot Yecu ki lunebi, ka guryemowa woko bene. Pe guyomo cwiny Lubana, ento gupyem apyema ki jo ducu, ¹⁶kun gigenowa me tito lok bot Lurok wek gularre. Man omiyo gumedde ameda ki timo gin marac. Ento akemo pa Lubana don obino woko i komgi matwal. ¹⁷Utmegiwa, ka cen gipokowa woko kwedwu pi kare manok, i kom ento pe i cwiny, watemo twatwal ki miti madwon me nonjo yo wek dok wanenne kwedwu wan ki wan. ¹⁸Yam onono wamito mada me bino botwu. An Paulo atemo tyen mapol, ento Catan ogenowa woko. ¹⁹Genwa ki yomcwinywa ki lalukana me nyattewa i nyim Rwot Yecu Kricito i dwogone, en gin anjo? Pe wun? ²⁰Pien wun aye wubedo deyowa ki yomcwinywa.

3 ¹I kare ma doŋ waneno ni pe waromo ciro wacel, wamito ni wadoŋ woko cen kenwa i Atene, ²ci waoro botwu Temceo, ma en ominwa ki latic pa Lubanja i tito lok me kwena maber i kom Kricito, wek ojiŋ cwinywu obed tek dok odi cwinywu i kom niyewu, ³wek can magi pe oryaŋ kom dano mo. Wun kikomwu wuŋeyo ni can ma kit meno myero opot i komwa. ⁴Pien i kare ma pud watye kacel kwedwu watittiwu con ni, i kare mo i anyim wabineno can, ma doŋ bene otimme woko kit macalo wuŋeyo-ni. ⁵Pi lok man, ka doŋ anoŋo ni pe aromo diyo cwinya, aoro dano botwu wek aniaŋ i kom niyewu, ka ce labit dano doŋ obitowu woko, nyo ticwa ma watiyo bene doŋo olal nono. ⁶Ento kombeddi Temceo doŋ odwogo botwa kun oa ki botwu. En okelo botwa lok mamit i kom niyewu ki mar ma wutye kwede, dok bene ni wupo piwa jwijwi ki kica madwoŋ kun wuparo pi nenowa mada macalo wan bene waparo me nenowu. ⁷Utmegiwa, meno aye gin mumiyo cwinywa okwe i komwu pi niyewu, i can ki i un ma giunowa kwede ducu. ⁸Kombeddi doŋ wabedo kwo ka wacuŋ matek i Rwot. ⁹Kit pwoc aŋo muporre ma waromo miyo bot Lubanja piwu, ki pi yomcwiny ducu ma wumiyowa ma miyo cwinywa bedo yom i nyim Lubanja? ¹⁰I dyecen ki dyewor walego Lubanja matek twatwal pi nenowu waŋ ki waŋ, wek wamed botwu gin murem i kom niyewu. ¹¹Lubanja Wonwa kikome, ki Rwotwa Yecu Kricito, myero omi wanoŋ yo me bino botwu. ¹²Dok walego Rwot omiwu wumedde matek twatwal i mar, kun ŋat acel acel maro lawote ki jo ducu, i kit ma wan wamarowu kwede, ¹³wek en ojiŋ cwinywu obed tek dok wubed jo maleŋ laboŋo lok mo ma loyowa i nyim Lubanja Wonwa, i kare me dwogo pa Rwotwa Yecu ki jone maleŋ ducu.

4¹ Me agikkine utmegiwa, walegowu kun wabako dogwa botwu i Rwot Yecu ni, wumedde anyim nakanaka me bedo ki kit kwo ma wumako ki botwa, ma yomo cwiny Lubanja, ma wutye ka lubone-ni. ²Pien wuneyo cik ma yam wamiyo botwu pi Rwot Yecu. ³Gin ma Lubanja mito en ene, ni myero wudok jo malen; wuwek tim me kwele obedi. ⁴Dano acel acel myero oje bedo ki dakone kenei cwiny malen dok me woro. ⁵Pe wuwek miti me kom obwowu, macalo lurok ma pe neyo Lubanja. ⁶nat mo pe otim bal bot ominne, dok pe obwole i lok man; pien Rwot culo kwor i lok magi ducu macalo wan yam watito botwu kun wacikowu bene matek. ⁷Lubanja pe olwojowa ka nyobbe ki bal, ento ka bedo jo malen. ⁸Kit meno nat mukwero cik man, nonjo pe okwero dano, ento nonjo okwero Lubanja gire ma omiyowu Cwiny Malen. ⁹Lok mudok i kom mar me omego, pe myero gico botwu lok mo iye, pien wun kikomwu yam Lubanja don opwonyowu woko ni wumarre kekenwu; ¹⁰don ada wun wumaro utnego ducu ma tye i Makedonia. Ento wabako dogwa botwa ni wumedde ka timo kit meno nakanaka, ¹¹dok wuket cwinywu ka bedo mot. Dano acel acel opar pi ticce kun tiyo ki ciye kit macalo wacikowu kwede, ¹²wek jo ma tye woko gupwo kitwu, dok gin mo pe myero orem ki botwu. ¹³Utmegiwa, pe wamito wubed ma wukwiya lok i kom jo ma don guto; meno weko wubibedo ki cwerwiny macalo jo mukene ma gipe ki gen. ¹⁴Wan waye ni Yecu oto, ci ocer woko. Jo muto ma kun yam giye Yecu bene gitye kit meno; Lubanja bikelogi kacel ki Yecu. ¹⁵Watito botwu lok pa Rwot ma en owaco, ni, wan jo makwo ma wadon nio wa i nino me dwogo pa Rwot, pe wabitelo nyim jo ma don guto. ¹⁶Rwot kikome bilor piny kun a ki i polo ki lwojo me twer, ma dwan lamalaika maditte biwinnye, tum pa Lubanja bikok. Jo ma yam guto i Kricito aye ma gibikwojo cer. ¹⁷ka lacer wan jo makwo, ma wadon gibigwarowa kacel kwedgi i pol, wek warwatte ki Rwot i dye yamo; ci don wabibedo kacel ki Rwot nakanaka. ¹⁸Pi meno, wukwe cwinyu kekenwu ki lok magi.

¹Ento lok ma dok i kom kare, ki nino, utmegiwa, pe myero aco pire botwu, ²pien wun kikomwu donj wuneyo maber ni, nino pa Rwot bibino macalo lakwo ma bino i dyewor. ³Ka dano giwaco ni, “Kuc tye, piny okwe mot, gin mo marac pe,” to biturugi atura calo arem me nywal ma turu dako muyac, ka larre biloyogi woko. ⁴Ento wun pe wutye i piny macol, utmegiwa, ma twero miyo nino-nu turuwu atura calo lakwo. ⁵Pien wun ducu wubedo jo me ceŋ, jo me dyecen; wan pe jo me dyewor nyo me piny macol. ⁶Pi meno, pe myero waninu anina macalo jo mukene, ento wabed ka neno piny kun wagwokke. ⁷Pien jo ma nino, ginino dyewor, jo ma mer ki koŋo gimer bene dyewor. ⁸Ento wan jo me dyecen myero wabed jo ma wagwokke. Waruku niye ki mar gubed nyonyo me geŋo korwa, waruku bene gen me larre obed tok wiwa me lweny. ⁹Pien Lubanja pe oyerowa ni kinigane opot i komwa, ento ni walarre pi Rwotwa Yecu Kricito, ¹⁰ma yam oto piwa, ni wek kadi ka waneno nyo wanino, wabibed kwo kacel kwede. ¹¹Pi meno wucuk cwinywu kekenwu, dok wukonnye bene kekenwu wek wudonj i cwinywu, ŋat acel acel okony lawote me doŋo, kit macalo wutye ka timone-ni. ¹²Wabako dogwa botwu utmegiwa, wuwor jo ma tye ka tic i kinwu ma gicanne piwu i Rwot, kun gipwonyowu. ¹³Wuket deyo madwonj i komgi pi ticgi, dok wumargi bene. Wubed ki kuc i kinwu kekenwu. ¹⁴Dok wabako dogwa botwu, utmegiwa, wujuk jo ma balo kare laboŋo tic, wucuk cwiny jo ma cwinygi odoko nyap, wukony jo ma goro, wudi cwinywu bene i kom dano ducu. ¹⁵Wunen maber ni ŋat mo i kinwu pe ocul gin marac pi tim marac ma gitimo i kome, ento kare ducu wutem me timo ber i kinwu kekenwu ki bot jo ducu. ¹⁶Cwinywu obed yom kare ducu. ¹⁷Wuleg Lubanja ma pe wukenj. ¹⁸Wumi pwoc i kit gin ducu, pien meno aye gin ma Lubanja mito ki botwu i Kricito Yecu. ¹⁹Pe wugenj Cwiny Malenj me tiyo ticce i iwu, ²⁰pe wuca bene lok ma Lubanja miyo bot dano me atita, ²¹ento wubed ki wanj mabit me neno jami ducu; wumak gin maber matek. ²²Wukwer tim maraco ducu. ²³Lubanja kikome ma en won kuc omiwi wudok jo malenj i yo ducu, ogwok cwinywu ki tipowu ki komwu wek wubed laboŋo lok mo ma loyowu i kare me dwogo pa Rwota Yecu Kricito. ²⁴ŋat mulwoŋowu-ni genne, dok bitiyo. ²⁵Utmegiwa, wuleg Lubanja piwa. ²⁶Wumot utmego ducu ki mot me mar. ²⁷Acikowu matek i nyin Rwot ni, myero wukwan waraga man bot utmego ducu. ²⁸Kica pa Rwotwa Yecu Kricito obed kwedwu.

2 Jo tecalonika

¹¹Waraga man oa ki bot Paulo gin ki Silvano, ka Temceo. Bot lwak jo muye Kricito ma gibedo i Tecalonika ma gitye i Lubanja Won ki Rwotwa Yecu Kricito. ²Lubanja Won ki Rwotwa Yecu Kricito omiwi kica ki kuc. ŋolo kop i kare me dwogo pa Kricito. ³Utmegiwa, wan myero wapwo Lubanja jwijwi piwu. Myero wapwoye pien niyewu tye ka doŋo matek twatwal, ki mar ma dano acel acel maro ki lawote bene tye ka medde. ⁴Pi meno wan bene wanyatte piwu i kin jo muye Lubanja i kabedo ducu, pi diyo cwinywu ki pi niyewu i un ma giunowu kwede ki i can ducu ma wutye ka cirone. ⁵Meno aye lanen ma nyuto kit ma Lubanja ŋolo kwede kop atir dok kakare, wek gibikwanwu ni wun jo ma myero i ker pa Lubanja ma wutye ka neno can pireni. ⁶Pien bot Lubanjawa nen atir ni, myero ecul can bot jo muketo can i komwu, ⁷ka doŋ miyowu yweyo, wun jo ma giketo can i komwu, ka wa wan bene. Meno en bitimo i kare ma Rwot Yecu binen iye ma kun a ki i polo kacel ki lumalaikane matek i dye mac ma lyel. ⁸I kare meno en biculo kwor i kom jo ma pe ŋeyo Lubanja, ki i kom jo ma pe gilubo lok me kwena maber i kom Rwotwa Yecu. ⁹Kop ma gijinolo i komgi en aye can me to ma pe gik, kun giryemogi woko ki i nyim Rwot dok ki i nyim deyo me tekone, ¹⁰i nino meno, i kare ma en bidwogo kun jone miyo deyo bote, ma noŋo giure i kin jo ducu muye en; pien yam doŋ wuye lok ma watito botwu. ¹¹Meno aye gin mumiyo walego Lubanja piwu nino ducu, wek en omi wubed jo ma myero ma kwowu rwatte ki lwoŋo ma en olwoŋowu kwede, wek Lubanja okonywu ki tekone me cobo mitwu ducu mabeco ki tic ducu ma wutiyo pi niye. ¹²Meno bimiyo dano keto deyo i nyin Rwotwa Yecu Kricito piwu dok wun bene wubinorjo deyo pire, pi kica pa Lubanjawa ki Rwotwa Yecu Kricito.

2

¹Utmegiwa, lok i kom dwogo pa Rwotwa Yecu Kricito ki cekkewa me rwatte kwede, wabako dogwa botwu ni, ²pe wuwek tamwu ogwanje oyotoyot, cwinywu pe myero opoti, kadi pi lok ma wuwinyo ki bot lanebi mo nyo pi lok ma gitito, nyo kadi pi waraga mo ma giwaco ni oa ki botwa, ma tito ni, nino pa Rwot don oo. ³Pe wuwek nat mo obwolwu i yo ducu, pien nino meno pud pe bibino, nio wan ma jemo i kom Lubana kon obedo tye, dok bene nio wan ma dano ma turo cik kon onen, dano ma myero orweny woko matwal. ⁴Dan En pyem, dok kette kene me bedo malo ma loyo gin ducu ma gilwojo ni lubana, nyo gin mo ma giworo; dok bibedo i wi komme i ot pa Lubana, kun nyutte kene ni en Lubana. ⁵Pe wupo ni yam atittiwu lok man i kare ma pud atye botwu? ⁶Wuneyo bene gin ma tye ka geje i kare-ni, wek onen ka don kare oromo. ⁷Pien twero ma miyo dano turo cik kombeddi don tye ka tic i mun; ento nat ma geje pud bigerjo nio ka don giryeme woko. ⁸Lacenne dano ma turo cik binen, ci Rwot Yecu bineko woko ki alur doge, tyeke woko, i kare ma en bidwogo turu ki nen woko ka malen. ⁹Bino pa dano ma turo cik a ki i tic pa Catan kun tye ki teko ducu, ki lanyut mogo ki tano mogo me goba. ¹⁰Dok bibedo ki lwak bwola maraco pi jo ma birweny matwal, pien gukwero maro lok me ada ma kono olargi. ¹¹Pi meno Lubana biketogi i te twero me bwola, wek guye goba, ¹²wek ginol kop oloo jo ma pe ye lok me ada, ento cwinygi yom i timo gin ma pe tye atir. Jo ma Lubana oyero yam wa con pi larre. ¹³Utmegiwa ma Rwot maro, myero wapwo Lubana piwu nino ducu, pien Lubana okwojo yerowu con wek elarwu pi Cwiny Malen ma lonyowu wubedo malen, ki pi ye lok me ada. ¹⁴Olwojowu i man ki lok me kwena maber ma watito, wek gimi wunon deyo pa Rwotwa Yecu Kricito. ¹⁵Pi meno utmegiwa, wucun matek, wumak kit ma wapwonyowu kwede, i lok nyo ki waraga. ¹⁶Kombeddi Rwot Yecu kikome, ki Lubana Wonwa ma marowa dok okweyo cwinywa matwal ki gen maber ma obino pi kica, ¹⁷okwe cwinywu, omokwu matek i tic ki i lok ducu mabeco.

3¹ Me agikkine, utmegiwa, wuleg Lubanja piwa, wek lok pa Rwot owinnye oywek woko oyotoyot, dano guket iye deyo macalo bene otimme i kinwu, ²dok bene wek walarre ki i cin jo maraco, ma kitgi oballe woko; pien jo mogo pe gitye ki niye. ³Rwot genne, en bimiyowu teko, dok bigwokowu ki i kom gin marac. ⁴Watyte ki gen i Rwot i komwu ni, wutyte ka tiyo gin ma nene wacikowu ni wuti, dok bene wubimedde ki tiyone. ⁵Rwot myero otel cwinywu nio wa i mar pa Lubanja ki i diyo cwiny ma a ki bot Kricito. ⁶Utmegiwa, kombeddi wacikowu i nyin Rwotwa Yecu Kricito ni, wupokke woko ki i kom ominwu mo ma lawackom ma bedo ka wirre kun balo kare nono labano tic mo, ma pe lubo kit ma myero ma wun wumako ki botwa. ⁷Wun kikomwu wuneyo kit ma myero wulub kwede kitwa. I kare ma nene watye botwu pe wabedo luwackom kun wabalo kare nono labono tic mo. ⁸Wan yam pe wacamo cam pa nat mo labono culone, ento wacanne i tic dyecen, ki dyewor wek pe waket peko i kom dano mo i kinwu. ⁹Pe te lokke ni wan wape ki twero, ento wamine giwa kenwa me bedo lanen ma myero wun wulubi. ¹⁰Pien kadi i kare ma onono watye botwu, wamiyowu cik man ni, nat ma dag tic myero wutwon ki cam. ¹¹Pien wawinyo ni jo mogo i kinwu komgi wac, gibedo ka wirre kun gibalo kare nono ma pe gitiyo tic mo, ento giridde i tic pa jo mukene. ¹²Waciko kodi dano macalo meno, dok wabako dogwa botgi i Rwot Yecu Kricito ni, myero guti ticgi mot, wek nat acel acel opitte gire kene. ¹³Utmegiwa, pe wuol ka tiyo gin maber. ¹⁴Ka nat mo okwero lubo lok ma gicoyo i waraga man, myero wunian maber i kom dano meno, pe wuribbe kwede, wek lewic omake. ¹⁵Pe wunene macalo lakworwu, ento wucike macalo ominwu. ¹⁶Rwot ma en won kuc omiwu kuc i kare ducu, i yo ducu. Rwot obed kwedwu ducu. ¹⁷An Paulo acoyo botwu mot man ki cinja. Man aye lanen ma tye i waragana ducu; man aye kit ma acoyo kwede. ¹⁸Kica pa Rwotwa Yecu Kricito obed kwedwu ducu.

1 Temeceo

1

¹Waraga man oa ki bot Paulo ma lakwena pa Kricito Yecu pi cik pa Lubanja Lalarwa ki Yecu Kricito ma genwa ocun i kome. ²Bot Temceo latinna me ada i niye: Lubanja Won ki Kricito Yecu Rwotwa omii gum, kica, ki kuc. ³Macalo nene kon abako doga boti i kare ma acito i Makedonia, amito kon idon i Epeco wek icik jo mogo pe gupwony pwony mo mapat, ⁴dok pe guket cwinygi i kom lok me ododo, ki nyin mogo ma giryeyo mabocoboco ma lubo te kwaro, ma kelo tam atata, pe konyo yub pa Lubanja ma ocun i kom niye. ⁵Yam aciki ni iwek dano gubed ki mar ma dano bedo kwede ka cwinye len dok kite ber ma pe ki bala mo i kome, dok ma niyene goba pe iye. ⁶Jo mogo gunak woko ki i lok man ci gudonyo ka boko lok atata ma konnye pe. ⁷Gimito bedo lupwony-cik, kun pe ginian kadi wa lok ma giloko, nyo kadi gin ma gitye ka lok i kome, ma gucun iye matek twatwal-li. ⁸Waneyo ni cik ber ka dano otiyo kwede i yo ma cik mito. ⁹kun wanian ni, cik pe giketo pi jo ma kitgi atir, ento giketo pi lutur-cik ki pi jo ma pe ki winy, pi jo ma pe lworu Lubanja ki pi lubalo, pi jo ma pe gilen, jo ma pe keto cwinygi i kom Lubanja, pi jo ma neko wongi ki jo ma neko megigi, pi lunek dano mukene, ¹⁰dok pi jo ma timo tim kwele, jo ma buto ki co luwotgi, jo ma kwalo dano girwenyo kwede woko ali, lugoba, jo ma kwono kwon labono tere, ki gin mukene ducu ma pe rwatte ki pwony me ada. ¹¹Meno aye pwony ma nonje i lok me kwena maber ma yam gimiya me atita, lok maber ma tito pi deyo pa Lubanja ma gipwoyo. ¹²Apwoyo nat ma omiya teko me tiyo tic man, en Kricito Yecu Rwotwa, pien don okwana me bedo lagen, ka oketa bene i ticce, ¹³kadi bed yam abedo ka yete pi keto ayela i kome ki balo nyine. Ento en otima kica, pien cen atimo meno ki kwiya piny labono niye, ¹⁴ka kica pa Rwotwa omedde twatwal i koma kacel ki niye ki mar ma tye i Kricito Yecu. ¹⁵Lok man lok me ada, myero dano ducu guye ni, Kricito Yecu yam obino i lobo pi laro lubalo. I kin lubalo an aye abedo labal mukwono, ¹⁶ento otima kica pi lok man, wek i kin lubalo, Yecu Kricito okwon nyuto diyo cwinye maber-ri bota macalo lanen bot jo mukene ma gibiye en, ka don gicako nono kwo ma pe tum. ¹⁷Woro ki deyo obed nakanaka bot Kabaka ma loyo kare ducu, ma pe to, ma pe nen, en Lubanja acel kene. Amen. ¹⁸Latinna Temceo, amiyo boti cik man ma rwatte ki lok ma yam lutit lok pa Lubanja guloko i komi, ¹⁹wek ka ilubo lokgi wek ilweny lweny maber, kun imako niye matek ma ii len. Pi kwero tam ma i igi ma nyuto botgi balgi, jo mogo niyegi oballe woko. ²⁰Jo mogo i kingi, Kumenayo ki Alegijada, yam amiyogi i cin Catan wek gupwonnye guwek yeto Lubanja.

2 ¹Lok mukwoŋo aciki ni, bako dog, lega, lega ma gilego pi jo mukene, ki miyo pwoc, myero gitim pi dano ducu, ²pi luker ki jo ma tye i rwom ma malo, wek omi wabed mot laboŋo ayela, ma waworo Luban̄a kun kitwa beco i yo ducu. ³Man ber, dok Luban̄a Lalarwa bene pwoyo. ⁴En mito laro jo ducu, dok mito ni jo ducu guŋe lok me ada. ⁵Pien Luban̄a tye acel, Nat ma ribo Luban̄a ki dano bene tye acel, ma obedo dano, en aye Kricito Yecu, ⁶ma ominē kene me bedo gin-kok pi jo ducu; meno en aye caden ma yam gimio i karene kikome. ⁷Pi lok man, giketa me bedo latit-lok dok lakwena, (aloko lok ada, goba pe iye), an lapwony pa Lurok, i niye ki i lok ada. ⁸Man aye mumiyo amito ni co myero guleg Luban̄a i kabedo ducu, kun gitaŋo ciŋgi malen̄ malo laboŋo kiniga nyo daa mo. ⁹Kit meno, mon bene myero gurukke maber ki mwolo, kun gigwokke, pe i yer wic ma gikedo, nyo jabu, nyo tiko ŋut,, nyo ruk mogo me wel ma malo; ¹⁰ento bergi myero onen i tic maber ma gitiyo, meno en gin ma mitte bot mon ma gilwoŋŋe kengi ni gin jo ma woro Luban̄a. ¹¹Dako myero opwonnye lalinlin̄ kun bedo ki winy. ¹²Pe aye ni dako opwony dano nyo obed ki twero i kom co; en myero obed olin̄ aliŋa. ¹³Pien Adam aye ma gikwoŋo cweyone, ka doŋ lacen gicweyo Kawa. ¹⁴Dok bene yam pe gibwolo Adam, ento gibwolo dako, ci omio opoto i bal odoko labalo. ¹⁵Kadi bed kumeno, dako gibilaro i kare me nywal, ka ce omedde ka bedo ki niye dok ki mar, kun bedo malen̄ ma gwokke kene.

3¹Lok man lok ada: ka ce dano mo mito tic me bedo latel jo pa Lubaja, nonjo en mito tic maber. ²Latel myero obed labonjo lok mo ma gijuke iye, obed ki dako acel, ogwokke kene, obed ryek, obed dano ma giworo. Obed dano ma gwoko welo, lapwony maber, ³ma pe lamero kone, ma pe lakolo, ento obed dano mamwol, ma pe da atata, dok pe obed nat ma maro lim. ⁴Myero obed nat ma loyo ode maber kun gwoko litinone miyo gibedo ki winy bot jo madito, ma giworo dano i yo ducu; ⁵prien ka ce dano pe loyo ode kikome maber, ci en twero gwoko lwak jo muye Lubaja ninjin? ⁶Myero pe obed dano ma pud olokke aloka nyen, miyo kette malo ki wakke, ci cut poto woko, lok loye macalo yam oloyo Catan. ⁷Medo i kom meno myero en obed dano ma jo ma woko pwoyo, wek pe okel yet i kome ma miye poto i owic pa Catan. ⁸Kit meno, ludikon myero bene gubed jo ma romo awora, jo ma pe doggi aryo, ma pe gin lumat konjo matek twatwal, pe gubed luworo me nonjo lim; ⁹myero bene gubed jo ma nian maber i mun me niyewa, kun cwinygi bene len. ¹⁰Myero konj gikwon temogi; ka ce ginonjo ni lok mo marac pe i komgi ka donj giyegi guti tic me dikon. ¹¹Mon bene kit meno, myero gubed mon ma romo awora, ma pe lucok dog dano, gubed jo ma gwokke kengi dok jo ma lugen i jami ducu. ¹²Ludikon myero gubed wegi mon acel acel, myero gulo litinogi ki odigi bene ducu maber, ¹³prien ludikon ma gitiyo tic mabeco ginonj rwom maber pigi kengi, dok gidoko jo ma cwinygi tek i kom niye ma tye i Kricito Yecu. ¹⁴Atye ki gen me bino boti pi oyot, ento acoyo lok me pwony man boti wek, ¹⁵ka agalle, inje kit ma myero dano obed kwede i kin jo me ot pa Lubaja, ma en aye lwak jo muye Lubaja makwo, ma en aye obedo wir ki guti me te ot matek, me ada. ¹⁶Mun me dini ma watuco pire dit twatwal: Yam onyutte i kom, gikwane ni kite atir pi Cwiny Malen, lumalaika gunene, gitito pire bot luruk, giye en i lobo ducu, ka donj gitero woko malo i deyo.

4 ¹Cwiny Malen waco atir ni, i kare mo i anyim jo mogo bibwoto niyegi woko, gicako lubo jogi ma gin lugoba, ki pwony pa cen maraco. ²Pwony ma kit meno a ki bot jo ma luroro ma gin lugoba, ma tam ma i igi ma nyuto botgi balgi odin woko macalo del kom dano ma giwanjo ki nyonyo malyet. ³Gin jo-nu gijuko ni dano pe gunyom, dok bene giciko dano ni gukwer cam mogo, kun Lubanja yam oketo cam wek jo ma ye en, ma ginjejo lok me ada, gugam ki pwoc. ⁴Pien jami ducu ma Lubanja oketo gibeco, pe tye mo ma myero gikwer ki i kingi, ka ce ononjo gigamo ki pwoc; ⁵pien lok pa Lubanja ki lega lonyogi bedo malen. ⁶Ka iketo pwony magi i nyim utmego, ci ibibedo latic pa Kricito Yecu maber, ma gipito ki lok me niye ki pwony mabeco ma ibedo ka luboneni. ⁷Kwer lok mogo me miyo ma tere pe ma pe me lworu Lubanja. Pwonnye keni i kwo me lworu Lubanja. ⁸Pwonnye me rweyo ler kom tye ki kony, ento konnye nok; lworu Lubanja konyo i yo ducu, pien twero kelo botwa gum i kare man ki i kwo ma ki i kwo ma bibino i anyim, macalo Lubanja yam ociko. ⁹Lok man lok ada, myero dako ducu guye. ¹⁰Meno aye mumiyo wacanne dok wacukke me tic matek, pien waketo genwa i kom Lubanja makwo, ma en Lalar pa jo ducu, ento makatone pa jo ma ye Yecu. ¹¹Cik lok magi dok ipwony ki dano. ¹²Pe imi nat mo ocai ni pien in pud itidi, ento bed lanen maber bot jo muye, i lokki, i kiti, i mar, i niye, ki i bedo malen labonjo gin marac mo i komi. ¹³Mi karen i me kwano coc ma yam gicoyo i nyim lwak, i tito lok, ki i pwony, nio ka abino kunnu. ¹⁴Pe ibwot mot me cwiny ma itye kwede-ni oballe nono, ma yam gimii pi lok ma lutit lok pa Lubanja gutito i kare ma ludonjo giketo cingi i wii. ¹⁵Nyut lok magi ki tic, ket cwinyi iye, wek dano gunen kit ma itye ka wot kwede anyim. ¹⁶Gwokke keni, dok igwok pwonnyi bene; mak matek, pien ka itimo kumeno, in kikomi ibillarre kacel ki jo ma winyi bene.

¹Pe ijuk ladit mo, ento cuk cwinye macalo woru; awobe myero inengi macalo omegini, ²nen mon madoŋo macalo mego, ki mon matino myero inengi macalo lumegini, laboŋo tam mo marac. ³Wor mon ma coggi oto, ma doŋ gudon kengi. ⁴Ka ce dako ma cware oto tye ki litinone ki likwaye, myero gin koŋ gukwon pwonyo ticgi me dini i odigi gin kikomgi, kun gimio kony bot lunyodogi pi kony mogo ma yam gumiyo botgi, pien meno aye Lubaŋa pwoyo. ⁵Dako ma cware oto ma odoŋ kene laboŋo ŋat mo ma konye, keto genne ducu i kom Lubaŋa, dok bene bako doge kun lego Lubaŋa dyecen ki dyewor. ⁶Ento dako ma cware oto ma yenyo yomcwiny me jami mabeco keken, doŋ oto kadi bed pud kwo. ⁷Ket cik man, wek gubed laboŋo lok mo ma gijukogi iye. ⁸Ka ce dano mo pe miyo gin mo me konyo wadine, makato pi jo me ode kikome, noŋo doŋ okwero niyene woko, dok bene odoko rac makato ŋat ma pe oye Lubaŋa. ⁹Pe myero gico nyin dako ma cware oto ma mwaka me ditte peya oromo pyerabicel nono, dok bene myero en obed dako ma yam obedo ki cware acel keken. ¹⁰Myero ginen ka ticce ber, ka ce yam opito litino, ka yam ojolo welo, nyo olwoko tyen jo pa Lubaŋa, ka okonyo jo ma yam giunogi, dok bene ka obedo ŋat ma yam omine kene i tiyo gin maber i yo ducu. ¹¹Ento myero ikwer coyo mon ma pud gitino ma coggi oto; pien miti me komgi twero miyo gikwero Kricito woko, gicako mito nyomme doki aye, ¹²miyo ginjolo kop loyogi pi turo cikkegi mukwoŋo. ¹³Medo i kom meno, gilokke gidoko luwackom ma gibibedo ka wot awota i ot ki ot; pe gibedo luwackom keken, ento gidoko bene jo ma loko lok atata, ma giridde i gin ma pe meggi, gibedo ka loko lok ma pe myero gilok wacel. ¹⁴Pi meno, omio amito ni mon matino ma coggi oto ginyomgi wek gunywal litino, gulo odigi, wek pe gumi kare ki lukworwa me loko gin mo marac i komwa. ¹⁵Pien jo mogo i kingi doŋ guŋak woko, gitye ka lubo Catan. ¹⁶Ka ce dako mo muye Rwot tye ki wadine ma gin mon to, myero en omi botgi kony, wek pe giket peko i kom lwak muye Yecu, ento lwak muye Yecu gubed ka konyo mon ma coggi oto ma lakonygi mo pe. ¹⁷Ludoŋo ma loyo loc maber myero giworgi twatwal, makato myero giwor jo ma tye ka yelle ka tito lok ki pwonyo dano. ¹⁸Pien lok ma yam gicoyo waco ni, “Pe itwe dog twon ka tye ka nyono bel,” dok bene ni, “Latic myero giculle mucarane.” ¹⁹Pe iye lok adot mo ma gikelo i kom ladit mo, gwok nyo ka tye lucaden aryo nyo adek macalo ginacoya owaco. ²⁰Doŋ jo ma pud ocuŋ i kom balgi, myero ijukgi i nyim dano ducu, wek omi jo mukene gubed ki lworo. ²¹Aciki i nyim Lubaŋa ki Kricito Yecu ki lumalaika ma giyero, gwok cik magi ma pe i jenŋe i kom wat nyo larem. ²²Dok bene pe irune me keto cinj i kom ŋat mo, nyo me ribbe ki jo mukene i balgi; ento gwokke ibed malen. ²³Cakke kombeddi, doŋ pe imat pii keken, mat bene koŋo vino manok pi konyo ii pi two ma maki kare ki kare. ²⁴Bal pa jo mogo nen woko ka malen ma cimo atir ni kop biloyogi, ento bal pa jo mukene nen lacen. ²⁵Tic maber bene nen woko ka malen; kadi pe kit meno, pe kanne matwal ma pe onen.

6 ¹Jo ducu ma gubedo opii, myero guti ki luditogi macalo jo ma romo awora i yo ducu, wek nat mo pe oyey nyin Lubana nyo pwonywa. ²Jo ma luditogi don guye Rwot, myero pe gukwer worogi, ni pien gin don gibedo omego, ento myero gumedde me tiyo tic maber makato botgi, pien jo ma gikonyo ki ticgi gubedo jo muye Rwot dok jo ma gin maro. Pwony lok magi dok icuk cwiny dano iye. ³Ka nat mo pwonyo mere lok mapat kun pe lubo lok ada pa Rwotwa Yecu Kricito pi pwony me diniwa, ⁴nonjo en okette malo kene ki wakke, ento pe njejo gin mo kadi ki acel. Iye opon ki par maraco me pyem ki daa i kom nyin lok mogo; don lok macalo meno a iye nyeko, pyem, yet ki par maraco ma miyo gen rwenyo woko i kin dano. ⁵Dok bene miyo jo ma ryekogi oballe, ma mako lok me ada oloyogi woko, gibedo ka wo awoya nono, kun gitamo ni dini aye yo me nonjo lonyo. ⁶Lonyo dit twatwal i dini ka ce iyen ki gin mo keken ma itye kwede. ⁷Pien wan yam pe wakelo gin mo i lobo kany, dok bene pe wabitwero tero gin mo ka waa ki i lobo. ⁸Ento ka watye ki cam ki ginaruka, jami magi romowa gire. ⁹Ento jo ma mito bedo lulonyo miyo Catan bitogi ci gipoto i bal, ka don gimoko i owic pa Catan pi mitgi mapol me miyo ma tye ka unogi, miyo girwenyo dok gito woko matwal. ¹⁰Pien maro lim en aye acakki me gin maraco ducu; man en gin ma omiyo jo mogo gua woko ki i niye, ka don gurwatte ki lwak can mapol ata mucorre i komgi. ¹¹Ento in dano pa Lubana, len yo ki jami meno, ket cwinyi i kit ma atir, i lworu Lubana, i niye, i mar, i diyo cwiny ki i mwolo. ¹²Lweny lweny maber me niye; mak kwo ma pe tum matek ma yam gilwoni iye i kare ma ituco niyeni i nyim lucaden mapol ata. ¹³Aciki i nyim Lubana ma miyo kwo bot jo ducu, ki i nyim Yecu Kricito, ma otuco niyene maber i kare ma miyo lok me cadenne i nyim Pontio Pilato: ¹⁴Gwok cik ma gimiyi, bed labono kit roc mo nyo lok mo ma gijuki iye, nio ka Rwotwa Yecu Kricito binen. ¹⁵Lubana ma gipwoyo, en acel keken aye Won Twer, Kabaka pa luker ducu, Rwot pa rwodi, en binyuto man ka kare kikome don oromo. ¹⁶En Lubana acel keken ma pe to, ma bedo i Leno mo ma nat mo pe romo nyiko cok kwede, cakke con nat mo pud pe munene, dok bene dano mo pe twero nene. Woro ki twer ma pe gik obed bote. Amen ¹⁷Cik lulonyo me kare man ni guwek wakke, dok bene pe guket gengi i kom lonyo ma pe genne, ento guket gengi i kom Lubana ma miyowa jami ducu mabup ma yomo cwinywa. ¹⁸Myero guti tic mabeco, gubed lulonyo i timo ber bot dano, i poko jami, ki i miyo mot ki yomcwiny. ¹⁹Ka gutimo meno, nonjo gukano mono maber pigi kengi pi kare me anyim, wek gumak kwo ma en aye kwo kikome. ²⁰Ai Temceo, gwok gin ma yam don gimiyi i cinji. Gwokke i boko lok mogo ma pe me woro Lubana, ki i pyemmogo ma a ki gin ma gilwono gobagoba ni, "nec", ²¹pien jo ma giwaco ni gitye ki kit nec meno gibayo piny nono i lok ma mako niye Kica pa Lubana obed kwedi.

2 Temeceo

1 ¹Waraga man oa ki bot Paulo ma lakwena pa Kricito Yecu pi mit pa Lubana, ma lubo ciklene me miyowa kwo ma tye i Kricito Yecu. ²Bot Temceo latinna ma amaro: Lubana Won ki Kricito Yecu Rwotwa omini gum, kica ki kuc. ³Apwoyo Lubana ma atiyo bote tic ki iya malen, macalo kwarowa yam gutiyo bote, kun alwono nyini i legana me kare ducu. ⁴Ka apo pig wani, miyo i dyecen ki dyewor apar me neni, wek apon ki yomcwiny. ⁵Apo i kom niyeni ma goba pe iye, ma yam kon okwono bedo bot dani Loi, ki meni Yuneki, ma anejo atir ma pe akalo akala ni tye boti bene. ⁶Man omiyo apoyo wii wek iti ki mot me kica ma yam Lubana omii pi keto cinja i wii, ma don odoko macalo mac ma don okwe woko; buki wek olyel. ⁷Pien Lubana yam pe omiyowa cwiny me lworu, ento omiyowa cwiny me teko ki me mar ki me gwokke kenwa. ⁸Pi meno lewic pe omaki me miyo caden i kom Rwotwa, lewic bene pe omaki i koma, an ma abedo lamabucceni, ento ribbe kwedwa i ciro can pi lok me kwena maber, i teko pa Lubana. ⁹En olarowa dok olwono me bedo jo malen, pe pi tic mogo ma wan watiyo, ento pi lubo gin ma en kikome oyubo, ki pi kicane ma yam en omiyo botwa i Kricito Yecu i acakki piny. ¹⁰Kombeddi don ginyuto woko botwa i bino pa Lalarwa Kricito Yecu ma don okwano to woko matwal, ci omiyo kwo ma bedo matwal onen woko ka malen pi lok me kwena maber. ¹¹Pi lok me kwena maber-ri, yam giketa abedo latit-lok, lakwena ki lapwony bene. ¹²Man en gin mumiyo aneno can kit macalo atye ka nenone wa i kare-ni. Ento lewic pe maka gira, pien anejo nat ma aye, dok bene ageno atir ni, en twero gwoko gin ma omiyo i cinja nio i Nino maca. ¹³Lanenni me aluba myero obed lok me ada ma yam iwinyo ki bota, kun ilubo kwede niye ki mar ma tye i Kricito Yecu. ¹⁴Gwok gin maber ma gimiyi i cinji pi teko pa Cwiny Malen ma bedo i iwa. ¹⁵In injejo ni, jo ducu ma tye i Acia don guloko negi woko bota. Pugelo gin ki Kermogen gitye i kingi. ¹⁶Rwot myero otim kica i kom paco pa Oneciporo, pien yam obedo ka dwoko cwiny tyen mapol. Lewic pe omake pi twec ma gitweya kwede ki nyor, ¹⁷ento i kare ma en oo i Roma oyenya matek nio ka onona. ¹⁸Rwot myero omi en onon kica ma a bote i Nino maca. Dok in bene injejo maber mada kit kony ma en obedo ka miyone i Epeco.

¹Latinna, in donj itim tek i kica ma gimiyowa i Kricito. ²Gin ma donj ityeko winyo ki bota i nyim lucaden mapol, in bene myero itit bot jo ma genne ma giromo pwonyo ki jo mukene. ³Cir arem me gin marac ma gitimo i komi, kit macalo askari maber pa Yecu Kricito. ⁴Pe tye askari mo ma ka tye i dog tic dok rwakke i tiyo tic ma woko, pien tamme tye ni myero eyom cwiny n̄at ma ocuye i mony. ⁵Lapyem i tuko pe twero loyo tuko ka pe olubo cik me tuko meno kikome. ⁶Lapur ma en latic matek i potone en aye ma myero okwonj camo gin ma ocek iye. ⁷Tam gin ma aloko, pien Rwot bimiyo inianj i jami ducu. ⁸Po i kom Yecu Kricito, ma ocer ki i kin jo muto, en lakwar Daudi, kit macalo an atito kwede lok me kwena maber. ⁹Lok meno me kwena maber en aye gin ma atye ka ciro can pire, kun gitweya woko ki nyor calo gitweyo labalo! Ento lok pa Lubanja gire pe gitweyo ki nyor. ¹⁰Meno en gin mumiyo atye ka ciro arem kare ducu, pi jo ma giyero, wek gin bene gunonj larre ma tye i Kricito Yecu, kacel ki deyo ma pe gik. ¹¹Lok man lok ada, ni, “Ka wato kwede, wabikwo kwede bene, ¹²ka waciro can, wabibedo ka loc kacel kwede; ka wakwere, en bene bikwerowa; ¹³ka wan jo ma pe genne, en gire genne nakanaka, pien en pe twero kwerre kene.” ¹⁴Po wigi i kom lok man, dok icikgi i nyim Rwot ni gin guwek pyem i te lok mapatpat, pien meno pe konyo gin mo, ento dok medde me halo jo ma winyo abala. ¹⁵Ket tek kit macalo itwero pi mine keni bot lubanja macalo n̄at ma gipwoyo, latic ma pe ki gin mo ma lewic myero omake iye, ma tero lok me ada i yo atir. ¹⁶Kwer boko lok ma pe me woro Lubanja, pien lok ma kit meno medde ki rwenyo dano arwenya i woro Lubanja, ¹⁷dok bene lokgi bituco yone calo bur ma camo kom dano oyotoyot. Kumenayo gin ki Pileto gitye i kin jo meno. ¹⁸Donj gunjak woko ki i lok ada kun giwaco ni wan donj wacer con. Man gitye ka balo kwede niye pa jo mogo. ¹⁹Ento guti me ot ma Lubanja oketo donj tye ma ocunj woko matek likin, ma bene tye ki coc man i kome ni, “Rwot n̄eyo jo ma gin jone kikome,” dok ni, “Dano acel acel ma lwonjo nyin Rwot myero opokke woko ki i bal.” ²⁰I ot mo madit, pe bedo iye jami me jabu ki ryal keken, ento bedo iye bene jami mogo ma gitiyo ki bao ki ma gitiyo ki lobo; mogo gitiyo kwedgi i kare me deyo keken, ento mukene-gu gitiyo kwedgi i kare ducu. ²¹Ka ce n̄at mo olonnye kekene, kun oweko bedo ki kit marac woko, en bibedo atabo ma gitiyo kwede i kare me deyo, ma bedo malen, ma konyo won ot, ma oyubbe pi tic ducu maber. ²²Wek miti me awobi obedi, ento ket tammi i bedo ki kit ma atir, niye, mar ki kuc, kacel ki jo ducu ma kok bot Rwot kun igi lenj. ²³Kwer pyem me minjomiyo ma bino pi kwiya piny-gu woko; in in̄eyo kodi pyem macalo meno kelo daa. ²⁴Latic pa Rwot myero obed n̄at ma pe da atata, myero obed n̄at ma lakica bot dano ducu, lapwony ma ladiro, n̄at ma diyo cwinye, ²⁵n̄at ma tiro jo ma pyem kwede ki mwolo. Gwok nyo Lubanja bimiyogi cwiny me n̄ut, ka wek donj gunianj maber i kom lok ada, ²⁶miyo ryekogi dwogo, ci gibwot ki i owic pa Catan ma ononjo yam omakogi, omiyo gutiyo gin ma en mito.

³Ento myero inian man ni, i kare me agikki, piny bibedo marac i kare mogo. ²Pien dano bibedo ka maro komgi kengi kun gibedo lumar lim, luwakke, lucac, lunywar jo mukene. Pe gibliwinyo lunyodogi, pe gibimiyo pwoc mo, gibibedo jo ma pe lenj. ³Pe gibimaro dano wadgi, gibibedo jo ma pe timo kica bot dano, gibibedo lucok dog jo mukene, gibibedo jo ma mitgi pe jukke, jo ma ger ma gidag gin mo maber, ⁴luroro, jo ma tye atata ma pe giparo piny, jo ma gikette malo kengi ki wakke, jo ma maro yomcwiny ma ka maro Lubanja. ⁵Gibimako dini dok gibilubo i kitgi ma nen ki woko keken, kun gikwero tekone woko. Pokke woko ki i kom jo macalo meno ⁶Pien tye jo mogo i kingi ma giridde gidonyo i paco pa dano mukene, ci giloyo tam pa mon mogo ma gorogoro, ma peko me bal obwoyogi woko, ma mitgi tye patpat ci bedo ka ywayogi tunji ki tunji, ⁷kun gimito pwonnye i kare ducu, ento pe dok gitwero nianj i lok ada. ⁸Jo meno girom ki Yane ki Yambure ma yam gupyem ki Moses, pien gin bene gitye ka pyem ki lok ada i kit acel-lu; ryekogi don oballe woko, niyegi pe tye kakare. ⁹Ento pe gibimedde kwede nakanaka, pien minoginu binene woko bot lwak, calo pa jo aryo ca. ¹⁰Ento in don injiyo kweda woko kun ineno pwonnya, kita ki tam ma aketo i nyima. Ineno niyena, diyo cwinya, mar ma atye kwede, kit ma ayelle kwede kun aciro can. ¹¹Ineno bene kit ma giuna kwede, ki can ma aneno; dok ineyo gin ma otimme i koma i Antiokia, i Ikonio, ki Licitra, kit ayelayela ma yam aciro; ento Rwot olara ki i gin ducu. ¹²Ada, jo ma mito lubo kit pa jo ma lwor Lubanja, kun gibedo i Kricito Yecu, gibliunogi. ¹³kun jo maraco ki jo ma lugoba gibimedde ki bedo marac makato kare, kun gibwolo dano, gin bene gibibwologi. ¹⁴Ento in myero imedde i gin ma ipwonyo, ki ma don iye adada, kun ineyo jo ma yam gupwonyi iye. ¹⁵Ineyo bene ni, cakke i tinoni ineyo coc malen ma yam gicoyo ma twero pwonyi i yo me larre pi ye Kricito Yecu. ¹⁶Ginacoya ducu ma yam gicoyo, gicoyo pi teko pa Cwiny pa Lubanja. Konyo me pwony, me juko dano, me tiro kit pa dano, me nyebo dano wek gulub kit ma atir, ¹⁷wek dano pa Lubanja obed muteggi, ma bene oyubbe i yo ducu, ma romo tiyo kit tic mo maber ducu.

¹Aciki i nyim Lubanja ki i nyim Kricito Yecu ma biɲolo kop pa jo makwo ki jo muto, dok pi dwogone ki pi locce, ni meno, ²tit lok pa Lubanja, cuɲ iye matek i kare maber ki i kare marac, mi dano guniaɲ maber, jukgi kun idiyo cwinyi i pwony kare ducu. ³Pien kare tye ka bino ma dano doɲ pe biciro pwony me ada, ento itgi bibedo ka yilo ayila, kun gicoko lupwony ma twero pwonyogi ki gin ma gimito winyone. ⁴Gibiloko ɲegi wek pe giwiny lok ada, kun giɲak woko giwirre i lok ma tere pe. ⁵Ento in myero ibed ma igwokke i kare ducu; cir can ka opoto i komi, ti tic me tito lok me kwena maber, dok icob ticci ducu kakare. ⁶An doɲ dano cok neka woko calo gitum me atyera i wi keno tyer; karena doɲ oo me weko lobo man. ⁷Doɲ atyeko lwenyo lweny maber, atyeko cobo ɲwecca, dok agwoko bene niye. ⁸Kombeddi doɲ gikano pira mot me kit atir, ma Rwot ma ɲolo kop atir bimiya i Nino maca; pe bota keken, ento bot jo ducu ma doɲ cwinygi tye ka paro pi dwogone bene. ⁹Tem ki tweroni ducu me bino bota oyotoyot. ¹⁰Pien Dema doɲ oweka woko pi maro jami me lobo-ni, ocito gire woko i Tecalonika; Krecen ocito mere i Galatia, ki Tito ocito i Dalmatia. ¹¹Luka kene aye odoɲ tye kweda kany. Wubin wun ki Marako, pien en ber twatwal dok konya. ¹²Tukiko aoro ocito i Epeco. ¹³Ka ibino, kella ki boɲo ma yam aweko i Teroa tuɲ pa Karpo. Kwokka bene bukka, makatone maca me del ca. ¹⁴Alegijanda latet mola otima marac twatwal; Rwot bicule pi timme-nu. ¹⁵In bene myero item gwokke i kom nyer-ru, pien en yam opyem ki lokwa matek mada. ¹⁶I pidona mukwoɲo, dano mucuɲ pira obedo pe. Jo ducu guriɲo gutenya woko liyak. Lubanja myero pe okwan lok man i wigi. ¹⁷Ento Rwot ocuɲo ka ɲeta, ka doɲ omiya teko me tuclo kakare, wek Lurok ducu guwiny; olara kit meno ki i dog labwor. ¹⁸Rwot bikonya miyo aa woko ki i gin maraco ducu, kun lara wek ao i kerre me polo. Deyo obed bote nakanaka. Amen. Mot me agikki. ¹⁹Pricika gin ki Akwila, ki jo me ot pa Oneciporo. ²⁰Eracto mere yam odoɲ i Korint; Tropimo aweko two i Mileto. ²¹Ket tek io ma kare me koyo peya ocakke. Yubulo omoti, kadi ki Pudén ki Lino, ki Kalaudia, kacel ki utmegiwa ducu. ²²Rwot obed kwedi. Kicane obed kwedwu.

Tito

1 ¹Waraga man oa ki bot Paulo, latic pa Lubanja dok bene lakwena pa Yecu Kricito. Yam oora me nyayo niye pa jo ma Lubanja oyer, ki me nianogi i lok me ada ma rwatte ki kwo me woro Lubanja, ²wek gubed ki gen me noɲo kwo ma pe tum. Lubanja ma pe loko lok goba yam ociko pire i acakki piny, ³ka doɲ karene oromo ci onyuto woko ka malen, i lokke ma gimioy bota me atita pi cik pa Lubanja Lalarwa. ⁴Bot Tito, latinna me ada ma wanywako niye acel: Lubanja Wonwa ki Lalarwa Kricito Yecu omii kica ki kuc. Tic pa Tito i Kurete ⁵Man gin mumiya aweki i Kurete, ni wek iyub gin ma yam odoɲ ma pe tye kakare, dok iket ludono i ganji madoɲo ducu, kit ma nene aciki kwede ca. ⁶Jo meno myero gubed jo ma lok mo marac pe i komgi, ma ɲat acel acel bedo ki dako acel keken. Litinogi bene myero gubed jo muye Rwot, ma lok me caro caro mo pe owinnye i komgi, nyo kadi ki lok mo me pyem. ⁷Pien latel, macalo en lagwok jami pa Lubanja, myero obed dano ma lok marac mo pe i kome. Myero pe obed ɲat ma nyatte, nyo ma kiniga mako oyotoyot, nyo lamero, nyo lakolo, kadi laworo me noɲo lim. ⁸Myero obed dano ma gwoko welo, ma maro gin maber, dano ma lone kene, ma cwinye atir, dano malen, dok ɲat ma gwokke kene. ⁹Dok bene myero en omak matek lok pa Lubanja me ada ma yam gipwonye kwede, ma miyo en twero cuko cwiny dano ki pwony me ada, dok twero loyo tam pa jo ma pyem kwede. ¹⁰Pien jo ma gin lupyem tye pol, jo ma loko lok ma tere pe, ki jo ma bwolo dano, makatone dul pa jo ma mito ni, jo muye Kricito myero koɲ gulirre. ¹¹Kodi jo-nu myero gimi gulin woko, pien gitye ka balo dano mapol ki jo ma i odigi ducu, pi pwonyogi ki gin ma pe oporre ma pe myero gupwony ki dano, pi woro me noɲo lim. ¹²ɲat mo acel i kin jo Kurete, ma en lanebigi kikome, yam owaco ni, “Jo Kurete kare ducu gin lugoba, lee maraco, luworo ma luwackom.” ¹³Caden meno tye ada; pi meno myero ijukgi ki tek, wek gucak bedo ki niye me ada, ¹⁴wek doɲ pe gubed ka keto cwinygi me winyo lok pa Lujudaya me ododo mogo ma tere pe, ki cik pa jo ma gidag lok ada. ¹⁵Bot jo malen, jami ducu bene len, ento bot jo ma doɲ guballe woko, ki jo ma pe tye ki niye, pe tye gin mo malen ki botgi. Ryekogi kikome ki tam ma i igi ma nyuto botgi balgi doɲ otyeko balle woko. ¹⁶Gituco ki doggi ni giɲeyo Lubanja, ento dok gikwere woko ki gin ma gitimo; gudoko doɲ macalo gin ma i dano okwero, jo ma pe ki winy, ma pe doɲ giromo tiyo tic mo maber.

2 ¹Ento in, pwony gin ma rwatte ki lok ada. ²Lok bot jo madoŋo ni gubed jo ma gwokke kengi, jo ma romo awora, jo ma loyo tamgi kengi, jo ma niyegi ki margi tye kakare kun gicuŋ iye matek. ³Kit meno bene wac ki mon madito ni gin myero gubed ki woro i kit bedogi ducu, pe gucok dog jo mukene, pe gubed jo ma doŋ gudoko opii pa koŋo. Myero gubed jo ma pwonyo gin maber, ⁴ka doŋ gucak pwonyo mon matino me maro coggi ki litinogi, ⁵dok gubed mon ma loyo tamgi kengi, mon malen ma pe gitye ki tam mo me caro caro, ma gigwoko pacogi, mon ma lukica kun giworo coggi bene, wek pe omi jo mukene guyet lok pa Lubaŋa. ⁶Kit meno bene, cuk cwiny awobe ni myero gugwokke kengi. ⁷In kikomi nyutte macalo lanen me tic maber i yo ducu. Mi pwonnyi obed mapek laboŋo gin mo marac iye, ⁸kun iloko lok ada ma pe gitwero noŋo roc mo iye, wek omi lewic omak ŋat mo ma mito pyem kwedwa, pien pe neno gin mo marac ma myero ewac i komwa. ⁹Wac ki opii ni guwor luditogi, guyom cwinygi i yo ducu. Pe gubed lupyem, ¹⁰kadi kwanyo gin mogo, ento myero gunyut ni gin jo ma genne maber twatwal, wek i gin ducu gumi pwony pa Lubaŋa Lalarwa onen ma mwonya. ¹¹Pien kica pa Lubaŋa doŋ onen pi laro dano ducu. ¹²Kica meno pwonyowa me kwero lubo kit pa jo ma pe lwo ro Lubaŋa, kacel ki miti ducu me lobo man, dok pwonyowa me gwokke kenwa wek wabed ma cwinywa atir, kun walworo Lubaŋa, ¹³kun wakuro gum ma genwa ocuŋ iye, en aye me neno Yecu Kricito, Lubaŋawa madit ki Lalarwa, ka odwogo ki deyo. ¹⁴En yam omine kene piwa me kokowa woko ki i bal ducu, ki me lonyowa wabed jone kikome, ma watye ki miti madwoŋ me tiyo tic mabeco. ¹⁵Tit botgi lok magi; cuk cwinygi dok ijukgi ki twer ducu ma itye kwede. Pe imi ŋat mo ocai.

3¹Po wigi ducu me mine kengi i te loc pa luloc, ki wegi twer, me bedo ki winy, ki me yubbe pi tiyo tic mo maber ducu. ²Guwek loko lok marac i kom njat mo, guwek da, gubed jo ma lukica, lunyut woro bot dano ducu i kare ducu. ³Pien wan kikomwa yam konj wabedo luminj, jo ma pe luwiny; yam warwenyo woko ata, wabedo opii pa mitiwa ki jami mapatpat ma yomo cwinywa. Wabalo karewa i raccwiny ki mone, dano gukwerowa, ki wan ononjo wadagge kekenwa. ⁴Ento i kare ma ber ki mar me kica pa Lubanja Lalarwa onen, ⁵en olarowa woko cut, pe pi tic mo ma wan watiyo i kit ma atir, ento pi kicane gire. Olarowa ki pii ma olwokowa me nywalle tyen me aryo ki me doko jo manyen pi Cwiny Malen, ⁶ma yam en oonyo i komwa madwonj i Lalarwa Yecu Kricito, ⁷wek donj gikwanwa ni kitwa atir pi kicane, wek omi wanonj kwo ma pe tum ma genwa tye iye. ⁸Lok man lok ada. Amito wucunj matek i kom lok magi, wek jo ma donj guye Lubanja gubed ki tam me mine me tiyo tic mogo mabeco; meno aye ber, dok bedo me kony bot jo ducu. ⁹Kwer pyem mogo me minjimiyo, lok i kom nyinj kwaro, daa ki laro lok i kom cik; magi ducu pe konyo, dok tyen lokke pe. ¹⁰Dano ma kelo apokapoka ka donj iciko kicel nyo kiryo kwe, weke woko matwal, pe dok iribbe kwede, ¹¹kun injejo ni, kodi dano-nu donj onjak woko, dok obalo, ki donj onjolo kop woko i kome kene. Cik me agikki. ¹²Ka abioro Artema nyo Tukiko boti, ket tek ibin bota i Nikopoli, pien donj atyeko moko tamma me bedo kunnu i kare me koyo. ¹³Ket tek me konyo Jena ma en dano ma njeyo cik, gin ki Apollo, i wotgi, nen ni gin mo pe orem botgi. ¹⁴Danowa bene myero gummene kengi i tic mabeco wek gubed ki yo me konyo luwotgi ma can mo odiyo; pe gubed macalo yat ma pe nyak. ¹⁵Jo ducu ma gitye kacel kweda kany gumoti. Mot jo ma marowa i niye. Kica pa Lubanja obed kwedwu ducu.

Pilemon

1

¹Waraga man oa ki bot Paulo ma lamabuc pi Kricito Yecu, ki bot ominwa Temceo. Bot Pilemon latic wadiwa ma wamaro ²gin ki laminwa Apia, ki Arkipo askari wadiwa, ki jo muye Kricito ma gicokke i odi: ³Lubanja Wonwa ki Rwotwa Yecu Kricito omiwa kica ki kuc. ⁴Apwoyo Lubanja kare ducu ka alwonjo nyinji i legana, ⁵pien abedo ka winyo pi marri ki pi niyeni ma itye kwede i kom Rwotwa Yecu ki bot jo pa Lubanja ducu. ⁶Man omiyo alego ni, kit ribbe ma waribbe wan kwedi i kom niye odok matek ma romo nianjowa matut i kom gin maber ducu ma watye kwede i Kricito. ⁷Pien marri okella yomcwiny, dok ojinjo cwinya, omera, pien ikweyo cwiny jo pa Lubanja. ⁸Pi meno, kadi bed atye ki tekcwiny i Kricito ma miyo aciki acika me tiyo gin mo ma mitte, ⁹ento pi marri-ni aneno ni ber alegi alega, an Paulo ma acunj ma ka Kricito Yecu, ma kombeddi bene donj adoko lamabuc pire. ¹⁰Alegi pi latinna Onesimo, ma donj adoko wonne ki i buc kany. ¹¹kare mukato ononjo konnye konj obedo pe boti, ento kombeddi donj konnye dit boti ki bota bene. ¹²Donj acwalo en me dwogo boti enno, en donj odoko macalo dul koma kikome. ¹³Ononjo amito ni konj agwok en bota kany, wek omiya kony ma kakari ma kun pud atye i buc pi tito lok me kwena maber. ¹⁴Ento pe amito ni atim gin mo ma kun nonjo in pe iye, wek berri pe obed macalo gin ma gidiyi iye adiya, ento obed pi yeyoni in kikomi. ¹⁵Gwok nyo man en gin mumiyo en yam opokke woko kwedi pi kare manok, ni wek donj igame matwal, ¹⁶pe dok macalo opii, ento makato opii woko, macalo ominwa ma wamaro. Makatone adada en pire tekka, ento ki tunj boti pire donj tek twatwal, macalo lakonnyi dok omeru bene i Rwotwa. ¹⁷Kit meno, ka injejo ni an abedo lawoti, myero igame i kit ma kono igama kwede. ¹⁸Ka ce yam otimo gin mo marac i komi, nyo tye ki banyani mo, kwan magi ducu i wiya. ¹⁹An paulo kikoma aye acoyo lok man ki cija, abiculi. Pe awaco ni in bene itye ki banyana, en kwoni kikome. ²⁰Iyo, omera, amito kony mo ki boti i Rwotwa. Kwe cwinya i Kricito. ²¹Atye ki gen matek i komi ni ibiworu doga, oweko atye ka coyo boti lok man kun anjejo ni ibitimo makato ma awacci-ni. ²²Medo ki meno, yubba kicika me buto pa welo, pien atye ki gen ni legawu biweko gimija botwu. ²³Epapira mabuc wadiwa i Kricito Yecu omoti, ²⁴kadi Marako, Aristako, Dema ki Luka lutic wadiwa bene gumoti. ²⁵Kica pa Rwotwa Yecu Kricito obed kwedwu.

Jo ibru

1¹Yam con Lubanja oloko ki kwarowa i dul lok mapol dok i yo mapatpat, kun loko ki i dog lunebi; ²ento i kare man ma lacer-ni en donj oloko kwedwa i Wode. Jami ducu ma tye, Lubanja cej otiyogi pi twer pa Wode, ma en oyubo ni myero obed won jami ducu. ³En dero me deyo pa Lubanja, cal pa Lubanja kikome tye i kome, dok en bene ma tinjo jami ducu ma tye, ki teko me lokke. Ma donj en otyeko tic me lwoko bal, en obedo piny i kabedo me deyo tunj acuc i njat Won Deyo Madwonj ma tye malo i polo. ⁴kun donj en odoko ladit mada makato lumalaika ducu, ma rom aroma ki kit ma nyinj ma gimije ber matek makato meggi woko. ⁵Lubanja yam konj owaco ki lamalaika mo ni, “In i Woda, tin donj anywali?” Nyo dok ni, “An abibedo Wonne, en bibedo Woda?” Dok bene i kare ma kelo latin

kayo i lobo en owaco ni, "Lumalaika pa Lubaja ducu myero guwore." ⁷I kom lumalaika, Lubaja oloko ni, "En loko lumalaikane doko yamo, luticce en loko doko leb mac."⁸Ento i kom Wode en oloko ni, "Komkerri, in Lubaja, biri nakanaka, odoo kerri en odoo me ɲolo kop atir. ⁹In imaro kit ma atir, cwinyi dag tim marac; pi meno Lubaja, ma en Lubajani, owiri ki moo, moo me yomcwiny madwon, makato luwoti ducu."¹⁰En dok oloko ni, "In Rwot wiati iketo guti me lobo, polo bene en tic me cinji. ¹¹Gin birwenyo woko oyot, ento in iri nakanaka; gin ducu gibiti macalo boɲo, ¹²ibidologi woko macalo ibano koti, gibilokogi macalo ginaruka. Ento in ibedo ma kiti tye acel, mwakani pe bigik."¹³Lubaja yam owaco ki lamalaika mo ni, "Bed i ɲeta tun acuc i kabedo me deyo, nio ka abimiyo lukworri gidoko kom laten tyeni?" ¹⁴Lumalaika kono dok gubedo aɲagi? Gin ducu gubedo cwiny mogo ma tiyo tic pa Lubaja; en orogi ka konyo jo ma binonjo larre.

2 ¹Pi meno wan myero waketu cwinywa twatwal i gin ma yam wawinyo, wek pe wanjak woko ki iye. ²Lok me kwenā ma yam lumalaika gukelo ononjo omoko matek. Ka nat mo okalo wi cik mo, nyo okwero winyo, gimiye can iye ma oporo bal ma en obalo. ³Wan kono dok wabibwot niṇniṇ ka pe waketo cwinywa i larre man ma pire dit twatwal-li? Larre man Rwot aye mukwonjo tuco pire, ka don jo ma yam guwinyo ki bote, gumoko botwa lokke. ⁴Lubaṇa bene omedo cadenne kun tiyo lanyut mogo ki taṇo ki tic madito mapatpat, dok kun poko mot mogo me Cwiny Malen pi mitte kene. ⁵Pien Lubaṇa pe oketo lobo ma mito bino ma wan waloko pire-ni i te loc pa lumalaika. ⁶Tye ka mo ma gituco ka malen ni, “Dano gin aṇo, mumiyo ipo pire? Nyo latin pa dano, mumiyo iparo pire?” ⁷Ikete ki piny i te lumalaika pi kare manoknok, iketo en obedo laloc ma loyo gin ducu ma iketogi; ⁸iketo en obedo lalo jami ducu.” Don ka oketo jami ducu i te loc pa dano, pe oweko gin mo ma en pe loyo. Kit macalo tye-ni pud pe waneno ka giketo jami ducu i te twerone. ⁹Ento wan waneno Yecu ma yam gikete ki piny i te lumalaika pi kare manoknok, ento kombeddi don gimiye deyo ki woro macalo kabaka pi arem me to ma en ociro, wek pi kica pa Lubaṇa ebil to pi jo ducu. ¹⁰Jami ducu tye pi Lubaṇa, dok en aye muketogi. don ka yam en omīto kelo litino mapol i deyone, gin ma en otimo obedo ma myero twatwal, en mumiyo latel wigi i larre doko dano muteggi pi ciro can. ¹¹nat ma olonyogi bedo malen, ki jo ma gilonyogi-ni, gin ducu gua i kom nat acel; man en aye gin mumiyo lewic pe mako Yecu me lwoṇogi ni omegine, ¹²kun owaco ni, “Abitito nyiṇi bot utmegina, abipaki ki wer i dye lwak mucokke.” ¹³Dok ni, “Abiketo genna i kome,” ki dok ni, “An a ene, ki litino ma Lubaṇa don omiya.” ¹⁴Kit macalo litino i kare ducu giribbe i kom ki remo, en bene kit meno onywako kwedgi komgi ki remogi, wek pi tone enjiny nat ma tye ki twer i kom to woko, meno en aye Catan, ¹⁵ka don egony jo ma yam gubedo i twec me opii pi kare me kwogi ducu pi lwoṇo to. ¹⁶Don onen maber ni, gin ma en otimo pe okemo lumalaika, ento okemo likwayo pa Abraim. ¹⁷Meno gin mumiyo en myero odok ma rom aroma ki utmegine i yo ducu, wek omi ebed ajwaka madit ma lakica dok lagen i tic pa Lubaṇa, wek omi ekwany bal pa jone woko. ¹⁸Pien en kikome yam oneno can dok Catan obite, en mumiyo en twero konyo jo ma gibitogi.

³ ¹Pi meno, wun utmegina malen ma Lubana olwonowu kacel kweda, kon wutam lok i kom Yecu ma en lakwana dok ajwaka madit me niye ma wan watuco. ²En obedo lagen bot Lubana muyero okete i tic, ma rom aroma ki Moses ma yam obedo lagen i ot pa Lubana. ³Lager ot gimiye deyo madit makato ot; kit meno Yecu bene nene gikwano ni deyone dit kato pa Moses woko. ⁴Pien ot mo keken dano aye ma gero, ento nat ma gero jami ducu en aye Lubana. ⁵Moses yam obedo lagen i ot pa Lubana ducu macalo latic, pi miyo caden i lok ma gibiloko i kare ma lacen. ⁶Ento Kricito obedo lagen i kom ot pa Lubana macalo Wode. Wan aye wa ode ka ce wamoko matek i tekcwinywa, ki i wakkewa pi gen ma watye kwede. ⁷Don macalo Cwiny Malen oloko ni, "Ka wuwinyo dwan Lubana tin, ⁸pe wumi cwinywu obed nwan calo jo ma yam gujemo, i kare ma guomo kwede cwinya i tim. ⁹ka ma kwarowu guomo iye cwinya, gutema bene iye, kun gibedo ka neno ticca pi mwaka pyeranwen kulu. ¹⁰Pi meno cwinya owan i kom jo me kare meno, omiyo awaco ni, 'Gin kare ducu ginak woko i tamgi; gin pe ginje yo na wacel.' ¹¹macalo yam akwonjo ki kiniga, 'Gin pe bidonyo i yweyo bota.' ¹²Wugwokke, utmegina, wek nat mo i kinwu pe obed ki cwiny marac, cwiny ma pe ye Lubana, ma twero miyo en a woko ki bot Lubana makwo. ¹³Ento myero wujin cwinywu kekenwu kare ducu ka pud wutwero lwonjo ni, "Tin", wek nat mo i kinwu pe cwinye odok nwan pi bwola me bal. ¹⁴Pien wan wabedo jo ma ribbe ki Kricito, ka ce wamoko matek i genwa mukwonjo nio wa i agikki, ¹⁵macalo yam giwaco ni, "Ka wuwinyo dwane tin, pe wumi cwinywu obed nwan calo jo ma yam gujemo." ¹⁶Anagi ma yam guwinyo dwan Lubana ci gujemo woko-ni? Pe gin lwak dano ducu ma yam gua ki i lobo Ejipt ma kun Moses aye obedo ka telogi? ¹⁷Dok anagi ce ma yam cwinye owan i komgi pi mwaka pyeranwen kulu-ni? Pe gin aye jo ma yam gutimo bal, ma komgi odon i tim kunnu? ¹⁸Dok en yam okwonjo kwon bot jo mene ce ni, gin pe gibidonyo i yweyo bote? Pe okwonjo kwon meno bot jo ma yam pe gubedo luwiny? ¹⁹Pi meno wan waneno ni, jo meno yam pe gutwero donyo pien ononjo gukwero ye Lubana.

4 ¹Pi meno cikke me donyo i yweyo pa Lubanja pud tye, ento myero wabedu ma lwor, wek nat mo i kinwu pe ginon ni opoto woko me o iye. ²Wan donj wawinyo lok me kwena maber bene calo gin, ento lok me kwena ma gin guwinyo pe okonyogi, pien pe orwatte ki niyegi. ³Wan jo ma waye aye wabidonyo i yweyo meno ma yam en oloko pire ni, “Macalo yam akwoŋo ki kiniga, ‘Gin pe bidonyo i yweyo bota,’” kadi bed ticce onoŋo yam otum woko cakke i acakki piny. ⁴Pien tye ka mo ka ma yam en oloko i kom nino me abiro ni meno, “Lubanja oywe i nino me abiro ki i kom ticce ducu.” ⁵Ka dok kany en bene oloko ni, “Gin pe bidonyo i yweyo bota.” ⁶Kit meno yo pud tye twolo wek jo mogo gudony iye. Jo ma yam gikwoŋo tito botgi lok me kwena maber pe gudonyo, pien gin gukwero bedo ki winy. ⁷En dok oketo nino mukene ma gilwoŋo ni, “Tin,” kun olok lacen ki i dog Daudi ma donj onoŋo okato kare malac ata, i lok ma nene waloko pire, ni, “Ka wuwinyo dwane tin, pe wumi cwinywu obed nwarj.” ⁸Pien ka kono yam Yocwa omiyogi yweyo, kono Lubanja pe oloko lacen pi nino mukene. ⁹Pi meno, yweyo me cabit pud tye pi jo pa Lubanja; ¹⁰pien nat ma donj odonyo i yweyo bot Lubanja noŋo donj oywe woko ki i ticce, calo Lubanja ma yam oywe woko ki i ticce-ni. ¹¹Donj pi man, myero wayelle me donyo i yweyo meno, wek omi nat mo pe dok opot woko pi kwero bedo ki winy calo gin. ¹²Pien lok pa Lubanja obedo gin makwo, dok tiyo matek, bit bene kato pala lucwan ma lebe bit ryoryo woko. Lok meno tuco iwa pil, tuc tunŋel ka ma tipo ki cwiny gurwatte iye, nyo ka ma wanj mwot orwatte iye ki moo ma i i cogo, kun poko par ki tam mabecone ki maracone ma tye i i dano. ¹³Pe tye gin mo mukanne ki bot Lubanja ma en pe neno, jami ducu ma en oketo odurre woko ka maleŋ i waje, en aye nat ma binjiyo kwowa. ¹⁴Kit macalo donj watye ki ajwaka madit twatwal ma donj otyeko donyo i polo, en Yecu, Wod pa Lubanja, pi meno myero wamok matek i niye ma watuco. ¹⁵Pien ajwaka madit ma watye kwede pe obedo nat ma pe winyo arem kacel kwedwa pi gorowa, pien en bene Catan yam obite i yo ducu calo wan, ento en pe omedo ki timo bal mo. ¹⁶Iyo, wan myero donj wanyiku cok i nyim komker pa Lubanja ki tekcwiny, ka ma kica tye iye, wek otimwa kica, wanoŋ bene kica ma konyowa i kare ma mitte.

5 ¹Pien ajwaka madit acel acel giyero ki i kin lwak, ka gikete me tiyo tic i nyim Lubaja ma kakagi, kun tyero mot ki gitum pi bal. ²En twero tic ki dano ki mwolo, jo ma kwiya piny ki jo munak, pien en kikome bene nonjo goro oketo kome woko. ³Pi man, en myero otyer gitum pi balle en kikome, kacel ki pi bal pa lwak. ⁴Dok bene pe tye nat mo ma yerre kene pi dit man, Lubaja aye ma lwoje iye, macalo olwojo Aron. ⁵Kit meno bene, Kricito yam pe oketo deyo i kome kekene me bedo ajwaka madit, ento Lubaja aye muyere, kun wacce ni, "In i Woda, tin donj anywali." ⁶Macalo owaco bene ka mukene ni, "In ibedo ajwaka nakanaka, i kit pa Melkijedek." ⁷Yecu yam ocwalo legane bot Lubaja, i kare me kwone i lobo man, en aye bot nat ma yam twero lare ki i to, kun bako doge ma pe twerre ki koko ki pig waje, ci Lubaja bene owinye pi mwolone bote. ⁸Kadi en obedo Wod pa Lubaja, yam en opwonnye me bedo ki winy pi can ma en donj oneno. ⁹Ka donj oteggi, ci odoko nat ma kelo larre ma pe tum bot dano ducu ma winyo en, ¹⁰Lubaja cut oyere me bedo ajwaka madit i kit pa Melkijedek. ¹¹Watye ki lok mapol ma myero walok i lok man, ento tek twatwal me nianowu, kit macalo wun donj wudoko nyap ka winyo lokwa-ni. ¹²Kombeddi onono donj wuromo bedo lupwony, ento myero nat mo konj dok opwonywu odoko i lok mukwojo ma dok i kom lok pa Lubaja. Mito gipitwu konj ki cak, ento pe cam matek. ¹³Pien nat ma doto cak pe tye ki nec mo ma dok i kom bedo ki kit ma atir, pien nonjo pud en latin. ¹⁴Donj cam matek tye pi jo muteggi, ma ryekogi ma gupwonnye kwede me poko gin maber ki gin marac donj ojin pi ketone i tic.

6 ¹Pi meno, konj waweku lok mukwoŋo i kom Kricito, ento wamedde anyim ki pwony pa jo muteggi, kun pe dok wanwoyo keto te gutine, ma en aye ŋut i kom tic ducu ma yam kwo pe iye, ki moko niyewa i kom Lubana, ²ki dok me pwonnye i kom lok magi: kit batija mapatpat, keto cinj i wi dano, cer pa jo muto, ki kop ma giŋolo matwal. ³Wabitiyo man giwa ka Lubana oye. ⁴Jo ma donj konj ceŋ omenyogi kicel, ma gubilo mot ma oa ki i polo, kun gibedo i kin jo mulimo Cwiny Malen, ⁵ma bene donj gutyeko bilo lok pa Lubana kit ma mit kwede dok gubilo gin ma bitimme i kare ma bibino i anyim, kit jo meno ka gunak woko, pe dok gitwero rocogi wek gudok manyen ka donj gunuti. ⁶Ka donj gunak woko, meno gitye ka guro Wod pa Lubana i kom yatariya pigi kengi, kun giketo lewic i kome i nyim lwak. ⁷Pien Lubana miyo gum i kom lobo ma mato kot ma cwer i kome kare ki kare, ka dok ceko ginapita ma konyo jo ma gipuro pigi. ⁸Ento ka ce onyayo okuto ki ocok, konnye nonjo donj pe, kuro mere ka cen pa Lubana keken, agikkine en aye mac ma gibiwaŋo kwede woko. ⁹Ento wun, luwota, kadi bed waloko kit man, wageno ni wutye maber ma wukato jo meno i lok ma dok i larre. ¹⁰Pien Lubana gire pe ye gin ma pe tye kakare, wiye pe biwil i kom tic ma yam wutiyo, kadi ki mar ma wunyuto pire ki konyo jo pa Lubana, ma pud wutye ka konyogi bene wa i kare-ni. ¹¹Donj wamito ŋat acel acel i kinwu oket cwinye nio wa agikki, wek omi gin ma wuketo iye genwu-ni ocobbe kakare. ¹²Pe wudok luwackom, ento wulub kit pa jo ma pi niyegi, ki pi diyo cwinygi, gitye ka nonjo gin ma yam Lubana ociko pire. ¹³I kare ma Lubana cikke bot Abraim, kit macalo pe tye ŋat mo ma kate-ni ki dit ma myero en okwoŋ ki nyiŋe, en okwoŋo ki nyiŋe kekene, ¹⁴kun waco ni, “Adada abimii gum, dok abimiyo likwayu ginya gidoko mapol.” ¹⁵Donj Abraim pi diyo cwinye omiyo en ononjo gin ma yam Lubana ociko pire. ¹⁶Ka dano mo kwoŋo kwoŋ ci kwoŋo ki nyin ŋat madit loye, dok ka pyem mo tye i kin dano, lok ma gimoko ki kwoŋ aye ma tyeko pyem meno. ¹⁷En gin mumiyo Lubana omoko cikkene ki kwoŋ, pien ononjo mito nyuto maber twatwal bot jo ma myero gunonj gin ma giciko pire ni, gin ma en donj etyeko yubo, pe dok ebiloko woko. ¹⁸Tye donj jami ayo ma pe dok lokke, ma Lubana pe twero bwolo iye dano. Pi man, wan jo ma warinjo waloro bote watye ki gin ma cuko cwinywa matek wek wamak gen ma giketo i nyimwa. ¹⁹Watye ki gen man macalo lajuk me mel, ma cwinywa cuŋ iye matek, ma pe wawirre atata. Gen meno donyo wa i kabedo malen i ot pa Lubana, i ŋe bonjo kicika, ²⁰ka ma Yecu otelo yo odonyo iye piwa, kun donj odoko ajwaka madit ma bedo nakanaka i kit pa Melkijedek.

¹Melkijedek man yam obedo kabaka me Calem, dok bene ajwaka pa Lubana Mamalo Twal. En orwatte ki Abraim i kare ma Abraim onono don dwogo ki ka neko luker ca, ci cut olamo gum i kom Abraim; ²ka don Abraim opokke dul acel me apar me jami ducu ma en onono. Mukwono en kabaka me kit ma atir, man aye te lok me nyine, dok bene en kabaka me Calem, ma te lokke ni, 'Kabaka me kuc.' ³Wonne mo pe, minne-gu pe, kwarine bene pe, acakki me karene, kadi wa agikki me kwone bene pe. En obedo cal ki Wod pa Lubana, obedo ajwaka nakanaka. ⁴Kon wunen kit ma en dit kwede! Abraim, ma en aye kwarowa, yam omiyo bote dul acel me apar me jami ma en oyako. ⁵Don jo ma i kin likwayo pa Levi ma gubedo ajwagi, cik pa Moses yam ocikogi me jogo dul acel me apar ki bot jo Irael. Meno onono gijogo ki bot utmegigi, kadi bed gin bene gubedo likwayo pa Abraim. ⁶Ento danu-nu ma kwarone pat ki megini ogamo dul acel me apar ki bot Abraim, ka dok olamo gum i kom nat ma Lubana ocikke bote. ⁷Pe dok tye kalo akala mo me waco ni, lalam gum dit kato nat ma en olamo gum i kome. ⁸Dok ki tuncel waneno ni, jo ma jogo dul acel me apar gin jo ma to woko, ento ki tuncel nat ma jogo en nat ma yam gicoyo lok i kome ni pud kwo. ⁹nat mo twero waco ni, ka Abraim, omiyo dul acel me apar, Levi bene kikome, ma jogo dul acel me apar, yam omiyo mere kun wok ki bot Abraim, ¹⁰pien i kare ca onono en pud tye i kom Abraim ma kwarone i kare ma Melkijedek rwatte kwede ca. ¹¹Don ka kono yam gin ducu twero cobbe kakare pi ajwagi ma gin Lulevi, ma jo Irael yam gunono cik pa Lubana kacel kwedgi-ni, piyo gimito ni ajwaka mukene dok obin i kit pa Melkijedek, kun pe giwaco ni, i kit pa Aron? ¹²Pi meno ka giloko ajwaka, ci cik bene myero gilok woko. ¹³Pien Rwotwa ma giloko lok magi i kome-ni obedo dano me kaka mukene, ma nat mo i kingi peya otiyo tic mo i kom keno tyer. ¹⁴hene gire maber ni, Rwotwa yam oa ki i kin likwayo pa Juda, dok Moses yam pe oloko lok mo i kom kaka meno ma mako ajwagi. ¹⁵Lok man don otyeko nen woko ka malen makato ka ajwaka mukene otuc macalo Melkijedek, ¹⁶ma odoko ajwaka, pe pi cik mo ma lubo kaka, ento pi tek me kwone ma gin mo pe romo tyeko. ¹⁷Pien coc ma yam gicoyo oloko ni, "En bibedo ajwaka nakanaka, i kit pa Melkijedek." ¹⁸Cik macon don gibolo woko, pien onono goro, dok konnye pe, ¹⁹pien cik pa Moses yam pe ocobo gin mo kakare, ento kombetti don gikelo gen mo maber makato, ma twero miyo wanyiko cok bot Lubana. ²⁰Medo i kom meno bene, Lubana yam okwono kwon i kome. Jo mukene ca gudoko ajwagi labono kwon mo, ²¹ento Yecu odoko ajwaka pi kwon pa Lubana ma yam owacce ni, "Rwot don okwono kwon, pe dok biloko tamme, 'In ibedo ajwaka nakanaka.'" ²²Meno omiyo gicikke ma Yecu ocun pire obedo ber makato mukene ca. ²³Ajwagi mukene ca onono yam welgi dwon, pien to onono ogeno nyimigi woko wek pe gumedde ki tic, ²⁴ento Yecu bedo i dog ticce me ajwaka matwal, pien en bedo nakanaka. ²⁵Mumiyo i kare ducu en tye ki twer me laro jo ma nyiko cok bot Lubana, kun giwok ki bote, pien en bedo kwo kare ducu ka bako doge pigi. ²⁶Ajwaka madit macalo meno aye ma romo cobo mitiwa. En len, gin mo marac pe i iye, cilo me bal pe ogude. Yam gipoko en woko ki i kom lubalo, gitine malo i wi polo. ²⁷En pe calo ajwagi mukene madito ca, ma gityero gitum bot lubana jwijwi, mukwono pi balgi kengi, ka lacen don pi bal pa lwak. Yecu otyero gitum kicel keken ma otyeko lok ducu i kare ma omine kene macalo gitum. ²⁸Adada, cik pa Moses yero jo magoro ketogi bedo ajwagi madito, ento lok me kwon ma gikwono lacen i ne cik, oyero Wod pa Lubana oketo obedo muporre matwal.

8 ¹Kombeddi gin ma pire dit ma watye ka lokone kany en ene: Wan watye ki ajwaka madit macalo man, ma don obedo i kabedo me deyo yo tun acuc i net komker pa Won Deyo Madit i polo. ²En tiyo ticce i kabedo malen, i kema me ada ma Rwot aye oguro, ento pe dano. ³Ajwaka madit acel acel giyere me miyo mot ki tyero gitum bot Lubanja; pi meno mitte bene ni Yecu myero obed ki gin mo me atyera. ⁴Kono nene en tye i lobo kany, kono pe obedo ajwaka wacel, pien ajwagi don tye ma gimiyo mot kun gilubo cik pa Moses. ⁵Ento gin ma gitiyo giporo ki tipo ki cal keken me kabedo malen ma tye i polo; pien i kare ma Moses don yam cok guro kema, Lubanja ocike ni, “Nen ni itiyo jami ducu kun ilubo kit cal ma ginyutti ki i wi got.” ⁶Ento kit macalo tye, Kricito don onono tic maber atika makato megini woko, rom ki kit gicikke ma en oyubo ma obedo ber matek makato mukene macon ca, pien Lubanja omoko kun onono ociko pi miyo jami mabeco makato. ⁷Kono ka bal mo obedo pe i gicikke mukwono, kono onono gicikke mo me ayo don pe mitte. ⁸Ento Lubanja onono bal tye i komgi, pien owaco ni, “Kare biromo, man lok pa Rwot, ma abimoko iye gicikkena manyen ki jo me doggola pa Irael, ki jo me doggola pa Juda. ⁹Pe dok bibedo calo gicikke ma yam aketo ki kwarogi ca, i kare ma yam amako kwede cingi, ci akwanyogi woko ki i lobo Ejipt; pien gin yam pe gulubo gicikkena, omiyo an bene atenyogi woko ata, man lok pa Rwot. ¹⁰Man aye gicikke ma abiketo ki jo me doggola pa Irael ka kare meno oromo, Rwot ma awaco: Abiketo cikka ducu i tamgi, abicoyo bene bedo i cwinygi. An abibedo Lubanagi, gin gibedo jona. ¹¹nat mo don pe bipwonyo lutugi, dok nat mo bene pe biwaco ki ominne ni, ‘ne Rwot,’ pien gin ducu gibeŋya, cakke ki i kom jo matino ma i kingi, o kwede wa i kom jo madito. ¹²Pien abitimo botgi kica i timgi maraco ducu, pe dok abipo i kom balgi mo kadi ki acel.” ¹³Ka oloko pi gicikke manyen, en tamo pi gicikke mukwono ca macalo gin ma karene okato woko. Gin ma karene don okato, ma oti woko bene, nono don cok rwenyo.

¹Kadi gicikke mukwoŋo ca bene yam obedo ki cik mogo me woro Lubanja, dok bene obedo ki kabedo mo malen me lobo man. ²Pien yam tye kema ma giyubo, ma obedo ki dul acel yo tun woko ma gilwoŋo ni Kabedo Malen, ma tye iye okar-mac, ki meja, ki mugati ma giketo i nyim Lubanja. ³I ne bonjo kicika me aryo yam tye iye kema ma gilwoŋo ni Kabedo Malen Makato Ducu. ⁴Keno tyer ma gitiyo ki jabu tye iye kunnu me waŋo odok eceta, ki canduk me gicikke ma gimwono kome woko ki jabu. I canduk me gicikke yam tye iye abino jabu ki manna ki odoo pa Aron ma yam olot-ti, ki got ma apada aryo ma ceŋ gicoyo iye lok me gicikkene. ⁵Ka wi canduk yam tye iye lukerubi me deyo, ma guumo kom me kica woko ducu ki bwomgi. Jami magi pe gitwero loko gin mo iye kikore kombeddi. ⁶Meno aye kit ma yam giyubo kwede. Ajwagi yam gidonyo i kema jwijwi teretere ka cobo ticgi me woro Lubanja. ⁷Ento kema me aryo ajwaka madit keken aye donyo iye kene, dok bene donyo iye kicel keken i mwaka acel acel, kun pe cito kunnu labonjo remo, ma en tero me atyera pi balle ki pi bal pa lwak. ⁸Man aye ma miyo Cwiny Malen nyuto ka malen ni, yo me donyo i kabedo malen peya giyabo ka kema mukwoŋo ma woko ca pud ocuŋ. ⁹Man aye lanyut me cal me kare man. Man te lokke ni, mot ki gitum ma gityero bot Lubanja pe twero miyo ŋat mo ma woro Lubanja doko dano ma cwinye len, ¹⁰pien gitiko ka cam ki mat ki kit lwok mapatpat. Magi ducu gubedo cik ma nen ki woko me kom ma tye ka tic nio wa i kare ma Lubanja biloko jami ducu bedo manyen. ¹¹Ento ka Kricito doŋ obino, ma en aye ajwaka madit me jami mabeco ma bibino, kema ma en tiyo iye kato maca, odoko dit maber makato maca, pien pe gitiyo ki ciŋ, man te lokke ni, pe gin me lobo man. ¹²En odonyo i Kabedo Malen Makato Ducu kicel keken ma doŋ otyeko lok woko ducu, kun pe otero remo dyegi ki remo litino twoni, ento otero remone kikome, ci okokowa kwede doŋ matwal. ¹³Remo dyegi ki twoni, ki buru roya ma giwaŋo, ka gikiro i kom jo mubalo kwer, romo lonyogi, kun lwoko komgi bedo malen. ¹⁴Remo pa Kricito pe kato maca mada? Pi Cwiny Malen ma bedo matwal, omiyo en omine kene bot Lubanja kun roc mo pe i kome, pi lonyo cwinywu ma onoŋo ocido woko macol licuc pi tiyo tic ma kwo pe iye, wek wubed ma iwu len, ka doŋ wawor Lubanja makwo. ¹⁵Pi meno Kricito aye ŋat muyubo gicikke manyen, wek emi jo ma gilwoŋo gunoŋ lim ma ri nakanaka ma Lubanja ociko me miyone; pi to ma yam onen, omiyo jo ma yam gikalo wi cik i te gicikke mukwoŋo kombeddi doŋ gikokogi woko. ¹⁶Pien ka ma gicikke me leyo lim tye iye, myero koŋ gimok ni, ŋat muciko doŋ oto. ¹⁷Kodi gicikke meno twero tic lacer i ne to keken; pe tye ki twer mo ka ŋat muciko pud kwo. ¹⁸Pi meno kadi wa gicikke mukwoŋo ca gimoko ki remo. ¹⁹Pien i kare ma yam Moses otyeko tito bot lwak gin ma giciko ducu ma tye i i cik, en okwanyo remo roci dyaŋ ki dyegi, kacel ki pii, ki yer romo makwar, ki yat anyero, okiro i kom buk kikome, ki i kom lwak ducu bene, ²⁰kun waco ni, “Man aye remo me gicikke ma Lubanja ocikowu pire.” ²¹Dok i yo acel-lu, Moses okiro remo i kom kema ki jami ducu ma gitiyo kwedgi me woro Lubanja. ²²I te cik, nen calo jami ducu gilonyo woko ki remo; ka ma pe gioyo iye remo, weko bal bene bedo pe iye. ²³Onoŋo oporre kakare pi jami ma obedo lapor keken me gin ma tye i polo myero gilonygi gubed len kit meno, ento jami me polo kikomgi myero olony ki gitum mabeco makato magi-gu ducu. ²⁴Pien Kricito pe odonyo i kabedo malen ma dano otiyo ki ciŋ, ma obedo lapor ki kabedo malen me adane, ento odonyo i polo kikome, ma i kare man en tye ka nen kunnu i nyim Lubanja piwa. ²⁵Dok bene en pe odonyo me mine kene kare ki kare calo ajwaka madit ma donyo i kabedo malen mwaka ki mwaka, kun tero remo ma pe remone kikome. ²⁶Ka nene obedo kit meno, kono en onwoyo to kare ki kare cakke i acakki piny. Ento kit ma tye kwede-ni, en onen kicel keken i agikki me kare wek ekwany bal woko pi mine kene macalo gitum. ²⁷Dok kit macalo giyubo ni, dano to kicel, ka doŋ ki i neye ŋolo kop cakke, ²⁸kit meno Kricito bene otyerre kene kicel me tiŋo bal pa jo mapol, dok binen tyen me aryo, pe doŋ pi tic i kom bal, ento pi laro jo ma tye ka kure.

¹Cik pa Moses gire tye iye tipo keken me jami mabeco me kare me anyim, pe calgi kikome. Pi cik dano gibedo ka kelo gitum ma kitgi acel nakanaka, mwaka ki mwaka; en don pe tye ki twero mo matwal me loko jo ma bino bot Lubana gudok jo mabeco muteggi. ²Ka nene tye kit meno, kono gitum pe don ogik woko? Kono jo ma woro Lubana don gilwoko balgi woko matwal, kono pe dok gimmedde me bedo ki kit nec mo i cwinygi ni gin lubalo. ³Ento gitum magi bedo ka poyo wi dano i balgi mwaka ki mwaka. ⁴Pien remo twoni ki remo dyegi pe twero kwanyo bal woko wacel. ⁵Pi lok man, i kare ma Kricito obino i lobo, en oloko ni, "In giri pe imito gitum kadi gityer, ento iketo koma tye. ⁶Ii pe obedo yom pi gitum awana ki gitum ma gityero pi bal. ⁷Ka don awaco ni, 'An a ene, don abino ka cobo mitini, in Lubana,' macalo yam gicoyo i koma i buk adola." ⁸Mukwojo en oloko ni, "In pe imito gitum, kadi mot ma gityero, nyo gitum awana ki gitum pi bal, cwinyi bene pe yom iye," ma gin jami ma gityero pi cik. ⁹Ka dok oloko ni, "An a ene, don abino ka cobo mitini." Ojwayo mukwojone-ni woko wek omi ekel me anyone. ¹⁰Don pi mitine meno, omiyo gilonyowa wadoko len pi Yecu Kricito mumiyo kome ma ka gitum kicel keken ma otyeko lok woko ducu. ¹¹Ajwaka acel acel cun i dog ticce nino ducu kun tyero kit gitum acel-lu kare ki kare ma pe tye ki twero mo matwal me kwanyo bal. ¹²Ento Kricito yam otyero gitum acel keken pi bal, pi kare ducu, ka don obedo piny i net Lubana tun acuc i kabedo me deyo. ¹³Nia wa i kare ca en tye ka kuro nio ka gimio lukworre doko kom laten tyene, ¹⁴pien gitumme acel-lu omiyo jo ma en olonyogi bedo len gudoko jo mabeco muteggi matwal. ¹⁵Cwiny Malen bene omiyo cadenne botwa, pien ka don oloko ni, ¹⁶"Man aye gicikke ma abiketo ki jo me doggola pa Irael, ka kare meno okato, man lok pa Rwot: Abiketo cikka ducu i cwinygi, kun acoyo bedo i tamgi." ¹⁷Ka dok omedde kun loko ni, "Pe dok abipo i kom balgi ki timgi maraco." ¹⁸Ka ma weko bal tye iye, gitum mo pi bal don pe mitte. ¹⁹Pi meno, utmegina, wan don watye ki yo me donyo i kabedo malen ki tekwinny pi remo pa Yecu. ²⁰En oyabo botwa yo manyen, yo makwo, me donyo i ne bonjo kicika; yo meno aye en kome. ²¹Kit macalo don watye ki ajwaka madit ma loyo ot pa Lubana. ²²myero don wanyiku cok bot Lubana ki cwiny me ada, kun niye bene don odonyo matut i cwinywa, ma don cwinywa len, pien nec me gin maraco ma yam watimo don gikwanyo woko, dok bene komwa don gilwoko woko ki pii malen. ²³Wamoku matek likin i gen ma watuco, labono tagge atata, pien nat ma ocikowa-ni lagen. ²⁴Dok bene myero watamu kit macalo watwero tugo kwede cwinywa kekenwa i mar ki i tiyo tic mabeco, ²⁵kun pe waweko cokke kacel, kit macalo jo mogo don guloko odoko kitgi-ni, ento myero wacuku cwinywa kekenwa, makatone kit macalo wuneno Nino maca don tye ka nyiko cok-ki. ²⁶Pien ka watimo bal akaka ma don nonjo watyeiko limo nec i kom lok me ada, gitum mo pe dok don ma gityero pi balwa. ²⁷Odon kuro nolo kop keken kun watye ki lwooro madwon, ki mac mager ma bityeko dano ma gipyem ki Lubana. ²⁸Dano ma pe lubo cik pa Moses gineko aneka labono kica mo, ka ce lok oloye i nyim caden aryo nyo adek. ²⁹Don wutamo ni can ma rom mene ma gibiketo i kom nat ma ocayo Wod pa Lubana, dok ma opyedo remo me gicikke pa Lubana ma gilonye kwede me bedo malen, dok ma onalo Cwiny Malen me kica pa Lubana? ³⁰Pien wan waneyo nat ma oloko ni, "An aye abiculo kwor, abiculo wane lacen," dok ni, "Rwot binolo kop i kom jone." ³¹Bedo gin me lwooro twatwal me poto i cin Lubana makwo. ³²Ento kon don wupo i kare mukato, kit ma yam wuciro kwede, kun wulwenyo ki lwak cam madwon, i kare ma don cen pa Lubana otyeko ryeny omenyowu. ³³Kare mukene yam giyetowu dok giunowu i nyim lwak, kare mukene bene wuribbe ki jo ma gitimogi kit meno. ³⁴Pien kica yam omakowu i kom mabuc, dok bene cwinywu obedo yom kadi giyako jamiwu, pien wun kikomwu onono don wuneyo ni wutye ki jami mukene mabeco makato magi, dok ma ri nakanaka. ³⁵Pi meno pe wubwot tekwinny woko, pien tye ki bakacic madit ma wubilimo. ³⁶Mito wubed kun wuciro, wek omi wuti gin ma Lubana mito, ci don wunono gin ma yam en ociko pire. ³⁷Macalo yam en oloko ni, "Odon kare manok mo, ci nat ma bino ca bibino woko oyotoyot ma pe bigalle. ³⁸Don danona ma kite atir bibedo kwo pi niye; ento ka odok woko cen, cwinya pe bibedo yom i kome." ³⁹Ento wan pe watye i kin jo ma dok cen, ka girwenyo woko matwal-li; wan watye i kin jo ma gitye ki niye, ma en aye don gwoko kwogi.

¹Niye aye ma moko gin ma dano geno, en gin ma nianjowa maber ni, jami ma pe gineno komgi gitye. ²Pire omiyo Lubanja opwoyo jo macon. ³Pi niye wanianj ni, Lubanja yam oketo lobo kulu ki lokke, mumiyo gin ma nen gitiyo nia ki i kom gin ma pe nen. ⁴Pi niye Abel otyero gitum maber ma kato pa Kain woko bot Lubanja; meno omiyo gipwoye ni kite atir, kun Lubanja aye obedo cadenne pi gamo motte. En oto, ento pi niyene omiyo pud loko. ⁵Pi niye Enoka yam gitino gitero woko malo wek pe obil to. Pe gimedo ki nonjone, pien Lubanja onono donj otere woko. I kare ma pud peya gitere, gimiyo lok me caden i kome, ni oyomo cwiny Lubanja. ⁶Labonjo niye pe twerre me yomo cwinye, pien njat ma mito nyiko cok bot Lubanja myero oye ni en tye ada, dok bene ni en miyo bakacic bot jo ma yenye. ⁷Pi niye Nua bene, ka Lubanja ociko en pi gin ma peya onen, owinyo doge, ka donj opayo yeya pi laro jo me ode. Niyene-nu omiyo kop oloyo lobo, omiyo en onono kit ma atir ma bino pi niye. ⁸Pi niye Abraim owinyo dog Lubanja i kare ma olwoje me cito i lobo mo mukene ma onono yam en mito miye ni obed mere. En oa ki i lobo tugi kun pe njeyo ka ma ecito iye. ⁹Pi niye omiyo en obedo macalo welo i lobo ma yam Lubanja ociko pire, macalo ebodo i lobo pa lurok, kun bedo i kema gin ki Icaka ka Yakobo, ma gin bene gimiyogi kit cikke acel-lu. ¹⁰Pien en onono tye ka kuro ganj ca ma tye ki gutine ducu matek, ma Lubanja aye obedo njat mugoyo calle, ki lagedone kikome. ¹¹Pi niye omiyo Cara onono teko me yac, kadi bed mwaka me nywalle onono donj okato woko. Man otimme pien en otamo ni, njat ma ociko-ni genne. ¹²Man omiyo i kom laco acel, ma yam rom ki njat muto, oa iye lwak likwayo mapol ata calo lakalatwe me polo, ki dok calo kweyo me dog nam ma kwanone loyo dano woko-ni. ¹³Jo magi ducu guto i kom niye, ma pud peya gimiyogi gin ma cenj Lubanja ociko pire, ento guneno anena ki ka mabor, gumoto ki kunnu, dok bene gutuco ni gin gibedo macalo lurok dok welo i wi lobo. ¹⁴Pien jo ma loko lok kit meno ginyuto ka malenj ni gitye ka yenyo lobo tugi kikome. ¹⁵Ka kono nene gubedo ka tamo pi lobo ma yam gin gua ki iye ca, kono gunono yo me dok cen iye. ¹⁶Ento gin gitye ka paro pi lobo maber makato maca ca woko, en aye pacogi ma i polo. En meno gin mumiyo lewic pe mako Lubanja ka ce gilwoje ni Lubanagi, pien en donj otyeko yubo botgi ganj. ¹⁷Pi niye Abraim, ka yam giteme, otyero Icaka macalo gitum bot Lubanja; njat ma Lubanja ocikke bote oyubbe me tyero wode acel keken macalo gitum bot Lubanja, ¹⁸ma yam giloko pire ni, "Litino pa Icaka aye gibilwonogi ni likwayu." ¹⁹En onono otamo ni, Lubanja tye ki twero me cero dano ki i kin jo muto; dok bene gitwero waco ni Icaka odwogo i cinj Abraim calo oa ki i kin jo muto. ²⁰Pi niye Icaka olamo gum i kom Yakobo ki Ecau pi kare me anyim. ²¹Pi niye Yakobo bene, ka donj to, olamo gum i kom litino pa Yucepu, kun lamo i kom latin acel acel, ma okulo wiye i wi odoo me komone, me woro Lubanja. ²²Pi niye Yucepu, i agikki me kwone, oloko pi a pa jo Icael ki i Ejipt, ka donj ociko pi kit macalo myero gibiyike kwede. ²³Pi niye, ka yam ginywalo Moses, lunyodone gukane pi dwe adek kun pe gulworo cik pa kabaka, pien onono guneno ni latin ca ber mada. ²⁴Pi niye Moses, ka donj onono, pe oye ni myero gilwoje ni en e wod pa nya pa Parao, ²⁵kun oyero me neno can kacel ki jo pa Lubanja ma ka bedo ki yomcwiny me bal ma ri pi kare manok mo keken-ni. ²⁶En otamo ni yet ma giciro pi Kricito obedo lonyo madit makato lonyo ducu ma tye i Ejipt, pien onono ociko waje kun neno mot me kare me anyim. ²⁷Pi niye Moses oa woko ki i Ejipt kun pe lwooro kiniga pa kabaka; ociro matek, macalo en neno Lubanja ma pe nen. ²⁸Pi niye bene omiyo en okwero nino madit me Kato, dok okiro remo, wek omi lanek litino kayo pe ogudgi. ²⁹Pi niye jo Icael gunjolo Nam Makwar macalo giwoto ki i wi njom mutwo; ento jo Ejipt gumwony woko liwenj i nam i kare ma gin bene gutemo me kato kit meno. ³⁰Pi niye omiyo cel me Jeriko orette opoto woko piny ma donj jo Icael gurumo pi nino abiro. ³¹Pi niye Rakab ma obedo malaya pe oto kacel ki jo ma pe gubedo luwiny, pien onono en yam ojolo lurot-piny ki kuc. ³²Gin anjo makato meno ma dok amedde me lokone? Pien kare aye bibedo nok bota me tittiwu pi Gideon, Barak, Samson, Jeputa, Daudi, Camuel ki lunebi-gu, ³³ma gin bene pi niye omiyo gulwenyo ki luker me lobo mapatpat, guloyogi, gutiyo gin ma tye atir, gunono gin ma yam Lubanja ociko pire. Gutweyo dog labwor-gu woko, ³⁴guneko mac mager woko, gubwot ki i lak pala lucwan. Gorogi olokke odoko tekkom, gudoko jo matek i lweny, guryemo mony pa lurok woko. ³⁵Mon gunono danogi ma yam guto ma donj gucer woko. Jo mukene gigoyogi marac, guto kun gukwero ni pe gigonygi, wek gibicer i kwo maber makato. ³⁶Jo mukene ginjalogi, gipwodogi, gitweyogi ki nyor ci giketogi i mabuc. ³⁷Gicelogi ki got, ginuno igi woko i dul aryo ki mucumeno, ginekogi ki pala lucwan. Gin gulono piny kun guruko laa romi ki laa dyegi, ma nonjo can oketo komgi woko, dano ounogi dok gitimogi ki tim maraco. ³⁸Kit jo macalo meno lobo pe romo bedo kwedgi. Gubedo ka wot awota atata i tim, ki i wi godi, kun gibedo i boro ki bur mugwarre matut piny i njom. ³⁹Jo magi ginjene maber pi niyegi, ento pe gumedo ki nonjo gin ma yam Lubanja ociko pire, ⁴⁰pien onono Lubanja oyubo gin mo maber makato kun otamo piwa, ni meno, gin pe myero gudok jo mabeco muteggi labonjo wan.

¹Donj kit macalo watye ki lwak caden mapol ma rom meno ma orumowa woko dyere, myero konj donj wabolu gin mogo mapek-gu woko ducu, ki bal ma maro twayowa woko likin, wek warinju donj njwec pyem ma tye i nyimwa, kun wacirowe bene peko ma tye iye. ²Wanenu Yecu ma en aye latel wiwa i lok kom niye, en njat ma ocobo niyewa kakare. Pi yomcwiny ma giketo i nyime en yam ociro yatariya, kun ocayo lewic ma giketo i kome; ento kombbeddi donj obedo piny i kabedo me deyo yo tunj acuc me komker pa Lubanja. ³Wubed ki tam i kome, ki kit ma en ociro kwede adagadaga marac twatwal ki bot lubalo, wek pe wuol, ki cwinywu pe opoti. ⁴I lwenywu ma wulwenyo ki bal pud peya wulwenyo wuo wa i oyo remowu. ⁵Nyo wiwu owil woko ce i coc ma yam gicoyo me cuko cwiny dano, ma en loko kwedwa iye macalo litinone? Ni meno, "Latinna, pe ica pwony pa Rwot; ka en ogoyi, pe cwinyi opoti. ⁶Pien Rwot pwonyo jo ma en maro, pwodo latin acel acel ma en gamo." ⁷Myero wucir matek, wek opwonywu. Lubanja tye ka tic kwedwu macalo litinone. Latin mene ma pe wonne pwonyo? ⁸Ka ce owekowu labonjo pwonyowu macalo litinone mukene ducu, nyuto ni wun donj litino luk, pe litinone kikome. ⁹Kit meno wan watye ki wegwiwa me lobo man ma yam gupwonyowa, wan bene waworogi. Pe donj myero wamine makato i te loc pa Wonwa me cwiny wek wabed kwo? ¹⁰Pien gin yam gupwonyowa pi kare manok mo keken i kit ma gin guneno ni ber, ento Lubanja pwonyowa pi konyowa, wek omi wadok jo malen macalo en. ¹¹Kit pwonnye ducu, ka pud watye iye, pe watamo obedo me yomcwiny, ento me kumo, ento i njeye lacer kelo kuc keken bot jo ma guyelle iye, pien nonjo donj gudoko jo ma kitgi atir. ¹²Pi meno, wutin badwu mukwe-ni malo, wurye conju magoro, ¹³wuyub yo ma tyenwu lubo ocun atir, wek njat ma tyene onjol pe dok tyene oputte woko liwen ki i wan mwot, ento myero ocan woko acaja. ¹⁴Wuket tek me bedo ki kuc ki jo ducu, ki me bedo jo malen; pien njat ma pe len pe bineno Rwot. ¹⁵Wugwokke kun wuneno maber ni njat mo pe opoto ka gamo kica pa Lubanja. Wunen ni njat mo pe obedo macalo lwit yat makec ma ka otwi ci kelo ayela, dok balo jo mapol. ¹⁶Wunen ni njat mo pe obed latim abor, nyo dano ma pe lworu Lubanja calo Ecau, ma yam ocato ditte me anywalli me bedo latin kayo pi cam me tyen acel keken. ¹⁷Pien wuneyo ni, lacer ka en omito ni wonne olam gum i kome, ento wonne okwere woko, kadi bed onono mito ma kok ki pig wane, pien en yam pe onono yo me njut i gin ma otimo. ¹⁸Pien wun pe wubino i gin ma gitwero gudo kome, ki mac ma yam olyel i wi got Cinai, ki colpiny me mutu ma ocido woko licuc, ki yamo lapiru matek, ¹⁹ki koko tum, ki dwan njat ma tye ka lok. Jo ma guwinyo lokke gubako doggi mada ni pe dok gimed loko botgi lok mo, ²⁰pien gin pe gitwero ciro cik ma giketo, ni meno, "Kadi ki lee mo ka ogudo got, myero gicel ki gwenj ginek woko." ²¹Gin munen kunnu obedo marac twatwal ma miyo dano lworu, man omiyo Moses owaco ni, "Lworu omaka adada ma koma myel amyela." ²²Ento wun wubino i got me Cion, ki gan pa Lubanja makwo, Jerucalen me polo, ki bot lwak lumalaika ma welgi pe kwanne ma gucokke kacel ka woro Lubanja. ²³ki i cokke pa litino kayo ma gicoyo nyingi i polo, ki bot Lubanja ma en lanjolkop pa dano ducu, ki bot tipo pa jo ma kitgi atir, ma donj gimiyo gudoko jo mabeco muteggi, ²⁴ki bot Yecu, layub gicikke manyen, ki bot remo ma gikiro, ma tito ki kica pi gin maber ma kato gin ma remo pa Abel otito pire. ²⁵Wugwokke pe wukwer winyo lok pa njat ma tye ka lok. Jo ma yam gukwero winyo lok pa njat mucikogi i wi lobo pe gubwot. Wan kono wabibwot ninjin, ka wakwero winyo lok pa njat ma tye ka cikowa ki i wi polo kulu-ni? ²⁶I kare maca, dwane oyeno Iobo; ento kombbeddi en ociko ni, "Odonj kicel, pe donj abiyejo lobo keken, ento abiyejo wa polo bene." ²⁷Lok man ni, "Odonj kicel," nyuto ni, gibikwanyo gin ma yenje woko, meno ginaketa, ka gin ma pe yenje cako donj. ²⁸Pi meno myero wapwoyu Lubanja, pien donj wanono ker ma pe twero yenje, dok bene myero waworu Lubanja i yo ma twero yomo cwinye, kun bene wamiye deyo ki lworu, ²⁹pien Lubanja-wa en aye mac ma wanjo piny.

13

¹Wumedde ki mar i kinwu kekenwu macalo omego. ²Wiwu pe owil ka jolo welo, pien jo mogo ma yam gugwoko welo onono gugwoko lumalaika i pacogi kun pe giweyo. ³Wupo pi jo ma tye i mabuc calo wutye kacel kwedgi i mabuc kunnu. Wupo bene pi jo ma gitimogi ki tim marac, kit macalo wun bene wutye i kom. ⁴Jo ducu myero guket deyo i kom nyom, dok kitanda pa jo ma gunyomme myero giwor obed malen; pien Lubana binjolo kop i kom lutim tim me abor ki jo ma balo nyomgi. ⁵Pe wubed jo ma maro lim; jami ma wutye kwede myero oromwu, pien Lubana yam oloko ni, “Pe abiboli, pe abibwoti ata.” ⁶En meno gin mumiyo cwinywa tek, kun wawaco ni, “Rwot en lakony mera, pe abibedo ki lworu; no kono ma dano twero timo i koma?” ⁷Wupo i kom lutel wiwu macon, ma yam gitittiwu lok pa Lubana. Wutam pi kwogi ki gin maber ma oa iye, ka donj wulub niyegi. ⁸Yecu Kricito gire kite tye acel keken laworo ki tin ki nino ma pe tum. ⁹pe wuwek pwony mogo mapatpat dok ma welo gurwenywu woko; ber kica pa Lubana aye mumi teko i cwinywa, pe pi cik me cam mogo ma dano ma gulubo pe gunono iye kony mo. ¹⁰Watye ki keno tyer ma lutic i kema macon ca pe gitye ki twero mo me cam iye. ¹¹Pien lee ma yam ajwaka madit tero remogi i kabedo malen me bedo gitum pi bal, komgi yam giwano woko cen i ne gony. ¹²Kit meno bene Yecu yam oto cen woko i ne dogcel, wek omi elony dano ki remone kikome gubed malen. ¹³Pi meno myero wacitu bene woko i ne gony, kun waciro anywar pire; ¹⁴pien kany pe watye ki gan mo ma ri nakanaka, ento watye ka yenyo gan ma tye anyim ma cok bino. ¹⁵Donj wamiyu pakwa bot Lubana i kare ducu macalo gitum ma gityero bot Lubana, kun wawok ki bot Yecu; meno aye pwoc ma wamiyo ki dogwa ka watuco nyije. ¹⁶Pe myero wiwu owil ka timo gin maber, ki poko jami ma wutye kwede bene bot jo mukene; pien gitum macalo meno yomo cwiny Lubana. ¹⁷Wuwiny lok pa jo ma telowu, dok wumine i te locgi, pien gin gitye ka gwoko tipowu labono yweyo macalo jo ma Lubana bipenyogi pi ticgi. Wumi guti ticgi ki yomcwiny, ma pe wumiyogi peko mo, pien meno pe konyowu kadi ki acel. ¹⁸Wuleg Lubana piwa, pien wan waneyo ada ni cwinywa gire len, dok wamito ni wati gin maber i kare ducu. ¹⁹Amedo cuko cwinywu ni wuleg Lubana, wek odwoka botwu oyotoyot. ²⁰Lubana won kuc ma oceru Rwotwa Yecu Kricito ki i kin jo muto, ma en aye lakwat romi madit, pi remo me gicikke ma ri nakanaka, ²¹en myero omiwu gin ducu mabeco ma mitte, wek wuti wucob gin ma en mito; dok bene pi Yecu Kricito myero en oti kwedwa gin ma yomo cwinye. Deyo obed bot Yecu Kricito nakanaka. Amen. ²²Utmegina, alegowu ni wudi cwinywu i lokka ma acoyo manoknok mo-ni ma acuko kwede cwinywu. ²³Myero wuje ni ominwa Temceo donj gigonyo woko; wabibino kwede ka nenowu, ka ce orune obino oyot. ²⁴Wumot lutelwu ducu, ki jo pa Lubana bene ducu. Jo mua ki i Itali gumotowu. ²⁵Kica pa Lubana donj obed kwedwu ducu.

Yakobo

1

¹Waraga man oa ki bot Yakobo ma latic pa Lubana ki Rwotwa Yecu Kricito. Bot kaka apar wiye aryo ma guket woko ata: Amotowu ba. ²Utmegina, wubed ki yomcwiny madwon ka gitemowu i yo mapatpat. ³pien wuneyo ni temo niyewu miyo wudiyo cwinywu. ⁴Wek diyo cwiny ocob ticce kakare, wek wubed jo muteggi, ma roc mo pe i komwu, dok wubed ma gin mo bene pe orem botwu. ⁵Ka ce tye nat mo i kinwu ma ryekone nok, myero en oleg Lubana ma miyo bot jo ducu ki yomcwiny, kun pe twono nat mo; ci bimiye. ⁶Ento myero en oleg ki niye, ma pe kalo akala; pien nat ma kalo akala rom ki pii me nam ma twagge, ma yamo coro tagge atata. ⁷Kit dano macalo meno myero pe otam ni ebinono gin mo ki bot Rwot, ⁸pien en obedo ma tamme aryo, ma pe cuj matek i kit yo me kwone ducu. ⁹Lacan myero owakke ka gitije malo, ¹⁰lalonyo bene kit meno myero owakke ka gidwoke piny; pien lalonyo birwenyo woko calo tur lum. ¹¹Pien cej tuc ki lyetone matek, ci nero lum, ture o, berre bene rwenyo woko. Lalonyo bene kit meno birwenyo woko ata i dye ticce me kare ducu. ¹²nat ma gitemo cwinye ka ocuj matek tye ki gum; pien ka donj gitime, ce en oloyo, ci binono mot me lalukana me kwo ma Rwot ociko me miyo bot jo ma en maro. ¹³ka gibito nat mo, en pe myero owacci, “Lubana aye ma bita”, pien Lubana pe gibito ki tiyo gin marac, en bene pe bito nat mo. ¹⁴Dano acel acel gire mitine kene aye ma bite, ywaye, kun omo cwinye. ¹⁵Miti ka oyac ci nywalo bal. bal ka donj odojo muteggi nywalo to. ¹⁶Utmegina ma amaro, pe wuwek gibwolwu. ¹⁷Pien kit gin mo ducu maber, ki mot ducu mabeco twatwal ma gimiyowa, a ki malo, a ki bot Lubana Won bino piny, ma en aye won gin ducu ma ryeny i polo, ma pe tye ki alokaloka mo, dok tipo mo ma nyuto lokkene bene pe. ¹⁸pi mitine gire kene, en onywalowa ki lokke me ada, wek wabed calo cam ma i poto mukwono cek ki i kin ginaketa ducu. ¹⁹Utmegina ma amaro, wuje lok man. Dano acel acel myero owiny lok oyotoyot, ento pe myero orune me gamone, dok bene myero odi kinigane. ²⁰Pien kiniga pa dano pe cobo tic ma atir i nyim Lubana. ²¹Wubol woko cen gin ducu me lewic ki tim maraco ma donj onya botwu, wugam lok pa Lubana ma opito i iwu ki mwolo, pien twero laro tipowu. ²²Ento wubed jo ma keto gin ma giloko i tic, pe wubed jo ma winyo awinya keken kun wubwolle kenwu.

²³Pien ka ce dano mo obedo lawiny lok keken ma pe tiyo, ci bedo calo ɗat ma ɗiyo waɗe ma ginywale kwede i kiyo. ²⁴Ento ka don otyeko ɗine kekene, cito woko, wiye wil woko oyotoyot i calle ma en obedo ka nenone twatwal-li. ²⁵Ento ɗat ma neno cik maber ma kelo kuc, ka ori iye, ma pe bedo calo ɗat ma winyo ka dok wiye wil woko, ento ɗat ma keto lok ma en owinyo i tic, gibimiye gum i gin ma en otiyo ducu. ²⁶Ka ce dano mo otamo ni en ladinini kun pe juko lebe, nonjo bwolle abwola kene ki i cwinye, dinine-nu konnye pe. ²⁷Dini me ada malen, ma cilo pe iye i nyim Lubanja Wonwa en ene: konyo litino kic ki mon ma coggi oto i kom can ma gitye kwede, ki gwokke ken i kom bal me lobo.

¹Utmegina, kit macalo don wuye Rwotwa Yecu Kricito kwede-ni, ma en Rwot me deyo, pe dok wuket apokapoka mo i kin dano. ²Pien ka ce won agit jabu oruko bonji mabeco obino kwede i cekkewu, ki lacan bene oruko bonji mucido, ³wukwoŋo tamo pi dano ma oruko bonji mabeco-ni, kun wuwaco ni, “Bed kany, ladi,” ento bot lacan wuwacce ni, “Cuŋ kuca,” nyo ni, “Bed piny ka tyena kany.” ⁴Meno noŋo pe don wukelo apokapoka woko i kinwu kekenwu, kun wudoko bene luŋolkop ma tamwu ogom woko? ⁵Wuwiny ba, utmegina ma amaro, pe Lubana aye muyero jo ma lucan i wi lobo wek gubed lulonyo i niye, dok me miyogi ker ma yam ociko ni ebimiyo bot jo ma mare? ⁶Ento wun wuketo lewic i kom lucan. Pe lulonyo aye ma burowu? Pe gin aye ma ywayowu kun giterowu tektek i nyim lukiko? ⁷Pe gin aye luyet nyin maber ma gilwoŋowu kwede? ⁸Ka ce wumako cik me ker pa Lubana kit ma yam gicoyo kwede i ginacoya ni, “Mar lawoti macalo imarre keni,” noŋo wutimo ber; ⁹ento ka ce wupoko kin dano, noŋo wutimo rac, noŋo cik ŋolo kop i komwu ni wun lubalo. ¹⁰Pien ŋat ma gwoko cik ducu, ka ce opoto i cik acel keken, noŋo oturo cik ducu. ¹¹Pien ŋat ma owaco ni, “Pe itim abor,” owaco bene ni, “Pe ineki.” Ka inen ce pe itimo abor ento ineko dano, noŋo don ituro cik. ¹²Lok ma wuloko, ki gin ma wutiyo, myero obed macalo pa jo ma gibuŋolo kop botgi i te cik ma kelo kuc. ¹³Pien ŋolo kop pe timo kica bot ŋat ma yam pe otimo kica; ento latim kica pe lworu laŋolkop. ¹⁴Konyo gin aŋo, utmegina, ka ŋat mo waco ni etye ki niye kun pe keto i tic? Ci niye meno twero lare? ¹⁵Ka ce omeru nyo lameru bonjone pe, kun cam me nino ducu bene remo, ¹⁶ci ŋat mo i kinwu waco botgi ni, “Wucit ki kuc, komwu obed momor, wuyen,” kun pe wumiyo botgi gin mo ma mitte pi pito kom, ci meno konyo aŋo? ¹⁷Kit meno, niye kene ka pe giketo i tic, don oto woko. ¹⁸ŋat mo biwaco ni, “In itye ki niye, ento an atye ki tic; nyutta niyeni laboŋo tic mo, ka don abinyutti niyena ki ticca.” ¹⁹Iye ni Lubana tye acel, itimo ber. Kadi cengu bene giye kit meno, dok komgi myel. ²⁰In lamiŋ, imito ginyutti ni, niye ma pe ki tic konnye pe? ²¹Kwarowa Abraim yam pe gikwano ni kite atir pi tic, i kare ma en otyero wode Icaka me bedo gitum i wi keno tyer? ²²Don ineno ni niyene yam ocobbe ki tic, ²³omiyo lok ma yam gicoyo ocobbe kakare ni, “Abraim oye Lubana, omiyo gikwane ni en dano ma kite atir”; dok bene gilwoŋe ni en larem Lubana. ²⁴Don ineno ni dano gikwane ni kite atir pi tic, ento pe pi niye keken. ²⁵Kit meno bene, Rakab, dako ma malaya, pe yam gikwane ni kite atir pi ticce, i kare ma yam en ojolo lukwena ka ocwalogi gucito woko i yo mukene? ²⁶Kit macalo ka yweyo don pe i kom, noŋo kom don oto woko, kit meno bene, niye ka pe giketo i tic, noŋo don oto woko.

3 ¹Utmegina, pe myero jo mapol i kinwu gudok lupwony, pien wuneyo ni wan lupwony gihinolo kop mapek i wiwa makato jo mukene. ²Wan ducu njat acel acel timo lwak roc mapol, ento ka ce inen njat mo pe roco i gin ma en loko, ci dano-nu nonjo dano maber twatwal, twero loyo kome ducu. ³Wan warwako nyonyo i dog aguragura wek guwinywa, ci wawiro komgi ducu dok tunj ka ma wamito. ⁴Konj wunen mel, ginen donjo mada, dok yamo aye ma kologi, ento njat ma kwanjo twero wiro cito ka ma en mito ki latin pol mo matidi keken. ⁵Kit meno, leb obedo dul kom ma nen tidi mo, ento wakke mada i jami madonjo. Nen kit ma mac matidi mo keken wanjo kwede buja madit! ⁶Leb bene obedo calo mac. I kin dul komwa leb rom ki lobo ma gin ma en tiyo pe atir, ci balo komwa woko ducu, cwinyo mac i kwowa, i kit ma kwo wirre kwede ducu; mac me Geena moko i kome. ⁷Dano twero loyo kit lee ducu, wa winyi, twol-gu ki ginaketa ducu ma bedo i nam, dok bene giloyogi woko yam con. ⁸Ento pe tye dano mo ma twero loyo leb. Leb aye twon gin mo ma pe jukke, oponj ki kwir ma neko dano. ⁹Leb en aye gin ma wapwoyo kwede Rwot Lubanja Wonwa, en leb acel-lu bene waceno kwede dano ma giketogi i cal pa Lubanja. ¹⁰Pwoc ki ceno dano a i dog acel-lu. Utmegina, pe myero obed kit meno. ¹¹Wanj it acel twero mol iye pii mamit ki makecce? ¹²Utmegina, oduro mono twero nyak yaa? Nyo olok twero nyak oduro? Kit meno pii mamit bene pe twero mol kun a ki i wanj it ma piine obedo kado kado. ¹³Aja i kinwu ma ryek dok nianj jami? En myero onyut tic me ryekone ki mwolo, pi kwone maber. ¹⁴Ento ka wutye ki nyeko marac i cwinywu, ki laro dito, pe wuwakke, pe bene wuwac lok goba i kom lok ada. ¹⁵Kit ryeko macalo meno pe oa ki i polo ento obedo me lobo, pe woro lubanja, ento pa Catan. ¹⁶Pien ka ma nyeko ki laro dito tye iye, inonjo anyobanyoba ki tim ducu maraco tye iye. ¹⁷Ento ryeko mua ki malo, mukwonjo bedo lenj, dok bedo me kuc, me mwolo, gamo tam ducu mabeco, oponj ki kica, ki nyako nyig maber, njat ma tye kwede pe poko kin dano, bedo ma cwinye atir. ¹⁸Jo ma kelo kuc gicoyo kodigi i kuc me nyako kit ma atir.

¹Gin anjo ma kelo mony, ki gin anjo ma kelo lweny i kinwu? Pe par ma wutye kwede aye tye ka lweny i dul komwu? ²wumito wunon jami, ento pe wunonjo, ci wucako neko dano. Dok wuparo jami pa jo mukene, ento pe wunonjo, ka donj wuero lweny ki mony. Pe wunonjo gin ma wumito, pien pe wulego. ³Wulego, pe wunonjo, pien wulego marac, wulego ni wunonj wek wuti kwede me cobo mitiwu keken. ⁴Wun jo mubolo laremwu woko. Pe wuneyo ni, mako larem ki lobo miyo dano doko lakwor pa Lubanja? Pi meno, nat ma mito mako larem ki lobo lokke kene doko lakwor pa Lubanja. ⁵Nyo wutamo ni, lok ma yam gicoyo lok ma tere pe ni, "En tye ki par madwonj twatwal ki nyeko i kom cwiny ma yam en oketo ni obed i iwa?" ⁶Ento en medde ki miyo kicane; pi meno, lok ma yam gicoyo waco ni, "Lubanja pyem ki jo ma wakke, ento miyo kica bot jo mamwol." ⁷Pi meno, wumine me bedo i te loc pa Lubanja. Wulweny matek ki Catan, ci en birinowu woko. ⁸Wunyik cok bot lubanja, ci en bene binyiko cok botwu. Wulwok cinwu woko, wun lubalo, ka donj wulony cwinywu obed malen, wun jo ma tamwu tye aryo. ⁹Cwinywu myero owonj, wukum, wukok bene. Nyerowu myero olokke odok kumo, ki yomcwiny ma wutye kwede olokke odok can. ¹⁰Wumwolle kenwu i nyim Rwot, ci en bitinowu malo. ¹¹Utmegina, pe wulok lok mo marac kun nat acel acel loko i kom lawote. nat ma loko lok marac i kom ominne, nyo njolo kop i kom ominne, nonjo oloko lok marac i kom cik, nonjo donj bene onjolo kop ki cik. Ento ka in injolo kop ki cik, in donj pe lacob cik ento idoko lanjolkop. ¹²Lami-cik ki lanjolkop tye acel, en twero larowu ki nekowu. In aja mono ma injolo kop i kom lawoti-ni? ¹³Konj wuwiny lokka, wun ma wuwaco ni, "Tin nyo diki wabicito i gan munyo, wabityeko kunnu mwaka acel kun wacato wil dok wanonjo magoba," ¹⁴kun kono pe wuneyo lok ma bitimme diki. Kwowu tye ninjin? Wun wubedo calo lupu ma nen pi kare manok mo keken, ci lacen ke woko. ¹⁵Ma ka loko lok kit meno, ononjo myero wuwacci, "Ka Rwot oye, wabibedo kwo, wabitimo man nyo maca." ¹⁶Ento wun lunyatte, dok wuwakke bene. Lakit wakke macalo meno ducu rac. ¹⁷nat ma neyo gin ma atir ma myero etim, ce pe otimo, nonjo donj otimo bal.

¹Wuwiny ba, wun lulonyo, wukoki, dok wudanje, pi can ma bipoto i komwu. ²Lonyowu donj otop woko, kadi ki ginarukawu bene nyenye ocamo woko. ³Jabu ki ryalwu, nyal donj omako woko; nyal kikome aye bibedo caden i komwu, dok bicamo komwu woko calo mac. Wun donj wutyeko kano lonyo pi kare me agikki. ⁴Nen mucara pa lutic ma gitiyo i pottiwu ma wutwonogi kwede woko, tye ka kok; koko pa lukac donj owinnye bot Rwot me mony. ⁵Wun donj wubedo ki jami lonyo ma malo twatwal ki yomcwiny i lobo; wupitte ki cam, kun wucwe giwu, ento nino me nekowu donj oromo! ⁶Donj wunol kop i kom dano ma kite atir, en gire pe genowu. ⁷Kit meno utmegina, wudi cwinywu nio warj ma Rwot bidwogo. Wunen konj kit ma lapur kuro kwede gin ma pire tek ma cek i lobo; en diyo cwinye nio warj ma kot me cwir ki me oro ocwer. ⁸Wun bene wudi cwinywu, wucunj matek, pien dwogo pa Rwot donj cok. ⁹Pe wunur, utmegina, nat acel acel pe onjuri i kom lawote, wek pe ginol kop i komwu. Nen, Lanolkop donj tye ocunj i doggola. ¹⁰Utmegina, lanen me ciro can ki diyo cwiny nen i kom lunebi ma yam guloko i nyinj Rwot. ¹¹Jo ma yam guciro matek, walwonogi ni lugumkom. Wutyeko winyo bene kit macalo Yubu yam ociro kwede can, dok wuneno agikki me tic pa Rwot i kome, kit ma Rwot won kica timo kwede ber bot dano. ¹²Makatone ducu, utmegina, pe wukwonj kwonj ki nyinj polo, kadi ki nyinj lobo, kadi kit kwonj mukene ducu; ento ye lokwu ducu myero obed ni, “Iyo,” nyo ni, “Pe,” wek pe ginol kop i komwu. ¹³Nat mo i kinwu tye ki can? Myero oleg Lubana. Tye nat mo ma tye ki yomcwiny? Myero en ower wer me pako Lubana. ¹⁴Tye nat mo i kinwu ma kome lit? Myero en olwonj ludonjo me lwak pa Lubana, wek guleg Lubana pire kun giwire ki moo i nyinj Rwot. ¹⁵Lega ma niye tye iye bicanjo latwo, Rwot bitinje malo; ka ce ononjo yam otimo bal mo, ci gibitime iye kica. ¹⁶Pi meno, wutuc balwu, nat acel acel otuc mere bot lawote, dok bene nat acel acel myero oleg Lubana pi lawote, wek wucanj. Lega pa dano ma kite atir tek, tye ki twero madwonj. ¹⁷Elia yam obedo dano ma kite cal kwedwa, yam olego Lubana matek ni kot pe ocwer, omiyo kot pe ocwer i lobo pi mwaka adek ki dwe abicel. ¹⁸Ka dok olego aye, omiyo kot ocako cwer, lobo oceko cam mabup. ¹⁹Utmegina, ka ce dano mo ki i kinwu onjak woko ki i lok ada, ka nat mukene aye donj odwoke cen, ²⁰myero wunje ni, ka nat ma okwanyo labalo ki i yone mugom odwoke cen, nat meno bilaro kwone woko ki i to, dok biumo balle mapol.

1 Petero

1

¹Waraga man oa ki bot Petero, lakwena pa Yecu Kricito. Bot jo pa Lubana ma guket woko ata, ma gubedo welo i Ponto, Galatia, Kapadokia, Acia ki Bitunia, ²ma Lubana Won aye muyerogi pi yubbe ma en oneyo con, ma Cwiny mere Malen donj olonyogi gudoko malenj wek guwiny lok pa Yecu Kricito, dok bene wek gikir remone i komgi: Kica ki kuc myero omedde botwu. ³Gipwo Lubana Won Rwotwa Yecu Kricito! Pien pi kicane madit omiyo ginywalowa odoco wek wabed ki gen makwo pi cer pa Yecu Kricito ki i kin jo muto, ⁴ki dok wek wanywak ginaleya ma pe top, ma cilo pe ogudo, ma pe balle, ma gikano piwu i polo. ⁵Lubana tye ka gwokowu ki tekke pi niyewu, wek wunonj larre ma giyubo, ma binen i kare me agikki piny. ⁶Wubed ki yomcwiny pi man, kadi bed kombeddi gwok nyo cwinywu twero cwer pi kare manoknok mo pi kit ma gitye ka omo ki cwinywu i yo mapatpat, ⁷wek ginen niyewu, ka ce tye niye me ada. Pien kadi jabu ma gitemo ki mac pe ri nakanaka, ento niyewa pire dit kato jabu, dok bene bikelo botwu pak ki deyo ki woro i kare ma Yecu Kricito binen iye. ⁸Kadi pud pe wunene, donj wumare. Dok bene kombeddi kadi pe wunene, wuye en kun wubedo ki yomcwiny madit ma pe wacce, dok bene me deyo. ⁹Adwoggi me niyewu omiyo wunonjo larre me tipowu. ¹⁰Lunebi ma yam gutito pi kica ma gibimiyowu yam guyenyo matek, kun gipenyo lok i kom larre man. ¹¹Gin yam gumito ni ginje aja, nyo kit kare mene, ma Cwiny pa Kricito ma tye i igi tye ka nyuto, i kare ma otito iye pi can ma Kricito biciro, ki pi deyo ma dok bilubo. ¹²Yam ononjo ginyuto botgi ni, kwena ma gimiyogi pe otiko gin kikomgi, ento otiko wun. En aye lok ma kombeddi donj jo ma gitito lok me kwena maber gutyeko titi botwu pi Cwiny Malenj ma gicwalo ma oa ki i polo; lok ma lumalaika bene guparo me nenone matek twatwal. ¹³Pi meno, donj wubed ma wuyubbe i tamwu, kun wugokke bene. Wuket genwu ducu i kom kica ma bibino botwu i kare ma Yecu Kricito binen iye. ¹⁴Macalo litino ma luwiny, pe wumi kwowu orwatte ki mitiwu ma yam konj wubedo kwede i kare ma ononjo pud wukwiya piny ca. ¹⁵Kit macalo nat ma olwonowu lenj, wun bene wubed jo malenj i kitwu ducu; ¹⁶pien coc ma yam gicoyo loko ni, “Wubedo jo malenj, pien an alenj.” ¹⁷Nat ma wulwonjo ni Wonwu-ni njolo kop i kom dano acel acel ma pe lenje, kun lubo kit tic ma nat acel acel otijo; mumiyo myero wubed ki lworu i nyime kare ducu ma pud wutyeko kany macalo welo. ¹⁸Wun wuneyo ni gityeke kokowu ki i kit pa kwarowu ma pe konyo. Pe gikokowu ki gin ma balle woko, macalo ryal nyo jabu, ¹⁹ento gikokowu ki remo pa Kricito me wel madwonj ma rom ki latin romo ma bal mo nyo roc mo pe i kome. ²⁰Lubana ononjo donj otyeko yere wa con, ma pud pe oketo guti me lobo, ka dok onyute woko

piwu i kare man, ma en aye kare me agikki.²¹ Pire omiyo don wadoko jo ma geno Lubana ma ocero Yecu ki i kin jo muto, ci omiye deyo; en meno gin mumiyo niyewu ki genwu tye i kom Lubana-ni.²² Don wulonyo cwinywu woko odoko malej pi lubo lok ada, wek wubed ki mar ma goba pe iye macalo utmego; pi meno myero wumarre kekenwu mada ki cwinywu ducucu.²³ Don ginywalowu odoco, pe ki kodi ma balle, ento ki kodi ma pe balle, pi twero me lok pa Lubana, en lok ma tye ki kwo ma ri nakanaka.²⁴ pien yam gicoyo ni, “Gin ducu ma tye ki kom obedo calo lum, deyone ducu rom ki deyo pa tur lum. Lum ner, ature bene o woko,²⁵ ento lok pa Rwot ma en oloko bedo matwal.” Lok meno en aye lok me kwena maber ma yam gitito botwu.

¹Pi meno, don wubwot raccwiny ducu, ki kit me goba ducu, ki kit me adwala, nyeko ki kit yet ducu. ²Wumit cak magili me cwiny, calo litino lukere ma pud ginywalogi nyen, wek omi wudon nio i larre; ³pien don wutyeko bilo ber pa Rwot. ⁴Wubin bote, en got makwo ma yam dano gukwero, ento ki bot Lubaṇa obedo got me wel ma en oyer. ⁵Wubin calo godi makwo, wek giked kwedwu ci wudok ot pa Lubaṇa me cwiny, wek wubed ajwagi malen, ka wutyer gitum me cwiny ma Lubaṇa pwoyo, pi Yecu Kricito. ⁶pien yam gicoyo ni, “Nen, don aketo got me wel i Cion, ma ayero me got me twok ot, ṇat muye en, lewic pe bimako.” ⁷Pi meno, ki tun botwu wun jo muye en, Kricito obedo me wel; ento ki bot jo ma pe guye en, tye macalo yam gicoyo ni, “Got ma lugedo gukwero, en aye odoko got madit me twok ot.” ⁸Odoko bene, “Got ma miyo dano yokke ka giwoto, ariya ma miyo dano poto.” Giyokke pien gukwero winyo lok pa Lubaṇa, macalo onono yam giyubo pigi wa con. ⁹Ento wun wubedo rok ma giyero, ajwagi pa kabaka, rok malen, jo pa Lubaṇa kikome, wek wutit pi tic me deyo pa ṇat ma olwoṇowu nia ki i piny macol wek wudony i leṇone me aura. ¹⁰Yam onono pe wubedo dano pa Lubaṇa, ento kombbeddi don wudoko jone; yam pe gitimo botwu kica, ento kombbeddi don gitimo kica botwu. Kwowu obed calo kwo pa opii pa Lubaṇa. ¹¹Wun ma amaro, abako doga botwu macalo wun wel, pe wun jo me lobo man, wukwer miti me kom woko ma lwenyo ki tipowu. ¹²Wubed ki kit maber i kin jo ma pe giṇeyo Lubaṇa, wek ka ce giyetowu ni wun lutim gin marac, gunen tic maber ma wutiyo, wek bene gumi deyo bot Lubaṇa i nino ma en bibino ka ṇolo kop iye. ¹³Pi Rwotwa, myero wumine me bedo i te loc me twero ducu ma tye i kin dano, bot laloc madit, pien en aye ma loyo jo ducu, ¹⁴ki bot luloc ma en ocwalogi pi keto can i kom jo ma timo gin maraco, ki pi pwoyo jo ma timo gin ma atir. ¹⁵Pien Lubaṇa mito ni wuti gin ma atir, wek wumi jo mamin ma gikwiya piny gulin woko. ¹⁶Wubed calo jo ma lone kengi, ento pe wuti ki locken meno pi timo gin marac; wubed giwu macalo opii pa Lubaṇa. ¹⁷Wuwor dano ducu. Wumar omegiwu. Wulwor Lubaṇa. Wuwor laloc madit. Lanen me can pa Kricito. ¹⁸Wun opii, wumine kenwu i te loc pa Luditowu ki kit woro ducu, pe bot jo ma lukica ki jo mamwol keken, ento bot jo mager bene. ¹⁹Man aye gin ma gipwoyo, ka ce dano ciro arem ma nono cwinye tye i kom Lubaṇa, ka giune ma nono pe obalo. ²⁰Gipwoyowu ki ṇo, ka wudiyo cwinwyu ma nono gipwodowu pi bal? Ento ka ce wudiyo cwinywu ma nono wutye ka neno can pi timo gin maber, meno aye Lubaṇa pwoyo. ²¹Pien gilwoṇowu pi gin meno; pien Kricito bene yam oneno can piwu, oweko botwu lanen maber me aluba, wek wulub kore. ²²Bal mo pe ma en otimo, doge bene pe oloko lok goba. ²³I kare ma dano guyete, en pe oyetogi. I kare ma en oneno can, pe oburo dano; ento omine kene bot ṇat ma ṇolo kop atir. ²⁴Ento en otin balwa i kome kene i kom yatariya, wek wan wato i bal, ka don wabed kwo i kit ma atir. Pi pwod ma gipwode kwede omiyo wucan. ²⁵Pien yam onono wunak wurwenyo woko calo romi, ento kombbeddi don wudwogo bot Lakwat ki Lagwok tipowu.

3

¹Kit meno bene, wun mon wumine me bedo i te loc pa cogwu, wek ka ce co mogo i kingi pe gilubo lok pa Lubaja, ci gitwero lokke pi kit pa mongi, kadi bed gin kikomgi pe giloko lok mo ki doggi, ²ento ka guneno kitwu malen ma nen me woro. ³Rukwu pe obed ruk ma nen ki woko, macalo kedo yer wic, tweyo tiko jabu, ruko bonji mabeco, ⁴ento rukwu myero obed kit me cwiny ma pe nen. Ruk ma pe balle en cwiny mamwol, ma linj mot; meno aye welle dit i nyim Lubaja. ⁵Pien i kare macon, mon malen ma gumoko gengi i kom Lubaja yam girukke kit meno, kun bene gimine kengi me bedo i te loc pa coggi, ⁶macalo Cara yam winyo lok pa Abraim, kun pake bene ni, "Rwoda." Wun bene kombeddi donj wun litinone, ka wutiyo gin maber, kun pe gin mo miyowu lworu. ⁷Kit meno bene, wun co wubed ki monwu ki nianj maber, kun wumiyo deyo bot dako macalo lawoti ma kome pe tek, pien gin bene ginywako kica pa Lubaja kwedwa ma en aye kelo kwo. Kumeno gin mo pe ma bigerjo legawu. Neno can pi lubo kit ma atir. ⁸Me agikkine, wun ducu wubed ki tam acel dok ki cwiny acel. Wumarre calo omega, ma wutye ki kica dok ki cwiny mamwol. ⁹Pe wudwok tim marac pi tim marac, nyo yet ki yet; ento ma ka timo meno, wuleg gum pa Lubaja obed i komgi, pien gilwonowu pi man, wek wunonj gum. ¹⁰Pien yam gicoyo ni, "nat ma maro kwo, ki ma mito ni eri pi kare malac kun bedo maber. Ogwok lebe pe olok gin marac, ki doge bene pe olok lok me bwola. ¹¹Oa woko ki i gin marac, oti gin maber, oyeny kuc dok oti matek wek ononj. ¹²Pien Rwot neno jo ma kitgi atir, dok ciko ite, winyo legagi; ento dag neno jo ma lutim maraco." ¹³Aja mono ma bitimowu marac ka wuketo cwinywu me tiyo gin maber? ¹⁴Ento kadi bed wuneno can pi lubo kit ma atir, ci wutye ki gum. Pe wulworgi, dok cwinywu bene pe opoti. ¹⁵ento wuwor Kricito i cwinywu macalo Rwotwu. Wubed ma wuyubbe kare ducu pi dok i lok ma dano bipenyowu kwede i kom gen ma wutye kwede; ento wudok iye ki mwolo dok ki woro. ¹⁶Wubed ma cwinwyu lenj, wek lewic omak jo ma yeto kitwu maber i Kricito, ka ginywarowu. ¹⁷Bedo ber ka wuneno can pi timo gin maber, ka ce Lubaja mito kit meno, loyo ma wuneno can pi timo gin marac. ¹⁸Pien Kricito bene yam oneno can pi bal, kicel ma otyeko lok ducu; en nat ma kite atir oto pi jo ma kitgi pe atir, wek omi ekelwa bot Lubaja. Yam gineko kome, ento gicere woko i cwiny. ¹⁹En yam owoto i cwiny ocito otito lok bot tipo pa jo ma tye i mabuc, ²⁰ma yam con pe guwinyo Lubaja, kadi bed Lubaja odiyo cwinye i komgi i kare pa Nua ma onono en tye ka payo yeya, ma dano manok ma romo aboro keken aye gularre ki i pii. ²¹Gin ma rom ki man ma koni larowu en aye batija; pe me lwoko cilo me kom, ento obedo macalo lega bot Lubaja wek wudok jo ma cwinywu lenj, pi cer pa Yecu Kricito, ²²ma donj odok woko i polo, tye i kabedo me deyo i net Lubaja tunj acuc, kun lumalaika ki twer ki teko ducu gitye i te locce.

4 ¹Kit macalo Kricito yam ociro arem me kom, wun bene myero wurukke ki tam acel kit meno, wek gimiwu tek. Pien nat mo ma don ociro arem kom, pe don medde ki bal, ²wek etyek kare me kwone i lobo man ma pud don kun pe dok lubo miti maraco ma dano paro, ento cobo gin ma Lubana mito. ³Myero don wuwek kare ma yam wubedo iye ka tiyo gin ma jo ma pe neyo Lubana gimaro timo oromwu. Yam wulubo kit me tarwan, ki miti me kom, mero, karama me woro cam ki tuko marac, mat, ki woro jogi ma ic dagi. ⁴Giuro mada pien kombeddi don pe wuribbe kwedgi i lok man me miti me kom ma pe jukke; meno aye mumiyo ginywarowu. ⁵Ento gibidok i lok man bot Lubana ma oyubbe pi nolo kop pa jo makwo ki jo muto. ⁶Man en gin mumiyo yam gitito lok me kwena maber kadi wa bot jo muto, wek kadi ginolo kop i komgi macalo ginolo ki jo ducu, gin gubed kwo i cwiny macalo Lubana. ⁷Agikki me jami ducu don cok; pi meno wugwok kitwu, kun wuloyo mitiwu kenwu, wek wumine i lego Lubana. ⁸Makato ducu wumok matek i marre kekenwu; pien mar umo lwak bal mapol. ⁹Wubed jo ma jolo welo nat man ki lawote, kun pe wunur bene. ¹⁰Kit macalo nat acel acel tye ki motte ma gimiye, wuti kwede pi konnye kekenwu, macalo lugwok-jami mabeco, ma tiyo ki mot me kica ma Lubana omiyo ma kite patpat. ¹¹Ka nat mo tito lok, myero otit macalo lok mua ki bot Lubana; nat ma miyo kony oti macalo nat ma tiyo ki tek ma Lubana omiyo; wek dano guket deyo i kom Lubana i yo ducu pi Yecu Kricito. Deyo ki twero bedo mere nakanaka. Amen. ¹²Luwota ma amaro, pe wuur can ma rom ki mac ma bino i komwu pi temowu, ma kun wutamo ni gwok ca nyo gin mo mapat twatwal mupoto i komwu. ¹³Ento wubed ki yomcwiny i lok man ni, wuribbe i can pa Kricito, wek dok wubed ki yomcwiny madit i kare ma deyone binen. ¹⁴Wutye ki gum ka giyetowu pi nyin Kricito, pien nonjo cwiny me deyo, ma en Cwiny pa Lubana, bedo i komwu. ¹⁵Pe myero giket can i kom dano mo i kinwu pi nek, nyo pi kwo, nyo pi timo gin mo marac, nyo pi laro lok i gin pa nat mo mukene. ¹⁶Ento ka giketo can i kom dano mo pi bedo nat muye Kricito, lewic pe myero omake, ento omi deyo bot Lubana pi lwoŋe ki nyin meno. ¹⁷Pien kare me cako nolo kop don oromo, kun cakke ki i jo pa Lubana. Man ka ocakke ki botwa, ci agikki pa jo ma gukwero winyo lok me kwena maber ma oa ki bot Lubana bibedo ninin? ¹⁸Coc ma yam gicoyo wacci, “Ka ce bedo tek bot dano ma kite atir me larre, don labalo ma pe lwoŋe Lubana binene ka kwene?” ¹⁹Pi meno, jo ma gineno can i yo ma Lubana mito, ber gumine kengi i cin Lacwec ma genne, kun gitiyo gin ma atir.

5 ¹Abako dogo bot ludonjo ma gitye i kinwu, an ma ladit wadiwu ma abedo caden i can pa Kricito, dok bene abiribbe kwedwu i deyone ma binen. ²Wukwa romi pa Lubaŋa ma tye botwu, kun wunenogi maber, pe pi dic, ento pi mitiwu kenwu, i kit ma Lubaŋa mito, pe pi lim, ento pi mit me cwinywu. ³Pe wulo dano ma giketo i cinwu ki tek, ento wubed lanen maber bot romi; ⁴miyo ka Lakwat madit binen, wun wubinoŋo mot, lalukana me deyo ma pe balle. ⁵Kit meno, wun awobe bene, wuwiny loc pa ludonjo. Wun ducu wurukke ki mwolo, ŋat acel acel i nyim lawote, pien “Lubaŋa pyem ki jo ma wakke, ento miyo kica bot jo mamwol.” ⁶Wumwolle kenwu i te twero pa Lubaŋa, wek ka kare oromo en otinwu malo. ⁷Wuket parwu ducu i kome, pien en tamo piwu. ⁸Wugwokke, wuki piny, pien lakworwu Catan tye ka wirre macalo labwor ma kok, kun yenyo dano me amwoda. ⁹Wucun matek i nyime pi niye kun waneyo ni, utmegiwu ma gitye i lobo ducu gitye ka ciro kit can macalo meno. ¹⁰Ka donj wuneno can pi kare manok, Lubaŋa lami kica ducu, ma olwoŋowu i Kricito Yecu me nywako deyone ma ri nakanaka, en kikome aye ma bidwokowu kakare, bimiyouwu tek, dok bimiyo wucun matek likin. ¹¹Loc obed bote nakanaka. Amen. ¹²Acoyo botwu waraga man manok kun amiyo i cinj Silvano, ma aneyo ni ominwa ma genne, pi cuko cwinywu kunu aloko macalo caden ni, man en kica pa Lubaŋa ada; wucun iye matek. ¹³Jo ducu muye Kricito ma gitye i Babilon ma Lubaŋa oyerogi kacel kwedwu gumotowu, ki woda Marako bene omotowu. ¹⁴Wumotte kekenwu ki mot me mar. Kuc obed botwu wun ducu ma wutye i Kricito.

2 Petero

1 ¹Waraga man oa ki bot Cimon Petero, latic dok lakwena pa Yecu Kricito. Bot wun jo ma wunoŋo niye ma pire tek ma rom ki mewa pi kit ma atir pa Lubaŋawa ma en Lalarwa Yecu Kricito: ²Kica ki kuc myero onya botwu pi neyo Lubaŋa ki Rwotwa Yecu Kricito. ³Pi tekone Lubaŋa omiyowa jami ducu ma kelo kwo ki cwiny me lwo ro en, wek wane en mulwoŋowa i deyone ki ditte kikome. ⁴Pi deyo ki ditte en omiyowa cikke madoŋo twatwal ki me wel madwonj, wek ka walimo, wabwot woko ki i balle me kit pa dano ma tye i lobo pi miti marac, ka wek donj waribbe i kit pa Lubaŋa. ⁵Pi lok man, wucukke matek me medo kit maber i kom niyewu; ki bene wumed neç i kom kit maber; ⁶i kom neçwu wumed iye gwokke kenwu, ki i kom gwokke kenwu wumed iye diyo cwiny; i kom diyo cwiny wumed iye cwiny me lwo ro Lubaŋa; ⁷i kom cwiny me lwo ro Lubaŋa wumed iye mar me omego; ki i kom mar me omego wumed iye mar. ⁸Pien ka wutye ki gin magi ducu, ma wutye kwede bene mabup, ci bimiyo wubedo jo ma neyo Rwotwa Yecu Kricito i yo ma konyo, dok ma wunyak nyig mabeco. ⁹Pien dano ma pe ki gin magi noŋo en latowanj, pe neno gin mo ki ka mabor, dok noŋo wiye donj owil woko ni yam gilwoke woko i kom balle macon. ¹⁰Pi meno, utmegina, myero wutemme me medde wek wumok i lwoŋowu matek, ki i yer ma Lubaŋa oyerowu kwde; pien ka wutimo kit meno, pe wubipoto kadi ki acel. ¹¹Meno bimiyo yo yabbe botwu malac me donyo i ker ma ri nakanaka pa Rwotwa ma en Lalarwa Yecu Kricito. ¹²Meno en gin mumiyo kare ducu amito poyo wiwu i lok magi, kadi bed wuneyogi, dok bene wumako matek likin lok ada ma gityeko kelo botwu. ¹³Atamo ni ber twatwal an me cuko cwinywu kun apoyo wiwu, ma pud atye ki kom me lobo man; ¹⁴pien aneyo ni, kare me weko koma donj cok, kit macalo Rwotwa Yecu Kricito yam onyutta kwede. ¹⁵Dok abiketo tek, wek wubed ki gin ma poyo wiwu i lok magi kare ducu, ka donj ato woko. ¹⁶Pien i kare ma yam watittiwu pi teko pa Rwotwa Yecu Kricito, ki pi dwogone, onoŋo pe walubo lok ododo mogo ma wan wayubo ayuba ki ryekowa, ento wan yam waneno deyo me ditte ki wanja. ¹⁷Yam waneno ka en olimo woro ki deyo ki bot Lubaŋa Won, i kare ma dwan oa ki bot Won Deyo Madit, obino botwa kun waco ni, “Man aye Woda ma amaro, ma cwinya yom i kome.” ¹⁸Dwan meno yam wawinyo oa ki i polo ada, pien onoŋo wan watye kacel kwede kunnu i wi got malen. ¹⁹Meno donj omoko piwa lok ma yam lunebi guloko. Wun bene myero wuket cwinywu i lokgi, pien lokgi-ni bedo macalo tara ma lyel i latwok bene oryeny, omenyo cwinywu. ²⁰Mukwoŋo myero wuŋe man ni, pe tye lok mo ma lunebi gucoyo ma ŋat mo twero gonyo pire kene; ²¹pien pe tye lok pa lanebi mo ma yam obino pi mit pa dano, ento Cwiny Malen aye mumiyo dano guloko lok ma oa ki bot Lubaŋa.

¹Ento lunebi ma lugoba bene yam gunen i kin dano, kit meno bene lupwony ma lugoba gibinen i kinwu. Gibikelo pwony mogo mapat i mun ma rwenyo dano, kun gikwero Ladiṭgi woko ma owilogi, ento meno bimiyo gin kikomgi gibirwenyo woko oyotoyot. ²Jo mapol bilubo kitgi me timo tim coco, ci bimiyo dano cayo yo me ada pigi. ³Pi worogi me lim, miyo gibinoṅo lim ki botwu pi lokgi me goba ma gin guyubo ayuba. Ento lok ma yam giṅolo i komgi doṅ gitye ka yubone, ki to ma myero opot i komgi bene pe onino. ⁴Pien Lubaṅa yam pe oweko lumalaika ka gubalo, ento obologi woko piny i bur lyel, ocwalogi i bur ka macol, wek gigwokgi kunnu nio ka kare me ṅolo kop doṅ oromo. ⁵En yam pe oweko lobo i kare macon, ento ogwoko Nua keken, latit lok me kit ma atir, kacel ki jo mukene abiro, i kare ma yam en ocwalo pii aluka wek omwony lobo pa jo ma pe gilworo Lubaṅa woko. ⁶Owaṅo ganṅi Codom ki Gomora woko ducu gudoko buru, kun oṅolo kop me tyekogi woko, ci omiyo gubedo lanen bot jo ma pe bilworo Lubaṅa i kare me anyim. ⁷Ento Lubaṅa olaro Lot, dano ma kite atir, ma yam cwinye ocwer twatwal pi tim kwele pa jo maraco. ⁸Pien tim maraco ma dano ma kite atir-ru obedo ka nenone ki ka winyone nino ki nino, i kare ma en obedo botgi, omiye waṅcwiny madwoṅ twatwal. ⁹Kit meno Rwot ṅeyo laro dano ma gilworo Lubaṅa ki i ayelayela ma giomo kwede cwinygi dok ṅeyo gwoko jo ma kitgi pe atir ka ma giketo iye can i komgi nio ka nino me ṅolo kop oromo. ¹⁰makatone gin jo ma lubo mitigi me kom ma cidogi woko, kun gicayo wegi twero. Cwinygi tek, gicerre woko acera gigi, pe bene gilworo yeto wegi deyo. ¹¹Ento kadi bed lumalaika giloyogi ki tek ki twero, pe giyetogi ka gukelo lok i komgi i nyim Rwot. ¹²Ento jo-nu gical ki lee ma pe ryek, dok ma lubo kit ma giketogi kwede, ma ginywalogi me amaka ki me aneka; gicayo lok ma gikwiya. Gibinekogi woko calo lee, ¹³kun gitimogi marac pi gin marac ma gutimo. Cwinygi yom i karama maraco ma gicamo i dyecen. Gikelo lewic ki bal ka guribbe kwedwu i camo karama, pien gimito megi gat me yomcwiny marac keken. ¹⁴Waṅgi yenyo mon ma myero gitim kwedgi abor, pe giywe ki yenyo yo me timo bal. Giciko owic me mako jo ma cwinygi wirre atata. Cwinygi doṅ opwonnye woko i yo me woro me lim. Gin doṅ jo ma giceno! ¹⁵Gubwoto yo ma atir, gurwenyo woko ata. Gulubo yo pa Balaam wod pa Beor, ma yam maro lim ma onoṅo pi timo gin marac, ¹⁶ento yam gijuke pi turo cik. Kana ma pe loko yam oloko ki dwan pa dano, ci ojuko apoya pa lanebi meno woko cut. ¹⁷Magi gin waṅ it ma pii pe iye, lupu ma yamo kot tero. Gityeko gwoko kabedo macol licuc pigi. ¹⁸Giloko lok mogo maditodito me wakke ma tere pe, kun gibito ki dano ma pud gibwot abwota ki i kin jo ma kitgi obedo atata, ka giterogi i timo abor-gu kun gilubo mit me kom. ¹⁹Gin gicikke me miyo jo meno gulone kengi, kun gin kikomgi gibedo opii pa gin ma balogi; pien ka gin mo oloyo kwo pa dano mo, en doṅ noṅo odoko opii pa gin meno. ²⁰Ka ce dano doṅ gubwot woko ki i cilo me bal me lobo pi ṅeyo Rwotwa ma en Lalarwa Yecu Kricito, ka dok pud gumoko i kom bal meno ci loyogi woko matwal, bimiyo gibedo marac lacenne makato ma yam con. ²¹Onoṅo twero bedo ber ka kono gin pe guṅeyo yo me kit ma atir, kato ma guṅeyo ka dok giweko cik maleṅ ma gimiyogi woko. ²²Man otimme i komgi calo lok ma carolok me ada oloko ni, “Gwok lokke dok ka naṅo ṅokke,” ki dok ni, “Opego ma gilwoko kome, lokke dok ka nywanne i coto.”

3¹ Lurema, man doŋ waraga me aryo ma acoyo botwu. I gin aryo ducu acuko iye cwinywu wek wutam tam ma atir, kun apoyo wiwu bene,² wek wupo i kom lok ma lunebi malen yam guloko con, ki i kom cik pa Rwot ma en lalar, ma lukwenawu yam gukelo botwu.³ Mukwoŋo myero wunian man ni, i kare me agikki jo ma lunala gubituc ki ŋalagi, kun gilubo mitigi kengi,⁴ kun gipenyo peny bene ni, “Cikke me dwogone ma gitito pire-ni tye kwene? Pien cakke ma kwarowa guto woko, jami ducu tye i kit ma yam gitye kwede i acakki keto lobo.”⁵ Gimiyo wigi wil woko akaka i lok man ni, polo yam ononjo obedo tye con, ki lobo bene ma giketo ki pii mua ki i pii, pi lok ma lubaŋa oloko.⁶ Pii bene aye ma yam otyeko lobo me kare maca ka pii aluka ocorre omwonyo woko.⁷ Pi lok pa Lubaŋa acel-lu bene, polo ki lobo me kare man doŋ gikano pi kuro mac; ma gitye ka gwokone nio ka nino me ŋolo kop ki tyeko dano ma pe gilworo Lubaŋa oromo.⁸ Ento pe wiwu owil, lurema, i lok acel-li, ni, ki bot Rwot nino acel rom ki mwaka alip acel, mwaka alip bene rom ki nino acel.⁹ Rwot pe galle agala ka cobo ciklene kit macalo jo mogo gitamo kwede, ento en pud tye ka diyo cwinye i komwu, pien en pe mito ni ŋat mo orweny woko matwal, ento mito ni jo ducu guo i niŋut.¹⁰ Ento nino pa Rwot bibino macalo lakwo, ka doŋ polo birweny woko ki mor madwoŋ, lakalatwe bileny woko i mac, lobo ki jami ducu ma tye iye biwan woko.¹¹ Kit macalo jami magi ducu bitum woko kit meno-ni, myero wubed jo ma cal niŋniŋ, kun wulubo kit kwo malen ki me woro lubaŋa? ¹²Myero wukur nino pa Lubaŋa, wuket cwinywu iye wek ninone oo oyotoyot. I nino meno polo bilyel, leny woko, ki lakalatwe bene bileny woko i mac.¹³ Ento macalo en yam ociko, watye ka kuro polo manyen ki lobo manyen, ka ma kit ma atir bedo iye.¹⁴ Pi meno, lurema, ka wutye ka kuro man, wuket tek wek Lubaŋa pe onon roc mo nyo bal mo i komwu, ento onon wutye ki kuc.¹⁵ Wutam ni, diyo cwiny pa Rwot aye larrewa ennu. Ominwa Paulo ma wamaro ocoyo botwu bene kit meno, pi ryeko ma gimiye.¹⁶ Kun loko lok pi lok man macalo en loko pire i waragane ducu. I waragane tye lok mogo ma nian iye tek, ma jo ma pe gupwonnye, ki jo ma pe gucun matek, gidwalo tere woko, macalo gutimo bene ki coc mukene ma yam gicoyo, ma omiyo gin kikomgi gurweny woko matwal.¹⁷ Pi meno, lurema, kit ma doŋ ononjo wuŋeyo man con, wugwokke pe wuwek jo ma pe giworo cik mo gubwolwu, dok pe guŋakwu woko i tamwu, miyo wupoto woko ki ka ma wucun iye matek.¹⁸ Wumedde ki doŋo i kica pa Rwotwa, ma en Lalarwa Yecu Kricito, kun wumedde ka ŋeye bene. Deyo obed bote kombeddi ki nakanaka. Amen.

1 Lakana

1¹ Wan wacoyo botwu lok i kom gin mubedo tye nia i acakki piny, ma wan kikomwa wawinyo, dok bene waneno ki wanja. Wanene ada, dok wamulo kome ki cinja, en lok me kwo.² Kwo meno yam onen woko ka malen, wan waneno. Wan doŋ kombeddi wabedo cadenne, kun watito botwu lok me kwo ma pe tum ma yam obedo bot Won, ka doŋ onen woko botwa.³ Gin ma wan waneno ki ma wawinyo en aye ma witito botwu bene, wek omi wuribbe kwedwa. Doŋ i ribbewa-ni waribbe kacel ki Won ki Wode Yecu Kricito.⁴ Wacoyo lok man wek yomcwinywa ocobbe maber.⁵ Man aye lok me kwena ma yam wawinyo ki bote, ma watye ka titone botwu, ni, Lubaŋa en lejo, dok i en pe tye ka mo macol kadi ki acel.⁶ Ka wawaco ni waribbe kwede kun pud wawoto ka macol, wan lugoba, timwa nonjo ada pe iye.⁷ Ento ka wawoto ka malen, macalo en bene tye ka malen, nonjo waribbe ŋat man ki lawote, dok remo pa Wode Yecu Kricito bene lwoko bal ducu woko ki i komwa.⁸ Ka ce wawaco ni wape ki bal, meno nonjo wabwolle abwola kenwa, lok ada nonjo pe i iwa.⁹ Ka watuco balwa, en genne dok kite atir, biweko balwa, dok bilwoko tim maraco ma tye i komwa ducu.¹⁰ Ka wawaco ni pe wabalo, ci wamiyo Lubaŋa doko lagoba, lokke bene nonjo pe i iwa.

¹Litinona, acoyo waraga man botwu wek pe wupot i bal; ento ka nat mo obalo, watye ki lakony ma cuŋ piwa bot Lubana Won, en Yecu Kricito ma kite atir. ²Dok en kikome bene obedo gitum pi kwanyo balwa, pe balwa keken ento kadi wa bal pa jo ma i wi lobo ducu. ³Gin ma miyo wanian maber ni waneye en aye ni, wan wagwoko cikke. ⁴Don dano ma waco ni eneye, ma pe omako cikke, nonjo lagoba, ada pe i iye. ⁵Ento nat ma mako lokke, adada nonjo mar pa dano-nu i kom Lubana tye muromo. Pi lok man watwero nian ada ni watye i en: ⁶nat ma waco ni ebodo i en myero olub kit kwo acel ma yam Yecu olubo. ⁷Lurema, an pe atye ka coyo botwu cik mo manyen, ento cik macon ma yam watye kwede wa con nia i acakki piny. Cik macon meno en aye lok ma don wutyeko winyone ma gitito botwu. ⁸Kadi bed kumeno, atye ka coyo botwu cik manyen; meno tye ada ki tun bot Kricito ki tun botwu bene, pien colpiny don tye ka ke woko, ki ceŋ me ada don tye ka ryeny. ⁹Dano ma waco ni etye i lenjo kun dag ominne, nonjo pud tye i colpiny aye. ¹⁰nat ma maro ominne bedo i lenjo, ma pe iye gin mo ma miyo dano poto i bal. ¹¹Ento nat ma dag ominnie tye i colpiny, dok bene nonjo tye ka wot ka macol, kun pe njeyo ka ma myero ecit iye, pien colpiny nonjo oumo wane woko. ¹²Acoyo waraga man botwu, wun litino ma pud wutino, pien balwu don giwoko woko pi nyije. ¹³Acoyo botwu bene wun wego, pien wunjeyo nat ma yam tye con nia i acakki piny. Acoyo botwu wun awobe, pien wuloyo Larac woko. ¹⁴Acoyo botwu wun litino, pien wunjeyo Won. Acoyo botwu wun wego, pien wunjeyo nat ma yam tye nia i acakki piny. Acoyo botwu wun awobe pien wutek, lok pa Lubana bedo i iwu, dok bene don wuloyo Larac woko. ¹⁵Pe wumar lobo, kadi gin ma tye i lobo. Ka dano mo maro lobo, nonjo mar pa Lubana pe i iye. ¹⁶Pien gin ducu ma tye i lobo, macalo miti me komwa ma ginywalowa kwede, ki miti marac pi gin ma waneno ki wanwa, ki dok wakke ki jami ma watye kwede i kwowa, magi ducu pe gua ki bot Won, ento gucakke i lobo kany. ¹⁷Lobo tum woko ki mitine ducu; ento nat ma tiyo gin ma Lubana mito ri nakanaka. ¹⁸Litinona, man aye don kare me agikki. Yam gitito botwu ni, lakwor pa Kricito bibino, ento kombeddi lukwor pa Kricito don gubino woko mapol ata; en meno gin mumiyo wanjeyo ni, man don kare me agikki. ¹⁹Gin gua woko ki botwa, pien onono yam gin pe gubedo dano ma mewa; kono yam gubedo dano ma mewa, kono gumedde ki bedo botwa. Ento gin gua woko ki botwa wek onen ka maleŋ ni gin ducu pe gubedo dano ma mewa. ²⁰Ento wun, nat Maleŋ don owirowu woko ki moo, wun ducu don watye ki nec. ²¹Pe acoyo botwu waraga man pien ni wukwiya lok me ada, ento pien wunjeyo, dok wunian bene ni, pe tye goba mo ma oa i lok ada. ²²Don ana ma lagoba? Nat ma lagoba en aye dano ma kwero woko ni Yecu pe Kricito ma Lubana oyero. Meno en aye lakwor pa Kricito, en nonjo okwero Won ki Wod. ²³Pe tye nat mo ma kwero Wod ma dok tye gin ki Won. Dano ma oye Wod, nonjo tye ki Won bene. ²⁴Wuwek gin ma wuwinyo nia con obed i iwu. Ka inen gin ma yam wuwinyo wa con bedo i iwu, wun bene wubibedo i Wod ki i Won. ²⁵Man gin ma en ociko me miyowa, en aye kwo ma pe tum. ²⁶Man acoyo botwu pi jo ma twero rwenyowu. ²⁷Ento wun, moo me Cwiny Maleŋ ma yam Kricito owirowu kwede bedo don i iwu, miyo pe mitte ni nat mo opwonywu; pien moo ma yam giwirowu kwede pwonyowu i lok ducu. En gin me ada, pe goba; macalo yam en owonyowu, wubed i en. ²⁸Kombeddi don ba, litinona, wubed i iye, wek ka en dok binen, wabed ki tekwin, ma pe lewic makowa i nyime ka odwogo. ²⁹Ka ce wunjeyo ni en kite atir, ci myero wunian ada ni, nat acel acel ma tiyo gin ma tye atir nonjo Lubana munywalo.

3

¹Koŋ wunen kit mar madit ma Won omiyowa, ni gilwoŋwa ni wan litino pa Lubaŋa; me atir, watye kumeno. Gin mumiyo lobo pe ŋeyowa, pien onono yam pe oŋeye. ²Lurema, kombeddi doŋ wan litino pa Lubaŋa; kit ma wabibedo kwede peya onen, ento waŋeyo ni ka en binen, wan bene wabinen calo en, pien wabinene kit ma en tye kwede. ³Doŋ ŋat acel acel ma tye ki gen man ma omoko i kom Kricito, lonnye kene bedo malen, macalo Kricito bene len. ⁴Dano acel acel ma timo bal noŋo turo cik, bal aye turo cik. ⁵Wuŋeyo ni Kricito yam onen wek ekwany bal woko; i en kikome bal mo pe iye. ⁶Ŋat mo ma bedo i en pe timo bal; ŋat mo ma timo bal noŋo pe onene, dok bene noŋo pe oŋeye. ⁷Litinona, pe wuwek ŋat mo obwolwu. ŋat ma timo gin ma tye atir, noŋo kite atir, macalo Kricito bene kite atir. ⁸ŋat ma timo bal, meno noŋo dano pa Catan; pien Catan obedo ka timo bal nia i acakki piny. Gin mumiyo Wod pa Lubaŋa yam onen, en aye pi turo tic pa Catan woko. ⁹Pe tye ŋat mo ma Lubaŋa onywalo ma timo bal, pien kodi pa Lubaŋa bedo i iye; en pe twero balo, pien noŋo Lubaŋa munywale. ¹⁰Man aye gin ma bimiyo gineno jo ma gin litino pa Lubaŋa ki jo ma gin litino pa Catan: ŋat ma pe timo gin ma tye atir pe latin pa Lubaŋa, kadi wa ŋat ma pe maro ominne bene. ¹¹Jon 13.34 Pien man aye lok ma wuwinyo nia i acakki, ni myero wamarre kekenwa. ¹²Pe wabed calo Kain ma yam obedo latin pa Larac, ci oneko ominne woko. Gin aŋo mumiyo oneke? Pien gin ma en otiyo ducu obedo rac, ento gin ma ominne timo onono tye atir. ¹³Utmegina, pe wubed ki ur ka lobo kwerowu. ¹⁴Waŋeyo ni wakato ki i to, wao doŋ i kwo, pien wamaro utmegiwa. Dano ma pe ki mar, noŋo pud odoŋ i to. ¹⁵ŋat ma dag ominne meno lanek, dok bene wuŋeyo ni, pe tye lanek mo ma kwo ma pe tum bedo i iye. ¹⁶Man doŋ miyo wanian i kom mar, pien Kricito omiyo kwone piwa. Wan bene myero wami kwowa pi utmegiwa. ¹⁷Ka ŋat mo tye ki jami me lobo man madwoŋ, ce oneno ominne ma piny oloyo, ento okwero miye kony, ci mar pa Lubaŋa bedo i iye niŋniŋ? ¹⁸Litinona, pe wabedu ki mar i lok ma waloko ki dogwa keken, ento wamar dano ki mar me ada ma nen i tic. ¹⁹Man bimiyo waŋeyo ni wan jo ma tye ki ada; ci bimiyo cwinywa kwe i nyime; ²⁰ka ce cwinywa ŋolo kop loyowa, ci waŋeyo ni Lubaŋa dit kato cwinywa woko, dok ŋeyo lok ducu. Tekcwiny i nyim Lubaŋa ²¹Lurema, ka cwinywa pe ŋolo ni kop oloyowa wabedo ki tekcwiny i nyim Lubaŋa; ²²dok bene wanono gin mo keken ma walege pire, pien wagwoko cikke dok watiyo gin ma yomo cwinye. ²³Doŋ cikke en ene ni, myero waye nyiŋ Wode Yecu Kricito, dok wamarre kekenwa, macalo en yam ocikowa. ²⁴ŋat ma gwoko cik pa Lubaŋa bedo i Lubaŋa, Lubaŋa bene bedo i iye. Gin ma miyo waŋeyo ni en bedo i iwa, pi Cwiny Malen ma en omiyo botwa.

¹Lurema, pe wuye kit cwiny ducu, ento koŋ wutemgi, wunen ka gin cwiny mua ki bot Lubaja, pien lunebi mapol ma lugoba doŋ guket gucito woko i lobo. ²Wubinɛyo Cwiny pa Lubaja kit man: cwiny ducu ma tuco ni Yecu Kricito yam obino kun tye ki kom dano, meno Cwiny pa Lubaja; ³ento cwiny ma pe tuco Yecu kit meno, pe oa ki bot Lubaja. Meno cwiny pa lakwor pa Kricito ma yam wuwinyo pire, ni tye ka bino, kombeddi doŋ tye i lobo. ⁴Litinona, wun litino pa Lubaja, doŋ wutyeko loyogi woko; pien ɲat ma tye i iwu-ni dit kato ɲat ma tye i lobo. ⁵Jo meno gin dano me lobo, en mumiyo gin ma giloko obedo me lobo, lobo bene winyogi. ⁶Wan jo pa Lubaja; ɲat ma ɲeyo Lubaja winyo lokwa, ento ɲat ma pe en dano pa Lubaja pe winyo lokwa. Meno aye gin ma miyo wanɛyo poko cwiny me ada ki cwiny me goba. Lubaja aye mar. ⁷Lurema, myero wamarre kekenwa, pien mar a ki bot Lubaja, ɲat ma maro noŋo en latin pa Lubaja, dok ɲeyo Lubaja. ⁸ɲat ma pe ki mar, noŋo en pe ɲeyo Lubaja, pien Lubaja aye mar. ⁹Gin ma yam onyuto marre botwa en ene, Lubaja ocwalo Wode acel keken i lobo wek omi wabed kwo pire. ¹⁰Man en aye mar, pe ni wan wamaro Lubaja, ento en aye omarowa, ci ocwalo Wode me bedo gin me kwanyo bal woko ki i komwa. ¹¹Lurema, ka Lubaja doŋ omarowa kit man, wan bene myero wamarre kekenwa. ¹²Pe tye dano mo ma yam oneno Lubaja; ka wamarre kekenwa, ci Lubaja bedo i iwa, marre bene bedo muteggi i iwa. ¹³Gin ma miyo wanɛyo ni wabedo i iye, ki en i iwa, pien omiyowa Cwiny mere. ¹⁴Wan doŋ bene waneno, dok wamiyo caden ni, Lubaja Won ocwalo Wode me bedo Lalar me lobo. ¹⁵Dano ma tuco ni Yecu en Wod pa Lubaja, Lubaja bedo i iye, ki en bene bedo i i Lubaja. ¹⁶Man omiyo wanɛyo mar ma Lubaja tye kwede i komwa, dok waye ni marowa. Lubaja aye mar, ɲat ma bedo i mar bedo i Lubaja, Lubaja bene bedo i iye. ¹⁷Ka marwa doŋ oteggi, wabibedo ki tekcwiny i nino me ɲolo kop, pien kit macalo Yecu obedo kwede, meno bene en aye kit macalo wan watye kwede i lobo man. ¹⁸Lworɔ mo pe i mar, ento mar ka doŋ oteggi ryemo lworo woko; pien lworo bino pi kuro keto can, doŋ dano ma lwor, noŋo marre pud peya oteggi. ¹⁹Gin mumiyo wabedo ki mar, pien en okwoŋo marowa. ²⁰Ka ce dano mo waco ni emaro Lubaja, kun dag ominne, noŋo en lagoba; pien ɲat ma pe maro ominne ma en oneno kome, pe twero maro Lubaja ma pe oneno kome. ²¹Cik man wanɔŋo ki bote ni, dano ma maro Lubaja myero omar ominne bene.

5

¹Dano acel acel ma ye ni Yecu en Kricito ma Lubanja oyero, dano-nu latin pa Lubanja, dok dano mo ma maro nat ma onywalo latin, maro latinne bene. ²Ka wamaro Lubanja, ma walubo cikke bene, meno miyo waneyo ni wamaro litino pa Lubanja. ³Pien maro Lubanja en aye gwoko cikke. Dok cikke pe nurowa. ⁴pien dano acel acel ma Lubanja onywalo loyo lobo. Gin ma waloyo kwede lobo en aye niyewa. ⁵Ana mono ma loyo lobo? Pe nat ma ye ni, Yecu aye Wod pa Lubanja? Caden i kom Yecu. ⁶Yecu Kricito aye nat ma yam obino ki pii ki remo. Pe obino ki pii keken, ento ki pii kacel ki remo bene. ⁷Cwiny Malen tye macalo cadenne, pien Cwiny aye ada. ⁸Don tye caden adek: Cwiny Malen, pii ki remo; gin adek-ki ducu lok me cadengi orwatte. ⁹Wan waye lok me caden ma dano gimiyo, ento caden pa Lubanja dit kato meg woko Man aye lok me caden pa Lubanja, ma en omiyo i kom Wode. ¹⁰Don nat ma ye Wod pa Lubanja tye ki caden i iye kene. nat ma pe ye Lubanja, nonjo omiyo Lubanja odoko lagoba, pien nonjo en pe oye lok me caden ma Lubanja omiyo i kom Wode. ¹¹Caden meno en ene ni, Lubanja don omiyowa kwo ma pe tum, dok kwo meno tye i Wode. ¹²nat ma tye ki Wod tye ki kwo, nat ma pe ki Wod pa Lubanja, pe tye ki kwo. Kwo ma pe tum. ¹³Acoyo lok man botwu, wun jo muye nyin Wod pa Lubanja, wek wunje ni wutye don ki kwo ma pe tum. ¹⁴Gin ma miyo wabedo ki gen i kome en ene ni, ka walegge gin mo kun walubo gin ma en mito, ci en winyo legawa. ¹⁵Don ka waneyo ni en winyo legawa, waneyo ni don watyeko nonjo gin ma walego bote. ¹⁶Ka ce dano neno ominne tye ka timo bal mo ma pe tero dano i to, en bilego Lubanja, ci Lubanja bimiye kwo pi jo-nu ma balgi pe tero dano i to-ni. Tye bal ma tero dano i to; pe awaco ni myero waleg Lubanja pi kodi bal macalo meno. ¹⁷Gin marac ducu ma dano timo, meno don bal, ento tye bal mogo ma pe tero dano i to. ¹⁸Waneyo ni dano ma Lubanja onywalo pe dok bedo ka timo bal, ento Wod pa Lubanja gwoke maber, miyo Larac pe gude. ¹⁹Waneyo ni wan litino pa Lubanja, dok waneyo ni lobo ducu tye i te loc pa Larac. ²⁰Dok waneyo ni Wod pa Lubanja don obino, ci omiyowa nian me neyo nat ma en aye ada. Dok wan wabedo i i nat ma tye ada, pien wabedo i i Wode, en aye Yecu Kricito. Man aye Lubanja me ada, dok man en kwo ma pe tum. ²¹Litinona, wugwokke, pe wuwor jogi.

2 Lakana

1 ¹Waraga man oa ki bot ladit. Bot dako ma giyero ki litinone ma amaro i ada, pe an keken ento kadi wa jo ducu ma ginjeyo lok me ada, ²pi lok ada ma bedo i cwinywa, dok bene bibedo kwedwa nakanaka: ³Gum ki kica ki kuc ma a ki bot Lubanja Won, ki bot Yecu Kricito ma Wode bibedo kwedwa i ada ki mar. ⁴Cwinya yom twatwal me nonjo ni litinoni mogo gilubo lok me ada i kit ma yam Lubanja Won ocikowa kwede. ⁵Kombeddi don alegi in dako, pe macalo dok atye ka coyo boti cik manyen ento pi en ma yam watye kwede con ca nia wa i acakki, ni wan myero wamarre kekenwa. ⁶Man aye mar, ni myero walub cik pa Lubanja; man aye cikke, macalo iwinyo nia i acakki, ni myero wabed ki mar. ⁷Pien lubwol dano mapol gitye guket woko i lobo, jo ma pe tuco ni Yecu Kricito obino kun tye ki kom dano; kodi dano-nu labwol dano, dok bene lakwor pa Kricito. ⁸Wunenne kenwu wek gin ma don wutyeko tic pire pe orweny woko ki botwu, wek wunon mucarawu ducu. ⁹Nat mo ma pe moko i pwony pa Kricito, ento kato mere akata anyim, dano macalo meno pe tye ki Lubanja; nat ma moko i kom pwony pa Kricito tye ki gin ayo ducu, Won ki Wod. ¹⁰Ka nat mo obino botwu ma pe okelo pwony man, pe wujole i ot, pe wumote bene; ¹¹pien nat ma omote nonjo oribbe kwede i ticce marac. ¹²Kadi bed atye ki lok mapol ma myero aco pire botwu, atamo ni myero pe ati ki karatac ki vino, ento atye ki gen me bino ka nenowu, ci don abilok kwedwu wan ki wan wek yomcwinywa ocobbe maber. ¹³Litino pa lameru ma giyero gumoti.

3 Lakana

1 ¹Waraga man oa ki bot ladit. Bot larema Gayo ma amaro i ada. ²Larema ma amaro, alego Lubanja omi ibed maber i gin ducu, dok omi komi obed mayot. Anjeyo ni itye maber i cwinyi. ³Abedo ki yomcwiny mada i kare ma utnengo mogo gubino kany, ma gumiyo caden ma mako kit me ada, kit macalo in giri ilubo lok ada. ⁴Pe tye gin mo ma dok miya abedo ki yomcwiny madit makato me winyo ni litinona gitye ka lubo lok ada. ⁵Larema ma amaro, in lagen mada i ticci ma itiyo pi utmegiwa, makatone bot welo ma pe ineyogi, ⁶ma gumiyo caden i kom marri i nyim lwak dano ma guye Kricito. Tim ber ikonygi i kit ma myero, i wotgi i tic pa Lubanja. ⁷Pien gucako wotgi pi nyin Kricito, pe gugamo gin mo ki bot jo ma pe guye Lubanja. ⁸Pi meno, myero wakonyu kodi jo macalo meno, wek omi wan bene wadok lutic wadigi i tito lok me ada. ⁹Don atyeko coyo lok mogo bot lwak dano muye Kricito, ento Diotrepe, ma mito kette kene me bedo latel wigi, pe oye twerona. ¹⁰Mumiyo ka abino, ci abipoyo wigi i gin ma en obedo ka tiyone, kun koko lok mogo maraco i koma. Pe meno keken en kwero bene jolo utmegiwa, kun bene genjo jo ma mito jologi woko, dok ryemogi woko ki i kin lwak dano muye Kricito. ¹¹Larema ma amaro, pe

ilub gin marac, lub gin maber. nat ma timo gin maber en dano pa Lubanja; ento nat ma timo gin marac pud peya oneno Lubanja. ¹²Jo ducu gumiyo caden maber i kom Demetrio, kadi lok ada obedo caden pire; an bene amiyo mera kumeno, in bene ineyo ni caden ma amiyo obedo ada. ¹³Atye ki lok mapol ma myero aco boti, ento pe amito ni aco ki kalam ki vino. ¹⁴Atye ki gen me neni oyot, ka wek donj wabilok wanj ki wanj. ¹⁵Kuc obed boti. Luremwa gumoti. Mot luremwa, mot nat acel acel ki nyinje

Juda

1

¹Waraga man oa ki bot Juda ma latic pa Yecu Kricito, ma omin Yakobo. Bot jo ma Lubanja olwonogi ma gibedo i mar pa Lubanja Won, ma Yecu Kricito tye ka gwokogi. ²Kica, kuc ki mar myero omedde botwu. Lupwony ma lugoba³Lurema, onono atemo ki tekka ducu me coyo botwu waraga pi lok i kom larre ma wan ducu waribbe iye, ci aneno ni myero aco acuk kwede cwinywu wek wulweny matek pi niye ma yam donj gimiyu bot jo pa Lubanja kicel ma donj otyeko lok ducu. ⁴Pien jo mogo ma pe gilworo Lubanja gilippe aliba me donyo i kinwa, gin jo ma kop ma yam ginolo i komgi donj ginyuto woko con i coc ma yam gicoyo. Gin guloko kica ma Lubanja omiyowa odoko tim me coco, gukwero Laditwa acel keken-ni ma en aye Rwotwa Yecu Kricito. ⁵Nia Wun jo ma yam donj gimiyu wuneyo lok man con, konj amito dok apo wiwu ni, Rwot ma yam olaro jo Icrael ki i lobo Ejipt, lacenne en dok otyeko jo ma pe guye en woko. ⁶Lumalaika ma yam pe gigwoko ka locgi ma gimiyu botgi, ento guweko kabedogi woko, en ogwokogi ka macol ki nyor ma ri nakanaka, nio wa i kare me njolo kop i nino madit; ⁷macalo yam jo Codom ki Gomora ki ganj madojo ma i njeti, gudonyo i tim me coco ki par maraco ma pe obedo me anywalli, macalo gin, ci ginolo botgi can me mac ma pe to, gin mubedo macalo lanen bot jo ducu. ⁸Nen kadi kit meno, jo-nu bene i kit acel-lu, i lek ma gin leko, gubalo komgi woko, gukwero ker pa Lubanja woko, dok guyeto wegi deyo-gu bene ayeta. ⁹Ento i kare ma Mikael, lamalaika madit, yam olwenyo ki Catan kun pyem kwede pi kom Moses, en yam pe onjwette pi njolo kop mo me yet, ento oloko ni, "Rwot myero ojuki." ¹⁰Ento jo magi giyeto gin ma pe ginianj iye, ento gin ma gineyo pi lubo kit ma giketogi kwede, macalo lee ma pe ryek, tye ka tyekogi woko. ¹¹Gibineno can ma rom man! Pien gilubo kit pa Kain, giketo tek mada i tam mogo ma pe atir pi mito lim kit macalo yam Balaam otimo, dok bene gito woko pi pyem kit macalo yam Kora ojemo kwede, ¹²Gikelo lewic i karamawu me mar ka gicamo matek mukato kare labono lworo, kun giparo pi komgi keken. Gubedo calo pol ma pii pe iye ma yamo kolo; girom ki yadi ma nyiggi pe nen i kare me cekgi, ma giputo lwitgi woko, yam guto kiryo. ¹³Gical bene ki nam ma twagge mager ki bwoyo me lewicgi; gin lakalatwe ma wirre atata ma Lubanja otyeko yubo kakagi woko i kabedo macol licuc pi kare ma pe gik. ¹⁴Magi gin aye gin ma yam Enoka, ma obedo dano me abiro nia i kom Adam, yam otito pire macalo lanebi ni, "Wunen, Rwot bibino ki lwak jone malen mapol ata, ¹⁵ka njolo kop i kom jo ducu, ki ka miyo kop wek olo jo ducu ma pe gilworo Lubanja pi timgi ma pe gilworo kwede Lubanja, ki pi lok ducu me gero ma lubalo ma pe gilworo Lubanja guloko i kome." ¹⁶Meno gin jo ma bedo kar njur anjura, ma gipyem apyema, kun gilubo mitgi keken, doggi oponj ki loko lok me wakke keken, gidworo dano wek ginonj gin ma cwinygi mito. ¹⁷Ento wun lurema ma amaro, myero wupo i lok ma yam lukwena pa Rwotwa Yecu Kricito gutito pire con. ¹⁸Gin yam gutito botwu ni, "I kare me agikki lunjala bibedo tye, ma gibilubo mitgi keken, ma pe gilworo Lubanja." ¹⁹Jo ma kit meno gin aye lukel apokapoka, gin jo me lobo man, Cwiny pa Lubanja pe botgi. ²⁰Ento wun luwota, wudonj matek i niyewu malenj twatwal-li, kun wulego Lubanja i Cwiny Malen. ²¹Wugwokke kenwu i mar pa Lubanja, wukur kica pa Rwotwa Yecu Kricito nio wa i kwo ma pe tum. ²²Wubed ki kica i kom jo mogo ma gitye ka cabbe acaba, ²³wular jo mogo ma kit meno kun wuceyogi woko ki i mac. Wubed ki kica i kom jo mogo kun wulworo bene, dok wukwer bene ruk ma bal me kom tye iye. ²⁴Deyo obed bot nat ma twero gwokowu miyo pe wupoto, dok ma twero miyo wucun labono roc mo i nyim deyone ki yomcwiny. ²⁵Deyo, dit, loc ki twer ducu obed bot Lubanja acel keken, ma Lalarwa, pi Yecu Kricito Rwotwa, cakke ma peya giketo lobo, nio koni, ki kare ma pe gik. Amen.

Niyabo

¹Man aye gin ma Lubanja onyuto bot Yecu Kricito, wek omi en bene onianj luticce i kom gin ma myero otimme oyotoyot i kare me anyim. En yam ocwalo lamalaika bot laticce Jon wek otitte onje. ²Ka donj lacen i njeye Jon olokke odoko caden me lok ma Lubanja owaco, dok caden i kom lok me caden ma yam Yecu Kricito omiyo, kun bene otito pi gin ducu ma en oneno. ³Nat ma kwano lok ma gitito i buk man i nyim lwak tye ki gum, jo ma winyo bene tye ki gum, ki jo ma lubo gin ma gicoyo iye bene tye ki gum, pien kare donj cok. ⁴Lok man Jon mucwalo bot lwak muye Kricito ma gitye i kabedo abiro mapatpat i Acia: Kica ki kuc obed botwu, ma oa ki bot Lubanja ma tye, ma yam obedo tye wa con, dok ma bibino, kun a ki bot cwiny abiro ma gitye i nyim komkerre, ⁵ki ma a bene ki

bot Yecu Kricito, lacaden ma genne, latin kayo i kin jo muto, kabaka madit ma loyo luker ducu ma i wi lobo-ni. Deyo obed bot nat ma marowa, ma nene ogonyowa woko ki i twec me balwa ki remone, ⁶ka donj olokowa wadoko lwak ma en loyo, kun wadoko ajwagi pa Lubanane ma Wonne bene. Deyo ki twero me loc obed bote nakanaka. Amen.⁷Nen, en tye ka bino ki pol, dano ducu gihinene ki wangi, kadi jo ma yam gucobe; kaka ducu me wi lobo bikumo pire. Kit meno ada. Amen. ⁸“An Alupa ki Omega”, man Rwot Lubana ma owaco, en Lubana ma tye, dok ma yam onono tye con, doki ma bibino, en Won Twer Ducu.⁹An Jon, ominwu ma oribbe kwedwu i can ki i ker ki i diyo cwiny me ciro can ma wabedo kwede i Yecu. Onono atye i cula ma gilwono ni Patimo, pien onono atito lok ma Lubana oloko, ki lok me caden ma Yecu omiyo. ¹⁰Cwiny Malen yam oyuto tamma woko i nino pa Rwot, ka donj cut awinyo dwan malono yo tunj i neya ma winnye calo koko tum ma gikuto. ¹¹kun wacca ni, “Co gin ma itye ka nenone i buk-ki, ka donj icwal bot lwak jo muye Kricito ma gitye i kabedo abiro mapatpat, i Epeco, i Cumurna, i Pergamo, Tuatira, Cardic, i Piladelpia ki i Laodikia.”¹²Ci alokke me neno dwan ma onono tye ka lok kweda-ni. I kare ma donj alokke, ci aneno okar-mac me jabu abiro; ¹³i dye okar-mac abiro-nu aneno iye nat mo ma cal ki wod pa dano. Dano-nu orukke woko ki jor mabor, ki del me jabu ma otweyo i kore.¹⁴Yer wiye onono tar calo yer romo matar, tar calo pee; ki waje bene onono obedo calo leb mac ma lyel, ¹⁵tyene aryo ducu onono calo mola ma giliyo i keno, ka lacer donj girudo woko odoko malen, kun dwane mor winnye calo mor pa pii ma corre. ¹⁶Onono omako lakalatwe abiro i cinje tunj lacuc, ki pala lucwan mabit ryoryo okatti ki i doge, kun onono nyime tye ka ryeny calo cerj ma ryeny matek.¹⁷Ka donj anene, ci apoto woko piny ka tyene calo nat muto. Ento en oketo cinje lacuc i koma kun wacca ni, “Pe ilwor, an aye nat mukwono ki me agikkine, ¹⁸an nat ma kwo-ni. Yam onono ato woko, ento konj inen, kombeddi atye kwo, abibedo kwo matwal. Dok bene layab me To ki me Lyel tye bota.¹⁹Kombeddi donj ico gin ma itye ka nenone-ni, gin ma tye ki gin ma bitimme lacer i anyim. ²⁰Konj agonnyi tyen lok me munj me lakalatwe abiro ma ineno i cinja tunj lacuc, ki okar-mac abiro me jabu. Lakalatwe abiro gin aye lumalaika pa lwak muye Kricito ma gitye i kabedo abiro mapatpat, donj okar-mac abiro-ni gin aye lwak muye Kricito ma gitye i kabedo abiro mapatpat.

¹“Bot lamalaika pa lwak muye an ma gitye i Epeco co kit man ni, ‘Man lok pa nat ma omako lakalatwe abiro i cine tun lacuc, ma tye ka wirre i dye okar-mac abiro. ²“Aneyo ticci ducu, kit ma icanne kwede ki kit ma idiyo kwede cwinyi. Aneyo bene kit macalo pe itwero ciro kwede tim pa jo maraco, ento itemo jo ma gilwonje kengi ni gin lukwena, kun gin gigi pe lukwena, mumiyo bene don inono ni gin lukwena ma lugoba. ³Aneyo itye ka diyo cwinyi, kun iciro can pi nyina, dok bene pud pe iol giri. ⁴Ento atye ki lok man i komi, pien don iweko mar ma onono yam itye kwede mukwono ca-ni woko. ⁵Kon ipo kit macalo onono ipoto kwede i kabedo mamalo ma yam io iye-ni, ka don injut, ci icak tiyo gin ma onono ibedo ka tiyone i kare mukwono ca. Ka pe injut, abibino boti ci akwano okar-macci woko ki i kabedone. ⁶Gin maber ma onen boti en aye ni, idag tic pa jo Nikolaiti ma an bene adagi-ni. ⁷Nat ma ite tye myero owiny lok ma Cwiny Malen oloko bot lwak ducu ma guye an. Abimiyo nat ma oloyo camo yat me kwo ma tye i poto pa Lubana. ⁸“Bot lamalaika pa lwak muye an ma gitye i Cumurna co kit man ni, “Man lok pa nat mubedo mukwono ki me agikkine, nat ma yam oto ka dok ocer woko odoko kwo-ni. ⁹“Aneyo kit ayelayela ducu ma itye ka cirone, ki can lim bene ma itye kwede (ento in ilony). Aneyo bene yet pa jo ma giwaco ni gin Lujudaya, kun i adane gin pe Lujudaya, ento gin gubedo lwak me dul pa Catan. ¹⁰Pe ilwor can ma bipoto i komi. Nen, Catan bikwano jo mogo ki i kinwu bologi woko i mabuc wek etemwu. Gibibedo ka yelowu pi nino apar. Bed dano ma lagen nio wa i to, ci don abimiyo tok me deyo me kwo. ¹¹Nat ma ite tye myero owiny lok ma Cwiny Malen oloko bot lwak ducu ma guye an. Nat ma oloyo, to me aryo don pe biketo arem i kome. ¹²“Bot lamalaika pa lwak muye an ma gitye i Pergamo co kit man ni, “Man lok pa nat ma tye ki pala lucwan mabit ryoryo. ¹³“Aneyo ka ma ibedo iye, ka ma kom pa Catan tye iye. In giri imako nyina woko matek likin, pe ikwero niyeni i koma, kadi ki i kare pa Antipac ma obedo cadenna me ada, dano ma lagen ma yam gineko i kinwu, ka ma Catan bedo iye. ¹⁴Ento atye ki lok mogo manoknok i komi, pien itye ki jo mogo kunnu ma gumako pwony pa Balaam, ma yam opwonyo Balak me keto ariya i nyim jo Icrael wek gupot i bal, kun obitogi ni gucam rino ma gityero bot jogi, ki me timo tim tarwan. ¹⁵Kit meno, in bene itye ki jo mogo ma gumako pwony pa jo Nikolaiti. ¹⁶Ka ce pe injut, ci abibino boti oyotoyot, ka don alwenyo kwedgi ki pala lucwan me dogo. ¹⁷Nat ma ite tye myero owiny lok ma Cwiny Malen oloko bot lwak ducu ma guye an. nat ma oloyo abimiye manna moyo ma onono gikano woko, abimiyo got matar bene bote, ki nyin manyen ma gicoyo i kom got meno ma nat mo pe neyo, kono en nat ma gamo ni keken aye neyo. ¹⁸“Bot lamalaika pa lwak muye an ma gitye i Tuatira co kit man ni, “Man lok pa Wod pa Lubana ma waje calo leb mac ma lyel, ki tyene ducu calo mola ma girudo malen adada. ¹⁹“Aneyo ticci ducu, mar ma itye kwede, niyeni ki ticci me konyo dano, ki kit ma idiyo kwede cwinyi. Aneyo ni ticci ma kombeddi itye ka tiyone kato me kare mukwono ca. ²⁰Ento atye ki lok man i komi, pud iweko dako ca, Jejebel, ma lwonje kene ni en lanebi-ni, kun tye ka pwonyo luticca miyo ginak woko i yo me tim tarwan, ki camo rino mogo ma nono don gityero woko bot jogi. ²¹Onono amiyo bote kare me njut, ento en okwero njut i tim tarwane-ni. ²²Nen, abibolo dako-nu i wi kitanda ma nono two marac, pacogge bene abibologi woko i can madit atika, ka pe gunut, gukwero lubo tim tarwan pa dako-nu. ²³Abineko litinone woko bene, wek lwak ma guye an i kabedo ducu guje ni an aniyi cwiny dano wa ki tamgi, dok abimiyo bot dano acel acel i kinwu gin ma lubo kit tic ma en otiyo. ²⁴“Ento bot wun jo mukene ma wutye i Tuatira, ma pe wulubo kit pwony man, dok bene pe wupwonyo gin mo ma gilwono ni ‘mun matut pa Catan’, don atito botwu ni, pe doki abimiedo yec mo mukene botwu. ²⁵Ento wumak gin ma wutye kwede-ni aye matek likin, wan ma an adwogo. ²⁶Nat ma loyo, dok ma obedo ka tiyo ticca nio i agikki, abimiye twero me loyo lurok. ²⁷En biloyogi ki odoo nyonyo, calo nat ma goyo agulu njidogi woko matitino, kit macalo an bene alimo twero ki bot Wora; ²⁸an abimiye latwok bene. ²⁹Nat ma ite tye myero owiny lok ma Cwiny Malen oloko bot lwak ducu ma guye an.’

¹“Bot lamalaika pa lwak muye an ma gitye i Cardic co kit man ni, “ ‘Man lok pa nat ma tye ki cwiny pa Lubana abiro, ki lakalatwe abiro. “‘Aneyo ticci ducu; itye ki nyin me bedo kwo, ento don ito woko. ²Co woko ci ijin gin ma pud don boti-ni obed tek, ma don cok to-ni; pien anono pe icobo ticci mo kakare i nyim Lubanana. ³Don ipo i kom gin ma ilimo ki ma iwinyo; gwok gin meno ento injuti. Ka ce pe ico, ci abibino boti macalo lakwo, ma in pe ineyo cawa ma abibino kwede i komi. ⁴Kadi bed kumeno, pud itye ki jo mogo manoknok i Cardic ma peya gunywano bonnigi ki cilo. Gibiwoto kacel kweda ma nono guruko bonni matar, pien gin aye gimvero. ⁵nat ma oloyo gibiruko kit meno ki bonni mater, dok bene pe abijwayo nyine woko ki i buk me kwo. Abituco nyine i nyim Wora, ki i nyim lumalaikane. ⁶nat ma ite tye myero owiny lok ma Cwiny Malen oloko bot lwak ducu ma guye an.”⁷“Bot lamalaika pa lwak muye an ma gitye i Piladelpia co kit man ni, ⁸“‘Man lok pa nat malen ki me ada, ma en aye tye ki layab pa Daudi, en nat ma ka oyabo ci nat mo pe dok loro, ka oloro, ci nat mo bene pe dok yabo. ‘Aneyo ticci ducu. Nen, don atyeko cibo doggola ma oyabbe woko i nyimi, ma nat mo pe twero lorone. Aneyo ni tekoni nok, ento kadi bed kumeno, don imako lokka, dok bene pe ikwero nyina. ⁹Nen, abimiyo lwak me dul pa Catan, jo ma yam gubedo ka cayi ma giwaco ni gin Lujudaya, kun i adane gin pe Lujudaya, ento giloko lok goba, nen, abimiyo gibino giriebbe piny i te tyeni, wek gunian ada ni an amari. ¹⁰Pien imako lokka me diyo cwiny i ciro can, an bene abigwoki maber i kare me omo cwiny, ma tye ka bino i kom wi lobo ducu, me temo jo ma bedo i wi lobo-ni. ¹¹Abebino oyotoyot. Mak gin ma itye kwede-ni matek likin, wek nat mo pe oma lalukanani woko. ¹²nat ma oloyo, abimiyo doko wir i ot pa Lubanana, pe bia kato woko ki iye. Abicoyo nyin Lubanana, ki nyin gan pa Lubanana i kome, Jerucalem manyen ma bia ki i polo bot Lubanana bibino piny, dok bene ki nyina kikome manyenne. ¹³nat ma ite tye myero owiny lok ma Cwiny Malen oloko bot lwak ducu ma guye an.”¹⁴“Bot lamalaika pa lwak muye an ma gitye i Laodikia co kit man ni, “‘Man lok ma oa ki bot Amen, ma en aye caden ma genne ki me ada, gin ducu ma Lubana oketo yam ocakke ki i kome. ¹⁵“‘Aneyo ticci ducu. Pe injic, dok bene pe ilyet. Onono twero bedo ber ka nene ibedo njic nyo lyet! ¹⁶Don kit macalo onono ibedo mormor, pe ibedo njic dok bene pe ibedo lyet, abinjuli woko ki i dogo. ¹⁷Pien in don iwacci, “An alony, don atye ki gin ducu ma miyo abedo ki kwo maber, gin mo pe ma doki amito.” Ento kun pe ineyo ni in aye nat ma piny don oloyo atika, ma imiyo kica mako dano i komi twatwal, in lacan, wani oto woko, dok bene ibedo munero. ¹⁸Pi meno amiyo ryeko boti me wilo jabu malen ma giliyo woko maber ki mac ki bota, wek omi idok lalonyo. Wil bene bonni matar ki bota me arukani wek ium ki lewic me bedoni munero wek pe don onen, ki yat mo bene me wiro wani, wek inen piny. ¹⁹Agoyo jo ma an amarogi, apwonyogi dok atirogi; pi meno ket tek injut woko. ²⁰Nen, acun i doggola kun adwono. Ka ce nat mo owinyo dwana ci oyabo doggola, abidonyo bote ka acamo cam kacel kwede ki en bene camo kacel kweda. ²¹nat ma oloyo, abimiye twero me bedo kacel kweda i wi komkerra, kit macalo an bene don aloyo ci abedo kacel ki Wora i wi komkerre-ni. ²²nat ma ite tye myero owiny lok ma Cwiny Malen oloko bot lwak ducu ma guye an.’ ”

4 ¹Lacen ka man otum, dok aneno doggola mo i polo ma onono tye twolo. Don dwan mukwono ma onono awinyo obedo ka lok kweda calo koko tum-mi, owacci, “It ibin malo kany, ci abinyutti gin ma bitimme lacen i ne man.” ²Cutcut Cwiny Malen oyuto tamma woko, ci aneno komker ma gicibo i polo, ma dano mo onono obedo i wiye. ³nat ma onono obedo i wi komker ca onono ryeny calo got me wel matarre ki makwarre, ki danyu ma nen calo emeradi orumo komker woko dyere. ⁴Ka dok komker mukene pyeraryo wiye anwen orumo komkerre woko dyere, ki ludojo pyeraryo wiye anwen bene gubedo i wi komker magi, ma guruko bonji matar, kun gurwako bene lalukana me jabu me deyo i wigi. ⁵Onono tye gin mo ma wil awila calo lutkot ki i kom komker-ri, ki dwan mapol winnye iye, ki gin ma mwoc amwoca calo mwoc pa kot. I nyim komker onono tye iye dog mac raa abiro ma tye ka lyel, ma gin aye cwiny pa Lubana abiro. ⁶Ka dok aneno i nyim komker meno onono tye iye gin ma nen calo nam me kiyo malen calo gwen ma mil amila. Dok lee makwo anwen gurumo komker woko dyere i nete tunji ki tunji, wangi pol ma mogo tye tun i nyimki ki mogo tye yo tun i negi. ⁷Lee makwo mukwono onono nen calo labwor, ki me aryone onono nen calo twon, lee makwo me adekke waje nen calo war dano, ki lee makwo me anwenne onono nen calo ocur ma tye ka tuk. ⁸Don lee makwo anwen-ni onono lee acel acel bwome tye abicel, ma wangi nono pol ata, muromo komgi woko ducu ki yo tun woko wa ki yo tun i iye bene. Dyecen ki dyewor pe giweko wer ni, “Rwot Lubana Matwero-ducu len, leg dok len, en nat ma yam tye con, koni tye, dok bibino!” ⁹I kare ducu ka lee makwo-gu gimiyo deyo ki woro ki pwoc bot nat ma obedo i wi komker ca, ma bedo kwo nakanaka,, ¹⁰ci ludojo pyeraryo wiye anwen-ni giryebbe piny i nyim en nat ma obedo i wi komker ca, ci guworo en nat ma bedo kwo nakanaka-ni; dok gubolo lalukanagi i nyim komker kun giwero ni, ¹¹“Rwotwa ki Lubanawa, in imyero me nono deyo ki woro ki teko, pien in aye ma yam iketo jami ducu, dok bene pi mitti omiyo gubedo tye, meno aye gin mumiyo yam giketogi.”

5 ¹Onoŋo bene aneno buk adola tye i ciŋ ŋat ma obedo i wi komker-ri tun lacuc, ma gicoyo woko ducu ryoryo, tun iye wa ki tun ŋeye bene, dok gimwono ki ginanena abiro. ²Dok aneno lamalaika mo matek twatwal ma onoŋo tye ka tito lok ki dwan malonŋo ni, “Aŋa ma myero me yabo buk adola-ni, ki me yabo ka ma gimwono kwede woko?” ³Pe tye ŋat mo i wi polo, kadi i wi lobo, kadi piny i te lobo ma twero yabo buk adola-ni kadi wa neno iye bene. ⁴Ci akok matek pien pe ginonŋo ŋat mo ma myero me yabo buk adola nyo kadi me neno iye. ⁵Cutcut ŋat acel i kin ludoŋo owacca ni, “Pe ikoki. Nen, Labwor ma i kaka me Juda, Lwit yat pa Daudi, en aye doŋ oloyo, pi meno en twero yabo buk adola ki yabo ginanenane abiro ma gimwono kwede-ni woko.” ⁶Lacen dok aneno Latin romo ma ocuŋ i kin komker ki lee makwo aŋwen ki i kin ludoŋo, nen calo doŋ gineko woko. Onoŋo tun tye abiro, ki waŋe bene tye abiro, ma gin cwiny pa Lubaŋa abiro, ma en ocwalo i wi lobo ducu. ⁷Ci en ocito okwanyo buk adola woko ki i ciŋ ŋat ma onoŋo obedo i wi komker ma onoŋo omako tun lacuc-ci. ⁸I kare ma doŋ en okwanyo buk adola-ni woko, ci lee makwo aŋwen-ni ki ludoŋo pyeraryo wiye aŋwen-ni guryebbe piny i nyim Latin romo, kun ŋat acel acel i kingi omako naŋa, ki atabo jabu ma gupon ki odok eceta, ma en aye lega pa jo pa Lubaŋa. ⁹Ci gubedo ka wero wer manyen ma waco ni, “In imyero me kwanyo buk adolani, ki me yabo ginanena ma gimwono kwede, pien yam gineki woko, dok pi remoni ikoko dano pi Lubaŋa, ma gua i kaka mapol mapatpat, ki i leb ki rok mapatpat ducu, ¹⁰ilokogi gudoko lwak pa Lubaŋa ma en loyo, ma gin aye doŋ ajwagi ma gitiyo bote, gin bene gibiloyo lobo.” ¹¹Ka dok aneno, ci awinyo dwan lumalaika ma welgi pe kwanne, alip ki alip, ma gurumo komker woko, ki lee makwo ki ludoŋo, ¹²kun giloko ki dwan malonŋo ni, “Latin romo ma gineko-ni en aye ma myero me nonŋo twero, lonyo, ryeko ki teko, woro ki deyo kacel ki pwoc!” ¹³Ka dok awinyo ginaketa ducu ma tye i polo, ki i wi lobo, ki piny i te lobo, ki ma gitye i nam-gu ki gin ducu ma tye iye, ma giloko ni, “Pwoc ki woro ki deyo ki twero obed nakanaka bot ŋat ma obedo i wi komker, ki bot Latin romo!” ¹⁴Ci lee makwo aŋwen-ni gugamo ni, “Amen!” cutcut ludoŋo guryebbe piny guworo Lubaŋa ki Latin romo.

6¹Lacen aneno Latin romo oyabo kabedo acel ka ma onono gimwono ki i kin kabedo abiro-ni, ci awinyo lee acel ki i kin lee makwo anwen ca oloko ki dwan macalo mor kot ni, “Bin!”²Ka dok aneno aguragura matar, ki nat ma nweco kwede onono omako atum. Gimiye lalukana, ci en ocito woko kun loyo lweny, dok bene ni wek ebed ka loyo lweny.³Ka don oyabo ka ma gimwono me aryone, ci awinyo lee makwo me aryone ka loko ni, “Bin!”⁴Cutcut aguragura mukene makwar adada oa ki woko obino odonyo; nat ma nweco kwede gimiye twer me kwanyo kuc womo ki i wi lobo, wek dano gubed ka nekke kekengi, dok bene gimiye pala lucwan madit me lweny.⁵Ka oyabo ka ma gimwono me adekke, ci awinyo lee makwo me adek ka loko ni, “Bin!” Cutcut atugi neno aguragura macol; onono nat ma riyo kwede omako mijan i ciye.⁶Lacen dok awinyo dwan ma oa ki i kin lee makwo anwen-ni kun loko ni, “Nano agwata acel welle ciliy abic, cayiri agwata adek welle ciliy abic ento moo ki konjo vino pe ibalgi!”⁷I kare ma dok oyabo ka ma gimwono me anwenne, ci awinyo lee makwo me anwenne ka loko ni, “Bin!”⁸Ka dok aneno aguragura ma obedo kibworo, nat ma nweco kwede onono nyine To, kun Lyel onono lubo kore. Omiyogi twero i kom dul lobo acel me anwen me neko dano ki pala lucwan, ki kec, ki two gemo, ki lee tim mager.⁹I kare ma oyabo ka ma gimwono me abicce, aneno tipo pa jo ma ginekogi pi lok pa Lubanja ki pi bedo caden me lok meno; aneno tipogi tye i te keno tyer.¹⁰Gukok ki dwan malono ni, “Ai Rwot Madit, Rwot malen ki me ada, abitero kare ma rom mene ma nono peya inolo kop, dok ma nono peya iculo kwor me remowa i kom jo ma bedo i lobo?”¹¹Ci gimiyo jor matar bot nat acel acel, ka gicikogi ni pud konj don guywe pi kare mo manoknok, nio wan ma wel lutic wadigi ki utmego ma gibinekogi calo gin ocobbe kakare.¹²I kare ma en oyabo ka ma gimwono me abicelle, aneno, ci nen, oyenye oyeno lobo matek twatwal, omiyo cej ocido woko macol lucuc calo bono cola, ki dwe odoko kwar calo remo.¹³Lakalatwe me polo guo woko piny lirutrut calo nyig yat oduro me cwir ma poto ki i jaje ka yamo ma okodo matek oyeno.¹⁴Ci polo bene orwenyo woko liwen calo karatac ma gidolo, kadi ki got ki cula nam gikobogi woko ducu ki ka-kargi.¹⁵Ka don luker me lobo, ki jo ma pigi dito, ki ludito me mony ducu, lulonyo ki weg twero ki jo ducu ma i wi lobo, opii ki jo ma gilone kengi, gukanne woko i boro ki i kin got mubar ma i godi ducu,¹⁶kun giwaco bot godi madono ki godi matino ni, “Wupot i komwa ci wuumwa woko ki i wan nat ma obedo i wi komker, ki i akemo pa Latin romo; ¹⁷pian nino madit me akemogi don oo, ci anja ma bitwero cun iye?”

7 ¹Lacen aneno lumalaika anwen gucun i but lobo anwen ducu, ma gigenjo yamo me lobo woko, wek yamo mo pe okod i lobo, nyo i nam, kadi ki i kom yat mo. ²Dok aneno lamalaika mukene ma ito cito malo ki ka ma cenj tuc ki iye, onono tye ki lanyut pa Lubanja makwo. Ci okok ki dwan malono bot lumalaika anwen ma onono gimiyogi twero me balo lobo ki nam, ³kun wacci, “Pe wubal lobo nyo nam kadi ki yadi, nio wan ma donj waketo lanyut i tur nyim lutic pa Lubanjawa.”⁴Ka dok awinyo bene wel dano ma giketo lanyut i komgi, gubedo dano alip miya acel ki pyeranwen wiye anwen, ma gua ki i kaka pa jo Irael ducu. ⁵I kaka pa Juda giketo lanyut i kom dano alip apar wiye aryo. I kaka pa Reuben giketo lanyut i kom dano alip apar wiye aryo. I kaka pa Gad giketo lanyut i kom dano alip apar wiye aryo. ⁶I kaka pa Acer giketo lanyut i kom dano alip apar wiye aryo. I kaka pa Naputali giketo lanyut i kom dano alip apar wiye aryo. I kaka pa Manace giketo lanyut i kom dano alip apar wiye aryo. ⁷I kaka pa Cimeon giketo lanyut i kom dano alip apar wiye aryo. I kaka pa Levi giketo lanyut i kom dano alip apar wiye aryo. I kaka pa Icarak giketo lanyut i kom dano alip apar wiye aryo. ⁸I kaka pa Jabulon giketo lanyut i kom dano alip apar wiye aryo. I kaka pa Yucepu giketo lanyut i kom dano alip apar wiye aryo. I kaka pa Benjamin giketo lanyut i kom dano alip apar wiye aryo.⁹Lacen aneno lwak dano mapol ata, ma nat mo pe romo kwano welgi, ma gua ki i rok ducu, ki i kaka ducu, ki dano ducu me wi lobo, ki leb ducu, ci gucun i nyim komker ki i nyim Latin romo, ma gurukke ki jor matar, kun gumako janj otit i cingi. ¹⁰Ci gidanje ki dwan malono ni, “Laro dano tye bot Lubanjawa ma obedo i wi komker, ki bot Latin romo!”¹¹Lumalaika ducu onono gucuno gurumo komker woko dyere, gurumo bene ludono ki lee makwo anwen-ni, ka guryebbe piny i nyim komker ci guworo Lubanja, ¹²kun giwacci, “Amen! Pak ki deyo ki ryeko ki pwoc, ki woro ki twero ki teko obed bot Lubanjawa nakanaka. Amen.”¹³Ci nat acel ki i kin ludono oloko kweda, kun penya ni, “Jo magi ma guruko jor matar-ri anagi, gua kono ki kwene?” ¹⁴Adokke iye ni, “Ladit, in ineyo.” En dok owaco bota ni, “Magi aye gin jo ma gua ki i can madit atika, gin bene donj gutyeko lwoko jorgi i remo pa Latin romo odoko matar adada.”¹⁵Pi meno, donj gitye i nyim komker pa Lubanja, ma gitiyo bote i ode dyecenj ki dyewor; nat ma obedo i wi komker bibedo i kingi kun gwokogi. ¹⁶Kec pe dok binekogi, kadi orwo pii bene pe dok binekogi, cenj pe dok biwanjogi, kadi kit lyeto mo bene. ¹⁷Pien Latin romo ma tye i dye komker bibedo lakwatgi; en bitelogi terogi i wanj it me pii me kwo, Lubanja bene bidunyo pig wangi woko ducu ki i wangi.”

8 ¹I kare ma Latin romo oyabo ka ma gimwono me abiro, polo olinj woko litik pi kare ma romo nucu cawa kulu.

²Ci lacen aneno lumalaika abiro ma gicun i nyim Lubanja kare ki kare, gimiyo botgi tum abiro.³Lamalaika mukene obino ci ocun i nyim keno tyer, onono omako atabo jabu me wano odok eceta. Gimiye odok eceta mabup wek omed ki lega pa jo pa Lubanja ducu i kom keno tyer jabu ma tye i nyim komker. ⁴Ci yito odok eceta ma giwano oa ki i cin lamalaika ma onono tye i nyim Lubanja, oduny kacel ki lega pa jo pa Lubanja ocito malo. ⁵Lacen doki lamalaika okwano atabo me wano odok eceta, otoko lodi mac ki i keno tyer pon atabo meno, ci obolo woko piny i lobo; cutcut kot oako mor kun mwoc matek adada, ma nono lutkot wil awila, ki oyenyen bene oyeno piny. ⁶Cutcut lumalaika abiro ma onono gitye ki tum abiro-ni guyubbe don me kutone. ⁷Ci lamalaika mukwono okuto tumme, omiyo pee ki mac ma orubbe ki remo ocorre i lobo. Meno omiyo acel me adek me lobo owanj woko, ki acel me adek me yadi bene, ki lum madyak ducu bene owanj wok licwic.⁸Lamalaika me aryone okuto tumme, ci gin mo ma onono nen calo got madit twatwal, ma onono mac tye ka wanone opoto woko i dye nam. ⁹Cutcut dul acel me adek me nam odoko remo, acel me adek me gin makwo ducu ma gibedo i nam guto, ki acel me adek me mel ducu bene gunjinye woko.¹⁰Lamalaika me adekke okuto tumme, ci lakalatwe madit oa ki i polo opoto piny, ma lyel calo mac dog raa, opoto i kom dul acel me adek me kulu ducu, ki i wan it ducu ma piine gunnye agunya. ¹¹Nyiin lakalatwe meno Yat roka. Dul acel me adek me pii odoko kec calo yat roka, pii meno oneko lwak dano mapol, pien onono don odoko kec.¹²Lamalaika me anwenne okuto tumme, ci gin mo ogoyo dul acel me adek me cej woko, ki dul acel me adek me dwe, ki dul acel me adek me lakalatwe, mumiyo dugi me acel me adekke odoko col; dero mo ma ryeny obedo pe pi dul acel me adek me dyecen ki dul acel me adek me dyewor bene.¹³Ka dok aneno, ci awinyo ocur mo tye ka koko ki dwan malono,, i kare ma onono en tye ka tuk i dye yamo kun kok ni, "Can, can, can i wi jo ma bedo i lobo, pi dwan tum mukene ma pud gudon ma lumalaika adek don gicok kutone!"

¹Lamalaika me abicce okuto tumme, ci aneno lakalatwe oa ki i polo opoto woko i nom, kun onono gimiye layab me dog bur matut ma tere pe gik. ²En oyabo dog bur, ci yito oduny ki i doge calo yito ma oa ki i ruk mac madit adada ma tye i keno, ceŋ ki yamo gucido woko ki yito ma oa ki i bur. ³Lwak bonyo oa ki i yito meno omukke obino i lobo oumo woko lipuk; onono yam gimiyo botgi kit twero ma rom ki twero ma oton me lobo-ni tye kwede. ⁴Gicikogi ni pe gubal lum me lobo, kadi gin ma twi atwiya, nyo yat mo, ento guket can i kom jo ma pe ki lanyut pa Lubana i tur nyimgi. ⁵Pe giye ni gunek jo meno aneka, ento giyegi ni guungi auna pi dwe abic. Arem ma giwinyo pi un ma giunogi kwede onono rom ki arem ma dano ma oton okayo bedo kwede. ⁶I kare meno dano biyenyo to, ento pe gibinono; gibimito ni gito woko, ento to bilwi woko ki botgi. ⁷Lwak bonyo mumukke obino i lobo-ni onono ginen calo lwak aguragura ma giyubogi woko pi lweny; onono bene tye gin mogo i wigi ma nen calo lalukana jabu; wanŋi obedo calo wan dano, ⁸yer wigi obedo calo yer wi mon, lakgi obedo calo lak labwor. ⁹Korgi obedo calo nyonyo ma askari gigeno ki korgi, ma nono bwomgi nŋur winnye calo mor pa lwak gadigadi lweny ma lwak aguragura aye giwayo, kun gicito gilaro lweny. ¹⁰Yibgi onono tye obedo calo lwak oton, kwirgi bene tye me kayo dano, ki twerogi me uno dano pi dwe abic onono bene yam tye i yibgi. ¹¹Laditgi ma onono loyogi macalo kabaka obedo lamalaika me bur matut ma tere pe gik. Nyiŋe i leb Ibru onono gilwono ni Abaddon; i leb Grik gilwono ni Apollyon. ¹²Can muikwono don okato. Nen, can ayo mukene pud odoŋ ma myero obin. ¹³Lamalaika me abicelle okuto tumme, ci awinyo dwan mo ma a ki i twok keno tyer anwen me jabu ma tye i nyim Lubana. ¹⁴Owaco bot lamalaika me abicel ma tye ki tum-mi ni, “Gony lumalaika anwen ma gitweyogi i dog kulu madit me Euprate-ni woko.” ¹⁵Cutcut gigonyo lumalaika anwen ca, kun onono don giyubogi pi kare meno kikome, pi cawa meno, i nino meno, i dwe-nu me mwaka meno, wek gunek dul acel me adek pa dano ducu. ¹⁶Wel askari me mony ma onono ginweco ki aguragura onono romo milion miya ayo; onono awinyo ka giwaco welgi. ¹⁷Man aye kit ma lwak aguragura ki jo ma ginweco kwedgi gunen kwede bota i ginanyuta: jo ma ginweco kwedgi onono yam guruko nyonyo me geno korgi ma ranŋi kwar calo lodi mac, dok obedo bulu calo kidi capir, ki dok ranŋine obedo calo ranŋi lwit opok, macalo gwen calfa. Aguragura onono wigi calo wi labwor, kun mac ki yito ki alur me kidi calfa ma wan katti ki i doggi. ¹⁸Gemo magi adek-ki, mac, ki yito ki alur me kidi calfa ma okatti ki i doggi oneko jo ma romo dul acel me adek pa dano ducu. ¹⁹Pien twero pa lwak aguragura meno tye i doggi ki i yibgi. Yibgi obedo calo twol mapol ma tye ki wigi, en yibgi-nu aye giketo kwede arem i kom dano. ²⁰Jo mukene ma two gemo magi pe onekogi yam pe gunut pi gin ma onono gin kikomgi gutiyo ki cinŋi, pe guweco woro jogi, ki cal jogi ma gutiyo ki jabu, ki ryal ki mola, ki kidi me wel-gu, ki yadi, ma gin cal jogi ma pe gitwero neno gin mo, dok pe gitwero winyo lok mo, kadi ki wot bene pe gitwero wot. ²¹Jo meno yam bene pe gunut pi nek ma guneko ki dano, nyo pi timgi me jokjok, kadi pi timo tim tarwan, nyo pi kwalo kwo.

10 ¹Dok aneno lamalaika mukene matek twatwal oa ki i polo kun lor bino piny. Orukke woko ki pol, ma onono danyu tye i wiye, waje onono obedo calo cej, ki tyene onono obedo calo wir mac. ²Onono buk adola matidi tye i cine ma iye oyabbe woko. Oketo tyene tun lacuc i nam ki tyene lacam oketo i wi lobo. ³Odanje ki dwan malono calo labwor ma moro dwane; ka odanje, ci mor pa kot omwoc amwoca ma romo tyen abiro kulu. ⁴Ka kot don omor omwoc tyen abiro, ci ayubbe ka coc, cutcut acako winyo dwan ma a ki i polo kun wacci, "Mwon lok ma mor kot abiro-ni guwaco woko, pe ico acoya." ⁵Ci lamalaika ma onono aneno ocun i nam ki i lobo-ni otino cine lacuc malo i polo, ⁶ka okwono kwon ki nyin jat ma bedo nakanaka, ma oketo polo ki jami ducu ma tye iye, ki lobo ki jami ducu ma tye iye, kacel ki nam ki jami ducu ma tye iye kun wacci, "Agalagala mo don pe, ⁷ento ka kare oromo ma lamalaika me abiro bikuto tumme, Lubana bicobo tamme ma tye i mun kit macalo yam otito bot luticce lunebi." ⁸Doki awinyo ka dwan ma onono oa ki i polo-ni tye ka lok kweda tyen me ayo kun wacci, "Cit ikwany buk adola ma oyabbe ma tye i cin lamalaika ma ocun i wi nam ki i lobo-ni." ⁹Ci acito bot lamalaika meno, atitte ni omiya buk adola matidi-nu; ci en ogamo owacca ni, "Gam icam woko. Bibedo kec i ii, ento bibedo lim i dogi calo moo kic." ¹⁰Cutcut agamo buk adola matidi ca woko ki i cin lamalaika ci acamo woko. Obedo lim i dogi calo moo kic, ento i kare ma don atyeko camone, obedo makec i iya. ¹¹Ka don giwacca ni, "In myero doki itit lok pa Lubana, i kom lwak dano mapatpat ki rok ki leb ki luker ducu."

11 ¹Lacen gimija lagada me pimo piny, ma obedo calo odoo, ci giwacca ni, “A icit ipim ot pa Lubanja, keno tyer, ki jo ma giworo Lubanja i ode. ²Ento pe ipim dyekal me ot pa Lubanja ma tye woko, wek meno obedi pien don gityeko miyone woko bot jo ma pe ginoyo Lubanja, gibibedo ka nyono gan malen woko pi dwe pyeranwen wiye aryo. ³Abimiyo twero bot lucadenna aryo-ni me tito lok pi nino alip acel ki miya aryo ki pyerabichel, ma nonjo guruko bonjo cola.” ⁴Lucaden aryo-ni gin aye yadi jeituni ki okar mac tara ma cun i nyim Rwot me lobo. ⁵Ka ce onono nat mo mito timogi rac, ci mac bicorre i doggi wano lukworgi woko liwen; don ka nat mo mito timogi rac, meno aye kit ma gibineke kwede. ⁶Gitye ki twero me loro polo woko wek kot pe ocwer i kare ma nonjo gitye ka tito lok pa Lubanja. Gitye-bene ki twero me loko pii wek odok remo, dok me keto can i kom lobo i yo ducu, tyen mapol kit macalo cwinygi mito. ⁷Ka don gityeko miyo cadengi, ci lee maca ma okatti ki i bur ma tere pe gik-ki biero lweny i komgi, dok bene nekogi woko. ⁸Ci komgi muto biradde i dye yo me gan madit, ma i carolok gilworo nyine ni Codom, ki dok ni Ejipt, en bene ka ma yam giguro iye Rwotgi i kom yatariya. ⁹Dano ma gua ki i kin lwak me wi lobo ki i kaka mapatpat ki leb-gu ki i rok mapatpat gibineno komgi muto pi nino adek ki nucu, kun pe giye ni giyikgi i lyel. ¹⁰Jo ma bedo i lobo binatte i komgi, gibibedo ki yomcwiny kun gicwalo mot i kingi kekengi, pien lutit lok aryo-nu onono yam guuno dano ma bedo i lobo matek. ¹¹Ento i ne nino adek ki nucu, yweyo me kwo oa ki bot Lubanja ci odonyo i komgi, ka don gucako a malo, gucujo ki tyengi, mumiyo lwo ro madit twatwal omako jo ducu ma onenogi. ¹²Cutcut guwinyo dwan malono ma oa i polo kun waco ni, “Wuit wubin malo kany!” Ci guito i polo i pol, ma lukworgi bene gineno. ¹³I cawa meno cutcut oyenyen madit twatwal oyeno piny, ci dul acel me apar me gan meno omukke opoto woko piny. Oyenyen meno oneko jo alip abiro, jo mudon lwo ro omakogi matek, ci gumiyo deyo bot Lubanja me polo. ¹⁴Can me aryo don okato; nen, can me adek don cok bino. ¹⁵Lacen lamalaika me abirone okuto tumme, ci dwan mogo malono owinnye i polo ma wacci, “Ker me lobo don odoko ker pa Rwotwa ki Kricitone, en don bibedo ka loc matwal.” ¹⁶Cutcut ludono pyeraryo wiye anwen ma gibedo i wi komkergi i nyim Lubanja guryebbe piny guworo Lubanja, ¹⁷kun giwacci, “Wamiyo pwocwa boti, in Rwot Lubanja Matwero-ducu, in ma itye dok ma yam ibedo tye wa con, pien don imako tekoni madit ci icako loc. ¹⁸Lurok yam gubedo ki akemo, ci akemoni obino, ki kare me nolo kop pa jo muto, kare me miyo mot me pwoc bot luticci ma lutit lokki, ki joni malen, bot jo ducu ma gilworo nyini, jo matino ki jo madono, ki kare me neno jo ma tye ka balo lobo woko.” ¹⁹Ka don giyabo ot pa Lubanja ma tye i polo, ci canduk me gicikke onen woko i ot pa Lubanja. Kot ocako cwer kun mor, mwoc amwoca ma lutkot wil awila, ki dwan owinnye malono me mor pa piny, oyenyen ocako yenjo piny, ki pee bene ocorre madwon twatwal.

12 ¹Ginanena mo madit adada onen i polo, dako mo ma onono oruko ceŋ, kun dwe tye i te tyene, ki lalukana ma onono en oruko i wiye obedo lakalatwe apar wiye aryo. ²Dako-nu onono tye ki ic, onono doŋ cok nywal; cutcut arem me nywal omiyo en omukke ki koko, kun pwodde apwoda ki remcwiny ma doŋ mito nywalo latin woko. ³Ci tinanena mo mukene dok onen i polo, min kulu mo makwar madit otuc, ma onono wiye tye abiro, ki tuŋe tye apar, kun onono lalukana abiro me loc tye i wiye ducu. ⁴Yibe opwodo dul acel me adek pa lakalatwe me polo, ci ocorogi woko piny i ŋom. Ka doŋ min kulu madit ca ocako cuŋ i nyim dako ma onono mito nywal ca, wek ka dako-nu onywal, ci emwony latinne woko. ⁵Ci dako-nu cut onywalo latin awobi, en ŋat ma biloyo rok ducu ki odoo nyonyo. Ento latin meno gigamo woko, gitero bot Luban̄a ki i komkerre. ⁶Ci dako-nu oa oriŋo woko i dye tim, ka ma Luban̄a oyubo iye kabedo pire, ka ma gibibedo ka pite iye pi nino alip acel ki miya aryo ki pyerabiceŋ. ⁷I kare meno cutcut lweny ocakke i wi polo, Mikael kacel ki lumalaikane gulweny i kom min kulu madit-ti. Min kulu madit-ti kacel ki lumalaikane bene gulweny, ⁸ento giloyogi woko, mumiyo kabedo doŋ odoko pe pigi i wi polo. ⁹Ci gibolo min kulu madit ca woko piny i ŋom, ma yam obedo min kulu macon-ni, ma gilwoŋo ni Ladot, ki Catan, labwol dano ma i wi lobo ducu; gibole woko piny i ŋom kacel ki lumalaikane. ¹⁰Cutcut awinyo dwan mo malono i polo ma wacci, “Kombeddi doŋ laro dano, ki teko, ki ker pa Luban̄awa ki twero pa Kricito doŋ oo, pien ŋat ma yam doto utmegiwa-ni doŋ gibolo woko piny i ŋom, en ŋat ma yam dotogi i nyim Luban̄awa dyecen ki dyewor-ri. ¹¹Gin doŋ guloye woko pi remo pa Latin romo, ki pi lok me caden ma gubedo ka tucone, dok bene pe guparo pi kwogi, ento gumine kengi kadi wa i to. ¹²Bed ki yomcwiny, in polo, ki wun bene ma wubedo iye! Ento wun lobo ki nam, wubineno can malit atika, pien Ladot doŋ olor obino woko piny botwu ma tye ki akemo madwoŋ, pien ŋeyo ni karene tye manok!” ¹³I kare ma min kulu doŋ oneno, gibole woko piny i ŋom, ci ocako ryemo dako ca ma onono onywalo latin awobini. ¹⁴Ento gimiyi bwom ocur madito aryo bot dako-nu, wek oa woko ki i nyim min kulu, otuk ocit woko i dye tim, i kabedone ca ka ma gibipite iye pi mwaka adek ki nucu. ¹⁵Ci min kulu oŋoko pii ki i doge i kor dako-nu, piine obedo calo pii me kulu, wek pii opon omol dako-nu woko. ¹⁶Ento lobo okonyo dako-nu, lobo oŋamo doge ci omwonyo kulu meno ma onono min kulu oŋoko woko ki i doge-ni. ¹⁷Kiniga omako min kulu i kom dako-nu, ci ocito oero lweny i kom likwayo pa dako ca mukene-gu ducu, i kom jo ma gilubo cik pa Luban̄a, ma gimako bene lok me caden ma Yecu omiyo. ¹⁸Ka doŋ ocuŋ i kweyo me dog nam.

13 ¹Dok aneno lee mo ma oa ki i nam tye ka katti woko, ma tunje tye apar ki wiye bene onono tye abiro, kun onono lalukana apar me loc tye i tunje ducu; dok i wiye ducu onono tye iye nyin mo ma nyuto cac i kom Lubana. ²Lee ma aneno-ni onono obedo calo kwac, tyene obedo calo tyen nuu mager, ki doge onono obedo calo dog labwor. Min kulu madit ca omiyo tekone, komkerre, ki twero madit ma en tye kwede bot lee meno. ³Aneno wiye onono nen calo gigoyo giketo ret iye ma gimito nekone woko, ento ret meno ma onono giketo i wiye-ni don ocan woko. Lobo ducu olubo lee-nu ki ur madit ma pe wacce. ⁴Dano gubedo ka woro min kulu ca pien onono omiyo twerone woko bot lee-nu, dok bene guworo lee-nu kun giwacci, "Aja ma obedo calo lee man, dok aja ma twero lweny kwede?" ⁵Gimiyo twero bene bot lee-nu me loko lok mogo me wakke ki me yeto Lubana, dok bene gimiye twero me tiyo gin ma iye mito pi dwe pyeranjwen wiye aryo. ⁶Ci onamo doge me yeto Lubana, kun yeto nyine ki ka ma en bedo iye, kun yeto bene wa jo ducu ma gibedo i polo. ⁷Dok bene gimiye twero ma ero lweny i kom jo malen ki tayogi woko. Gimiye bene twero me loyo kaka ducu, dano ducu ki leb-gu, wa rok mapatpat ducu. ⁸Jo ducu ma gibedo i lobo gibiworo lee-nu, dano acel acel ma onono nyine pe gicoyo i buk me kwo pa Latin romo ma yam gineko ca, cakke wa i acakki piny. ⁹Ka nat mo ite tye myero owiny lok man. ¹⁰Ka ce onono yam giyubo ni gimak dano mo me bedo opii, ci gibitere woko i opii; ka ce nat mo neko dano ki pala lucwan, en bene myero gineke woko ki pala lucwan. Meno aye ka ma jo pa Lubana myero gunyut iye kit ma giciro kwede can ki niyegi. ¹¹Lacen dok aneno lee mukene ka katti i ki nom; onono tunje tye aryo calo min kulu. ¹²En otiyo ki twero pa lee mukwono ca ducu ma lee-nu bene neno, kun miyo lobo kacel ki jo ducu ma gibedo iye woro lee mukwono, ma ret ma i wiye onono don ocan woko-ni. ¹²En otiyo ki twero pa lee mukwono ca ducu ma lee-nu bene neno, kun miyo lobo kacel ki jo ducu ma gibedo iye woro lee mukwono, ma ret ma i wiye ononodon ocan woko-ni. ¹³En otiyo tic mogo madito ma bedo me aura twatwal, dok bene miyo mac a ki i polo bino piny i lobo ma dano bene gineno. ¹⁴Pi tic mogo ma onono giyene me tiyone i nyim lee mukwono ca, omiyo en obwolo dano ma gibedo i lobo, owaco botgi ni guyub cal mo obed ma ka-ka lee ma onono yam giketo ret i kome ki pala lucwan, ma pud onono obedo kwo-ni. ¹⁵Giyene bene me miyo yweyo i cal lee ma giyubo ca wek omi cal lee-nu olok lok, dok bene wek omi jo ma pe gibiworo cal lee-nu ginekgi woko. ¹⁶Dok bene en omiyo giketo poyo i kom dano ducu, jo matino ki jo madito, lulonyo ki lucan, jo ma gilone kengi wa ki opii bene, i cingi tun lacuc nyo i tur nyimgi. ¹⁷Gitimo man wek dano mo pe owil jami, nyo kadi ki catone, ka pe tye ki poyo meno i kome, ma meno obedo nyin lee ca, nyo namba me nyine. ¹⁸Gin man mito ryeko. nat ma nian, ma wiye tiyo twero kwano namba pa lee-nu, pien nambane obedo namba pa dano, nambane tye miya abicel ki pyerabicel wiye abicel.

¹Lacen dok aneno Latin romo ma ocun i wi got Cion; onono jo alip miya acel ki pyeranwen wiye anwen tye kacel kwede, ma don onono gicoyo nyine ki nyin Wonne woko i tur nyimgi. ²Ci awinyo dwan mo oa ki i polo ma mor calo pii ma tye ka curre, ki dok calo kot ma tye ka mor matek. Dwan ma awinyo ca onono obedo calo dwan lugonana ma tye ka goyo nanagi. ³Onono gitye ka wero wer manyen i nyim komker, ki i nyim lee makwo anwen-ni, ki i nyim ludono-gu bene. Pe tye nat mo ma onono twero pwonyo wer meno, kono jo alip miya acel ki pyeranwen wiye anwen ca keken ma don gikokogi woko ki i lobo. ⁴Magi gin aye jo ma pe gubalo komgi ki timo tim tarwan ki mon, pien gugwokke gubedo jo malen; dok bene gin jo ma lubo Latin romo ka ma en woto iye ducu. Jo magi aye gin jo ma gikokogi ki i kin dano ducu, wek gubed calo cam mukwono cek ma giyubo pi Lubana ki Latin romo. ⁵Pe giwinyo lok goba mo i doggi; gubedo labono roc mo i komgi. ⁶Dok aneno lamalaika mukene tye ka tuk wirre i dye polo; onono tye ki lok me kwena maber me atita bot jo ma gibedo i wi lobo, bot rok ducu ki kaka ki leb-gu ki jo mapatpat ducu. ⁷Ci oloko ki dwan malono ni, “Wulwor Lubana, wumi deyo bote, pien karene me nolo kop don oromo. Wuwor en nat ma oketo polo ki lobo ki nam ki wan it-gu.” ⁸Lamalaika mukene me aryone dok olubo kor lawote, kun wacci, “Babilon madit don opoto, opoto gire woko, en gan ma yam omiyo rok ducu mato kono vino me timme me tarwan-ni.” ⁹Lamalaika mukene me adekke dok olubo korgi, kun loko ki dwan malono ni, “Ka ce nat mo oworo lee-nu ki calle, ma nono giketo poyo i tur nyime nyo i cine, ¹⁰ci en bimato kono vino me akemo pa Lubana, ma oonyo i kikopo me kinigane ma pe girubo ki pii, gibibedo ka une ki mac ki gwen calfa ma mac oliyo woko, i nyim lumalaika malen ki i nyim Latin romo bene. ¹¹Yito mac ma giunogi kwede bedo ka duny nakanaka cito malo, kun pe giywe i dyecen wa i dyewor bene, gin jo ma giworo lee-nu ki calle, kadi wa nat ma don giketo poyo me nyin lee meno i kome.” ¹²Meno aye ka ma jo pa Lubana myero gunyut iye kit ma giciro kwede can, gin jo ma gwoko cik pa Lubana ki niyegi i kom Yecu Kricito. ¹³Dok awinyo dwan mo oa ki i polo ma wacci, “Co lok man ni, Cakke kombeddi jo ma to ma nono gitye i Rwot tye ki gum.” Cwiny Malen bene omoko lok man kun wacci, “Adada kit meno, don gibiywe ki i tic matek ma yam gubedo ka tiyone, pien ticgi ma yam gutiyo-ni lubo korgi.” ¹⁴Lacen doki aneno pol matar, ki nat mo obedo i wi pol ma cal ki wod pa dano. Lalukana jabu onono tye i wiye, ki pala kac mabit bene onono tye i cine. ¹⁵Ka dok lamalaika mukene okatti ki i ot pa Lubana, kun danje matek bot nat ma onono obedo i wi pol-li ni, “Cwal cinji ika kac ki pala kacci, pien kare me kac don oromo, ki gin ma gikayo i lobo bene don ocek woko.” ¹⁶Kit meno nat ma onono obedo i wi pol-li oryeyo cine i lobo ki pala kac, ci okayo gin mucek i lobo. ¹⁷Lamalaika mukene doki okatti ki i ot pa Lubana ma tye i polo, en bene onono omako pala kac mabit. ¹⁸Lamalaika mukene dok oa ki i net keno tyer obino; lamalaika meno onono tye ki twero i kom mac. Ci odanje matek bot nat ma onono tye ki pala kac mabit ca ni, “Cwal cinji ki pala kacci ci icok nyig olok me lobo, pien nyige don ocek woko.” ¹⁹Kit meno lamalaika oryeyo cine i lobo ki pala kac, ci ocoko olok ducu me lobo, oonyo woko i bur madit me biyo pig olok me akemo pa Lubana. ²⁰Ci ginyono bur me biyo olok meno woko i ne gan, remo omol ki i bur me biyo olok, ma borre romo mairo miya aryo, ki tute piny onono mito romo cokcok futi abic.

15 ¹Dok aneno ginanyuta mo mukene madit i polo, ma obedo bene me aura mada, gin lumalaika abiro ma gitye ki gemo abiro. Magi gin aye donj gemo me agikkine, pien gin aye gimiyo akemo pa Lubanja cobbe kakare. ²Ka dok aneno gin mo ma nen calo nam me kiyo malen ma orubbe ki mac; donj jo ma ononjo gutayo lee ca ki calle, ki namba me nyine, ononjo gucun i dog nam me kiyo, kun gumako nana pa Lubanja i cingi. ³Ononjo gitye ka wero wer pa Moses, ma obedo latic pa Lubanja, ki wer pa Latin romo kun giwacci, “Ticci ducu ma itiyo bedo me aura, dok gidito, ai Rwot Lubanja Won Twer Ducu! Kitti ducu tye atir dok me ada, in Kabaka ma iloyo rok ducu! ⁴Aja mono ma pe bilworo, ai Rwot? Aja kono ma pe bipako nyini? Pien in keni aye ilen. Rok ducu gibino gibio wa i nyimi, gin ducu gibiwori, pien donj onen woko ka malen ni ticci ducu tye atir.” ⁵Lacen aneno ot pa Lubanja, ma en kema lok me caden ma tye i polo; ononjo oyabbe woko, ⁶ci lumalaika abiro gua ki i ot pa Lubanja gukatti woko ki gemo abiro. Ononjo guruko bonjo camanini malen adada, ma gutweyo korgi woko ki del jabu. ⁷Ci lee acel ki i kin lee makwo anwen-ni omiyo atabo jabu bot lumalaika abiro; ononjo atabo magi guponj woko ki kiniga pa Lubanja ma bedo kwo nakanaka. ⁸Yito ma oa ki i deyo pa Lubanja ki tekone omwono ot pa Lubanja woko limuk, ma njat mo ononjo pe twero donyo iye, nio wanj ma gemo abiro ma lumalaika abiro gukelo ca donj otum woko liwenj.

¹Dok awinyo dwan mo malonjo oa ki i ot pa Lubanja ma waco bot lumalaika abiro ni, “Wucit wuony akemo pa Lubanja ma tye i atabo abiro ca-ni woko i lobo.”²Lamalaika mukwonjo ocito oonyo gin ma i i atabone woko i lobo. Ci two bur maraco ma toko kom dano atoka omako jo ma poyo pa lee ca tye i komgi ma giworo calle bene-ni.

³Lamalaika me anyone oonyo gin ma ii atabone woko i nam, ci olokke odoko calo remo pa dano muto, ki gin makwo ducu ma ononjo gitye i nam guto woko.⁴Lamalaika me adekke oonyo gin ma i i atabone i kulu ki i wan it-gu ducu ci gin ducu gulokke gudoko remo. ⁵Cutcut awinyo lamalaika ma loyo pii ka wacci, “Kop ma injolo-ni injolo giri atir, in nat ma tye, yam bene ibedo tye con, in Nat Malej. ⁶Pien jo ma guoyo remo pa joni malej, ki remo pa lutit lokki, in bene imiyo botgi remo me amatagi. Kakare, can meno oporo gin ma gutimo.” ⁷Dok awinyo keno tyer ka danje ni, “Ada, Rwot Lubanja Won Twer Ducu, kop ducu ma injolo bedo ada dok atir!”⁸Lamalaika me anwenne oonyo gin ma i i atabone woko i kom cen, dok bene giye ni owan dano woko ki mac. ⁹Lyeto mager twatwal owanjo dano atika, mumiyo dano guyeto nyin Lubanja ma tye ki twero i kom gemo magi, pe gunut dok bene pe gumiyo deyo bote.¹⁰Lamalaika me abic oonyo gin ma i i atabone woko i kom komker pa lee ca, ci kerre donj ocalo bedo i colpiny; arem madwonj omiyo dano gukayo lebgi ma pe wacce, ¹¹guyeto Lubanja me polo pi arem ki bur ma otoko komgi woko, dok bene pe gunut i kom gin ma gutimo.¹²Lamalaika me abicelle oonyo gin ma i i atabone woko i kulu madit Euprate, ci piine otwo woko pi yubo yo pi wot pa luker ma gia ki yo tunj wokcen. ¹³Lacen aneno cen maraco adek ma gubedo calo ogwal ma okatti ki i donj min kulu, ki i dog lee, ki i dog lanebi ma lagoba, ¹⁴pien gubedo cen pa jok ma tiyo tic mogo me aura twatwal. Gin bene giwoto bot luker me wi lobo ducu ka cokogi woko kacel pi mony i nino madit pa Lubanja Won Twer Ducu.¹⁵(Nen, abebino macalo lakwo! Dano ma bedo ma waje twolo kun kiyo piny tye ki gum, ma kun nonjo gwoko bonjine, wek pe ewot munero, ma dano gineno kome ma pe eruko iye bonjo!) ¹⁶Gucoko luker kacel i kabedo ma gilwonjo i leb Ibru ni Armagedon.¹⁷Lamalaika me abirone donj oonyo gin ma tye i atabone i dye yamo, ci dwan mo madit oa ki i ot pa Lubanja, ki i wi komker kun wacci, “Donj otimme!” ¹⁸Ci lutkot ocalo wil awila, mor winnye matek, ki mwoc pa kot, ki oyenjenj madit oyeno piny, kit oyenjenj mo ma peya yam onen cakke ma dano gubedo i lobo; oyenjenj meno obedo dit adada. ¹⁹I ganj madit-ti obarre opokke dul adek, ganj pa lurok ducu gumuk gupoto woko piny. Ci Lubanja opo pi Babilon ma en ganj madit, pi miye ni omat konjo vino i kikopo me akemone mager.²⁰Mumiyo cula nam ducu guriyo woko, ki godi ducu bene donj gurwenyo woko ma pe donj giromo nonjogi. ²¹Pee mapek twatwal ocorre ki i polo opoto i kom dano, kun pek pa nyig pee acel acel ononjo cok romo ratili miya acel; nio wanj ma dano guyeto Lubanja pi gemo man me pee-ni, pien gemo meno ononjo obedo rac ma okato kare.

17 ¹Lacen lamalaika acel i kom lumalaika abiro ma onono gitye ki atabo abiro-ni obino bota owacca ni, “Bin wek anyutti kop ma don ginjolo i kom dako ma lakwele marac, ma bedo i wi pii mapol-li. ²Luker me wi lobo ducu gutimo kwede abor, kadi wa jo ma bedo i lobo ma gumer ki konjo vino me tim me aborre-ni.”³Cutcut lamalaika otinja otera i tim, kun onono Cwiny Malen oyuto tamma woko, ci aneno dako mo ma obedo i wi lee mo makwar, ma gicoyo nyin mogo i kom lee-nu ma nyuto cac i kom Lubana; coc meno oromo kome ducu, lee-nu onono wiye tye abiro ki tunje tye apar. ⁴Dako-nu oruko bonjo ma obedo lamar lamar ki makwar, ma odeyo kome ki jabu, ki kidi me wel, ki tiko matar me wel-gu, kun omako kikopo jabu i cine ma opon woko ki gin ma dano kwero, ki cilo me timme me abor-ri. ⁵I tur nyime gicoyo iye nyin mo ma te lokke obedo me mun, ni, “Babilon madit, meg mon ducu ma gin malaya, ki jo ducu ma gitimo tim me kwer.”⁶Aneno dako-nu omer woko ki remo pa jo pa Lubana, dok bene ki remo pa lucaden pa Yecu ma ginekogi. Ka don anene ci abedo ki ur madit twatwal. ⁷Ento lamalaika owacca ni, “Piyo iuro? Abititti lok me mun pa dako-nu, ki pa lee ma dako obedo i wiye, ma wiye tye abiro ki tunje tye apar-ri.”⁸Lee ma ineno-ni onono yam tye, ento kombbeddi don pe, bilor piny i bur ma tere pe gik, don cito rwenyo woko matwal. Don jo ma bedo i lobo ma yam pe gicoyo nyingi i buk me kwo cakke i acakki piny gibiuro mada me neno lee-nu, pien yam con tye, kombbeddi don pe, ento bidwogo.⁹Lok man mito tam ki ryeko. Wiye abiro-gu obedo godi matino abiro ma dako ca obedo iye. ¹⁰Gin bene gubedo luker abiro ma jo abic i komgi don gupoto woko, acel tye, ento acel mukene peya obino. Ka obino, myero kon ori pi kare mo manok keken.¹¹Ento lee ma yam tye ca, ma kombbeddi don pe-ni, en kabaka me aboro, ento en nat acel i kin jo abiro ca, dok bicito woko ci rwenyo matwal.¹²Don tun lee apar ma ineno ca gin aye luker apar ma peya gulimo twero me loc, ento myero gulim twero me loc macalo luker pi cawa acel, kacel ki lee ca bene. ¹³Jo magi onono yam tamgi tye acel, ci gumiyo twerogi ki ditogi woko bot lee ca. ¹⁴Jo-nu biero mony i kom Latin romo, ento Latin romo bitayogi woko, pien Rwot pa rwodi, ki Kabaka ma loyo luker ducu, dok jo ma tye bote aye jo ma gilwonogi, ma giyerogi ma gin jo ma genne.”¹⁵Dok owacca ni, “Pi madwon ma i kulu ma ineno ca, ka ma dako ma lakwele obedo iye-ni, magi aye gin dano ma i wi lobo, ki lwak rok ducu ki leb-gu ducu.”¹⁶Don tun lee apar ma ineno ca, gin kacel ki lee gibikwero dako-nu ma lakwele-ni woko; gibitenye ata kun giweke don munero, gibicamo riyo kome ci giwanjo woko ki mac. ¹⁷Pien Lubana aye ma oketo mit man i cwinygi, wek gucob tamme kun gibedo ki cwiny acel, ka wek don gumi twerogi bot lee ca, nio wan ma lok ma Lubana owaco ocobbe kakare. ¹⁸Dako ma ineno ca en aye gan madit ma tye ka loyo luker ducu me wi lobo.”

¹Lacen dok aneno lamalaika mukene ka lor piny kun a ki i polo, ma onono tye ki twero madit; deyone oryeny ocaro wi lobo ducu. ²Ci odanije ma dwane winnye matek twatwal ni, “Babilon madit don opoto, opoto gire woko! Don odoko kabedo pa jogi, odoko bene ka kanne pa cen maraco ducu, ki pa winyo maraco ma i dano kwero. ³Rok ducu gumato konjo vino me timme macol me tarwan ca, luker ducu me wi lobo gutimo kwede abor, ki lucat-wil ma i wi lobo ducu don gumedde gudoko lulonyo pi bedone me caro ki tim twarwanje-ni ma okato kare.” ⁴Dok awinyo dwan mukene ma oa ki ipolo kun wacci, “Wun jona, wua woko ki bote, wek pe wuribbe kwede i balle, wek bene pe wunywak kwede gemo mogo ma poto i kome! ⁵Pien balle don odurre malo lipim, oo wa i polo, Lubana don opo i kom tim maraco ducu ma yam en otimo. ⁶Wutim dako-nu ki kit tim ma yam en otimowu kwede, ma en otimo, wurub gin ma en mato obed mapek twatwal i kikopone kikome ma ya en orubo iye ginamata botwu-ni. ⁷Dok wumi bote arem ki kumo ma rom ki kit ma en obedo ka wakke kwede, ki timme me caro caro. Pien en waco ki i cwinye ni, ‘An daker, abedo i wi kom, pe arom ki da-to, pe abibedo ki kumo wacel’, ⁸pi meno gemone ducu bipoto i kome i nino acel, two odeke, kumo ki kec. Gibiwanje woko bene ki mac, pien Rwot Lubana ma nolo kop i kome tekke dit.” ⁹Don luker me wi lobo ma yam gutimo abor kwede, ma gulubo timme me tarwan, gibikok pire kun gidono oduru ma nonjo ginene don tye ka wan i mac kun yitone duny. ¹⁰Gibicun wa cen pi lworu kit can ma giune kwede, kun giwacci, “Ai do, ai do! Ineno can ba, in Babilon, gan madit dok matek! Kop ma ginolo i komi don opoto i komi lawanacel.” ¹¹Lucat-wil me lobo bene gitye ka koko kun gikumo pire, pien nat mo pe ma dok biwilo jami ma opon i melgi, ¹²jabu, ryal, litino kidi me wel, tiko matar me wel, bonjo camanini maberre, bonji ma obedo lamar lamar, bonji aridi ki makwar, ki kit bao mapatpat ducu ma njweci kur, jami ducu ma gitiyo ki lak lyec-gu, jami ducu ma gitiyogi ki bao ma welgi malo twatwal, mola, nyonyo, ki got me gedo ma giliyo aliya maber twatwal, ¹³cinamon ki gin mogo mukene ma njweci kur, odok eceta me awana, murra, odok luban, konjo vino, moo jeituni, moko mapwot ki nana, dyanji ki romi, aguragura, ki gadigadi lweny, opii, kadi wa kwo pa dano kikome. ¹⁴“Nyig yat ma yam cwinyi paro twatwal-li don gikwanyo woko ki boti, cam mogo mamit ma pe nen atata ki jami ma gipwoyo ki wan, don gurweny woko ki boti, pe dok ibinonogi matwal!” ¹⁵Lucat-wil ma yam gicato jami magi ducu, ma don gudoko lulonyo pi gan meno, gibicun wa cen ka mabor pi lworu ki can ma giune kwede, kun gikok matek ma kumo kwede ni, ¹⁶“Ai do, ai do, gan madit-ti oneno can ba, en gan ma yam onono giruko woko ki bonjo camanini maberre, ki bonji ma lamar lamar ki makwar, kun gidero woko ki jabu, kidi me wel, ki tiko matar me wel bene. ¹⁷Lonyo madit kit man-ni giketo woko tenjen lawanacel.” Ludito me mel, ki jo ma woto i nam, ludwo mel ki jo ducu ma gitiyo tic me cato wil i nam, gucun wa cen ka mabor. ¹⁸Ci gudanije matek ka gunene tye ka wan kun yito duny, kun giwacci, “Gan mene ma onono yam rom ki gan man madit-ti?” ¹⁹Ciguonyo putu i wigi, i kare ma gitye ka koko kun gikumo ma gidanije ki koko matek pire ni, “Ai do, ai do, ineno can ba, in gan madit-ti, ka ma jo ducu ma yam gitye ki melgi i nam gudoko lulonyo pi lonyone madwonji! Giketo woko tenjen i cawa acel keken. ²⁰Wudanije ki wer me yomcwiny, wun lwak me polo, wun jo malen, wun lukwena ki lutit lok pa Lubana, pien Lubana don odwoko kop ma yam onolo i komwu-ni i kome!” ²¹Lalaikmaa mo matek otugi kwanyo gwen mo madit ma rom ki kidi rego, ci obolo woko i nam, kun wacci, “Babilon ma en gan madit-ti gibitimo ki tim bwami gicanyo woko matek i nom, pe don gibinono matwal! ²²Dwan lugo-nana ki jo ma goyo wer ducu, dwan lukut nyamulere ki lukut tum pe dok biwinnye boti matwal. Dano mo ma tiyo tic me diro pe dok binonije boti matwal. Mor pa kidi rego pe dok biwinnye boti matwal. ²³Tara mo pe dok bilyel meny, kadi ki dwan lanyom ki dwan nyako ger pe dok biwinnye boti matwal; pien lucat-willi onono yam gin jo ma pigi dito atika i lobo yam bene ibwolo rok ducu ki tim jokjok ma ibedo ka timone. ²⁴Remo pa lutit lok pa Lubana ki pa jo malenja, remo pa jo ducu ma yam ginekogi i lobo, ginono tye i Babilon.”

¹Lacen i ne man awinyo woo madwon macalo dwan lwak dano mapol ata ma gktye i polo ma giwacci, “Aleluya! Laro dano ki deyo ki teko tye bot Lubanawa, ²pien kop ma en nolo ducu tye ada dok atir. En don onolo kop woko i kom dako ma malaya-ni, ma yam obalo lobo woko ki timme me abor-ri, dok bene oculo kwor me remo pa luticce i kome.”³Gin dok gudanje tyen me aryone kun giwacci, “Aleluya! Yito me wanjo gan-ni duny mucido cito malo lituu nakanaka.”⁴Ci ludono pyeranwen-ni kacel ki lee makwo anwen-ni guryebbe woko piny guworo Lubana ma obedo i wi komkerri, kun giwacci, “Amen. Aleluya!”⁵Dwan mo dok oa ki i wi komker ma wacci, “Wupak Lubana, wun luticce ducu, wun jo ma wulwore, jo matino wa ki jo madito.”⁶Ka dok awinyo dwan mo ma winnye calo lwak madit ma giwo, calo mor pa pii ma corre, dok calo mor kot ma mwoc matek. Guwacci, “Aleluya! Pien Rwot Lubanawa Won Twer Ducu, tye ka loc.”⁷Wabedu ki yomcwiny, kun wadwore, dok bene wami deyo bote, pien kare me nyom pa Latin romo don oo, nyako gerre bene don oyubbe woko; ⁸gimiyo bonjo camanini maberre ma ryeny dok malen en aye ni en oruki.” Pien bonjo camanini maberre-nu obedo gin ducu ma tye atir ma jo malen gitimo.

⁹Ci lamalaika owacca ni, “Co lok man ni, Jo ma gilwonjogi i karama pa Latin romo tye ki gum.” Dok owacca ni, “Lok magi lok pa Lubana.”¹⁰Cutcut aryebbe woko piny ka tyene ka wore, ento en owacca ni, “Pe myero itim kit meno! An latic wadiwu, dok arom ki utmegini ma gumako lok me caden ma Yecu omiyo botgi-ni. Wor Lubana.” Pien lok me caden ma Yecu omiyo aye cwiny ma miyo lutit lok gitito lok pa Lubana.”¹¹Lacen aneno polo oyobbe, cut atugi neno aguragura matar! Njat ma obedo i wiye gilwonjo ni njat ma Genne dok me Ada, gin ma en timo ducu tye atir i nolo kop kadi wa i lweny bene.

¹²Wane ryeny calo mac, dok onono oruko lalukana mapol me loc i wiye; onono bene tye ki nyin mo ma gigo mo njat mo pe neyo, kono en keken gire aye neyo.

¹³Oruko bonjo ma onono giluto i remo, dok nyin ma onono gilwone kwede en aye Lok pa Lubana.

¹⁴Lwak mony mapol me polo ma guruko bonjo camanini maberre, matar dok malen, gulubo kore ma girinjo ki aguragura matar.

¹⁵Pala lucan mabit okatti ki i dogge, ma en bineko ki lurok woko ducu, ka don bibedo ka loyogi ki odoo nyonyo; en binyono bur me biyo konjo vino me akemo pa Lubana mager ma en Won Twer Ducu-ni.

¹⁶Onono gicoyo nyin i kom jorre ki i eme ma kwanne ni, Kabaka ma loyo luker ducu ki Rwot pa rwodi.

¹⁷Ka dok aneno lamalaika mo ocun i cej. En olwonjo kwa winyo ducu mapatpat ma gituk i dye yamo ki dwan malonjo ni, “Wubin, wugurre kacel ka camo cam me otyeno ma Lubana oyubo,”¹⁸ka camo rinjo kom luker, ki rinjo kom ludito wi mony, ki rinjo kom jo ma yam gin oteka, rinjo aguragura ki rinjo kom jo ma njweco kwedgi, ki rinjo dano ducu, jo ma gilone kengi kacel ki opii, jo matino ki madito ducu.”¹⁹Lacen aneno lee ca ki luker me lobo guywayo monygi me lweny i kom njat ma obedo i wi aguragura kacel ki monnye.

²⁰Ento gimako lee ca woko, kacel ki lanebi ma lagoba, ma yam obedo ka tiyo tic mogo me aura i nyime, ma obwolo dano ma onono don giketo poyo pa lee ca i komgi, ki ma yam onono giworo calle-ni. Gin aryo-nu ducu, lee ki lanebi ma lagoba, gibologi woko makwo i nam me mac, ma tye ka lyel ki gwen calfa ma mac oliyo.

²¹Jo mudonje ducu ginekogi woko ki pala lucwan pa njat ma obedo i wi aguragura matar-ri, ki pala lucan ma okatti ki i doge; winyo ducu guyen woko ki rinjo kom dano ma gucamo.

20 ¹Ka dok aneno lamalaika mo oa ki i polo kun lor bino piny; onono omako layab me bur ma tere pe gik, ki nyor mapek adada. ²Ci omako min kulu madit ca, ma obedo twol macon-ni, ma en aye Ladot dok Catan bene, ka otweye woko pi mwaka alip acel, ³ci obole woko i bur ma tere pe gik, oloro dog bur woko, omwono woko bene kun oketo lanen i wiye wek pe dok omedde ki bwolo rok ducu, nio wan ma mwaka alip acel don okato. I ne meno myero gionye woko pi kare mo manoknok. ⁴Lacen dok aneno kamker mapol, jo ma gubedo i wigi obedo jo ma onono gimiyo botgi twero me nolo kop. Aneno bene tipo pa jo ma yam ginolo nutgi woko pi miyo cadengi i kom Yecu ki pi lok pa Lubana, gin jo ma yam pe guworo lee ca, nyo calle, dok bene ma yam pe guketo poyone i tur nyimgi nyo i cinji. Gin doki gubedo kwo, gubedo ka loc kacel ki Kricito pi mwaka alip acel. ⁵Jo muto mukene-gu ducu pe dok gubedo kwo, nio wan ma mwaka alip acel don okato. Man aye cer mukwojo. ⁶Tye ki gum nat ma bibedo i cer man mukwojo-ni, dok bene en dano malen pa Lubana kikome. Jo macalo meno, to me aryo pe tye ki twero mo i komgi, ento gin don gibibedo ajwagi pa Lubana ki pa Yecu, dok bene gibibedo ka loc kacel kwede pi mwaka alip acel. ⁷Ka inen mwak alip acel don otum, ci gibigonyo Catan woko ki i mabucce. ⁸Ci en bikatti woko cito ka bwolo rok ducu ma tye i but piny, ma en aye Gog ki Magog, bicokogi bene pi lweny, jo ma welgi pe kwanne ma girom ki kweyo me dog nam. ⁹Gumol gucito guket woko i wi lobo ka malac ci gurumo gony pa jo pa Lubana ki gan ma en maro-ni, ento mac oa ki i polo ci owanogi woko liwen. ¹⁰Catan ma yam obwologi-ni bene gibolo woko i nam me mac ki gwen calfa ma mac oliyo, ka ma lee ki lanebi ma lagoba bene gitye iye ca; gibibedo ki arem nakanaka dyecen ki dyewor. ¹¹Dok aneno komker mo madit matar, ki nat ma obedo i wiye. Lobo ki polo gua ki i nyime guriyo woko, ento pe dok ginono kabedo mo pigi. ¹²Ci aneno jo muto, jo madito ki jo matino, kun gucu i nyim komker, onono bene tye kenyo buk mogo ma giyabo igi woko. Giyabo bene buk mo mukene ma en aye buk me kwo. Ginolo kop i kom jo muto kun gilubo gin ma yam gin gutiyo, kit macalo onono gicoyo i buk magi. ¹³Nam bene odwoko jo ma yam guto i iye-ni woko cen, To ki Lyel bene gumiyo jo muto ma yam tye botgi; ci ginolo kop pa dano acel acel kun gilubo gin ma yam gin gutiyo. ¹⁴Gibolo To ki Lyel woko i nam mac. Nam me mac aye meno to me aryo. ¹⁵Gam mo ma yam pe ginono nyine gicoyo i buk me kwo, gibolo woko i nam me mac.

¹Lacen dok aneno polo manyen ki lobo manyen, pien polo mukwoŋo ki lobo mukwoŋo ononoŋo donŋ gurwenyo woko, kadi wa nam bene ononoŋo donŋ pe. ²Ci aneno gaŋ maleŋ, Jerucalem manyen, kun oa ki i polo bot Lubana bino piny, ma giyubo woko macalo nyako ger ma gideyo pi cware. ³Ci awinyo dwan mo malonoŋo ma oa ki i komker kun wacci, “Nen, kabedo pa Lubana donŋ tye bot dano. En bibedo kacel kwedgi, ci gin gibibedo jone. Lubana kikome aye bibedo kwedgi, kun bene bedo Lubanaŋi. ⁴En bijwayo pig waŋgi woko ducu. To bene donŋ bibedo pe, kadi kumo nyo koko, nyo arem, pien gin macon donŋ ducu gurwenyo woko matwal.” ⁵Ci ŋat ma obedo i wi komker owacci, “Nen, aketo jami ducu doko nyen.” Ka dok bene owacci, “Co lok man, pien lok magi lok ma genne dok me ada.” ⁶Ci owacca ni, “Donŋ otimme! An Alupa ki Omega, an acakki ki agikki. ŋat ma orwo neko, abimiyo mato pii me waŋ it me kwo labonoŋo wel mo. ⁷Meno aye mot ma ŋat ma oloyo binonoŋo, ki an abibedo Lubanaŋe, en bene bibedo latinna. ⁸Ento jo ma lwor, ma pe gin lugen, lutim tim mogo me kwer, lunek dano, lutim abor, lutim tim jokjok, luwor cal jogi, ki jo ducu ma gin lugoba, gibinonoŋo mot ma gipoko botgi i nam ma tye ka lyel mac ki gwen calfa; meno aye to me aryo.” ⁹Ci malaika acel ki i kin lumalaika abiro ma ononoŋo gitye ki atabo abiro ma gemo abiro me agikki tye i igi ca, obino oloko bota kun wacci, “Bin, anyutti Nyako ger, dako pa Latin romo.” ¹⁰Cutcut otiŋa, otera woko wa i wi got mo madit mabor twatwal, kun ononoŋo Cwiny Maleŋ donŋ oyuto tamma woko, ka onyutta Jerucalem, gaŋ maleŋ, ma oa ki i polo bot Lubana bino piny. ¹¹Jerucalem ma ononoŋo tye ki deyo pa Lubana. Ononoŋo ryeny calo kidi me wel madit makato ducu, ma pe nen atata, calo jacipa, dok leŋ calo gwen ma mil amila. ¹²Celle ononoŋo dit ocudo malo likuŋ, doge ononoŋo tye apar wiye aryo. Lumalaika apar wiye aryo ononoŋo gitye i dogcel ducu, dok bene i dogcel ononoŋo gicoyo iye nyiŋ kaka apar wiye aryo pa jo Irael. ¹³Dogcel adek ononoŋo tye yo tuŋ wokceŋ, yo tuŋ acam dogcel adek, yo tuŋ acuc dogcel adek, ki yo tuŋ potoceŋ bene dogcel adek. ¹⁴Cel me gaŋ bene ononoŋo tye ki te gutine apar wiye aryo, ci i komgi ononoŋo tye iye nyiŋ lukwena apar wiye aryo pa Latin romo. ¹⁵ŋat ma oloko kweda-ni ononoŋo tye ki odoo lagada jabu me pimo gaŋ ki dogcel ki cel kikome. ¹⁶Gaŋ meno ononoŋo yam twoke tye aŋwen ma giromrom, borre rom ki lacce, ci opimo cel ki odoone, oromo mairo alip acel ki miya abic; borre ki lacce ki borre ma odok malo ducu gubedo rom. ¹⁷En bene dok opimo cel, ci oromo futi miya aryo ki apar wiye abicel ka gipimo ki bad dano, kit macalo lamalaika opimo kwede. ¹⁸Cel ononoŋo gigeri ki jacipa, ki gaŋ mere gigeri ki jabu keken, ma noŋo nen maleŋ calo kiyo. ¹⁹Te guti ducu me gaŋ ononoŋo gideyo woko ki litino kidi me wel mapatpat. Mukwoŋo obedo kidi ma gilwoŋo ni jacipa, me aryo capir, me adek agat, me aŋwen emeradi, ²⁰me abic onik, me abicel karnelian, me abiro kuricolit, me aboro berul, me abonoŋwen topaj, me apar kuricoparac, me apar wiye acel jacint, me apar wiye aryo ameticito. ²¹Gin me loro dogcel apar wiye aryo-ni ononoŋo obedo tiko matar me wel apar wiye aryo, gin me loro dogcel acel acel gitiyo ki kit tiko-nu acel keken; yo ducu ma i gaŋ gipeto ki jabu keken, ma nen leŋ calo kiyo. ²²Pe aneno ot mo me woro Lubana i gaŋ meno, pien ot me woro Lubana ki kunnu en aye Rwot Lubana Won Twer Ducu kikome, ki Latin romo. ²³Ceŋ nyo dwe pe bimitte i gaŋ meno me ryeny iye, pien deyo pa Lubana aye leŋo ma tye kunnu, ki tarane en aye Latin romo. ²⁴Leŋo ma tye iye bimiyo rok ducu giwoto maber; ki luker ducu ma i wi lobo gibikelo deyogi iye. ²⁵Pe gibiloro dogcelle i dyeceŋ, ki dyewor bene bibedo pe kunnu. ²⁶Gibitero iye deyo ki lonyo pa rok ducu. ²⁷Ento gin mo ma kome keni pe bidonyo iye, kadi ki ŋat mo ma timo gin me kwer, nyo gin me goba, ento kono jo ma nyingi donŋ gicoyo woko i buk me kwo-ni keken.

¹Lamalaika dok onyutta kulu me pii me kwo, ma mil amila lamakmak calo gwenj ma mil, ma onono mol kun a ki i komker pa Lubanja ki pa Latin romo, ²onono mol lubo dye yo me ganj meno. Dok bene i dog kulu ryoryo onono yat me kwo tye iye, ma tye ki nyige mapatpat ma romo apar wiye aryo, onono bene nyak dwe ki dwe. Pot yat meno onono obedo yat me cano two pa jo me rok ducu. ³Gin ma giceno pe dok binen kunnu, ento komker pa Lubanja ki pa Latin romo aye bibedo iye, ki luticce gibiwore. ⁴Gibineno wane, ki nyine bene bibedo i tur nyimngi. ⁵Dyewor donj pe bibedo tye matwal; pe dok gibimito mac ma caro piny, nyo cenj, pien Rwot Lubanja bibedo cenji, ci gin gibibedo ka loc nakanaka. ⁶Ka dok owacca ni, "Lok magi lok ma genne, dok me ada. Rwot ma en Lubanja ma loyo cwiny lutit lokke donj ocwalo lamalaikane me nyuto bot luticce gin ma bitimme i kare macokcok-ki. ⁷Nen, donj acok bino." Tye ki gum dano ma lubo lok ma gitito i buk man. ⁸An aye Jon, nat ma yam owinyo lok man dok onono gin magi ducu. I kare ma awinyo lok man dok ma anenogi, cutcut aryebbe woko piny ka tyen lamalaika ma onyutta gin magi ka amiye woro; ⁹ento en owacca ni, "Pe myero itim kit meno! An latic wadiwu, arom ki utmegini ma gin lutit lok pa Lubanja, ki jo ma gilubo lok ma gicoyo i buk man. Wor Lubanja." ¹⁰Ka dok owacca ni, "Pe imwon lok magi ma gitito i buk-ki woko, pien kare donj cok. ¹¹Wek lutim maraco konj gumedde ki timo gin marac jo ma cilo me bal obwoyogi gumedde ki bedo ki bal, ki jo ma kitgi atir myero gumedde ki timo gin ma tye atir, ki jo malenj bene myero pud gumedde ki bedo lenj." ¹²"Nen, donj acok bino, kun akelo motta me pwoc, me culo dano acel acel muporo tic ma en otiyo. ¹³An Alupa ki Omega, mukwono ki me agikki, acakki ki agikki." ¹⁴Jo ma lwoko ginarukagi wek gibed ki twero me camo nyig yat me kwo, ki me donyo i ganj ma nono giwok ki i dogcel, jo-nu aye tye ki gum. ¹⁵I ne ganj woko tye iye jo ma timo tim calo gin gwogi, lutim tim jokjok, lutim abor, lunek dano, ki luwor cal jogi, ki jo ducu ma maro loko goba, kun gitiyo bene gin me gobagoba. ¹⁶"An Yecu donj acwalo lamalaikana me tito lok me caden botwu pi lwak jo muye an ducu ma gitye i kabedo ducu. An a lwit yat dok bene lakwar Daudi, an latwok ma ryeny twatwal-li." ¹⁷Cwiny Malenj kacel ki nyako ger gitye ka wacci, "Bin!" nat ma owinyo lok man bene myero ogam ni, "Bin!" nat ma orwo neko myero obin, wek nat ma mito bene omat pii me kwo labono wel. ¹⁸Donj aciko jo ducu ma guwinyo lok ma gitito i buk man, ni, ka ce dano mo dok omedo lok mo iye, Lubanja bene bimeddo gemo ma gitito pire i buk kany-nyi i kome. ¹⁹Dok bene ka ce nat mo okwanyo lok mo woko ki i kom lok ma gitito i buk kany, Lubanja bene bikwanyo twerone me camo yat me kwo ki donyo i ganj malenj woko, ma gicoyo pigi i buk kany-nyi. ²⁰nat ma miyo caden i kom lok magi bene owacci, "Adada, binona donj cok." Amen. Rwot Yecu, bin! ²¹Kica pa Rwot Yecu obed ki jo pa Lubanja ducu. Amen.